

IOH. ALPH. BORELLI
ATRIUM
PHYSICO-MATHEMATICUM
APER TUM
AD
EDIFICIUM EIUS MAGNIFICUM
DE MOTV ANIMALIUM
LUGD. BATAV.
AD PETRUM VANDER AA
MDCLXXXVI.

*De vipercussionis, et motionibus
naturalibus a gravitate pendentibus*

Joh. Alph Borelli, Giovanni Alfonso Borelli, J. de Broen

Math. 701

N. 3.

Math. 701



UNIVERSITEITSBIBLIOTHEEK GENT





JOH. ALPHONSUS BORELLUS

Neapolit. Mathes. Professor

D E

VI PERCUSSIONIS,

E T

MOTIONIBUS NATURALIBUS
A GRAVITATE PENDENTIBUS,

S I V E

Introductiones & Illustrationes Physico-Mathematicæ apprimè necessariae
ad opus ejus intelligendum

D E

MOTU ANIMALIUM

Unà cum ejusdem Auctoris Responsionibus in animadversiones Illustrissimi
Doctissimique Viri D. Stephani de Angelis ad Librum de Vi Percussionis.

EDITIO PRIMA BELGICA.

*Priori Italica multò Correctior & auctior, cui etiam locò figurarum lignearum prioris
Editionis, substituta sunt nitidissima aenea nec non triplices Indices locupletissimi.*

Accurante J. BROEN. M. D. Leydensi.



LUGDUNI BATAVORUM,

Apud PETRUM VANDER Aa, MDC LXXXVII

CLARISSIMO CELEBERRIMOQUE

V I R O

D. D. JOHANNI
NICOLAO PECHLINO;

PHIL: ET MED: DOCT: HUIUSQUE

IN ACADEMIA KILONIENSI PRO-

FESSORI ORDINARIO,

DIGNISSIMO.

N E C N O N

SERENISSIMI CIMBRIÆ PRINCIPIS REGII

ARCHIATRO, CONSILIARIO,

Ec: Ec: Ec:

Fratri mihi ex Affinitate conjuncto plurimum venerando.

Vir Celeberrime.

Dum mecum accuratius paulò perpenderem,
Doctorum libris, id vulgò, præter eorum
nativam (ut ita loquar) gloriam, superaddi

* 3

etiam

D E D I C A T I O.

etiam honoris & ornamenti , quod in frontispiciis suis-
 gerant *dedicationes*, *aliorum* *Celebrium* *Virorum* *Nomi-*
nibus, vel *submissè* (tanquam ad Patrocinium sup-
 plicandum) consecratas , vel *amicè* (tanquam ad ob-
 servantiam & affectum testandum) oblatas ; certè
 invincibilibus illicò rationibus adducebar , ut **TIBI**,
Vir Celeberrime (qui *rariorum* tuarum virtutum : tam
 scilicet ratione eximie *eloquentie* & *modestie*, quàm
 singularis *Doctrinae* & *Experientie* : ergò , à *Terrarum*
Principum uno, dignissimus non solùm existimatus es,
 ut *Medicæ Scientiæ* propagandæ dilucidandæque gratiâ,
 ex *natali solo* vocareris ad *Exteros*, sed etiam, ut si-
 mul **TIBI** concrederentur *Principum* & *sanitas* &
secreta) **TIBI**, inquam , ego submissè pariter ac
 amicè hic consecratum venirem Incomparabilis *Jo-*
hannis Alphonfi Borelli Neapolitani Atrium Physico-Ma-
thematicum : Atrium dico , utpote per quod , cuivis
Curioso intrare necessarium existimo , antequàm splen-

didum

D E D I C A T I O .

didum illud *Motus Animalium Ædificium* perfecte perspicere potis sit. De Auctoris hujus (*maturè nimis, cheu! ex orbe abrepti*) *præstantiâ*, non est quod ego hic multa enunciem TIBI, cui ea infinitè clarius perspecta est quàm *mihi*; sufficit ipsius scripta ab omnibus *seculi hujus* Doctis, propter multigenam solidissimamque, quam continent, scientiam, *summè existimari, saltémque* non ut *Idola* adorari. Paucis itaque, sine prolixis verborum involucris, *Vir Excellentissime*, precor, *primò*, ut munusculum hoc *librarium* sereno animi vultu à me accipias, locumque ei quendam in *electissima Bibliotheca* tuâ, tanquàm in *perpetuum* quoddam honoris istius, & observantiæ, quam tibi *totò pectore* debeo, *Τεμπνερων*, concedere digneris; *secundò*, ut *dùm* tantò fruitur *Liber* hicce honore, patiaris insuper quòd *Ego met ipse ex affectus* tui theca non excludar: non equidem mihi *hactenùs* ulla, præter hanc, alia occasio occurrit, quâ *debitam*

meam

DEDICATIO.

*meam in Te observantiam , propter magna tua in Me
collata beneficia (& praesertim , eò ab usque tempore
quò , dirigente sic DEO OPT: MAX: , Honorificæ
tuæ Familiæ factus sum per affinitatem membrum) pos-
sem testificari , sed tamen vetus est Adagium , Pre-
stat serò quàm nunquàm : Intercà noli dubitare , quod
mihi nihil sit in votis magis , quàm ut TIBI , quibus-
cunque in occasionibus fidelitèr inservire valeam. His-
ce , Vir Excellentissime , cum tota tua Familia bene
Vale , & ut cæpisti , ita amare perge*

Observantissimum Tuum & officiosissimum.

Dabam LUGD: BATAV:
CALEND: FEBR: MDC LXXXVI.

PETRUM VANDER Aa.

JOHANNES BROEN,

MEDICINÆ DOCTOR LEYDENSIS

ERUDITO LECTORI, S. D. P.



Visitur hic TIBI, Benevole & Erudite Lector, JOHANNIS ALPHONSI BORELLI NEAPOLITANI, ATRIUM PHYSICO-MATHEMATICUM, apertum ad EDIFICIUM EJUS MAGNIFICUM DE MOTIBUS ANIMALIUM, Belgicis demum Typis nitidioribus & accuratioribus ornatum. Primò forsan aspectu miraberis, undè novus ille Libro huic incescit Titulus, cujus nè vestigium quidem in ullis Auditoris scriptis potest reperiri; sed Tibi breviter, quod res est, dicam. Antequam Præclarus Auctor noster, Systema suum ultimum de Motu Animalium (Opus, mehercle, rarissimæ Eruditionis fulgore latissimè coruscans) Literario orbi communicabat, duos ille præmiserat alios, quorum Primus fuit DE VI PERCUSSIONIS, Alter DE MOTIONIBUS NATURALIBUS A GRAVITATE PENDENTIBUS; uterque eâ animi intentione ab ipso in Italia conscriptus ut prædicti illius systematis (quemadmodum Ipsemet plurimis in locis aperte fateatur) firma primò jaceret & immobilia fundamenta; sic

Structa super lapidem quî domus ista ruet?

Verùm quoniam Librorum illorum Exemplaria ita erant à Curiosis undique distracta ut non nisi immensò vixque credibili acquirerentur pretiò, ecce eorum novam meditatur Leydenfis Bibliopola editionem, quæ ut nitidior foret & accuratior, cum meum Ille impleretur Auxilium, Ego ipsi ea in re ullatenus nolui deficere: Primò itaque cum ipsos (ut oportebat) conjunctos & generali quodam Titulo insuper ornatos ille desideraret, novum Ego aliquem, ut vides, facile ipsi communicavi, à Reipsa futurum eundem adeo alienum non existimans, velut id ex Dedicacione Celeberrimo JOH. NIC. PECHLINO oblata, clarè satis attendenti potest elucescere; Secundò locò innuendum mihi occurrit, quòd in gratiam eorum quibus forte Lingua Italica vellest obscura vel planè ignota, Responsiones Actoris, Libro de Vi Percussionis adjunctas, summâ cum fidelitate commutaverim in Latinas. Tertiò, Tibi, Lector Benevole indicandum restat, quòd vices lignearum illarum figurarum, quibus ornata erat Editio Italica Libri de Motionibus Naturalibus &c: nitidiores in hac Editione Belgica suppleant æneæ; ut jam triplicem illum taceam Indicem, quo idem ille Liber jam est adauctus, nec non magnam illam curam quæ in Typis ipsis revidendis & corrigendû simul est impensa; hocque tantò lubentius, quanto id infinitè merebatur Præclari Actoris vix imitabilis Virtus, cui idcirco debite enarrandæ & extendendæ, neutiquàm sufficit inarticulata mea tenuis ingenii lingua; Vividius certè & elegantius hoc præstiterunt Viri plurimi alii profundissimâ Eruditione conspicui: Illustrissimus scilicet CAROLUS JO: A JESU in Præfatione sua ebuccinat; jam quòd BORELLI PRÆCLARISSIMA VIRTUS TOTO EUM ORBE CLARUM fecerit, jam cum vocat MODESTIÆ, SOBRIETATIS ET ÆQUANIMITATIS EXEMPLUM &c. Subtilissimus DONATUS ROSSETTUS summa

P R Æ F A T I O.

ma cum admiratione jam exclamat **CELEBERRIMUM ET UNIVERSALISSIMUM BORELLUM**, jam **FELICEM SEIPSUM** deprædicit quod Celeberrimi **BORELLI** gratiæ factus sit Particeps, &c. Excellentissimus etiam Famigeratissimisque **STURMIUS** Borellum Eundem in Ephemeridibus Naturæ Curiosiorum summo non solum extollit honore, sed Propositiones insuper ejus aliquas obscuriores modestè dilucidat &c: imò Ipsemet Auctoris Antagonista, **D. STEPHANUS DE ANGELIS**, Illustrissimum & Excellentissimum exclamat **BORELLUM**; & quid huc amplius offerre necessum habeo, conclusio cum maneat inconcussa, **BORELLUM SUBLIMI FERIRE SIDERA VERTICE**? Unum solummodo aut alterum verbum addam, quâ occasione Auctor noster Responsiones supranominatas conscripsit & in lucem edidit: Erat Dominus **STEPHANUS DE ANGELIS** Mathematicos in Patavina Academia Professor Celeberrimus, qui Anno 1667. in lucem emisit, Prime considerationi sopra la forza d'alcune ragioni Fifiche Mathematiche addotte dal M. R. P. Gio: Battista Riccioli della Compagnia di Giesù, nel suo *Almagesto nuovo, ed Astronomia Riformata*, contro il sistema Copernicano: Espresse in due Dialogi; deinde Anno 1668, Seconde considerationi sopra la forza dell'Argomento Fifico-Matematico del M. R. P. Battista Riccioli della Compagnia di Giesù, contro il Moto diurno della Terra, Spiegato dal Signore Michiel Manfredi nelle sue risposte e Riffissioni sopra le prime Considerazioni di F. Stefano degli Angeli Venetiano, Matematico nello studio di Padova, espresse da questi in due altri Dialogi, terzo e quarto, nec non eodem anno, Terze considerationi sopra una Lettera del Molt. Ill. ed Ecc. Sig: Gio: Alfonso Borelli, Messinese, Matematico nello studio di Pisa, scritta da questi in Replica d'alcune Dottrine incidentemente tocche da Frà Stefano de gli Angeli &c: espresse da questo in un dialogo, quinto in Ordine; Denique Anno 1669: Quarte considerationi sopra la confirmatione di una sentenza del Sig: Gio: Alfonso Borelli Messinese, Matematico nello studio di Pisa. Prodotta da Diego Zerilli, contro le terze considerationi di Stefano de gl' Angeli &c: e sopra l'apologia del M. R. P. Gio: Battista Riccioli, à favore di un suo argomento detto Fifico Matematico, contro il Sistema Copernicano, in due Dialogi vj. e vij. cum itaque ille in recensitis his dialogis Dominus Stephanus de Angelis controversias quasdam moveat Mathematicas contra Borelli Librum de Vi Percussionis, Auctor hic noster non deberet non hic iis æquivalentes opponere responsiones, quas libro suo jam nominato modestè adjunxit; Quibus sic in transitu, Tibi, Benevole & Curiose Lector, inculcat, Benè te valere, mihi que faveri precor.

JOH. ALPHONSUS BORELLUS

Neapolit. Mathes. Professor

D E

VI PERCUSSIONIS,

Unà cum ejusdem Auctoris Responſionibus in animadverſiones Illuſtriſſimi Doctiſſimique Viri D. *Stephani de Angelis* ad Librum de Vi Percuſſionis.



LUGDUNI BATAVORUM,
Apud PETRUM VANDER Aa;

M D C L X X V I.

AUCTORIS PROOEMIUM.

Non exiguam esse vim, & energiam percussionis, sed ingentis potentiae aliqua ex parte mechanici seniores comprehenderunt, ut ex iis, quae Aristoteles posteritati reliquit conjicere licet, is enim in mechanicis pro sua sagacitate motum esse causam energiae percussionis animadvertit, & eo magis vim percussionis augeri, quod percutientis velocitas crescit, non tamen percussionis naturam intimè percepit, atque affectus est; ait enim motum augere, & addere pondus corporibus gravibus, & impetum esse gravitatem quandam fluentem; & quia actio gravitatis est compressio quaedam, & impulsio, putavit vehementissimam illam compressionem, quam in percussione observamus, ab eadem virtute gravitatis aucta, & multiplicata à motu, & impetu provenire; hujus sententiae falsitatem satis perspicue suò locò declaravimus. Id ipsum problema, licet post Aristotelem à multis tentatum fuerit, nemo tamen ipsum absolvit ejusque recessus penetravit, ex quo proinde conjicere licet, quàm difficile & quantis tenebris sit obvolturn.

Postea præclarus Galilæus in opusculo mechanico editò ejus juvenili ætate causam energiae percussionis satis plausibilem attulit desumptam ex vulgatissimo principio, & pronunciato illo mechanico, quod momentum potentiae tunc æquatur, momento resistentiae cum reciprocè eorum velocitates proportionales fuerint potentiis, scilicet resistentiam cujuslibet vasti corporis superari, & elevari ab ictu corporis minoris, quia ei communicatur velocitas, quae ad percutientis velocitatem eandem proportionem habet, quam potentia percutientis ad resistentiam corporis percussu, at postmodum perspicacissimus ille vir insufficientiam juvenilis ejus ratiocinii optime percepit; nam verum est in trutina aut consimili mechanico instrumento, quod inæqualia pondera possunt proportionalitèr suis velocitatibus contrariò ordine respondere, defectus ponderis ab excessu velocitatis compensari, & tunc eorum momenta æquantur, sed negotium percussionis longè diversâ ratione procedit; nam primò ignoramus, quidnam sit, & in quo consistat potentia percutientis & resistentia percussu corporis; quia ex Galilæi ratiocinio concedendum est potentiam percussivam longè diversam esse à motu, velocitate, aut impetu, quo corpora se percutientia agitantur; si enim eadem res esset potentia percussiva, & velocitas ejus, haberet:

AUCTORIS PROOEMIUM.

haberet potentia percutientis ad resistantiam percussu corporis eandem proportionem, quam habet velocitas percutientis ad velocitatem corporis percussu, quod est contra ejus hypothesim; habent enim proportionem reciprocam, scilicet si potentia percutientis esset unius gradus, & resistantia percussu corporis graduum 100, poni debet velocitas percutientis centupla velocitatis corporis percussu, ad hoc, ut reciproca proportio verificetur; cum tamen subcentupla esse deberet velocitate resistantiæ: si eadem res esset potentia percussiva unius gradus, & velocitas ejus, si ergo potentia percussiva totò cælo differt à motu, & impetu, quidnam quæso aliud erit, forsan vis, & energia ponderis? at hinc sequitur corpora, quæ gravitate privantur, aut eam non exercent, dum impellunt aliud corpus resistens nullam potentiam percussivam habere, & ideo hujusmodi potentia nihili quantumvis multiplicata per motus accelerationem nunquam quanta efficeretur, neque nihilum superare posset: sed in percussione transversali vel fursùm facta perpendicularitèr ad horizontem malleus gravitate non agit, propterea quod nilus gravitatis efficitur tendendo deorsùm, nec vim ullam exercere potest, dum fursùm promovetur, ergo nullam potentiam percussivam habebit, & propterea non impelleret, neque percuteret corpora obstantia fursùm posita, quod repugnat sensus evidentia. Si igitur potentia percussiva non est facultas motus, nec vis ponderis, reliquum est, ut sit moles corporea, quod, licet videatur incredibile, vel saltem sit ignotum, ostendetur tamen in progressu hujus operis in percussione, moles corporeas suis velocitatibus reciprocè non respondere nam malleus, licet vehementissimè moveatur, antequàm percussione inferat, & antequàm ad contactum percussu corporis perducatur, & resistantiam quiescentis corporis superet, tamen in actu percussione non potest malleus pristinam velocitatem retinere, cogitur enim moveri eadem velocitate simul cum corpore percusso, quandoquidem concipi nequeunt duo corpora se tangentia & simul agitata, quorum subsequens & propellens celerius moveatur, quàm antecedens impulsus, itaque aut comparatur velocitas mallei, antequàm percussione inferat cum velocitate acquisita à corpore percusso, & tunc illa ad hanc velocitatem majorem proportionem habebit, quàm moles percussu corporis ad molem percutientis habent enim eandem proportionem, quàm summa corporum percussu, & percutientis ad corpus percutiens, ut suo locò demonstrabitur; aut comparantur percutiens, & percussus quando unà & eadem velocitate in actu percussione feruntur, & patet, quod velocitates non habebunt eandem

AUCTORIS PROOEMIUM.

eandem proportionem reciprocā, quam habet potentia percutientis ad resistentiam corporis percussi potest enim potentia percutientis esse major aut minor resistentia corporis percussi, cum tamen semper eorum velocitates sint inter se æquales.

Ab hisce difficultatibus excitatus, ut conjicio, excogitavit, effecitque Galilæus duo præclara illa experimenta relata à Merislenno reflexionum physico-mathematicarum cap. 23. quæ ei communicavit vir clarissimus, doctissimusque Michaël Angelus Riccius, sic habent.

In medio chordæ arcus annexo fune cubitali, cujus infimo termino pila plumbea 2. unciarum pendebat, & hanc demisit à summitate arcus, notavitque flexionem ejus & tractionem chordæ; deindè decem libras collocavit in medio chordæ ejusdem arcus, quo detineretur chorda in eodem statu flexionis, cum postea robustiorem arcum sumpsisset cujus chorda eodem pondere cadente ad minus spatium adduceretur, expertus est non posse detineri chordam à 10. libris in eo loco, adquem vi 2. unciarum cadentium fuerat adductus, sed 20. libras requiri; undè concludebat, arcum adeò posse robustum fieri, ut nè quidem 100. libræ possint illum in eo situ retinere, ad quem à 2. unciis ut antea cadentibus adductus fuit. quapropter vim percussionis aliquā ratione infinitam esse. Aliam observationem affert de globo plumbeo, quem attenuet malleus cadens ex unius exempli causa brachii altitudine, quam attenuationem, licet primà vice 10. libræ globum æqualem prementes efficiant, si tamen ictu repetitò malleus suum globum plumbeum jam depresso ex eadem altitudine percutiat, novam depressionem faciet, quam non possint aliæ 10. libræ hoc est 20. libræ efficere, quod si rursus idem urgeas, tandem vis percussionis infinita concludetur.

Hæc eadem experimenta Galilæus ipse sæpius amicis communicasse, atque indè deduxisse vim percussionis infinitam esse Raphael Magiottus, Bonaventura Cavalerius, Farnianus Michelinus, & alii Galilæi intimi amici multoties testati sunt, præterea in fine quarti dialogi de motu projectorum Galilæi innuit theoriam energię percussionis perobscuram esse nec aliquem eorum qui de hoc subjecto tractarunt penetrasse ejus recessus tenebris obvolutos, & omninò remotos à primis humanis imaginationibus, & inter alias conclusiones unam incompertam profert; scilicet quòd vis percussionis sit interminata, ni velimus infinitam appellare, & demùm hujus argumenti dissertationem alio opportuniori tempore differre se velle.

Gum:

AUCTORIS PROOEMIUM.

Cùm autem hoc Galilæus postremis suæ vitæ annis scripsisset, sperabatur post ejus mortem in armario secretiori inter alia scripta hanc dissertationem calamo exaratam saltem non omninò completam reperiri debere, sed non sine amicorum tristitia, nec inter schedulas reperta est pagella, quæ hoc titulo insigniretur, ut Galilæi hæredes mihi retulerunt; id ipsum testatus est clarissimus Torricellius, qui, ut audio, conatus est vestigia aliqua hujus cognitionis inquirere in suis lectionibus calamo exaratis de infinita Vi Percussionis, quas nunquam videre mihi licuit; sed nemo dubitat, Torricellium candidè pronuciâsse, non demonstrâsse, sed tantummodò conjecturas collegisse, quibus verisimilis, & probabilis infinita vis percussionis redderetur; & profectò cum Torricellio vivente, & post ejus mortem Florentiæ de hac re altum silentium, & cum ii, qui ejus lectionibus interfuerunt hanc scientiam unà cum Galilæo defunctam fuisse perpetuò questi sint; satis evincitur, Torricellium non demonstrâsse propositionem tamdiu desideratam, & arcanam.

Igitur postquam conceptâ spe me frustratum viderem sæpius Galilæi verba mente revolvendo, cùm suaderi non possem, virum illum hallucinatum fuisse, reducebar multoties ad eandem contemplationem, si forte naturam energię percussionis attingere possem. At tandem post diuturnas mentis agitationes Dei beneficio hanc physicæ & mathematicæ partem ex integro propriò Marte me reperisse putò, & veram & intimam naturam energię percussionis, ejusque causas, proprietates, & effectus in hoc libro luculentè demonstrasse mihi videor, quæ saltem ob novitatem, & materiæ præstantam non injucunda fore censeo. His fructibus lector, dum editioni reliquorum librorum ad motus animalium pertinentium incumbit, Vale.

I

DE VI PERCUSSIONIS

JO: ALPHONSI BORELLI.

De Motus Natura in genere.

CAPUT I.



cturus de vi, & energiâ percussio-
nis operæ præ-
tium duco prius aliqua de motu in genere, ma-
jori quâ potero brevitate, & perspicuitate, ex-
planare, ut quid motus sit, quæ ejus causæ,
atque principia, qui ejus effectus, quomodo
producatur, vel destruat, & alia hujus ge-
neris.

Et primò quoad motus definitionem, notum est, ut alibi expo-
suimus, definitionem esse notionem, seu ideam, quæ mediante na-
turam rei definitæ clarè percipimus, & per quam eam distingui-
mus, & segregamus à qualibet alia; hoc autem consequimur, si seliga-
mus proprietatem atque affectionem illius subjecti, quæ notissima
est omnium, quæ eidem competunt; cumque passio evidentissima,
quam habent corpora, quæ motu locali agitantur, atque feruntur,
& qua carent corpora omnia quiescentia, & immobilia, nil aliud
sit, quam transitus, seu migratio ab uno ad alium locum. Erit
igitur motus localis transitus successivus ab uno ad alium locum in
aliquo determinato tempore excurrendo successivis contactibus
partes omnes loci, seu spatii transacti sese consequentes. Motus
ergo (res quippe evidentissima) ambagibus, & prolixiori expositione
non eget, videturque modus corporum in quibus existit vel opera-
tur, reduciturque ad genus quantitatis continuæ, non quidem per-
manentis, sed successivæ, quia nimirum motus tantam connec-
tionem

Motus
definitio.

Motus
de genere
quantita-
tis conti-
nuæ suc-
cessivæ
est.

A

xionem

xionem habet cum tempore in quo transigitur, ut de ipso motu nil aliud actu existat, quam indivisibile momentum in instanti temporis præsentis actu vigentis, & operantis; sicuti enim temporis præteritæ partes non existunt, neque futuræ, sic quoque migrationis, seu transitus localis, quæ operatio quædam est, præteritæ partes, scilicet agitationes transactæ, seu futuræ non existunt, nisi fortè quis velit spatium peractum in excursionem prædicti motus pro existentia ipsius ponere, atque recognoscere, quod quidem æquum non est, operatio enim motus, quæ in spatio transacto insumpta est non existit tota simul, sed successivè juxta fluxum temporis spatii longitudinem excurrit, quapropter rationalibus spatium peractum comparari potest cum temporis quantitate, quæ successivè ab ejus fluxu mensuratur.

Quod vero motus de genere quantitatis sit, constat ex præcipua passione quantitatis, quæcumque enim suscipiunt magis, & minus, scilicet augeri in infinitum pariterque ad libitum diminui possunt, quanta omninò sunt, sed juxta partitionem, vel augmentum temporis, in quo motus efficitur, subdividitur quoque, vel crescit migratio, vel transitus successivus; igitur de genere quantitatis fluentis erit.

Sed licet motus sine temporis fluxu intelligi non possit, & inter se sint ità colligati, ut unus sine altero existere nequeat, non desunt tamen aliquæ diversitates; quibus discriminantur; tempus enim semper ejusdem speciei est, scilicet non datur tempus quod ab alio tempore differat celeritate, vel tarditate, solummodo enim minuitur, vel augetur per sui extensionem, sicuti simplex longitudo lineæ rectæ non differt ab alia recta lineæ specie, sed mensura tantummodo, veruntamen in motu datur magis, & minus, nedum extensivè, ut loquuntur, sed intensivè, scilicet eodem tempore fieri possunt duo transitus, seu motus inæquales inter se, quatenus in uno eorum majus spatium, quam in altero transigitur, & tunc primus motus velox appellabitur, secundus vero tardus; & hic patet quod motus velox revera major est motu tardo, non extensiva quantitate, sed intensivo robore, & energia, ut ita loquar.

Vis celeritatis dicitur impletus.

Igitur in ipso motu prout ejus intensio consideratur, concipi debet vis illa, & energia celeritatis, qua corpus movetur, quæ in
summa

Summa nil aliud est quam mensura vel gradus velocitatis ejus, atque hujusmodi vis nuncupari solet impetus.

Animadvertendum tamen est, quod transitus motus localis duplex esse potest, nempe aut totius corporis, aut partis ejus; transitus seu motus totius corporis tum profectio fit, cum nulla ejusdem corporis pars assignari potest, quæ locum non mutet, si vero ejusdem corporis una parte quiescente circa ipsam reliquæ revolvantur veluti circa centrum fixum, appellabitur hujusmodi motus partialis.

Insuper transitus motus localis aut fit ab uno ad alium locum spatii mundani, aut in spatio relativo alicujus continentis vasis, ille appellabitur motus realis, & physicus, hic vero vocabitur motus relativus, licet multoties situm non mutet in loco, vel spatio universi, sive enim nautam à prora ad puppim navis ambulare, & interea navim totam à fluminis cursu æquali velocitate contrario motu ferri, constat nautam duobus motibus contrariis agitatum inter se æqualibus, proprio nempe, & ipsius navis semper in eodem situ spatii mundani consistere, tunc quidem negari non potest verè moveri, licet ab uno ad alium locum universi non transferatur, habet enim transitum, velocitatem, & impetum respectu navis, non secùs ac motus in spatio mundano factus habet, igitur ejus migratio motus dici debet, sed relativus tamen respectu scilicet ipsius navis, & aëris in ea contenti; accidit postea, ut contrario motu adveniente, locum & situm in mundano spatio non permutet; non repugnat igitur, ut motus fiant absque migratione locali in spatio mundano dummodo transitum, & motionem retineant respectivam; nihilominus negari non potest in utroque motuum contrariorum, veram & realem migrationem in spatio mundano effici, & hoc nomine veri, & physici motus cenferi possunt, licet postea ex contrariorum mixtione accidat, ut tantundem ratione hujus motus promoveatur in spatio mundano, ac regrediatur repellaturque à reliquo motu contrario, & sic tandem in eodem loco, & situ consistat.

Transitus in spatio mundano dicitur motus realis, & physicus, at si fiat intra vas aliquod transitum, vocatur motus relativus.

De causis, & principiis motus.

CAPUT II.

Mirum profecto est rei evidentissimæ; & nostris sensibus semper expositæ, veluti motus est, tam reconditam, & ignotam esse causam ejus efficientem, primò enim ignoratur an principium motus effectivum quid corporeum sit vel prorsus incorporeum; pariterque disceptatur, an primum movens physicum omninò immotum, & quiescens esse debeat, vel potius mediante propria agitatione motum in reliquis corporibus creet. Tandem summâ contentione controvertitur, an aliqua corpora moveri possint à seipsis, vel potius quidquid movetur, à distincto separatoque motore propelli debeat: & profecto ut à postremo exordiamur, evidentissimum est aliqua corpora à distincto, & externo motore impelli, sic ea omnia quæ veluntur, percutiuntur, aut projiciuntur manifestissimè ab externo impulsore promoventur: sed an reliqua omnia, quæ in mundo moventur, pariter ab extrinseco principio, & causâ propellantur, hoc profecto impossibile, & incredibile videtur, quandoquidem corpora gravia, & animalia per se videntur moveri, scilicet à causâ, & principio intrinseco, & licet non desint qui ab externo generante moveri dicant, manifesta est hujus effugii insufficiencia, quandoquidem generans dum non existit, & extinctum est nec actu contingit, & impellit grave, quis unquam capiet id ipsum physica actione grave propellere? dicere postea à generante relinqui genitam virtutem motivam in corpore gravi, cujus ope deinceps motum descensus operetur, idem est ac negare gravia ab externa causâ impelli, propterea quòd genita sive relicta vis motiva, quæ intrinsecè conjuncta est corpori ipsi gravi ea est proculdubio quæ grave immediatè impellit deorsum per se & physica actione; in animalibus postea patet primum movens esse aut spiritus, vel aliam vim animasticam, quæ interna causa est, non vero externa & separata, quæ seipsam, & organa animalis movet. Nec obstant ea quæ vulgò afferuntur, fore ut agens & patiens, ædificans & ædificatum, potentia & actus, non distinguantur, si idem esset movens & motum. Quibus omnibus ob-

jection-

Gravia
& anima-
lia per se,
& à se ip-
sis mo-
ventur.

jectionibus responderi potest cum Aristotele relinquere sensum quo constat gravia, & animalia per se moveri, & hujus rei rationem querere infirmæ mentis esse, nihilominus adductæ rationes facile dissolvi posse videntur, nam agens, & patiens ædificans, & ædificatum verè distinguuntur in opificiis aliquibus artis, & in aliquibus motionibus, ut sunt projectiones, & percussiones; at in operibus naturæ ut plurimum non distinguitur agens, & patiens, eadem enim substantia animastica veluti ædificat, augeat & movet animalis substantiam, eademque substantia corporis gravis migrat, & descendit à se ipsa impulsâ; estque simul in actu, & potentia dum operatur, & tantummodo respectu, & ratione non substantia distinguitur agens, & patiens. Immo ut origo hujus deceptionis detegatur, animadvertendum est insufficientiam vocum errandi ansam dedisse, ut doctissimus Gassendus adnotavit, dicimus enim movere, quæ est actio agentis, & moveri, quæ passionem indicat, nulla verò vox neutrius generis in motione reperitur, quæ operationem tantummodo actionem passionemque subindiceret, & siquidem usus vulgi, cujus est vis, & norma loquendi leges Philosophis præscribere deberet, profecto quicquid moveretur, ut passionem sonat, à movente ut à causa activa moveri deberet. Sed aliunde notum est è contra philosophos veritati, & naturæ legibus obtemperantes, vulgum & usum loquendi corrigere, novas voces introducere, & in summa omnino contemnere vulgares loquendi modos. Veruntamen his non obstantibus adsunt quamplures voces, quæ actionem simul, & passionem subindignant, scilicet motum à se ipso factum, ut est operatio, cursus, ascensus, descensus, & quamplurima hujus generis, in quibus omnibus subindignantur operationes à seipsis editæ. Neque postmodum in operationibus artificialibus semper distinguitur agens à passo, ut faber & domus, sed hæc simul in eodem subjecto existunt, ut sunt chori, exercitus, & authoma; in his enim iidem homines sunt quidem materia exercitus, & chori, pariterque sunt agentes operantes, scilicet iidem homines sunt qui militant, & in choro saltant & canunt, pariterque in horologio eadem machina materia est & simul movens principium quò horæ distinguuntur, reliquæque artificiosæ motiones subsequentes promoventur, & in hisce omnibus, vel saltem in primis moventibus, scilicet in spiritibus animasticis, & in

Fallacia
peripatetici
rationem
distinguitur.

A. 3.

machina.

machina ratione tantum non substantia distinguitur agens à patiente, atque eadem substantia simul in potentia, & actu in hisce motionibus est; quapropter falsum est omnia quæ moventur in natura, à distincto, & separato motore impelli.

Causa
physica efficiens
motum in
corporibus naturalibus
corporea esse debet.

Quoad alteram partem an principium, & causa immediata physica, & naturalis motus sit prorsus incorporea omni magnitudine, & extensione carens videtur prorsus impossibile, si enim motio actio est, ea verò fieri non potest absque physico contactu, videtur prorsus incomprehensibile, ut id quod omnino indivisibile est, & non quantum se applicare possit atque contingere, comprehendere, atque impellere corpus quantum, quod movendum est; hinc deducitur movens physicum, quod actionem physicam immediatam & realem exercere debet in corpus extensionem habens, non posse carere dimensionibus, ac proinde esse quid corporeum ut nimirum immediate tangendo physicâ actione corpora promoveat.

Idem
principium motum physicum efficiens
motu quoque affici debet.

Postremò locò dubitatur, an causa, & principium movens debeat quoque motu affici, an verò omnino quiescere; notum est apud Platonem impossibile hoc videri nedum incomprehensibile, quandoquidem si duo corpora movens, & id quod moveri debet, sese mutuo contingant, atque movens omnino quiescat, nemo quidem capiet ab eo reliquum impelli nisi movens nisi quodam sese agitando reliquum è suo loco dimoveat, ac proinde virtus illa motiva in quiete constituta esset veluti dormiens, aut mortua, nec aliquando motum in reliquum corpus imprimere posset, & profecto nulla actio naturalis, & physica concipi potest absque motu locali, nisi quis velit moralem motionem (veluti illa est, quæ ab Aristotele motoribus cælorum tribuitur, quæ movent ut expectitum, & amatum) quæ sanè physicam actionem, & motionem exercere non potest.

Projecta,

*Projecta, postquam ab impellente disjuncta sunt, non
promoveantur à medio fluido, in quo existunt.*

CAPUT III.

Cum sit evidentissimum, ut dictum est, corpora aliqua ab æterno separatoque motore moveri, quæri solet quidnam prædicta causa movens potissimum efficiat, seu quodnam opus in natura producat; & quia videmus corpora, quæ vehuntur, impelluntur, aut ictum patiuntur ab externo motore nedum motu agitari dum moventi ipsi corpori conjuncta sunt, à quo veluti manu ducuntur, sed etiam postquam movens externum recesserit, corpora ipsa mota derelicta absque pædagogico motum prius inceptum exsequuntur, itaque videntur nedum instructionem, & disciplinam, sed etiam vim, & facultatem acquisivisse, ut deinceps motum peragere possint; & quia motus subsequens actio quoque est pendens ab alia causa non autem à nihilo, hinc insertur vulgò remanere in projecto, postquam ab impellente derelictum fuit, causam, & vim motivam à qua subsequens motus peragi, & continuari possit, cumque ponatur vis, & facultas motiva qualitas quædam, si hæc à projiciente impressa fuisset in corpus motum, tunc profecto motiva qualitas nempe accidens migraret è subjecto proprio in alienum, quod cum vulgò absurdum censeatur, commenti sunt novam causam impellentem, quæ nil aliud est quam medium ipsum fluidum, cujusmodi est aqua, aut aer, qui est motor substitutus à projiciente, quatenus apprehenso mobili illudque vehendo priorem motum continuat quousque extincta aeris motiva facultate tandem motus projecti extinguatur, & definat. & licet hujusmodi sententia validissimis rationibus ab aliis rejecta sit, & præcipuè à Galilæo, operæpretium duxi nihilominus novis à me excogitatis rationibus ejusdem sententiæ falsitatem evincere.

Duplici modo defendi solet peripateticum pronunciatum, alii enim censent, quod dum saxum verbi gratia à manu apprehensum impellitur, antequam manus ipsum derelinquat, propellat non minus ambientem aërem, quam saxum, cessante vero comitatu manus ejusque, propulsione saxum derelictum nullam vim motivam per

per se habens perpendiculariter ad superficiem terræ decideret ut grave, at quia undique cingitur ab aëre prius agitato & in motu constituto, fit ut saxum veluti à rapido flumine ab aëre circum-ambiente transferatur, quousque aëris agitatio langueat, & tandem extingatur unà cum motu ejusdem saxi vecti: alii postea ejusdem peripareticæ scholæ ajunt, quod aër projectum subsequens maxima rapiditate, & vi recurrendo ad replendum spatium à projecto derelictum, ne vacuum naturæ abominabile subsequatur, & sic vehementissime posticam partem saxi continenter premendo illud promoveat non secus ac pueri nucleos prunorum digitis postice expressos longe expellunt.

Si pro-
jectum
ab aere
impulso
transfe-
reretur,
deberet
quoque
aër im-
pelli ab
alio aere,
& sic in
infini-
tum.

Experien-
tia evin-
citur fal-
sitas huius
senten-
tiæ.

Ut vero hujus sententiæ vanitas ostendatur, primò animadvertendum est quod si medium fluidum, ut aqua vel aër velit ut flumen projectum corpus, postquam à projiciente derelictum est, concedendum quoque est aërem vel aquam impulsam quoque fuisse ab eodem projiciente, quandoquidem tale medium fluidum mobile quoque est, cui de novo imprimitur motus, quo antea carebat; igitur cessante propulsione projicientis, nisi velimus admittere migrationem virtutis motivæ ab uno subjecto in aliud, scilicet à projiciente in fluidum ipsum, cogimur assignare causam à qua motus subsequens ejusdem fluidi continuetur, & propterea reperiri debet aliud corpus fluidum ambiens aërem vel aquam hæctenus projectam, & impulsam à quo ejus fluxus continuari possit, & cum eo etiam inclusum projectum transferat; id ipsum exterius fluidum deberet quoque impelli ab alio fluido ambiente, & sic successive in infinitum, quare non posset saxum projici per aërem nisi universo mundo simul agitato, hoc autem quam vanum, & impossibile sit satis per se patet: quod si quis intra phialam aquæ plenam undique clausam projectionem efficiat, siquidem ab aqua saxum ambiente promoveretur postquam à projiciente derelinquitur, licet aqua universa moveri, & circumduci concedatur usque ad superficiem continentis vasis, tunc quidem extima aquæ superficies vitro contigua, si virtute motiva careret, vehi, & propelli deberet à superficie ejusdem vitri, quæ omnino immobilis est, quod sane vanissimum est; iis adde quod sensus evidentia constat, quod aër vel aqua parum dissita à projecto nil prorsus movetur, sed in tranquillissima quiete persistit, hoc autem evidentissime observari potest.

potest in aqua, quæ ab aliquo pulvere colorato non omninò tingatur, tunc igitur observabilis redditur motus ipsius aquæ ex translatione corpusculorum in ea innantium, quæ in aliqua distantia à projecto corpore omninò quiescere videntur; idem in aëre observabis, si nimirum locus seligatur commodus, in quo motus, & agitatio atomorum terrestrium in aëre volitantium videri possit, is erit cubiculum clausum, intra quod ex foramine fenestræ radii solis immissi atomos in aëre volitantes conspicuas reddunt, & ibi pariter non agitantur atomi aliquantisper à projecto discretæ; quinimò si projectum incidat in acutam cuspidem stabilem, vel filo tenuissimo retineatur, tunc fiet reflexio ejusdem projecti per eandem lineam incidentiæ, & eodem tempore corpuscula in aëre, vel aquâ innantia, quæ projecto contigua fuerant, illudque amplexa fuerant, prosequuntur priorem motum directum; unde conjicitur, quod fluidum quoque eodem motu directo agitata non potest contrarium motum reflexionis ejusdem projecti procreare, scilicet ipsum vehere non potest retrorsum, dum fluidum antorsum excurrit, & promovetur.

Sed multo clarius id ipsum constabit ex iis, quæ contra reliquam sententiam afferemus, scilicet ejus, quæ ad vacui horrorem recurrat; & quia ratio, quare absurdissimæ opiniones ab aliquibus mordicus retinentur, est, quia verbis tantummodo acquiescunt, re interius neglectâ, non omninò perceptâ, aut oscitanter consideratâ; quam si accuratè & perfectè perspexissent, proculdubio eam repudiassent; erit igitur operæ pretium difficultates omnes prædictæ sententiæ peripateticæ accuratè explanare.

Proculdubio fluidum in quo projectum movetur, aut nullam condensationem, rarefactionemque patitur qualis aquæ natura, aut hydrargiri esse videtur, vel summopere constringi, ac dilatari potest, ut aër.

PROPOSITIO I.

Si projectio fiat in fluido, quod condensari, aut rarefieri nequeat, resistentia anterioris fluidi ad locum cedendum æqualis est potentia æris posticè recurrentis ad spatium replendum.

In prioribus enim fluidis intelligatur corpus ABC transferri à

B

loco

Tab. I.
Fig. 1.

loco A ad D, manifestum est hic duas operationes effici, una est expulsiō, & exclusio fluidi E D F ab anteriori situ, ut subintranti corpori A B C locum cedat, altera operatio est repletio spatii posterioris, quod mobile successivè derelinquit; & quia fluidum supponitur talem consistentiam habere, ut nullatenus rarefieri, & condensari possit, igitur quanta moles fluidi ab anteriori loco excluditur, & removetur, tanta præcisè eodem tempore recurrit ad locum posticum, qui repleti debet; quapropter fluidum universum expulsum, & recurrens D G I L H concipi debet veluti series, & congeries plurium globulorum durissimorum, quorum unus motu continuatō, & successivo, æquali vi reliquum impellat, ita ut lineæ motus eorundem globulorum designent veluti spiras, vel annulos comprehendentes mobile A B C ab anteriore parte ejus versus posticam excurrentes, sequitur proinde, ut æquali velocitate discedat fluidum ab anteriori parte E D F, ac recurrat posticè ad replendum derelictum spatium A B C: & quoniam momentum, & vis resistentiæ, quam exercet fluidum, quod debet expelli ab anteriori situ E D F componitur quidem ex vi densitatis ejusdem fluidi, & ex vi velocitatis, qua moveri debet, non secus momentum virtutis, quo idem fluidum recurrit ad spatium posticum replendum componitur quoque ex densitate ejusdem fluidi, & ex velocitate, qua moveri debet, suntque tum densitates ejusdem fluidi æquales inter se, pariterque velocitates sunt eadem, ejusdemque roboris, igitur momentum, quo fluidum expellendum resistit, æquale erit momento fluidi posterius recurrentis, proindeque tanta erit præcisè difficultas, & resistentia ad expellendum fluidum è loco E D F, quanta est vis recursus fluidi ad replendum spatium] posterius relictum.

Ex mechanicis.

PROPOSITIO II.

Si postea supponamus non dari in rerum natura corpus fluidum, quod nullam condensationem, aut rarefactionem patiatur, ut verissimum est in omnibus concretis corporibus; tunc ostendetur, quod momentum, quo antea fluidum E D F resistit expulsiōne è proprio loco majus est momento impulsus, quo idem fluidum recurrit ad replendum locum à mobili relictum.

Tab. I.
Fig. I.

Supponatur ergo fluidum ambiens projectum esse aërem, projecto

fecto dubitandum non est in transitu mobilis ABC ab A ad C ærem anteriorem REF nedum è suo loco expelli debere, sed insuper necesse, ut aliquantisper condensetur; supponamus ergo, quod totius molis æris $EONF$, quæ locum cedere debet mobili subintranti ABC una pars ODN restringatur, & condensetur cum reliqua æris mole ORN æquali ABC , tum profecto residua solummodo pars æris EDF excurrere debet lateraliter ad replendum spatium relictum ABC , & quia moles æris EDF minor est integra mole $EONF$, seu BAC , igitur necessario rarefieri debet moles æris EDF , ut amplius spatium ABC repleat, ni velimus vacuum admittere; & quia moles ORN æqualis est ABC seu $EONF$ & in illa præter æris molem in sua naturali raritate constituta insinuat quæque pars æris ODN intra ejus ambitum condensata, atque ær in suo statu naturali contentus in spatio EDF post ejus rarefactionem replet integrum spatium ABC , quod est æquale spatio ORN , igitur densitas anterioris æris compressi ORN ad densitatem æris ampliati in spatio ABC eandem proportionem habebit, quam duo spatia ORN , & ODN simul sumpta habent ad spatium EDF ; sed vis, & energia, quæ ær condensatus nititur se dilatare, efficitur à centro versus ejus circumferentiam ORN (sic enim ad priorem nativam dilatationem reduci potest) è contra vis, quæ exercetur ab ære rarefacto, ut sese constringat, & uniatur, efficitur à circumferentia versus centrum; & quia est impossibile, ut ær anterior constipatus NR se dilatet, quævis propellat, & vim inferat mobili ABC , à quo restrictus fuerat, & è contra posterior ær rarefactus dum ad naturalem constipationem sese reducere conatur non potest propellere mobile ABC , quandoquidem ejus vis, & energia, & propterea ejus motus impulsivus, efficitur à circumferentia ad centrum sui spatii; igitur quanto ær anterior est magis constipatus ære posteriori, tanto majori resistentia impedit, & repellit mobile ABC perductum in $EONF$, quod nititur illum è suo loco remove, quam sit propulsio æris posterioris, à qua promoveri debet idem mobile antè ab M versus D , quapropter resistentia æris anterioris ad vim impulsivam posterioris æris eandem proportionem habebit, quam duæ moles RNO , & NDO simul sumptæ ad solitariam molem EDF .

B 2

Et

Sened.
Castel. de
ment.
fluent. a-
que lib. 1.
Prop. 3.

Ex me-
chanicis.

Et hæcenus comparavimus resistantiam cum impulsiva virtute ejusdem fluidi pro ratione densitatum; remanent modo considerandæ velocitates earundem partium fluidi; & profecto certissimum est eodem tempore expelli portionem aëris $E D F$ è suo loco, & repleti spatium derelictum $A B C$, in quo prædicta moles aëris reducitur, ampliaturque; & quia velocitates duorum corporum fluidorum æquales moles habentium, & eodem tempore exercitæ habent eandem reciprocam proportionem, quam spatia ab eis occupata, & transcurfa, igitur velocitas aëris $E D F$ in situ anteriori ad velocitatem, quam exercet in situ postico $B A C$ eandem proportionem habet, quam spatium $A B C$ ad spatium $E D F$; & quoniam momentum, quo anterior pars aëris resistit progressui mobilis $A B C$ ad momentum, quo aër posterior recurrit ad replendum spatium ab eodem mobili derelictum, & cum quo cum propellit componitur ex proportionibus densitatum, & velocitatum earundem aëris portionum, scilicet ex ratione duorum spatiorum $O R N$, & $O D N$ simul sumptorum ad spatium $E D F$, & ex ratione spatii $A B C$ seu $O R N$ ad idipsum spatium $E D F$, quapropter momentum resistantiæ aëris anterioris ad momentum impetus impellentis aëris postici eandem proportionem habet quam productum spatii $O R N$ in spatium $O R N$ una cum spatio $O D N$ ad productum spatii $E D F$ in se ipsum, & proinde manifestum est, resistantiam anterioris aëris majorem esse virtute impulsiva aëris posterioris recurrentis ad spatium replendum.

His declaratis demonstrabitur propositio principalis hac ratione.

PROPOSITIO III.

Si fluidum recurrat ad replendum posticum locum, est impossibile, ut repellat mobile ulterius.

Tab. I.
Fig. II.

Intelligatur mobile $A B C$ impelli, vel trahi à vi motiva Z à loco X usque ad M ; certum est, quod dum propulsio perseverat, medium fluidum antè $E O N F$ successive è suo loco repellitur, idque per latera $G I$, & $H L$ recurrit ad replendum spatium à mobili derelictum versus M , & hic animadvertendum est, quod dum impulsio,

impulsio, vel tractio impellentis Z perseverat semper causa effectiva recursus fluidi per latera ad replendum spatium in M est vis ipsius Z, quæ expellit fluidum è spatio E O N F, quod consequenter sponte sua recurrit ad replendum locum derelictum versus M; & licet hæc duæ operationes fiant eodem tempore, ne vacuum admitatur, nihilominus prius natura videtur fieri expulsio anterioris fluidi E O N F, quam recursus ad replendum posticum spatium versus M; his positis cesset impulsio impellentis Z, & consequenter deficient impulsus, & motus ipsius mobilis A B C, hoc autem deficiente, necessariò cessat propulsio, & expulsio fluidi anterioris E O N F, eoquod supponitur nullam vim motivam in mobile A B C remanere impressam subito ac virtus motiva Z impulsionem refranat; ex his facile ostendetur impossibile esse, quod aer posterius recurrens horrore vacui in M impellat mobile A B C, quoniam quotiescumque cessat, ac deficit finalis causa, atque efficiens prædicti motus, necessariò effectus à prædictis causis pendens scilicet transitus, & motus ejusdem mobilis deficit quoque, nec existet in natura, sed finalis causa recursus fluidi versus M ex hypothese esset timor vacui, qui in M remaneret, cum supponatur jam extincta facultas motiva in mobili A B C quando impulsio projicientis deficit, atque in ultimo instanti, in quo extinguitur prædictus impulsus externus, jam pervenerat fluidum in M, atque repleverat prædictum spatium, igitur immediatè post prædictum instans, in quo propulsio facultatis Z extinguitur non remanet ibidem spatium vacuum, sed undique repletum, & proinde deficit ratio & naturæ necessitas, ut ibidem velocissimè fluidum ambiens exportet ad replendum spatium illud, quod jam satis superquè repletum est, quapropter est impossibile, ut fluidum recurrendo ad replendum posticum locum propellat mobile A B C ulterius.

Quoad verò efficientem causam recursus ejusdem medii versus M proculdubio deficit in eo instanti, in quo cessat actio, & propulsus facultatis motivæ Z, quia nulla alia causa desert fluidum versus M, præter fluidum E O N F, quod à suo loco expulsum cogitur recurrere posterius versus M, hujusmodi autem portio fluidi E O N F non moveretur, nisi è suo loco violenter propelleretur, excludereturque, non potest autem hinc expelli nisi à vi, & impulsu mobilis A B C, quæ impulsio cum supponatur in eodem in-

stanti cessare, deficiet necessariò effectus ejus, scilicet exclusio, & recursus aëris per G, & H usque ad M; quapropter est omnino impossibile, ut cessante impulsu projicientis, fluidum in M recurrens antèrius propellat mobile A B C versus D.

Prop. 1.
& 2.

Sed demus hoc adversariis, licet impossibile sit, scilicet concedatur fluidum recurrere in M postquam vis projicientis Z deficit, nec amplius operatur; tunc profecto momentum, quo resistit fluidum promotioni mobilis A B C (ex hæctenus demonstratis) semper majus est, vel saltem æquale momento virtutis impellentis ejusdem fluidi, qua postèrius recurrendo ad spatium replendum, propellere debet idem mobile A B C; igitur obstaculum, quod antèrius impedit promotionem mobilis A B C majus est, vel saltem æquale virtuti impellenti ejusdem fluidi postèrius recurrentis; sed est impossibile, ut vis, & facultas minor, vel saltem æqualis, superet, & vincat aliam vim majorem, vel sibi æqualem, igitur recursus fluidi postèrius propellentis non prævalere, neque superare potest anteriorem resistentiam ejusdem fluidi, proindeque est omnino impossibile, ut projectum A B C postquam à projiciente derelinquitur, & nullam vim motivam in se retinere supponitur, promoveri ulterius queat ab impulsu fluidi postèrius recurrentis, quod fuerat ostendendum.

Alia ratione id ipsum demonstrari potest præmissis aliquibus propositionibus.

PROPOSITIO IV.

Si mobile aliquod, dum ab impulsu mediæ fluidi fertur, revolvatur horizontali vertigine circa suum centrum, non poterit excurrere contra directionem motus ejusdem fluidi.

Tab. I.
Fig. III.

Mobile A B feratur ab excursu alicujus fluidi, aut fluminis, aut venti, aut cujuslibet alterius corporis fluentis secundum directionem linearum parallelarum ipsi C D à termino C versus D, & in ipso excursu mobile A B revolvatur horizontaliter, aut mediante machinâ aliquâ, aut à facultate musculorum, ut in piscibus, & avibus contingit; ex tali revolutione pars anterior mobilis B flectatur versus L, ut in secunda positione videre est, demum flectatur
versus

versus C, ut in tertia positione apparet, in qua situationem omnino contrariam mobile A B acquirit ei, quam ab initio habebat; dico modo, quod mobile A B cursum suum flectere non potest transversaliter à K versus L, & multo minus à D versus C, quoniam impulsus fluidi currentis fieri semper supponitur per lineas parallelas ipsi C D à C versus D; igitur mobile A B semper impelletur per eandem directionem à C versus D, ideoque in secunda situatione mobile A B ictus, & propulsiones fluidi excurrentis recipit in dextero latere G, non autem in puppi A, cum lineæ ipsi C D parallelae inclinatae sint supra longitudinem A B secundae positionis; non igitur impelletur à K versus L, quandoquidem necesse est, ut mobile fluxui obediat, transferaturque à G versus D; simili modo in tertia constitutione, quia impulsus fluens percutit apicem, seu proram, non autem basin, aut puppim, ut in primo casu, & proinde mobile ipsum obtemperando virtuti impellenti, & directioni ejus fluxus transferri debet à C versus D, quapropter est impossibile, ut motum prosequatur contra directionem ejusdem medii fluentis.

PROPOSITIO V.

¶ Contra si in aliquo medio fluido stagnante, vel omnino quiescente moveatur aliquod corpus ab interna virtute motiva latum secundum directionem alicujus determinata fibra per ejus medium, seu per gravitatis centrum extensa, revolvaturque horizontaliter praedictum mobile, motus subsequens fiet secundum directionem ejusdem fibra, qua prius movebatur.

In fluido stabili C D excurrat mobile A B secundum directionem fibræ A B ab A versus B, feratur vero mobile ab intrinseca virtute motiva, dum vero excurrit mobile A B versus D flectatur, ut in secunda positione transversaliter, & in tertia positione contrario situ ei, quem prius habebat; dico, quod subsequens motus efficietur à K versus L transversaliter, & tandem ab L versus C juxta directionem ejusdem fibræ motum designantis, quoniam virtus motiva intra mobile A B posita, & vicens impellit mobile secundum directionem fibræ A B ab A versus B, igitur quamcumque positione-

Tab. I.
Fig. 17.

positionem acquirit mobile, semper apex ejus B, seu prora anteriorius promovetur, & basis, seu puppis A subsequetur, propterea quod virtus motiva, cum sit intrinseca, situationem non mutat intra mobile A B, cum eidem implantata censeatur, & propterea ubicumque apex B revolvatur semper eadem prora B impelletur anteriorius, quapropter in secunda situatione non efficitur motus secundum priorem directionem à C versus D in spatio mundano, sed secundum directionem ejus fibræ à K versus L, & demum completa una semirevolutione in tertia situatione pariter apex B anteriorius excurrit, & basis A subsequetur; quapropter manifestum est, motum ab intrinseca virtute factum semper directioni fibrarum motus ejusdem mobilis conformem esse, quod erat ostendendum.

Inter mechanica artificia, quibus revolvi potest mobile aliquod in medio fluido natans vulgatissimus est usus temonis, qui applicari solet in postica parte, seu puppi navis, ejus naturam & facultatem Quæst. 5. Aristoteles in suis mechanicis quæstionibus consideravit, sed ni fallor non omnino eam exposuit, atque intime percepit; & quoniam ad rem nostram facit, erit operæpretium accurate exponere proprietates, & varietates omnes ejusdem instrumenti.

Quoniam navis moveri potest aut à virtute intus operante non absimili ei, qua pisces feruntur, vel ei, qua ventus navem propellit, vel potius navis impelli potest à fluxu currentis alicujus medii fluidi, atque in hisce duobus casibus actio temonis est diversissima.

PROPOSITIO VI.

Si navis, dum propellitur ab impulsu medii fluentis temonem inflectat ad sinistram partem, navis prora revolvetur versus dexteram.

Tab. I.
Fig. V.
Temonis
operationes in na-
vi a cursu
fluentis
translata.

Sit navis A B propulsa à vi medii fluidi C D fluentis à C versus D, appliceturque in puppi A temon A I, qui dum navis propellitur directè à C versus D, scilicet à puppi A versus proram B flectatur versus sinistram partem in situ A I, ita ut cum axe navis A B angulum I A B efficiat; dico, quod navis prora necessàriò revolvetur

vetur versus partem dexteram, ut in NL , quoniam impulsus medii fluidi fit per lineas CAD parallelas axi navis AB , profecto si temo non adesset propelleretur navis directè à C versus D , eò quòd navis latera EF æquè dilatantur, similique formà curvantur, non obstitet, neque cursum fluentis corporis magis refranabit unum latus E quàm alterum F , sed posito temone AI flexo ad partes F constat, quòd ex omnibus lineis parallelis CAB , quæ designant directiones percussionum medii fluentis, illæ quæ latus $A E$ offendunt minus impediuntur, & refranantur, quàm illæ, quæ impingunt ad partes lateris F , quia nimirum hic apponitur obstaculum temonis AI , non autem ibi, & quoniam vires inimpalluum medii fluentis per lineas parallelas ipsi CD supponuntur æquè validæ, ex his autem illæ quæ sinistrorsum versus F diriguntur majus obstaculum temonis AI offendunt, quàm illæ, quæ dextrorsum versus E feruntur, ubi non adest temonis impedimentum, & ideo liberum transitum concedit fluido impellenti, igitur necesse est, ut fluidum currenti majori vi impellat temonem AI ejus cursum impedientem, & refranantem, quàm latus AE ; cumque tota machina AB cum temone pensilis innatet circa gravitatis ejus centrum M necessariò propelletur temo AI versus F , estque temo fixè retentus in eadem positione ut nempe efficiat semper eundem angulum IAB cum axe navis, igitur impossibile est ut temo versus F impellatur, quin simul axis navis AB transferatur circa gravitatis ejus centrum M versus oppositam partem, & proinde perductò temone AI ad situm NK axis AB necessariò perveniet ad situm NL cum semper angulus IAB æqualis esse debeat angulo KNL , sed motus proræ à B ad L unà cum tota navi oppositus est motui temonis, videlicet ad partem dexteram; igitur verum est, quòd propositum fuerat.

PROPOSITIO VII.

Si navis in medio fluido quiescente moveatur à vi intra ipsam operante, flexò temone prora navis revolvetur ad easdem partes ejusdem temonis.

Denuò eadem navis AB in medio fluido CD stagnante, ac Tab. L. Fig. VI. quiescente impellatur à vi motiva intra ipsam operante, ut est ven-
C tus

Temonis
rationes
in navi
in medio
fluido
quiescen-
te transla-
ta.

tus vel agitatio remorum, vel alia similis causa, atque perseverante ejus fluxu flectatur temo A I versus sinistram partem F, atque ibidem retineatur in eodem situ; dico quod navis prora B revolvetur ad easdem partes F, quoniam ablato temone A I supponitur navis cursus factus secundum lineas parallelas axi navis A B ab A versus B, & sunt latera navis E; & F æquè dilatata similique curvaturâ inflexa, igitur non magis unum latus navis, quam alterum resistet occursum fluidi stagnantis æquè densi, & proinde æquæ resistentis; addito postea temone A I ad partem sinistram F flexo, ibidemque fixè retento, necessario latus F A I ampliatum majorem fluidi partem è suo loco removere, & expellere debet, ut navis excurrere possit, quam oppositum latus E A; quia verò navis innatans æquilibra- tur circa ejus centrum gravitatis M, sit ut temo A I cedere debeat majori resistentiæ fluidi stagnantis, ideoque inflecti debet versus dexteram partem E; est verò impossibile, ut temo flectatur versus E quin etiam navis universa circa ejus centrum gravitatis M revolvatur ad easdem partes ut in situatione N L, quandoquidem supponitur, quod fixè retineatur temo in eadem inclinatione cum axi navis, ita ut retineat angulum K N L æqualem angulo I A B, quapropter quotiescumque dum navis excurrit à C versus D, flectitur temo A I versus F, necessario prora navis B revolvetur ad easdem partes, ut in L, quod erat ostendendum.

Arist.
Mecha-
nic.
Quæst. 6.
Causam
operatio-
nis temo-
nis in A-
ristotele
adductam
injustifi-
cientem
esse.

Hujusmodi operatio temonis in navis revolutione reducitur ab Aristotele ad vectis naturam & proprietatem, & censet resistere fluidum veluti onus temoni A I; cumque onus prædicti fluidi vicem gerat resistentiæ stabilis, sequitur, ut navis transverse moveatur, quod profecto omni ex parte verum non est; proptereaquod si dum navis excurrit temo A I clavis vel alio modo fixè in eodem situ inclinatio figatur, & ferruminetur, tunc quidem nullo pacto moveri posset ut vectis, & nihilominus navis flecteretur versus N L; verum enim verò hoc accidit virtute vectis, sed alia ratione considerati, & usurpati, nimirum concipi debet B A I vectis inflexus cujus centrum vel sulcimentum existit in centro gravitatis navis M, atque virtus motiva, quæ est resistentia fluidi stagnantis, & quiescentis applicatur in superficie I A F, hæc autem est vis qua fluidum stabile renititur, atque resistit impulsui ipsius navis cui locum cedere debet, resistentia verò est inertia & pondus ipsius navis, quæ trans-

transversaliter moveri debet, & hæc est vera ac legitima causa operationis, & virtutis ipsius temonis.

PROPOSITIO VIII.

His declaratis demonstrandum est esse omnino impossibile, ut projectum postquam ab impellente derelinquitur promoveri possit ab impulsu medii fluidi, in quo fertur.

Sit facultas impellens H, quæ projiciat mobile A B per directionem C D, & si possibile est impellat quoque potentia ipsius H fluidum contiguum ipsi A B per eandem directionem C D, ita ut fluidum prædictum ambiens deinceps vehat veluti flumen mobile A B postquam ab impellente H derelictum est per eandem directionem C D; intelligatur mobile A B dum perseverat in ejus cursu revolvitur circa centrum suæ gravitatis, ita ut pars anterior B convertatur in secunda positione versus C, & è contra postrema ejus pars A respiciat versus D, hoc autem fiat ope alicujus machinæ, aut à virtute musculorum, ut in piscibus, & avibus contingit, tunc quoniam cursus medii fluentis efficitur secundum eandem directionem semper à C versus D, licet mobile A B convertat proram B versus initium motus C necessariò cursum continuare deberet versus D, nunquam verò contrario motu ferri deberet à D versus C, quod sane experientia confirmatur, nam lignum vel navis lata ab excursu fluminis, licet revolvatur circa suum centrum, perseverat tamen excurrendo unà cum cursu fluminis, hoc autem in projectis non contingit, quæ licet secundum directionem parallelam fibris A B projiciantur ab impellente postquam prædictum corpus revolvitur, ut ejus anterior pars retrorsum versus principium motus dirigatur, videmus prosequi suum motum retrorsum, idest contra directionem factam à projiciente, scilicet deinceps movetur à D versus C: hoc autem evidenter observatur in navibus, quæ conceptum impetum ab impulsu venti vel remorum agitatione retineant, in his autem contractis velis, vel elevatis, & quiescentibus remis remanet quidem in navis motus quidam perseverans per aliquod tempus & hoc nomine projectum censeri potest, tunc sane si directio prædicti motus flectatur, deinceps continua-

Tab. I.
Fig. VII.

tinuatur motus navis secundum directionem ipsius axis, non autem secundum directionem projectionis præcedentis; id ipsum in piscibus & avibus manifestè experimur, & in iis qui super glaciem excurrunt, qui in ipso impetu cursus, si tantummodo revolvantur ad dexteram partem, simili modo flectitur directio ejus cursus, nec obediunt priori directioni à qua impulsu fuerant, quapropter manifestum est projecta non promoveri à motu, seu impulsu fluidi corporis ambientis.

Non secus ostendi potest quod à fluido posterius recurrente ad vacuum implendum non promoveatur projectum, nam similiter facta conversio & revolutione mobilis circa centrum suæ gravitatis recursum fieret non præcisè in parte postica corporis revoluti, sed lateralitèr, unde non posset promoveri juxta directionem axis, seu fibrarum.

Tab. I.
Fig. VIII.
Experi-
mento sa-
gitte con-
firmatur
eam non
promove-
ri à me-
dio fluido
postquam
impulsa
est.

Præterea adaptetur in postica parte sagittæ A B seu cujuslibet alterius corporis projectilis obtaculum aliquod A I, quod officium temonis suppleat, & postquam à projiciente derelinquitur, dum in aëre vel alio medio fluido excurrit, flectatur temo A I, tunc projectum, si vectio aut compressio & impulsio medii fluidi motum sagittæ promoveret necessariò, ut demonstratum est; telum A B revolvetur ad partem oppositam ut in C L; nunquam verò ad easdem partes ut in D N, sed hoc est falsum, & contra experientiam, nam mobilis A B cuspis nunquam ad partem oppositam C L, sed semper ad easdem partes N inflectitur, ut in piscibus, & avibus perspicue observatur; igitur est omninò impossibile ut medium fluidum quocumque modò promoveat projectum postquam à projiciente derelictum est.

Tab. I.
Fig. IX.
Id ipsum
confirmatur
alia
experien-
tia evi-
denti.

Id ipsum oculari quoque experientia constare potest hac ratione; sumatur corpus aliquod A B circumdatum capillitio quodam ex subtilissimis, & levissimis filamentis compositum hoc vero corpus A B projiciatur secundum directionem C D à C versùs D, & siquidem causa à qua deinceps propellitur est aër ambiens aut posterius recurrentis versùs A, igitur necessariò crines postici versùs A agglutinantur, & adhærent basi A impulsu à compressione ipsius aëris impellentis, & ibidem recurrentis, sed hoc est falsum, quandoquidem conspiciuntur crines versùs A prolixissime extensi, & fluctuantes, atque tantummodo crines anteriores versùs B compressi pro-

projectoque adhærentes conspiciuntur, igitur verum non est ab aëre ambiente vel posterius premente propelli corpus impulsam.

Postremo non minori evidentiâ id ipsam confirmabitur hæc ratio-
ne; sumatur cylindrus vitreus A B utrinque clausus in A, & B, atque
in ejus fundo A includatur pila plumbea C, vel alterius materiei,
dummodò sit optimè lævigata, reliquunt vero spatium E B F re-
peletum aëre, vel aquâ, postea impellatur violentissime cylindrus
secundum directionem ejus longitudinis A B, ab R versùs S,
hujusmodi verò motus violentus sistatur ab obstaculo pulvinaris
V X vel aliò modò, dummodò motus cylindri omninò cesset &
desinat, modo si juxta peripateticam hypothesein fluidum am-
biens E B F desert vel propellit projectum C; dico impossibile
omninò esse, ut pila C fundum cylindri A deferat, ut perducatur
verbi gratiâ in D, quoniam hoc fieri deberet aut quia postquam
cylindrus sistitur, fluidum ambiens E D F adhuc in motu perseve-
rat secundum directionem motus præcedentis ab A versùs B, & sic
seuam transferret pilam C usque ad D, vel potius fluidum A recur-
rit rapidissimè versùs A, & propellitur pila versùs D; hoc autem
videtur omninò impossibile, nam licet ab externo impellente
æquali velocitate simul cylindrus, fluidum, atque pila C mo-
veantur postquam vas sistitur quiescere quoque debet fluidum inclu-
sum E B F, si igitur fluidum motum omninò amittit, & ad quie-
tem reducitur videtur impossibile ut pilam C transferat à fundo A
usque ad D; si verò quis ad recursum aëris ob vacui horrorem con-
fugere velit, pariter pila C minimè moveri posset, quandoqui-
dem cylindrus A B actu movetur unâ cum projiciente, pila C nun-
quam fundum vasis A neque spatium ibidem clausum deserit, sed
simul cum illo eodemque modo situato motum & excursionem
prosequitur, quando verò motus vasis extingvitur non recedit pila
C à fundo A, quandoquidem ipsa virtutem motivam impressam
non habet; ad quid ergò, & quam ob necessitatem fluidum ante-
rius E B F posticè recurrere debet in A ad replendum spatium va-
cuum, quod nullo pacto ibidem timetur, cum pila C ne mini-
mum quidem recedere possit à fundo; quapropter videtur impossibi-
le ut pila C transferatur usque ad D, sed hoc est falsum & contra
evidentiâ sensus, quandoquidem pila C vere excurrit nedum us-
que ad D, sed insuper tantâ violentiâ percurrit oppositam basim

B. 3.

B, ut

Tab. I.
Fig. No.
Ictum
id ipsum
evidenti-
experien-
tia confir-
matur.

B, ut eam prorsus diffringat, & in particulas disjicat, non igitur à medio fluido vehente vel posterius recurrente projectum C promoveri potest.

Tab. I.
Fig. XI.

Cavillari fortasse quispiam posset, quod postquam fistula A B sistitur, licet fluidum integrum E B F moveri non posset ab A versus B, potest nihilominus circulari motu revolvī; & vortice quodam circumduci à termino B lateraliter usque ad fundum vasis A, & ibidem propellere pilam C versus D, sed ne immoremur in refellenda hujusmodi vanitate, loco pilæ C collocari potest cylindrus C optime lævigatus in fundo vasis A qui excurrere possit intra fistulam vitream, eique adhæreat ut aëris transitum per latera impediatur, tunc quidem cylindrus A B exposito modo præparatus violentissime impellatur ab R versus S quousque ab obstaculo firmo V X ejus motus omnino refrænatur, & sistatur, hic iam qui lumine intellectus prorsus non destituitur satis superque comprehendit non posse fluidum G B H propellere cylindrum C versus D, nam nam licet admittatur conversio, & vertigo aëris G B H (quod somnio simile est, quandoquidem si loco aëris aqua ibidem includatur, sed aliquantisper colorata, ut ejus videri queat vertigo in prædicta aqua apparet) sed concessa ut dicebam, hujusmodi conversione, ut nimirum à G feratur versus B, & deinceps motu contrario descendat à B versus H, nihilominus fluidum quod regreditur à B ad H non posse perducī usque ad posticam partem vasis A propter angustiam, seu defectum viæ & transitus per latera G E & H F, sed nisi fluidum perducatur in fundo vasis A nunquam impellet cylindrum C versus D, igitur non posset ullò pacto cylindrus C moveri usque ad D, sed hoc est falsum, & contra sensus evidentiam, quandoquidem verè cylindrus C transfertur usque ad D sive in postica parte A grandis, vel parva aëris particula remaneat; ut vero facillimè hujusmodi experimentum fieri possit, loco cylindruli ferri C ibidem apponatur guttula hydrargiri, quæ in subtilioribus fistulis vitreis A B spatio G E F H omnino adaptatur, & conformatur portio illa mercurii, acquiritque formam cylindricam, & exquisitè latera vitri tangendo transitum aëri non permittit per latera G E, & H F, & hic excussione vasis A B facta mox lo superius exposito conspicitur cylindrus mercurii C transferri usque ad D, insuper si in fundo A ne minima aëris particula remaneat, nihilominus

minus in prædicta excussione vasis A B saltem particulæ pusillæ cylindrici fluidi C evelluntur, & refecantur ab eo, atque violentissime propelluntur, & impingunt in basim oppositam B, hoc autem cum nullo pacto fieri possit à recurso fluidi posterius ad replendum vacuum recurrentis, cum ibidem nullum spatium, neque via pro transitu aëris remaneat, igitur est omninò impossibile, ut à prædicto fluido ambiente promoveatur corpus C versus B postquam virtus impellens projicientis quiescit, nec amplius ipsum vehit.

Ut autem brevius tota demonstratio absolvatur considero impossibile omninò esse, ut causa alicujus effectus illa sit, quæ, dum in natura non existit, effectus nihilominus subsequitur, eoquod non entis nullæ sunt operationes, sed evidentissimè constat, ut dictum est, quod ablata & non existente in natura circumpulsione medii fluidi, nihilominus ponitur, & subsequitur effectus promotionis ipsius projecti; igitur est impossibile, ut circumpulsio medii fluidi sit vera, & legitima causa motus projectorum, quod fuerat ostendendum.

Projecta à virtute impressa à projiciente promoventur postquam ab eo deslituuntur.

CAPUT IV.

PROPOSITIO IX.

Corpus projecti transfertur à virtute communicata, & propagata à projiciente.

Quoniam evidentia sensus constat projecta motu verò, & reali transferri postquam à projiciente deferuntur, hujusmodi verò motus, cum sit actus, vel operatio quædam ab aliqua causa necessario produci debet non autem à nihilo; hæc autem causa esse non potest actio projicientis actu operantis, & mobile vehentis, quandoquidem supponitur mobile derelictum, & separatum ab ipso projiciente, igitur necesse est, ut projectum promoveatur ab aliqua vi motiva vicaria ab ipso projiciente substituta, vel saltem ab aliquo alio impellente externo, veluti est aer vel aqua in qua projectum

Cap. 3.

jectum excurrit, quandoquidem nulla alia causa præter has duas excogitari posse videtur; sed jam ostensum est à propulsione fluidi ambientis projectum non moveri, igitur necessariò à virtute communicata, & propagata à projiciente corpus projecti transfertur.

PROPOSITIO X.

Id ipsum alia ratione demonstratur.

Prop. 3.

Secundò corpora quæ moventur à virtute motiva intra ea operante, & propellente, ut sunt pisces in aqua natantes, & aves in aëre volantes, quacumque viâ, & directione cursum convertant, & commutent, per eandem, motum & transitum peragunt, & è converso si cujuslibet corporis motus directio commutetur juxta flexionem fibrarum seu axis suæ motionis, necessariò à virtute motiva interius operante id ipsum transfertur, eò quòd si ab externo impellente ferretur, sive axis ejus flecteretur, sive non perinde prosequeretur directionem prioris motus, ut ostensum est, sed corpora projecta secundum directionem alicujus determinatæ fibræ si postmodum cursum flectant, motum, & excursionem mutant per inflexam viam, igitur hujusmodi projecta à virtute interius operante propelluntur, quod verò in conversione projectorum hoc contingat satis constat ex iis quæ superius insinuavimus; navis enim à vi ventorum, vel agitatione remorum impulsâ, sublatis velis, ac remis, cursum suum prosequitur adinstar projectorum, & tunc sanè si navis flectatur contra priorem cursus directionem, prosequitur migrare contrariò cursu non priore directione.

Prop. 4.

PROPOSITIO XI.

Iterum eadem propositio alio mediò confirmatur.

Id ipsum confirmatur ex eò quòd corpora illa, quæ à virtute interius operante moventur, si in parte ejus postica apponatur pars aliqua temonis officium explens, tunc quidem efficitur conversio apicis ejusdem mobilis ad easdem partes, ad quas temo inflexus fuerat, ut superius demonstratum est, & è converso si cujuscumque

que corporis in medio fluido excurrentis apex, seu prora convertatur ad easdem partes, ad quas temo inflexus fuerat, id ipsum à virtute interius operante necessario promovetur, aliàs converteretur Prop. 6. ad oppositam partem temonis, ut hactenus ostendimus; sed in projectis flexo similiter postico temone succedit consimilis revolutio apicis ejus ad easdem partes temonis flexi, igitur hujusmodi projectum à virtute interius operante promovetur; quod verò projecta à temonis flexione similiter viam commutent revolvanturque ad easdem partes, constat experienciâ in superius exposita navi aliunde à vento vel remis agitata, quæ remotis velis sublevatisque remis, non secus ac projectum, migrationem ac motum prosequitur, tunc demum flexò temone hujusmodi motus projectus navis flectitur ad easdem partes, ad quas temo inflexus fuerat, igitur patet propositura.

Innumera superaddi possent pro confirmatione hujus propositionis, sed nè perturbato ordine, ea quæ posterius exponenda sunt hic afferam, libens relinquo: interea satis superque ex dictis patet veritas hujus propositionis.

*De virtutis motivæ proprietatibus, &
operationibus.*

CAPUT V.

Ordo doctrinæ exigit, ut inquiremus cujus naturæ sit vis illa, quæ à projiciente diffunditur, & communicatur projecto, & quem denique effectum velocitatis producat; & projecto videtur virtus motiva esse ex genere eorum, quæ nedum intensivè, sed etiam extensivè augeri possunt scilicet extendi, & contrahi vis motiva potest pro amplitudine subjecti in quo existit, & insuper intensivè augeri, & diminui posse videtur in uno, & eodem subjecto.

Utque à primo exordiar quoties animadverto saxum integrum Vis motiva, à qua
moveri mobile

D

determinata velocitate ferretur uniformiter extensa est, & diffusa per universam ejus molem corpoream. moveri determinatâ aliquâ velocitate, planè percipio singulas ejus particulas æquali velocitate ferri, & quia totum saxum impellitur à determinata aliqua virtute motiva, videtur necessarium, ut quælibet particula saxi à virtutis motivæ particulâ impellatur, ut nimirum in totidem particulas æquales subdivisa intelligatur vis motiva, quemadmodum corpus translatum discriminatur, quarum una quælibet distinctò conatu, qui ejusdem energix sit, particulam corpoream sibi destinatam æquali velocitate promoveat, unde subsequatur totius corporis translatio eadem velocitate peractâ; nec prorsus mihi persuadere possum aliquas tantummodò saxi particulas habere virtutis motivæ portiunculas ad earum promotionem destinatas, alias vero particulas saxi non propelli ab ullis portiunculis virtutis motivæ, prorsusque ab eis destitui, quandoquidem effectus velocitatis, qui ab eisdem exercetur non potest à nihilo prodire, sed necessariò pendet à sua causa effectiva, quæ est vis illa motrix; hinc sequitur, si saxum in duas partes æquales scindatur dum actu movetur, pariter integram virtutem motivam fore divisam in duas partes æquales, quarum quælibet saxi medietatem æquè velociter impelleret, ut prius integra velocitas totum saxum promovebat. Egitur absque ulla hæsitazione assumere possumus hujusmodi pronunciata.

Et si idem mobile dividatur in duas partes eadem proportionem vis motiva divisa erit.

A X I O M A I.

Si duo corpora fuerint omninò æqualia mole, & consentiâ, atque ab æqualibus facultatibus motivis impellantur, necessariò æquè velociter ferentur.

A X I O M A II.

Et è converso duo corpora mole, & consentiâ æqualia æquè velociter translata necessariò ab æqualibus motivis facultatibus impellantur.

Veritas utriusque pronuntiati per se patet, quandoquidem causæ effectivæ sunt omninò æquales, atque subiecta in quibus operantur sunt pariter inter se æqualia, ideo videtur impossibile, ut effectus ab eis producti non sint pariter inter se æquales. & è converso effectus æquales

æquales in subjectis omnino æqualibus, & similibus produci non possunt, nisi à causis effectivis æqualibus inter se; cumque æquales facultates motivæ sint causæ effectivæ motuum, & velocitatum duorum æqualium, & similiarum corporum, propterea earum effectus, scilicet velocitates communicatæ, seu productæ in *isdem* corporibus erunt omnino æquales inter se, & è converso.

A X I O M A III.

Præterea si duo corpora inæqualibus velocitatibus moveantur connexis corporibus efficiant ambo tertiam velocitatem tardiorē excursu celerioris corporis, & celeriorē eā, quā pigrius corpus excurrebat.

Hoc enim evidentissimum est, connexō equō, verbi gratiā, cum bove, planè percipitur, quòd pristina equi velocitas quodammodò retardatur, refrænaturque à pigritia bovis, quem invirè raptare oportet, & è contra bovis tarditas necessariò aliquantulum acceleratur à violentia quā equus eum rapit, igitur ex eorum commistione subsequitur motus tardior quidem velociori motione, celerior vero pigriori motu, proindeque medius est inter velocem, & tardum.

C O R O L L A R I U M.

Hinc deducitur quod si duo corpora æquè velocia connectantur eorum communis velocitas non augetur, neque minuitur.

Quandoquidem neutrum à socio corpore acceleratur, nec retardatur, quia impetus æqualis nullam actionem accelerationis, aut retardationis producere potest in impetum sibi æqualem, igitur velocitas communis amborum corporum connexorum eadem prorsus remanet inalterata, quare corporis duplicati velocitas eadem omnino est, quam habebant prædicta duo corpora discreta, & se-juncta.

Id ipsum affirmari non potest de vi, & facultate motiva, quæ in utroque corporum æqualium inerat, propterea quòd in corpore duplicato pariter duplex motiva vis existit, quæ in connexionē corporum non minuitur, cum extensa intelligi debeat per univer-

Duo α -sam molem corpoream duplicatam; quapropter fatendum est,
 qualia corpora post conjunctionem æqualium corporum duplicari virtutem moti-
 æque ve- vum remanente tamen semper eadem velocitate inalteratâ, idem
 lociter mota, si dicendum est in quacumque multiplicatione corporum æque ve-
 conjun- locium
 gantur, du-
 plicatur
 quidem
 virtus
 motiva
 remanen-
 te tamen
 velocitate
 inaltera-
 ta.

PROPOSITIO XII.

*Si duo corpora eadem velocitate moveantur, vis motiva ad vim moti-
 vam eandem proportionem habet, quam unum corpus ad aliud.*

Quod dictum est de proportionem multiplici, verificari quoque de quacumque alia proportionem sic ostendetur.

Tab. I.
Fig. XII.

Sint duo quælibet corpora homogenea, quæ eadem velocitate V moveantur, A B quidem à vi motiva D E impulsus, at B C à virtute motiva E F promotus. dico vim motivam D E ad vim E F eandem proportionem habere, quam corpus A B ad B C sumatur virtutis motivæ D E & corporis A B duo æquimultiplicia E I, & B G in quacumque multiplicatione accepta, pariterque sumantur duo alia quælibet æquæ multiplicia E K virtutis motivæ E F, & B H corporis B C. & quia omnia prædicta corpora æquæ velocia supponuntur, estque vis motiva D E ea quæ impellit corpus A B, ergo vis motiva I E ea erit quæ corpus G B eadem velocitate V movetur (propterea quod tam multiplex est vis motiva I E ipsius D E, quàm est multiplex corpus G B ipsius A B) non secus vis motiva E K erit ea qua corpus B H movetur eadem velocitate V. jam si corpus G B æquale fuerit corpori B H, manifestum est vim motivam I E fore æqualem ipsi E K, eo quod æquali velocitate feruntur, nec possunt ex secundo axiomate duo effectus æquales velocitatum æqualium in subjectis corporibus B G, & B H æqualibus produci, nisi ab æqualibus causis efficientibus, unde si vis motiva I E major fuerit quàm E K, erit quoque corpus B G majus quàm B H, & si illa minor fuerit hoc quoque suo subsequenti minus erit; & quia antecedentium D E, & A B æquæ multiplicia à consequentium E F, & B C æquæ multiplicibus juxta quancumque multiplicationem accepta unâ deficiunt, vel unâ æqualia sunt, vel unâ excedunt; igitur vis motiva D E ad virtutem motivam E F eandem propor-

proportionem habebit quam corpus AB ad BC, quod erat ostendendum.

PROPOSITIO XIII.

His declaratis ostendendum est quod, si duo corpora aequalia inequalibus velocitatibus moveantur, eorum virtutes motiva eandem proportionem habebunt quam velocitates.

Quoniam vis motiva nil aliud esse videtur quam tota vehementia, & impetus, quo afficitur corpus movens, & à quo impellitur aliud corpus motum, huiusmodi autem impetus & nifus percipi non potest absque motione, & agitatione quadam, nam aliunde quantumcumque vim motivam quis fingat in corpore omnino quiescente, erit illa veluti sopita, & mortua, & proinde ne minimum motionis effectum producat; quotiescumque ergo concipitur in eodem corpore vis motiva modo dupla, modo simpla perinde est ac supponere impetum, vel potius agitationem duplicem, aut simplicem; nec verò duplex nifus vel impetus seu agitatio dupla in eodem corpore concipi potest quin majori celeritate (dupla scilicet) fiat; igitur effectus, qui producuntur in eodem projecto corpore ab impellentibus causis inæquali impetu operantibus debent commensurari violentiis seu velocitatibus suarum causarum, proptereaque idem mobile à duplo validiori vi motiva duplò celerius impelli debet quam ab alia.

Porro huiusmodi augmentum virtutis motivæ in eodem subiecto valde differt ab eò, quòd hactenus expositum fuit; ibi enim augebatur vis motiva in corpus ampliatum & multiplicatum, & proinde eadè frequentia, & æquali raritate particulæ virtutis motivæ distribuerantur in totidem æquales particulas utriusque corporis mobilis dupli nempe, & simpli; verum non sic augetur vis motiva in uno, & eodem mobili, nam quælibet particula corporis mobilis, quæ ab unica singulari virtutis motivæ particula explebatur, & quodammodo informabatur, postmodum à duobus portiunculis virtutis motivæ occupatur, & expletur, quapropter efficitur condensatio quædam virtutis motivæ, quæ magis stringitur, & constitipatur quam antea, & hæc quidem producit effectum celerioris motus.

Augmentum
virtutis
motivæ in
eodem
subiecto
intensive
crefcit.

PROPOSITIO XIV.

Potest igitur demonstrari methodò non diversâ à superiori, quod, si idem corpus ab inaequalibus motivis facultatibus impellatur, velocitates ejus eandem proportionem habebunt quam vires motiva, & e contra.

Quomodo imperus projicientis diffundatur, & communicetur in projectis, & qua ratione imminuatur.

CAPUT VI.

Licet velocitas imprimi possit motu illo sociali, quo mobile vehitur à projiciente, nihilominus utilior est consideratio illius modi impressionis, qui efficitur ab ictu, & impulsu alterius corporis in motu constituti, præterea licet corpora omnia concreta compressilia, & flexibilia aliquo pacto sint, ut posterius ostendemus, nec corpora omninò dura in natura reperiuntur, nisi prima corpora, ex quibus concreta omnia componuntur, nihilominus commoditatis gratia supponi possunt (ut in scientia mechanica fieri solet) corpora concreta omninò dura, & inflexibilia, pariterque supponi possunt absque ulla resistentia, & indifferentia ad motum, nec ab aëris densitate impedita.

PROPOSITIO XV.

Igitur si fuerint duo corpora inaequalia quae impellantur ab aequalibus viribus motivis, erunt eorum velocitates reciproce proportionales magnitudinibus corporum impulsorum.

Tab. I.
Fig. XIII.

Sint duo corpora inaequalia A, & B, & vis motiva ipsius A sit R quæ id promoveat velocitate D, ipsius vero B vis motiva sit S à qua

qua moveatur velocitate C, sintque vires motiva R, & S æquales inter se; dico velocitatem C ad D eandem proportionem habere, quam corpus A habet ad corpus B, intelligatur aliud corpus E æquale ipsi B quod à virtute motiva V pellatur eadem velocitate D, Prop. 12.
quia corpora A, & E eadem velocitate D feruntur, ergo moles A ad E eandem proportionem habet quam vis motiva R ad V; postea quia duo æqualia corpora B, & E moventur inæqualibus velocitatibus C & D, ergo velocitas C ad D eandem proportionem Prop. 13.
habet, quam vis motiva S ad V; supponebantur verò vires motiva R & S inter se æquales, ergo ad eandem vim motivam V eandem proportionem habebunt, ostensa vero fuit moles A ad E, seu ad ei æqualem B eandem proportionem habere quam motiva vis R ad V, atque velocitas C ad D ostensa fuit ut vis motiva S ad eandem V, igitur corpus A ad B eandem proportionem habebit quam C velocitas ipsius ad D velocitatem alterius A, quod fuerat ostendendum.

Facile conversum hujus propositionis demonstrari posse constat.

DEFINITIO I.

*Præterea in occurſu duorum corporum voco incidentiam perpendiculari-
rem, & mediam, unius corporis super aliud, quando linea motus
illius nedum perpendicularis est ad hujus superficiem, sed etiam per
amborum centra gravitatum traducitur.*

Agitur in subsequentibus propositionibus de motu recto corporum, non verò de circulari, & tunc quotiescumque duo corpora directis motibus sibi mutuo occurrunt, fieri potest, ut incidentia sit perpendicularis ad alterius superficiem, sed non est necesse, ut eadem recta linea incidentiæ per amborum centra gravitatum traducatur nam lineæ rectæ ab eorum centris gravitatum ad punctum contactus extensæ inclinationem & angulum continere possunt, igitur brevitate gratia, rectilinea incidentia, quæ efficitur perpendiculariter ad alterius superficiem; atque per utriusque corporis gravitatis centrum traducitur, appellabitur perpendicularis & media incidentia.

PROPOSITIO XVI.

Quodlibet corpus quiescens pensile indifferens ad motum à qualibet virtute motiva quantumvis diminuta moveri potest.

Tab. I.
Fig. XIV.

Sit quodlibet corpus B cujuscunque vastitatis æquilibratum quiescens amovibiliter, scilicet indifferens ad motum, & non impeditum ab aëris densitate, sitque corpus A quacunque velocitate X motum, & occurrat corpori B in C incidentia perpendiculari & media, dico corpus B impelli debere, & dimoveri è suo loco à corpore A, sumatur corpus C æquale ipsi B, & fiat velocitas X ad Z ut moles corporis C ad molem A, & corpus C velocitate Z affectum occurrat perpendiculari & media incidentia corpori B, manifestum est corpus C velocitate Z motum propellere debere corpus B sibi æquale, impetu destitutum, & indifferens ad motum; est verò vis motiva ipsius A æqualis facultati motivæ ipsius C (propterea quòd corpora A & C reciprocè proportionalia sunt suis velocitatibus) & corpus B cedit pelliturque non à mole, sed ab energia, & vi motiva ipsius C; igitur ab æquali vi motiva corporis A velocitate X impellentis corpus B quiescens amovibiliter omnino velocitate destitutum necessarìo dimovebitur è suo loco, propelleturque, quapropter &c.

Conver.
Prop. 15.

PROPOSITIO XVII.

Quodlibet corpus quiescens amovibile nihil omnino resistit cuilibet potentie motivæ.

Tab. I.
Fig. XV.

Sit quodlibet corpus B pensile, & æquilibratum, quod omnino indifferens sit ad motum, dico nullam resistantiam habere, neque obstat cuilibet potentie impellenti, sed libentissime ei obsequi; si enim hoc verum non est, habebit profecto corpus B aliquam resistantiam, cujus vis & energia determinatam quantitatem habebit, hæc autem æqualis esse potest alicui potentie impulsivæ, quæ supponatur in A inexistere, manifestum est ab actione impulsiva potentie A æquilibrari resistantiam ipsius B, proindeque corpus B non

non impelletur, igitur ut corpus B propellatur adhiberi debet vis motiva major quam A, ideoque à qualibet alia motiva virtute minore quam A minime superari poterit resistentia ipsius B, & proinde id ipsum non dimovebitur è suo loco, sed hoc est falsum, ut mox ostensum fuit, cum corpus quiescens amovibile B à quacunque virtute motiva propelli possit quantumvis exigua, & diminuta, igitur non habebit corpus B ullam resistentiam, quod fuerat ostendendum.

PROPOSITIO XVIII.

Præterea ostendendum est, quod corpus incidens in aliud quiescens amovibile, ei non communicabit, neque amittet integram suam velocitatem, si ambo corpora sint omnino dura, & inflexibilia, & incidentia media, & perpendicularis fuerit.

Sit corpus A velocitate D E translaturum, qua percutiat perpendiculari, & media incidentia corpus B in quiete amovibili constitutum, sintque ambo corpora omnino dura, & inflexibilia dico esse impossibile, ut integra velocitas D E imprimatur corpori B, ut nimirum corpus A omni velocitate privetur; quoniam corpus B in quiete amovibili constitutum & nil impulsui resistens ab omnimoda motus privatione ad gradum aliquem determinatæ velocitatis pervenire potest, & è contra integra velocitas D E ipsius A vel immutationem, & decrementum patitur, prout transfertur; & migrat in corpus B vel integra remanente velocitate D E producitur novus impetus in B, in primo casu patet, quod in progressu incrementi velocitatis ipsius B à nihilo seu motus privatione initium sumendo, atque in decremento impetus D E ipsius A necessario pervenient velocitates impellentis A, & impulsui B ad æqualitatem; sed quando A æquè velociter impellit ac B ictum fugit, cessat omnino ictus & impulsio, & si velocitas residua ipsius A minor esset velocitate impressa ipsi B, profectò impulsus atque ictus nullo pacto fieri posset; quapropter in ipso actu incidentiæ & percussionis eò usque actio impulsiva ipsius A comprehendi & intelligi potest quousque tantum imminuatur, quantum præcise aucta est velocitas corporis B, nec ulterius propagari potest ac imminui residua illa velocitas

E impel-

Tab. I.
Fig. 16.

Prop. 17.

impellentis A, & ideo est impossibile, ut universa velocitas D E absumatur, & migrèt in corpus quiescens amovibile B: in secundo casu præter alia absurda manifestum est impellentis velocitatem D E nil prorsus imminui, quapropter &c.

Manife-
stantur
causæ ex-
perimen-
torum,
quæ do-
ctrinæ su-
perius tra-
dictæ re-
fragari
videntur.

Non me latet experientias aliquas huic demonstrationi refragari, projectâ enim unâ pilâ super aliam in plano subjecto, multoties ictus ea dexteritate fit, ut percutiens pila in eodem loco sistatur, in quo reliquam percussit, aliquando eadem ulterius progreditur unâ cum pilâ percussâ; sed frequentissime illa, quæ ictum patitur celerius excurrit, aliquando percutiens pila reflectitur, & retrocedit, hæc omnia contingunt propterea quod hujusmodi pilæ non sunt omnino duræ & inflexibiles, sicuti reliqua omnia corpora concreta compressionem aliquam patiuntur, & sensibilem inflexionem, & refilitionem, ut suo loco ostendemus; præterea pila, quæ ictum patitur non omnino indifferens est ad motum, propterea quod neque ejus figura sphaerica, neque subjectum planum esse potest perfectissimè levigatum: his adde vertigines, & convolutiones earundem pilarum, quæ in occurso, dum ad easdem partes convolvuntur, eas facies quæ se contingunt, contrariis motibus agitantur, una scilicet deorsum sese inclinando, reliqua verò fursum, unde fit ut propter asperitates superficialium, ac si essent duæ dentatæ rotæ, se mutuò impedian; sed præcipuè considerari debet compressio, & inflexio tam pilæ percipientis quam percussæ, quæ non in instanti, sed in tempore effici debet, factâ verò compressione, & inflexione ambo corpora nituntur naturali vi se dilatare, & proinde post ictum se mutuò repellunt, quare pila percutiens repellitur via contraria ei; qua prius ferebatur, dum reliqua pila percussâ per eandem viam impellitur & repellitur ab energia, qua se mutuò dilatant ambæ pilæ; igitur in pila percussâ augetur causa celeritatis ejus, in percutiente verò imminuitur, quæ diminutio tanta esse potest, ut omnino æquet ejus residuam velocitatem, unde subsequatur ejus quies, quod si repulsio major fuerit reliquis impetus ipsius, tunc post ictum illatum retrorsum reflectetur evidenti transitu, si verò minor fuerit, antea excurrat, sed tardius quam pila percussâ fugit.

Transio jam ad alteram propositionem, quæ talis est.

PROPOSITIO XIX.

Si corpus uniformiter latum incidat in aliud corpus indifferens ad motum, hoc incidentis velocitatem retardabit, eritque impellentis velocitas ad retardationem quam patitur ut summa corporum incidentis, & percussus ad corpus percussum; oportet autem incidentiam perpendicularem, & mediam esse.

Sit corpus A velocitate DE uniformi translātum à virtute motiva R, atque perductum in C offendat corpus B, quod indifferens sit ad motum incidentia perpendiculari, & media, & quam proportionem habet A simul cum B ad B eandem habeat velocitas ED ad velocitatem DF, dico DF esse retardationem corporis impellentis A post ictum in C illatum corpori B, quia una & eadem vis motiva R semper eodem conatu operatur, ergo eadem energia, qua solitarium corpus A promovebat id ipsum impellet in actu incidentiæ super corpus B, quod aliunde, cum indifferens sit ad motum, cui-libet impellenti cedit quantumvis pusillo, & ideo non resistet, neque imminuet vim motivam R, sed libentissime locum cedit subintranti corpori C, seu A; verūm non potest corpus B locum suum deserere quin moveatur, nec potest moveri nisi ab aliqua motiva virtute propellatur, quæ alia esse non potest distincta ab R, igitur post ictum una & eadem vis motiva R impellit duo corpora C, seu A, nec non B æquè velociter ex præcedenti propositione; hæc autem vis motiva prius movebat solummodò corpus A, igitur duæ moles corporæ inæquales B C major, & A minor moventur ab eadem virtute motiva R, ergò ut moles B C ad A ita reciprocè velocitas DE erit ad eam velocitatem, quā A sive C unā cum B movetur, quæ sit G; ergò per conversionem resolutionis ut B C ad B, ita erit velocitas DE ad differentiam velocitatum DE, & G, sed ut B C ad B ita facta fuit DE ad DF; ergo DF est excessus totalis velocitatis DE ante percussionem supra velocitatem retardatam post ictum, & ideo retardatio velocitatis corporis A est DF, quod &c.

Tab. I.

Figur. 17.

E 2

COROL.

COROLLARIUM.

Constat ergo ex hac demonstratione, quòd velocitas percutientis ad gradum velocitatis corpori percussio impressum eandem proportionem habet, quam summa corporum percutientis & percussi ad corpus percutiens, ut enim A plus B ad A, ita ostensa fuit velocitas D E ad velocitatem G seu F E, & hæc est illa, quæ imprimitur corpori B.

Hinc obiter reddi potest ratio experimenti, quòd traditæ doctrinæ refragari videtur, observamus ab ictu prægrandis navigii tardò motu excurrentis naviculæ imprimi majorem gradum velocitatis eo quo navis ferebatur, hoc accidit ob compressionem flexionemque unius, aut utriusque tabulati navium occurrentium, ad quam consequitur dilatatio & resilitio celeris motu facta, & hæc profectò impellit naviculam insigni velocitate; non ergò à tardo motu totius navigii, sed à velocissima resilitione imprimitur major velocitas naviculæ. Non dissimilis operatio observatur in lamina, vel machinâ parieti affixa, quæ si percutiatur hæc contiguam pilam amovibilem in plano subjecto existentem proculdubio impellet, eique imprimet impetum insignem, cum lamina nihilominus secundum totum quiescere videatur: & quia motus tremoris, aut resilitionis prædictæ laminæ summâ celeritate efficitur, ut postea ostendetur, sit ut pilam sibi adhaerentem percutiat, & ideo mirum non est suscipere pilam velocitatem insignem, hoc autem in corporibus omninò duris minime fieri posset, ut patet ex superius demonstratis.

Et hic summopere animadvertendum est, quòd licet vis motiva R imprimat gradum velocitatis G corpori B, quòd prius in quiete amovibili consistebat, nihilominus ex prædicta actione nihil penitus amisit virtus motiva R, nec prorsus debilitata est, sed tantummodo expansionem, & rarefactionem sui ipsius passâ est, quandoquidem virtus motiva R prius constipata in corpus minus A efficiebat integram velocitatem D E modo aequali rarefactione uniformitèr expansa in duobus corporibus A, & B, mirum non est, si minorem velocitatem G creat, quando ergò queritur, quidnam sit vis illa motiva, quæ à projiciente in corpus projectum imprimitur, tenemus jam hujus quæsitæ solutionem, non enim vis motiva aliam sibi

sibi similem producit de novo in natura, sed tantummodò subdividitur, & migratione quadam expanditur in utroque corpore, in projiciente scilicet, & projecto; quia vero hujusmodi vis motiva nil aliud est quam corporis determinata quantitas impetus, & agitatio tantâ velocitate facta, patet quòd integra velocitas, seu impetus, quo ferebatur corpus impellens A postea uniformiter expansus per omnes particulas utriusque corporis impellentis, nempe A, & projecti B, sit ex prædicta rarefactione, ut singulæ particulae atque integra corpora retardata velocitate G deinceps moveantur.

Igitur quòd tantoperè aliqui peripatetici horrent migrationem scilicet motivæ virtutis videtur esse certissimum, nam pars virtutis, seu impetus, quæ in impellente corpore constipata inexistebat, diffunditur expanditurque in corpus percussum.

Velocitas, quæ ab iclu in corpus projectum communicatur, ex sui natura non in tempore, sed in instanti diffunditur.

CAPUT VII.

Jam superius innuimus non reperiri in rerum natura corpora concreta omninò dura, & inflexibilia, hoc tamen non vetat quin supponi possint corpora, quæ flexibilitate, & compressione immunia sint, quia saltem prima corpora componentia sunt hujus naturæ, in quibus saltem propositio verificari potest, & præterea usum habet etiam in reliquis corporibus flexibilibus.

SUPPOSITIO I.

Sed prius præmitti debent hæc duæ suppositiones, quarum prima est, quòd facultas motiva, quæ interna & naturalis est alicujus corporis non videtur esse inferioris ordinis, & debilioris energię quam sit illa vis motiva, quæ in aliquo projecto ab externa causa impressa

impressa est, quæ mediante deinceps projectum operatur impellendo corpora sibi obstantia æquali velocitate ac interna vis motiva propellebat; quia vis motiva ex sui natura nil aliud esse videtur quam tanta energia & vehementia impetus, à qua, nedum subjectum in quo vis motiva existit movetur, sed insuper, quæ communicari, & diffundi potest in aliis corporibus mobilibus ejus projectum impediens, unde fit, ut quotiescumque effectus productus à duabus causis sint prorsus inter se æquales erunt necessario causæ effectivæ æquæ validæ, & ejusdem roboris, igitur si idem corpus pensile & indifferens ad motum æquæ velociter impellitur ab ictu sibi illato ab aliquo projecto corpore, atque à gravi cadente, vel ab impulsu animalis cujusdam, non poterit hujusmodi intrinseca & naturalis vis motiva debilior & languidior censerī, quàm sit vis illa projectitia, aliàs idem effectus velocitatis impressæ in corpus pensile produceretur à causis effectivis inæqualis roboris, quod videtur omninò absurdum, omitto è contra, quod virtus projectitia potius debilior, & inferioris ordinis censerī debet eò nomine quòd non sit perpetua, & perseverans, quandoquidem semel debilitata, aut deleta deinceps sponte sua restitui, & reviviscere non potest, cum è contra vis motiva à naturali & intrinseco principio prodiens nunquam deleatur, & si fortè aliquando actus, & exercitium suæ operationis impeditur, denuò sponte suâ reviviscit, & pristinam energiam acquirit; quapropter nullò pacto censerī debet vis projectitia altioris ordinis, & majoris roboris, & energię, quàm sit vis motiva ab intrinseco, & naturali principio pendens, quæ eundem velocitatis gradum in aliud corpus indifferens ad motum imprimat.

SUPPOSITIO II.

Secundò suppono quòd gradus velocitatis cujuslibet mobilis projecti, si ab aliquo externo impedimento immineatur, & retardetur, non poterit denuò restitui, & per se reviviscere, nisi adsit nova causa, à qua impetus renovetur, & denuò eidem corpori imprimatur.

Tab. I.
Fig. 18.

Si enim corpus A velocitate DC feratur, atque à causa externa retardetur ejus motus, ut nimirum subdupla ex. gr. velocitate EC mo-

E C moveatur, manifestum est non posse per se, absque novo impulsu superveniente velocitate jam extincta, & amissa D C denuò moveri, scilicet eodem tempore percurrere duplum spatium, aliàs motus, qui ex sui natura effectus, & operatio alicujus causæ motivæ est, procrearetur à nihilo, quod est impossibile, igitur ut denuò ad duplam celeritatem restituatur, requiritur nova causa, quæ novò impulsu augeat diminutam celeritatem, novò scilicet impulsu exterius adveniente, estque aliundè hoc evidentissimum in omnibus projectis, quantacumque enim velocitate saxum, vel sagitta projiciatur, quoties ab externa causa refrænatur, aut retardatur, vel extinguitur impetus ejus, videmus eam vires non resumere per se, neque velocitate amisâ & deletâ unquam moveri, & profectò hâc præcipuâ proprietate differt impetus seu vis motiva naturalis à violenta projectorum, quia nempe illa, licet impediatur, retardetur, & omninò sistatur, sponte suâ vires reasumit ut gravia sublatò fulcimine subito decidunt, quod projectis non contingit, & hoc nomine vis motiva intrinseca, & naturalis perpetua & immortalis censeri potest, cum vis motiva projectitia non diu perseveret mortalisque sit, nec ab ejus privatione ad existentiam sponte sua regrediatur, his præmissis demonstrandum est, quòd.

PROPOSITIO XX.

Quodlibet corpus in motu constitutum percutiendo corpus pensile in ipsum imprimat velocitatis gradum non successivè, & in tempore, sed totum simul in instanti, oportet autem ambo corpora omninò dura, & inflexilia esse.

Corpus A velocitate D latum pertingat ad contactum corporis B pensilis, & amovibiliter quiescentis ad punctum C, ipsumque percutiat perpendiculari & mediâ incidentiâ versus G, imprimatque in ipsum gradum velocitatis E F, sintque ambo corpora durissima & inflexibilia, & primò corpus A sit projectum ut nimirum ejus impetus D non sit ab interna virtute motiva prodicens, sed ab aliquo externo impellente sibi communicatus, dico corpus B acquirere velocitatem E F totam simul in unico temporis instanti, si enim

Tab. I.
Fig. 19.

fi enim hoc verum non est, imprimatur talis gradus velocitatis successivè tempore $T V$; & quia successiva actio diffusionis impetus temporanea intelligi non potest absque eo, quod impetus continenter crescat à pusillo & minimo gradu crescendo quousque ad maximum impetum $E F$ perveniat, hujusmodi verò transitus seu incrementum impetus in tempore factus aut est uniformis, scilicet proportionalis temporibus excursis, aut non; si proportionalis fuerit ita ut in temporis medietate $T X$ acquiratur totius velocitatis medietas $E H$, & in temporis quadrante $T Z$ acquiratur quarta pars velocitatis $E I$, & sic in reliquis partibus proportionalibus, ut tandem in fine totius temporis $T V$ compleatur tota velocitas $E F$; si verò incrementum velocitatis proportionale non fuerit temporibus exactis, saltem hoc evitari non potest, quod nimirum in portione temporis $T Z$ integer gradus velocitatis $E F$ minimè impressus sit in corpus B , sed necessario portio aliqua ejus, qualiscumque illa sit, imprimetur, quando quidem supponitur, completa impressio totius velocitatis $E F$, in fine totius temporis $T V$, his positis quoniam hujusmodi velocitas imprimitur ab A in corpus B totò tempore $T V$, & absque contactu actio impulsiva concipi non potest, ergò corpus A continuatò contactu in C , dum promovet corpus B , unà cum eo moveri cogitur perseverante tempore $T V$, igitur corpus A cogitur moveri versùs G eadem velocitate quàm corpus B promovetur, eò quòd nunquam corpus A in dicto tempore $T V$ separatur à consortio corporis B , igitur non poterit A tempore $T Z$ moveri alià velocitate quàm ea, quæ fertur corpus B quæ est $E I$, quapropter corpus A ob impedimentum, & remoram corporis B omninò amisit pristinam ejus velocitatem D , & tantummodò diminutam velocitatem $E I$ in fine temporis $T Z$ possidet, cùmque per se gradus velocitatis $E I$ non possit augeri in ipsomet impellente corpore A , cùm non adsit nova causa, quæ velocitatem amissam augere vel restituere possit, quando quidem medium fluidum hoc efficere non potest, ut ostensum est, ergò est impossibile ut corpus impellens A in subsequenti tempore à se ipso majorem gradum velocitatis acquirat quàm $E I$; sed ex hypothesi in majori tempore $T X$ corpus B unà cum impellente A acquisiverunt majorem velocitatem $E H$, & tandem in toto tempore $T V$ pervenerunt ad maximam velocitatem $E F$, quòd est absurdum, non igitur in tempore

Ex. 2.
suppos.
huius cap.

Cap. 3.

pore ab impellente A imprimitur in B velocitatis gradus E F, remanet ergo ut instanti imprimatur.

Secundò locò supponatur corpus A promoveri ab intrinseca & naturali vi motiva D, & occurrat corpori pensili B ad motum indifferenti ad punctum C perpendiculari & mediâ incidentiâ, eique imprimat velocitatis gradum E F, sintque ambo corpora durissima & inflexibilia; dico corpus B acquirere velocitatis gradum E F in unico temporis instanti, ponatur corpus M æquale ipsi A, cui ab aliqua externa causa projiciente imprimatur idem gradus velocitatis D, & hōc impetu affectum corpus M incidat in idem corpus B in puncto N, eique imprimat gradum velocitatis E F; quoniam corpus M est projectum moveturque à vi motiva D sibi impressâ ab externa causa, tunc velocitas E F imprimitur ipsi B in instanti, ut ostensum est; sed quando vis motiva D est intrinseca & naturalis ipsius A non est inferioris ordinis & minoris roboris & energię quam sit eadem virtus motiva projectitia ipsius M, igitur non poterit debilius & tardius operari nativa vis motiva D ipsius A quàm projectitia vis alterius M, cum subjectum mobile B idem sit æquè indifferens ad motum & æquè retardans impetum projicientis, & effectus velocitatis impressę E F idem quoque, nec non vis motiva D sibi ipsi æqualis, igitur est impossibile, ut vis projectitia ipsius M operetur in instanti, & ei æqualis virtus intrinseca & nativa ipsius A tantò tardius operetur nempe in tempore, quapropter in instanti operabitur, quod erat, &c.

Tab. I.
Fig. 239

In prima
parte hu-
jus prop.

Ex prima
supposi-
tione hujus
Cap.

PROPOSITIO XXI.

Aliter idem ostendetur hac ratione.

Iisdem positis si enim in instanti non imprimitur velocitas E F corpori differenti B ab impellente A, ergò in aliquo tempore T V, intelligatur corpus Y quod sive glutinis tenacitate quò subjecto plano adhæret, sive vi motivâ contrariâ resistat impulsui ipsius A & impressioni velocitatis E F, sitque talis resistentia ipsius Y tantę energię, ut ad eam superandam requiratur actio impulsivę virtutis ipsius A impetu D perseverans toto tempore T V, quod perfectò possibile est, cum prædicta resistentia augeri, & minui in infinitum

F

tum

Tab. I.
Figur. 19.

tum possit, tunc æquè resistet potentia corporis Y ac corpus B indifferens ad motum, sed hoc est falsum, cum B quiescens amovibiliter ex propositione 17. nullam resistantiam habeat, ergò non in tempore, sed in instanti motus imprimitur.

Modus
impres-
sionis im-
petus a
Gassendo
excogita-
tus refel-
litur.

Non me latet præclarissimum Gassendum, cùm de impressione impetus agit, censere, dùm ab impellente corpore movetur & vehitur projectum, tyrocinio quodam assuescere & quasi addiscere motum exercere, unde fit, ut postmodum per se motum peragere absque adjumento projicientis possit, hinc fortasse quispiam dubitandi occasionem de firmitudine adductæ demonstrationis arripere posset, scilicet dicere posset projectum B dùm ab alio impellitur, & vehitur tempore T V moveri quidem, sed non virtute motiva inexistente sibi communicata ab impellente A, sed impulsu mere passivo permanente facultate motiva in ipso projiciente, à qua veluti pondus quoddam iners vehitur promoveturque; ex quo subsequitur, quòd impetus non communicetur in instanti, licet in instanti motus projecti initium habeat.

P R O P O S I T I O XXII

Hoc autem falsum esse sic ostendetur.

Tab. I.
Fig. 19.
Impossi-
bile est ut
corpus,
dum vehi-
tur impe-
tu proprio
destitua-
tur & se
habeat
mere pas-
sivo.

Si ab impellente A vehitur corpus B motu merè passivò absque eo, quod sibi impressam vim motivam possideat; tunc aut impetus E F sibi imprimitur in postrema parte temporis T V, aut in ultimo ejus instanti; si in parte temporis T V. postrema, sequitur absurdum primi casus propositionis vigesimæ; si in ultimo instanti, ergò velint nolint vis motiva & impetus integer instanti imprimitur in illo nempe ultimo temporis T V post percussionem, præterea in hac hypothese corpus B dum vehitur, agitur verò & reali motu, & transfertur, at realis motus & migratio concipi non potest absque velocitate seu impetu sine quo existere non potest, ergò est impossibile ut corpus B tempore T V feratur impulsu merè passivò destitutum proprio & præconceptò impetu, nec verum est pondus dùm trahitur & vehitur omninò iners & passivè se habere, nam reverà suam vim motivam & impetum impressum possidet, hoc profectò latet ob impedimenta & propter asperitatem corporis vecti, & soli super quod

quod incidit, cui propter energiam gravitatis adhæret nec liberè excurrere potest) secus autem contingit quando corpus vectum fuerit sphericum, & planum subiectum perfectissimè levigatum, tunc enim licet tardissime vehatur, dummodo in fine tractionis non sistatur, & ad quietem non redigatur, post casum aliquantulum excurrit, & hic motus evidenter indicat impetum in eo impressum, id ipsum experimur in corporibus innatantibus, & æquilibratis, quæ ne minimum vehi possunt quâcumque tarditate, quin subsequatur progressus aliquis, qui impetum in eo existentem manifestet, quare nulla tractio, vectio, seu migratio excogitari potest absque impetu impresso eidem corpori, quod movetur, proindeque est impossibile ut corpus B, dum vehitur tempore T V impetu proprio destituatur & se habeat merè passivè.

PROPOSITIO XXIII.

Aliâ ratione id ipsum ostendetur.

Corpus A velocitate D E, scilicet vi motivâ R affectum perpendiculariter & per medium incidat super corpus B amovibiliter quiescens, & si fieri potest post incidentiam totò tempore G retineat impellens A integram velocitatem DE, ut nimirum nulla ejus pars diffundatur, nec communicetur corpori B, & quia corpus B amovibiliter quiescens nil resistit impulsui ipsius A ejus velocitatem non imminuet, ergò necesse est ut in toto tempore G corpus A velocitate D E non imminutâ excurrat, proindeque eâdem velocitate annexum corpus B antèrius excurreret promovebiturque, quare ab eadem virtute motivâ R impellentur duo corpora A, & B eâdem velocitate D E; sed in fine temporis G postquam portio impetus ipsius A communicata est ipsi B tunc duo corpora A & B ab eâdem virtute motivâ R transferri debent diminuta velocitate E F, ad quam integra velocitas DE eandem proportionem habeat, quam duo corpora A & B simul ad A, & prius ambo movebantur velocitate integra D E, ergò eadem corpora A & B ab eadem virtute motiva R inæqualibus velocitatibus D E & F E moventur, quod est absurdum, non ergò post instantaneam percussionem tempore G corpus B dum movetur virtute motivâ destituatur, undè constat

Tab. I.
Fig. 17.

Prop. 17.

Corollarium.
Prop. 19.

non tyrocinio nec disciplinâ vel assuetudine impetum acquiri in tempore, sed diffundi in instanti.

Velocitas, quæ in corporibus flexibilibus & non omninò duris communicatur ab ictu percussivo, imprimatur non in unico, sed in pluribus instantibus temporis continenter succedentibus.

CAPUT VIII.

Hactenùs supposuimus omnimodam duritiem & inflexibilitatem tam in corpore ictum inferente quàm in percusso, modò supponamus eadem duo corpora cedentia, & flexibilia esse, ut sunt omnia corpora concreta, quæ in rerum natura existunt; hæc autem aut constat ex partibus discretis, & omninò sejunctis, aut eorum partes simul connectuntur glutine, aut vinculis aliquibus, quæ aliquando majorem, aliquando minorem tenacitatem habent, unde fit, ut quotiescumque ab aliquo corpore durò premuntur, tunc quidem non omnes partes ejusdem corporis eodem motu, & celeritate unà moventur, sed possunt primæ particulæ, quæ ictum recipiunt, agitari reliquis quiescentibus, aut diverso, & tardiori motu pristinam positionem deferentibus, & hinc confurgit aut mollities corporis, aut flexibilitas. Ut verò à notioribus initium sumamus.

PROPOSITIO XXIV.

Percussio facta in congeriem corporum disjunctorum impetum in eam communicat continenter debilitatum, & in tempore.

Tab. II.
Fig. 27.

Supponatur corpus concretum B C D conflatum ex particulis B, C,

B, C, D inter se omnino discretis, quæ nullam resistantiam habeant, & indifferentes sint ad motum, percutiatur postea corpus concretum B D à duro corpore A impetu E, sive ab interno sive externo principio pendente, tunc quidem efficitur corpus A non unicam, sed multiplicem percussionem, quarum prima erit ea, quæ infligitur anterioris expositis corporibus B, quæ supponantur omnino dura, & eis imprimat velocitatem F G, quæ ex præcedentibus in instanti propagabitur; quia verò post primum ictum nondum aggregatum ex corporibus A, & B attingit subsequentes particulas C, ideo aliquantulum moveri debent ut ad contactum C perducantur, & propterea tempore aliquo intermediò motus à situ B ad C fieri debet, & postmodum effici poterit secunda percussio in C, quæ denuò eadem ratione instantanea erit, cumque tota velocitas F G, quæ in aggregato corporum A, & B diffusa fuerat, debeat postmodum magis rarefieri in tribus corporibus A, B, & C, igitur velocitas minuetur pro retardatione F H verbi gratiâ, quæ propter relicta velocitas H G, quâ movetur corpus C cum sibi conjunctis corporibus A, & B, in instanti quoque procreatur, & demum tempore aliquo perducì debent ad contactum remotiorum particularum D, & postmodum celebrari debet postremus impulsus ab impetu G H trium corporum A, B, C, ut tandem fiat secunda retardatio H I, & postremus gradus vigentis velocitatis I G remaneat impressus tum particulis D, cum etiam universo concreto corpori B D.

Prop. 10.
11. 22.
& 23.

Hinc percipitur quod reverà velocitas I G imprimitur in corpus concretum B D in tempore non ratione percussionis, scilicet non ex eo, quod partiales ictus, & partiales gradus velocitatis imprimantur in tempore, sed quia inter duas percussiones tempus intermedat, propterea quòd distantix & intercapedines inter particulas B, C, D corporis concreti excurrì debent in tempore; igitur ratio quare postremus gradus velocitatis I G in tempore imprimitur in corpus concretum B D est, quia non efficitur unica percussio, sed multæ continuato ordine, quarum una post aliam ictum efficit instantaneum, sed inter prædictos ictus particula quantæ temporis semper intermedat.

His declaratis concipiatur jam corpus concretum B D constare ex particulis partim discretis, partim verò mutuò con-

Tab. 14.
Fig. 22.

F 3.

xis,

xis, ut sunt corpora fluida, & mollia, in iis enim totalis & ex-
 quisitus contactus nullo pacto admitti potest, quandoquidem non
 possent impelli primæ particulæ B, quin etiam tota series subse-
 quentium particularum C D unâ moverentur, & impellerentur,
 quod cum repugnet evidentæ sensus, eò quòd videmus moveri
 primas particulas B, dùm subsequentes C, & D omninò qui-
 escunt, ut contingit in fluidis, & mollibus corporibus, igitur ne-
 cessario admitti debent spatiola aliqua intermedia, à quibus particulæ
 illæ aliquantulum ab invicem sejunguntur, eò quod primæ particulæ
 B moveri non possunt nisi in aliquo loci spatio, scilicet nisi distent
 aliquantisper à subsequentibus corporibus C, aliàs si corpus B mo-
 veri posset versus C quando prædicta corpora se tangunt, & cor-
 pus C quiescit, tunc quidem duo corpora se mutuò penetrarent,
 quod est impossibile, igitur necessario aliqua intercapedo localis
 inter prædictas particulas admitti debet.

In fluidis
 corpori-
 bus ad-
 mitti de-
 bent ali-
 qua spa-
 tiola in-
 termedia.

Particulæ
 fluidum
 compo-
 nentes
 motui re-
 sistunt,
 quatenus
 a collate-
 ralibus
 particulis
 impedi-
 untur, &
 proinde
 impellen-
 tis vim
 morivam
 aliquo
 pacto de-
 bilitant.

Efficitur
 impressio
 velocita-
 tis in
 tempore
 quatenus
 plures
 percussio-
 nes con-
 tingenter
 succeden-
 tes sunt.

Sed licet prædictæ particulæ aliquò pacto sejungantur, non pro-
 inde concipi debent omninò segregatæ, & omninò indifferentes
 ad motum, sed aliquò pacto resistunt, quatenus ab irretientibus
 particulis collateralibus retinentur, ut non possint excurrere, & ex-
 tricari, quin miris modis flectantur circumvolvantur, & variis icti-
 bus, & confricationibus impediuntur, hinc fit, ut ictus illatus à
 corpore duro A in instanti quidem velocitatis gradum aliquem im-
 primat in exposita corpuscula B, quæ ob impedimenta irretientium
 particularum violentiæ ipsius A aliquantò resistunt, & proinde de-
 bilitant aliquo pacto vim impellentis corporis A; hoc tamen non
 impedit quin prima percussio effectum suum instantaneum produ-
 cat, impressionis scilicet alicujus velocitatis, ut superius adducta
 demonstratio evincit, sed concipi debet eò nomine impressionem
 velocitatis in anterioribus corporibus B in tempore fieri, quatenus
 corpora B unâ cum irretientibus corporibus seriem quandam cor-
 porum mobilium componunt, in qua post primum ictum instantaneum
 particulæ insensibiles temporis mediant inter primum, & sub-
 sequentes ictus; idem dicendum est de subsequentibus ictibus in
 particulis C & D; & siquidem repetitæ resistantiæ particularum
 multiplicatæ extinguere omninò possent totalem velocitatem im-
 pellentis corporis A, tunc quidem quies ejus subsequeretur, & ex-
 tinctio impulsus, & motus.

Non

Non secus in corporibus flexilibus, ut sunt machinæ, in quibus percussio non in tempore fit, scilicet ex continuatis impulsio-
 bus, quarum quælibet temporanea sit, & inter duas quaslibet
 semper insensibilis temporis particula mediat, & in tali casu corpus
 percussum non habebit omnimodam indifferentiam ad motum, sed
 potius resistentiam positivam; quandoquidem machina flexi non
 potest quin aliquo pacto partes laterales versus convexitatem cor-
 poris flexi existentes violentè ab invicem distrahantur, & quo-
 dammodo diffingantur lacerenturque, at in prædictis fractionibus
 requiritur gradus determinatus impulsio-
 nis; & propterea tantum-
 dem minuitur violentia impellentis; sed hæc clarius percipiuntur
 posterius ubi de machinæ resilitione agetur.

In flexibi-
 libus cor-
 poribus
 percussio
 & im-
 pressio
 impetus
 in tempo-
 re fit, ne-
 dum quia
 singulares
 percussio-
 nes tem-
 poraneæ
 sunt, sed
 quia in-
 ter esse
 tempus
 mediat
 minuitur
 que vis
 motiva
 eb resi-
 stentiam
 eorum.

*Velocitas in projecto impressa ex sui natura est unifor-
 mis, & perpetuò duratura.*

CAPUT IX.

Quoniam, ut dictum est, motus qui à projicien-
 te efficitur nil aliud est quàm transitus in tem-
 pore determinato factus, vel potius velocitas, quæ
 ex sui natura transitum, & migrationem dicit, ma-
 nifestum est, si removeantur omnes causæ externæ
 transitum, & motum illum impediennes, & retar-
 dantes esse illum perpetuò duraturum, quandoqui-
 dem effectus cujuslibet causæ ex se ipso deficere &
 languere non potest nisi ad sint causæ contrariæ à qui-
 bus debilitetur, aut destruatur; sic pariter nullus
 alius modus vel accidens sponte sua, & per se destroi-
 tur, aut debilitatur, si nimirum subjectum in quo
 existit perseveret, & nunquam desinat (cum lumi-
 ne naturæ constet entia sponte sua in nihilum abire
 non posse, nisi deficiat, vel subtrahatur continuus
 influxus Dei rerum maximi: quo etiam creata indigere
 credi-

credimus) & insuper non adsint causæ internæ vel externæ eum destruentes, veluti figura trianguli lignei nunquàm deficeret, si ejus materia, lignum scilicet, in quo subjectatur æterna esse posset, nec ab alia causa externa unquàm destrueretur, sic quoque modus ille, quo corpora ab uno ad alium locum migrant, nunquàm deficeret, si corpus in quo existit, & quod migrat æternum esse posset, atque à nulla causa contraria ejus motus debilitaretur aut destrueretur.

De proportionem percussorum factarum in corpus omninò stabile, vel amovibile

CAPUT X.

Postquàm de diffusionem, & propagationem impetus egimus qui ab impellente in corpus impulsus producit, inquirenda modò est vis, & energia ictus qua premitur corpus impulsus; estque percussio actio quædam compressiva corporis impellentis excepta, & refrænata à corpore ictum recipiente; itaque in percussione duo corpora requiruntur alterum agens, alterum verò patiens, seu actionem resistens; actio verò illius pendet nedum ab impetu seu gradu velocitatis ejus sed etiam ab aliis causis, de quibus modo agendum est in subsequenti propositionibus hoc axiomate præmisso.

Percussio-
nis definitio.

AXIOMA IV.

Corpus quiescens aliud stabile corpus contingens ipsum non percutiet.

Hoc plane evidentissimum est, quia percussio actio est compressiva

pressiva, quæ concipi non potest absque nisu & impetu motus localis.

PROPOSITIO XXV.

Si duo corpora aequali velocitate translata perpendiculariter incidant in superficiem ejusdem corporis omnino immobilis duri, & inflexibilis, eorum percussiones eandem proportionem habebunt quam moles corporum eorundem incidentium corporum habent.

Duo quælibet corpora A, & B æqualibus velocitatibus V incidunt perpendiculariter super ejusdem corporis omnino fixi & stabilis C superficiem, sintque prædicta corpora omnino dura, & inflexibilia; dico vim, & energiam, quâ corpus A percutit ipsum C ad percussorem factam à corpore B eandem proportionem habere, quam moles corporea A ad molem corporis B, quoniam corpora A, & B æque velocia sunt, ergo moles corporea A ad corpoream molem ipsius B eandem proportionem habebit, quam motiva vis extensa in totam molem corpoream ipsius A ad vim motivam extensam in corpus B; sed corpus omnino firmum C impellitur, & premitur perpendiculariter ab omnibus particulis corporum A, & B impulsis à totidem portiunculis virtutis impulsivæ, & ejusmodi impulsibus omnino resistit C suâ quiete pertinaciter eosque retinet, ergo compressio, quam efficit corpus A ad eum impulsum, quem efficit corpus B eandem proportionem habebit, quam universa vis motiva in corpus A expansa ad totam vim motivam ipsius B, seu eandem, quam moles corporea A ad ipsius B molem corpoream, quod erat &c.

Tab. I.
Fig. 22.

Prop. 12.

PROPOSITIO XXVI.

Si duo corpora inter se equalia perpendiculariter incidant super alterius corporis omnino stabilis superficiem, fuerintque omnia corpora dura, & inflexibilia, vires percussorum proportionales erunt velocitatibus eorundem incidentium corporum.

Corpus A sit æquale ipsi B & ambo perpendiculariter incidant super

G

Tab. I.
Fig. 23.

super idem corpus omninò stabile C, & V sit velocitas ipsius A, atque X sit velocitas alterius B, sintque prædicta corpora dura, & inflexibilia; dico vim percussionis, quam efficit corpus A ad percussionem quam efficit corpus B eandem proportionem habere, quam V velocitas ipsius A ad X velocitatem alterius B habet quia
 Prop. 13. corpora A & B æqualia sunt, ergo vis motiva ipsius A ad vim motivam alterius B eandem proportionem habet quam V velocitas ipsius A ad X velocitatem B; sed corpus C impellitur, & comprimitur à robore virtutis motivæ uniformiter diffusæ per duas moles æquales corporum A, & B, & eisdem omninò sua firmitudine resistit, & refrænât C, ergò ut vis motiva A ad vim motivam alterius B, seu ut V velocitas ipsius A ad X velocitatem B, ita erit energia percussionis corporis A ad vim percussionis corporis B, quod erat &c.

PROPOSITIO XXVII.

Si duo corpora inæqualia velocitatibus inæqualibus incidant perpendiculariter super ejusdem corporis omninò quiescentis superficiem, sintque prædicta corpora dura, & inflexibilia, vires eorum percussionum proportionem compositam habebunt ex rationibus magnitudinum, & velocitatum.

Tab. I.
Fig. 24.

Sint duo corpora inæqualia A, & B, & perpendicularitèr incidant super corporis omninò stabilis C superficiem, A quidem velocitate D B verò velocitate E; dico energiam percussionis, quam efficit corpus A super C ad eam, quam efficit corpus B compositam proportionem habere ex ratione corporeæ molis A ad corpoream molem B; & ex ratione velocitatis D ad velocitatem E: ponatur corpus F æquale ipsi B, quod moveatur velocitate D; & quia duo corpora A, & F eandem velocitatem D moventur, & perpendicularitèr incidunt super corpus omninò stabile C; ergò vis percussionis, quam efficit A ad eam, quam efficit corpus F eandem proportionem habet, quam moles A ad F, seu ad B; postea quia duo corpora æqualia F, & B inæqualibus velocitatibus D, & E perpendicularitèr incidunt super C, ergò energia percussionis, quam efficit corpus F ad eam, quam facit corpus B eandem proportionem

nem habebit, quam velocitas D ad velocitatem E; proportio vero percussio-
nis ipsius A ad percussio-
nem postremam B componitur
ex ratione percussio-
nis A ad percussio-
nem corporis F, & ex ratio-
ne percussio-
nis ejusdem F ad percussio-
nem postremam B, igitur vis
percussio-
nis ipsius A ad vim percussio-
nis alterius B habet proportio-
nem compositam ex ratione molis A ad B, & ex ratione velocitatis
D ad E, quod erat &c.

PROPOSITIO XXVIII.

*Hinc constat si moles perpendiculariter incidentium corporum super idem
corpus omnino stabile reciproce proportionales fuerint velocitatibus
earum, esse vires percussio-
num aequales inter se.*

Quod facile deducitur ex præcedenti propositione.

COROLLARIUM.

Patet etiam quod si corpus quodcumque perpendiculariter inci-
dat super alterius corporis omnino stabilis superficiem, & ambo
corpora fuerint dura, & inflexibilia, vis & energia percussio-
nis mensurabitur nedum ab impetu, & velocitate incidentis corporis,
sed etiam ab ejusdem mole corporea, quandoquidem vis motiva,
quæ impellitur, & comprimitur corpus firmum ictum recipiens
mensuratur nedum à gradu intensivo impetus ipsius, sed etiam ab
ejusdem extensione per universam molem incidentis corporis, à
qua universæ particulæ ejus eadem vi, & robore intensivo propel-
lunt corpus quiescens, quia verò impeditur à firmo corpore omni-
nò progressus incidentis corporis, scilicet tota ejus actio impulsiva
retunditur, & refrænatur, ergò actio totalis mensuratur à totali
velocitate percutientis, & ab ejus mole.

Energia
percussio-
nis men-
suratur
nedum ab
impetu
inciden-
tis corpo-
ris, sed
etiam ab
ejusdem
mole cor-
poræ.

PROPOSITIO XXIX.

Vis percussionis facta super corpus quiescens amovibiliter mensuratur à portione impetus percussivi, ad quam eandem proportionem habet, quam summa percutientis & percussivi ad corpus percussum.

Tab. I.
Fig. 25.

Si verò corpus quiescens C ictum excipiens, licet quiescat, sit tamen indifferens ad motum, scilicet sit in quiete seu statione amovibili, tunc quidem vis, & energia percussionis, quam efficit corpus A perpendiculariter & per medium incidens super corpus C non mensuratur à totali impetu V X, quo corpus A id ipsum percutit, sed ab ejus portione V Z, ad quam integra velocitas V X eandem proportionem habeat quam summa duorum corporum A, & C ad ipsum C quoniam corpus A velocitate V X incidit perpendiculari & mediâ incidentiâ super corporis C quiescentis amovibilis superficiem, igitur velocitas V X uniformiter post ictum spargitur in duobus corporibus A, & C ergò velocitas V Z est retardatio, quæ inferitur velocitati ipsius A; modo si corpus C esset omnino immobile referretur integra ipsius A velocitas V X quia nulla ejus portio imprimeretur constanti, & omnino immobili corpori C, at quia id ipsum C supponitur indifferens ad motum, & proinde ei imprimitur gradus aliquis velocitatis, puta X Z minus quam V X, ope cujus cedit & oblequitur impulsui ipsius A, & hoc nomine ei non resistit, repugnat verò & renititur impulsui ipsius A pro mensura diminutionis velocitatis ejus, quæ est V Z: sed tanta est energia percussionis quanta est resistentia, quæ impellenti inferitur, ergò vis & energia percussionis ipsius super C mensuratur non ab integro ejus impetu V X, sed ab ejus portione V Z, quod erat &c.

Prop. 19.

Ex Prop.
26.

Coroll.
Prop. 19.

De varietate percussionum, quæ oritur ex motu, & positione corporum ictu recipientium.

CAPUT XI.

Cum eadem operatio quatenus ab efficiente diffunditur actio appelletur, & quatenus in subjectio reci-

recipitur passionis nomine donetur, non distinguuntur actio & passio quoad energiam, sed tantummodo respectu terminorum, sic pariter vis percussionis una, & eadem erit, ejusdemque mensuræ & gradus, licet respectu impellentis corporis, & quatenus ab eo fluit actio percussionis vocetur, & respectu corporis ictum recipientis vocetur passio percussionis, & hujus operatio dicitur resistentia, sicuti operatio impellentis vocatur percussio, ex quo deducitur quòd resistentia corporis omnino quiescentis, de quo egimus in superius adductis propositionibus, commensuratur omnino percussionibus, quæ ab eisdem corporibus inferuntur, at quia propter alias causas variatur vis & energia resistentiæ, proindeque vis percussionis diversificatur, propterea hujusmodi novæ causæ exponi debent, & primò.

PROPOSITIO XXX.

Si duo corpora moveantur equali velocitate per eandem rectam lineam ad easdem partes nulla resistentia neque percussio efficietur.

Ferantur corpora A, & B per eandem rectam lineam A B C D ad easdem partes equali velocitate, dico nullam prorsus plagam vel percussionem inferre A ipsi B, neque B penitus resistere impulsui ipsius A supponantur A, & B sese tangere (nam absque contactu proculdubio nulla percussio efficietur) quia existentibus velocitatibus æqualibus, si in dato tempore corpus A percurrit spatium A C, paritèr B fugiendo pertransit spatium B D æquale ipsi A C, & ideo B non impedit neque retardat motum corporis A, quare ablato & non existente in natura corpore B non percurreret A majus spatium quam A C eodem tempore, ergo æquale spatium percurritur ab A solitariò ac ab A conjunctò cum B; ideoque perindè impeditur progressus ipsius A à corpore B quam à nihilo, & propterea progressus ipsius A nullo pacto impeditur, sed ubi prorsus non re-

frangatur progressus ipsius A, ibi nulla percussio neque resistentia ipsius B concipi potest; igitur A nullò pacto percutit ipsum B, neque hoc ei resistit, & propterea eadem placiditate A tanget corpus B, acsi ambo omnino quiescerent in eodem situ spatii mundani, quod &c.

COROLLARIUM.

Hinc patet quòd si motus fugientis corporis B velocior fuerit motu persequentis corporis A, tunc nullam fore percussionem neque resistentiam, quandoquidem nunquam tardius corpus A ad contactum celerius fugientis B perveniet, ideòque nulla actio percussiva nec resistentia concipi potest.

Et hic est secundus modus prohibendi percussionem, licet enim A motu reali feratur in spatio mundano cum sua velocitate, & impetu, quia tamen deficit motus & impetus relativum ipsius A respectu B, percussio tamen non efficitur.

PROPOSITIO XXXI.

Si postea duo corpora omnino dura, & inflexibilia motibus contrariis per eandem rectam lineam sibi mutuo occurrant perpendiculari & mediâ incidentiâ, percussio, qua fiet super idem corpus tardius excurrens, si in quiete amovibili constitueretur, ad percussionem motibus contrariis factam eandem proportionem habet, quam velocitas percutientis corporis ad duas eorum velocitates contrarias simul sumptas.

Tab. I.
Fig. 27.

Moveantur duo corpora A, & B motibus contrariis per eandem rectam lineam, ita ut sibi mutuo occurrant perpendiculari & mediâ incidentiâ super utriusque superficiem, sitque CD velocitas ipsius A, atque EF sit velocitas alterius B, & ductis rectis GC, & EI perpendicularibus ad CD, & EF, fiat GC ad EI ut moles corporea A ad molem B representabunt hujusmodi perpendiculares moles ipsas corporeas A, & B sicuti reliquæ CD & EF representant velocitates eorum, compleanturque rectangula GD, & IF, quæ proportionem compositam habebunt ex rationibus velocita-

locitatum, & magnitudinum corporum A, & B, & propterea representabunt prædicta rectangula vires motivæ eorundem corporum, fiat postea ut summa ex A, & B ad B ita CD ad CL erit dividendo, & invertendo B ad A ut CL ad LD, compleaturque rectangulum GL, similiter ut A simul cum B ad A, ita fiat velocitas FE ad EM, erit dividendo B ad A ut FM ad ME, compleaturque rectangulum MI, atque super CD applicetur rectangulum CO æquale FI, & quia ut B ad A, ita est FM ad ME, nec non CL ad LD, seu productum FK ad IM, pariterque productum CP ad LO, & componendo productum FI ad MI erit ut CO ad LO, suntque antecedentia producta FI, & CO æqualia, igitur & consequentia IM, & LO æqualia erunt, fiat postea moles corporea R ad A ut velocitas CD ad EF, ostendendum est rectangulum GL ad LO sive ad IM eandem proportionem habere quam velocitas CD ad EF, quoniam rectangulum GD ad IF, seu ad CO compositam proportionem habet ex ratione laterum CD ad EF sive R ad A, quæ est ratio locitatum, & ex ratione CG ad EI, seu corporis A ad B, & rectangulum CN ad ND est ut corpus B ad A, & rectangulum ND ad LO seu rectangulum CH ad CO vel ad IF ut R ad B; igitur proportio rectanguli CN ad LO componitur ex iisdem rationibus B ad A, & R ad B, igitur ex æqualitate perturbata rectangulum GE ad LO erit ut R ad A, seu ut velocitas CD ad EF, debet modo ostendi rectangulum CN designare percussione[m] partialem ipsius A super B, at LO representare partialem repercussione[m] quam efficit B super A, quia si B esset quiescens amovibile, scilicet indifferens ad motum, tunc corpus A velocitate CD translatum efficeret super eum percussione[m] designatam à rectangulo CN, scilicet ab ea portione totius virtutis motivæ CH, cui corpus B resistit, & propterea tantundem refrænaretur vis motiva ipsius A, & è contra repercussio quæ efficeretur à corpore B translato velocitate EF contra corpus A stabile amovibile, seu indifferens ad motum mensuraretur à portione IM seu LO totius ejus virtutis motivæ IF; manifestum est autem in mutuo occurso corporum A, & B easdem contrarias percussiones effici, quapropter constat partialem percussione[m] ipsius A ad repercussione[m] ipsius corporis B eandem proportionem habere.

Ex Prop.
12, 13, 14.

Prop. 29.

Eadem.

re.

re, quam velocitas CD ad EF , & unam earum nempe partialem percussione ipsius A super corpus quiescens amovibile B ad summam earundem habere eandem proportionem, quam velocitas C ad D ad duas velocitates simul sumptas, quod fuerat ostendendum.

Ut, verò facilius id ipsum demonstretur hac propositio præmitti debet.

PROPOSITIO XXXII

Si duo corpora contrariis motibus per eandem rectam lineam sibi mutuò occurrant perpendiculari & mediâ incidentiâ: impetus quo unum ab altero impellitur æqualis erit ei, quò eorum alterum velocitate æquali duabus contrariis velocitatibus occurrit alteri corpori quiescenti amovibili.

Tab. 1.
Fig. 28.

Sint corporum A , & B velocitates CD , & FD contrariæ, quibus per eandem rectam lineam perpendiculari & mediâ incidentiâ sibi mutuò occurrant in D , excurrando eodem tempore duo spatia CD & FD , dico impetum quo corpus A pellit corpus B in D contrariò motu effectum, eundem omninò esse quam impetus quo idem corpus A velocitate CF æquali ambabus velocitatibus contrariis percuteret corpus B quiescens amovibile in F ; quoniam duo impetus compressivi ejusdem corporis A inæqualibus velocitatibus CF & CD excurrentis, qui exercentur super id ipsum corpus B quiescens amovibile in F & D positum, eandem proportionem habent, quam ejus velocitates CF & CD , & corpus B in D situm, non in quiete amovibili constituitur, sed afficitur velocitate contrariâ FD ac proinde non suscipit, nec patitur solummodò occurrsum compressivum velocitatis CD , sed insuper repellendo corpus A auget impetum quo sibi mutuò comprimuntur, tantâ vi quanta est energia velocitatis FD , & unica velocitas C superat velocitatem CD , eodem excessu FD ; igitur impetus compressivi qui inferuntur ab eodem corpore A eidem corpori B in F amovibiliter quiescenti, atque in D contrariâ velocitate FD ictum repercutiente æquales omninò inter se sunt, quod erat &c.

P R O

P R O P O S I T I O XXXIII.

Si duo corpora ad easdem partes per eandem rectam lineam moveantur, & sibi mutuò occurrant, impetus compressivus quo corpus tardius fugiendo impellitur aequalis est impetui compressivo facto in ejus quiete amovibili velocitate differentiali.

Si postmodum corporum A, & B motus fiant ad easdem partes Tab. II.
Fig. 29. per eandem rectam lineam, & velocitas ipsius A sit CD, at velocitas ipsius B sit FD, & occurrant sibi mutuò perpendiculari & mediâ incidentiâ in D; dico impetum compressivum quem patitur B ictum fugiendo in D æqualem esse impetui compressivo facto super idem corpus B in quiete amovibili constitutum in F ab eodem corpore A velocitate CF differentiali translato, ita nempe ut A pertranseat spatium CF eodem tempore quo B spatium FD, & idem A spatium CD percurrerat, quoniam si corpus B quiescens amovibile ponatur in F & in D idem corpus A inæqualibus velocitatibus translatum efficiet super B duos impetus compressivos eandem proportionem habentes, quam habent velocitates CD, & CF inæquales inter se pro excessu velocitatis FD; corpus autem B in D non ponitur quiescens amovibile, sed in motu constituitur ab F versus D, quo nimirum cedendo & ictum fugiendo plagari, & ictum persequentis corporis A debilitat pro mensurâ velocitatis, qua ictum frustratur, obsecundando nempe, non autem ei resistendo, igitur impetus compressivus in D tantum debilitatur præcisè quanta est velocitas FD qua ictum effugit, proptereaque impetus compressivus factus in fugiens corpus B æquatur præcisè differentiz velocitatum CF scilicet æquatur impetui compressivo facto super B quiescente amovibili in situ F facto ab A velocitate CF translato, quod erat &c.

His præmissis demonstrabitur superius adducta propositio hac ratione.

H

P R O-

PROPOSITIO XXXIV.

Si duo corpora dura contrariis motibus sibi mutuò occurrant perpendiculari & mediâ incidentiâ, vis percussiois, quam efficit velocius corpus super reliquum quiescens amovibiliter ad percussorem quam id ipsum patitur contrariâ velocitate affectum ab eodem impellente, eandem proportionem habet quam singularis velocitas percutientis ad summam velocitatum contrariarum.

Tab. II.
Fig. 28.

Moveatur A versùs B velocitate CD, & B versùs A velocitate FD, ut sibi occurrant perpendiculari, & mediâ incidentiâ per eandem lineam rectam in D. sintque ambo corpora dura; ostendendum est vim percussiois, quam efficit corpus A velocitate CD latum super B quiescens amovibiliter in D ad percussorem, quam patitur B contrariâ velocitate FD affectum ab eodem impellente A, eandem proportionem habere quam CD singularis velocitas ipsius A ad CF summam velocitatem contrariarum. Ut A simul cum B ad B, ita fiat FC ad CM, atque CD ad CL; quare permutando FC ad CD erit, ut CM ad CL, constat impetum CL.

Prop. 29. designare vim percussiois factæ à corpore A velocitate CD moto super corpus B quiescens amovibiliter in D, pariterque CM designabit vim percussiois illatæ à corpore A velocitate CF moto super corpus B amovibiliter quiescens in F, & quia reverà unica percussio efficitur à velociori corpore super tardius, hæc autem fit ab actione compressiva corporis A super B, ejusque energia defumitur ex comparatione magnitudinum corporum A, & B, & ex vehementia impetus, quo sibi mutuò occurrunt, & moles corporis B eadem semper est, nec variatur, si B quiescat, si motu contrariò agitur, & impetus, quo B si quiescens, si motu contrariò latum comprimitur ab A, non est semper idem, & ostensum est vim impetus, quo A comprimit B quiescens amovibile in F ictum opperens æqualem esse vi impetus, quo A comprimit B motu contrariò in D ictum reperiens, si revera velocitas CF æqualis fuerit duabus contrariis velocitatibus CD, & FD; ergò energia percussiois, quam patitur B quiescens amovibile in F ab A translato velocitate CF æqualis est vi percussiois ab A velocitate

Iocitate C D illatæ corpori B contraria velocitate F D commoto: Prop. 29.
 sed C M designat vim percussionis illatæ ab A velocitate C E moto
 super B quiescens amovibile in F, igitur eadem C M designabit
 vim percussionis, quam patitur B contrario motu affectum in D;
 sed C L indicat vim percussionis factæ ab A velocitate C D moto Prop. 29.
 super B quiescens amovibile in D, ergò ut C L ad C M vel potius
 ut velocitas D C ad C F summam contrariarum velocitatum, ita
 erit vis percussionis, quam patitur B quiescens amovibile in D ad
 vim percussionis, quam patitur B contrariò motu agitaturn in D
 ab impulsu ejusdem A velocitate C D factò, quod fuerat ostendendum.

P R O P O S I T I O XXXV.

*Si postea duo corpora inequalibus velocitatibus ad easdem partes
 ferantur per eandem rectam lineam, ut sibi occurrant perpendiculari,
 & mediâ incidentiâ, vis percussionis, quam patitur anteceden-
 dens corpus, si in quiete amovibili constitueretur, ad eam percussio-
 nem, quam patitur, dum suo motu ictum fugit, eandem proportio-
 nem habet, quam velocitas persequentis corporis ad differentiam
 velocitatum eorundem.*

Ferantur corpora dura A, & B per eandem rectam lineam ad Tab. 11.
 easdem partes à C versùs D, sitque C D velocitas ipsius A perse- Fig. 29.
 quentis, atque F D sit minor velocitas fugientis corporis B, ut ni-
 mirum ex C & F digredientes eodem tempore in D sibi occurrant
 perpendiculari & mediâ incidentiâ; dico quòd energia ictus illati
 super corpus B, si in D poneretur amovibili statione ad vim ictus,
 quem ibidem patitur B in actu excursionis, & fugæ eandem pro-
 portionem habebit, quam C D velocitas ipsius A ad C F differen-
 tiam velocitatum earundem, fiat denuò, ut A simul cum B ad B,
 ita F C ad C M, & ita C D ad C L, ostendetur, ut prius dictum
 est, C M designare vim percussionis illatæ ab A velocitate C F
 super B in statione amovibili situm in F, similiterque C L indicabit
 vim percussionis factæ ab A velocitate C D super B in statione a-
 movibili D, quoniam impetus, quò A velocitate C D occurrit Prop. 33.
 ipsi B velocitate F D fugienti æqualis est impetui, quò idem A ve-

locitate C F differentiali occurrit eidem B in statione amovibili in F constituti, siquidem velocitas C F æqualis est differentię velocitatum C D, & F D, ergo energia percussionis, quam patitur B in statione amovibili F ab A velocitate C F lato æqualis est vi percussionis ab A velocitate C D illatę corpori B fugienti velocitate F D, igitur C M designabit vim percussionis, quam patitur B in actu fugię in D, proindeque vis percussionis, quam patitur corpus B in statione amovibili D ad eam percussionem, quam patitur, dum in D fugit ictum percutientis A eadem velocitate C D eandem proportionem habebit, quam C L ad C M, siye C D velocitas ejusdem percutientis A ad C F differentiam velocitatum eorundem corporum A, & B, quod fuerat &c.

Ex Prop.
31.

Energia
percussio-
nis pen-
det non
ab impe-
tu motus
realis per-
cutientis
corporis,
sed a mo-
tu respec-
tivo.

Hinc constat, quod vis, & energia percussionis pendet non ab impetu motus realis percutientis corporis in spatio mundano facti, sed a motu respectivo, quo unus reliquum excedit.

P R O P O S I T I O . XXXVI.

Denique si duo corpora moveantur non per eandem lineam, sed per lineas ad invicem perpendiculares & sibi occurrant perpendiculari, & mediā incidentiā energia percussionis, quam patitur unum eorum à reliquo, eadem est, quam ea, quę efficitur in statione ejus amovibili vel omnimodā.

Tab. II.
Fig. 30.

Corpus A feratur per rectam lineam C D à C versus D quācumque velocitate C D, atque corpus B excurrat quācumque velocitate F D per rectam lineam F D perpendicularem ad C D, & præcisè incidentiā mediā, & perpendiculari corpus A incidat super corporis B superficiem in situ D, sintque pariter ambo corpora omnino dura, & inflexibilia; dico quod energia ictus, quem patitur corpus B in D æqualis omnino erit ei, quo comprimeretur, si B in D in statione amovibili vel omnimoda constitueretur; quoniam motus transversalis per F D non auget, nec minuit impetum directum C D, propterea quod posito, siye ablato motu transversali F D, perinde corpus A eodem tempore unicum spatium sibi ipsi æquale C D percurrere debet; at si impetus ipsius A non alteratur, atque corpus B non fugit ictum ipsius A ab eo recedendo, neque

neque ei contra nititur motu oppositò, perindè se habet respectu Prop. 20.
 ictus ipsius A ac si B in D quiesceret, eò quòd occursum & ictus in
 instanti fieri debet: tunc sanè vel corpus B amoveri potest à linea
 sui motus FD, vel ibidem firmà statione retinetur, in primo casu Prop. 29.
 vis percussionis mensuratur ab impetu CE, ad quem CD eandem
 proportionem habeat, quam A simul cum B ad B: in statione fir-
 ma & stabili ipsius B vis percussionis mensuratur ab integra veloci-
 tate CD percutientis corporis A, quod erat ostendendum.

*De percussione corporum obliquè incidentium
 super planum stabile.*

CAPUT XII.

Hactenus supposuimus in omnibus percussionebus
 incidentiam perpendicularem super corporis
 idum excipientis superficiem, modò explorari de-
 bent varix situationes, & inclinationes incidentia-
 rum expendendæque sunt varietates inde proveni-
 entes; & primò.

PROPOSITIO XXXVII.

*si corpus aliquod moveatur directò motu æquidistantèr superficiei alte-
 rius corporis stabilis, quam absque compressione contingat, sive non
 contingat, nulla percussio efficitur.*

Corpus A feratur directò motu quacùmque velocitate per li- Tab. II.
Fig. 32.
 near A D sitque linea ejus motus AD parallela superficiei BC
 corporis quiescentis, sive A contingat superficiem BC, sive non,
 dummodò A careat quocumque impulsu compressivò versùs pla-
 num BC, dico quòd A nullam percussionem efficiet super planum
 BC; & siquidem A planum BC non tangit, neque in progressu
 ejus motus aliquando id ipsum continget, propter æquidistantiam
 motus AD, & plani subiecti BC, quare absque contactu per-
 cussio non efficitur, si postmodum corpus A tangit planum
 BC.

B C in B, quia supponitur simplex contactus absque compressione ulla, ergo similiter in toto progressu per A D æquidistanti ipsi B C efficietur simplex contactus absque mutua compressione, sed percussio est conatus compressivus vehementiâ aliquâ factus, cui à subiecto corpore resistitur, igitur cum hic desit omnino motus, & impetus compressivus, & resistentia plani subiecti, nulla percussio efficitur, quod erat &c.

Et hic notandum est, quòd motus ipsius corporis A non est respectivus, sed realis, nedum respectu spatii mundani, sed etiam respectu plani subiecti B C, nam reverà corpus A successivis contactibus migrat ab uno loco ad alium spatii mundani, & subiecti plani B C & tamen, ut ostensum est, nulla percussio efficitur; prohibetur igitur percussio hoc tertio modo.

PROPOSITIO XXXVIII.

Si duo corpora moveantur super plana æquidistantia ad easdem partes, aut ad oppositas, vel transversè, licet sese contingant absque compressione, se mutuo non percutient.

Tab. II.
Fig. 32.

Duo corpora A, & B quibuscumque velocitatibus moveantur super plana A D, & B C ad invicem æquidistantia, sintque viæ, seu directiones motuum A D, & B C ad easdem partes, vel ad oppositas, vel transversaliter sese intersecent, & sibi mutuo occurrant duo corpora A, & B sese tangendo absque ulla compressione; ajo quòd corpus A nullam percussione efficiet super corpus B, neque hoc ullo pacto ei resistet, hoc patet ex eo quòd in occurso quando mutuus contactus corporum celebratur cum impetus perpetuo fiant in planis æquidistantibus, nunquam unum eorum reliquum comprimet, neque hoc ei resistet, proindeque nulla percussio efficitur.

Hic paritèr remanet motus realis utriusque corporis A & B in spatio mundano factus, licet non semper remaneat motus respectivus, & tamen percussio non efficitur, quapropter constat hoc quartò modò prohiberi percussione posse.

Pro sequentibus propositionibus usurpari sequens propositio debet, quæ licet passim ut pronuntiatum assumatur, constat posse demonstrari.

monstratione confirmari, ac proinde jure inter pronuntiata connumerari non debere.

PROPOSITIO XXXIX.

Si dua potentia applicata in extremitatibus duorum aequalium radiorum ejusdem libra inflexa una directè, altera obliquè trahens æquilibrium efficiant, potentia absoluta obliquè trahens æquidistanti directione momentum, vel ad potentiam absolutam directè trahentem eandem proportionem habeat, quam radius libra ad distantiam directionis obliqua à fulcimento.

In libra inflexa A B F sint duo radii A B, & B F æquales inter se constituentes angulum in B, centro ejus, applicenturque potentia D in A & G H in F trahat verò D radium B A per directionem D A perpendicularem ad libræ radium B A, & reliqua potentia G H trahat libram per directionem obliquam F G parallelam ipsi A D, ut nimirum angulus directionis B F G sit acutus, vel obtusus, producatque in directum A B quousque secet obliquam directionem F G in K, sintque momenta corporum D & G H æqualia; dico absolutam potentiam G H ad ejus momentum in situ obliquo, seu ad absolutam potentiam D eandem proportionem habere, quam libræ radius A B ad directionis distantiam B K, conjungatur recta linea A F, ducaturque ex B recta B O parallela ipsi K F, vel A D, quæ secet A F in O, & fiat A R æqualis E O, dividaturque potentia G H, ut ejus portio H ad G sit ut R O ad O F quare componendo erit H G ad G ut R F, seu ei æqualis A O ad O F, & quia in libra A F directæ æquilibrata, & quiescente circa centrum O in termino scilicet lineæ B O perpendicularis ad horizontalem A B ex termino suspensionis Beductæ applicantur in ejus extremitatibus due potentia D, & G H æqualium momentorum, igitur ut potentia absoluta G H ad potentiam absolutam D, ita reciproce erit A O ad O F, sed prius erat potentia H G ad G, ut A O ad O F, ergò summa potentiarum G H eandem proportionem habet ad duas potentias D, & G, & ideo erunt inter se æquales; erat autem momentum ipsius G H æquale momento potentia D, ergò potentia absoluta G H ad ejus momentum in tali situ obliquo, scilicet:

Tab. II.
Fig. 33.

Ex mechaniceis.

ect:

cet ad absolutam potentiam ipsius D, eandem proportionem habebit, quam A O ad O F, seu quam A B ad B K. (propter parallelas B O K F) est verò B K distantia directionis obliquæ à fulcramento B, ergo patet propositum.

PROPOSITIO XL.

Si corpus aliquod moveatur directò motu, & aquabili inclinatio ad superficiem alterius corporis omnino quiescentis, momentum impetus in plano inclinato ad totalem ejus impetum eandem proportionem habet, quam sinus complementi anguli incidentiæ ad sinum totum.

Tab. II.
Fig. 34.

Moveatur corpus A per rectam lineam A B E, & incidat super planum firmum D B C angulo inclinationis acuto A B D, & ducatur C F perpendicularis super A E eam secans in E, sitque X impetus totalis ipsius A, & Z sit momentum impetus ejusdem corporis, quem exercet super planum inclinatam D C; dico Z ad X eandem proportionem habere, quam B E sinus anguli C complementi anguli A B D ad sinum totum B C, ducit ex B recta B G perpendiculari ad D C, occurrens F C in G, fiat F G æqualis G B, atque in F ponatur corpus F æquale, & homogeneum ipsi A, cujus motus parallelus sit ipsi A B, & æquali impetu ac ipsum A feratur; quoniam A, sive B licet impellat per directionem B E, tamen propter plani inclinationem cogitur excurrere per rectam lineam B C, scilicet per tangentem circuli radio G B descripti, ergo corpus A in B perinde operatur, ac si impelleret obliquè radium libræ G B in centro G fulcræ, & quia duo corpora æqualia homogenea æquali virtute motiva affecta per directiones inter se parallelas, & perpendiculares ad F G impellunt terminos F, & B libræ inflexæ radiorum æqualium F G B, atque F quidem directè, & perpendiculariter, B verò obliquè per directionem B E; ergo impetus totalis ipsius F sive B, vel A ad momentum impetus in situ obliquo ejusdem B vel A eandem proportionem habet, quam F G, sive G B ad G E, vel eam, quam habet B C, ad B E; quare momentum impetus ipsius A prementis in B planum inclinatam B C ad totalem ejus impetum eandem proportionem habebit, quam B E ad B C, quod &c.

Prop. 39.

P R O-

PROPOSITIO XLI.

Impetus motus aquabilis directi obliquè incidentis super planum aliquod omninò stabile aequale est potentia duabus aquabilibus velocitatibus eòdem tempore peractis, ex quibus componitur, ejus scilicet, quæ à perpendiculari mensuratur, & ejus, quæ inter idem perpendicularum, & obliquam incidentiam intercipitur.

Corpus A excurrat per rectam lineam AB obliquè incidentem Tab. II.
Fig. 31. super planum firmum BC tempore X motu æquabili, & ducatur AC perpendicularis ad CB; dico motum per AB componi ex motibus per AC, & per CB exactis æquabili motu, eòdemque tempore, eisque æquari potestatem, intelligatur aliud corpus mobile D in A, quod duplici motu æquabili feratur perpendicularitèr, scilicet ad BC, & transversè à C versùs B, & habeat primus ad secundum motum eandem proportionem, quam AC ad CB, perficiaturque uterque transitus eodem tempore X, manifestum est motum ipsius D compositi ex perpendiculari, & transversali effici per diagonalem AB eodem tempore X æquabili motu, ergò suppositus motus corporis A obliquus, & æquabilis per AB tempore X exactus idem est ac motus ipsius D, qui ex duobus dictis motibus componitur; hic verò non est æqualis longitudine, sed potentia tantum motibus AC & CB propter angulum rectum C, ergò etiam suppositus motus ipsius A obliquus per AB est æqualis potentia motibus eodemque tempore peractis per perpendicularem AC & per transversalem CB, quod erat &c.

SCHOLIUM.

Si verò motus per AC perpendicularis ad CB fuerit acceleratus, & motus transversalis per rectam CB æquabilis eodem tempore peractus, tunc motus mixtus, & compositus AB erit difformis crescens in linea curva aliqua.

PROPOSITIO LXII.

Si corpus aliquod impellatur inclinatio motu ad superficiem alterius corporis omnino quiescentis, momentum resistentia ejusdem superfici ei oblique ictum recipientis ad totalem eam resistentiam, quam exerceret contra ictum perpendicularem ejusdem corporis eodem impetu translati, eandem proportionem habet, quam sinus anguli incidentia ad sinum totum.

Tab. II.

Fig. 36.

Corpus A feratur impetu sui motus per rectam AC oblique incidentem super planum BD omnino stabile, ducaturque AH perpendicularis ad BC, erit AH sinus anguli incidentia ACB, & quia vis, qua planum BD resistit ictui corporis ipsum impellentis est potentia, qua in quiete retinetur, qua scilicet prohibetur motus plani BD (non quidem directus à D versus B, hic enim nec auget nec minuit resistentiam, sed potentia, qua prohibetur motus transversalis ejusdem plani) si enim supponatur planum DB indifferens ad motum transversalem, & à nulla vi in quiete retineri, cuilibet potentia impellenti cederet, & nil prorsus resisteret, in tali casu posita potentia F, quæ funiculo FC perpendiculari ad BD traheret planum ipsum tantâ vi, quanta est potentia impulsiva ipsius A, quando perpendiculariter planum subjectum premeret, profectò impulsus ipsius A perpendicularis super BD, perinde impediretur à potentia firmitudinis plani BD, ac à potentia F; hæc eadem postea otia retur, & nullam resistentiam exerceret, neque ipsius A progressum impediret, si linea motus ejusdem A in C constituti esset parallela plano BD, modo in situ obliquo ostendendum est, quod momentum resistentia plani BC, sive potentia F, contra vim impulsus ejusdem A per AC excurrentis ad totalem resistentiam, quam exerceret contra ictum perpendicularem ejusdem A eandem proportionem habet, quam AH ad AC, ducatur ex puncto incidentia C recta CE perpendicularis ad AC, & à quolibet puncto E recta EG ducatur EG perpendicularis ad CF, eam secans in G; & quoniam corpus A perinde suo motu & impetu per AC premit punctum C plani BD, ac si A esset affixum extremo termino C radii sive vectis EC convertibilis circa fulcimen-

tum.

tum E eò quod usque ad rectum A C E efficitur utrobique per tangentem circuli radio E C descripti propter angulum rectum A C E; & potentia F perinde operatur contra pressionem potentiae A termino C vectis E C affixae veluti planum B D resistit eidem pressioni potentiae A per A C incidentis (propterea quòd vis resistentiae, & firmitudinis plani B D est aequalis potentiae F continentis idem planum B D in sua quiete, & firmitudine) ergò momentum potentiae F oblique trahentis radius E C ad ejus absolutam facultatem eandem proportionem habebit, quam momentum resistentiae plani B C contra ictum obliquum A C habet ad ejus totalem resistentiam, sed momentum potentiae F ad ejus absolutam potentiam eandem proportionem habet, quam E G, ad E C, estque A H ad A C in eadem proportionem (eò quòd ex rectis angulis F C H, & E C A ablatò communi angulo F C A remanent anguli A C H, & E C G aequales, & anguli G, & H sunt recti) ergò momentum resistentiae plani B D ad ejus absolutam resistentiam, quam exercet contra vim perpendicularem pressionis corporis A eandem proportionem habet, quam A H sinus anguli incidentiae A C B ad A C sinus totum, quod erat &c.

Prop. 39.

PROPOSITIO XLIII.

Alièr, & facilius idem demonstrabitur hac ratione.

Quoniam directio motus corporis A oblique incidit super planum B D, ergò impetus motus ejus componitur ex duplici motu, & impetu, ex perpendiculari scilicet A H, & transversali H C, & his duobus aequalis est potestate, motui verò per H C & per ei parallelas nullo pacto resistit superficies quiescens B D, cui motus ille aequidistat, at planum B D impulsus patitur, & compressionem factam per motum A H, qui cum sit perpendicularis ad superficiem B D plagam recipientem, hæc profectò resistet suâ quiete, & stabilitate, & perpendiculari impulsui totali facto per A H, à qua mensuratur actio seu momentum resistentiae plani B D contra obliquam pressionem per A C, cum aliundè si A C perpendicularis esset ad planum B D mensura ejus resistentiae esset A C, quapropter &c.

Tab. II.
Fig. 37.
Prop. 41.

Prop. 37.

PROPOSITIO XLIV.

Si corpus aliquod moveatur inclinato motu ad superficiem alterius corporis omnino quiescentis, vis & energia percussionis oblique ad absolutam percussionem perpendicularem eandem proportionem habet, quam sinus anguli incidentiæ ad sinum totum.

Tab. II.
Fig. 38.

Corpus A feratur impetu sui motus æquabilis per A B inclinatum super planum omnino stabile B C, ductoque perpendiculo A C. erit is sinus anguli incidentiæ A B C, & B A erit sinus totus, postea per B ducatur aliud planum D E perpendiculare ad B A, quod itidem stabile omnino supponatur, dico quod vis percussionis oblique corporis A super planum omnino immobile C B ad vim directæ percussionis, quam efficeret in incidentia perpendiculari super planum stabile D E, eandem proportionem habet, quam A C ad A B, quoniam impetus absolutus corporis A mensuratur à linea ejus motus A B, pariterque resistentia plani D E perpendiculis ad lineam motus A B ob illius stabilitatem firmam mensuratur ab eadem linea impetus A B, cui omnino resistit, tandemque percussio, quam patitur planum D E firmum; mensuratur ab eadem resistentia totali determinata ab eadem A B, quod si linea motus A B coextensa congruens, aut parallela esset plano D E, tunc profectò impetus A B integer, & illibatus remaneret, at resistentia plani D E per eandem directionem motus extensi esset absolute nulla, pariterque percussio æqualis esset nihilo, quæritur modò energia seu mensura gradus percussionis, quam patitur planum inclinatum B C; & quoniam planum B C vim patitur, non quia obsecundat & obsequitur vi impetus ipsius A, sed quia eum impedit, & resistit progressui motus ejus, obtemperat vero planum stabile B C non velocità totali A B (cum A B, & B C non sint parallelæ) sed tantummodo obsecundat ei momento impetus, quem in tali plano inclinato exercet corpus A, & hic plane mensuratur à B C resistit verò id ipsum planum non impetui totali A B, cum B C non sit perpendiculis ad A B, sed tantummodo resistit partiali ejus velocità, ei scilicet quæ mensuratur ab A C, momento nempe resistentiæ ejusdem inclinati plani B C, & actio percussiva mensuratur ab impetu.

Prop. 37.
& 38.

Prop. 40.

Prop. 41.

impetu refranato, & represso, cui resistitur, & cujus progressus impeditur, non verò à gradu impetus perseverante & vigente, qui non impeditur, ergò energia percussionis mensuratur à gradu resistentiæ A C, & hanc percussionem patitur planum obliquum B C, quapropter vis percussionis quam patitur planum B C ad integram percussionem perpendicularis incidentiæ super D E eandem proportionem habet, quam A C sinus anguli incidentiæ A B C ad A B sinum totum quod erat &c.

P R O P O S I T I O XLV.

Aliet idem demonstrare.

Quoniam motus corporis A obliquè incidit super planum B C, Tab. II.
Fig. 38.
Prop. 41. ergò ejus motus per A B componitur è duplici motu & impetu ex perpendiculari scilicet A C & ex transversali C B, quibus ille æqualis est potestate, & quia quamdiu corpus A planum C B non contingit nullam plane percussionem efficiet, at quando ad ejus contactum in B perducitur, tunc duplici impetu affectum actionem percussivam aggreditur transversali nimirum impetu C B, & perpendiculari A C, sed transversali impulsu æquidistanti plano C B nullo pacto id ipsum planum premit ideoque nullam percussionem in eo efficiet, & perinde est ac si prædicto impetu transversali careret; remanet igitur solummodò impetus perpendicularis, quo tantummodò comprimere, & impellere subiectum planum B C posset, atque ictum & plagam inferre queat, & ob ejus firmam stabilitatem huic impulsui perpendiculari tanta vi resistit, quanta est energia impetus per A C; igitur vis percussionis factæ per obliquam incidentiam A B super B C ad energiam percussionis perpendicularis factæ super planum D E eandem proportionem habet quam A C ad A B. Prop. 37.
& 38.

Ex hac propositione facili negotiò demonstrabitur propositio, quæ primò aspectu incredibilis, & paradoxum videtur.

PROPOSITIO XLVI.

Si duo corpora aequalia, & similia aque distiterint à plano subjecto omnino stabili, atque motu aquabili eodem tempore ad contactum plani subjecti perveniant unum quidem perpendiculari transitu, alterum ad idem planum inclinato, eorum vires, & energia percussionum aequales erunt.

Tab. II.
Fig. 19.

Sint duo corpora A, & B aequalia, & ejusdem figuræ, consistentiæ & duritiei, quæ æquè recedant à plano subjecto omnino stabili & consistenti CD, ita ut ab iis perpendiculares BD & AE ductæ sint aequales inter se, & eodem tempore motu æquabili corpus B percurrat lineam perpendicularem BD, at corpus A pertransseat lineam inclinatam AC, dico vires percussionum factarum in D & C aequales omnino inter se esse, per C ducatur planum FG æquè stabile ac consistens perpendiculare ad lineam motus CA; & quia motu æquabili eodem tempore fiunt motus AC & BD perpendiculariter super plana firma DE, & FG ictus excipientia, ergò impetus, & ideo corporum B, & A vires percussionum perpendicularem sunt ut impetus, sive ut lineæ motus BD, & AC, postea quia energia percussionis obliquæ corporis A super planum CE ad vim percussionis perpendicularis factæ super planum FG eandem proportionem habet, quam AE ad AC; habent verò duæ æquales BD, AE ad eandem AC proportionem eandem; igitur vires percussionum perpendicularis ipsius B, & inclinatæ ipsius A super planum stabile CD eandem proportionem habebunt ad energiam percussionis perpendicularis ejusdem corporis A super planum stabile FG; quapropter vis percussionis perpendicularis ipsius B super planum DC æqualis est energiæ percussionis obliquæ corporis A super idem planum CD, quod fuerat ostendendum.

Licet vires motivæ, & motus reales sint inæquales, possunt effectus percussionum æquales esse.

Hinc deducitur, quod licet vires motivæ corporum A & B sint prorsus inæquales inter se, quandoquidem impetus ipsius A centies vel millies major esse potest impetu alterius corporis B, nihilominus eorum effectus percussivi super idem planum stabile DC omnino æquales inter se sunt, sic pariter motus reales, & Physici, ii nimirum, qui in spatio mundano fiunt, possunt esse valde inæquales

les inter se, nec propterea effectus percussio-
num variantur: hoc
quidem accidit ex eo quod ad operationem percussio-
nis nedum vis,
& facultas agentis considerari debet, sed etiam corporis patientis
resistentia quam exercet, quia verò corpus ictum excipiens pro di-
versa situatione ejus diversimode impulsui illato resistit, hinc fit ut
actio percussiva, quæ à passione non differt nisi respectu varietur
pro diversitate resistentiæ à situ variatione procreatur, & hæc jam
est tertia causa, à qua vis & energia percussio-
nis impetus componitur, scilicet requiritur gradus impetus ipsius percutientis intensivus,
moles ejus corporea juxta cujus amplitudinem extensive augetur vis
& energia percussiva, & tandem resistentia corporis ictum exci-
pientis quæ diversificatur prout in quiete, vel statione amovibili,
vel in motu constituitur, & tandem à situ & positione ejusdem cor-
poris, quod ictum excipere debet.

Gradus
energiz
percussio-
nis resul-
tat ex im-
petu per-
cutientis
intensivo,
& exten-
sivo, & ex
resistentia
percussi
corporis
prout in
quiete vel
statione
amovibili
vel in mo-
tu consti-
tuitur, &
tandem à
situ cor-
poris per-
cussi.

*De percussione corporum moribus obliquis sibi
occurrentium.*

CAPUT XIII.

Sed ulterius procedendo considerari debet motus
corporis ictum excipientis quando fuerit obliquus
ad lineam motus ipsius corporis impellentis, pro cu-
jus intelligentia præmitti debet hæc propositio.

PROPOSITIO XLVII.

*Si duorum corporum super idem planum existentium, alterum in uno
ejus situ quiescat, reliquum vero motu aquabili ad id ipsum acce-
dat, tunc sive planum cum annexis corporibus quiescat, sive mo-
veatur, semper sibi ipsi aquidistando perinde corpus excurrentis ad
stabile accedet, ipsumque eodem impetu percutiet.*

Plano CD adhæreant duo corpora A, & B, quorum B sem-
per quiescat in eodem situ C ejusdem plani, A verò æquabili mo-
tu à D versus C feratur, dico quod sive planum CD quiescat sive
moveatur

Tab. II.
Fig. 4c.

moveatur unà cum adhærentibus corporibus A, & B transversali motu versùs E, ut nimirum planum CD semper sibi ipsi æquidistet dum transfertur, eadem vi & energia corpus B percutietur à reliquo corpore A, quoniam motus transversalis à C versùs E cum sit communis plano CD, & adhærentibus corporibus A, & B non alterat peculiarem motum factum in plano CD scilicet A non movetur citius neque tardius versùs B, quando corpora vehuntur veluti à navi ab ipso plano subjecto quam si in statu quietis planum CD retineretur, quandoquidem sive in motu sive in quiete plani signum C est terminus ad quem, atque signum ejusdem plani D est terminus à quo motus illius peculiaris, pariterque spatium CD, in quo sit motus velut in navi semper in eadem recta linea CD existit neque variatur aut perturbatur ordo eorundem corporum aut dispositio in motu transversali communi ab eo, qui in quiete retinebatur, at peculiaris motus per DC efficit percussione super B determinata vi, igitur sive in motu sive in quiete transversali communi perindè percussio ipsius A super B efficitur motu, & impetu peculiari DC, proindeque eadem energia,

PROPOSITIO XLVIII.

Hæc præmissò. Si duo corpora ab eadem recta linea perpendiculari ad subjectum planum discedentia moveantur æquali motu ad easdem partes, atque unum eorum in plano subjecto feratur, in quo ejus superficies semper existat, reliquum verò motu obliquo perveniat ad alterius occursum, impetus percussivus mobilis oblique excurrentis efficitur eadem directione, & impetu designato in recta linea, in qua prædicta corpora motum inchoaverant.

Tab. II.
Fig. 40.

Sit recta linea CD perpendicularis ad planum subjectum CE, atque in C, & D ponantur duo corpora B, & A quæ motu æquali ferantur ad easdem partes, B quidem in plano subjecto CE, in quo semper existat superficies ejusdem B, nec ab eo divelli possit, at A itinere obliquo DF quousque sibi occurrant in E, dico in ipso occursum corpus A efficere percussione super B impetu designato à transitu æqualis motus DC æquè validè ac in quiete ipsius rectæ lineæ CD fieret, quia motus CE, & DE æquales

biles supponuntur, & discedendo à terminis C, & De eodem instanti temporis perveniunt ad mutuum occursum in E pariter in unico temporis instanti, ergò in quolibet instanti temporis intermedii ante occursum quando nimirum eadem corpora in F, & in G collocantur erit spatium D G ad C F ut D E ad C E, & ideo recta linea F G in quocumque temporis instanti intermedio parallela est rectæ lineæ C D, constituuntur igitur duo corpora A, & B semper in eadem recta linea C D motu æquabili translata per C E semper existens sibi ipsi parallela, & secum transfert duo corpora A, & B, igitur impetus percussivus, quo A incidit in B ad punctum E (ex præcedenti propositione) idem omnino erit ac ille, qui efficitur in quiete plani C D, sed in ejus quiete impetus percussivus determinatur à motu peculiari, & impetu D C, igitur vis percussionis corporis A oblique incidentis in E super corpus B ibidem translatum mensuratur præcisè ab impetu descensus per altitudinem D C.

Prop. 26.

PROPOSITIO XLIX.

Aliter idem demonstrare.

Quoniam motus obliquus D E componitur ex motu perpendiculari D C, & transversali C E, quibus ille potestate æquatur, & actio percussiva non efficitur ante occursum, & contactum in E, in prædicto verò contactu corpus A duplici impetu afficitur, perpendiculari scilicet D C, & transversali C E, at corpus B in E unicum tantummodo impetum habet nempe transversalem, conveniunt ergo corpora A, & B in communi impetu transversali C E, quo ambo afficiuntur; sed quoties duo corpora velocitatibus æquidistantibus feruntur, licet sese contingant, compressionem aut percussionem non efficiunt, igitur prædicti duo impetus transversales æquales, & paralleli nil operantur quoad actum percussionis, perinde ac si non essent; remanet ergò reliquus impetus perpendicularis D C, quo A solummodo impellere, & comprimere potest corpus B; quapropter corpus A motu obliquo D E translatum efficit percussionem super corpus B pariter transversali motu latum tanta vi, quanta est energia percussionis factæ ab eodem corpore

Tab. II.
Fig. 4.
Prop. 43.

Prop. 38.

K

pore

pore A simplici motu perpendiculari per D C, quod fuerat ostendendum.

In præcedenti propositione superficies B C corporis B excipiens percussione perpendicularis erat ad rectam lineam plani translati C D, & ostensum fuit, quod vis percussione determinabatur ab impetu casus corporis A per ipsam C D perpendicularem ad subiectum planum C E.

PROPOSITIO L.

Hisdem positis, si superficies corporis ictum excipientis perpendicularis fuerit ad lineam motus obliqui ipsius percutientis, erit vis percussione ad eam, quæ efficitur in plano subiecto, ut sinus anguli incidentiæ ad sinum totum; si verò eadem superficies corporis percussæ perpendicularis fuerit ad subiectum planum nullam percussione patietur.

Feb. 11.
Fig. 41.

Modò eadem superficies B C flecti potest, ut sit perpendicularis ad lineam motus obliqui D E, vel perpendicularis sit ad directionem subiecti plani C E, ita ut à tali situ divelli non possit, in primo casu postquam corpora A, & B discedentia ab eadem recta linea C D perveniunt ad mutuam contactum in E tunc quidem superficies B C ipsius corporis B congruit cum recta linea F E G, ad quam linea motus D E perpendicularis est, & proinde corpus B in E collocatum excipiet ictum corporis A motu A E translati perpendiculariter, & ideo primò aspectu videtur quod energia percussione factæ ab eodem corpore A super planum F G ipsius corporis B mensurari deberet ab impetu totali D E, quod quidem nedùm verum non est, sed è contra vis huiusmodi percussione nedùm minor est ea, quæ mensuratur à velocitate D E, sed minor quoque eà, quæ mensuratur ab impetu D C, ita ut huiusmodi vis percussione ad eam, quæ efficitur in superficie F G eandem proportionem habeat, quam sinus totus ad sinum anguli incidentiæ C E D, ducatur recta linea H L perpendicularis ad F G, mox ostendetur angulum H E L æqualem esse angulo C E D, & ideo existente H E sinu toto erit H L sinus anguli incidentiæ E, quia ex præcedenti corpus A obliquo motu D E translatum duplici impetu fertur,

per-

Ex Prop.
16.

perpendiculari nempe DC, & transversali CE, & corpus B unico tantum impetu sortitur transversali CE, quatenus vero corpora B, & A communi motu transversali CE sibi ipsi parallelo feruntur se mutuo non percutiunt, & ideo perinde est ac si duo corpora A, & B prædicto transversali motu CE carerent; remanet ergo tantummodo corpori A impetus perpendicularis DC, quo in situ E premere potest superficiem FG corporis B ibidem translati; igitur in ipso contactu in E corpus A premit per rectam lineam HE parallelam ipsi DC, vel perpendicularem ad subjectum planum CE, est verò FG inclinata ad planum subjectum CE, propterea quòd perpendicularis ponitur ad lineam ED; igitur HE inclinata est ad superficiem FD angulo inclinationis GEH, qui æqualis est angulo CED (propterea quòd ab angulis rectis CEH, & DEG tollitur communis angulus DEH) est verò vis percussio- nis, quam efficeret super firmum planum subjectum CE, ut HL finis anguli incidentiæ ad HE sinum totum, igitur patet propositum. Prop. 38.

Secundò locò superficies BC ejusdem corporis B translati in E firmam positionem NH retineat; dico quòd in tali positione corpus B nullam percussio- nem patietur, quia propter communem motum transversalem ut dictum est; corpus A nullam percussio- nem efficit super planum NH, quia æquali impetu superficies NH ipsius B fugit ictum ipsius A per eandem directionem parallelam ipsi BE cum persequentis, igitur tantummodo perpendiculari ictu HE premere potest superficiem NH ejusdem corporis B; hæc vero directio impetus parallela est plano NH ejusdem corporis B, igitur ipsam non percutiet, quapropter corpus B in tali situ nullam percussio- nem patietur. Tab. II.
Fig. 41.
Prop. 39.

Constat ergo, quod si duo corpora A, & B ab eadem lineâ perpendiculari CD discendant, & ad maximum contactum perveniant in E, ibi maxima, & validior percussio est ea, quæ efficitur super superficiem corporis B coextensam in ipso subjecto plano, scilicet eadem prorsus esset, quæ efficeretur in quiete transversali horum corporum, at quando ejusdem B superficies FG excipit perpendiculariter ictum motus realis maximi DE in spatio mundano facti, tunc nedum non augetur vis percussio- nis, sed potius minuitur, Prop. 38.

tur, ut demonstratum est, & tandem in situ NH omninò extinguitur vis percussiois.

Quando verò corpus B non movetur transversaliter, sed omninò quiescit in eodem situ E plani subjecti tunc quidem oppositum contingit, scilicet quando ejus superficies situationem EG acquirit perpendicularem ad lineam motus realis DE ejusdem corporis A , tunc quidem ejus percussio est maxima, mensuraturque ab impetù DE ; at si ejus superficies æquidistans fuerit plano subjecto CE , ejus percussio mensuratur ab impetu motus perpendiculæ DC perindè ac in motu transversali ejusdem corporis B , & tandem vis percussiois, quam patitur superficies NH mensuratur à sinu complementi anguli incidentiæ, scilicet à CE , valdè igitur differunt hujusmodi percussiones, positò nimirum corpore B in quiete, vel in motu, & solummodò conveniunt, atque eadem sunt, quando superficies ictum excipiens parallela fuerit plano subjecto CE .

Prop. 41.
& 48.

Hinc tandem deducitur, quòd si fuerint tria corpora æqualia mole, figurâ, positione, consistentiâ, & duritiæ æque remota à plano subjecto, quorum unum simplici motu perpendiculari ad planum subjectum moveatur, duo verò reliqua motu obliquo, sed omnia motu æquabili ferantur, ita ut unum postremorum oblique incidat super planum subjectum stabile, & firmum, reliquum verò incidat super planum id ipsum subjectum sed agitatam sive ad easdem partes live non, erunt prædictæ tres percussiones ejusdem prorsus energiæ, quandoquidem omnes mensurantur ab impetu perpendiculari, qui idem est in his tribus.

De varietate percussionum ab impetu motus curvilinei atque accelerati factarum.

C A P U T XIV.

Hactenus de rectilineo motu æquabili, ejusque impetu, atque energia percussiois satis superque egimus, modò considerari debet impetus motus accelerati per lineam curvam percussioem afficien-

tis;

ris; & licet hujusmodi motus quamplurimas varietates patiatur; tamen quatenus ad percussioneis negotium faciunt, possunt universè considerari quatenus ex duobus motibus componuntur, ex descensivo nimirum, & transversali; & sicuti superius dictum est, motus obliquus rectilineus æquabilisque componitur ex duobus motibus pariter rectilineis, & æquabilibus, ex descensivo nempe, & transversali, quibus motus obliquus æqualis est non longitudine, sed potentiâ, sic si tantummodò transversalis est æquabilis, at descensivus sit acceleratus, tunc profectò motus mixtus est quoque acceleratus, & per lineam curvam efficitur, ut si fuerit descensus motus factus per lineam AC , transversalis vero per lineam DB perpendicularem ad AC , & per reliquas parallelas eidem DB , sitque descensus BA ad AC in minori proportionem, quam transitus DB ad CE , & ponatur diminutio hujusmodi propositionis uniformis, verbi gratiâ BA ad AC eandem proportionem habeat, quam quadratum DB ad quadratum EC , tunc manifestum est, quod fluxus motus transversalis factus per puncta ADE curvus est in parabola in casu nostro, eritque ejus imperus non uniformis, sed acceleratus, hujus verò motus mixti accelerati vis percussioneis inquirenda est, his tamen præmissis.

Tab. III.
Fig. 49.

PROPOSITIO LI.

Dato impetu transversali æquabili, & angulo incidentiæ impetum obliqui, & transversalis reperire impetum obliquum & descensivum.

Tab. II.
Fig. 43.

Intelligatur recta linea AB representans impetum transversalem æquabilem, linea verò CA representet impetum obliquum, quò mobile incidit super planum subjectum AB in A , sitque CA B angulus incidentiæ, à termino B elevetur BC perpendicularis ad BA occurrens ipsi AC in C ; quoniam impetus motus obliqui æquatur potentia duabus velocitatibus motus transversalis & descensivi, designabunt hi tres motus, seu velocitates triangulum rectangulum ut est ABC , in hoc verò datur unicum latus AB cum angulo CAB comprehenso ab eodem latere, & hypotenusa, igitur datur species trianguli ABC , & proinde innotescet proportio lateris AB ad BC , nec non ad hypotenusam AC ; quapropter dantur longitudine impetus obliquus AC , & descensivus CB .

PROPOSITIO LII.

Insuper dato impetu transversali, & descensivo reperire impetum obliquum, & angulum incidentiæ impetus obliqui super transversalem.

Tab. II.
Fig. 43.
Prop. 41.

Denuò recta AB representet impetum transversalem æquabilem, & recta BC normalis representet impetum descensivum, patet his duobus æquari potestate impetum obliquum; quia verò datur proportio impetus transversalis AB ad impetum descensivum BC , ergò datur species triangulum rectangulum ABC , & proinde datur impetus obliquus AC una cum angulo inclinationis incidentiæ CAB .

P R O.

PROPOSITIO LIII.

Id ipsum contingere demonstratur, quando impetus est uniformiter acceleratus.

Intelligatur postea idem mobile à D discedere duabus velocitatibus affectum transversali æquabili B A, & uniformiter accelerato descensivò, cujus impetus continuo crescens perveniat ad contactum subiecti plani A B cum impetu ejus maximo acquisito in prædicto descensu; vis ergò extrema hujusmodi motus descensivi est illa, quæ incidit mobile in A, at quia ei commiscetur impetus transversalis B A, igitur in actu incidentiæ in A fertur impetu obliquo, qui potentia æqualis est tum impetu transversali A B, cum maximo impetu descensivò in B, seu A, præterea ob curvitatē itinēris D A ejus incidentia super planum subiectum A B efficitur eā inclinatione, quā postremo prædicto plano occurrit, sed prædicta postrema inclinatio mensuratur ab inclinatione rectæ lineæ A C tangentis curvam A D in A, igitur inclinatio ejusdem incidentiæ mensuratur ab angulo C A B, perinde ergò percutit mobile planum ipsum subiectum A B curvo itinere delatum ac si directè per tangentem C A ferretur motu æquabili, quoniam verò sunt duo impetus ad invicem perpendiculares transversalis æquabilis B A, & descensivus per D B, qui in actu incidentiæ in A maximus est præcedentium omnium continenter crescentium velocitatum, mensureturque à recta B C, iisque duobus æquatur potestate impetus obliquus, & hic pariter innotescet unà cum angulo incidentiæ C A B. Tab. II.
Fig. 44.
Prop. 52.

PROPOSITIO LIV.

Energia obliqua percussionis mensuratur ab eodem sinu anguli incidentiæ.

His declaratis, quia impetus curvus D A efficit cum subiecto plano A B angulum incidentiæ C A B, estque ejus impetus mixtus ex transversali uniformi A B, & postremo maximo gradu velocitatis incidentis motus perpendiculariter super id ipsum planum subiectum Tab. II.
Fig. 44.
Prop. 53.

Prop. 44.
& 45.

jectum, ergò vis, & energia percussionis, quæ efficeretur super planum stabile perpendicularitèr excipiens ictum A C ad obliquam percussionem super planum A B eandem proportionem habebit, quam hypotenusa A C ad perpendicularum C B, seu eandem, quam habet sinus totus ad sinum anguli incidentiæ; efficit verò motus mixtus curvus percussionem incidentia obliqua anguli C A B, igitur energia ejus obliquæ percussionis mensurabitur ab eadem C B sinu anguli incidentiæ.

Gal. mot.
loc. lib. 1.
prop. 1.

Ex his deducitur, quòd projecta horizontali directione ejaculata excurrunt quodam motu mixto, composito scilicet ex horizontali motu æquabili ejusdemque semper impetus, atque ex motu descensivo uniformiter accelerato, quò nimirum gravia decidunt, ut experientia constat, & quia descensus ejusdem gravis supra omnem sensus subtilitatem sunt per lineas æquidistantes B C propter maximam distantiam à centro telluris, & nimiam exiguitatem descensus ejusdem projecti fit, ut motus mixtus per parabolam transigatur.

PROPOSITIO LV.

Hòc suppositò dico, quòd idem corpus quacumque velocitate impellatur horizontalitèr efficiet in incidentia ejus obliqua super planum subiectum horizontale percussiones semper aequè validas, & ejusdem energiz.

Tab. II.
Fig. 44.

Sit idem corpus D, quod à situ D à quacumque motiva virtute impellatur horizontalitèr, scilicet per directionem æquidistantem plano subiecto horizontali B A, erit hujusmodi impetus transversalis à projiciente communicatus unus & idem proindeque æquabilis, sed post ictum transversalem à projiciente illatum incipit subito operatio descensus ejusdem corporis à nativa ejus gravitate pendens, qui uniformitèr acceleratus est, igitur ex mixtione eorundem motuum confurgit motus obliquus D A in parabola, quæ majoris, aut minoris amplitudinis erit prout velocitas æquabilis à projiciente impressa major vel minor fuerit, semper tamen eadem altitudo seu axis parabolæ D B permanebit, & prondè impetus postremus in fine descensus acquisitus idem omnino erit sive in ampliori sive

Gal.
dem.

strictiori

strietiori parabola, qui nimirum impetus mensuratur à motu æquali facto per rectam CB duplam altitudinis parabolæ DB, & proinde erit CA tangens parabola, quæ inclinationem incidentiæ designabit, atque hypotenusa AC ostendet impetum ejusdem corporis in actu incidentiæ, quia verò projectum incidit oblique in A duplici impetu affectum, horizontali nempe AB, & perpendiculari CB, eò scilicet quo in fine casus in B acquisivit, & impetus transversalis incidentis projecti nullam percussionem efficit super planum subiectum BA, propterea quòd directio ejus motus parallela est plano subiecto AB, remanet ergò reliquus impetus perpendicularis qui percussionem efficere potest; igitur energia percussionis obliquæ corporis projecti per lineam curvam DA præcisè mensuratur à sinu anguli incidentiæ, scilicet à CB seu ab impetu casus ejus, scilicet qui in extremo confinio descensus acquisitus fuerat; & quia qualicumque sit parabolæ amplitudo semper eadem altitudo ejus DB manet, erit quoque in quacumque parabolæ amplitudine idem impetus in fine descensus, & proinde quâcumque velocitate projectum horizontaliter impellatur semper eadem energia percutiet subiectum planum AB, quod fuerat ostendendum.

Mirabile profectò videtur quòd à velocitatibus tam diversis, & inæqualibus ut sunt illæ quibus idem projectum impelli potest semper tamen idem effectus percussionis producat, sed si quis animadvertat inclinationem incidentiæ semper imminui, quo magis impulsus projectitius augetur, planè percipiet remanere semper ejusdem mensuræ sinum anguli incidentiæ, à quo nimirum validitas percussionis mensuratur, si igitur quâcumque machinâ sive bellico tormento explodatur pila ferrea ab eodem loco horizontaliter, semper eadem energia subiectum planum percutiet, ita ut si eadem pila incidens naturali descensu à summo termino D perpendiculariter super laminam vitream AB horizontis plano coextensam, eam non frangat disrumpatque resister quoque eadem vitrea lamina horizontalis vehementissimo ictui ejusdem pilæ à tormento bellico ope ignis explosæ horizontaliter ab eodem termino D, quod profectò paradoxum censeretur, nisi ab adducta demonstratione persuaderemur, oportet nihilominus ut planum subiectum excipiens ictum transversalem non sit molle, vel flexibile, sed omnino durum, alias in ipsa incidentia obliqua fieret aliqua penetratio ipsius

Ibidem.

Prop. 37.

Iidem projectum horizontaliter inæqualibus velocitatibus eandem percussionem efficit in planum subiectum horizontale. Prop. 44. & 45.

Sed si planum subiectum molle & flexibile fuerit

tunc vis
percussio-
nis hori-
zontalis
variatio-
nem pati-
tur.

ipsius pilæ, & abrasio materiæ mollis seu flexio, ex qua nimirum alteraretur planities excipiens ictum, & proinde non esset parallela horizonti A B, quando verò planum aliquò pacto flectitur tunc quidem recipit ictum non eadem inclinatione, sed magis ad perpendicularem incidentiam accedente, & proinde vis percussiva augetur prout sinus illius incidentiæ auctæ cresceret.

PROPOSITIO LVI.

Si postea idem impetus ejusdem projecti transversalis excipiat ab aliquo plano A E perpendiculari ad horizontem, tunc profectò energia percussionis factæ super planum A E quomodocumque augeatur vel minuaturs ejus distantia à termino projectionis semper est eadem ejusdemque validitatis.

Tab. II.
Fig. 44.

Hoc paritèr facile suadetur, quia impetus mixtus ipsius projecti componitur ex impetu descensivo per altitudinem D B, & ex eodem impetu transversali B A qui cum sit æquabilis semper ejusdem roboris est, in quacumque distantia à perpendiculari D B sumatur, & motus descensivus cum sit parallelus plano E A nullam percussionem in eo efficit, remanet ergò solummodò motus transversalis qui percussionem efficere valet super planum E A, est verò hujusmodi transversalis motus æquabilis, & ideo quolibet tempore sibi ipsi æquè velox est, igitur sive planum E A proximum sit principio motus D, sive maxime ab eo removeatur, semper eadem validitate percutietur ab eodem corpore D eodem impetu translato.

PROPOSITIO LVII.

Energia percussionis factæ super planum translatum unà cum percutiente semper in eadem linea perpendiculari ad horizontem cum eo constituti mensuratur ab impetu casus ejusdem mobilis.

Tab. II.
Fig. 44.
Prop. 41.

Et hætenus planum subjectum stabile suppositum est; quòd si unà moveretur cum projecto D ita ut sibi mutuo occurrerent in puncto A tùm multo clarius constat quòd energia percussionis mensuratur ab impetu perpendiculari ad subjectum planum, quia nimirum

rum plano B translato in A occurrit corpus D duplici motu, & impetu affectum perpendiculari scilicet, & transversali, sed motu transversali movetur simul cum plano subjecto motu æquidistanti, & eadem velocitate per eandem directionem B A translato, ergo hujusmodi transversalis impetus corporis D nullam percussionem efficit super planum B unà cum eo translato transversaliter, remanet ergo tantummodò impetus descensivus, & hoc solummodò percussionem efficere potest super planum prædictum translato, mensuraturque energia prædictæ percussionis ab impetu ejus perpendiculari C B, seu ejus quem acquisivit in infimo termino descensus B, igitur evidens est quòd energia percussionis factæ super planum translato unà cum percutiente semper in eadem linea perpendiculari ad horizontem cum eo constituti non mensuratur ab impetu physico, & absoluto obliquo C A, sive ab impetu acquisito ad terminum curvi itineris D A, sed ab impetu casus ejusdem mobilis, & hic quoque verificantur varietates omnes quæ superius expositz sunt.

Prop. 37.

Prop. 41.

Prop. 44.

Prop. 48.

& 49.

Occasio postulat, ut aliquid innuamus de motu mixto ex transversali circulari æquabili, & ex perpendiculari descensivo uniformiter accelerato versus centrum ejusdem circuli, qui motus neque per circuli peripheriam fit, neque per parabolam, neque per helicam peculiarem ejus naturæ, quam aliqui recentiores putarunt.

Examen
opinio-
num de
linea mo-
tus mixti
ex trans-
versali
circulari
æquabili,
& ex des-
censivo
accelerato
versus
centrum
ejusdem
circuli.
ostendi-
turque
non esse
circula-
rem, ne-
que para-
bolicam,
neque pe-
culiarem
helicam.
Tab. II.
Fig. 45.

Sit circulus A B cujus centrum C, moveatur verò corpus A impetu transversali circulari per A B, sed æquabili descendat simul versus centrum C motu uniformiter accelerato, efficit quidem transitum curvum A G H, quem circulem non esse præcisè facile demonstrari potest, quia descensus haberent eandem proportionem, quam habent sinus versi semisum arcuum excursorum, A H & A G & ideo haberent proportionem minorem quàm duplicatam temporum, quod est falsum; similiter non esse parabolam perspicuum est; remanet postrema sententia existimantium esse helicam non difforem ab archimedeæ, nisi tantummodò in motu accelerato versus centrum, putant igitur temporibus æqualibus circa centrum C pertransiri angulos æquales A C G, & G C H, quibus æqualibus temporibus percurrunt spatia A D, & D E, quæ sunt in ratione unius ad 3. Sed prædicti auctores non animadverterunt se in hypothefi assumpta non persistere, sup-

ponunt enim eodem impetu transversali mobile A moveri & siquidem grave A perpetuo permaneret in peripheria A B profecto temporibus æqualibus percurreret spatia æqualia subtendentia angulos æquales ad centrum, at quia mobile perducitur ad circumferentias circulorum continenter decreſcentium fit ut spatia illa inter se æqualia, quæ ab impetu perseverante ejusdem roboris percurruntur subtendant successive angulos majores ad centrum; quare si primo tempore mobile excurrit spatium D G secundò tempore ei æquali percurreret spatium I H æquale ipsi D G at quia hujusmodi spatia æqualia mensurantur non in eodem, sed in diversis circulis inæqualibus fit ut angulus A C G minor sit angulo G C H, & proinde anguli prædicti successive crescunt prout distantia à centro C diminuantur non tamen eadem proportionem ut facile ostendi posset, unde constat curvam lineam A G H non esse regularem.

P R O P O S I T I O L V I I I.

Validitates percussionum obliquarum mensurantur non ab impetu physico & reali factò per viam obliquam, sed à simplici impetu casus.

Tab. II.
Fig. 45.

Sed qualiscumque sit natura hujus lineæ absolvemus ea quæ ad negotium percussionis pertinent, præcipue in eo casu, quando planum percussionem excipiens eandem velocitate transversali circa centrum C perducitur cum mobili A, & quaeritur tantummodò validitas percussionis factæ in G, scilicet in fine primi temporis; & in H post finem secundi temporis priori æqualis, & hic pariter demonstrabitur quòd validitates percussionum obliquarum mensurari debent non ab impetu physico, & reali factò per viam obliquam A G H, sed à simplici impetu casus per A D, & per A E, quoniam sunt duo corpora A, & D quæ transferuntur semper unà cum semidiametro C A, atque corpus A duplici impetu fertur descendivò, nempe A D & transversali æquabili D G subjectum verò corpus D fertur tantummodò motu æquabili D G eodem tempore, igitur in occurſu eorundem corporum in G grave A virtute motus transversalis non efficit percussionem super D, propterea quòd ambo corpora æquidistanti motu & ferè æque veloci moventur, igitur remanet tantummodò impetus descendivus, quo corpus A percutere.

Prop. 37.

Prop. 49.
& 55.

tere valet subjectum corpus D, & propterea energia percussionis factæ in G mensuratur non ab impetu reali per obliquam viam A G, sed tantummodò ab impetu casus per A D, pari ratione validitas percussionis factæ in H super corpus E ibidem translata una cum A mensurari debet non ab impetu obliquo, sed ab impetu descensus per A E.

Hinc facile resolvi potest ratiocinium, quod nomine demonstrationis, & evidentiæ physico-mathematicæ nuper editum est, cuius propositum, & finis eo tendit, ut decernat atque evincat, an motus uniformiter acceleratus alicujus corporis versus centrum circuli sit, Refellitur ratiocinium præclari auctoris.

simplex, an verò ei immisceatur motus circularis æqualis in circumferentia ejusdem circuli factus, ut in circulo A B cuius centrum C fieri potest ut mobile A simplici motu descensus versus centrum C impetu uniformiter accelerato moveatur, ut nimirum spatia A D, & D E æqualibus temporibus excursa sint ut numeri impares, Tab. II. Fig. 45.

ab unitate incipientes, poterit etiam mobile A nedum prædictò motu descensus transferri, sed simul motu transversali æquali per circumferentiam A B, non secus ac in navi potest à summitate mali A demitti corpus grave A nedum quando navis in portu quiescit, sed etiam quando velocissime excurrit per maris superficiem, & in primo casu grave A simpliciter descenderet per lineam A D E perpendiculararem ad horizontem H E, secundo vero casu efficeretur motus mixtus per lineam curvam AGH quando ergò dubitatur an navis quiescat in portu vel velocissime transferatur, tunc juxta hanc sententiam validitas percussionis factæ à gravi cadente à summitate mali indicabit, & docebit an navis in portu quiescat, vel per maris superficiem spatietur, scilicet quotiescumque percussiones factæ à gravi A cadente in D & E eandem proportionem habuerint quam impetus simplicis descensus, hoc erit criterium quo evidentiæ physico-mathematicæ certissime evincitur navim non moveri, sed in eodem loco persistere, estque ejus ratiocinium hujusmodi: si semidiameter C A una cum corpore gravi A descendens transferretur uniformi & æquali velocitate circa centrum C necessario corpus grave ab A uniformiter accelerato motu descendendo excurreret motu mixto ex descensu, & transversali per curvam viam A G H, & siquidem motu transversali percurreret pedes 1700 uno minuto secundo horario, atque descendendo primo per A D eodem tempore percurreret

ret pedes 15, postea in subsequente minuto secundo per D E pedes 45. necessario motus mixtus realis A G H esset uniformis. & æquabilis absque ulla sensibili acceleratione, & consequenter non efficeret validiorem percussione in H quam in G, igitur quotiescumque hoc falsum reperitur, scilicet quando reperitur percussio facta in E validior quam in D proculdubio falsum erit quod semidiameter A C una cum gravi cadente circa centrum C circumducatur.

Quapropter quotiescumque grave à summitate mali A efficitur percussiones in D, & E æque validas ac sunt impetus eorundem descensuum habebimus evidentiam physico-mathematicam quod navis non excurrit per maris superficiem, sed omnino in portu sistitur, & quiescit.

Fig. eadem.

Et hic primo mirari licet considerari tantummodo æquabilitatem sensibilem motus obliqui, non autem ejus ineffabilem velocitatem; si enim validitas percussionis mensurari debet ab impetu physico, & reali per A G, & per G H, quia impetus A G in exposito casu major est impetu simplicis casus per A D plus quam centies & terdecies, igitur tantummodo validior erit percussio impetus obliqui in G quam impetus casus in D; igitur si faxi à summitate mali cadentis validitates percussionum mensurentur à perpendicularibus A D, & D E, necessario navis quiescet.

Pateet hoc ex prop. 44. 45. 46. 49. & 50.

Sed non minus hoc argumentum quam præcedens fallax est, quandoquidem falsum est quod hic assumitur ut consequens majoris propositionis, scilicet quod validitas percussionis mensurari debeat ab impetu obliquo A G, vel G H, profecto hoc verum esset si planum ictum excipiens esset firmum, & stabile in eodem situ spatii mundani, scilicet expectaret in G, & in H adventum corporis A obliquè translati, & insuper oporteret ut planum subjectum immobile perpendiculariter exciperet ictum in G, & H, & tunc proculdubio vires percussionum factæ à physicis, & realibus velocitatibus obliquis essent nedum æquales inter se, sed etiam validissimæ, prout impetus per A G, & G H ineffabili velocitate excurrunt, at in casu nostro planum excipiens ictum horizonti æquidistat, & ideo non perpendiculariter, sed obliquè ictum recipit, & insuper id ipsum planum subjectum una transfertur in eodem semidiametro A C cum corpore gravi A, & sibi occurrunt in G, ergo (ut demonstratum est) validitas percussionis factæ à gravi A super planum D trans-

Prop. 41. 42. 55. & 57.

translatum in G necessario mensurari debet; ab impetu perpendicularis casus A D non autem ab impetu physico, & obliquo A G, similiter energia percussionis facta super planum subjectum E translaturum in H mensurari debet non ab impetu physico obliquo A H; sed à simplici impetu descensus per A E; unde manifestè patet de fectus prædicti ratiocinii.

De reflectione, quæ ad corporum percussionem consequitur.

CAPUT XV.

Motum reflexum quem videmus diversum esse à motu incidentiæ ejusdem corporis nonnulli putant, propterea quod aliquæ reflexiones fiunt per eandem rectam lineam incidentiæ, quando scilicet illa est perpendicularis ad subjectum planum, quod ejus progressum impedit, & in tali casu termini motus à quo, & ad quom, quos distinctos, & oppositos esse debere putant in uno, & eodem motu conjuncti sunt in ipsomet puncto incidentiæ, ac subinde putant priorem motum incidentiæ omnino destrui à resistentia, & firmitudine plani subjecti, & postmodum de novo creari motum contrarium reflexionis; at quænam causa sit hujus novi motus non facile est reperire, nam medium fluidum æreum scilicet neque hunc neque præcedentem motum efficere posse supra ostensum est, ergo necessario obstaculum corporis duri causa est hujus novi motus reflexivi; obstaculum verò aut omnino firmum, & quiescens est, aut aliquantulum concutitur, & tremit, si stabile fuerit & omnino motu privatum, est impossibile ut motum & impetum producat agitando, & propellendo aliud corpus ut retrocedere, & resistere valeat, recurrere postea.

Cap. 7.
Prop. 8.
Motus reflexivus non gignitur de novo vel a medio fluido aut a tremore parietis concussio.

postea ad parietis marmorei tremorem ridiculum
 prorsus videtur, cum is tremoris motus sit debilissi-
 mus, proindeque ineptus ad tantam velocitatem
 procreandam, insuper corpora magis flexibilia am-
 pliorem prolixiorumque tremorem efficientia vehe-
 mentius repellerent corpora dura in ea incidentia
 quam scopulus alpinus, quod est falsum, & contra
 sensus evidentiam; igitur satendum est quod idem
 impetus motus incidentiæ perseverat, & tantummo-
 do impedito transitu, & progressu ab obice itineris
 directionem aliorsum dirigit, quod autem hæc sit na-
 turæ familiaris consuetudo constat ex penduli illa
 proprietate, quam nuper detexi, si enim agitato fu-
 ne pendulo apponatur clavus in medio longitudinis
 fili, atque in linea perpendiculari ad horizontem,
 tunc quidem circumductio penduli fieri cogitur per
 circumferentiam minoris circuli, scilicet impetus
 præcedens iter commutat, excurritque itinere cur-
 viori, & nihilominus spatium transactum eodem
 tempore æquale est ad unguem ei quod in ampliori
 circulo transigebat, insuper reflexiones factæ ad an-
 gulos valde obliquos super aliquod planum, vel ex-
 cursus factus in superficie aliqua curva manifestè e-
 vincunt reflexiones illas minimas effici ex continua
 actione ejusdem motus, in quo tantummodo prior
 directio aliquo pacto contorquetur à curvitate super-
 ficiei in qua corpus excurrit aut impingit; constat
 ergo ab eadem virtute motiva impelli corpus inci-
 dens super aliquod corpus durum, à qua postea fer-
 tur necessitate naturæ brevissima via reflectendo.

Sed licet resistantia corporis duri & quiescentis
 omnino non destruat impetum corporis in eum inci-
 dentis, quod profecto ab ipsa reflectione evincitur,
 quæ

Causa
 motus re-
 flexivi est
 impetus
 motus in-
 tidentiz
 anam
 eundem
 que mo-
 tum effi-
 ciens.
 De medi-
 corum
 theor. I.
 cap. 11.

quæ post incidentiam efficitur, dubitari saltem potest, an impetum ejusdem incidentis corporis debilitet, & aliquo pacto imminuat, quod minime fieri posse operæpretium erit demonstrare.

PROPOSITIO LIX.

Vis motiva incidentis corporis non debilitatur neque imminuitur à resistentia corporis firmi, & duri.

Corpus A obliquè incadat super planum firmum CD per rectam Tab. II.
lineam AB, sintque ambo corpora dura, inflexibilia, ducaturque Fig. 46.
perpendicularis AC super planum subjectum, seceturque BD æqualis CB, & elevetur DE itidem ad subjectum planum perpendicularis, quæ æqualis fiat ipsi AC, jungaturque recta linea BE, manifestum est in triangulis rectangulis ACB, & EDB ob laterum æqualitatem circa rectos angulos esse angulos ABC, & EBD æquales inter se, & quoniam corpus A obliquè incidit super planum Prop. 41.
BC, ergo ejus motus per AB componitur ex duplici motu & impetu, ex perpendiculari scilicet AC, & ex transversali CB, quibus ille æqualis est potestate; & propterea incidit corpus A in B duplici impetu affectum, sed transversali impulsu æquidistanti plano CB nullo pacto id ipsum planum premit, aut percutiet, proinde Prop. 37.
deque subjectum planum nil ei resistet perinde ac si prædicto impetu transversali careret, remanet igitur solummodo impetus perpendicularis quo comprimere, & impellere subjectum planum BC valeat, & huic impulsui planum subjectum omnino stabile resistere debet, impedireque ejus directam progressionem potest, hinc fit ut motus perpendicularis tantummodo resiliitionem patiatur, ostendendum modo est quod motus hujusmodi resiliitionis non imminuitur nec debilitatur, si enim fieri potest à resistentia firmi corporis CD imminuatur, debiliteturque in reflexione impetus ipsius A, perpendicularis nempe, qui impediri potest, quare existente motu æquabili temporibus æqualibus percurrerentur spatia æqualia transversalia CB, & BD, cum is motus nullam alterationem ac immutationem patiatur, at motu resiliitionis perpendiculari percurreret spatium

M

spatium

spatium DF minus quam DE , vel AC , propterea quod impetus perpendicularis supponitur imminutus debilitatusque, proindeque eodem tempore percurrat spatium DF minus quam AC , & quia hoc in toto progressu resiliitionis contingit, fit ut hujus motus progressus designet lineam obliquam BF ; non autem BE , quare angulus reflexionis FBD minor erit angulo incidentiæ ABC , hoc autem est falsum, & contra sensus evidentiam, quandoquidem perpetuo hujusmodi anguli sunt æquales inter se, igitur vis motiva incidentis corporis non debilitatur, neque imminuitur à resiliitione corporis firmi & duri, quod fuerat ostendendum.

His præmissis quia in occurſu duorum corporum fit resiliio aliquando unius, aliquando amborum, videndum est qua lege, & qua velocitate fieri debeant.

PROPOSITIO LX.

Et primo si corpus aliquod durum quacumque velocitate percutiat corpus aliquod itidem durum omnino immobile atque inflexibile, illud reflectetur eadem prorsus velocitate, qua in ipsum incidere.

Quoniam vis motiva inexistens alicui corpori ex sui natura motum migrationemque localem determinata velocitate procreare apta nata est, & quando directe cursum inceptum prosequi non potest, tunc regreditur, aut cursum revolvit prout necessitas cogit, sed firmitudo, & durities obicis impedit ejus progressum directionemque ejus motus, nec destruit, aut debilitat vim & facultatem ejus motivam, igitur eadem vis motiva vigens cursum & directionem tantummodo permutabit, & ideo æquali velocitate regreditur, & reflectetur.

Prop. 59.

PROPOSITIO LXI.

Si postea corpus itidem recipiens perpendiculari & media incidentia in quiete amoribili fuerit constitutum, fuerintque ambo corpora dura, & inflexibilia, nulla reflexio efficitur, sed ambo corpora simul ad easdem partes excurrunt.

Tab. II.
Fig. 47.

Corpus A velocitate DE percutiat perpendiculari, & media incidentia

cientia corpus B in C, sitque B quiescens amovibile scilicet indifferens ad motum, atque ambo corpora sint omnino dura, & inflexibilia, dico corpus A non reflecti, sed conjunctum cum B excurrere antèrius, fiat velocitas D E ad D F ut A simul cum B ad A, & quoniam supponitur corpus B in quiete amovibili constitutum, igitur nil omnino resistit impulsui ipsius A, & proinde libentissime obsecundat impulsui, nec ei prorsus reluctatur, quare in instanti imprimatur augeturque velocitatis gradus in B, diffunditurque per universam ejus molem ad summam vehementiam, ad quam pervenire potest, ad quam tunc profecto pertingit corpus B, quando cessat excessus vehementiæ impellentis corporis A, scilicet quando ambo corpora A, & B eundem gradum velocitatis F D possident, tunc vero ambo corpora A, & B conjuncta æquè velociter ad eandem partes G excurrere possunt, ac proinde antèrius corpus B non impedit progressum ipsius A, neque eum retundit, aut retardat, sed quando impetus ipsius A non impeditur, est impossibile ut corpus A retrorsum reflectatur, ergo patet propositum.

Prop. 17.

Prop. 20.
& 21.

PROPOSITIO LXII.

Si corpus quiescens removeri quidem possit è suo loco, sed cum aliqua resistentia, quæ superari possit à vehementia alicujus corporis, si illud minus fuerit quam corpus quiescens, retrorsum reflectetur post incidentiam perpendicularem, & mediam.

Si verò corpus quiescens B removeri quidem possit è suo loco sed cum aliqua resistentia, quæ superari possit à vehementia ipsius A, tunc quidem si corpus A minus fuerit quam B, retrorsum reflectetur post incidentiam perpendicularem & mediam. Quoniam supponitur corpus B quiescens non omnimodà stabilitate nec indifferencia, sed aliquò pacto resistens, igitur aliquis gradus impetus ipsius A communicari, & imprimi potest in B, quo moveri potest versùs G, at quia interim reluctando resistit vehementiæ impellentis A, fit ut pars aliqua impetus ipsius A impedita retrorsum reflecti possit, si nimirum robur antecedentis corporis B majus fuerit robore impellentis A, scilicet si moles corporea ipsius A minor fuerit mole corporea ipsius B: at si è contrà A superet molem ipsius

Tab. II.
Fig. 4^a.

B, tunc quidem robur virtutis motivæ superabit resistantiam languidiorem ipsius B prout extensive impetus diffusus in A superat vim motivam ipsius B, quare poterit insequendo celerius propellere corpus B, quod omnino non potest tanta pertinacia progressum ipsius A impedire, ut cum cogat retrorsum se convertere.

Id ipsum pariter continget, quaddò corpora A, & B non sunt omnino dura, & inflexibilia, ita ut percussio sit temporanea, quæ minimè absque resistantia fieri potest, ut suo locò ostendemus.

PROPOSITIO LXIII.

Præterea si duo corpora contrariis motibus per eandem rectam lineam translata reciproce proportionalia fuerint suis velocitatibus, ac se mutuo perpendiculari, & mediè incidentiā percutiant, sintque ambo corpora dura, & inflexibilia, reflectentur ad partes oppositas iisdem velocitatibus, quibus ante occursum ferebantur.

Tab. II.
Fig. 49.

Conver.
PROP. 15.

Sint duo corpora dura, & inflexibilia A, & B moveanturque contrariis motionibus per eandem lineam rectam, A quidem velocitate D E, B verò velocitate H, sitque velocitas D E ad H reciproce, ut moles corporis B ad molem ipsius A, & se mutuo percutiant perpendiculari, & mediè incidentiā in C, dico A resilire à C versus A eadem velocitate D E; atque B reflecti à C versus G velocitate H, quoniam vires impulsivæ corporum A, & B æquales sunt inter se (cum eorum magnitudines & velocitates sint reciproce proportionales) ergò utrūque corpus æquali energiâ impellit, & repulsam patitur à reliquo, quare resistantiæ robur corporis B præcisè æquatur impulsui ipsius A, & idè à vi firmitudinis, seu resistantiæ ipsius B omnino impeditur progressus directus corporis A versus G, & aliunde cum vis motiva ipsius A non destruat, sed vigeat, necesse est ut eo modo quo potest migrationem prosequatur, proindeque reflectetur retrorsum à C versus A eadem velocitate D E vigente, non dissimili ratione corpus B reflectetur versus G eadem velocitate H, quod fuerat &c.

PRO-

PROPOSITIO LXIV.

Si verò duorum corporum contrariis motibus sibi ipsis occurrentium perpendiculari & mediâ incidentiâ vis motiva unius major fuerit robore motivò alterius fuerintque ambo dura & inflexibilia, semper corpus minori virtute motiva præditum reflectetur autâ velocitate, corpus verò majorem vim motivam habens non reflectetur si majus fuerit, nec semper si minus.

Habeat primò majus corpus A ad B majorem porportionem Tab. II. Fig. 49. quam reciprocè habet velocitas H ipsius B ad velocitatem DE alterius A, sintque prædicta corpora dura, & inflexibilia & motibus contrariis sibi mutuo occurrant perpendiculari & mediâ incidentiâ in C, dico majus corpus A non resilire, sed tantummodò languidiori velocitate pristinum cursum continuare, at minus corpus B reflecti versus G majori velocitate quam H, quoniam moles corporea A ad B majorem proportionem habet quam reciprocè velocitas H ad DE, igitur vis motiva ipsius A composita ex intensivo impetu DE, & extensa per universam molem A major est robore virtutis motivæ ipsius B velocitate H affecti, sed vis motiva major non poterit omninò refrænari à minori virtute, imò è contra hæc ab illa superabitur, quare est impossibile, ut directus progressus corporis A versus G omninò impediatur ab occurso languidioris corporis B, sed licet excursus validioris corporis A non prohibearur omninò, non prosequetur tamen motum eadem velocitate DE, quandoquidem percussio contraria ipsius B remoram; & impedimentum ei affert pro mensura virtutis motivæ ejus, igitur corpus A non reflectetur, sed languidiori impetu inceptum cursum prosequetur, sed longe diversâ ratione minus corpus B post occursum operatur; nam progressus debilioris virtutis motivæ B omninò sistitur, & refrænatur à validiori energiâ occurrentis corporis A, & quia interim vis motiva ipsius B non extinguitur licet directio ejus motus impediatur, igitur hac de causa reflectetur retrorsum integrâ velocitate H, & insuper quia urgetur à vehementia validiori ipsius A dum excurrit versus G igitur corpus B separabitur à contactu

M 3.

Cui

ctu persequentis A reflecteturque versus G impetu majori quàm H, quod fuerat &c.

Tab. II.
Fig. 150.

Secundò iisdem manentibus sit moles corporea A minor quàm B, atque vis motiva ipsius A major virtute motivâ alterius B, ajo quòd majus corpus B resiliet majori impetu quàm H at minus corpus A non semper resiliet, & quotiescùmque reflectitur, tunc minori impetu quàm D E retrorsum feretur, quoniam progressus directus ipsius B refranatur omninò à majori vi motiva ipsius A, & interim illius impetus non languet, nec destruitur, igitur excurret retrorsum versus G nedùm velocitate H, sed etiam impetu acquisitò ab impulsu validioris virtutis motivæ ipsius A; at diversa est conditio minoris corporis A, fieri enim potest ut impetus ejus tantò excessu superet velocitatem ipsius B, ut post diminutionem adhuc impetum reflexivum ipsius B superet, cùmque tardius fugiat B versus G quam infectetur ab A, sit ut tarditas fugientis obstaculi officium præstet, & proinde velocitas ipsius A vigens cum antè versus G excurrere nequeat retrorsum reflectetur velocitate tamen debilitata ut dictum est; at si post occursum residua velocitas ipsius A versus G minor fuerit velocitate auctâ, qua reflectitur B versus G, proculdubio excursus directus ipsius A diminutus non impiedietur, & proinde minime retrorsum reflectetur, quæ omnia ostendenda fuerant.

Facili negotio ex demonstratis percipi possunt varietates reflexionum, quæ iisdem corporibus contingunt in incidentiis obliquis, propterea in his diutius immorandum non est:

*Quomodo impetus debilitetur, & extinguatur
in projectis.*

CAPUT XVI.

Nemo est qui non percipiat extinctionem atque motus mortem esse ejus quietem, quando nimirum migratio ab uno ad alium locum alicujus corporis omninò cessat sistiturque in eodem situ spatii mundani, paritèrque lumine naturæ notum est ejusdem

dem motus debilitationem ac languorem, quæ propriò nomine retardatio dicitur nullâ aliâ ratione fieri nisi per aliqualem quietis admixtionem, aut participationem, ita ut idem motus quò magis de quiete participat magis tardus censeri soleat. His positis satis probabile, & plausibile videtur ut ex causæ motum alicujus corporis extinguere, & destruere possint, quæ quietem, & stabilitatem in ipso producere possent, hoc autem aptissimè fieri posse videtur à corporibus omnimodam quietem possidentibus, à quibus destrui omninò deberet impetus illius corporis in ipsum incidentis, hoc tamen est evidentè falsum, quandoquidem post incidentiam in corpus omninò stabile, & firmum consequitur non quidem quies, sed motus resiltionis tantò impetu præcise factus, quanta fuerat velocitas incidentiæ, cùmque motus incidentiæ & reflexionis idem omninò sit ab eadem vi motiva procreatus, qui directionem, & iter tantummodò commutat, igitur quies & firmitudo obstaculi nedùm non destruit motum incidentis corporis, sed neque ipsum minimum debilitat, cum ejusdem prorsus velocitatis remaneat; igitur mors, & destructio motus pendere non potest à quiete contrappositi corporis.

Impetus
impetibus
non ex-
tinguitur
à quiete
corporum
transitum
impedien-
tium.

Videndum modò est, an motus alicujus corporis destrui ac debilitari possit à motu alterius corporis, & à qua motus specie.

Triplici enim modò variari potest relatio motuum duorum corporum, aut enim ambo fiunt per eandem rectam lineam ad easdem partes, vel ad oppositas, aut prædicti motus sese transversaliter intersecant, & ut à posteriori initium sumamus, manifestum est quòd transversalis motus alicujus corporis respectu

Prop. 36.

motus

motus alterius corporis in ipsum incidentis non differt à quiete, propterea quòd nec juvat nec nocet motui incidentiæ, non enim eum impedit aut retardat magis quàm corpus omninò quiescens, igitur eadem vehementia incidens corpus resiliet à corpore moto ac faceret à corpore quiescente, quapropter manifestum est à transversali motu obicis impetum incidentis corporis prorsus non debilitari nec extinguì, quoad verò motum ad easdem partes factum proculdubio corpus antecedens ictum subsequens fugiens, aut excurrit minori, vel æquali, vel majori velocitate quam inflectetur subsequens corpus, Prop. 30. sed si æquali velocitate antè corpus fugit quam inflectetur subsequens corpus, manifestum est impetum posterioris & subsequens nullo pacto debilitari, quandoquidem nulla percussio, & renitentia, neque repulsio ibi excogitari potest, at si corpus antè corpus majori velocitate fugiat quam insequitur posterius multo minus fiet contactus, imò semper magis ab invicem separabuntur, & proinde impetum insequentis corporis nullò pacto debilitabit, aut extinguet. Ultimò locò si motus fugientis corporis tardior fuerit insequenti impetu, tunc profectò velocitas persequentis retardatur, sed non proprià, & verà retardatione, quandoquidem una pars ejus virtutis motivæ communicatur, & diffunditur in molem corpoream anterioris corporis, & tunc eadem vis atque velocitas remanet, sed ampliata & communicata corpori anteriori, ex quo fit ut deinceps antè corpus majori celeritate fugiat, quæ aucta est tantundem ac diminuta fuerat velocitas insequentis corporis; sed ut dicebam hujusmodi imminutio, & retardatio non est illa, de qua loquimur, agimus enim

Impetus
percussio-
nis nec
a motu
transver-
sali cor-
poris per-
cussis, nec

enim de verâ, & realî diminutione, & extinctione
 motus, & virtutis motivæ, de ea scilicet quæ non
 migrat de subiecto in subiectum, sed verè extingui-
 tur, & definit esse.

a motu
 per eandem
 lineam
 rectam ad
 eandem
 partes ce-
 leriori,
 tardiori,
 vel æque
 veloci ex-
 tinguitur.

PROPOSITIO LXV.

Pergo jam ad postremum modum, quando scilicet duo corpora omnino
 dura, & inflexibilia per eandem rectam lineam motibus contrariis
 se mutuo perpendiculari & mediâ incidentiâ percutiunt, & tunc ajo
 quod absolute unus motus contrarius percussivus impressum motum in
 reliquo corpore non debilitat neque extinguit, quod planum fiet hac
 ratione.

Sint primò duorum corporum A, & B vires motivæ contrariæ Tab. II.
 inter se æquales, sive corpora A, & B sint æqualia sive non, dum- Fig. 49.
 modò eorum velocitates reciproce proportionales sint ipsis corpo-
 ribus omnino duris, & inflexibilibus, patet ut dictum est quòd in Prop. 65.
 eorum occursum perpendiculari, & mediâ incidentiâ cessat quidem
 motus directus utriusque corporis, non tamen eorum virtutes mo-
 tivæ extinguuntur, quandoquidem motu reflexo à puncto conta-
 ctus uterque retrocedit, igitur à motu contrario percussivo impetus
 impressus alterius corporis non extinguitur.

Intelligentur postea vires motivæ eorundem corporum inæquales
 inter se, & contrariis motibus per eandem rectam lineam se mutuo
 percutiant, manifestum est majorem virtutem motivam languidio-
 rem superare, & ideo eam propellere, at quia aliunde reluctan-
 tem impetum promovet, ita ut celeriori impetu ipsum cogat retro-
 cedere, novò scilicet impulsu superveniente, fit ut portio impe-
 tus validioris diffundatur communiceturque in corpus illius progres-
 sum impediens: ex hac autem diffusione, & imminutione impetus
 sequitur quidem imminutio velocitatis validioris corporis, at hæc
 non est vera imminutio, & retardatio, non enim extinguitur gra-
 dus ille velocitatis communicatus, sed perseverat in alio subiecto
 translatus.

N

Constat

Motus
percussio-
nis potest
in corpus
penfile
impetum
imprimere,
at non
potest
contraria
percussio-
ne eun-
dem mo-
tum debi-
litare, aut
extingue-
re.

Constat ergo energiam ictus motum & impetum in corpus penfile procreare posse, at non ei licere alia contraria percussione eundem motum hactenus impressum debilitare, aut extinguere, & siquidem neque à quiescente corpore neque percutiente motus & impetus destruitur, reliquum est ut aut motum semel impressum nunquam deleri perpetuoque vigere asseveremus, aut ab alia causa longe diversa extingui concedamus; & cum aliunde certum, ac evidens sit impetum & motum impressum nedum debilitari sed ad quietem reduci, videmus enim omnia projecta impetum tandem amittere, & aliquò in loco sisti ac permanere, igitur reliquum est ut causam realis extinctionis motus inquiramus.

Ad hanc autem manuducet nos alia consimilis naturæ operatio, quæ est actio compressiva gravitatis corporum naturalium; enim verò energia compressiva gravitatis alicujus corporis ab extremo radio libræ pendens duplici modo imminui extinguique posse perspicuum est, aut per continuam imminutionem subtractionemque molis corporeæ ejus quousque ad nihilum redigatur aut per additionem tantundem ponderis in opposito libræ termino suspensi, & tunc factò æquilibrio illud nil prorsus gravitat non secus ac si incorporeum omnino esset, pari ratione motum & impetum impressum duplici modò extingui posse naturæ lumine docemur, aut vera & reali imminutione, & destructione impetus, aut appositione, & additione alterius motus contrarii æqualis primo in eodem subiecto, exemplum primi casus verificari videtur quotiescunque projectum incidit in acervum arenæ, aut in corpus fluidum molle accedens, tunc profectò videmus impetum ejus prorsus extingui; id ipsum experimur quotiescunque projectum dum excurrit manu apprehenditur, firmiterque in eodem locò retinetur, ac proinde universè tum à corpore quiescente cum à percutiente quies in projecto induci potest dummodò adsit causa, quæ reflexionem ejus impediat sive projectum ipsum amplexetur, stringatque veluti forceps, aut cochlea, vel quomodocunque effectum reflexionis retundat impediatque.

Potest
pariter à
motu
contrario
extingui
modo
percussio
removetur.

Secundus verò modus magis proprius, & naturæ consentaneus est is, qui efficitur ab appositione motus contrarii, cujus evidentissimum exemplum suppetit navis à fluente translata in qua si pila æquali velocitate contraria à prora ad puppim projiciatur, proculdubio.

dubio pilâ duabus contrariis velocitatibus verè afficitur, possidetque ambos impetus, ex quorum mixtione confurgit vera & realis quies in spatio mundano, ita ut si à puppis extremitate pila duplici motu affecta in fluvium decadat, perinde ad horizontem perpendicularitèr casura sit, ac si ab extremo ramo arboris in ripa enascentis demitteretur, ejusdemque rei innumera penè exempla passim suppetunt.

PROPOSITIO LXVI.

Nec videtur hujusmodi operatio natura ingenio refragari, quandoquidem quodlibet corpus pensile, & aequilibratum sive in motu sive in quiete constitutum suscipere potest quemcunque impetum qui ab externo impellente ei inferatur.

Concipiatur pila A in plano horizontali quiescens, eique pri-
mum communicetur impetus aliquis ab ictu alterius corporis, quo
excurrere valeat ab A ad B, dumque perseverat motus pilæ æqua-
bilis superveniat secundus impulsus ad easdem partes per eandem
rectam lineam usque ad C, proculdubio pilæ velocitas augebitur,
quandoquidem priori velocitatis gradui indelebiter perseveranti
novus gradus impetus superadditur, porro superveniat tertius im-
pulsus transversè eam promovens à C versùs D, is profectò non
imminuet, nec augebit cursum directum ejusdem pilæ à C versùs
F, sed tantummodò transversalem motum ei superaddet, ut subin-
dè non incepto cursu directo per C F neque transverso per C D
progrediatur sed obliquò motu per C E ex utrisque participante,
proindeque imbuta erit pila omnibus prædictis impetibus vigentibus
ac perseverantibus, demùm superveniat quartus impulsus priori
oppositus per lineam E G parallelam ipsi A F, hunc quoque impe-
tum pila suscipiet, & subindè intermedia via E I ex utrisque parti-
cipante excurrer, undè constat perseverare in eodem subjecto om-
nes velocitates impressas, & hoc quidem ratum perspectumque
est, ut sensus evidentia docet, tandem si denuò pila dum excur-
rit impresso gradu velocitatis ab E versùs I impellatur motu contra-
rio per eandem rectam lineam ab I versùs E, quis quæso persuade-
bitur eandem pilam quæ tot diversos impetus susceperat absque ulla

repugnancia modo abhorreere respuereque novum supervenientem impetum contrarium? est plane pila æquè indifferens ad quemcunque motum horizontalem, igitur sicuti prius suscepit, ac retinuit tot diversos impetus, qui indelebiter perseverarunt, neque ob commissionem reliquorum validitates eorundem imminutæ fuerunt, sic pariter impetus prorsus inter se contrarii imprimi, & perseverare posse in eodem subjecto naturæ lumine suademur, ita ut ambobus vigentibus, ac perseverantibus, quotiescunque ad æqualitatem pervenerint, tunc plane quies consequatur, si verò ipsum alter prævaluerit his pro mensura ejus excessus supra reliquum impetum motum, & migrationem procreabit.

Sed licet hoc verissimum sit negotium tamen facessit resilitio, quæ à motibus contrariis percussivis procreatur; hæc autem rem totam turbare videtur, nam contraria impulsio percussiva unius corporis impedit sanè directam progressionem alterius non autem vim ejus motivam destruit, aut contrariam virtutem ei imprimit, aliàs illud non reflecteretur, sed hoc non impedit quin impetus contrarius eidem projecto imprimi possit, quandoquidem non est necesse ut semper impulsus percussione fiat, scilicet non est una & eadem operatio impulsus & percussio, ita ut una sine altera esse nequeat, proculdubio actio percussiva absque impulsu intelligi non potest, at è converso impulsus planè persiltere & effici potest absque percussione; ita ut sit impulsus non percussivus & absque ictu.

Actio
percussiva
absque
impulsu
intelligi
non po-
test at è
converso
effici po-
test im-
pulsio
absque
percussio-
ne.

PROPOSITIO LXVII.

Ab hoc itaque impetu non percussivo motum contrarium procreari hac ratione suadebimus.

Tab. III.
Fig. 52.

Sit pila A quæ impetu impresso æquabiliter feratur per rectam lineam A F ab A versus F impetu G H eique occurrat manus aut reticulum vel batillum lusorium D E perpendiculariter excipiens advenientem pilam in C, oportet autem ut manus E non omnimodâ stabilitate & firmitudine retineat pilam in C, sed ei cedendo ejusque motum obsecundando sensim retrocedat retrahatque batillum versus F, dum verò ictum effugit, reagat continenter contraria vi pilam repellendo versus A (non enim concipi potest resistentia,

ſtitentia, & retardatio motus pilæ facta à batillo D E, quin manus-
vim inferat pilæ eam propellendo à C verſus A) ſed neceſſe eſt ut
vis repulſiva manus atque batilli ſit exigua, & minima, atque
oportet quoque ut continenter renovetur, & exerceatur eadem
actio repulſiva, & . hic patet nullam percuſſionem inferri nec reſili-
tionem effici poſſe, nempe quia batillum perfeverantèr tangit pi-
lam nec aliquandò eam deſerit, ſed unà ſecum tranſcurrit à C ver-
ſus F, ſupponamus igitur quod in minima temporis particula ma-
nus exerceat impetum repulſivum minimum H I qui communicetur
pilæ A, & in ſecunda temporis particula à vi manus vigente, &
continenter operante eidem communicetur contrarius impetus I K
& ſic in tertia, quarta & omnibus ſubſequentibus temporis particu-
lis; & quia præcedentes gradus impetus licet exigui non deſentur,
ſit ut ſucceſſivè impetus contrarius H L O impreſſus eidem pilæ A
incrementum ſuſcipiat quouſque fiat æqualis velocitati G H, quæ
ab initio pilæ A impreſſa fuerat, & tunc proſectò æquatis velocita-
tibus contrariis neceſſe eſt ut progreſſus & motus pilæ omninò defi-
ciat, & ad quietem redigatur, quandoquidem tantâ velocitate an-
teius excurrit quantâ retrorſum repellitur, ideoque in eodem ſitu
ſpatii mundani perſiſtet, non ſecus ac ſi motu omninò privata
eſſet.

Non diſſimilis operatio ab ipſa natura efficitur cujus evidentia li-
cet ex inferioris dicendis pendeat nihilominùs non erit ab inſtituto
noſtro alienum eam paucis innuere, projiciatur pila gravis ſurſum
perpendiculariter ad horizontis ſuperficiem proculdubio à vi proje-
ctrici imprimitur pilæ impetus æquabilis quo ſurſum promovetur,
at in progreſſu motus ejus vis nativæ gravitatis contrario impetu
abſque percuſſione & reſilitione eandem pilam deorſum repellit,
atque huiusmodi contrarius impetus continenter crefcendo tandem
efficitur æqualis velocitati contrariæ à projiciente eidem corpori
impreſſæ, & tunc æquatis velocitatibus oppoſitis quies ſubſequitur,
& extinctio motus.

Et hæc videtur vera & germana cauſa extinctionis motus, &
impetus projecti ejuſque virtutis motivæ, ſcilicet quotieſcumque
imprimatur eidem projecto impetus contrarius, & æqualis priori
abſque ulla percuſſione & proinde abſque reflexione ut nimirum
motus contrarii ſimul in eodem ſubjecto perſiſtant vigeant exer-

Cauſa ex-
tinctionis
impetus
projecti
eſt impe-
tus con-
trarius in-
ſenſibili-
ter cre-
ſcens abſ-

que per-
cussione
impressus
cedendo.

ceanturque & mutuam societatem ineant, ut unus alterius progressum nullo pacto impediat.

Quapropter constat quòd motus & impetus non destruitur à quiete alterius corporis ut dictum est, neque ab ejus tarditate, quatenus de quiete participat, similiterque neque à resistentia & tenacitate qua corpora uniuntur, & vinciuntur, nam hæc ad tarditatem & ad quietem reducuntur, sed tantummodò à motu contrario absque percussione, & resilitione facto ut propositum fuerat.

Impetus cuilibet corpori impressus debilitari imminuique quidem potest in instanti ob sui diffusionem, ac deleri omnino ac destrui non potest nisi in tempore, licet suspicari possimus motum neque exortui neque interitui obnoxium esse.

CAPUT XVII.

Prop. 20.
21.

Notum perspectumque est ex iis quæ superius demonstravimus impetum à percutiente corpore imprimi in corpus percussum communicarique non in tempore sed instanti, hocque verificari in corporibus omnino duris & inflexibilibus, in eodem igitur instanti in quo fit contactus & percussio diffunditur quoque à percutiente veluti à fonte quodam pars aliqua ejus virtutis motivæ, atque impetus qui spargitur communicaturque per universam molem corporis ictum patientis, unde fit ut ex hujusmodi

Prop. 19. virtutis motivæ, & impetus migratione imminuatur imperus percutientis, quæ imminutio fieri non potest sensim, & in tempore, sed in eodem instanti, in quo diffunditur communicaturque in ipsum corpus percussum, verum nunquam contingit ut universa vis motiva, & imperus percutientis omnino absumatur, & prorsus transferatur in aliud corpus ictum patiens,

patiens, quandoquidem si id ipsum quiescens amovibiliter supponatur, scilicet nil prorsus resistens, aut reluctans advenienti impetui, tunc profectò gradum omnium maximum velocitatis corpus percussum suscipiet, & tamen is partialis erit neque unquam Prop. 29. æquabitur velocitati percutientis corporis ut ostensum est, quare est impossibile ut in instantanea diffusione impetus facta in actu percussiois absumatur omninò deleaturque impetus percutientis, sed tantummodò imminutionem patietur.

Si postea ictus multoties repetatur ut nimirum idem corpus percutiens ordinem plurium corpusculorum amovibiliter quiescentium offendat tunc profectò fient continenter aliæ & aliæ impetus ejus imminutiones singulæ instantaneæ, sed fieri non poterit Prop. 24. ut omninò impetus percutientis absumatur, quia licet ob continuatam imminutionem ad exihissimam, & languidam velocitatem redigatur tamen nunquam ille minimus postremus gradus impetus in postremo ejus ictu absumetur, quia scilicet semper migratione facta alicujus portionis ejus pars altera residua ei remanet, quia nimirum quanti natura hæc est ut licet in infinitum diminuatur nunquam prorsus absumatur.

Sed licet hujusmodi imminutio impetus temporanea censerì possit eò nomine quod inter unam, & alteram percussiunculam tempus intercedens subintelligi debeat, non perinde fit ut percutientis impetus imminutio non sit instantanea, constabit enim ex pluribus instantaneis imminutionibus, & hoc sufficit ad ostendendum migrationem, & diffusionem impetus in actu percussiois factam instantaneam fore, ut nimirum sicuti in instanti diffunditur, sic quoque immi-

imminutio impetus percutientis instantanea censeatur.

Sed alia longè diversâ ratione efficitur imminutio destructioque impetus in iis corporibus, quæ evidentè constat ad quietem & omnimodam firmitudinem reduci, in iis enim impetus retunditur debilitaturque vera & reali imminutione, quatenus ab obstaculo aliquo absque motu percussivo imprimitur eidem mobili impetus contrarius, qui cum minimè totus simul communicari possit sed per incrementa minima & insensibilia fit ut necessario destructio impetus advenientis mobilis in tempore non in instanti fiat, si enim motus contrarius integer communicari deberet hoc profectò fieri non posset absque percussione in qua, † ut ostensum est, non imprimeretur impetus contrarius sed tantummodò progressus advenientis impediretur non deleta neque debilitata ejus virtute motiva, proindeque resilitio utriusque corporis subsequeretur non autem motus extinctio, quare necesse est ut absque percussione successive non unica sed innumeris impulsionebus imprimatur motus contrarius in corpus adveniens, proindeque successione quadam temporanea ejus motus extinguatur necesse est.

Hoc loco suspicari liet motum neque de novo gigni in natura neque unquam destrui posse quod profectò mirum, & paradoxum videtur, si enim consideretur diffusio impetus quæ in percussione efficitur illum minimè pati imminutionem aut destructionem perspicuum est, cum impetus ab uno in aliud subjectum transeat, & migret, ibidem ex sui natura perpetuò duraturus, & licet subdivisione, & dispersione quadam distribueretur, non proinde

Prop. 67.

Vera, & realis imminutio impetus atque destructio in tempore fit quatenus motus contrarius absque percussione communicatur per incrementa minima successione quadam temporanea.

† Prop. 65.

Ex superioribus dictis conjicitur motum neque de novo gigni in natura, neque unquam destrui posse. Prop. 65. & 19.

proinde langueret unquam, aut destrueretur, veluti aqua putei in guttulas innumeras subdivisa minime destructa censei debet, itaque ex hoc capite minime impetum interitum habere videtur, quoad verò causam ejus productivam constat deveniendum tandem esse ad vim motivam animalium, vel ignis, vel alterius corporis se moventis, quæ cum ex sui natura perpetua & non interrupta agitatione moveantur, fit ut motus percussivus ab iis principiis dependens non sit quid de novo productum in natura sed motum ipsum principiorum translatum, & diffusum in ipsis corporibus projectis atque percussis.

Si verò consideretur actio illa quæ vera destructio motus appellatur profectò in ea nil omninò destruitur. sed tantummodò imprimitur motus contrarius ita ut postmodum in eodem subjecto duo impetus & motus contrarii vigentes, & perseverantes apparentiam quietis pariant, & sic videantur ambo destructi, cum tamen utrumque vigere, ac existere in natura non videatur improbabile, & universè quotiescumque corpus aliquod post ejus motum quiescere conspicitur tunc dicendum est ab obstaculo, vel impedimento eidem impressum fuisse gradum impetus contrarium omninò æqualem ei quo prius ferebatur, & hoc nedum in projectis verificari videtur, sed etiam in corporibus ab intrinseco, & naturali principio motis veluti sunt gravia & animalia; si enim considero saxum decidens id procul dubio in descensu impetum continue auget quousque obstaculum inveniatur non percussivum à quo ei imprimatur contrarius impetus æqualis ei, quem in descensu acquisierat, & hæc est causa quare saxum quiescit, & non ulterius movetur, remoto postea obstaculo incipit

O

novus

novus ejus motus non quidem ab illo impetu acquisito qui à contrario impetu obstaculi ei æquali ad quietem redactus fuerat, sed à principio intrinseco gravitatis quod perpetuo operatur, idem omnino dicendum est de motu animalium, flectitur quidem brachium verbi gratia à vi, & energia spirituum seu facultatis motivæ existentis in musculis brachii flexoribus sistitur vero, & frænatur brachii motus atque impulsus à resistantia, seu contrariâ actione ejusdem facultatis motivæ operantis in musculis elatoribus brachii, ut nimirum brachium ut corpus grave suscipiat impetum contrarium, & æqualem priori, atque ambobus vigentibus quietis apparentiam referat, idemque dicendum de omnibus aliis motionibus quæ in natura fiunt ut subindè concludere liceat motum neque gigni de novo, neque destrui in natura, hoc autem nec asseveranter, nec ut certe creditum me protulisse quis sibi persuadeat, sed tantummodo suspicando, ut doctiores suam sententiam proferant.

Quomodo in flexibilibus corporibus impetus impressus retardetur aut extinguatur.

C A P U T X V I I I.

Quicumque naturæ ingenium noverit, quæ similes operationes eodem modo perpetuò exequitur simplicissima ac facillima via, ac methodò nec varietate delectatur, facile persuadebitur non secus impetum in corporibus flexibilibus extingui ac destrui in corporibus omnino duris ac inflexibilibus, proindeque non inutilis erit theoria superius tradita, ut vero negotium quantâ majori fieri potest perspicuitate:

teuitate expediatur prius natura & proprietates corporum flexibilibus declarari debent, quæ profecto pendunt ex instrumentis aliquibus mechanicis satis vulgatis ut est vectis, cuneus, & alia hujus generis, atque ut à faciliiori initium sumamus.

PROPOSITIO LXVIII.

Si alterum vectis extremum à virtute motiva impellatur, ut resistenciam glutinis vel comprimentis corporis reliquo vectis extremo oppositam superare valeat, non secus resistentia operatur contra impellentem vim, ac opposita vis motiva absque percussione resistens.

Esto vectis CD cujus fulcimentum sit E, atque in termino D Tab. III.
Fig. 33. apponatur quælibet resistentia B sive ea sit pondus, sive gluten aut quælibet alia tenacitas quæ discindi ac dirumpi debeat, è contra terminus vectis C impellatur ab energia seu virtute motiva corporis A velocitate V excurrentis, constat ex mechanicis quod si momentum virtutis motivæ ipsius A æquale fuerit momento resistentiæ ipsius B tunc profecto æquilibrium effici, scilicet æquatis viribus neque corpus A propellere terminum vectis C, nec è contra repelli ab energia resistentiæ ipsius B, si postea momentum ipsius A majus fuerit momento resistentiæ, B tunc quidem terminus C vectis propelletur à potentia A, atque resistentia B superabitur expelleturque seu diffingetur, videndum modo est, qua ratione resistentia B operetur; & sane actio ejus resistentiæ motus contrarius censeretur potest; si enim amota resistentia B ejus loco substituaturn aliud corpus M, quod motu contrario ipsi A & æquali momento sive virtute motiva contraponatur impulsui ejusdem A tunc proculdubio æquatis viribus duorum corporum A, & M contrariis motibus se mutuo impellentium absque percussione consequitur amborum quies, atque extinctio impetus utriusque corporis, perinde ergo frangatur ac extinguitur impetus ipsius A à resistentia B in termino vectis D operante, ac ab impellente virtute corporis M directo, & contrario motu propulsante occursum ipsius A, si igitur potentia B, & M eundem effectum extinctionis motus ipsius A Prop. 67.

pariunt, erunt nedùm vires motivæ æque validæ, sed insuper eodem modo operabuntur, ambo enim reperiuntur, & refranant excursionem impetus ipsius A, igitur resistentia corporis B, licet iners videatur, habet nihilominus, atque exercet energiam motivam, qua nimirum contraria vi, & impetu excursioni corporis A versus C contraponitur.

PROPOSITIO LXIX.

In columna parieti affixa cujus extremum à virtute motiva impellatur, tunc resistentia ad ejus diffractionem in ejus basi parieti contigua collocatur in extremo nempe vectis inflexi, pariterque resistentia operatur, quatenus repellit impulsus contrarium.

Tab. III.
Fig. 54.

Si postea supponatur columna aliqua CED parieti RS affixa, quæ à virtute motiva ipsius A velocitate V. impellatur in termino extremo ejus C, tunc concipi quoque debet vectis inflexus FED cujus centrum erit terminus E à parietis consistentia sulctum, resistentia vero erit gluten, vel qualiscunque alia tenacitas qua partes ejusdem columnæ colligantur cum reliquis contiguis suis partibus intra parietem affixis, hujusmodi verò tenacitas distribuitur per totam superficiem basis DE eritque pariter hujusmodi tenacitas resistentia quædam quæ in centro suæ basis DE suam energiam exercet contra ictum corporis A, & hic pariter hujusmodi tenacitatis resistentia reagit contra impulsus ipsius A motu, & impetu quodam contrariò, eatenus enim resistit quatenus repellit impulsus directum ipsius corporis A, & sic in occurfu ad terminum C aut extinguitur aut retardatur impetus propellentis corporis A.

PROPOSITIO LXX.

In virga flexibili eodem modò resistentia ad ejus diffractionem diffunditur per totam ejus longitudinem, atque resistentia glutinis ejus impetu contrariò reagit reperiendo propulsionem oppositam.

Tab. III.
Fig. 55.

Demùm si supponatur virga CED flexibilis parieti RS affixa, patet quòd in occurfu corporis A ad terminum C flectitur & curva-

cur.

tur virga ut nimirum superficies infima F E coangustetur curvitate concava, & superficies D C dilatetur curvitate convexâ, in hujusmodi autem flexione concipi debent innumeræ fibræ æquidistantes ipsi D E quæ coangustantur ad partes F E, dilatantur verò versis C D, & in hisce omnibus resistentia concipi debet per totam fibrarum longitudinem, uti dictum est de resistentia ipsius D E, & sic actio impulsiva ipsius A non agit tantummodo contra unicam resistentiam E D, sed contra innumerabiles resistentias omnium fibrarum æquidistantium ipsi D E, quæ per totam longitudinem virgæ C D dilatari, & dissociari debent à suis contiguis fibris, discrimen ergo inter virgam flexibilem, & columnam rigidam est hoc, quod nimirum in rigida columna unica tantum resistentia glutinis D E reagit impetu contrariò contra impulsus corporis A, in virga verò flexibili tot resistentiæ quot sunt fibræ aut simul aut successive cequantur repertuendo impetum ipsius A.

P R O P O S I T I O LXXI

Si resistentia segregata superari debeant vecta ab eadem virtute impulsiva retardabitur impetus impulsivus tempore aliquo, at si absque percussione impulsio fiat realibus diminutionibus continenter retardabitur.

Utque prædictæ actiones dictarum resistentiarum clarius percipiantur denuò vectis C D intelligatur, in quo apponatur ad terminum D non unica tantum resistentia B, sed plures B, K, L, &c. distinctæ & segregatæ inter se sit nimirum ut in occurso corporis A ad terminum C primò quidem superari debeat resistentia B, & postea resistentia ipsius K, & deindè resistentia ipsius L, & sic de reliquis sequentibus, hoc autem perindè est ac retardari impetum excurrentis corporis A primò pro mensura energiæ contrarii impetus ipsius B, secundò ipsius K, postea subsequentis L, & sic de reliquis, & siquidem particule istæ B, K, L, &c. supponantur duræ, & inflexibiles, constat retardationes omnes seu imminutiones impetus ipsius A instantaneas fore, si impulsus sine percussione non sunt ut dictum est, & eò nomine totalem percussione[m] seu faciem omnium ictuum & proinde retardationum ipsius A in tempore.

pore aliquo quanto effici, propterea quodd inter unum, & alterum ictum particula aliqua temporis intercedit, & sic universa retardatio impellentis A temporanea censi debet, at si impulsus & repulsionis absque percussione fiant, constat singulas retardationes esse veras & reales, & in tempore fieri.

His declaratis singillatim exquirendi sunt modi omnes, quibus impetus impressus alicui corpori extingui potest.

Et primò concipiatur in spatio vacuo quodlibet corpus durum excurrere quacumque velocitate, adsint postea in eodem spatio particulae corporeae pariter durae, quae discriminatim in diversis locis ejusdem spatii innatent, sed quiete amovibili, profectò dùm excurrit majus corpus suâ velocitate secum transfert obstantia corpuscula, sed non sine imminutione pristinæ impellentis velocitatis, quandoquidem communicari debet pars aliqua sui impetus atque migrare in praedicta corpora, à qua nimirum translata virtute corpuscula illa unâ secum moveantur, & quia in progressu, alia & alia corpuscula sibi occurrunt continenter, quae secum transferuntur si perpendiculariter percutiat vel dissiliant ad latera sit ut in progressu hujus motus imminuatur semper magis ac magis impetus corporis propellentis, nunquam autem omnino extinguetur, quandoquidem quanti natura est ut licet in infinitum eadem proportionem imminuatur nunquam totaliter absumatur.

Secundò locò supponantur praedicta corpuscula in spatio vacuo existentia moveri quidem aut omnes ad easdem partes motus impellentis, aut transversaliter aut motu contrariò, aut ex his omnibus motionibus, quoad motus transversales pertinet si ictus perpendiculariter excipiant ad directionem suorum motuum, patet non differre à corporibus in statione amovibili constitutis, & ideo eandem impetus imminutionem producent in corpus impellens, si verò ad easdem partes moveantur vel ad contrarias impetu percussivo, patet ex superius declaratis quamminima diffusio impetus impulsivi efficiatur, remanent tandem motus contrarii absque percussione resistentes qui efficient veram, & realem retardationem, & imminutionem impetus impellentis corporis, quandoquidem hæc est natura motus contrarii absque percussione ut dictum est, & sic in progressu motus fieri potest ut tandem impetus in projecto impressus omnino extinguatur; at si omnes supradicti motus in iisdem corpusculis

A particula corporeae in vacuo innatentibus amovibiliter quiescentibus impetus percussivus corporis debilitari potest in tempore, quatenus transferatur impetus e proprio in alienum subiectum, & ideo non omnino extinguetur impetus percussivus. Si praedicta corpuscula in spatio vacuo moveantur non efficitur vera retardatio in eadem corporis, nisi motus sint contrarii absque percussione. Prop. 36. Cap. 17.

pusculis supponantur, patitur impetus projecti nedum imminutionem propter ejus diffusionem in corporibus non reluctantis, sed etiam propter veram, & realem retardationem quam ei inferunt corpora contrariis motibus ei reluctancia.

Tertiò loco supponantur in eodem spatio particulae corporeae non omninò dissociatae, & distinctae, sed aliquo pacto colligatae, & concatenatae inter se, sive propter varias figuras hamatas, sive quia anguli unius corpusculi intra sinuosas cavitates insinuvati non possunt libere excurrere absque circumstantium corpusculorum motione, aut revolutione, ita ut concipi debeant veluti vestes, qui ex una parte impelluntur à projecto, & ex altera parte adherent resistentiae quae contrariò nisu resistit impulsui ipsius projecti, & tunc quidem licet particulae illae corporeae in spatio vacuo, sive fluido quiescant nihilominus resistentiam & retardationem impetus projecti pariunt; propterea quòd resistentiae collaterales partium colligatarum aut cohaerentium sunt totidem potentiae quae actione contraria absque percussione repellunt corpus projectum proindeque ejus impetum successivè retardant, quousque tandem eum prorsus extinguant.

Quartò supponantur particulae corporeae paritèr divisa sed cohaerentes, & sese tangentes ut est acervus arenae aut cujusvis ejusmodi materiae quae dura, & infrangibilis supponatur, tunc quidem projectum occurrens praedicto acervo debet quidem expellere à loco anteriori arenae particulas ibi degentes, conatus verò expulsivus sit impellendo directè anteriores arenulas, quae progredi non possunt nisi alias obstantes arenulas ejiciant è suo loco, & illas alias, & sic ulterius, & siquidem arenulae praedictae nedum essent durissimae ut suppositum est, sed etiam earum figurae omninò suis angulis locum impleant, non possent ne minimùm moveri, nisi tota arenae aggeries è suo loco dimoveretur, & tunc si tota praedicta aggeries est in quiete amovibili subsequitur promotio, & impulsus, verùm si praedictae particulae non omninò spatium compleant, sintque talis figurae & levitatis, ut possit una earum inter alias excurrere, & contorqueri, tunc quidem propulsae arenulae insinuantur inter alias collaterales, exerceturque actio instrumenti mechanici cunei nuncupari, quae impelluntur inter alias particulas paritèr resistentes quae eodem modò quo supra expositum fuit im-

petum.

At si eadem particulae corporeae aliquo pacto connexae vel propter figuras, vel quia non possunt libere circumvolvi resistent, & tarditatem inferent projicienti corpori cum absque percussione ipsum repellant, & successivè retardant.

Si vero eadem particulae divisa sese tangant ut acervus arenae infrangibilis impetum projecti retardant, ut sunt fluida, & lubrica corpora.

petum projecti retardant, & hujus naturæ sunt omnia fluida corpora, lubrica, mollia, & cedentia, si postmodum supponantur arenulæ sive integra corpora coherentia frangibilia, constat quòd non parùm resistentiæ quæ projecto infertur, pendet ex glutine quo colligantur prædicta corpora, atque vis fractioni resistens est illa, quæ retardationem infert velocitati ipsius projecti.

At si corpora
particulæ
coheren-
tes flexi-
biles fue-
rint pari-
ter proji-
cientis
impetus
vere re-
tardatur
in tem-
pore.

Quintò supponantur jam prædictæ particulæ vel corpora coherentia flexibilia ut sint aggeries tot machinularum qualis forsan est aëris constitutio, patet quidem quod projectum suo impetu nedum dimovere debet prædictas machinulas, sed etiam inflectere, in inflexione autem earum peculiares illæ resistentiæ superius expositæ continenter imminuunt vim impulsivam projecti, eamque tetardant quousque eam prorsus extinguant, & hi sunt omnes, aut præcipui modi quibus impetus motivus debilitari, & tandem extinguì potest sitque retardatio tardius aut citius prout plures resistendi modi simul concurrunt in eodem subjecto, à quibus omnibus semper contrariâ reactione & repulsu absque percussione vis & energia ictus & impetus debilitatur extinguiturque, & in hisce omnibus mirum non est retardationem in tempore fieri, cum constet ex innumeris peculiaribus retardatiunculis, quæ continenter una post alteram efficiuntur.

*Qua ratione in corporibus flexibilibus resilientibus
motus contrarii se mutuò destruant,
renoventurque.*

CAPUT XIX.

Satis superque constat ex superius dictis quòd duo corpora contrariis moribus sibi mutuò occurrentia aliquando impetus amittunt atque omninò ad quietem rediguntur, aliquando remanent eadem velocitates omninò inalteratæ ejusdemque roboris, at videtur plane repugnare, ut in eorundem corporum

tum occurſu impetus debilitentur aut extinguantur & poſtmodum revivifcant, quandoquidem una & eadem cauſa ſcilicet repulſio motus contrarii non poteſt quietem & motum in eodem ſubjecto procreare, at hoc fieri perſpicuum eſt in corporibus flexilibus & reſilientibus, ut ſunt machinæ & alia corpora eandem naturam participantia, conſtat enim pilam luſoriam reticulo flexibili prius retardari & demum vehementiſſimè propelli, paritèrque pila aère inflata ſeu ſolliculus, qui ſimiliter ut cæteræ machinæ ſtringitur dilataturque non ſecùs prius retardatur & poſtmodum vehementiſſimè impellitur; in hiſce omnibus experimur uno duorum corporum quieſcente, aut illud ſit pila vel batillum luſorium, quod poſt quietem determinata velocitas communicatur vel directe excurrens quando nimirum pila quieſcens percutitur aut impetu reflexo, quando ſcilicet pila reticulum quieſcens offendit, tuncque procreatur motus reflexus, verùm ſi tum pila cum reticulum motibus contrariis ſibi mutuò occurrant, tunc poſt tarditatem vel extinctionem motus efficitur tantò validior percuſſiò, quantò duæ velocitates pilæ & reticuli ſingularem unius eorum impetum ſuperant, id ipſum fieri patet in ſimilibus machinis; erit igitur operæpretium hujus effectus cauſam inquirere, & explanare.

Conſtat experientia in machinis flexilibus & reſilientibus impulſus deſtrui impetum impellentis, & in reſilitione machinæ denuo produci.

PROPOSITIO LXXII.

Virga flexibilis ſubjecto plano affixa normalitèr, ſi ab aliquo corpore tranſverſè impellatur dum ſectitur extinguet impetum percuſſivum, eumque denuò gignet in ejus reſilitione.

Sit igitur virga flexibilis *EB* ſolo *RS* affixa in *E*; hæc proſectò

P

Tab. III.
Fig. 57.
natu-

naturali instinctu sponte quiescit in situ perpendiculari ad horizontem, quatenus à duabus potentiis æqualibus æquibatur, scilicet à suis fibris æquidistantibus basi FE, quarum quilibet vectis officium explet, & ad invicem fulciuntur, ita ut utrinque laterali flexione versus G, aut I resistent, non tamen admodum arctè fibræ uniuntur, & colligantur, sed lubrica quâdam connexionē, ut subinde cuilibet impulsui cedere possint, si postea virga EB à situ perpendiculari EB removeatur versus G, resistit quidem huic remotioni quò magis à situ C recedit, nec hujusmodi resistentia merè passiva, & iners est qualis est illa, quæ reperitur in corporibus vectis asportatisque, quæ ubicumque reponantur quiescunt, neque nituntur regredi ad priorem situm, oppositum enim contingit in virga EB semper enim majori, & majori energia nititur se restituere ad locum C quò magis ab eo removeatur versus G, estque hujusmodi nifus tantæ energiæ, ut nedum aviditas regrediendi non expleatur ex ejus restitutione ad situm perpendicularē in C, sed insuper ulterius promoveatur, excurrēdo ultra perpendiculum per arcum CI. His positis intelligatur corpus projectum A quod velocitate D excurrat ab A versus C, & ibidem offendat virgæ apicem B, efficietur igitur prima percussio in C expelleturque virga versus G, & quia post primum occursum dum removeatur virga à situ perpendiculari incipit ejus actio regressiva, qua resistit velocitati impulsivæ ipsius A fit ut magis imminuatur impetus D continueturque progressus hujus imminutionis semper majori excessu quo magis virga EB unà cum A recedit à suo perpendiculo, quare demum velocitas D extinguetur ut in G, proindeque corpus A in situ G perductum unà cum B universum ejus impetum D amisissè comperitur, at virga EB in G constituta non æquè impetu, & virtute motivâ privatur, sed tantâ energiâ conatur ad suum perpendiculum se restituere quanta est velocitas D, scilicet quanta est præcisè vis à qua expulsa fuit à suo perpendiculari situ, hujusmodi verò energia tanta est, ut EG regredi possit eadem periodò qua expulsa fuit continuatis impulsibus repellendo corpus ei annexum A eidemque restituendo seu potius de novo procreando gradum velocitatis æqualem ipsi D, quem in accessu consumpsit, igitur in situ perpendiculari C corpus A imbuitur eodem gradu velocitatis D quo huc accesserat, ergò necessario resiliet reflecteturque contrariò

tratiō motu à C versùs A eādē velocitate, quā ibidem pervenerat.

PROPOSITIO LXXIII.

Si virga resiliendo contrariō motu occurrat corpori impellenti, extinguetur hujus impetus eique postea imprimetur major gradus velocitatis, æqualis nempe duabus velocitatibus simul sumptis ei scilicet quā virga flectebatur, & ei quā impellebatur.

Si postea supponantur corpus A, & virga B E manu translata in G sibi mutuò occurrere in C contrariis motibus affecta; scilicet Tab. III.
Fig. 57. virga E B manu translata in G excurrente à G versùs C velocitate L occurrat corpori A velocitate D contraria translato in C, tum manifestum est duplicari vim percussionis fierique æqualem ambabus velocitatibus D, & L simul sumptis, & quia virga E B cuilibet impulsui cedit, ut flexilium natura exigit, cum sit indifferens ad motum lateralem, fit ut ex duplicata percussione in C duplicato impetu expellatur flectaturque ultra terminum G usque ad H, at ex majori flexione virgæ E B consequitur nifus validior regrediendi, igitur licet corpus A in situ H reperiatur omni velocitate destitutum, & privatum poterit nihilominus repelli à virga E B tanto majori nifu dum regreditur ab H versùs C, ut ei imprimatur gradus velocitatis multo major quàm D, scilicet æqualis duobus impetibus D, & L simul sumptis, & cum hisce corpus A resiliat à C versùs A. Prop. 34.
Prop. 32.

PROPOSITIO LXXIV.

Id ipsum effici debere in pila lusoria & in reliquis machinis demonstratur.

Id ipsum in reliquis machinis contingit, si enim pila lusoria, seu folliculus, vel arcus, aut quælibet flexibilis machina contra parietem, vel contra batillum lusorium firmum impellatur, comprimetur profectò flecteturque pro mensura impetus, & percussionis, projiciatur denuò folliculus vehementiori impetu, duplicatò scilicet, constat

constat machinæ compressionem, flexionemque augeri duplicari-
que, prout compressio percussiva duplicata est, sed perinde im-
petus percussionis duplicatur, si batillum lusorium ictum pilæ ex-
cipiens contrario, & æquali motu occurrat eidem pilæ, efficietur
nempe contractio inflexioque ejusdem duplicata, quatenus à dua-
bus viribus contrariis veluti à torculari stringitur comprimiturque,
factâ verò hujusmodi duplicatâ constrictione, & inflexione machi-
næ necessariò duplicata vi dilatabitur, prout machinæ natura exigit,
in illa autem dilatatione, dum parieti, vel batillo lusorio innititur
machina folliculi retrorsum resiliet nedum propriâ virtute, sed
etiam ratione impulsus ejusdem batilli repelentis, quare hujus-
modi machina necessariò retrorsum reflectetur duplicatò impetu
dependente ex percussionis energia duplicata, proindeque duplò
longius reflectetur à contrarietate impulsuum, quod quidem pen-
det ex machinæ natura non autem à contrarietate moruum, à qua
impetus potius destrueretur, ut hactenus ostensum est.

Percussio,
quies, &
resiliitio
machinæ
non in in-
stanti sed
in tempo-
re absol-
vitur.

Hic quoque omittendum non est percussionem quietem & resili-
tionem folliculi, & cujuslibet alterius machinæ non in instanti, sed
in tempore absolvi, quatenus in ipsa compressione, & restrictione
machinæ concipi debent innumerabiles compressiones continenter
factæ ab innumeris impulsibus refrægnatis à resistentiis machinula-
rum seu vectium longò ordine sese consequentium juxta positionem
suarum fibrarum, quæ omnes repulsiones una cum morulis interce-
ptis durationem temporaneam componunt, quod profectò consen-
taneum est naturali necessitate, qua persuademur impetus destru-
ctionem temporaneam esse debere, ut hactenus demonstratum est.

De impetus fluxu ejusque mensura.

C A P U T X X.

Hactenus de impetu corporis projecti in genere at-
que de ejus affectionibus disseruimus, nunc de
impetu ab interno principio prodeunte agendum est,
hoc autem exigit ut accuratiori inquisitione de impe-
tus fluxu atque mensuris & proprietatibus dissera-
mus,

mus, igitur impetus aut idem semper permanet ejusdem mensuræ ita ut nec crescat, nec imminuatur, vel potius impetus gradus continenter augetur vel minuitur, insuper hujusmodi crescens impetus augeri potest simili & uniformi augmento, vel difformi & inæquali, de his omnibus accuratè & distinctè agendum est, nec non de cohærentia connexionè que impetus fluentis cum motu in mundano spatio peracto.

Primò ergò animadvertendum est quod quilibet gradus velocitatis qui aliquo temporis instanti viget quantitas permanens censi debet., propterea quod Velocitas longitudo lineari analogam censi potest. dividi, & subdividi potest prout magis vel minus retardatur; non erit igitur gradus velocitatis quid momentaneum, & indivisibile, quandoquidem non est initium velocitatis, sed velocitas ipsamet ad gradum aliquem determinatum perducta, & quia gignitur ex fluxu momenti ejus indivisibilis non incongrue simplici longitudini lineari analogam velocitas ipsa censi potest.

Fluxus verò continuus ejusdem gradus linearis velocitatis in aliquo tempore determinato factus producit quantitatem alterius generis nempe plano analogam; quia propter fluxum continuum ejusdem impetus in tempore exactum, fit ut toties repetatur linearis ille gradus velocitatis, quot instantia in excursu tempore numerari vel assignari possunt, & sicut fluxus linearis transversalis continuus gignit superficiem planam rectangulam, sic quoque fluxus ejusdem impetus linearis planam aliquam extensionem gignet; discrimen verò inter hanc & illam planitiam intercedens est, quod illa permanentem & existentem quantitatem rectangulam efficit, hæc verò successivam,

cessivam, quandoquidem non coëxistunt repetiti gradus velocitatis, evanescent enim præteriti una cum tempore exacto, nec existit nisi singularis gradus velocitatis una cum temporis instanti cum quo coëxistit, idem fluxus ejusdem gradus velocitatis linearis determinat quoque excursus seu motum localem corporis prædicta velocitate translati, propterea quod in quolibet temporis instanti idem velocitatis gradus conatum sive momentaneam motionem aliquam efficit prædicto gradui velocitatis competentem, igitur motus prædictus ab eodem gradu velocitatis fluente genitus æquabilis nuncupatur correspondetque plano rectangulo genito ex fluxu unius, & ejusdem gradus velocitatis.

Fluxus
ejusdem
gradus
velocita-
tis deter-
minat ex-
cursum,
seu mo-
tum loca-
lem cor-
poris ea-
dem velo-
citate
translati.

At si gra-
dus velo-
citatis
dum fluit
continen-
ter auge-
tur inten-
sive pro-
creatur su-
perficies
plana cre-
scens ut
trape-
zium, vel
triangula-
ris si ab
indivisi-
bili gradu
crescens
transverse
fluat.

Et si in-
crementa
impetus
æqualia
fuerint
tempori-
bus æqui-
libus effi-
cient
triangu-
lum recti-
lineum,
alias erit
curvili-
neum.

Si postmodum gradus velocitatis dum fluit auge-
tur vel minuitur intensive, tunc profecto in ejus fluxu
conciipi debent tot gradus velocitatis inæquales scilicet
crescentes, aut decrecentes quot sunt instantia
exacti temporis, & sicuti ex fluxu transversali alicu-
jus lineæ crescentis procreatur superficies plana sem-
per magis ac magis dilatata, ut est trapezium, vel si
ab indivisibili puncto lineæ crescens transverse fluat
efficietur triangularis quædam figura, rectilinea nempe
si incrementa lineæ fluentis semper æqualia fue-
rint, alias procreabitur triangulum curvilineum ali-
quod, sic pariter in fluxu impetus si à momento in-
divisibili initium sumat successive crescendo dum
fluit gignet planum triangulare, & si quidem incre-
menta impetus æqualia fuerint temporibus æquali-
bus efficient triangulum rectilineum alias curvili-
neum, his declaratis de motionibus æquabilibus pri-
mas & simpliciores passiones declarabo præmissis his-
ce pronunciatis.

A X I O.

A X I O M A V.

Planum genitum ex fluxu ejusdem velocitatis gradus, longiori tempore majus est eo, quod breviori tempore excurritur.

A X I O M A VI.

Et e converso tempus, quo prolixius spatium à fluxu ejusdem gradus gignitur, majus est tempore, quo brevius spatium planum progignitur.

D E F I N I T I O II.

Brevitatis gratia vocetur spatium planum à fluxu impetus procreatum planum impetus aut velocitatis.

P R O P O S I T I O LXXV.

Si duo mobilia quibuscumque velocitatibus, sed aequalibus temporibus motu aequali ferantur, erunt plana velocitatum, ut spatia transacta.

Duo mobilia A, & C æquali motu ferantur temporibus A B, Tab. III.
Fig. 58. & C D æqualibus inter se, & A quidem eadem velocitate E A fluente tempore A B pertranseat spatium R, atque C velocitate F C, tempore vero C D æquali tempori A B percurrat spatium S, patet ex fluxu velocitatis E A effici planum impetus rectangulum A G, eo quod in omnibus instantibus indivisibilibus temporis A B ab eadem velocitate E A quæ linearis quantitas est fluendo sibi ipsi super adduntur coæquanturque totidem velocitatis gradus, ex quibus componitur tandem rectangulum A G; sic pariter fluxus velocitatis F C tempore C D gignit impetus planum rectangulum C H, dico quod planum impetus A G ad impetus planum C H eandem proportionem habet quam spatium rexcursum R ad spatium S, quoniam tempora A B & C D æqualia sunt tot instantia erunt in uno, quot in altero, at in quolibet instanti exercetur utraque velocitas E A, & F C; ergo quam proportionem habet una velocitas E A ad Ex Methodo indivisibilium

lium Ca- unam FC eandem habebunt omnes velocitates, quæ exercentur
 valeril. in plano impetus A G ad omnes velocitates quæ exercentur in pla-
 Gal. mot. no impetus CH, sed ut singularis velocitas E A ad FC ita est spa-
 loc. lib. tium R ad S (propterea quod temporibus æqualibus æquabili mo-
 pr. prop. 1. tu percurruntur) ergo ut planum impetus A G ad planum impetus
 CH, ita erit spatium transactum R ad S.

PROPOSITIO LXXVI.

Si idem mobile eadem velocitate, æquabili motu, sed temporibus inæqualibus percurrat duo spatia, erunt plana velocitatum ut spatia.

Tab. III.

Fig. 59.

Idem mobile A eadem velocitate AD tempore AB pertran-
 seat æquabili motu spatium EF, atque tempore AC & eadem ve-
 locitate AD percurrat spatium EG; constat ut prius dictum est ex
 fluxu ejusdem velocitatis gradus AD tempore AB gigni planum re-
 ctangulum impetus AI, atque tempore AC planum rectangulum
 impetus AH procreari, dico planum impetus AI ad planum im-
 petus AH eandem proportionem habere quam spatium EF ad E
 G, quoniam planum rectangulum AI ad AH (cum sint ejusdem
 Gal. mot. altitudinis, ejusdem scilicet linearis impetus DA) eandem propor-
 loc. lib. 1. tionem habet quam tempus BA ad AC, & in motu æquabili ea-
 pr. prop. 1. dem velocitate facto ut tempus BA ad AC ita est spatium FE ad
 EG, igitur planum impetus AI ad planum impetus AH eandem
 proportionem habet quam spatium EF ad EG.

PROPOSITIO LXXVII.

*Ex his duabus propositionibus facili negotio ostendetur, quod si duo mo-
 bilia inæqualibus velocitatibus, temporibus quoque inæqualibus mo-
 tu æqualibili ferantur, tunc planum impetus unius ad planum im-
 petus alterius erit ut spatium transcursum ab uno eorum ad spatium
 excursum ab altero mobili, pariterque prædicta plana velocitatum
 proportionem compositam habent ex ratione velocitatum, & ex ratio-
 ne temporum, pariterque proportio spatiorum componitur ex iisdem
 duabus rationibus, unde constat, quod si velocitates fuerint tem-
 poribus proportionales, tunc plana velocitatum seu spatia exacta du-
 plicatam proportionem habebunt rationis temporum, vel velocitatum.*

P R O-

PROPOSITIO LXXVIII.

Si postea duo mobilia aequalibus temporibus aequali motu ferantur, primum semper eadem velocitate, secundum inaequalibus velocitatibus in partibus ejusdem temporis aequaliter divisi, plana velocitatum genita eandem proportionem habebunt quam spatia exacta.

Mobile A motu aequali tempore A B velocitate E A percurrat Tab. III.
 spatium O R efficiatque planum impetus E B; sit postea mobile C, Fig. 60.
 quod tempore C D aequali ipsi A B diviso in partes aequales C F,
 F G, G D moveatur quidem semper motu aequali velocitate qui-
 dem C H tempore C F percurrat spatium S T, & tempore F G
 velocitate I F percurrat spatium T V; atque tempore G D ve-
 locitate G K percurrat spatium V X, sintque plana velocitatum is-
 dem temporibus genita H F, I G, & K D, dico planum impe-
 tus E B ad summam planorum H F, I G, & K D eandem pro-
 portionem habere quam spatium O R ad spatium S X, secetur
 tempus A B in totidem partes aequales A L, L M, & M B, in
 quot subdivisum fuerat tempus C D, seceturque planum impetus
 A B in totidem aequalia plana E L, L N, & N B, pariterque
 spatium O R in totidem partes aequales O P, P Q, & Q R, quia
 tria spatia S T, T V, V X aequali motu percurruntur tem-
 poribus aequalibus C F, F G, & G D, igitur spatia ipsa S T, T Gal. ibid.
 V, V X proportionalia sunt velocitatibus C H, F I, & G K, prop. 2.
 sed ut eadem velocitates ita sunt spatia rectangula velocitatum H F, Prop. 75.
 I G, & K D (eoquod eorum bases C F, F G, G D aequales
 sunt) quare componendo & invertendo planum impetus H F ad
 summam planorum H F, I G, & K D eandem proportionem
 habebit quam spatium S T ad summam omnium spatiorum scilicet
 ad S X; prius autem planum impetus E B aequale multiplex erat
 plani E L quam spatium R O multiplex est spatii O P; estque pla-
 num impetus E L ad planum impetus H F ut spatium exactum O
 P ad S T (propterea quod motu aequali, & temporibus aequali-
 bus A L & C F percurruntur) igitur ex aequalitate ordinata pla-
 num impetus E B ad summam planorum velocitatum H F, I G,
 K D eandem proportionem habebit quam spatium O R ad spatium
 S X, quod erat ostendendum.

Deinde pro sequenti propositione praemitti debet hoc Lemma.

Q

LEMMA.

L E M M A.

Si duo corpora eodem tempore ferantur, primum motu æquabili, secundum motu accelerato, atque semper in quolibet instanti exacti temporis unius velocitas major fuerit alterius velocitate, spatium ab illo excursum majus erit spatium à reliquo exacto.

Tab. III.
Fig. 67.

Tempore A B duo corpora ferantur, unum motu æquabili velocitate A C percurrat spatium R, reliquum vero motum inchoet velocitate eadem A C, sed successive acceleretur, ita ut in quolibet instanti temporis reperitur vicens impetus acceleratus I L major impetu inalterabili velocitatis I G vel A C, percurratque spatium S, dico spatium S majus esse quam R, quia in toto progressu temporis A B & in singulis ejus partibus semper velocitas A C minor est velocitate crescente, & ut velocitas ad velocitatem, ita est spatium ad spatium eodem tempore exactum, ergo in toto progressu temporis A B, & in singulis ejus partibus spatium R ab eadem velocitate A C exactum minus erit spatium S à velocitate crescente percursum.

Ex Gal.
longem

P R O P O S I T I O LXXIX.

Si duo mobilia eodem tempore ferantur, primum motu à quiete successive accelerato, secundum vero motu æquabili; planum triangulare impetus illius ad planum rectangulum impetus hujus eandem proportionem habebit quam spatia ab eis peracta habent.

Tab. III.
Fig. 62.

Corpus A tempore A B accelerato motu scilicet velocitatibus à quiete successive crescentibus juxta mensuram linearum inter rectam A B & aſiam sive curvam sive rectam A I interceptarum, & æquidistantium ipsi B I percurrat spatium R, ita ut planum impetus efficiat triangularem figuram A I B; aliud vero corpus C tempore C D æquale ipsi A B, atque motu æquabili unica & eadem velocitate F C percurrat spatium S, ita ut planum impetus ejus sit rectangulum F D, dico planum impetus A I B ad planum impetus F D eandem proportionem habere quam spatium R ad S, figuræ A B I in apicem A desinenti adscribantur more geometrico duæ

duz figuræ gradatæ ex rectangulis æque altis compositz circumscripta quidem $AKLMNIB$, inscripta vero $YEOGPHQ$, ita ut earum excessus vel defectus à figura trilinea AIB minor sit quacumque magnitudine data, & applicetur ad rectam AV rectangulum AT æquale rectangulo YO , patet figuram ex rectangulis AT , VP , BH compositam æqualem esse inscriptæ figuræ, proindeque minorem triangulo AIB ; tandem intelligantur duz figuræ, circumscripta, & illa quæ æqualis facta est inscriptæ triangulo AIB esse planæ velocitatum inæqualium, à quibus æqualibus temporibus motu æquabili percurruntur spatia X quidem à circumscripta, & Z ab inscripta figura, & quia eodem tempore A B exercentur impetus designati à figura circumscripta, qui majores sunt impetibus designatis à triangulo AIB , erit spatium X à primis peractum majus spatio R transacto à secundis; similiter spatium Z transactum eodem tempore A B ab impetibus designatis à figura inscripta seu ab ei æquali AT , VP , BH minus erit spatio R exacto ab impetibus trianguli AIB postea quia duo corpora A , & C æqualibus temporibus AB , & CD æquabili motu percurrunt spatia X , & S primum inæqualibus velocitatibus AK , Y Lem. præ.
 L , VM , & N , secundum vero eadem semper velocitate CF , igitur planum impetus figuræ circumscriptæ triangulo AIB ad planum impetus FD eandem proportionem habet quam spatium X ad S , sed majus spatium X ad S majorem proportionem habet quam minus spatium R ad idem spatium S ; ergo planum impetus figuræ circumscriptæ ad planum FD majorem proportionem habet quam R ad S non secus ostendetur quod plana impetus figuræ inscriptæ triangulo AIB minorem proportionem habent ad planum impetus FD quam R ad S ; ex cedit vero circumscripta figura triangulum AIB , inscripta vero ab eadem deficit defectu, & illa excessu minori quocumque dato, igitur planum impetus triangulare AIB ad planum impetus rectangulum FD eandem proportionem habebit quam R ad S , quod &c. Prop. 78.

Hinc constat quod si planum impetus triangulare AIB æquale fuerit plano impetus rectangulo FD , tunc fore spatia R & S exacta æqualibus temporibus æqualia inter se, & tunc omnes gradus velocitatis fluentis successive crescentes in plano impetus AIB æquales sunt gradibus omnium velocitatum planum impetus FD constituentium, & in tali casu.

Q 2

DE-

Nostri
Eucl. Re-
stit. lib. 3.
Prop. 24.

DEFINITIO III.

Vocetur impetus uniformis CF medius arithmetice inter inaequales impetus crescentes in plano AIB , & hic quidem compensatis defectibus cum excessibus designabit singularem velocitatem fluentem, à qua procreatur planum triangulare AIB , & à qua tempore A B percurritur spatium R .

Hinc fit si impetu successive crescente inaequalibus temporibus duo spatia excurrantur, tunc profecto ut plana velocitatum iisdem temporibus designata ita erunt spatia transcurfa.

Cumque praedicta plana velocitatum compositam proportionem habeant ex ratione temporum, & ex ratione velocitatum mediarum arithmetice inter inaequales impetus, propterea quod si plana triangula ad rectangula reducantur, tunc profecto plana rectangula compositam proportionem habebunt ex duabus rationibus basium & altitudinum, scilicet velocitatum, & temporum, & eandem quoque rationem compositam habebunt spatia exacta.

Constat quoque quod si impetus fluens crescat aequalibus incrementis, efficietur planum impetus triangulare rectilineum, si vero incrementa non sint aequalia, sed difformia, tunc planum impetus erit triangulum curvilineum diversae naturae pro vario impetus augmento.

Corpora se moventia aequabili velocitate nunquam debili agitantur.

CAPUT XXI.

Satis superque evicimus non omnia corpora à distincto separatoque motore promoveri, sed deveniendum tandem esse ad movens, quod à se moveatur, & profecto incredibile videtur non potuisse à Deo creatore impetum sui motivum aliquibus corporibus imprimi quando primo ea creavit, cum hoc

per

permiffum fit cuilibet corpori projecto, quod occur-
 rens cuilibet corpori penfili & in quiete amovibili
 conftituto poteft ei imprimere gradum aliquem im-
 petus, cujus virtute deinceps motu locali agitari
 poffit, igitur licet in rerum natura fupponantur cor-
 pora omnino inertia, & quiefcentia, admitti quo-
 que debent corpora aliqua fpirituofa, & vivida, quæ
 ex fe ipsis moveri poffint à connaturali virtute eis à
 Deo communicata; hujusmodi autem motus fpiri-
 tuum æquabilis effe videtur, nam eorum vis motiva
 motum affectat quatenus motus eft, unde fequitur
 quod fine & defiderio naturæ expleto, fcilicet confe-
 quuto motu ea velocitate, quam naturalis ejus vis
 exigit, neceffario ceffat conatus ad ulteriorem mo-
 tum vehementiorem, proindeque non accelerabi-
 tur, at fi hujusmodi motus ab obftaculo aliquo re-
 tardetur, aut fiftatur, tunc minime vim motivam
 debilitatam aut deletam effe cenfendum eft, quando-
 quidem vis illa motiva nunquam oriatur nec funerata
 eft, fed femper eodem conatu obftaculum impellit:
 & ficuti in navi à fluminis curfu translata motus nau-
 tæ à prora ad puppim æque velox ac navis ipfa non
 destruitur à motu contrario navis, licet nauta effe-
 ctum fui motus, fcilicet migrationem in fpatio mun-
 dano non aflequatur propterea quod femper viget
 exerceturque motus nautæ, fed ex commiffione cum
 oppofito motu navis quodammodo obvelatur tegi-
 turque motus nautæ, atque poftmodum amoto ob-
 ftaculo motus contrarii confpicuus efficitur & ob-
 fervabilis motus nautæ; unde conftat ei deeffe tran-
 fitum non motum, non fecus fi corpus, quod à fe
 movetur, occurrat obftaculo firmo, tunc quidem
 non efficitur contactus iners, & mortuus, fed cum-

continua pugna & reluctancia, unde vires æquilibrata efficiunt tonicam quandam actionem, & motionem, remoto postea obstaculo eandem vim quam in lucta illa æquilibrii exercebat postea libere in spatio mundano excurrendo exequitur, & manifestat.

Nec quispiam putet gradum illum velocitatis acquiri posse ab iisdem spiritibus à simplici percussione externa alterius corporis moti, quæ pariter impressa velocitas ex sui natura esset perpetua & indelebilis; hoc enim videtur impossibile, cum velocitas projectitia semel amissa per se reparari & restitui non possit, nisi denuo nova causa externa impellens impetum renouet ac de novo creet, hoc posito hujusmodi absurditas consequeretur, impediretur nempe successiva & perpetua operationum naturæ continuatio, unde naturæ opera sopirentur, & funerarentur, constat ergo omnino necessarium esse ponere in rerum natura corpora, quæ inditam habeant vim & principium se movendi, sine quo rerum natura ejusque vicissitudines consistere non possent.

*Qua ratione procreari possit motus
acceleratus.*

CAPUT XXII.

Cap. 20. **C**onstat ex superius adductis ab impetu successive crescente motum acceleratum procreari, & ex fluxu hujusmodi impetus crescentis effici planum impetus triangularem figuram exhibens, unde spatia transcurfa temporibus inæqualibus eandem proportionem habebunt quam plana ipsa velocitatum, & proinde spatia transacta majorem proportionem habe-

habebunt quam tempora excursionum, scilicet proportionem compositam habent ex ratione temporum, & ex ratione velocitatum arithmetice mediarum inter inæquales impetus, modo quæritur, quomodo, & qua necessitate impetus semper crescere & augeri possit, & profecto impetus gignitur ab impulsu alicujus corporis motiva vi affecti, ut vero impetus genitus crescat, non est necesse, ut vis motiva impellentis corporis intensive augeatur, sufficit enim ut una & eadem ejusdemque roboris manente extensive tantummodo suam operationem impulsivam multiplicet, scilicet repetat continenter eosdem ictus in corpus mobile; ut verbi gratia eadem facultas motiva malleoli eodem impetu lati producere potest in aliud corpus impetum successive crescentem non ex eo quod vis motiva malleoli aut ejus impetus intensive augeatur, sed repetendo tantummodo eosdem ictus, quia præcedentes impetus impressi in mobile corpus à malleolo non delentur, quandoquidem ut ostensum est quilibet impetus impressus sponte sua non languet, neque aliquando perit aut desinit esse, sed perpetuò duraturus propagatur sublati omnibus impedimentis, igitur vigentibus & perseverantibus præcedentibus impetibus à malleolo illaris, ii qui de novo superveniunt ejus impetum continenter augent atque multiplicant, & quia interim impetus fluit, gignitur planum impetus triangulare, quod spatiis transactis commensuratur, proindeque ejus motus successive augeatur & acceleratur.

Prop. 77.
Conseq.
Prop. 79.

Impetus
genitus
crescere
potest,
non quia
vis moti-
va intensi-
ve auge-
tur, sed
quia exten-
sive
suam ope-
rationem
multipli-
cat repe-
tendo ictus.

Cap. 9.

Conseq.
Prop. 79.

Hujusmodi augmentum atque multiplicatio impetus duplici modo fieri potest.

PROPOSITIO LXXX.

Et primò si idem mobile ab externo impellente moveatur, quod repetat ictus ab indivisibili momento inchoatos semper æque validos, scilicet æque veloces gignet motum acceleratum, sed non uniformiter crescentem, imò diminutis incrementis quousque tandem acceleratione deficiente ad æquabilitatem motus perducatur.

Tab. 111.
Fig. 63.

Sit idem mobile A, quod eadem vi motivâ perseverante, & eodem impetu C F successivè impellat corpus B totò tempore D E, atque primò tempore D G incipiendo ab indivisibili momento ei imprimat gradum velocitatis G L qui æqualis sit impetui F I, igitur deinceps corpus A nequit impellere corpus B integrâ ejus velocitate C F, quandoquidem corpus B fugit ictum velocitate G L, igitur nequit corpus A impellere B post tempus D G, nisi velocitate C I, qua nimirum excedit impetum fugientis B, in tempore igitur sequenti G H æquali D G impetus minor relativus C I ejusdem A languidiorem effectum producet, ideòque superaddet tantummodò impetum O M, quod sit æquale I K, & quia præcedens impetus impressus L G perseverat, ergò in fine temporis G H erit H O æqualis L G unâ cum O M impetus integer impressus corpori B, in subsequenti verò tempore H E æquali eidem D G corpus A non poterit impellere id ipsum B nisi impetu ejus relativò C K, scilicet excessu persequentis velocitatis C F supra fugientis impetum M H, quare diminutus impetus C K adhuc minorem effectum producet, scilicet N P æqualem ipsi C K, perseverat verò præcedens impetus M H æqualis P E, igitur in fine temporis D E integer gradus velocitatis impressus N E æqualis est totali velocitati impellentis C F, proindeque deinceps nullus alius gradus velocitatis de novo imprimitur ab impellente A, quandoquidem corpus B fugit eadem velocitate, qua ab impellente persequitur, & ideò exactò tempore D E motus corporis B erit æquabilis; at in præcedenti tempore D E velocitas impressa ab indivisibili impetu aucta semper est non autem æqualibus incrementis, quandoquidem M O minor est quam L G, & N P minor quam M O, ideòque planum impetus triangulare D N E non erit rectilineum, sed mixtum

ex

ex recta ED, & curva DN, ideóque proportio plani impetus DLG ad planum impetus DMH seu spatii transacti tempore D G ad spatium excursum tempore DH minor erit quàm duplicata temporis GD ad DH.

PROPOSITIO LXXXI.

Si postea idem corpus promoveatur ab impellente virtute secum vecta, quæ scilicet nunquam deferat corpus impellendum, sed communi motu veluti in navi quadam deferantur atque impellens repetat successive ictus ab indivisibili momento initium sumendo semper æquæ validos, & æquæ veloces; motus ab impresso impetu exactus erit uniformiter acceleratus eritque in duplicata proportionione temporum.

Sit denuò corpus A, quod velocitate CF impellat corpus B, sed A & B unò & eodem motu ferantur, veluti si B navis esset vehens A, & in prima temporis particula DG incipiendo ab indivisibili momento imprimatur corpori B velocitas LG æqualis IF, & quia ex hypothesi nunquam corpus A deferit ipsum B quocumque irit, igitur licet B fugiat ictum velocitate LG impellenti A eadem quoque velocitas FI superaddetur scilicet velocitati præcedenti CF; quandoquidem quilibet motus factus à corpore B fieri quoque debet ab impellente A, cum unà vehantur ex hypothesi, & semper conjuncta sint, quare in sequenti tempore GH æquali DG corpus A impellit ipsum B fugiens, non quidem velocitate CF, sed auctâ velocitate CI, & proinde energia ejus ictus mensuratur ab excessu impetus CI supra LG, scilicet à pristina impellentis velocitate CF, & proinde æqualem effectum priori producet, scilicet superaddita velocitas MO æqualis erit impressæ velocitati LG, seu perseveranti OH, & proinde sicuti tempus DH duplum est temporis DG, ita quoque integra velocitas MH acquisita dupla erit velocitatis simplæ LG, demùm quia nunquam A deferit ipsum B, ergò ei superadditur velocitas FK æqualis MH, & proinde impulsus fiet excussu ipsius CK supra MH, scilicet pristino impellentis impetu CF, qui proinde gignet de novo effectum velocitatis NP æqualem præcedentibus MO vel LG tempore HE æquali DG, & is cum perseveranti velocitate MH vel PE efficit integram

Tab. III.
Fig. 6a.

Ex Prop.
33.

R

tegram

tegram velocitatem genitam in fine temporis DE triplam velocitatis LG, sicut tempus ED triplum est temporis DG, constat igitur, quòd planum impetus DNE est triangulum rectilineum, & proinde triangulum DMH ad planum impetus DLG, seu spatium exactum tempore DH ad spatium excursum tempore DG, duplicatam proportionem habebit rationis temporis HD ad DG, seu velocitatis MH ad LG, eruntque spatia ut quadrata temporum HD & GD veluti quadrata velocitatum.

His declaratis difficultas incrementi motus uniformiter accelerati eò redacta est, ut explanetur modus quomodo corpus impellens veluti malleus unà cum navi moveatur & vehatur, atque ab ipsa navi deferatur ubicumque ierit, atque secùm arundinem seu stimulum deferat; sed negotium faceffit præconcepta vulgaris opinio, quòd nimirum nullum corpus valeat aliud impellere, nisi illud innitatur firmo ac stabili fulcimento, sicuti animalium progressus & motus minime fieri potest, nisi adsit firmum solum, cui animal innitatur, aliàs resiliere, aut moveri non poterit, hoc autem à qua causa, & qua ratione fiat operæpretium est declarare, ut exindè veritas nostræ propositionis eluceat.

P. R O P O S I T I O LXXXII.

Machina intra navim quiescentem resiliens licet percutiat anteriorem ejus tabulatum nequaquam impellet integram navim.

Tab. III.
Fig. 65.

Sit ergò navis GH quiescens & pensilis, ut à quolibet impulsu moveri possit, apponatur intra navim machina ABC, quæ vehementer constricta resiliere ex se possit, innitatur verò terminus machinæ A navigii tabulato DA, porro compressa & constricta machina ut latus BC approximetur lateri BA, atque machinam derelicta ut sui juris fiat, profectò naturali energia vehementissime resiliat, & quia nedum latus BC, sed etiam oppositum BA nititur se dilatare, fit ut vehementissime premat tabulatum DA super quod innititur, hoc autem cum cedere non possit ob ejus firmitudinem, fit ut tota machina ABC resiliat, atque vehementissime percutiat contrapositum tabulatum EF, quæritur modò, an percussio illata super tabulatum EF valeat propellere integram navim GH

TH versùs H, & proculdubio nullus motus navis efficietur, quandoquidem æquali vi ab innixu lateris B A impellitur navis versùs G ac post resiliètionem repellitur navis à latere B C machinæ versùs H, cum igitur impulsus anterior versùs H æqualis sit ei qui prius effiebat versùs G, sequitur ut compensatis viribus contrariorum impulsuum navis in eodem situ sistatur, patet igitur, quòd actio machinæ est quædam dilatio, seu rarefactio, quâ mediante æquali vi puppim & proram propellit contrariis motibus, & hujus naturæ sunt impulsus omnes, qui fiunt sive ab animalibus, sive ab alio corpore, quæ maximam, & validam rarefactionem patiuntur, ut est illa, quæ à pulvere pyrio accenso efficitur, in his enim omnibus sit innixus ex una parte tabulati D A, & æqualis propulsio ad partem oppositam E F, undè necessitate naturæ navis ab ictu interno resiliètionis sive machinæ, sive alterius similis moventis propelli non potest, sed necessariò in eodem situ quiescet.

At si in eadem machina simul stare possunt conjunctæ duæ vires motivæ contrariæ, quid vetat quò minus unica tantùm ex his virtutibus motivis in uno, & eodem corpore commorari & inhærere possit? non enim est impossibile ut malleus liberè absque eo quòd sustentetur, & innitatur veluti avis in vacuo volans motu & impetu directo à G versùs H excurrendo occurrat tabulato E F, tunc profectò si malleus intra navim ponatur necessario ab ejus ictu navis in quiete amovibili posita propelletur versùs H, si postea malleus prædictus repetat percussiones absque eo quòd aliquando innitatur tabulato D A è regione posito, necessario consequetur multiplicatio impetus in navi semper eadem validitate renovatus, quandoquidem malleus vehitur eadem navis velocitate, & proinde ejus impetus relativus, qui continenter exercetur & renovatur est excessus, quò mallei impetus navis velocitatem superat; oportet ergò ut malleus communi navis velocitate vectus exerceat suum proprium & physicum impetum, quò impellat continenter atque percutiat navim, dummodò in actu impulsus non sulciatur, nec navim ianitur, sed liberè directo motu eam repetitis ictibus ad easdem partes propellat, & hic est unicus, & adequatus modus procreandi velocitatem uniformitèr acceleratam, cujus nedùm evidentia & perspicuitas, sed etiam necessitas unicuique patet.

Possibile est malleum a navi asportatum absque eo quòd innitatur motu directo ut avis in vacuo volans tabulatum percutiat, & repetatque ictus, & nunc navis impulsu continenter majori impetu movebitur.

*De facultate naturali motiva
gravitatis.*

CAPUT XXIII.

Postquam theoremata universalia adducta sunt, quæ ad explorandam motus gravium compositionem, ejusque causas utilia sunt, modò ad rem ipsam accedamus, & prius phænomena aliqua ejusdem motus præcipua, quæ sensus evidentia ostendit considerabimus, scilicet.

Grave semper eòdem impetu tendit deòrsùm sive à quiere descensus initium sumat sive à quocumque motu sursùm deòrsùm aut transversalì.

P H O E N O M E N O N I.

Si unum grave corpus impellatur horizontalitèr aliud verò simplici descensu feratur, excurrent eodem tempore spatia perpendicularia ad horizontem equalia.

Tab. III.
Fig. 166. Sit quodlibet corpus grave B quod tempore T à quiete in A liberò descensu pertranseat spatium AC, postea id ipsum corpus B impellatur transversalì motu per rectam lineam DE parallelam horizonti, atque eòdem tempore T perveniat idem grave ad terminum F, quia verò eòdem tempore Texercentur duæ virtutes motivæ, altera externa, qua projicitur corpus B horizontalitèr per rectam DE, altera propria, & naturalis, qua sponte descendit perpendicularitèr ad horizontem, ex qua mixtione motuum confargit iter obliquum DF, ducta verò EF perpendiculari ad ED, constat à virtute projiciente impelli id ipsum corpus per rectam DE & à vi motiva gravitatis excurrere longitudinem perpendicularis EF, hæc profecto si corpus (u. 26. minima sunt) B insignis gravitatis specificæ fuerit & in spatiis exiguis, in quibus impedimenta

aëris

aëris vitantur, vel minima sunt, reperitur prorsus æqualis spatium A B quod prius liberò descensu à quiete in A pertransierat.

P H O E N O M E N O N II.

Si verò tertium corpus sursum obliquè eodem impetu projiciatur eodemque tempore, percurrat spatium directum æquale transversò horizontali patiturque spatium perpendiculare æquale prioribus.

Impellatur postea grave B motu obliquò sursum inclinatò scilicet ad planum horizontis, & denuò eodem tempore T percurrat spatium G H æquale ei quod in horizontali mensurabat scilicet D E quod profectò consentaneum est æqualitati virtutis impulsivæ ejusdem projicientis, pariterque reperitur descensus motus H I ad horizontem perpendicularis transactus eodem tempore T æquale, præcisè descensui A C à quiete incipienti. Tab. III. Fig. 67.

P H O E N O M E N O N III.

Et si quartum corpus eodem impetu projiciatur deorsum perpendiculartè ad horizontem eodem tempore excurrat spatium æquale horizontali, & descensu.

Tertiò locò ab eadem virtute externa impulsiva projiciatur grave B deorsum perpendiculartè ad horizontem, tunc profectò excurrat spatium directum K L M eodem tempore T quod est æquale præcisè duobus spatiis simul sumptis horizontali D E, sive G H, & descensui perpendiculi E F sive H I, cùmque vis projicientis semper eadem supponatur, necessariò producet eundem effectum projectitium, proindeque portio descensus K L pertinet ad virtutem externam impulsivam, reliqua verò ejus pars L M efficitur à vi nativæ gravitatis, reperiturque descensus L M æqualis præcisè spatio A C descensus liberi à quiete inchoato. Tab. III. Fig. 68.

PHŒNOMENON. IV.

Si tandem quintum corpus eâdem vi projiciatur fursùm perpendicularitèr ad horizontem, pertransibit eòdem tempore spatium æquale differentia horizontalis motionis, & descensiva.

Tab. III.
Fig. 69.

Tandem idem grave B ab eadem virtute projiciente impellatur fursùm perpendicularitèr ad horizontem à termino infimo N, & perducatur usque ad P, & quia virtus externa impulsiva semper eadem supponitur, pertransibit eòdem tempore T id ipsum spatium NO æquale KL vel GH aut DE, reperitùrque spatium transitus apparentis NP æquale differentia ejusdem transitus impulsivi NO, & descensus OP æqualis eidem AC à quiete incepto, quare manifestum est motum descensus ejusdem gravis eòdem tempore T nunquam alterari, scilicet non augeri neque minui, ex eo quòd grave B quocùnque motu afficiatur sive horizontali sive obliquò sive perpendiculari fursùm aut deorsùm, sed semper ejusdem mensuræ esse & æqualem descensui libero à quiete inchoato.

Tab. IV.
Fig. 71.
Exponitur
modus
facilis
experiendi
prædicta
plum-
mona.

Porrò modus facilis quò hæc omnia experimento comprobavi talis fuit; in rota ABCD parieti affixa clavo E circa quem eadem convergebatur in plano perpendiculari ad horizontem, atque ex eadem præminebat lignea regula C, & ductis diametris AC & DB adinvicem perpendicularibus connexæ erant in terminis D, A, B tres fistulæ quarum latera rotæ peripheriam tangebant, earumque orificia ad easdem partes convergebantur, & in infimo loco aderat clavus F parieti fixus ut vertigo rotæ sisti posset quandò diameter DB horizonti æquidistabat, his præparatis translato infimo rotæ termino Cad situm B posui in cavitatibus fistularum tres pilas plumbeas R, R, R inter se æquales, aderat postea socius qui quartam pilam R sustinebat in situ F, postmodùm revoluta vehementer rota ejus terminus C à puncto B ad F impulsus fuit, & ibidem ob clavi F impedimentum tres projectiones per rectas lineas circum D A B tangentes eòdem temporis instanti exactæ fuerunt perpendicularis fursùm DG horizontalis AH, & perpendicularis deorsùm BK, atque simul socius pilam demittens à termino quietis F pertransiit ea ad terminum M, & factæ fuerunt data opera projectiones

ctiones exiguae ut aëris occurfus insensibiliter retardarent impedirentque transitus earum & eodem tempore descensus FM quo tres projectiones exactæ fuerunt, ducta postea horizontali AI, & ad eam perpendiculari IH, & secta BL æquali AI, & facta DO æquali eidem AI, reperi descensum BK æqualem summæ horizontalis projectionis AI & descensus IH, fuitque descensus à quiete FM æqualis descensui IH, vel LK, atque elevatio perpendicularis DG æqualis adinventæ est differentiæ earundem AI, & IH præcisè ut prævideram, hic verò ob rotæ consistentiam & motum projectitium non percussivum in eodem temporis instanti inchoatum idem gradus impetus tribus pilis R, R, R, impressus fuit, & ideo si gravitate caruissent eodem tempore spatia æqualia DO, AI, BL excurrere debuissent, at quia in prædicto tempore vis gravitatis otiosa non fuit, impulit eadem corpora deorsum efficiendo descensum OG, IH, LK, ex quo experimento evidentèr constat quòd semper corpus grave æqualibus temporibus pertransit descendendo æqualia spatia (abstrahendo ab impedimento aëris) sive à quiete initium sumat sive moveatur sursum, aut deorsum, vel transversaliter, præterea evincitur quòd duo motus, projectitius & naturalis perseverant inalterati efficiunturque ab eodem corpore eodem tempore percurrento semper æqualia spatia, sive motus sint contrarii, vel quomodolibet commixti, neque aliquandò se mutuò destruunt ac debilitant.

PROPOSITIO LXXXIII.

His positis dico primò quòd finis à natura intentus in motu gravium non est motus, scilicet vis & facultas gravitatis non peragit motum quatenus motus est, seu motio illa qua efficitur à corpore gravi non est proprius ejus effectus primariò intentus, sed potius accidentarius, per se enim conatus gravitatis est destinatus ad quietem ejusdem gravis in centro terra aut in æquilibrio cum reliquis gravibus corporibus circa idem centrum;

Quoniam motus nil aliud est quam transitus à loco ad locum in aliquo determinato tempore factus, hujusmodi autem transitus sine velocitate esse non potest, igitur corpus grave in ejus descensu veloci-

Tab. III.

Fig. 70.

locitate aliqua afficitur, & quia per hujusmodi motum atque velocitatem nedum grave in debito situ à natura intento non perducitur, ut potius ab eo removeatur & expellatur ut patet in funependulo A B in ejus descensu per arcum C B, à tali enim motu, & transitu non sistitur nec firmatur, in perpendiculari situ A B, sed è contrà violentèr à tali positione naturali expellitur projiciturque sursum per arcum B D usque ad D, hic jam si natura intenderet motum descensus per C B ut motus & transitus est, scilicet si effectus virtutis gravitatis primarius & per se esset motus cum à tali motu expellatur grave à debita & naturali constitutione in perpendiculari situ A B, primò deduceretur, naturam perturbatam constitutionem corporum naturalium intendere, secundo operaretur frustra, nam post expulsiōnem per arcum B, D, denuò decedit deorsum, & regreditur per eandem viam, & insuper efficeret operationes contrarias, & sibi ipsi repugnantes, quæ omnia sunt absurda, igitur appetitus, & instinctus naturalis gravium non est ad motum scilicet ejus effectus primarius & per se non est motus, quatenus talis est.

P R O P O S I T I O LXXXIV.

Dico secundò quòd finis à natura intentus in motu gravium non est appropinquatio ad centrum telluris quatenus accessio est.

Quoniam naturæ operationes ordinantur ad finem determinatum, ac certum, & ad conservationem rerum, non verò tendit ad vagas & sibi repugnantes operationes, sed finis certus utilis ad conservationem corporum universi est constitutio in debitis locis ubi conservantur, estque debitus locus corporum gravium centrum telluris, aut situs in ejus ambitu ubi æquilibrantur cum reliquis gravibus quod aliundè evidens est ex eo quòd perpetuò in tali constitutione quiescunt spontè suà juxta naturæ ingenium, cujus operationes sunt perpetuæ atque permanentes, igitur finis naturæ in gravium descensu est non accessio & appropinquatio ut talis est, sed debita collocatio, & permansio in ipsa terra ut ibidem perpetuò quiescant, quia verò hujusmodi finis minimè acquiri potest quando grave prave constitutum est remotum scilicet à suo toto & à debito loco sui conservativo nisi mediante motu, igitur motus quòd ad debitum situm per-

perducitur est medium sine quo suum finem assequi non potest, nimirum est veluti pharmacum quod infirmo propinatur ut ad debitam constitutionem sanitatis perducatur, & sicuti pharmacum multoties noxium, & venenum est, & ideo abominabile, adhibetur tamen ut medium quousque ad sanitatem perveniatur, sic pariter motus quò grave ad debitum situm æquilibrîi perducitur nocet quidem quatenus ob ejus violentiam dum grave ad debitum situm perducitur id ipsum ulterius transportat fursum scilicet contra ejus naturam, quapropter constat motum non primariò & per se adhiberi à natura nec esse ejus proprium effectum, sed tantummodò adhiberi ut medium ad finem assequendum.

Confirmatur quia si motus gravium versùs centrum esset finis à natura primariò & per se intentus quando tali motu grave afficitur, scilicet quando grave impellitur violenter deorsum directè vel oblique, tunc projectò sine naturæ acquisito & expleto naturali appetitu dum grave actu movetur deorsum cessaret omnino, aut saltem debilitari deberet conatus & appetitus ejusdem finis, quapropter debiliore saltem molimine feretur deorsum, ideoque tardius descenderet quàm feretur spontaneo absque violento impulsu: sed hoc est falsum nam eàdem celeritate versùs centrum fertur ac si tali impulsu projectio privaretur, igitur conatus naturalis impulsus non est ad motum primariò intentum.

Ex phz-
nom. 3^a

E' contra quando motu contrario impellitur grave fursum recedendo à terræ centro, tunc quidem multo magis recedit à fine præintento, sed quo magis naturalia corpora suo fine frustrantur majori vi & molimine conantur ad finem præoptatum pervenire, quod ex consuetis naturæ operandi modis confirmatur, non enim movemur ad cibum post saturitatem, sed è contra si præcesserit inedia, igitur vehementiori impulsu & velociori tunc grave deorsum tenderet, sed hoc est falsum, quia præcisè iisdem temporibus percurrit spatia perpendicularia æqualia iis, quæ transiguntur in libero descensu à quiete incepto, igitur falsum est naturam appetere primariò motum gravium.

Ex phz-
nom. 4^a

His declaratis inquirenda jam est causa accelerationis motus gravium, & primo.

PROPOSITIO LXXXV.

Dico causam accelerationis motus gravium non esse urgentiam aëris à tergo prementis experimentisque corpora descendētia.

Phæn. 2.

Quia in superius exposita projectione obliqua sursùm alicujus corporis gravis dum grave sursùm movetur, urgentia & expressio aëris fieri deberet in ejus parte infima non in suprema, scilicet versus terram, à qua motus initium sumit, at quia ponitur hujusmodi aëris urgentia accelerationis causa, deberet sanè accelerari motus ascensus ejusdem gravis, & proindè descensus acceleratio nedum debilitari, sed tolli omninò deberet, sed hoc est falsum, nam æquè velociter descendit per jam dictam perpendicularem ad superficiem terræ ac si liberò descensu caderet, igitur falsum est quòd causa accelerationis motus gravium sit urgentia aëris posticè mobile experimentis.

Eisdem.

PROPOSITIO LXXXVI.

Secundò locò dico causam accelerationis motus gravium non esse attractionem à facultate magnetica telluris factam.

Præclarus & eruditissimus Gassendus hujus sententiæ assertor supponit ut axioma indubitatum, quod character motus naturalis à vi nimirum intrinseca geniti, quo distinguitur à violentis motibus, sit æqualitas & uniformitas, ut nimirum ea, quæ à naturali & intrinseco principio moventur, semper æquabili, & uniformi velocitate ferantur, quia verò gravia evidentissimè motu accelerato descendunt, non veretur asserere ea violentè impelli ab externo motore, hujusmodi verò principium externum impellens deorsùm corpora gravia ait esse effluvia magnetica, quæ à tellure undique diffunduntur, verum non parùm laborat ut verisimilem rationem hujus operationis tradat, sed si licet amore veritatis id quod sentio liberè proferre videtur omninò incomprehensibilis modus hujusmodi operationis, quia effluvia magnetica à terra diffusa vel trahere vel pelle-
re deberent grave dum descendit, nullus enim alius modus præter
hos.

hos excogitari potest sed utroque modo tractione scilicet vel impulsu effluvia moveri deberent vel impellendo, vel trahendo corpus grave versùs terram, quidquid enim impellit aliquâ velocitate Cap. 2. moveri debet ad hoc ut impellere valeat, siquidem si omninò quiesceret proculdubio non impelleret, quia impulsus est violenta motio rei impulsæ, quæ concipi non potest absque sociali motu impellentis, hujusmodi vero motus regressus ad terram contrarius est omninò motui diffusionis eorundem effluviorum qui fit ad extra, modo licet talis motus effluviorum versùs terram scilicet retrocessio admittatur, non proindè attractio aut pulsio gravium fieri potest, quia impellens esset externum non intrinsecum ipsi gravi, hujusmodi vero externum principium impellens aut æquabili velocitate ad terram regreditur aut motu accelerato, si admittatur in effluviis magneticis naturalis motus acceleratus ab interno principio, ergò falsum est, quòd quæcumque acceleratò motu moventur, non à naturali & intrinseco principio, sed ab externo & violento promoventur, quod est contra hypothesim ejus; si verò effluvia magnetica dùm ad terram redeunt æquabili motu feruntur, profectò hujusmodi causa externa impulsiva non possit impellere corpus grave deorsum præcisè secundum proportionem duplicatam temporum ut supra demonstratum est, hoc autem est falsum in Prop. 8a motu gravium & contra experientiam quandoquidem spatia peracta à gravibus sunt in proportionem duplicatam temporum, igitur non est virtus externa attractionis magneticæ illa, quæ grave pellit deorsum.

P R O P O S I T I O LXXXVII.

Præterea dico, quòd causa accelerationis motus gravium non est accessus & approximatio ad terram.

Hoc enim si verum esset in motu obliquo sursum corporis gravis impulsus dùm successive magis ac magis grave à terra recedit, conatus & impetus tendendi deorsum non augetur, quandoquidem ablata causa accelerationis quæ est supposita approximatio ad terram, tolleretur quoque ejus effectus: sed hoc est falsum, quandoquidem Phæn. 2. licet grave sursum pellatur eodem tempore percurrit, deorsum

S - 2

spatium

spatium perpendicularare ad horizontem æquale ei quod in libero descensu transigitur, igitur causa accelerationis motus gravium non est accessus neque approximatior ad centrum terræ.

Exclusis fallitibus reliquum est, ut vera causa accelerationis gravium pro viribus detegatur, & profectò duobus modis accelerationem motus gravium effici posse videtur, primò supponendo quòd intra porositates cujuslibet corporis gravis inhæreat multitudo corpusculorum se moventium, & spirituosorum, quæ naturali ingenio perpetuo agitentur, & commoveantur, cùmque sint restricta veluti in carceribus porulorum corporis gravis inertis, oportet ut nifus & agitationes illorum spirituum semper eodem impetu & eodem tenore percutiant parietes eorundem pororum terram respicientes, & licet corpus materiale actu moveatur in spatio mundano quacumque velocitate semper secum deferret tanquam in navì impulsivam illam virtutem spiritus inclusi eodem tenore ac vi parietes pororum impellendo essetque tanquam ventus intestinus perpetuus grave ipsum concomitans, à quo corpus grave propelleretur ad easdem partes, qui cùm sit semper ejusdem roboris, eundem semper effectum producat, velocitatem scilicet ejusdem gradus de novo procreabit, cùmque præteriti impetus in ipso gravi hæctenus impressi non deleantur, sed perpetuo vigeant, sit ut in progressu temporis coacerventur in eodem gravi tot impulsus momentanei, æquæ validi quot instantia temporis effluxerunt, undè postea subsequitur motus acceleratus in duplicata proportionem temporum, ut superius demonstratum est.

Prop. 81.
Qui difficultates aliquas habet.

Hujusmodi verò hypothesis licet suâ verisimilitudine non careat, habet tamen suas difficultates, quia nimirum magis materialia corpora compactiora & densiora, ut sunt ferrum & aurum, magis ponderant quam corpora minus constipata, sed ea quæ in minori spatio majorem materiæ copiam stringunt, pauciores & minores porositates habere debent quàm corpora magis rara, verum ubi defunt porositates & abundat materia deficit quoque copia spirituum impellentium seu gravitantium, nam spiritus cum sint corporei collocari non possunt in iisdem locis à corporea materia repletis, nisi quis velit ob angustiam loculorum spiritus validius impellere, quod non videtur verisimile.

Si ergo vis impulsiva quæ gravia continuatis ictibus deorsum pelluntur.

hantur pendet à copia spirituum intra porositates corporum intercepta, planè densiora corpora minori nisi premerent deorsum gravitando (non loquor de eorum motu, sed de pondere compressivo) sed hoc est falsum, quia corpora densiora ut aurum majori vi comprimunt deorsum gravitando, quare causa effectiva descensus gravium non videtur copia spirituum in eorum porositatibus inclusa, à qua gravia tanquam à vento intestino perpetuo deorsum pellantur.

Secundus vero modus verisimilior conficiendi acceleratum gravium descensum est hujusmodi, supponantur ut consentaneum est omnes partes terræ esse se moventes, nisi quis velit spiritus implantatos in ipsis materialibus partibus terræ ad instar formæ inditâ vi se ipsos & materiam informatam agitare & movere, & sic quodlibet grave semper secum deferret impellentem causam, quæ cum semper vigeat dum grave ab ipsa terra & æquilibrio semota est semper eodem modo operabitur ob hanc solummodò necessitatem, quia scilicet movens causa semper est conjuncta, & eodem motu cum gravi defertur, & profecto si certissimum imò necessarium est aliqua corpora per se & à se moveri, & aliundè perspicuum sit gravia non ab alio externo impulsore moveri, quid vetat an corpora se moventia sint spiritus, an ipsamet materia corporea gravis, an utraque simul conjuncta? ambo enim corpora sunt atque acceleratò motu moveri debent, ergo eadem vi motiva utrumque affici potest, & sic vitantur omnes difficultates, nec erit absurdum admittere in particulis materialibus id quod in corporeis spiritibus conceditur.

Supponenda ergò est in corporibus gravibus vis & potentia non ad motum quatenus talis est, sed ad debitam positionem & æquilibrium cum tota terra, & licet actu grave descendat, tamen in debito situ æquilibrii non consistit, propterea necesse est ut semper eodem conatu propellatur, donec in suo toto æquilibratum quiescat; quandiu enim caret suo fine, & recedit à suo toto, licet transitum & motum possideat semper tamen naturæ indigentia expleri debet, sicuti fune-pendulum semper nititur descendere, quousque ad infimum situm æquilibrii perveniat, neque ex eo quod in itinere moveatur expletur ejus conatus & appetitus descendendi & se æquilibrandi, sic in corporibus gravibus semper vigeat causa propter quam conatus naturæ exerceri debet ideoque impetus gravitatis non secus in motu quàm in ejus quiete exerceri debet.

Secundus
modus
conficien-
di accelera-
tionem
gravium
verisimili-
or expo-
nitur sup-
ponendo
partes
terræ esse
semoventes.

Ex cap. 3.
& prop.
86.

Atque vis
motiva
eorum
non ordi-
natur ad
motum
ut talis est
sed ad de-
bitam po-
sitionem
& æqui-
librium
cum tota
terra.

Remove-
tur diffi-
cultas o-
stenditur-
que cor-
pus grave
nedum in
quiete sed
etiam in
ejus motu
descensus
exercere
conatus
compre-
ssivos.

Nec obstat, quòd actio ponderis in quiete, non autem in mo-
tu exerceatur, & conspicua fiat, veluti contingit cum manus sup-
posita pilæ ferreæ æquali velocitate deorsum pilam fugiat quâ ipsa
descendit, tunc manus minime à pondere pilæ premitur, hoc in-
quam non obstat quia actio ponderis qua nititur ad suum totum fir-
mum accedere & secum ipso colligari nunquam cessat, neque ex-
tinguitur, viget enim perpetuò actio illa compressiva, quando-
quidem in quiete ejus contactus cum fulcimento non est iners, ac
mortuus, sed vividus perseverante actione, quâ complectitur
suum fulcimentum energia quadam; & dicitur gravitare, & actio-
nem gravitatis exercere quatenus requiritur contraria resistentia æ-
que gravis ac est corpus premens efficiens cum illo æquilibrium,
quod profectò non contingit nisi in quiete utriusque corporis æqui-
librati, in motu autem corporis gravis cessat quidem ac deficit mo-
dus mensurandi ac explorandi gravitatem corporis prementis, non
autem abest deleturque actio compressiva ejusdem corporis gravis;
itaque ignorabimus quanta præcisè est gravitas illius corporis, quan-
doquidem ad trutinam quiescentem solummodo expendi potest;
verum non desunt alii modi expendendi vim incessanter perpetuò
que prementem gravitatis ejusdem corporis dum actu descendit; si
nimirum considerentur ejus effectus, qui sunt motus successivus
acceleratus & vis percussionis, quæ in corpus ei resistens infligitur,
ex quibus evidentèr deducitur, quòd corpus grave nedum in quie-
te, sed etiam in ejus motu descensus incessanter exercet æquales
conatus compressivos genitos ab eodem corpore gravi quatenus ha-
bet vim se movendi, & quatenus hujusmodi vis transfertur unà cum
subjecto gravi deorsum, & quia hujusmodi conatus necessario suum
effectum producere debet, qui est ictus seu impetus, igitur in quo-
libet temporis instanti vis motiva naturalis cujuslibet corporis gravis
novum ictum, seu impetum creat, at quia præcedentes impetus ab
eo producti perseverant indelebiles, ergo successivè augetur æquali-
bus incrementis impetus ejusdem gravis dum descendit, verum ab
impetu continenter crescente æqualibus incrementis effici debet
motus uniformiter acceleratus ut ostensum est; igitur necessariò
descensus gravium erit uniformiter acceleratus, scilicet habebunt
spatia peracta proportionem duplicatam temporum, atque æ-
qualibus temporibus eadem spatia crescunt secundum seriem
impa-

Cap. 9.

Prop. 81.

imparium numerorum ab unitate initium sumentium, quod fuerat &c.

Vis impetus gravium cadentium minor est quacumque vi impulsiva à projecto impressa.

CAPUT XXIV.

Licet descensus gravium gignatur ab ictibus & impulsionebus factis à virtute motiva interna ejusdem gravis, tamen mirum quantum differt hujusmodi interna percussio ab ea quæ in projectis diffunditur, nec eo nomine tantum quod vis projecticia semel tantum ab initio ictum infert, & deinceps otatur cum vis gravitatis semper vigeat, & semper de novo ictum inferat unde postmodum motus acceleratio consequitur sed insuper alia admirabili ratione ab invicem discriminantur, vis enim projectum impellens creat in unico instanti gradum determinatum. imperus in ipso projecto, qui imperus non indivisibilis, sed quantus est extensionem quandam linearem habens, at virtus gravitatis in instanti non creat impetum quantum, sed prorsus indivisibilem, qui postea multiplicati pro multitudine ineffabili instantium temporis exacti componunt tandem velocitatem quantam & linearem.

Prop. 20.
& 21.

Cap. 20.
Vis projectum percussione creat in unico instanti gradum impetus quantum, & linearem, at vis gravitatis creat impetum indivisibilem.

PROPOSITIO LXXXVIII.

Sed æquè mirabile videbitur impetum gravium cadentium fore minorem quocumque impetu in projectum impresso.

Sit corpus A projectum, quod moveatur velocitate impressa D, sit postea quodlibet grave B, quod in ejus descensu in fine temporis.

Tab. IV.
Fig. 72.

poris T acquisierit gradum velocitatis C, reperiri debet particulâ temporis elapsi in cujus duratione idem grave B descendendo acquisivit velocitatem minorem projectiō impetu D, sumatur velocitas E minor velocitate D, & quam proportionem habet velocitas C ad E talem habeat tempus T ad tempus V, manifestum est in fine temporis V grave B motu uniformitèr accelerato à quiete descendendo acquisivisse gradum velocitatis E (eoquod in motu uniformitèr accelerato velocitates acquisitæ proportionales sunt temporibus exactis) sed quia motus projecti A est æquabilis, ergò in quolibet tempore eâdem semper velocitate movebitur, ac proinde projectum A tempore V movebitur eadem velocitate D, estque velocitas E minor quàm D igitur impetus E acquisitus in descensu corporis B à quiete in fine temporis V minor erit velocitate æquabili ipsius A, & propterea impetus gravis B minor erit quacumque velocitate, qua corpus projectum moveri potest, accidit tamen ut hujusmodi minimus motus gravis cadentis ratione continui incrementi, seu suæ multiplicationis fiat postmodum major æquabili motu cujuslibet projecti, quapropter si impetus gravis descendens non omnino indivisibilis, & non quantus est saltem diminutus, & minimus, supra omnem sensus, & imaginationis subtilitatem concedendus est.

Hinc constat, quod ad conficiendas minimas & languidissimas impulsiones, à quibus corpus grave impellitur in suo descensu, sufficit quælibet motiuncula interna spiritus aut alterius corporis agitantis: quod verò hujusmodi minimæ internæ motiones in ipsis corporibus terrenis admitti debeant, satis suadetur ab illa interna motionem fermentativa qua alterantur, corrumpuntur, & senescunt corpora concreta, ac proindè evincitur inter particulâs inertes cujuslibet corporis concreti reperiri vividiores vel spiritus, ab hisce ergo seu consimilibus gigni posse languidissimam, & ferè indivisibilem gravitatis impulsione[m] manifestum est.

Deducitur quod ad conficiendas minimas impulsiones à quibus grave moveatur in descensu sufficit qualibet exilissima motio interna spirituum aut alterius corporis agitantis, quæ facile admitti potest.

Digressio

*Digressio de ratione, qua Magnes ferrum
attrahit.*

CAPUT XXV.

Quoniam ex doctrina superius tradita de causa & modo descensus gravium deduci potest nedum nova, sed forsitan non incongrua ratio attractionis ferri à magnete, visum est paulisper ab incepto tramite digredi & tentare, an hujusmodi admirabilis problematis aliqua verisimilis ratio afferri possit.

Omnes vulgò censent fatenturque magnetem mediante aliquâ virtute ferrum ad se attrahere, at hi qui magis physicè phylosophantur & non acquiescunt nominibus non perceptis aut nil significantibus, ajunt, quòd mediante aliquâ effusione seu afflatu corporeò continentèr expansò à magnetico corpore nedum alliciatur ferrum, sed insuper vi quâdam retrahatur aut impulsu aut tractione, qui tamem mirè cruciantur ut modum expediant atque declarent, quomodo hujusmodi tractio perficiatur, comminiscuntur aliqui catenulas quasdam ex atomis uncinatis, & hamatis, sed non possunt expedire quemadmodum, & à qua causa catenulæ retrahantur, & secum apprehensum ferrum versus magnetem referant, alii verò commenti sunt vertiginem quandam, seu viam curvam à prædictis diffusionibus magneticis peractam ut ferrum impellant versus magnetem, quæ omnes absurdissimæ hypotheses merito rejiciuntur.

Porrò ut aliquid verisimilius afferamus, supponendum est primò actionem magneticam non esse solius magnetis, sed esse communem, & mutuam,

T

ut

Qui opinantur ferrum à magnete attrahi mediante effusio quodam corporeo non docent quare, & quemadmodum talis operatio fiat. Actionem magneticam

esse com-
munem
ferri, &
magnetis.

ut nimirum ferrum ad magnetem propriâ virtute impellatur, pariterque magnes ad ferrum sponte suâ promoveatur, & accedat, hoc profecto experientia ipsa suadere videtur, si enim magnes, & ferrum subere vel ligno superposita innatent super aquam, videmus profecto ferrum ad magnetem currere pariterque magnetem ad ferrum appropinquari, & si quidem ferrum fuerit pusillum velocissimò motu ferretur ad magnetem, & tunc latet nec facile observabilis est tardissimus motus vasti corporis magnetici, at si quis hujus rei evidentiam cupit manibus in eodem loco fixè retento pusillo ferro patebit translatio corporis vasti magnetici quoûsqûe ad ferri contactum perducatur, id ipsum conversò ordine observabis si particula minima magnetis propè ingentem ferri globum apponatur.

Modus
hujusmo-
di ope-
rationis
commu-
nis expo-
nitur.

Expendi modò debet quâ ratione prædicta duo corpora sese promoveant, & primò supponendum est in magnete adesse nedum dispositionem pororum, & foraminum secundum directionem axis magnetici extensorum, sed insuper eodem ordine diffundere halitus versus polos, & præterea internæ particulæ vivaciores seu spiritus continuò nisu impellunt, & promoventur versus eosdem polos.

Porro in ferro supponi debent innumeræ porositates intra quas oclusæ contineantur innumerabiles particulæ magneticæ vividiores & spirituosæ, sed ordine perturbatissimò dispositæ & miris modis secum implicatæ, ita ut non omnes poli boreales earundem particularum ad easdem partes tendant & dirigantur, sed confusissimè misceantur ut contingit in minutissimo pulvere conflato ex magnete confuso, nec difficilis & nova hujusmodi partium confusio, censerì debet.

debet, cum ab actione ignis & aliorum corporum, à quibus quodammodo actione fermentativa commoventur, facile possint commisceri contorqueri & diversimodè colligari.

Concipi postea debet, quando ferrum magneti approximatur, atque intra sphaeram ejus activitatis continetur, actio illa pendens ab effluvio halituum magnetis à qua veluti fermentò quodam agitantur & revolvuntur particulae illae magneticæ intra ferri poros contentæ, quæ solutæ & in libertatem vindicatæ veluti totidem acus pixidum magnete affectarum dirigunt suos polos debito ordine versus magnetis polum, ex qua ordinata directione prædictæ particulae seu acus pixidum minimarum suam vim motivam exercere possunt, non dissimilis commotio accidit in miscella spiritus calcanthi, & olei tartari in qua efficitur quædam ebullitio & partium agitatio, sic pariter effluviū ex magneteeductum ebullitionem quandam creat intra ferri porositates, atque similis ebullitio efficitur intra porositates magnetis, unde fit, ut prædictæ particulae spirituosæ, & se moventes repetitis ictibus propellant parietes hinc magnetis illinc ferri contrariis motibus per eandem lineam rectam, unde sequitur propulsio interna utriusque corporis non dissimilis ei quæ in gravibus cadentibus hactenus exposita fuit, ex qua subindè subsequatur promotio & approximatio mutua utriusque corporis, & hæc videtur ni fallor vetissimior ratio hujus arcanæ operationis.

Sed rem turbare videtur operatio oppositi poli magnetis qui propellere & exturbare ferrum solet, sed hujus varietatis ratio facile affectri potest, quod scilicet reverè non sit expulsio, sed conversio & revo-

rio tum ferri cum magnetis, nempe dùm conantur duo corpora sese debito situ disponere non potest hoc consequi quin polus adversus propellatur, ex quâ postmodum propulsione consequitur accessus poli amici.

Ex hac theoria facile possunt salvari phænomena omnia quæ in magneticis operationibus experimur, & aliunde evitantur illæ inextricabiles, difficultates quæ in aliorum doctrina reperiuntur.

*Corpora omnia concreta non omninò dura, sed.
aut fluxilia aut mollia aut flexi-
bilia esse.*

C A P U T X X V I.

Passiones admirabiles percussione, quæ postremo loco declarari ac demonstrari debent, exigunt cognitionem structuræ corporum concretorum, de qua in præsentia agendum est, corporum eorum quæ nostris sensibus subjiciuntur major & præcipua pars fluida est ut aër, aqua, ignis, hydrargirum, & innumera alia; hæc nullam consistentiam ac duritiem habere manifestum est, quandoquidem à quolibet corpore possunt scindi ac penetrari, & licet prima corpora ex quibus fluida componuntur sint omninò dura & inflexibilia ut ratio suadere videtur, nihilominus massa & aggregatum eorum, quæ fluidum corpus componunt omninò divisa & dissecta est in particulas, quæ nullò negotiò excurrere & moveri possunt, habent tamen aliquam resistantiam non quidem ad divisionem, sed ad motum, quatenus enim gravia sunt, resistunt alicui prement. corpori,
sub-

subingredienti, quatenus sublevari debent sursum è proprio loco cui sublevationi resistunt vi intrinsicâ suæ gravitatis, pariter resistunt expulsionì laterali; quatenus à sua quiete & æquilibrio removeri debent atque pellere circumstantes partes ejusdem fluidi, ut locum cedant sibi ipsis & subintranti corpori impellenti, debentque pariter eadem particulæ dùm intra alias quiescentes insinuari, & excurrere debent confricari simul atque resistentias vectium lateralium particularum superare, & quia in hujusmodi corporibus fluidis immiscentur quamplurimæ particulæ etherogenæ & figuræ irregularis, ut sunt particulæ terrea, quæ in aëre, & aquâ commiscentur, fit, ut ab iis augeatur resistentia motus lateralis, adsunt postea corpora mollia ut lutum, mel, & cera, atque metalla excalefacta; hæc quoque resistunt quatenus fluidi naturam participant, & præterea quatenus particulas crassiores asperioresque continent, quæ proinde difficilius ab invicem extricantur, quoties inter partes reliquas immotas excurrere debent atque promoveri obviantes particulas easque insinuare inter collaterales; fitque propterea ut ex hujusmodi omnibus causis augeatur eorum resistentia, quotiescunque debent impelli aut ab aliquo corpore duro scindi & penetrari, quæ difficultas eò major est quò majori glutine aut tenacitate partes colligatæ aut irretitæ sunt ut contingit in metallis, quæ molliem aliquam præ se ferunt cum ictui mallei cedunt; dantur corpora aliqua fissilia ut sunt ligna quæ ex fibris directis ad invicem junctis; & vinculo aut glutine aliquo colligatis constant, unde divisioni resistunt, sed multo magis si fibræ truncari debeant quàm si tantummodò dissociandæ sint, tandem dantur corpora

flexilia quæ ad instar machinæ denuò spontè diriguntur post flexionem & hæ quidem resistunt virtute vectum quæ æquidistantè disponuntur per totam longitudinem flexibilis corporis, & licet ejus particulæ stringantur & dilatentur ab invicem, nihilominus non omninò expelluntur è suis locis ut in mollibus corporibus contingit; dantur tandem corpora quæ vulgò dura censentur ut lapides, quæ tamen non habent resistantiam insuperabilem, possunt enim scindi ac disrumpi, undè aliqua friabilia sunt, alia verò tenaciori glutine constricta non omnino in minimas partiunculas diffiliunt, universè tamen in omnibus concretis corporibus concedenda est compressibilis quædam affectio in qua ejus partes nedum flectuntur, sed etiam aliquò pacto constringuntur condensantur dilatanturque, quod nedum ex eorum contusione & disfractione complanatione & levigatione deducitur, sed etiam ex sono quem produciunt in percussione facta à quocúmque impetu motivo, sonus enim effici non potest absque aëris tremore nec tremor in aëre gigni potest nisi ex repetitis ictibus corporis tremantis & undulantis, hujusmodi vero tremorem nedum in parvis corporibus experimur, sed etiam in vastis ædificiis & in ipsis alpinis montibus, si enim quis in profunda caverna montis degat percusso externè monte sonus infra cavernæ cavitatem persentitur, quod evidentissimè evincit tremore quòdam agitari ingentem illam montis molem si igitur evidentissimum est corpora omnia licet durissima videantur edere sonum post percussione ei illatam, necessario fatendum est corpora omnia quæ dura vulgò censentur hinc inde flecti, & tremore concuti, nec possunt flecti nisi partes

Concreta
corpora
compressi-
bilia, &
flexibilia
sunt & a-
liquo pa-
cto dila-
tari pos-
sunt quod
constat ex
tremore
corpo-
rum, quæ
dura vul-
gò cen-
sentur.

tes ex una parte adinvicem constringantur ex altera dilatentur, nec potest hujusmodi constrictio, & condensatio concipi quin in eis poruli admittantur in quibus particulæ insinuentur, poterunt ergo partes cujuslibet corporis duri ex una parte comprimi & ad invicem constringi dum reliquæ partes nullò pacto constringuntur & condensantur, hinc facile colligitur id quod prius insinuavimus, quod nimirum impossibile sit in uno & eodem instanti in quo extremitas cujuslibet concreti corporis percutitur moveantur simul omnes ejus partes usque ad oppositum extremumque ejus confinium, propterea quod partes illæ percussione excipientes flectuntur & condensatione quâdam ad invicem stringuntur, unde fit, ut successione quâdam una particula post aliam istum excipiat, proindeque series continentium percussionum extensionem aliquam temporis componat.

Impossibile est ut in eodem instanti in quo extremitas cujuslibet concreti corporis percutitur simul agantur omnes ejus partes.

De comparatione energię percussionis cum vi compressiva gravitatis.

CAPUT XXVII.

QUæ hætenus dicta sunt nedum per se scitu jucunda, sed etiam perutilia sunt pro solutione admirabilis problematis de vi & energiâ infinitâ percussionis, de qua modo agendum est.

Naturâ dictante adhibere solemus notissimam mensuram cum quantitatem aliquam explorare volumus, ut pro temporis mensura utimur motu solis spatioque lucis diurnæ ac tenebræ noctis, utimur longitudine pedis ac passus pro mensura motus, palmis ac digitis.

A ponde-
re suble-
vato vul-
go conie-
tur men-
surari pos-
se vim
percussio-
nis.

digitis pro mensura longitudinis, nempe quia hujusmodi mensuræ semper ante oculos positæ satis perspectæ & exploratæ sunt ad quas relatæ reliquæ ignotæ quantitates earum mensuram dignoscimus, sic corporum pondera quæ commodè dignosci possunt in libra usurpari apte posse vulgo putant pro mensura energię percussionis, hoc vero duplici modò fieri potest, primò si vires percussionis & ponderis comparentur ad aliquod tertium, lumine enim naturæ notum est vires quæ sunt æquales uni tertio esse quodque æquales inter se, secundo verò modo fiet comparando vim percussivam immediatè cum energia ponderis.

At tertia quantitas ad quam referemus vires percussivas & gravitatis erit effectus communis qui nimirum ab utraque virtute efficitur, hujusmodi vero effectus erit cunei vel clavi fixio in ligno vel in quolibet alio corpore duro, & profecto manifestum est clavum figi posse ad determinatam profunditatem, tum à vi compressiva alicujus ingentis ponderis, cum ab ictu alicujus mallei, & in hac actione comparari debent inter se vis illa comprimens clavum, & resistentia corporis duri, in quo clavus figendus est, & talis resistentia pendet ut dixi ex illa tenacitate seu glutine, qua partes corporis duri inter se colligantur & vinciuntur, cumque debeant scindi, è suis locis dimoveri, dilatarique, & expellere collaterales particulas sibi contiguas, ad hoc, ut cuneus sive clavus subingredi possit, sit, ut corpus prædictum resistat fixationi clavi his omnibus de causis & insuper eò motu, quò agitari debent juxta leges mechanici instrumenti cunei dicti, hujusmodi resistentia vel omnino superatur quando saxum vel lignum in duas partes
hinc

hinc indè profilientes discinditur, & tunc cessante percussione cessat omninò resistantia; si verò clavus adhuc non superavit resistantiam ipsius corporis, id ipsum reaget quidem resistendo ulteriori penetratio-
ni ejusdem clavi, & hoc quidem accidit in corporibus scissilibus ut sunt lapides, aut secabilibus ut sunt metalla, sed in fixilibus remanet quædam resistantia vigens, qua nimirum constringitur clavus utrinque veluti à forcipe, vel cochlea quadam, à qua extrorsum clavus expelleretur, si asperitas ejus superficiei non obstarer, sic videmus immisso clavo ligneo intra aquam vel hydrargirum cessantè impulsu compressivò subito resilire, & expelli, ut prunorum nuclei à digitis compressis exprimuntur, in reliquis verò corporibus scissilibus ut sunt lapides efficitur non tanta energia expressio illa lateralis ad modum cochleæ, proptereà quod cuneus immissus dilatando vehementer partes saxi ipsum tandem scindit in duas partes.

His declaratis comparari debet vis compressiva cum resistantia corporis, in quo clavus figi debet: & siquidem potentia comprimens clavum major fuerit resistantia subjecti corporis, tunc ab excessu potentia impulsivæ figitur clavus, & quia quo altius immittitur, resistantia semper subjecti corporis crescit, prout plures partes subjecti corporis simul moveri è propriis locis expelli, & longius ab invicem repelli debent, & quò magis crescit resistantia subjecti corporis, semper deficit successive excessus virtutis comprimentis supra resistantiam, & proindè penetratio clavi tardiori semper motu efficietur quousque æquatis omninò viribus impellentis & resistantiæ, factòque æquilibriò clavus quiescit nec ulteriùs penetra-

netrat, & hic notandum est, quòd in corporibus duris facta clavi immisione à determinato pondere, licet cesset pressio ponderis amoveaturque clavus nihilominus non resilit, propterea quod ut dixi utrinque constringitur veluti à forcipe, nec expelli potest ob ejus superficiei asperitatem; si postea denuò reponatur idem pondus supra clavum, & repetatur millies hujusmodi impositio simplex absque motu nunquàm altius clavus figetur, sed semper in eodem loco sistet, propterea quòd perseverat eadem causa, à qua progressus prioris fixationis terminatus fuerat, scilicet remanet eadem resistantia subjecti corporis vicens, quæ æqualis fuerat compressivæ facultati prædicti ponderis, igitur sicuti prius, sic modo vires contrariæ æquantur & propterea eadem vis ejusdem ponderis non poterit majorem effectum producere scilicet altio rem penetrationem clavi.

Accedamus modò ad actionem mallei percutientis clavum: manifestum est quòd à pondere pusillo mallei motu impulsivo agitati figi potest idem clavus ad eandem prorsùs profunditatem ad quam vis simplicis ponderis eum insinuaverat, quia verò effectus fixationis est idem superatur nimirum eadem resistantia subjecti corporis, ergò dux virtutes illius magni ponderis librarum 100 verbi gratia, & percussiois malleoli unius libræ æquilibrantur eidem resistantiæ; quapropter fatendum est vires motivas vasti ponderis lib. 100 & malleoli impetu affecti esse æquales inter se, & sicuti vis motiva ponderis semper est eadem, licet millies, & millies reperatur, ita energia ictus ejusdem malleoli erit quòque unica & eadem, neque unquàm augebitur aut major se ipsa erit, & aliundè energia resistantiæ soli est quòque una & eadem & perse-

perseverans; igitur si denuò repetatur secundus ictus ejusdem malleoli, vires quoque contrariæ percussio-
 nis & resistentiæ erunt quoque æquales & æquilibra-
 tæ, ac proinde non poterit secundus ictus majorem
 effectum producere, scilicet altius clavum figere
 sicut millies repetita superpositio illius vasti ponderis
 nunquam profundius clavum insinuat.

Videtur
 quod se-
 cundus
 mallei i-
 ctus eod-
 em im-
 petu illa-
 tus non
 possit cla-
 vum alti-
 us fige-
 re.

Sed contra hujusmodi ratiocinium res ipsa clamat,
 nam secundus malleoli ictus eodem impetu factus
 profundius clavum figit; si quis verò velit adhibito
 majori pondere ad eandem profunditatem clavum
 immittere ad quam secundus ictus malleoli eum im-
 presserat, adhibenda est gravitas major quam dupla
 prioris scilicet plurium quam lib. 200. & quia effe-
 ctus ejusdem profundioris insinuationis clavi à dua-
 bus causis producitur, nempe à secundo ictu malleo-
 li & à pressione ponderis plusquam dupli, igitur hæ
 duæ virtutes compressivæ æquales erunt inter se, ac
 proinde energia ejusdem ictus malleoli, quæ prius
 æqualis fuerat vi lib. 100. modò æquabitur energiæ
 plusquam lib. 200. si tertiò postea repetatur eadem
 malleoli percussio eadem omninò velocitate, quâ
 prius adhuc altius figetur clavus ad quam perveni-
 ri non poterit, nisi adhibito pondere plusquam
 triplò, igitur vis ejusdem ictus malleoli æquatur ener-
 giæ compressivæ plurium quam lib. 300. & quia pari-
 tèr quarta & omnes subsequentes percussiones ejus-
 dem malleoli eodem impetu incidentis semper ali-
 quantispèr clavum profundius figunt, quæ insinua-
 tiones non possent prosequi à simplici gravitate, nisi
 moles corporea augeretur semper magis ac magis in-
 infinitum, igitur energia ictus ejusdem malleoli æ-
 quatur hisce omnibus ponderibus, & propterea vis

Hoc au-
 tem re-
 pugnat ex-
 pectantiæ
 requiri-
 turque
 majus
 pondus
 ut infi-
 niatur
 clavis æ-
 que ac fi-
 gatur a se-
 cundo i-
 ctu mal-
 lei.

Deduci-
 tur quod
 energia
 percussio-
 nis ejus-
 dem mal-
 lei æqua-
 tur poten-
 tiæ cujus-
 libet pon-

detis, ide-
oque illa
infinitem
virtutem
habet.

ictus ejusdem malleoli eodem impetu lati major erit virtute compressiva cujuscumque ponderis assignabilis, ideoque vis ictus videtur infinitatem quandam habere.

Enodatio superioris difficultatis, & veræ causæ hujus effectus admirabilis inquisitio.

CAPUT XXVIII.

Cap. 5.

Pures
malleo-
idem im-
petu per-
cutientes
augent
vim per-
cussionis
juxta mul-
titudinem
malleo-
rum.

Licet in adducto experimento aliquid pro infinitate virtutis percussivæ colligi possit, ut suò locò ostendetur; nihilominus ratiocinii inefficaciam de-tergere erit operæpretium; ut autem hoc perspicuum fiat, repetenda est proprietas percussioneis quam superius innuimus, diximus enim quòd vis motiva cujuslibet corporis componitur ex vehementia seu intensiva ejus vi, atque ex dilatatione seu extensione ejus per universam molem corpoream, ita ut nulla particula ejusdem corporis assignari possit quæ eodem impetu æquè velocì non afficiatur, & proinde eandem virtutem motivam undique diffusam per ejus corpoream molem habet, hoc posito intelligentur duo malleoli æquales pondere, & æquè veloces, nemo est qui non percipiat efficere duas percussiones omninò æquales in incidentia mediâ & perpendiculari super idem corpus, patet quòque quòd ambæ percussiones simul sumptæ duplæ sunt singularis percussioneis ab unico malleolo factæ, scilicet duplum effectum producunt sive is sit diffractio, sive compressio, sive impulsio, certum est quòd energia percussioneis duplicatur prout malleoli duplices sunt, si postea augeatur numerus eorundem malle-

malleolorum omnesque eadem velocitate ictum inferant eidem corpori, patet quod energia omnium percussionum simul sumptarum tam multiplex est unius singularis percussionis quam multiplex est aggregatum omnium malleolorum unius malleoli, & hoc quidem evidentissimum est ex eo, quod plagæ illatæ toties multiplicantur; & hæc est ratio quare ingens

Hinc pēdet vis illa, quæ parietes ab ingenti trabe languido; motu percutiente concutiantur & corruant, quia trabs æquatur aggregato plurimum malleorum.

Et hæc similiter est ratio, quare ingens navigium, motu licet languido excurrat, conterit tamen & dissilit machinas contrapostas, imo aliquando scopulos dirumpit, cum è contra parva ratis eadem velocitate motâ minimam percussionem machinæ obstanti inferat, quia nimirum vis percussiva augetur non solummodo auctâ velocitate intensivè, sed etiam quando extensivè propagatur per vastitatem corporis percutientis.

Et sicuti multiplicatur energiâ percussionis à plurimis malleolis in eodem instanti corpus aliquod percutientibus, sic quoque percussionis energia multiplicari potest, si ictus ejusdem malleoli successive unus post alium æquè multiplicentur, quandoquidem quilibet eorum suum effectum compressionis producit, qui si non delentur, sed remanent quando reliqui ictus superveniunt, profecto coacervatis compressionibus efficitur summa eorum, quæ omnino æqualis erit ei, quæ hactenus creabatur à totidem malleolis una percutientibus, quare perinde est si multiplicentur malleoli ac si multiplicentur ictus e-

Non secus percussiones repetitæ ejusdem malleoli eundem effectum producere possunt, quam innumeri mallei simul percutientes.

jusdem malleoli successive sese consequentes, quorum effectus permanentes sint, proptereaque repetiti ictus æquivalent multiplicatæ multitudini malleolorum, quapropter necesse est ut infinitæ percussiones ejusdem malleoli eodem impetu lati æquivalent infinitis malleolis, scilicet malleo infiniti gravitate eadem velocitate affecto, & ambo effectum infinitum producere debent, scilicet superare resistantiam infiniti ponderis, vel tenacitatis aut glutinis quo corpora concreta separationi & discissioni resistunt.

Infinitæ percussiones ejusdem malleoli eodem impetu æquivalent percussioni malleoli infinitæ gravitatis æque veloci & ambo resistantiam infiniti ponderis superabunt.

Quod vero vis motiva infinita sive ob corporis extensionem, sive propter impetus infiniti extensionem producat effectum infinitum mirum alicui videri non debet, ni fallor.

His positis, redeo jam ad superius adductam difficultatem, successive figitur magis ac magis clavus & ibidem permanet, prout percussiones ejusdem malleoli æquæ veloces repetuntur, sed ictus malleoli repetiti æquivalent malleolo toties multiplicato, igitur re vera clavus non figitur à singulari ictu, nec à singulari ejus virtute motiva, sed insinuatur à malleo immensæ vastitatis tam multiplici unius quot sunt ictus, & proinde mirum non est tam enormem effectum insinuationis clavi procreare, hoc autem mirabile non videtur à majori scilicet virtute motiva quæ componitur ex impetu mallei extensivè in immensum multiplicato majorem effectum produci, igitur falsum est, quod energia ictus singularis malleoli æquivalet cuilibet ponderi assignabili, cum potius hoc dependeat ex multiplicatione ejusdem percussione extensiva.

Hinc patet clavum non figi à singulari ictu ejusdem malleoli, sed à malleo immensæ vastitatis toties multiplicato quot sunt ictus, ideoque effectum grandem producantur.

Sed ut evidentius causa hujus effectus pateat; iterum differentia operationum gravitatis & percussione suspendere juvat.

Pro-

Proculdubio energia gravitatis, postquam clavum ad illam determinatam profunditatem fixit, nil pretereā operatur, licet gravitas ipsa perseveret in sua actione compressiva: ratio vero propter quam clavus profundius non insinuat a perseverante pressione corporis gravis est, quia vires contrariæ æquatæ sunt, resistantia scilicet soli, & vis prementis gravitatis; at in fixatione ejusdem clavi à vi percussionis procreata cessat pariter ulterior & profundior insinuatio clavi sed alia diversa ratione, non quia vires contrariæ æquatæ sunt, sed quia in fine illius insinuationis cessat operatio percutientis, propterea quod impetus energia omnino consumpta est, itaque resistantia plani subjecti æquatur non virtuti motivæ percutientis, sed exercitio actionis ejus factæ in illo tempore quo clavus insinuat: extinctio autem & diminutio virtutis percussivæ efficitur eodem tempore, sed difformi imminutione, hinc percipitur quod si vis percutientis non minueretur, sed retineret perpetuo eundem gradum roboris, profecto in quolibet temporis instanti vim aliquam in clavum imprimeret, non autem vim indivisibilem, quæ non destrueretur ex sui natura, sed perseveraret; cumque in quolibet pusillo tempore sint infinita instantia, necessario in fine cujuslibet temporis deberent coacervari infiniti impetus non indivisibiles, sed quanti, proindeque efficerent impetum infinitæ energię, & hoc nomine energia percussionis mallei censeretur infinita, quatenus si perseveraret ejusdem tenoris absque imminutione proculdubio superaret vim compressivam cujuslibet finitæ gravitatis.

Cessat clavi insinuat ab ictu mallei facta non quia vires contrariæ æquantur, ut in compressione ponderis contingit, sed quia vis impetus continenter debilitatur, & tandem destruitur.

Energiam

*Energiam percussionis majorem esse vi compressiva
cujuslibet finiti corporis gravis.*

CAPUT XXIX.

Quoniam experimentum superius adductum propter aliquas circumstantias non adhuc detectas non perducit nos ad veritatis inquisitionem, propterea operæpretium erit alia via evidentiori tentare, an eam assequi & comprehendere valeamus; sed præmittere prius oportet hanc propositionem.

PROPOSITIO LXXXIX.

Si duorum corporum æque consistentium & durorum gravitates reciproce proportionales fuerint velocitatibus eorum, vires percussionum ab iisdem factarum perpendiculari & media incidentia super idem corpus durum æquales erunt inter se.

Tab. IV.
Fig. 73.

Sint duo corpora A, & B æque dura & consistentia ac est planum FK subiecti corporis super quod cadant perpendiculari & media incidentia corpus A impetu D, sed corpus B incidat velocitate C, atque ut moles corporea seu ut pondus A ad B ita reciproce sit impetus C ad D, dico quod energiæ sive momenta percussionum factarum super idem planum FK æqualia sunt inter se, quoniam

Prop. 27. momentum compressivum ipsius corporis A ad momentum compressivum alterius B habet compositam proportionem ex ratione corporeæ molis A ad corpoream molem B seu gravitatis ipsius A ad gravitatem alterius B, atque ex ratione impetus D ad impetum C (comprimunt enim nedum mole corporea, seu gravitate sed etiam impetu quo feruntur) sed ex hypothesi, corpus seu pondus A ad B est reciproce ut impetus C ad D & duæ eadem proportionales reciproce rationem æqualitatis componunt, igitur momenta compressiva corporum A, & B æqualia sunt inter se, sed vires

Coroll.
Prop. 28.

vires percussionum perpendiculari & media incidentia factarum mensurantur à momentis seu viribus compressivis corporum incidentium, igitur corpus A velocitate D latum efficit percussionem super planum F K æque validam ei quam infert corpus B velocitate C.

Si postea loco plani subjecti F K supponantur duo clavi æquales F, & K, qui figi debeant super idem corpus F K æquè cedens vel potius termini F, & K ictus excipientes sint extremitates libræ radiorum æqualium in G fulcræ; aut eadem corpora A & B suspendantur & trahant terminos libræ R & S in ejus intermedio puncto X fulcræ; siquidem incidentiæ in eodem instanti fiant, manifestum est in eodem instanti fieri duas percussiones æquè validas, quæ æquè figent clavos F & K, & æquè impellent & trahent terminos librarum, & proinde eæ non flectentur, sed consistent in eodem situ parallelo horizonti, proptereaquod vires percussivæ & percussiones ipsæ ostensæ fuerunt omnino æquales, & æquè validæ, & hoc contingit in illo singulari instanti temporis, in quo ambæ percussiones sunt licet postea extinctis velocitatibus major gravitas ipsius A libram flectat, hoc autem ad negotium percussione non pertinet, cum percussio sit actio composita ex virtute gravitatis & impetus, quæ actio in hisce corporibus duris & inflexibilibus in unico instanti temporis fieri debere ex superius demonstratis satis superque constat.

Prop. 20.
& 21.

Et quamvis hujusmodi propositio ab adducta demonstratione confirmata sit, si quis tamen optaret aliquo experimento eam explorare, uti poterit hujusmodi artificio, sumat duo fune-pendula A B, & C D quorum longitudines sint æquales inter se, globus verò ferreus B major sit quam D, suspendanturque in eadem horizontali linea A C, atque in eodem plano verticali A C G apponatur libra æqualium radiorum E F convertibilis horizontaliter circa centrum G; removeantur postea pendula B, D à plano verticali A C G inæqualiter ut nimirum sublimitas globuli D ab infimo termino F ad sublimitatem globuli B ab infimo termino E duplicatam proportionem habeat ejus, quam reciproce habet pondus B ad D, & quia spatia descensuum sunt in duplicata ratione velocitatum in fine eorundem descensuum acquisitarum, fit ut impetus acquisitus à gravi D in fine descensus per arcum D F ad impetum

Veritas
superioris
proposi-
tionis ex-
perimento
compro-
batur.
Tab. IV.
Fig. 74.

Prop. 81.

X

acqui-

acquisitum à gravi B in fine descensus per arcum B E eandem proportionem habeat quam habet reciproce corpus B ad D, ac proinde momenta percussionum quæ in eodem instanti fiunt super terminos libræ E F æqualia prorsus inter se erunt, & ideo libra radiorum æqualium non flectetur, hujusmodi fune-pendula æqualia inter se commoda sunt eo nomine quod efficiunt transitus per arcum B E & arcum D F æqui temporancos, & ideo si in eodem instanti demittantur à terminis B & D, efficientur quoque percussiones in E, & E in unico quoque instanti, & hac ratione si libuerit, poterit veritas superioris demonstrationis comprobari.

Non puto denuo inculcare oportere percussiones æqualium momentorum non perseverare per aliquod tempus, sed verificari tantummodo in illo unico instanti in quo percussiones fiunt, quandoquidem post ictum utriusque corporis cessat operatio ejus impetus & remanent tantummodo pressiones inæquales à vi gravitatis dependentes, pariter omittendum non est iterumque repetendum propositionem verificari si modo percutientia corpora & percussio-nem perpendiculararem & mediam excipientia fuerint omnino dura & inflexibilia, at si aliquo pacto constringi & comprimi possunt, tunc quidem in tempore subsequenti post primum instans incidentiæ subsequentes continuatæ percussuunculæ, dum corpora stringuntur & condensantur, possunt, insignem varietatem producere quoad energiam, & quoad durationem.

His declaratis devenio ad propositionem principalem, quod nimirum.

PROPOSITIO XC.

Vis & energia cujuslibet percussionis major est quacumque potentia finita, quæ absque motu locali solummodo virtute gravitatis premat.

Tab. IV.
Fig. 75.

Supponatur quodcumque immensum corpus grave A suspensum in termino R libræ R S radiorum ejus centrum X, sustineatur postea corpus A à duritie plani subiecti F K, manifestum est libram nullam vim pati ab ipso corpore A & perinde quiescere ac si à nihilo traheretur, eo quod duæ potentiz contrariæ inter se prorsus æquales gravitatis nempe prementis ipsius A, atque resistentiæ & firmitudinis

mitudinis plani subiecti F K se mutuo destruunt, seu potius prohibetur exercitium pressiois ejusdem corporis A, quapropter libra à nihilo seu à nulla potentia minime flectetur, ponatur jam quodlibet exiguum corpus B suspensum ab extremo termino libræ S attamen in quiete, & absque ullo motu descensus, tunc plane tantundem detrahitur à pondere ipsius A quanta est gravitas corporis B, quare libra R S non flectetur versùs S, eo quod remanet excessus gravitatis A supra B, & hujusmodi excessus substinetur à plano subiecto; id ergo quod acquiritur in tali casu est imminutio pressiois corporis A supra planum F K quod minorem resistentiam exercet quam prius. Si postea quodlibet minimum pondus B termino S libræ non in quiete, sed cum aliquo impetu descensus applicetur, ut proinde percussione efficeret valeat, ostendendum est quod vis compressionis & percussiois perpendiculari & media incidentia corporis B super idem planum F K superat energiam simplicis gravitatis cujuslibet vasti corporis A absque ullo motu locali comprimentis planum subiectum, intelligatur grave A descendere per spatium R Z, ut nimirum impetus D postremo acquisitus in dicto descensu eandem proportionem habeat ad impetum C acquisitum in descensu ipsius B per S L quam reciproce habet gravitas ipsius B ad gravitatem A, igitur corpora A & B efficient super idem planum durum F K percussiones æque validas & æqualium momentorum, & quia evidentissimum est vim compressivam simplicis gravitatis à motu & impetu augeri & in immensum vires acquirere prout ejus motus magis acceleratur, & hac de causa vis compressiva componitur ex vi gravitatis & ex virtute motus seu impetus, ergo vis compressiva corporis A translata velocitate D major est vi compressiva ejusdem corporis A velocitate omnino carentis, & in quiete constituti, & ideo energia percussiois quam super planum F K efficit corpus A excurrent velocitate D major erit vi, qua idem corpus A quiescens & impetu privatum comprimit idem planum, sed energia percussiois quam super idem planum efficit corpus B translatum velocitate C æqualis est vi percussiois quam efficit corpus A latum velocitate D, igitur energia percussiois quam efficit super planum F K corpus B excurrent velocitate C major erit vi, qua corpus A quiescens, & omnino motu privatum comprimit idem planum, quare in actu percussiois instantaneæ libra necessario flectetur,

Prop. 89.

Prop. 89.

tur, sublevabiturque terminus R libræ, proindeque sublevabitur removebiturque corpus A à contactu plani subiecti, ideoque vis & momentum percussionis ipsius B superabit potentiam simplicis vastæ gravitatis A quiescentis, quod fuerat, &c.

Prop. 10.
& 11.

Elevatio ponderis ingentis à percussione pusilli corporis multoties ob ejus exiguitatem inobservabilis est, & quare. Experimento in statua facto constat ab igne exigui corporis pondus leve vastum aliquantisper concuti ad sublevari. At si corpora percussa valde flexibilia fuerint tunc in tempore nec percussione occultatur ejus elevatio.

Animaduertendum tamen est quod elevatio corporis A valde exigua est, quia actus percussionis ipsius B est instantaneus in corporibus omnino duris, & postea subito extinguitur ejus momentum, quia subito post impulsus incipit depressio ejusdem corporis A pendens à naturali ejus gravitate, quæ sit accelerato motu dum expulsio sursum æquabilis est; hinc fit ut parva sit elevatio corporis A à subiecto plano, non tamen est tam exigua ut omnino sensum effugiat si modo corpora non fuerint admodum flexibilia, at si fuerint rigida ut libra ferrea, & unius brachii extremitas clavo fulciatur, ut vastum corpus in eo appensum in quiete retineatur, atque extremitas alterius brachii libræ malleolo aliquo percutiatur, vel super ipsum incidat parva pila ferrea à quacumque altitudine demissa, observabitur in unoquoque ictu contrapositum vastum pondus à sua quiete evidenter sublevari ac concuti, atque hoc percipi tum ipso tactu, tum visu, tum auditu. ex sono scilicet facto in resiliatione, aut casu ejusdem machinæ ferreæ, sic pariter percussio uno extremo prælongæ trabis reliquum extremum concutitur sublevaturque, si tamen admodum flexibilis non fuerit.

Si postea corpora fuerint valde flexibilia, tunc percussio efficitur tempore satis sensibili, & ideo interim vis gravitatis vasti corporis premendo occultat atque obnubilat effectum sublevationis ejusdem ponderis, & tantummodo efficitur quædam dilatatio, & rarefactio partium ipsius corporis vasti quiescentis, non autem integra sublevatio totius corporis, ut si fuerit spira aliqua flexibilissima vel coagmentum aut globus laniæ aut alterius similis materiæ dilatabilis, tunc profecto si sursum trahatur saccus vel involucrem laniæ, non sublevabitur globus integer laniæ, sed dilatatur per aliquod tempus, & interea impetus percussionis extinguitur nec perseverat quousque tota moles globi lanci suspendatur, id ipsum contingit in virga flexibili aut in qualibet alia consimili materia, sed non proinde debilitatur vis demonstrationis superius adductæ. Ex qua admirabilis vis motus & impetus deducitur, quandoquidem, ab impetu motus cujuslibet corpusculi quælibet vasta resistentia cor-

Hinc patet ingens vis percussionis.

porea

porea moveri & impelli potest, dummodo in quiete consistat & motu omnino privetur; & hoc nedum verificatur quando vasta moles corporea pensilis omnino est & in quiete amovibili constituta, scilicet quando omnino iners est, sed etiam quando intrinsicam & naturalem vim motivam habet, qualis est virtus gravitatis quæ nunquam otiosa est, sed perpetuo exercet suam impulsionem compressivam, & hæc quotiescumque motu locali privatur, superari potest ac impelli à quacumque percussione minimi corporuli.

Et hinc percipitur, quare ictus exiguarum particularum nitri, dum pulvis pyrius accenditur in tormentis bellicis, vel in cuniculis, potest propellere disrumpere ac projicere moles ingentis gravitatis, quod quidem pendet ab energia motus & ictus quæ infinitæ virtutis est. Et in hac operatione insuper animadvertendum est, quod non subito post instantaneam percussorem agitatione illa parietis aut tormenti bellici extinguitur aut desinit esse, sed promovetur continuatur augeturque ex eo, quod non efficitur unica percussio, sed innumerabiles continenter sese subsequentes in tempore quo accensio pulveris pyrii perseverat, & quia impetus à primis ictibus procreati non delentur ex sui natura sit, ut succedentes impetus prioribus superadditi componant tandem impetum vehementissimum & perseverantem, huiusmodi operatio minime ab inflammatione & ab igne quatenus talis est pendere potest, quandoquidem ferrum ignitum & carbonem accensi minime propelluntur, licet ab igne ferventissimo calefiant inflammenturque, sed pendent ex vehementissima illa agitatione particularum nitri, quæ in actu accensionis ingenti vi & celeritate dissiliunt atque percutiunt circumobstantia corpora dura.

Vim superius adducti ratiocinii infirmare videtur id quod in nobismetipsis experimur; nemo profecto est qui ictum lapilli aut malleoli libentius non toleraret, quam compressionem turris humeris incumbens, quæ contusionem carnis, artuum luxationem, fibrarum tendinumque rupturam, ossiumque distractionem intollerabili dolore efficeret, ex quibus proinde quilibet persuaderetur energiam ponderis prementis nedum æquare, sed longe præterea superare vim percussione: verum enim vero hoc certitudinem firmitatemque nostræ demonstrationis minime tollere debilitareque

Et constat etiam quare ictus particularum nitri in tormentis bellicis aut in cuniculis superare potest resistenciam ingentis gravitatis. Caput 9.

Obiecti potest quod ictus lapilli facilius tolerari potest quam compressio ingentis ponderis humeris incumbens.

Respon-
detur huic
difficulta-
ti.

censendum est, cum ab aliqua circumstantia non animadversa prædicta effectuum varietas prodire possit, ratum perspectumque est percussione[m] exigui malleoli trabem ingentem aut rupem commovere, concutere, tremoremque ei inferre, hoc autem minime fieri posse à minori virtute perspicuum est, igitur necessario vis percussione[m] malleoli major erit vi compressiva prædicti vasti ponderis observamus præterea lateres & massam glebosam ab ictu exigui malleoli disrumpi, conteri, & in pulverem redigi; at ab ingenti pondere quiescente turris, aut rupis incumbens minime diffingi aut conteri infimos lateres aut glebas videmus, quare vis compressiva ponderis ingentis minor erit energia percussione[m] exigui malleoli, insuper animadversione dignum est turres & ædificia, quorum fundamenta arenosa aliqua ex parte corrosa sunt non subito corrûere, sed aliquanto post, quando scilicet ab agitatione seu concussione aëris venti vel alterius impellentis corporis commoveatur, & siquidem ædificii ruina penderet ab energia ponderis quiescentis, subito ruere deberet, cumque hoc non contingat nisi adveniente motu locali & novo impetu, censendum est vim gravitatis per se lapsus ædificii causam non esse.

Diversi-
mode o-
petare
pondus &
percussio-
nem, quia
illius a-
ctio ejus-
dem re-
noris, &
roboris
huius ve-
ro debili-
tatur ac de-
strui-
tur.

Ut vero causa & origo diversitatis operationum ponderis & ictus in corporibus animalium plagas inferentium patefiat perpendendum est discrimen inter operationes earumdem virtutum, quarum una perseverans & ejusdem tenoris, & roboris, reliqua vero continenter debilitatur, & tandem destruitur, & profecto vis percussione[m] perseverans non est, quandoquidem post primum instans occurfus debilitatur extinguiturque à resistantia contrariâ lentè & successivè cedendo, & reluctando, è contra vis compressiva ponderis perennis est ejusdemque roboris, nec aliquandò minuitur vis ejus gravitatis, licet præcedat cessio corporis, cui aliud corpus incumbit, sed vis ejus ponderis semper æquabilè energiam compressionem exercet, hinc deducitur quòd in hisce operationibus adhibentur causæ diversimodè operantes, una quidem licet minoris roboris sit eòdem tamen tenore eademque energia perseverat in sua actione compressiva reliqua verò licet majoris roboris continenter decrescit, languet, & citò extinguitur, hujus naturæ est vis percussione[m] malleoli, qui licet vehementi motu ad contactum animalis deferatur, in ipso tamen contactu parum aut nil

Vis ictus
malleoli
debilita-
tur ac de-
struitur a

pror-

prorsus lædit, quia nimirum non firmum & rigidum obstaculum offendit, sed molle, flexibile & cedens, & proinde vis ictus frustratur, in progressu verò temporis sequentis continenter immittitur destruiturque vis illa percussiva ab eadem mollitie & flexibilitate partium animalis dum cedunt ac retrocedunt, & proinde minimam noxam infert, è contrà ingens pondus nedum in actu contactus, sed in toto progressu compressionis semper æquilibrari debet ac sustineri ab æquali virtute contrariâ, cujus compressio, si supponatur talis, ac tantæ energiæ esse, ut contusionem aut luxationem inferre valeat, nonnè apertè percipimus quòd vis percussiva malleoli licet major quantocúmque excessu illam superans supponatur possit plane destrui, antequàm eandem contusionem, & luxationem efficere valeat? ergò mirum non est ab ictu non valde celeri exigui malleoli minorem contusionem effici quàm à compressione ingentis ponderis.

flexibilitate ac mollitie partium animalis, & proinde parum lædit.

Vis ponderis semper æquilibrari debet, & ideo contusionem efficere valet.

Sed præterea alia est longè diversa causa hallucinationis, quia nempe non manemus in assumpta hypothesi, supponimus enim saxum ingens applicari & superponi posse super animalis dorsum absque ullo impetu in omnimoda quiete constituto, hoc autem impossibile esse evidentè constat, finge enim quantacúmque solertiâ & dexteritate ingentem saxum applicari & imponi dorso animalis, profectò evitari non potest compressio, & constrictio partium ejusdem saxi, cum in natura reperiri nequeat corpus omninò durum & consistens, sed insuper ob flexibilitatem artuum & mollietatem carnis, tendinum cutis & pinguedinis aliqua cessio & constrictio eorundem fieri debet, sed percipi non potest cessio aut constrictio carniū absque motu locali comprimentis corporis incumbētis, igitur non applicatur lapidea moles ponderosa iners & quiescens sed motu aliquò affecta, scilicet cum aliquo impetu; componitur verò vis compressiva nedum ex impetu intensivo, sed etiam ex mole corporea in qua extensivè impetus propagatur, & siquidem ut facile contingere potest impetus quò ingens saxum applicatur ad impetum malleoli majorem proportionem habuerint, quam reciproce moles mallei ad ingentem molem incumbētis saxi, necessarìò ejus vis compressiva major erit compressiva vi malleoli, & ideo illa contusionem luxationem & reliquas noxas animali inferet, non autem ictus malleoli, & hoc præcipuè nobis imponit, manet igitur.

Sed præcipua causa hallucinationis est, quia ingens pondus nunquam in quiete, sed cum aliquo motu animalis dorsum premit, & ideo cum aliquo impetu quare quodammodo percussione efficitur.

tur inconcussa veritas & certitudo nostræ propositionis, in qua demonstravimus energiam impetus & percussioneis majorem esse vi compressiva cujuslibet vasti corporis gravis quiescentis & omnino impetu locali privati.

De Corporum tremore.

CAPUT XXX.

Frequentissima operatio à percussione pendens est undulatio & tremor, qui in corporibus efficitur, alibi enim de tremore animalium agemus, qui profectò non differt ab illa oscillatione quæ in fune-pendulis observatur igitur ut tremoris natura ritè percipiat, ut pendenda est operatio fune-penduli, quæ omnino tremori assimilatur.

PROPOSITIO XCI.

Causa vibrationis fune-penduli ostenditur.

Tab. III.
Fig. 7^a.

Sit igitur fune-pendulum A-B clavo A alligatum, patet in situ perpendiculari ad horizontem id ipsum spontè quiescere, propterea quòd naturalis nifus corporis gravis B propellendo via brevissima versùs centrum telluris ipsum dirigit per rectam lineam A B ad horizontem perpendicularem, sic enim propius accedit ad centrum terræ quò naturali instinctu tendit, cùmque à virtute contraria tenacitatis fili retineatur prohibeaturque ejus descensus, fit, ut in tali situ perpendiculari pendulum quiescat, igitur in tali situ æquilibrii & quietis pendulo B constituto superveniat vis percussiva, quæ ipsum horizontalitèr impellat versùs C, patet à virtute impulsus corpus æquilibratum B propelli debere uniformi & æquabili motu, at fili tenacitas cogit excursionem fieri non per horizontalem lineam, sed ascendendo per arcum circuli B C radio A B descripti, in ipso verò ascensu naturalis gravitas deorsùm pellendo continenter impetum impressum debilitat quousque in supremo

in termino ascensus C omnino extingatur, deletò verò impetu impressio remanet pila in C sui juris, proindeque naturali vi descendit eò modò quò potest per arcum CB, quandoquidem fili tenacitas prohibet excursum perpendicularem ad horizontem, cùmque descensus à C versùs B fiat motu acceleratò, ut gravitatis natura exigit, igitur continenter acquirit novos gradus impetus, & cum hisce omnibus permanentibus perducitur ad infimum situm B, ubi sponte suà quiesceret, si impetu transversali privatus esset, at quia afficitur impetu in descensu præconcepto non consistit in situ B, sed ulterius pelletur per æqualem arcum BD & eòdem tempore, & denuò eadè ratione ex D decidit versùs B, & hinc ascendit versùs C, & sic repetet itus ac reditus æquitoraneos quousque impedimenta externa successive excursions retardando impetum omnino extinguant.

Altera penduli proprietates animadvertenda in casu nostro hæc est.

PROPOSITIO XCII.

Si fuerint duo pendula inæqualia, tempora oscillationum sunt in proportionem subduplicata longitudinum eorundem pendulorum.

Sint duo pendula inæqualia AB & EF, ostendendum est tempus vibrationis ipsius AB per arcum CD ad tempus oscillationis penduli EF per arcum GH similem ipsi CD subduplicatam proportionem habere radii AB ad EF, ita ut si fiat AI media proportionalis inter AB & EF, ponaturque AB tempus oscillationis per arcum CD, erit AI tempus oscillationis per arcum GH, quia ut radius AB ad EF ita est arcus CD ad ei similem GH, seu eorum semisses GB ad GF, suntque CB & GF spatia quæ motu locali transiguntur ab iisdem pendulis corporibus B & F, igitur spatia transacta ab iisdem pendulis B & F eandem proportionem habent quam radii AB & EF, sed spatia motu locali uniformiter acceleratò transacta duplicatam proportionem habent temporum, quibus prædicta spatia transiguntur, igitur tempora, quibus excurruntur arcus CB & GF subduplicatam proportionem habebunt ejus quam radii AB & EF habent, proindeque erunt inter se ut AB ad AI, ponitur verò AB tempus oscillationis penduli

Tab. IV.
Fig. 76.

Prop. 81.

Y

duli

culi B per arcum CB, ergò A I erit tempus vibrationis pendulæ EF per arcum GF, quod propositum fuerat.

Patet igitur quòd nullâ aliâ ratione potest motus oscillationis citius & frequentius fieri quam diminuendo longitudinem ipsius penduli, oportet ergò ut frequentissimæ illæ vibrationes quæ in tremore percipiuntur fiant à pendulis exilissimæ longitudinis.

PROPOSITIO XCIII.

Virga flexibilis parieti affixa & percussa adinstar funependuli efficit vibrationes hinc inde.

Tab. IV.

De. 77.

His declaratis sit virga flexilis ABC solo vel parieti AC affixa, hæc quidem sponte sua quiescet in situ perpendiculari super planum AC, quandoquidem æquilibratur hinc inde ab uniformi connexionne partium æquæ resistentium; superveniat postea percussio lateralis, à qua pellatur ejus extremitas B usque ad D, patet virgam curvari, ut nimirum ejus superficies BC fiat convexa, opposita verò superficies AB efficiatur concava, quia verò axis internedius permanet ejusdem longitudinis sit, ut exterior convexa BC amplior & longior fiat, & è contrà opposita BA decurtetur, quare necesse est ut partes superficiei BC ab invicem dilatentur, & è contrà partes AB strictius uniantur & constipentur; cumque naturalis dispositio partium virgæ exigat uniformem & mediocrem constitutionem quam in situ directo habebat; igitur resistent violentiæ quæ illam dilatantur, hæc verò contra naturæ exigentiam stringuntur, ex quo fit, ut partes B C nitantur sese ad naturalem restrictionem reducere, & partes B A nitantur se ad pristinam dilatationem restituere, hoc autem effici non potest nisi virga redeat ad primævam ejus rectitudinem; igitur à situ inflexo AD nituntur partes ipsius virgæ versus AB sese restituere, cum aliundè impetus percussionis præcedentis extinctus sit à continuata resistentia virgæ dum flectebatur versus D, demum quia in motu reditus à D usque ad B acquiritur novus impetus, cum motus impulsivus partium virgæ dum impellitur versus B ex sui natura indelebilis sit, sicuti impetus quilibet projectivus, igitur quando virga ad situm directum perducitur in B imbuta est impetu acquisito ex præcedenti motu DB, igitur virga non consistet, sed

Cap. 9.

sed impelletur à prædicto impetu impresso tantundem usque ad E quousque impetus ille extinguatur, & tunc prævalet denuò vis repulsiva partium flexarum, & idèd denuò repellitur versùs B, nec ibi quiescet propter impetum acquisitum in motu E B, sed ulterius excurrer versùs D, & sic continenter repetentur plures itus ac reditus eà velocitate ac frequentia, quæ longitudini ejusdem virgæ convenit; & hic animadvertendum est virgam A B nedum vicem penduli, sed etiam proprietatem habere.

PROPOSITIO XCIV.

Armilla flexibilis & resiliens percussa pariter adinstar fune-penduli efficiet plures compressiones & dilatationes.

Sit postea circulus ligneus, vel ferreus A B C D cujus termini è diametro oppositi A & C comprimantur à quacunque vi percussiva: manifestum est diametrum A C imminui, & reliquum B D ipsi perpendicularem elongari, tunc extincto impetu à vi, qua partes oppositæ A C nituntur se dilatare, & reliquæ B D nituntur se restringere juxta naturalem pristinam earum dispositionem fit, ut in regressu, quando partes A C se dilatant & B D stringuntur, hujusmodi nîsus imprimant novos gradus impetus, quibus neque diameter A C neque B D sistitur in naturali & pristina constitutione, sed ulterius promoventur, ita ut diameter A C ab impetu impresso multo magis dilatetur, & è contra B D violentèr stringatur ultra terminum naturalis constitutionis: & hic denuò eadem ratione resiliendo efficientur plures itus ac reditus eà velocitate ac frequentia, quæ competit amplitudini circuli A B C.

Tab. IV.
Fig. 78.

PROPOSITIO XCV.

Esti eadem armilla à pondere compressa insuper percutiatur similiter adinstar penduli efficiet plures itus ac reditus sursum, & deorsum.

Intelligatur postea corpus grave D superpositum circulo ferreo A B C E, qui fulciatur à solo stabili R S, patet circulum comprimi à pondere D quousque factò æquilibriò ponderis D & resistentiæ

Tab. IV.
Fig. 79.

tix circuli subiecti quies fiat, æquatis nimirum viribus contrariis; & tunc profectò neque grave D ullam gravitatis energiam habebit nec circulus A B E poterit resiliendo repellere corpus comprimens; existentibus igitur æquilibratis hisce corporibus superveniat percussio in F cujuslibet corporis quantocúmque impetu agitati, proculdubio vis percussionis factæ supra corpora æquilibrata & propterea indifferentia superabit resistentiam circuli subiecti & propterea multò magis inflectetur coangustabiturque diameter circuli A C, & in actu resistentiæ extinguitur impetus illius percussionis, sed interim in motu novæ constrictionis diametri A C acquiritur novus impetus, quo nimirum corpus D atque circulus descendunt infra æquilibrium pristinum quousque novus impetus extingatur, & tunc prævalente energiâ resistentiæ circuli deponò dilatabitur repellendo sursùm grave D, atque in hujusmodi motu præterea acquiritur novus impetus, quo ultra terminum æquilibrii pristini sursùm propellitur; hinc sequitur ut denuò grave D suspensum decidendo repetat eandem excursionem, & sic multoties repetitis oscillationibus fiet undulatio eâ celeritate ac frequentia, quæ competit altitudi-
ni circuli prædicti.

PROPOSITIO XCVI.

Si verò intra fistulam apponantur innumeri circelli flexibiles, lamina, virge, & alia machinula, quæ ab incumbente pondere & novâ percussione comprimantur, paritèr efficiuntur plures itus ac reditus sursùm, & deorsùm adinstar penduli.

Tab. IV.
Fig. 80. Ultimo locò intelligatur fistula durissima A B C D, intra cujus
cavitatem apponantur innumeri circelli flexibiles, laminæ, virgæ,
& alia consimiles machinulæ E, hisque omnibus superponatur oper-
culum F G grave atque durum, quod commoveri & agitari possit
sursùm atque deorsùm, constat primò à pondere F G comprimi
aliquantulum machinulas E quousque æquilibrium efficiatur inter
earum resistentiam & pondus F G; tunc superveniat percussio in
H, profectò superabitur machinularum E resistentia, quæ æqui-
librata fuerat, & ideo multo magis comprimuntur, & interim sua
resistentia extinguunt impetum illum percussivum, igitur necesse
est

est ut major vis resistentiæ machinularum E ultra æquilibrii leges compressarum repellat sursum grave F G, & eadem ratione repetentur descensus, & ascensus multoties adinstar penduli ut dictum est; & quia machinulæ E sunt exilissimæ, idèd frequentissimas & citissimas resiliiones efficient; & hæc est illa oscillatio, quæ tremoris corporum propria est.

PROPOSITIO XCVII.

Quodlibet corpus concretum esse velut acervum earundem machinularum, & proinde à percussione efficientur innumera compressiones, dilataciones, quæ tremorem faciunt.

Concipi modò debet quodlibet corpus concretum esse acervum earundem machinularum E, quæ non omninò discretæ ab invicem sint, sed aliquâ ex parte simul colliguntur & vinciantur, & nihilominus possint compressionem pati ac se denuò dilatare, igitur acervus machinularum E corporearum à proprio & nativo pondere & ab alio superaddito comprimi potest, hinc fit ut percussio perpendicularitèr undè extremò hujus aggregati stringantur & constipentur machinulæ E, indè sequatur earum dilatio & alia constructio continenter, & frequentissimè, & sic fiat tremor resiliionis; si verò percussio lateralitèr insigatur ut in columna alicubi sulcata vel parieti affixa pariter ejus internæ machinulæ E stringuntur ex una parte, & dilatantur ex altera, undè efficitur tremor frequens vel tardus pro majori vel minori distantia columnæ à sulcimento, seu loco affixionis ejus.

Hinc patet, quare cuilibet turris, vastum ædificium, aut mons marmoreus à qualibet percussione concussus tremorem efficiat, quia nimirum hujusmodi corpora non sunt omninò dura, sed sunt congeries machinularum non omni ex parte coherentium, ac proinde aliquantispèr constringi dilatarique possunt, estque aliundè tota moles æquilibrata pondere proprio, igitur cuilibet impulsui percussivo cedere potest, scilicet ejus machinulæ internæ aliquantispèr constipari possunt & denuò dilatari, undè tremor necessario consequi debet.

*Accuratio inquisitio Causæ tremorem
efficientis.*

CAPUT XXXI.

Supposuimus in præcedenti corpora omnia concreta, quæ dura & rigida censentur, constari ex innumeris particulis flexibilibus, quarum aliquæ vectis officium explent, aliz cunei, aliquæ ad modum laminæ extensæ sunt, aliz vero veluti armillæ circumflectuntur, & hæ non sunt omniquæque connexæ & colligatæ, sed intercipiunt innumeras porositates & spatiola, in quibus stringi & flecti possunt, & inde ad modum machinæ resilire, & hinc sequitur compressio & subinde dilatatio, quæ in eorum tremore evidentissime observatur, & causa initium tremoris efficiens proculdubio est vis, & energia percussionis, quæ cum superet quancumque immensam resistantiam corporis quiescentis, necessario primam agitationem aut compressionem ejus efficiet, at arduum omnino est ac difficile assignare causam efficientem resiliitionis & regressus ejusdem vastæ molis tremantis, quandoquidem licet machinulæ rupem aut montem componentes comprimi possint à vi percussionis, non videntur habere posse immensam vim motivam qua contrariò motu repellere possint eandem ingentem montis molem, quod ut perspicue declaretur, demonstrabimus primo loco.

Causa initium tremoris efficiens est energia percussionis, at non æque facile assignari potest efficiens causa resiliitionis vastæ molis tremantis.

PROPOSITIO XCVIII.

Si fuerint plures armilla flexibiles ac resiliennes aequalis roboris, atque idem pondus comprimat modo unicam armillam modo plures horizontaliter supra planum dispositas, compressio quam patitur singularis armilla ad eam quam patitur unaquaque ex eis, quae simul idem pondus sustinent, eandem proportionem habebit quam reciproce omnes conjunctim operantes armilla ad illam singularem.

Sint quotcūque armillae aequales ejusdemque roboris, scilicet Tab. IV.
 verbi gratia, A B, C D, E F, G H, quae fulciantur ab eodem plano firmo V X, & primo idem pondus R comprimat tres priores armillas A B, C D, E F horizontaliter coextensas, & æquidistantes, secundo comprimat singularem armillam G H, Fig. 81.
 Dico compressionem, quam patitur armilla G H ad eam compressionem quam patitur unaquaque ex conjunctis armillis A B vel C D, aut E F eandem proportionem habere quam multitudinem armillarum conjunctim resistentium ponderi R ad singularem armillam G H; quoniam armillae A B, C D, E F supponuntur, æquales æque distae & æque robustae & hæc omnes à contraria potentia R comprimuntur, ergo æque ei resistunt, quare universa potentia ipsius R non exercetur contra unam tantummodo ex prædictis armillis, sed contra omnes, igitur pondus ipsius R intelligi debet in totidem partes divisum quot sunt armillae ipsum sustentantes, & unaquaque ex prædictis partibus ponderis ab unica armilla sustinetur, quapropter si fuerint tres armillae, quolibet earum A B tertiam partem ponderis R sustinet, proindeque comprimitur non ab integro pondere R, sed à tertia ejus parte; è contra armilla singularis G H comprimitur ab integro pondere R ei superposito, quare compressio quam patitur armilla G H tripla erit compressionis ipsius A B prout multitudo armillarum conjunctim resistentium tripla est singularis armillae G H, idemque dicendum est de qualibet alia armillarum multitudine, quare patet propositum.

PRO-

PROPOSITIO XCIX.

Si idem positus si idem pondus comprimens ab aliquo externo corpore aequali energia percutiatur ulterius comprimuntur eadem proportionē reciproca multitudinis armillarum, & insuper resilitio singularis armilla tam multiplex erit resilitiois cujuslibet conjunctarum quam reciproce illa multiplices sunt hujus.

Fig. ca-
scm.

Prop. 98.

Si idem suppositis percutiatur idem corpus sustentatum R ab eodem corpore Z & eodem impetu; manifestum est quod eadem percussio Z æquivaleret ponderi superaddito, cumque duæ percussiones Z Z æquæ validæ supponantur, perinde comprimunt armillas subjectas ac si ponderibus æqualibus RR superponerentur duo alia æqualia pondera Z Z, quare nova compressio facta in armilla GH tam multiplex erit novæ compressionis factæ in qualibet ex conjunctis armillis AB quam multiplices sunt armillæ conjunctim operantes armillæ singularis GH, postmodum quia omnes armillæ supponuntur æqualis roboris, igitur energiz qua post compressionem resiliere possunt, sunt æquales inter se, & quod magis armilla GH compressa est quam quælibet ex conjunctis AB, eo validius & altius resiliet, & quoniam post percussione impetus Z Z extinguuntur, poterunt armillæ resiliere juxta mensuram earum compressionum, & inflexionum repellendo residua pondera RR, quare necesse est ut armilla GH efficiat prolixiorem reflexionem & propulsione ponderis R quam quælibet ex conjunctis armillis AB præcisè ea mensura reciproce, qua armillæ conjunctæ multiplices sunt singularis armillæ.

Sed longe diversâ ratione hæc armillæ comprimuntur ac resiliunt, quando una super alteram incumbens omnes ab eodem pondere comprimuntur.

PROPOSITIO C.

Si plures armilla flexibiles ac resiliētes, sed æqualis roboris sibi perpendiculariter incumbentes comprimantur ab eodem corpore gravi; qualibet

qualibet earum eandem compressionem patitur quam idem pondus efficeret, si tantummodo unicam armillam comprimeret.

Sint plures armillæ ferreæ, verbi gratia A B, C D, E F, G H Tab. IV.
F. 82.
ejusdem roboris fulcæ à plano V X omnino duro & inflexibili, intelliganturque armillæ nullius ponderis, & tum prioribus perpendiculariter sibi incumbentes cum postremæ superponantur corpora gravia R, R æqualia inter se, proculdubio omnes prædictæ armillæ inflectentur comprimunturque, dico quod quælibet earum æque comprimitur ac singularis armilla G H ab eodem corpore superincumbente R, quoniam à pondere superincumbente R comprimitur ac stringitur nedum armilla A B, sed etiam subsequentes omnes, sit ut infimus terminus B supremæ armillæ A B fulciatur à supremo termino C subsequenti armillæ C D illi resistendo tanta validitate ac resistit planum stabile V X, eo quod terminus C armillæ C D sua quiete & firmitudine officium supplet plani stabilis & firmi, ac proinde vis compressiva ponderis R æque agit contra resistantiam armillæ A B ac si immediate à plano V X fulciretur, pari ratione subsequens armilla C D fulcitur à termino E subsequenti armillæ E F pariter quiescente, & superius comprimitur à pondere R, igitur æquè comprimitur fulciturque ac armilla A B, postremo armilla E F fulcitur à solo stabili V X & comprimitur in E ab eodem pondere R, igitur æquè flectitur (cum superiores armillæ supponantur nullius ponderis) igitur manifestum est, quod quælibet earum æque flectitur ac si reliquæ armillæ non adessent, & proinde æque flectitur ac armilla G H.

Animadvertendum tamen est, quod licet plures armillæ æque ab eodem pondere flectantur ac si unica earum à prædicto pondere comprimeretur, nihilominus depressio ponderis R major est eâ depressione, quæ efficeretur in casu superpositionis super unicam & singularem armillam, scilicet tam multiplex esset illa hujus depressionis quam omnes armillæ multiplices sunt singularis armillæ.

P R O P O S I T I O C I

Isdem positis si idem pondus comprimens ab aliquo externo corpore percutiatur ulterius; omnes armillæ æquè comprimuntur, & insuper

Z

qualibet

qualibet earum aequali vi resiliendo repellat sursum pondus comprimens ac repelleret unica singularis armilla ab eadem percussione inflexa.

Fig. eadem.

prop. 100.

Si idem positis superveniat percussio in ZZ ejusdem energiae, patet à vi hujus percussione non secus ac à novo pondere ulterius comprimi ac flecti omnes armillas, eruntque praedictae novae flexiones aequales tum inter se tum ei, quae efficeretur super unica armilla GH compressa & percussa ab iisdem potentiis (quod ostendetur eadem ratione, qua supra usi sumus) & quia omnes armillae supponuntur similes & aequalis roboris, & ideo aequae resiliences, igitur postquam energia percussione extincta est, qualibet earum aequali vi resiliendo repellat sursum corpus premens R; & quia dilatatio seu resilitio armillae AB fit contra duplicem potentiam utrinque eam comprimentem, scilicet contra obstaculum termini C inferioris armillae CD, & contra pondus R, & terminus C subjectae armillae dum aequali energia sursum repellit terminum B superstantis armillae officium soli stabilis VX supplet, eo quod duae vires contrariae C & B sibi mutuò impellentes se mutuò non superant cum sint inter se aequales, ergo armilla AB, dum dilatatur tantummodò repellit corpus comprimens R, quod elevatur non secus ac ab armilla singulari GH, quousque consumpto excessu potentiae armillae resiliens supra potentiam ponderis R fiat potentiarum aequilibrium, eadem ratione subsequens armilla CD dum nititur se dilatare propellit sursum terminum B superioris armillae, & deorsum terminum E subterpositae, quia vero utrinque à contrariis viribus sibi aequalibus E & B stringitur, fit ut terminus E suppleat munus plani subjecti quiescentis VX, & propterea propellat sursum terminum B, qui cum minime propelli possit nisi tota armilla AB expellatur unà cum superincumbente pondere R, ergò armilla CD, quae aequè compressa fuerat & ideo aequali energia resilit ac armilla AB, tantumdem pondus R elevabit antequàm potentiarum aequilibrium fiat, at spatium, quò pondus R elevatur, mensurabitur ab utraque dilatatione, scilicet ipsius AB atque CD, idem dicendum est de dilatatione & resilitione postremae armillae EF, quare patet, quod qualibet earum aequali energia resistentiam R superat eamque repellit non minus quam facit armilla singularis GH.

Hinc

Hinc patet, quam diversa sit operatio armillarum sibi incumbentium, ab ea quam efficiunt eadem armillæ horizontalitèr idem pondus sustinentes, in primo enim casu pondus comprimens R æquè validè sustinetur ac repellitur in reflexione ab unica armilla tantummodò ac innumeris mutuo se comprimentibus, nec quia plures armillæ sunt simul operantes contra eandem resistentiam corporis R propterea minuitur aut subdividitur conatus earum, sed eòdem molimine agunt & operantur ac si unica singularis armilla operaretur, quod profectò paradoxum censeretur, nisi ab adducta demonstratione persuasi fuisset.

Hic paritèr notandum est, quòd multitudo armillarum sibi incumbentium perpendicularitèr non efficit validiorem repulsionem ponderis R, sed tantummodò prolixius altius & celerius ipsum propellit, prout multiplicantur armillæ ipsæ.

P R O P O S I T I O C I I.

Quodlibet vastum pondus, cum sit veluti aggregatum ex innumeris armillis compressibilibus, & resilientibus, comprimetur quidem à percussione adveniente, & postea sponte dilatabitur sublevabiturque à robore, & consistentia infimarum armillarum.

His declaratis concipiatur aggregatum ex armillis A B, C D & E F unà cum pondere superposito R esse columnam vel rupem vel quodlibet aliud corpus concretum, quod compressionem ac resiliitionem patiatur, hujusmodi moles percutiatur in Z ab aliquo externo corpore, ut nimirum omnes armillæ sibi incumbentes comprimantur & inflectantur, extinctò verò impetu percussione manifestum est, quòd infima armilla E F tanta energia dilatari & resilire debet, ut sit sufficiens ad repellendam universam molem superincumbentem R D, hoc autem videtur absurdum & incredibile, ut nimirum vis, robur, & consistentia, quæ infima armilla E F se dilatando resilire potest, propellere valeat vastissimam molem R D, quandoquidem tanta durities & vis repulsiva requiritur, quanta præcisè est energia gravitatis totius montis prementis, hoc autem licet incredibile videatur, tamen negari non potest, nisi ipsam experientiam & demonstrationem negare velimus, nam quælibet va-

Fig. eadem.

Robur, & consistentia infimarum partium vastæ columnæ post percussione impellere valet universum

pondus
incum-
bens quod
experi-
mento
compro-
batur,
cum ea-
dem mo-
des percus-
sa tremo-
re agite-
tur, ac
proinde
vim habet
repellendi
pondus
totius co-
lumnæ.

Nec ob-
stat exi-
guitas in-
firmarum
machinu-
larum re-
pellen-
tium cum
pateat in
aere con-
similis vis
resilitio-
nis quan-
do fistulas
æneas dis-
rumpit
cujus vis
superat
aliquot
millia li-
brarum,
licet ejus
operatio
efficiatur
a robore
extima-
rum ma-
chinula-
rum ac-
cum in-
clisum
compo-
nentium.

Id ipsum
in cata-
pulis
pneuma-
ticis expe-
rimur.

Ita moles dura & percussa tremorem & agitationem patitur, minime
verò concipi potest tremor cujuslibet corporis absque frequentissima
compressione & sui dilatatione aut laterali vel perpendiculari, & tunc
necessariò admitti debent itus & reditus, scilicet depressiones &
sublevationes ejusdem vasti ponderis, qui cum sint motus contra-
rii, necessariò à contrariis impulsionebus fieri debent, cumque
excogitari non possit aliud extrinsecum impellens fursum, neces-
sariò recurrendum est ad illam vim & energiam, quâ corpora fle-
xibilia resiliunt, nec obstat exiguitas machinæ propellentis, cum
evidentissimè pateat in ipso aëre, qui aliundè nullam consistentiam
habere videtur, non dissimilis vis & energia resilitiois, videmus
enim in fistulis metallicis aquaductuum valde consistentibus ac duris
aërem in eis coacervatum tantâ vi dilatari, ut prædictæ fistulæ me-
tallicæ disrumpantur & dissiliant, & profectò si quis eandem metal-
licam fistulam à vi ponderis incumbentis adhibito nimirum cuneò
disrumpere tentet, non sufficerent aliqua librarum millena, igitur
energia, qua ibidem aër se dilatando vim facit, superat vim
ponderis tot millium librarum, & profectò stupenda hujusmodi
operatio esse videtur, quandoquidem licet tota aëris substan-
tia componatur ex spiris seu machinulis resilientibus, tamen
operatio resilitiois, qua fistulam æneam disrumpit, mensurari non
debet à tota mole aëris ibidem inclusa, & constricta, scilicet tam
potens & valide disruptio efficitur à robore, duritie & rigiditate
extimarum machinularum aërem componentium dum resiliunt,
quæ immediatè internam fistulæ superficiem impellunt, reliquæ
enim aëris particulæ non augent vim & energiam resilitiois, sed
velocitatem tantummodò ut ostensum est, quandoquidem omnes
machinæ sibi incumbentes æqualem vim resilitiois faciunt ac exer-
cet subtilissima illa pleura particularum aëris, quæ quidem subti-
lior est quacumque papirò, itaque fistula illa ænea cujus resistentia
superat vim tot millium librarum superatur disrumpiturque à robore
pleuræ illius aëreæ resilientis quacumque papirò subtilioris, quod
profectò admirabile & incredibile quisque existimaret.

Id ipsum experimur in catapulta pneumatica nupèr inventa, à
qua pila ferrea tanta vi ejicitur, ut tabulam mediocris latitudinis te-
rebret, quòd si quis pondere superposito tentet eandem tabulam
eadem pilâ perforare, forsitan non sufficient aliqua librarum millena,
igitur

igitur aer compressus in eadem catapulta tanta vi resiliendo se dilatat, ut vim prædicti immensi ponderis adæquet, idemque proculdubio incumbens impelleret sublevaretque, & hic pariter notandum est quod non tota moles aeris ibi inclusa metitur vim hujus operationis, sed tantummodò subtilissima ejus pleura, quæ pondus immediate contingit atque propellit, æquè enim impelleretur ab eadem subtilissima membrana aeris quam à tota massa ibi inclusa ut dictum est, nec tamen dubitandum est in solidiori catapulta à majori vi compressivâ multò magis ibidem aerem comprimi potuisse & proinde multò major censerì potest vis, qua resiliendo sese dilatasset.

Sed hujusmodi exempla licet veritatem effectus ostendant, non tamen ejus causam docent; latet enim semper causa efficiens resili-
 tionis cujuslibet machinæ flexibilis, hujus verò verisimilem causam
 Gassendus se reperiisse suadet, putat enim reflexionem esse continua-
 tionem ejusdem motus projectionis, veluti cum pila vehementer
 projicitur supra parietem, ea retrorsum reflectitur, atque hujus mo-
 tus causa eadem est ac vis à projiciente communicata, quæ in ipso
 ocurso in parietem non exstinguitur, sed tantummodò commuta-
 to itinere retrorsum regreditur, sic quoque putat cum flectitur vir-
 ga, tunc impelli àt fibras transversales virgæ, quæ vetus officium
 suppleant, & postea cum virga resilit, easdem fibras motu reflexi-
 vò regredi non secus ac contingit in pila post percussione[m] supra
 parietem factam; sed hoc pace tanti viri videtur omninò impossi-
 bile, quia motus cujuslibet projecti semel extinctus sponte sua non
 reviviscit, sed motus ille impressus in prædictis fibris transversali-
 bus virgæ omninò exstinguitur quotiescumque in termino ejus in-
 flexionis quies inferatur, scilicet ibidem per aliquod tempus virga
 sistatur, tunc proculdubio impetus præcedens omninò extinctus
 censerì debet: sicuti pila post percussione[m] in ipso contactu parietis
 si aliquantisper fixè ibidem retineretur in quiete profectò extinctò
 impetu incidentiæ nullam reflexionem efficeret, igitur simili mo-
 dò in virga extincto per quietem subsequente[m] impetu incidentiæ
 nullò pacto fibræ transversales ejus & proinde ipsa virga resilire de-
 beret, hoc autem est falsum & contra sensus evidentiam, igitur re-
 silio virgæ non efficitur ab eodem impetu projectionis, quò trans-
 versales fibræ inflexæ fuerant.

Desidera-
 tur tamen
 cognitio
 causæ effi-
 cientis re-
 silitionis
 machinæ
 flexibilis.

Non vi-
 detur suf-
 ficiens
 causa resi-
 litionis
 quæ a
 Gassendo
 excogitata
 fuit.

Non sic contingit in fune pendulo, quod licet motu impulsivò feratur ultra perpendicularum & ibidem impetus proiecitus extingatur, tamen semper viget interna & naturalis ejus facultas gravitatis, quâ denuò regredi versùs infimum perpendiculari situm & reflexionem efficere potest, quod non efficeret, si hujusmodi naturali vi motivâ careret. Idem observamus in libra illa versoria horologii, quæ facta semivertigine horizontali minimè retrorsum reflecteretur, nisi adesset vis motiva machinæ aut ponderis prementis, quâ retrorsum perducitur.

Sic pariter immersò ligneò cuneò intra aquam, licet ibidem aliquantispèr sistatur, tamen à vi nativa gravitatis aquæ cuneus expellitur, undè ejus vibratio consequitur; at si idem cuneus horizontali motu inter globulos super mensam jacentes infinuaretur, patet quòd post cunei quietem globuli pariter quiescentes non repellerent cuneum neque vibrationem efficerent, quia nimirum eorum impetus extinctus esset, nec adesset alia vis motiva, quæ contrariam repulsionem efficere posset.

Cùm igitur aliâ longè diversâ ratione corpora flexibilia reflectantur ab ea quam Galendus excogitavit, videamus an verisimiliorem hujus effectus causam reperire possimus.

Sed prius pendenda est operatio ipsa inflexionis, seu quid potissimum inflexio in ipsis corporibus producat; & primò notum est corpora mollia & cedentia, ut cera, plumbum & alia hujus generis, contorqueri & flecti non minus quàm corpora resilientia, ut lamina vitrea vel chalybea, sed constat quòque mollia corpora non resilire, scilicet post inflexionem non reduci sponte suâ ad pristinam rectitudinem, sed retinere curvaturam acquisitam; & quoniam intelligi non potest flexio alicuius corporis absque partium motu & transpositione, ut scilicet aliquæ ab invicem separentur secundum totum aut ex parte, aliæ verò uniantur, & strictius se amplexentur, videndum ergò est quomodo partes mollium corporum in actu inflexionis transportentur, & quânam ratione mutant situm in corporibus resilientibus.

PROPOSITIO CIII.

*In lamina plumbea inflexa ejus partes transpositionem patiuntur,
& propterea ad pristinam rectitudinem non redit.*

Intelligatur lamina plumbea cujus crassities vel sectio perpendicularis ad ejus superficiem sit $ABCE$ comprehensa à superficiebus æquidistantibus BC & EF bifariam secta à plano imaginario per rectam AD ducto, manifestum est ob similitudinem plumbi naturam in spatiis æqualibus $ABCD$, & AED contineri æquales moles corporeas æque constipatas, uniformi spissitudine & configuratione dispositas, ac proinde particule plumbeæ $IGHK$ æquales erunt particulis $ILMK$; inflectatur postea eadem lamina à potentia compressiva X , ut nimirum acquirat curvam dispositionem $NCEP$, ejusque axis AD intermedius traducetur in DRO , qui æqualis erit longitudini AD , at convexa superficies NSC major effecta erit quam OD seu BC , è contra concava superficies PQE imminuta erit, & proinde spatium corporeum $PODE$ minus erit medietate totius laminæ, atque moles corporea $ONCD$ major eadem medietate erit, cumque post inflexionem partes laminæ ejusdem densitatis uniformis remaneant, sintque pariter homogeneæ, ergò necesse est, ut aliquæ particule plumbeæ ex situ QR expressæ & translatae sint ultra axim in situ RS , atque ex hujusmodi partium migratione & transpositione sequitur perseverantia curvatis, quandoquidem sublata, & amota potentia premente X non refilit lamina nec regreditur ad priorem rectitudinem, quia nimirum facta est totalis illa partium translatio earumque ordinata dispositio efficiens consistentiam similem & homogeneam ei, quæ in directa lamina inerat.

Tab. IV.
Fig. 83.

PROPOSITIO CIV.

In lamina vitrea inflexa porositates versus partem convexam ampliores sunt, opposita verò ad partes concavitate coangustantur, sed licet partes solida situm omnino non mutant, ut in plumbo

con-

contingit, tamen partialis aliqua agitatio & transpositio admitti debet,

Fig. ca-
dem.

Repræsentet postea eadem sectio B C E F crassitiem laminæ vitreæ vel chalybeæ fixæ retentæ vel firmatæ in C E, sintque pariter oppositæ superficies B C & F E æquidistantes, & æquè remotæ ab intermedio axe A D, inflectatur jam lamina à pondere X quousque curvitatē N C E P acquirat, erit denuò axis O D æqualis eidem A D, sed superficies convexa N S C major facta erit quàm B C, & è contra concava P Q E imminuta erit, undè spatium O P E D minus erit medietate spatii totius laminæ, & multò minus spatio N C D O, non tamen ut in molibus corporibus imminuta erit substantia corporea O D E P, neque opposita penitus aucta, sed permanet eadem quam prius, scilicet tantundem molis corporeæ existit in semilamina curva O D E P quàm in semilamina recta A D E F, sed solummodò restrictionem, & constipationem aliquam passa est, scilicet ejus porositates Q R diminutæ & restrictæ sunt, è contra sub majori mole O N C D continetur præcisè altera medietas totius laminæ A B C D, sed magis rarefacta & dilatata, scilicet ejus porositates R S crescunt atque ingentiores ampullulas constituunt, & quia porositates vitri chalybis aut cujuslibet concreti corporis duri non solummodò bullæ sphericæ sunt, sed etiam oblongæ diversimodè incurvatæ variarumque figurarum, nec sunt undique clausæ, & obstructæ, sed miris modis perforatæ; hinc fit, ut in parte convexa laminæ inflexæ R S bullæ & foraminula amplientur juxta exigentiam earum figurarum, è contra ad partes concavitatis R Q foraminula diversimodè stringantur & quam plurima ostiola omninò claudantur, non igitur censendum est partes solidas & plenas Q R migrasse ad locum R S, sed in eòdem situ permanisse; idemque dicendum de partibus solidis ac plenis R S, sed non proinde omnino immotæ eandem situationem retinentes prædictæ solidæ & plenæ partes concipi possunt, quandoquidem aliqua partialis agitatio & transpositio solidarum particularum admitti debet, sine qua restrictio & amplificatio pororum effici non posset; in his enim particulæ solidæ una super aliam excurrendo, & fluendo spatia pororum constrin-

gere,

Partes so-
lidæ cor-
porum
flexibili-
um ne-
cessario
aliquam
transposi-

gere; & ampliare possunt, si enim omninò fixæ & quiescentes supponerentur, proculdubio capacitates pororum neque augeri neque minui possent; ut verò hujusmodi agitatiunculæ percipiuntur inspicienda est bullarum aquearum inflatio, quæ à pueris fieri solet, ibi enim statu immisso intra aquæ guttulam videmus eam ad ingentem magnitudinem redigi, sed non sine aquæ expansione in majorem ambitum dum bullæ parietes aquæ expansione in majorem ambitum dum bullæ parietes aquæ ad insignem gracilitatem reducuntur, quod fieri non posset, si minimæ aquæ particulæ nullatenus locum commutarent, hoc autem evidentissimò experimentò confirmari potest, si scilicet bulla aquea leviter hinc inde atramentò aliisque coloribus inficiatur, & postea spiritu immisso infletur, dum augetur bulla ejusque parietes ad insignem illam gracilitatem reducuntur, videbimus partes aqueas coloratas miris modis à se invicem distrahi dissociarique excurrando sursum deorsum & transversè, non secus in officinis vitrariis videmus vitri candentem massam densam insufflato aëre ingentem phialam, efformare quod pariter effici non posset, nisi vitri partes variis motionibus ab invicem excurrendò separarentur, idipsum necessariò concedendum est in nostra lamina chalybea seu vitrea, cujus materia licet rigida & dura videatur, nihilominus recta ratio suadet non dissimili partium commotione constringi & ampliari ejus porositates, quandoquidem si omninò quiescerent, & nullò pacto excurrerent nec ab invicem separarentur, esset omninò impossibilis ampliatio vel constrictio pororum, & hoc consentaneum est constitutioni corporum concretorum, in quibus ut dictum est reperiri non potest durities, & rigiditas omnimoda & insuperabilis, proindeque partes solidæ & plenæ seu vitri seu chalybis aliqua ex parte flecti commoveri, & excurrere possunt.

Quòd verò prædicta dilatatio pororum in parte convexa R S reverà fiat, constat ex eo quòd tandem post nimiam inflexionem virga ipsa disrumpitur ad partes convexitatis S, quod evidentissimè conspicitur in laminis ligneis, in quibus disruptio successiva in aliquo tempore fit, atque observabilis est locus in quo ruptura inchoat, quæ sensu ipsò constat fieri in parte convexa.

Prædictus motus quò partes solidæ & plenæ agitantur, & priorem situm derelinquunt, proculdubio efficitur à violentia ponderis

deris prementis X, tunc enim cessat inflexio virgæ, quando præcise potentia comprimens X æquilibratur resistentiæ ad ulteriorem separationem earundem partium solidarum virgæ. Sed quia postquam separatio, & qualiscumque segregatio partium ab inflexione facta jam est, scilicet partes corporeæ ex sui natura inertes postquam semel ab invicem dissociatæ sunt non videntur sponte suâ restitui posse ad pristinam situationem, quam in situ directo laminæ habebant, propterea quod hoc effici non posset absque motu locali, neque corpus ullum absque vi motiva propriâ vel ei communicatâ ab uno ad alium locum ferri potest; igitur sublato & amoto pondere comprimente X, deberet lamina perseverare in eadem inflexione, neque posset per se motu spontaneò denuò dirigi, quandoquidem naturæ lumine constat corpora quælibet è suis locis remota & alibi translata minime ad pristina loca restitui, quando non adest vis motiva, quæ transferre ea possit; igitur difficultas præcipua & maxima hujus negotii eò reducitur, ut reperiaturs causa motiva, quæ partes solidas translata ejusdem virgæ inflexæ referat, atque ad pristina loca restituat.

Tentabimus ergò pro viribus arcanæ operationis naturæ rationem verisimilem innuere.

Videtur
impossi-
bile partes
cujuslibet
concreti
corporis
sensum &
inclina-
tionem
habere se-
se redu-
cendi ad
pristinam
loca, nisi
quis vim
magneti-
cam in eis
concedat,
quod ve-
rissimile
non est.
Fig. ca-
dem.

Et primò locò si quis supponere audeat partes cujuslibet corporis concreti sensum, vel appetitum, aut naturalem instinctum & inclinationem habere sese reducendi in eandem positionem quam prius habebant, ut scilicet in virga inflexa particulæ H S nimium dilatatæ haberent inclinationem & vim motivam sese uniendi, atque particulæ oppositæ Q sese dilatandi, & hujusmodi motus contrarii non essent dissimiles iis, qui in magnete & ferro observantur, facile salvari posset effectus resilitiois; nec deessent hujus rei exempla, videmus enim particulas guttæ aquæ pendulæ seu alterius fluidi magis consistentis ac viscosi, postquam violentè seu à pondere majoris molis fluidi, seu à vi ictus, aut tractionis elongantur, denuò sese sursum reducere, & recolligere, ac cum reliquis partibus ejusdem fluidi uniri, easque amplexari sed id ipsum in virga flexibili admittere rationabile non videtur, cum causa unionis fluidi aliundè pendeat ut suò locò ostenderetur, nec admitti possit consimilis operatio sensata & provida, aut magnetica in virga flexibili, nisi ad miracula, & machinas recurrere velimus.

Ut

Ut autem aliquid probabiliter afferamus usurpanda hoc loco sunt aliqua, quæ posterius ostendenda sunt, & quæ pendent ex demonstratis ab Archimede in libro de iis quæ in fluido moventur, igitur supponendum est fluida corpora terram ambientia, ut est aqua & aer, naturalem vim seu gravitatem habere sese uniendi cum tota terra, quæ actio fit nisu & compressione quâdam, nec aliâ ratione quiescunt circa terram nisi quatenus ad æquilibrium redacta sunt, hinc fit ut quoties intra fluidum ponatur aliud corpus minus grave specie ut pila seu phiala aëre plena infra aquam tunc ab ipso fluido aqueo utpote graviori pilâ aëre plenâ expellitur stringiturque undique ab aqua, id ipsum in aëre contingit, si moles aliqua minus gravis specie quam sit aer ibidem innatet comprimitur ab aëre graviore expelleturque sursum, sed in casu nostro sufficit illa compressio, quâ fluidum comprimit corpus minus grave, atque undique ipsum stringit, ut si follis undique clausus violentè dilatetur, is proculdubio in aëre vel infra aquam ab ejus pondere comprimeretur stringereturque, & multò magis id contingeret, si follis dilatatus non contineret intra se aërem, sed esset prorsus vacuus, tunc proculdubio à compressione ambientis fluidi follis constriingeretur.

Fluida corpora terram ambientia ut aer, & aqua naturalem vim habent sese uniendi, & compressionem efficiendi, & hinc consequitur compressio quam patiuntur corpora minus gravis specie ut follis infra aquam.

PROPOSITIO CV.

Vitrea phiala intra calidam aquam immersa ab occurso ignearum exhalationum veluti à rotidem cuneolis ampliatur ejus capacitas, & è contra in immersione intra gelidam aquam ejusdem capacitas imminuitur propter eorundem cuneulorum defectum.

Postea expendenda est admirabilis vitreae phialæ proprietas, quam primus omnium observavit nunquam satis laudatus Serenissimus Princeps Leopoldus ab Etruria, cujus ego subito causam necessariam reperi; est experimentum tale, fiat phiala vitrea A B C ejusque fistula tenuissima A B, impleaturque aqua, vel quolibet aliò fluidò usque ad terminum D, si postea eadem phiala immergatur intra vas E F G H aqua calida plenum, subito aqua deprimitur à signo D usque ad O, & è contra si immergatur intra aquam glaciale subitò, aqua sublevatur usque ad signum I. hujus effectus

Tab. IV.
Fig. 84.

A a 2

ratio

ratio hæc est, in actu immersionis in aquam calidam exhalationes, seu corpuscula ignea in extimam superficiem vitri penetrantia non secus ac totidem cunei vitri amplitudinem augent, & proinde interna vasis capacitas crescit quæ major erit quam ut impleri possit ab eadem aquæ mole, & propterea descendit à D usque ad O ut nimirum recurat ad implendum spatium internum vasis auctum, è contra quando vas immergitur intra gelidam aquam deficiente continuo insinuatione igniculorum in aëre existentium constringitur ac condensatur extima vitri superficies, proindeque interna ejus capacitas coangustatur, aqua verò DC majoris molis est quam ut implere possit restrictum spatium, idcircoque sursùm usque ad I elevatur, hoc autem contingit citissimè in actu ipso immersionis, nam si diu intra calidam aquam retineatur vas corpora ignea penetrando universam vitri crassitiem perducuntur ad aquam usque, & sic ejus molem ampliando denuò ab infimo signo O elevatur aqua supra signum D; oppositum verò accidit in immersione intra gelidam aquam; veritas hujus mei ratiocinii postea comprobata fuit innumertis aliis experimentis de quibus alibi prolixius tractabimus; sed interim hæc sufficient pro inquisitione causæ resiliæ corporum flexibilitatem assumendo ut certum & indubitatum quod ignis particulæ minimæ incredibili celeritate insinuantur per porositates omnium corporum etiam rigidorum.

Percipi-
cum est
particulas
ignecas in-
effabili
celeritate
insinuari
per po-
rositates
corporum
etiam ri-
gidorum.

Et ab in-
sinuatione
eorundem
igniculorum
veluti à to-
tidem cuneis
supra su-
perficem
a calido
corpore
tacta vio-
lenter
ampliat
unde se-
quitur in-
flexio to-
tus lami-
ne.

Insuper experientia quoque comprobatum est quod in qualibet lamina vitrea curva, si ejus convexa superficies aqua vel pannò calidò tangatur, confriceturque, subito magis incurvatur, & è contra si eodem modo calefiat concava superficies, statim ejus curvitas imminuitur, atque aliquantispèr explanatur, undè evidentèr colligitur quod ab insinuatione corpusculorum igneorum veluti à totidem cuneolis superficies à calido corpore tacta ampliat dilataturque dum contrapposita superficies non adhuc calefacta obtemperat violentiæ cuneolorum igneorum in adversa superficie insinuatorum; & in hisce laminis vitreis supponi debent porositates æquè dilatata, quia nimirum degunt in eodem medio aëreo undique æquè exalefacto, quando postea advenit major caliditas ex una parte quam ex alia, tunc facile percipitur, quod cuneoli calidi violentèr dilatant contiguas vitri porositates, dum contrappositæ flexioni ipsius vitri obediunt, & proinde stringuntur, hoc autem perseverat, & tan-

diu

dū perdurat quousque corpuscula illa calida universam vitri crassitiem superaverint, & tunc denuò eandem curvitatē lamina acquirat quam prius habebat.

Concipiatur modò lamina vitrea plana violentè inflexa à vi externa, tunc necesse est, ut hactenus insinuavimus, ut porositates convexæ superficiei dilatentur, & è contra porositates concavæ superficiei stringantur, & quàm plurimæ claudantur; hoc positò si lamina undique ambiatur ab aqua æquè calidâ, manifestum est corpuscula ignea facilius insinuari posse per orificia, & porositates ampliatas in convexa superficie, quàm per porositates restrictas clausasque superficiei concavæ; sed cuneoli ignei eadem velocitate occurrentes minori energiâ, & debiliori ictu insinuantur per easdem amplas porositates quàm per restrictas clausasque, propterea quòd illæ minus resistunt quàm istæ, & eadem vis impulsiva cunei languidius, & ideo parùm dilatat foramina hactenus ampliata & minus resistentia quàm illa quæ sua angustia magis ictui resistunt, igitur ictus eorundem cuneolorum igneorum summâ vi & pertinaciâ nitentur dilatare porositates vitri coangustatas; quod præterea confirmatur ist eo quòd corpora fluida motu locali agitata semper tardiori impetu excurrunt per canales dilatatos, & amplos quàm per restrictos, eo quòd eadem copia fluidi cogitur per angustias transire, & proinde natura dictante cogitur motum accelerare, ex quo fit ut energia ictus qua terebrare nititur ignea vis porositates illas coangustatas vehementiorem & validiorem effectum producat, scilicet dilatabit easdem porositates, & proinde vitri inflexio superabitur reduceturque ad pristinam ejus figuram; & hæc omnia naturali quâdam necessitate contingere manifestum est.

Id quod in corpusculis igneis experientia & recta ratio suadere videtur, admitti quoque debere constat in reliquis corpusculis fluentibus, quæ certò constat in rerum natura existerè; nemo enim dubitat effluvia magnetis, quo ferrum allicit movetque, halitus corporum summa celeritate perecurrunt, quandoquidem si inter ferrum & magnetem tabula lignea, lapidea, aurea vel cujuslibet alterius materię interponatur, allicitur nihilominus ferrum è regione positum, quod fieri non posset nisi halitus illi corporci per porositates intermedie tabulæ traducerentur, cùmque prædicta effluvia magnetica

corporea sint, oportet ut cunei actionem exerant quotiescúmque porositates angustiores repperint, & proinde ejusdem tabulæ dilatationem efficiant, non defunt postea alia effluvia in reliquis corporibus, quæ ex uno in alium locum migrantia, sæpe coguntur cunei actionem exercere, ut sunt partes illæ vividæ & spirituosæ, quæ in omnibus corporibus reperiuntur & nativâ vi agitantur.

PROPOSITIO CVL

In armilla chalybea rigida à pondere incumbente inflexa, vel percussione, particula ejus solida utcúmque è suis locis digressa vim non habent sese reducendi ad pristinam positionem, licet ob fulcrimentum, & æquilibrium resistantiam compressivam qualibet vis motiva superare possit.

Tab. IV.
Fig. 83.

His præmissis sit armilla chalybea A K C M, quæ fulciatur à plano solidissimo & firmo N O in C, eique incumbat vastum pondus R à quo flectetur armilla, quousque fiat æquilibrium inter resistantiam ipsius armillæ & potentiam prementem R, adveniat postea impetus percussionis Z, manifestum est eò magis armillam inflecti, ut nimirum diameter A C multò magis imminuatur atque transversalis diameter D B deducatur; & in hac actione constat ex superius dictis, quòd porositates in spatiis B F & H D dilatantur, & è contra porositates F K, & M H coangustantur, id ipsum quoque contingit in suprema & infima parte armillæ, sed contrariò ordine, & hic constat ex superius dictis quòd partes solidæ & plenæ B F K, & M H D è suis locis dimoventur transferunturque quantum præcisè requiritur ad dilatationem constrictionemque pororum, & quia prædictæ partes solidæ ex sui natura inertes sunt nec habent vim motivam, quâ sponte suâ reduci possint ad pristina loca, hinc fit ut extincto impetu percussionis Z, licet vis compressiva ponderis R minor sit quam vis compressionis aggregati ex pondere R & vi percussionis Z, non tamen percipi potest quòd à nulla vi ipsius armillæ repelli sursum possit pondus R, quia scilicet supponuntur partes solidæ in locis B K & M D nullam vim motivam habere quâ sese ad pristina loca restitui possint; & licet immensum pondus R sustineatur à firmitudine armillæ, ac proinde æquilibratum nullam gravitatem

vitatem habeat, ut scilicet hujusmodi pondus æquilibratum non differat à nihilo, existit enim in omnimoda quiete, sed non perinde armilla resilire potest & se dilatare, ut nimirum corpus R æquilibratum expellat, quia ut dixi nullam virtutem motivam habent partes armillæ à suis locis digressæ & translatae, requiritur igitur aliqua nova causa impellens quæ armillam resilire faciat, & subinde pondus R elevet, & hic animadvertendum est quod ad superandam ^{Ex propo.} resistantiam cujuscumque ponderis vasti R æquilibrati, & quiescentis, sufficit quælibet vis percussiois cujuslibet pusilli, & exilissimi corporis.

PROPOSITIO CVII.

Vis compressiva ambientis fluidi, æris scilicet vel aquæ, constringere potest porositates ampliatas armilla compressa & superata vim incumbentis ponderis, & proinde resiliionem efficere valet.

Modò duæ causæ efficientes resiliionem armillæ assignari possunt, ^{Fig. cedem.} quæ semper præstò sunt semperque operantur ac vigent, prima erit actio illa fluidi ambientis, scilicet æris aut aquæ aut alterius tenuioris corporis, quæ corpora minus gravia ab eo comprimuntur stringunturque, & hujusmodi sunt spatiola B F, H D, E I, & L G, quæ summopere ampliata aut omninò vacua sunt, aut maximè raram materiam continent, hujusmodi verò bullæ rarissimæ, & proinde minus graves quam sit fluidum ambiens necessariò comprimi debent à naturali vi gravitatis ejusdem fluidi, hoc autem evidenter constat, quia partes solidæ & plenæ bullas illas comprehendentes respectu fluidi ambientis nil prorsùs ponderant privanturque gravitate, proptereaquod universa massa unà cum armilla æquilibratur fulciturque à soli stabilitate N O; & propterea remanent bullæ illæ raræ comprehensæ à corpore solido non gravi seu æquilibrato, agit verò aër vel fluidum ambiens suâ vi compressivâ, ergò necessariò undique veluti à torculari seu cochlea quadam, comprimuntur stringunturque, sed constringi illa non possunt, nisi circuitus solidarum partium è suis locis digredientium sibi mutuo occurrant, nec possunt partes solidæ constringi, quin armilla deferat maximam illam curvaturam inflexionemque, & proinde partes

partes oppositæ A, C ab invicem se dilatando sursùm propellant pondus R, quem motum minimè impedire potest prædictum pondus R, quia in æquilibrio & quiete aut motu non contrariò constituitur, & proinde cedere debet impulsui motivo compressionis fluidi prementis, cùmque post primum ictum compressionis ambientis fluidi denuò pondus R æquibretur, priveturque motu descendivò, igitur denuò à secundo ictu pressionis ejusdem fluidi ejus nulla resistentia superari potest, & sic ulterius.

PROPOSITIO CVIII.

Adest postea secunda causa, quæ per se tantum eundem effectum producere potest, quæ talis est.

Fig. eadem. Porositates eorundem orificia ad partes B, D & I, L dilatatæ sunt ut ostendimus, è contrà orificia pororum K, M & A, C valdè restricta & clausa sunt, non desunt postea corpuscula innumera se moventia, sive ignea, sive luminosa sive magnetica sive spiritus implantati, sive ab aliis corpusculis concretis expirati hæc inquam in perpetuò motu constituta veluti totidem cuneoli per porositates ampliatas facile & absque resistentiâ penetrare possunt, ac dùm offendunt orificia atque porositates restrictas, ibi vehementissime incidendo ictumque inferendo, possunt easdem porositates dilatare, quia comparatur vis percussionis eorundem corpusculorum cum resistentia ponderis vasti R omninò quiescentis, ob æquilibrium jam dictum, sed ut demonstratum est, quælibet exilissima percussio cujuslibet minimi corpusculi superare potest resistentiam cujuslibet immensi ponderis quiescentis, igitur necessariò percussiones illatæ ab iisdem cuneolis perforare, & terebrare possunt easdem restrictas porositates, ac proinde eas dilatare possunt, sed minime possunt prædictæ porositates dilatari, quin flexio armillæ imminuatur, scilicet minor fiat transversalis diameter KM, igitur necessariò fiet resilitio ejusdem armillæ per augmentum diametri perpendicularis A C, quare necesse est ut pondus R sursum propellatur, & licet ab initio prædicta propulsio ponderis R sit omninò exigua, & insensibilis, quia tamen subsequentes ictus eorundem cuneolorum continenter novas propulsiones pariunt

unà

unà cum iis, quæ efficiuntur ab ambientis fluidi compressione in porulis rarefactis, fit ut successivis ictibus continuatò motu pondus R semper motu contrariò carens & ideò nullius ponderis ob motum sursum vel ob æquilibrium resistentiæ armillæ sursum expellatur; & quia ictus continuati energiam impetus ex sui natura augent, fit ut ultra æquilibrium pondus R aliquantulum promoveri possit, & subindè prævalente energiâ ponderis R denuò nova inflexio ejusdem armillæ incipiat quousque extingatur ejus excessus, & sic eòdem ordine itus ac reditus multoties continuari possunt: & hæc ni fallor est vera causa resilitiois & tremoris, quæ in corporibus concretis excercetur.

Licet ergò armilla supponatur cujuscumque exiguitatis proculdubio poterit resiliationem efficere, licet à vasto & immenso corpore æquilibrato idest non gravi comprimatur; quapropter mirum non erit in corporibus concretis compositis nimirum ex innumeris machinulis fieri posse resiliationem atque tremorem ab energia qua resiliare possunt machinulæ omnium infimæ, & reliquis subterpositæ, cum semper vis & energia ictus superare possit quatecumque gravitatem superpositam in quiete constitutam vel motu non contrariò affectam, ut demonstratum est.

Armilla
quanti-
vis exi-
gua
resiliare
poterit
licet ab im-
menso
corpore
quiescente
comprimatur.
Prop. 90.

Facile ex dictis constat quod si virga flexilis horizontalitèr constituitur vel in supremo loco figatur, tunc pariter à vi ictus flexio & tremor effici potest, quandoquidem gravitas ipsius virgæ semper æquilibratur ab illa tenacitate & vinculo, quò partes ejusdem virgæ colligantur & vinciuntur, & proindè in quiete constituuntur, & sic à vi, & energiâ ictus dictorum cuneolorum seu halituum se moventium, & à fluidi ambientis compressione resistentia ejusdem ponderis quiescentis superari poterit, ideòque efficietur & inflexio, & subindè tremor, quod fuerat ostendendum.

Exilissima vis motiva corporis alicujus motu tardo imprimere & augere potest in corpus vastum velocitatem majorem eâ quâ impellens movetur.

CAPUT XXXII.

Profectò si ageretur de simplici motu patet quòd vasta moles corporea posset moveri tardiori motu

B b

à quo-

à quolibet exiguo corpusculo celerius impellente ut-
 Prop. 89. dictum est, paritèrque si ageretur de impulsu quo-
 Prop. 108. tremor procreatur posset quoque æquali velocitate
 commoveri corpus impulsu ac impellens movetur;
 at asserere quòd corpus motu tardò impellens valeat
 velocius corpus aliquod promovere, videtur omni-
 nò impossibile, quandoquidem nulla causa producere
 potest effectum se ipsa majorem, ideòque tardus
 motus impellentis procreare non posse videtur velo-
 cissimum motum in corpus percussu, hoc non ob-
 stante ostenderetur hoc effici posse iisdem principiis
 superius adductis, scilicet ex eo quod vehementior,
 & velocior vis producere potest languidiorem & tar-
 diorem motum, sequitur quod languidior, & tar-
 dior impellens procreare possit velociorem impetum,
 quod profectò paradoxum videtur.

Sed prius supponendum est ut ratum & perspe-
 ctum quòd quælibet vis motiva quantumvis exigua
 & tarda poterit movere quodlibet corpus in quiete
 Prop. 16. amovibili constitutum ut demonstratum est.

Secundò suppono quòd si duo corpora simul mo-
 veantur semper inter se conjuncta, veluti si veheren-
 tur ab aliqua navi, tunc perindè se habet fugiens
 Ex Prop. 39. & 81. corpus respectu persequentis, ac si illud quiesceret
 omninò, quandoquidem semper sese tangerent, non
 secus ac in illius quiete contingit, potestque appella-
 ri illa quies respectiva, hæc verò absoluta.

P R O P O S I T I O C I X.

*Exigua vis motiva gravitatis producere potest effectum se ipsa ma-
 jorem, scilicet impetum quo propelli potest grave in progressu sui de-
 scensus.*

Primo.

Primò ergò consideretur vis motiva intrinseca, & naturalis, quâ gravia descendunt, quia licet ab exilissima vi motiva continenter impellente promoveantur, tamen quia ambo simul vehuntur, ^{Ex prop. 81.} veluti in navi corpus ipsum motum respectu impellentis virtutis secum vectæ in quiete respectiva consistere censendum, & quia in quiete amovibili quælibet vis exigua impellentis promovere potest quamlibet vastam molem corpoream, igitur vis illa exigua motiva gravitatis movere potest corpus grave in quo inexistit constitutum in respectiva quiete amovibili, & quia vis motiva gravitatis semper viget, fit ut continenter repetat ictus & proindè continenter creet novos impulsus, qui omnes cum sint indelebiles efficient velocissimum impetum, quo tandem grave fertur agiturque, igitur pusilla & exigua vis motiva gravitatis producere potest effectum se ipsa majorem, scilicet majorem impetum quò propelli potest grave in progressu sui descensus. ^{Prop. 16.}

P R O P O S I T I O C X.

In fune-pendulis percussio tarda exigui corpusculi imprimere potest in corpus vastum celeriores impetus.

Id ipsum ostendemus fieri posse à vi impellente externa, intelligatur quælibet immensa moles corporea fune aliquò suspensa ad modum penduli, tunc in æquilibrio sui, scilicet in situ perpendiculari ad horizontem à quolibet minimò impulsu laterali proculdubio è suo loco dimoveri potest, efficietur ergò à primo impulsu languidissima & tardissima, & ferè inobservabilis vibratio ejusdem vasti penduli; repetat postea ictum eadem vis exigua impulsiva non in actu regressus penduli, sed in fine regressus, scilicet in illo statu quietis, seu potius termino accessus ejusdem, tunc secundus impulsus una cum præcedenti indelebili duplicabit impetum penduli; id ipsum tertio, & quarto, & sic deinceps fiat, manifestum est quod ex his omnibus impulsionibus exiguis multiplicatis procreabitur tandem velocissima & vehementissima oscillatio eodem vasto pendulo, & hoc fieri posse manifestum est, quandoquidem quælibet impulsio imprimitur in corpus dum quiescit, seu dum motu caret in illo termino accessus, sed quælibet vis quantumvis exigua & ^{Prop. 16.}

tarda potest gradum impetus imprimere in corpus pensile, & amovibile, igitur verum est quod exigua vis in tali casu procreare potest effectum se ipsa majorem scilicet superantem & enormem velocitatem.

PROPOSITIO CXI.

Hinc demonstratur quare aëris tremor languidissimus, qui à tympani vel tubæ sono procreatur, concutere potest vastum templum eique tremorem inducere, & hac est causa saltem adjuvans terræ-motus.

Aëris tremor potest esse causa saltem adjuvans motus, & tremoris terræ, & quare. Prop. 17. & 108.

Hinc facile deducitur, quare languidissimus aëris tremor qui à tympani vel tubæ sono procreatur concutere potest vastum templum, eique tremorem inducere, quia nimirum repetitæ illæ percussionculæ aëris undulantis offendunt pendulum quod tremore agitari potest ob rationes superius adductas tanta frequentia, quanta aëris undulationes sparguntur & dissipantur, eadem potest esse causa si non totalis, saltem adjuvans terræ motus seu agitationis vehementissimæ qua terra concutitur, quia nimirum aer vehementissime crispatus frequentissimas percussionculas inferendo tremorem nedum in ædificiis turribus ac templis creare potest, sed etiam solidissimis montibus, quandoquidem ex demonstratis quælibet vis percussiva potest tremorem procreare, & siquidem unica tantummodo percussio efficeretur, essent oscillationes illius montis omnino imperceptibiles ob sui exiguitatem, at si superveniat secundus ictus in termino regressus tremantis montis adinstar penduli, duplicari potest illa vis impulsiva, ideoque augetur resilitio tremantis montis, si postea id ipsum fiat tertio & quarto, & sic deinceps innumeris vicibus, ex innumerabilibus illis percussionculis coacervari tandem potest impetus grandis & conspicuus, qui vulgo terræ-motus nuncupari solet, non tamen mordicus sustinere audeo omnes terræ-motus fieri ex hujusmodi aëris undulatione, sed saltem ab hac causa adjuvari, & augeri posse; quod quidem certissima & evidentissima experientia mihi persuasit. Aderam Tauromenii Siciliæ, quando æthna mons eruptionem quandam effecerat prope Ennam urbem fere 30 milliaria à Tauromenio distantem, tunc vicibus interpolatis eruptiones in-

gente

Experientiam mirabilem per unum dendum

gentes ignis vorago efficiebat grandi sono & strepitu, & tunc omnia Tauromeni ædificia tremore concutiebantur, in quo circumstantiam notatu dignissimam observavi, scilicet quod domus & ædificia quæ directè exposita erant prospectui ejusdem voraginis vehementissime concutiebantur, reliquæ verò domus quæ conspectui voraginis privabantur, fatis lentè, & leniter tremorem efficiebant, profecto si hujusmodi tremor factus fuisset à concussione & resiliione soli Tauromenitani omnes domus æquè concussæ fuissent, & æquali tremore agitæ, ita ut non posset conspectus voraginis tam insignem & evidentem inæqualitatem tremoris procreare, igitur necessario à tremore ejusdem aëris incussi in parietibus domorum libere percussiones excipientium agitatio illa efficiebatur.

telluris
concussio-
nem ab
aëris tre-
more effi-
ci posse.

*Impetus percussiois mensurari non potest ab energia
simplicis gravitatis.*

CAPUT XXXIII.

Finem huic libro imposueram cum in locum præclarissimi Gassendi incidi, in quo redarguit Petrum Cazreum asserentem ab impetu descensus pilæ gravis ab altitudine æquali uni ejus diametro sublevari in trutina duplum ponderis ejusdem pilæ, unde colligebat prædictum impetum æqualem præcise esse vi gravitatis ejusdem pilæ, & præterea impetum acquisitum in descensu duarum diametrorum æquari duplo ponderis ejusdem pilæ cadentis, sic pariter à tripla altitudine impetum acquisitum æquari triplo ponderis ejus, & hinc inferebat contra Galileum incrementa velocitatum eandem proportionem habere quam spatia exacta in descensu ejusdem corporis gravis: cumque hæc sententia Gassendo non arrideret accuratiori experientia falsitatem ejus patefecit, sed nihilominus in eadem persuasionem permansit, quod

Gassendus
opinatur
a deter-
minato
impetu
elevati
posse in.

B b 3

nempe

trutina
certum
pondus,
& non
majus, re-
fertque
observasse
pondera
elevata
eandem
proporti-
onem ha-
bere quam
impetus.

nempe à determinato impetu elevari possit in trutina certum pondus & non majus: ait igitur se observasse demissa pila plumbea unius uncix ex altitudine diametri ejusdem pilæ sublevari pondus unciarum septem cum besse in opposita lance pendentium, & ex altitudine diametrorum quatuor sublevari uncias quatuordecim cum dimidia, ex altitudine vero novem diametrorum sublevari uncias 24, atque ex altitudine diametrorum 16 sublevari uncias 28, & quia ex Galileo spatia exacta in descensu ejusdem pilæ sunt ut quadrata velocitatum, colligit impetus acquisitos post descensum ejusdem pilæ proportionales esse ponderibus elevatis, nimirum duplus impetus sublevare pondus duplum, & impetus triplus elevare pondus triplum & sic ulterius.

Id ipsum
se obser-
vasse Mer-
sennus re-
fert.

Id ipsum se observasse ait Mersennus reflexionum physico-mathematicarum cap. 8. demissa pila ænea unciali ab altitudine unius diametri ejus ut lancem trutinæ percuteret elevavit oppositam lancem 8 unciis onustam, ut autem duplum pondus 16 unciarum tollatur debet globus non ex dupla altitudine, sed ex quadruplo suæ diametri cadere, nonoque altius ut triplum seu 24 uncias eleve, adeo ut altitudines ex quibus cadit globus esse debeant in duplicata proportionem ictuum.

Alius au-
tor ait
pondera
elevata ad
eandem
altitudi-
nem ean-
dem pro-
portio-
nem ha-
bere,
quam de-
scensus e-
jusdem
corporis
percutien-
tis.

Vidi postea apud auctorem recentiore valde eruditum longe diversa ratione eandem rem experimento exploratam fuisse, ait enim in libra artificiose elaborata, quæ erat virga in ejus puncto intermedio fixa, & in unius radii extremitate capsulam appositam habebat ad pondera excipienda, in reliqua vero extremitate lamina ferrea ad ictus recipiendos accommodata erat, tunc facto æquilibrio & demissa pila lignea

lignæ sesquiuncie ab altitudine duorum pedum, & undecim unciarum, scilicet ab altitudine unciarum 35. pedis romani, ait se observasse pondus unciarum 5 elevari usque ad altitudinem unius digiti in latum, & ab altitudine unciarum 140 pedis romani, scilicet à quadrupla altitudine elevari pondus unciarum 20 ad eandem altitudinem digiti unius, scilicet quadruplum ponderis prioris; postea pila cadens ab altitudine unciarum pedis 315 tantumdem elevari pondus unciarum 45 & tandem ab altitudine unciarum pedis 560, scilicet à sedecupla altitudine elevari ad eandem sublimitatem pondus unciarum 80, igitur pondera ad eandem sublimitatem elevata eandem proportionem habuisse constar ex hoc experimento, quam habent spatia descensus ejusdem pilæ lignæ. & proinde pondera elevata duplicatam proportionem habebunt ejus quam habent impetus in fine descensus acquiriti, cum è contra Gassendus & Mercennus referant se expertos fuisse pondera non duplicatam proportionem, scilicet non esse ut quadrata velocitatum, sed præcisè in eadem ratione, quam impetus habent.

Porro cum veritas una sit, nec duæ oppositæ observationes ejusdem rei veræ esse possint, suspicari licet ab uno vel ab utrisque, licet accuratis & perspicacissimis viris aliquid in observando non fuisse animadversum, aut instrumenta non idonea eis imposuisse, igitur cum hoc ad doctrinam energię percussionis pertinere videatur, non erit ab instituto nostro alienum hujusmodi sententias ad examen vocare, ut veritas pro viribus eluceat.

Et primo loco animadvertendum est quod licet impetus, & simplex gravitas, seu pondus quantita-

tis

tis naturam sortiantur, & longitudini analogæ censeri possint, nihilominus non videntur esse quantitates inter se comparabiles, scilicet non continentur sub eodem genere subalterno ut vulgo dici solet, dicuntur enim quantitates ejusdem generis, quæ multiplicatæ possunt sese mutuo superare, ut lineæ sunt inter se comparatæ, at quia lineæ quantumvis multiplicata nunquam æquare nec superare potest superficiem aut corpus, sic pondus quantumlibet multiplicatum vim imperus non superabit, propterea hæ quantitates non habere inter se proportionem, & non ejusdem generis censentur; hoc autem ex superioris demonstratis facile ostendetur hac ratione.

Pondus
esse non
potest
mensura
imperus
cum sint
quantita-
tes diver-
sorum
generum.

Quoniam quilibet imperus in quolibet corpusculo inexistens superat energiam gravitatis quiescentis & impetu omnino privati, propterea quod ipsum impellere & elevare potest, ut ostensum est, igitur quantumvis augeatur multipliceturque simplex gravitas absque motu locali nunquam superabit, imo nec æquabit vim imperus, & ideo simplex gravitas & imperus non erunt quantitates ejusdem generis, & propterea comparatio inter eas institui non potest, nec ullam proportionem inter se habere possunt, sed nulla quantitas potest esse mensura quantitatis alterius generis, sicuti lineæ esse non potest mensura soni aut ponderis, igitur pondus simplex elevatum non potest esse mensura imperus percutientis, hoc autem evincitur ex eo quod absque discrimine omnia corpora gravia quiescentia ab eodem impetu percussivo impelli & elevari possunt.

Prop. 90.

Major
impetus

Hinc deducitur verum non esse, quod impetus sit veluti quædam gravitas fluens, nec verum est quod à majori impetu ponderosiora corpora eleventur, si loquamur

loquamur de simplici elevatione; quandoquidem videmus commoveri, & concuti, agitarique quodlibet corpus grave à qualibet percussione licet exigua, si vero loquamur de elevatione ponderis ad certam & determinatam altitudinem, hoc sane ab impetu percussivo fieri potest, sed non inde sequitur vim impetus æquari energię simplicis gravitatis, nec vicissim una mensura alterius erit, quod ut ritè percipiatur præmitti debent aliquę propositiones.

non elevat
pondero-
siora cor-
pora si
confide-
retur sim-
plex ele-
vatio non
vero pro-
jectio er-
jus.

P R O P O S I T I O C X I I .

Et primo ostendetur quod duo motus contrarii æquabilis & acceleratus in eodem corpore eodem tempore existere & exerceri possunt.

Hoc evidentissimum est, si enim nauta à prora ad puppim navis uniformiter accelerato motu transferatur, & interim navis à cursu fluentis motu contrario æquabili transportetur, manifestum est nautam una cum navi in qua inexistit æquabili motu impelli, & simul motu contrario accelerato propria virtute migrare, quapropter nedum vires motivę contrarię actu vigentes & operantes eodem tempore in eodem corpore nautę inexistunt, sed insuper operationes ipsę, scilicet motus contrarii absque percussione in eodem nauta proculdubio exercentur, verum tamen est quod ex dicta mixture motuum contrariorum resultat transitus in spatio mundano, aut retardatus, aut nullus, sed hoc non impedit existentiam contrariorum motuum; fingamus postea navim sursum projici motu æquabili dum saxum accelerato motu à summo ad imum navis locum decidit, nonne constat saxum externa vi, & motu projectivo agitari propellique sursum una cum navi & simul natyrali gravitate descendere? & quid differt an saxum una cum navi an absque navi sursum projiciatur? profecto duabus viribus motivis contrariis in utroque casu afficitur à quibus agitur aut impellitur absque percussione, veritas hujus propositionis comprobatur experimento relato ad caput 29. tres enim pilę R, R, R projectę ex A, & D; B eodem gradu impetus quo universa rota A B C D circumducitur,

Tab. IV.
Fig. 71.

C c

debent

Propo-
sitionis ve-
rias ex-
perimento com-
probatu-
r.

debent (remoto aëris impedimento) eodem tempore excurrere spatia æqualia inter se, pariterque casus eodem tempore exacti æquales erunt, cumque in motu descensivo B.K. duo impetus projectionis, & gravitatis ad easdem partes tendentes efficiant transitum B K æqualem summæ transitus horizontalis A I, & descensivi I H, vel F M à quiete inchoato, igitur ex eo quod ascensus D G æqualis est differentiæ motuum A I, & F M aperte constat utrumque motum in D exerceri, scilicet ascensum projectitium D O æqualem A I vel B L & casum O G æqualem eidem F M, quare patet propositum.

PROPOSITIO CXIII.

Quodlibet grave sursum projectum à qualibet vi percussiva necessario per aliquod spatium quantum sursum elevabitur.

Tab. IV.
Fig. 85.

Ex cap.
20.

Prop. 88.

Corpus grave A projiciatur sursum perpendiculariter ad horizontem B A à qualibet vi percussiva quæ quantumvis exigua fingatur semper impetum quantum, non vero indivisibilem imprimit corpori A, sit talis impetus A B, qui fluendo tempore A C creet planum impetus rectangulum B C, quod porro spatium excursum designabit, at quia post instans percussio vis naturalis descensiva gravitatis ab indivisibili termino auget gradus impetus æqualibus incrementis in omnibus sequentis temporis A C instantibus, ergo posito quod tempore A C impetus à gravitate naturali pendens fluendo, & crescendo creet planum impetus triangulare & rectiligneum A D C id designabit spatium descensus ejus dum grave transfertur veluti à navi sursum ab impetu B A; suntque gradus impetus initiales à vi gravitatis procreati semper minores projectio impetu B A, quousque in fine temporis A C maximum gradum velocitatis D C acquirat æqualem velocitati A B, igitur toto tempore A C impetus major B A vehementius impellet sursum corpus A, & ascendendo majus spatium percurrent quàm ab impetu gravitatis deorsum repellatur, & idè impetus projectivus B A vincet renitentiam impetus gravitatis pro mensura excessus velocitatis projectivæ B A semper ejusdem gradus permanentis supra impetus gravitatis crescentes, quare eousque corpus A elevabitur quousque impetus

impetus gravitatis crescendo usque ad DC ad æqualitatem impetus BA redigatur, quando scilicet tantundem promovetur fursùm quantum retrocedit deorsùm, & hoc erat ostendendum.

PROPOSITIO CXIV.

Si corpus grave fursùm perpendicularitèr ad horizontem impellatur motu æquabili, ut dato tempore percurrere valeat determinatum spatium, in medio puncto ejus ascensus elevatio projecti terminabitur.

Si postea corpus grave A impellatur fursùm perpendicularitèr ad horizontem motu æquabili impetu D, ut tempore T percurrere valeat spatium GF, dico in intermedio ejus puncto C terminari ejus ascensum, quia vires motivæ contrariæ se mutuo non destruunt, sed vigentes ambo perseverant producendo peculiare suos effectus, scilicet vis motiva æquabilis perindè promovet corpus A impetu D ac si non adesset contraria vis gravitatis, proptereaquod lucta fit absque percussione, paritèrque vis motiva accelerata gravitatis perindè impellit corpus A ac si obice careret, igitur tam impetus projectivus, quàm impetus gravitatis suam peculiarem promotionem efficit, non secus ac nauta acceleratò motu excurrendo à prora ad puppim navis à contrario cursu fluentis translata; verùm respectu spatii mundani suum finem non assequuntur, nam corpus A retardatò motu fertur fursùm ob excessum validioris impetus D supra minimos initiales impetus gravitatis, & tandem ad finem ascensus reducitur, quando scilicet impetus gravitatis E successive crescendo pertingit ad æqualitatem impetus D, hoc autem in puncto intermedio C contingere sic ostendetur, producat F G infra G, seceturque GH æqualis FC, & positò quod grave A acceleratò motu à termino quietis G descendendo, percurrat tempore T spatium GH in cuius fine acquiritur gradum velocitatis E, si postea idem grave A discedat à termino G duplici impetu affectum, æquabili quò tempore T ascendere potest usque ad F, & simul acceleratò contrariò quò excurrere potest spatium GH, patet in tali casu quod terminus à quo descensus initium sumit, scilicet G non est stabilis, & in eodem situ permanens, sed fertur motu æquabili usque ad F & interim grave A descendendo pertingit ad C, quare

Tab. IV.
Fig. 87.Ex prop.
112.Ex prop.
113.

Ex cap.
10.

Ex Gal.
de motu
locali lib.
1. prop. 11.

Sagitta
furlum
exausta
percurrit
spatium
duplum
ascen-
dendo,
quam
pertran-
seat de-
scendendo
æqualibus
tempori-
bus, &
impetus
ejus initio
ascensus
major est
impetu
acquisito
in fine
descensus
quod ori-
tur ob æ-
ris resi-
stentiam,
Tab. IV.
Fig. 36.

impetus E acquisitus acceleratō motu ascendendo, sive descenden-
do eodem tempore idem omninō est; hic autem si uniformitèr &
æquabilī motu migrationem prosequeretur excurrere posset, spa-
tium duplum ipsius C F exactum motu uniformitèr accelerato, est-
que G F duplum ipsius C F, ergō impetus E æqualis est impetui
D, eo quōd ambo eodem tempore T motu æquabilī excurrere
possunt idem spatium G F, verūm quādo impetus contrarii ad æ-
qualitatem redacti sunt quietem apparentem & finem motus in spa-
tio mundano producant, igitur in puncto intermedio C sistitur
ascensus nec ulterius progreditur, quod erat &c.

In hisce duabus propositionibus, sicut in reliquis factum est,
removeri debet aëris impedimentum qui mirè perturbat progressum
pilæ in ejus ascensu atque descensu, ejusque impetum debilitat,
quod evidentèr confirmatur ex hoc experimento, sagitta vel pila
lignea ad insignem altitudinem balista vel catapulta perpendicula-
ritèr ad horizontem impulsā percurrit spatium majus, scilicet fere
duplum ascendendo, quam pertranseat descendendo æqualibus
temporibus; insuper impetus ejus initio ascensus major est impetu
in fine descensus acquisitō, quod perfectō fieri non posset nisi impe-
tus projectitiuſ continenter in ascensu debilitaretur, & in descen-
su impetus gravitatis imminutis incrementis cresceret, & tandem
æquabilis redderetur.

Pila A projiciatur sursūm per A C perpendicularitèr ad horizon-
tem impetu B A, proculdubio in ascensu continenter talis impetus
projectitiuſ ab aëris resistentia imminuetur, ut nimirum in fine tem-
poris A E sit E F æqualis maximo gradui impetus gravitatis succēs-
sive crescentis, manifestum est ab impetu projectitiuſ decrescente cre-
ari spatium impetus trapezium ABFE, & quia planum impetus trian-
gulare A E F designat descensum seu renitentiam gravis corporis
A dūm sursūm propellitur, igitur spatium triangulare A F B. desi-
gnabit longitudinem ascensus tempore A E transcurſam, quando
nimirum ad terminum supremum ascensus projectūm perducitur;
postea quia in sequenti tempore E C æquali EA eadem pila deorsūm
descendit tunc quoque exercentur duo impetus projectitiuſ sursūm
æquabilī motu ab impetu F E, qui procreabit spatium impetus re-
ctangulum G E, propterea quōd dūm pila descendit aëris consisten-
tia non obſtat neque retardat impetum sursūm impellentem, at
quia

quia interim naturalis impetus gravitatis tempore EC creat spatium impetus trapezium EFD hoc totum certè non designabit spatium descensus quandoquidem impetus contrarius projectivus ab eo subtrahit planum impetus rectangulum GE ; quare planum impetus qui exercetur in pilæ defensu erit triangulum $F DG$ quod æquale esset triangulo $A EF$, si in descensu corporulentia aëris non immi-
 nueret gradus impetus naturalis gravitatis; ex quo proinde fit ut triangulum $F DG$ minus sit triangulo $A EF$ & multò minus triangulo $F AB$; quare spatium decursum in descensu designatum à triangulo $F DG$ minus erit spatio ascensus æquali tempore exacto designato à triangulo $F AB$; præterea quia duo triangula $F AB$, & $F DG$ æquè alta eandem proportionem habent quam bases, erit DG scilicet postremus impetus in fine descensus acquisitus minor impetu BA projectivis, quo pila ascensum inchoaverat.

Si postea removeatur omninò aëris impedimentum esset planum impetus $ABFE$ rectangulum æquale plano impetus rectangulo $E G$, atque triangulum $F DG$ æquale esset triangulo $F AB$, & proinde spatia ascensus atque descensus æqualibus temporibus æqualia essent, atque initialis impetus projectivus AB æqualis præcisè esset postremò gradu impetus descensivi DG .

Veritas hujus theoriæ comprobatur ab experientia, projecta enim sursùm pila gravissima plumbea A languido impetu, ut minima sit aëris resistentia, reperiuntur spatia ascensus, & descensus æqualibus temporibus exactè æqualia inter se, paritèrque impetus in principio ascensus & in fine descensus æquales inter se, nec dicas requiri prolixas elevationes ut differentia inter ascensum, & descensum ejusdem pilæ projectæ distinguatur, nam transitus ascensus duplus descensivi latere non posset adhibito exiguo funependulò pro exacta mensura temporum æqualium.

Remoto
 vero im-
 pedimen-
 to aëris
 spatia as-
 census &
 descensus,
 atque im-
 petus æ-
 quales
 sunt ut
 experien-
 tia com-
 probatur.

PROPOSITIO CXV.

*In projectione ad horizontem inclinatâ paritèr ad medietatem elevationis, qua motu aquabili fieri posset, sublevabitur projectum excur-
 ritque itinere parabolicò.*

Non secus contingit in motu sursùm inclinato ad horizontem, Tab. IV.

Cc 3

finim Fig. 82.

si enim corpus grave A impellatur fursùm oblique ad horizontem motu æquabili impetu D, ut nimirum tempore T percurrere valeat inclinatum spatium directum G F & elevari queat perpendicularitèr spatiò G H supra planum horizontale; dico in puncto I intermedio ejusdem altitudinis terminari elevationem & deinceps deprimi itinere curvò parabolicò.

Dividatur recta linea F G in quocumque partes æquales in punctis B, C, K & ab eis cadant perpendiculares ad planum subiectum F H ut sunt B L, C M, K N, & G I, quæ successivè crescunt in eadem proportionem quam habent quadrata ipsarum F B, F C, F K &c. sitque G I semissis altitudinis G H; & quia corpus A impellitur motu æquabili impetu D per directionem inclinatam F G, ergo temporibus æqualibus percurrit spatia æqualia F B, B C, C K &c. quæ proinde metientur tempora excursionum, & quia A post discessum ejus à quiete in F exercet vim suæ gravitatis, qua impetus æqualitèr crescentes temporibus æqualibus acquirit, & proinde dum excurret per G F descendet transigetque spatia perpendicularia ad planum horizontale duplicatam proportionem habentia temporum excursionum, ergò si tempore F B deprimitur per B L necessario tempore F C descendet per C M & tempore F K descendet usque ad N, & sic ulterius, quare iter projecti afficietur per curvam F L N I, quam esse parabolam sic ostendemus, ducta F R parallela ipsi G I, K N &c. atque à punctis L, M, N, & I ducantur rectæ æquidistantes ipsi F G, quæ occurrat ipsi F R in punctis O, P, Q R manifestum est spatia B O, C P, & G R parallelogramma esse & ideò eorum opposita latera æqualia inter se erunt scilicet O F ipsi R L & O L ipsi A B & sic reliqua, quare abscissa O F ad F P duplicatam proportionem habebit ejus quam habet ordinatim applicata O L ad P M, igitur puncta F, L, M &c. sunt in parabola, postea productis rectis F G, F H in directum fiat G X æqualis F G & H S æqualis F H jungaturque X S, patet in triangulo F X S esse X S duplam ipsius G H, sed ex hypothesi G H bisariam in I secatur, ergò X S quadrupla est ipsius G I, ideò X S ad G I duplicatam proportionem habebit ejus, quam habet spatium seu tempus F X ad spatium seu ad tempus F G & proinde punctum S in eadem parabola F I erit, cumque I H sit ejus diameter æquidistans diametro F R atque ab ipsa G H bisariam & ad angulos rectos dividitur applicata

Ex conicis
Apolonii

applicata FS in H, ergo HI est axis parabolæ ad quem ordinatim applicata erit FH, & est axis portio GI extra sectionem æqualis IH ergo FG tangens erit & I terminus axis & sublimius punctum parabolæ erit; quare terminus ascensus projecti A per parabolam excurrentis non ultra verticem I scilicet non ultra medietatem totius elevationis GH subleuabitur & exacto termino I deprimetur descendetque deorsum, quod propositum fuerat.

PROPOSITIO CXVI.

Si postea duo corpora gravia impellantur sursum perpendiculariter ad horizontem duabus velocitatibus; elevationes apparentes duplicatam proportionem habebunt ejus, quam habent impetus vel tempora.

Corpus grave A impetu D & tempore T impulsu perpendiculariter ad horizontem per lineam CF perveniat ad supremum terminum I suæ elevationis nec ulterius progrediatur, patet eodem tempore motu æquabili impetu D percursurum spatium CF duplum elevationis ejus CI, pariterque corpus grave B impetu E & tempore V impulsu similiter perpendiculariter ad horizontem attingat terminum L maximæ ejus elevationis, erit GL semissis spatii GH quod æquabili motu impetu E & tempore V percurreret, dico spatium CI ad GL duplicatam proportionem habere ejus quam habet tempus T ad V, vel ejus quam habet impetus D ad E; quia spatia CF & GH motu æquabili exacta compositam proportionem habent ex ratione temporis T ad V & ex ratione velocitatis D ad E, sed ut CF ad GH ita se habent ejus medietates FI ad HL nec non CI ad GL, quæ sunt elevationes apparentes corporum A & B, igitur maxima elevatio CI corporis A ad maximam elevationem GL alterius corporis B compositam proportionem habet ex ratione temporis T ad V, & ex ratione velocitatis D ad E, sed spatia exacta acceleratō motu FI & HL scilicet repulsus impetus gravitatis quæ subtrahuntur à spatijs motu æquabili transigendis duplicatam proportionem habent temporis T ad tempus V, ergo pariter elevationes apparentes CI, & GL duplicatam proportionem habent ejus quam habet tempus T ad V, & ideo duplicatam quoque proportionem habebunt reliquæ componentis proportionis velocitatis D ad E, quod fuerat ostendendum.

Tab. IV.
Fig. 89.Ex prop.
114.Gal. de
motu lo-
cali lib. 1.
Pr. 4.

Prop. 87.

COROL.

COROLLARIUM.

Hinc colligitur si elevationes apparentes duorum corporum sursùm projectorum æquales fuerint, esse tùm impetus tùm tempora æqualia inter se; quia ejusdem proportionis æqualitatis subduplicatæ componentes proportionibus sunt quòque æqualitatis, & idè quotiescumque apparet elevatio C I corporis A æqualis fuerit apparenti elevationi G L alterius corporis B necessario impetus D æqualis erit impetui E, atque tempus T æquale erit tempori V.

PROPOSITIO CXVII.

Si duo corpora impellantur sursùm sub eadem inclinatione erunt elevationes apparentes atque transitus horizontales ut quadrata temporum excursionum vel velocitatum impellentium.

Tsb. IV.
Fig. 90.

Sit corpus grave A quod velocitate X tempore Y inclinatò motu ad horizontem per lineam E H pertingat ad maximam apparentem elevationem in O, atque excurrat spatium horizontale E G; sitque aliud corpus grave B, quod velocitate V tempore Z per communem directionem inclinatam E L projectum pertingat ad maximam apparentem elevationem N M, atque percurrat spatium horizontale E F, ostendendum est tùm elevationem O P ad N M, cum transitum E G ad E F eandem proportionem habere quam quadratum velocitatis X ad V vel quam quadratum temporis Y ad Z, quia corpus A nedum impetu projectitiò sursùm impellente per E H sed etiam naturali gravitate deorsùm pellitur perpendicularitèr ad horizontem, constat quòd ex mixtione duorum motuum dictorum resultat iter curvum E O G per lineam parabolicam quam tanget linea impetus projectitii E H ejusque axis erit P O H bifariam sectus in sublimiori termino ejus O: non secus corpus grave B duplici impetu impulsus ferretur per lineam curvam E M F parabolicam quoque quam pariter continget linea impetus E L eritque ejus axis N L ubi maxima elevatio contingit bifariam sectus ad verticem M, & quia quò tempore X corpus A ad summitatem O pertingit si impetu gravitatis privaretur excurreret usque ad H, paritèrque

Gal. ibidem.

ritérque corpus B si tempore Z impetu V solummodò moveretur perveniret usque ud L, igitur duo transitus motu æquabili exacti per EH, & EL compositam proportionem habent ex ratione velocitatis X ad V & ex ratione temporis Y ad Z, sed quia HP & LN perpendiculares sunt ad horizontalem EG eductæ à terminis H, & L ejusdem directionis oblique EH erunt duo triangula HP E, & LNE similia inter se, & propterea ut HE ad EL ita erit PE ad NE, & ita quoque erit HP ad LN, est verò OP semis-
 sis ipsius HP, paritérque MN medietas ipsius NL, cum sine maximæ elevationes, igitur OP ad MN eandem proportionem habebit quam HE ad LE & ideò compositam proportionem habebit ex ratione velocitatis X ad V, & ex ratione temporis Y ad Z; suntque elevationes maximæ OP & MN æquales descensibus HO, & LM accelerato motu corporum A & B temporibus Y & Z exactis, & hujusmodi descensus duplicatam proportionem ha-
 bent temporum Y ad Z, igitur duplicatam quoque proportionem habebunt velocitatis X ad V: verum amplitudo parabolæ GE dupla est ordinatæ EP, pariterque amplitudo EF dupla est ipsius EN; igitur transitus horizontalis GE ad transitum horizontalem FE eandem proportionem habebit quam PE ad NE, seu eandem quam habet elevatio maxima PO ad MN, scilicet duplicatam proportionem ejus quam habet velocitas X ad V, seu tempus Y ad Z, quod fuerat &c.

Prop. 81.

Et hætenus de simplici impulsu projectio differuimus, modo de peculiaribus projectionibus quæ à percussione fiunt agendum est, semperque corpora percutientia & percussa dura esse & consistentia supponendum est.

PROPOSITIO CXVIII.

Est primo si idem mobile duabus inæqualibus velocitatibus percutiat idem mobile quiescens amovibile perpendiculari & media incidentia, erunt velocitates impressæ proportionales impetibus quibus percutiens agitur.

Corpus A percutiat idem corpus C modo velocitate EF modo velocitate LH affectum, sitque corpus C amovibiliter quiescens
 Dd percu-

Tab. V.
Fig. 91.

percutiaturque perpendiculari & media incidentia, intelliganturque corpora omnino dura & inflexibilia esse, ostendendum est velocitates impressas eidem corpori C eandem proportionem habere quam velocitates E F, & L H; fiat velocitas F E ad velocitatem E G ut duo corpora A & C simul sumpta ad corpus A, manifestum est à percussione ipsius A velocitate F E imprimi quiescenti amovibili corpori C impetum E G, non secus quam proportionem habent duo corpora A & C simul sumpta ad A eandem habere velocitas L H ad velocitatem H I impressam eidem corpori C ab ipso A velocitate H L affecto, & quia duæ proportiones F E ad E G atque L H ad H I eadem sunt uni tertiæ proportioni, quam habent duo corpora A & C simul sumpta ad corpus A, igitur ut velocitas F E ad E G, ita erit velocitas L H ad H I, quare permutando velocitas F E ad L H eandem proportionem habebit quam velocitas impressa E G ad velocitatem impressam H I, quod erat propositum.

Coroll.
Prop. 19.

Ibidem.

PROPOSITIO CXIX.

Datis duobus corporibus inaequalibus amovibilibus quiescentibus, reperiri debent duæ velocitates inæquales, quibus tertium corpus ea percutiendo perpendiculari & mediâ incidentiâ majori corpori à majori impetu percusso imprimatur gradus velocitatis æqualis ei, quæ imprimitur minori corpori à minori velocitate.

Tab. V.
Fig. 92.

Coroll.
Prop. 19.

Ibidem.

Sint duo corpora inæqualia D majus & C minus & quodlibet percutiens A, quæ supponantur dura & inflexibilia, sitque E F impetus minor quo A perpendiculari & mediâ incidentiâ percutit minus corpus C, & quam proportionem habent duo corpora simul sumpta A & C ad A ita fiat impetus E F ad E G, qui erit impetus impressus ipsi C ab ictu illato velocitate E F à corpore A, postea ut duo corpora A & C simul sumpta ad aggregatum duorum corporum A & D ita fiat minor velocitas E F ad velocitatem H I, atque ut duo corpora A & D ad A, ita fiat velocitas H I ad I L, erit quoque velocitas I L ea quæ imprimitur corpori D à percussione facta ab A velocitate H I, ostendendum est impetus E G & I L impressos corporibus C & D æquales esse inter se; quia invertendo

summa

summa duorum corporum A & D ad aggregatum duorum corporum C & A eandem proportionem habet quam velocitas H I ad velocitatem F E, & ut summa corporum C & A ad A ita facta est velocitas F E ad velocitatem E G, ergò ex æqualitate ordinata summa duorum corporum D & A ad A eandem proportionem habebit quam velocitas H I ad velocitatem E G; erat autem velocitas H I ad velocitatem I L ut summa corporum D & A ad A, igitur eadem velocitas H I eandem proportionem habet ad duas velocitates E G & I L, quæ proinde æquales erunt inter se, repertæ ergò sunt duæ velocitates inæquales H I & F E quibus corpus A percutiendo duo corpora C & D eis imprimat gradus velocitatis E G & I L æquales inter se, quod quæsitum fuerat.

C O R O L L A R I U M.

Ex hac demonstratione constat, quòd si idem corpus durum perpendiculari & mediâ incidentiâ duabus velocitatibus percusserit duo inæqualia corpora paritèr dura, & velocitas major ad minorem velocitatem eandem proportionem habuerit quam majus corpus percussum unâ cum percutiente ad minus corpus percussum simul cum percutiente, tunc velocitates impressæ percussis corporibus æquales inter se erunt, ex eo enim quòd impetus I H ad E F eandem proportionem habebat quam aggregatum ex D & A ad aggregatum ex C & A ostensæ fuerunt velocitates E G & I L impressæ ab A corporibus C & D æquales inter se.

P R O P O S I T I O CXX.

E converso si impressæ velocitates æquales fuerint, habebunt percutientes velocitates eandem proportionem, quam summa ex percutiente, & quolibet percussorum.

Hujus conversum facile demonstrari posse constat, positis enim velocitatibus I L, E G æqualibus impressis corporibus D & C à percutiente A velocitatibus H I & E F lato, habebit velocitas H I eandem proportionem ad duas æquales velocitates I L & E G; & ideo D plus A ad A erit ut velocitas H I ad I L vel ad E G, est verò

D d 2

tit

Fig. eadem.

ut velocitas E G ad velocitatem E F ita A ad C plus A, ergò ex æqualitate ordinata velocitas H I ad velocitatem E F eandem proportionem habebit quam A plus D ad A plus C.

PROPOSITIO CXXI.

Iisdem datis velocitates inquirenda tales esse debent ut majus corpus majori impetu percutiatur & tamen ei imprimatur gradus velocitatis minor eò, qui imprimitur minori corpori.

Tab. V.
Fig. 93.

Supponantur ea quæ in præcedenti propositione, & facta eadem constructione, ut velocitates I L E G impressæ ab A corporibus D & C sint æquales, & existente I H majori quàm E F reperiatur M N major quam E F, sed minor quam I H, seceturque in O ut sit M N ad O N in eadem ratione quam habet H I ad L I, ergo permutando H I ad M N eandem proportionem habebit quam L I ad O N, estque I H major quàm M N, igitur I L major erit quàm N O, & E G æqualis est I L, ergò E G major erit quam N O, sitque M N velocitas qua idem corpus A percutit majus corpus D, & minor E F sit velocitas qua corpus A percutit minus corpus C, ostendendum est minorem N O esse velocitatem impressam majori corpori D, & majorem E G esse velocitatem impressam minori corpori C, quia ut H I ad L I, ita facta fuit M N ad O N, & ut H I ad I L ita erat summa corporum D & A ad A igitur in eadem proportionem erit M N ad N O, quare existente M N velocitate percutientis corporis A, communicabitur majori corpori D gradus velocitatis N O, & posita F E velocitate ejusdem A imprimetur minori corpori C gradus velocitatis E G, igitur à majori impetu M N imprimetur majori corpori D gradus velocitatis minor N O, quàm imprimatur minori corpori C, cui à minori impetu E F major gradus velocitatis E G imprimitur, & hoc erat propositum.

Coroll.
Prop. 19.

PROPOSITIO CXXII.

Si idem corpus aequalibus velocitatibus perpendiculari & mediâ incidentiâ percussit inæqualia corpora, summa percutientis & cujuslibet percussorum reciproce proportionales erunt impressis velocitatibus.

Præterea

DE VI PERCUSSIONIS. CAP. XXXIIL. §13.

Præterea si velocitates NM, & EF æquales fuerint, quibus si Tab. v.
idem corpus A percusserit corpus majus D & minus C perpendicu- Fig. 93.
lari & mediâ incidentiâ, atque velocitas N O imprimatur corpori
D atque velocitas E G imprimatur corpori C, dico A plus D ad
A plus C eandem proportionem reciprocâ habere quam impressâ
velocitas E G ad velocitatem impressâ N O, quia D plus A ad
A eandem proportionem habet quam velocitas NM ipsius A ad N
O velocitatem impressâ ipsi D, & A ad A plus C eandem pro- Coroll.
portionem habet quam impressâ velocitas E G ad totalem veloci- Prop. 19.
tatem E F seu ad eandem NM, ergo ex æqualitate perturbata Idem.
A plus D ad A plus C eandem proportionem habebit quam E G ad
N O, quare patet propositum.

PROPOSITIO CXXIIL

*Si duo corpora dura inæqualia velocitatibus æqualibus percusserint
idem corpus durum perpendiculari & mediâ incidentiâ, impressa
velocitates proportionem compositam habebunt ex ratione percutien-
tium corporum, & ex ratione reciproca eorundem una cum cor-
pore percusso.*

Si duo corpora dura D majus, & C minus velocitatibus æqua- Fig. ca-
libus NM, & EF percusserint idem corpus durum A perpendicu- dem.
lari & mediâ incidentiâ, & facta NM ad M O ita D plus A ad D
erit M O velocitas impressâ ipsi A à percutiente D, pariterque facta
E F ad F G ut C plus A ad C, erit F G velocitas communicata eidem
A à corpore C; dico impressâ velocitatem M O ad F G pro- Coroll.
portionem compositam habere ex ratione D ad C & ex ratione re- Prop. 19.
ciproca C plus A ad D. plus A, fit C ad R ut C plus A ad D plus A;
atque fiat velocitas I H ad NM vel ad E F ut D plus A ad C plus
A, & ut D plus A ad D, ita fiat I H ad H L, erit H L veloci- Coroll.
tas impressâ ipsi A à D velocitate I H percutiente, & quia inverte- Prop. 19.
do D ad D plus A est ut L H ad H I, & D plus A ad C plus A ean-
dem rationem habet quam I H ad NM, atque ut C plus A ad C ita
est E F ad F G, igitur ex æqualitate ordinata D ad C eandem ratio-
nem habet quam H L ad G F, & quia idem corpus D duabus veloci-
tatibus MN, & H I percutit idem corpus A, ergo velocitas im- prop. 118.
pressâ

pressa MO ad impressam velocitatem LH est ut velocitas NM ad IH seu ut C plus A ad D plus A , scilicet ut C ad R , quare ex æqualitate perturbata OM ad GF eandem proportionem habebit quam D ad R , habet verò D ad R proportionem compositam ex ratione D ad C , & ex ratione C ad R seu C plus A ad D plus A , ergò ex iisdem componitur proportio impressæ velocitatis OM ad impressam velocitatem GF , ut propositum fuerat.

Hinc constat duorum corporum æque velocium majus eorum eidem corpori percussio imprimere majorem gradum velocitatis quam minus corpus percutiens, quia C plus A ad D plus A , seu C ad R majorem proportionem habet quam C ad D , ergò D major erit quam R , ostensum autem est D ad R eandem proportionem habere, quàm OM ad GF , igitur velocitas impressa OM major est impressâ velocitate GF .

PROPOSITIO CXXIV.

Dato corpore gravi cujus gradus impetus angeantur juxta seriem numerorum ab unitate incipientium reperiri debent corporum gravitates, quæ ab illo percussa impetus aequales suscipiant.

Tab. V.
Fig. 94.

Sit idem corpus grave A inæqualibus velocitatibus percutiens, ejusque impetus gradus GM, HM, IM, KM, LM , incrementum suscipiant juxta seriem numerorum ab unitate incipientium 1, 2, 3, 4, 5. reperiri debent pondera ut proponitur, ponatur quodlibet corpus B , & pondus majoris corporis C superet pondus ipsius B excessu aquali duobus ponderibus A , & B simul sumptis, atque corpus D duplo ejusdem excessus superet idem corpus B , & E triplo dicti excessus id ipsum superet & sic ulterius; ostendendum est quòd corpus A percutiendo corpora B, C, D . &c. velocitatibus GM, HM, IM , &c. eis imprimet gradus velocitatis æquales inter se; quia excessus corporis C supra B æqualis est aggregato corporum A & B , ergò corpus C æquale est singulari corpori A , & duplici B , quare corpus C simul cum A æquatur duplici A , & duplo corporis B , ideo summa ex C , & A dupla erit summa ex B & A , quapropter prædictæ summae eandem pro-

proportionem duplam habebunt, quam habent impetus HM ad GM , quare idem impetus imprimetur duobus corporibus B & C à percussione illatis à corpore A excurrente velocitatibus GM , & HM , similiter quia corpus D superat B excessu æquali duplo summæ ex A , & B , ergo D æquale est duplici A , & triplo ipsius B , quare D simul cum A æquabitur triplo ipsius A & triplo alterius B , & propterea aggregatum ex D & A ad aggregatum ex B & A eandem proportionem triplam habebit quam habet impetus IM ad GM , & propterea idem gradus impetus imprimetur duobus corporibus D & B à percussione ejusdem A factis velocitatibus IM & GM ; idemque verificatur in reliquis velocitatibus crescentibus; quare factum est, quod propositum fuerat.

Coroll.
prop. 129.

Ibidem.

P R O P O S I T I O CXXV.

Dato corpore gravi, cujus gradus impetus angeantur juxta seriem numerorum ab unitate incipientium, corpora quæ ab illo percussa suscipere debent æquales gradus impetus augeri debent arithmetica proportionalitate quorum excessus æqualis erit percutienti unâ cum minimo corpore percusso.

Sit corpus grave A cujus gradus impetus GM , HM , IM crescant juxta seriem numerorum ab unitate 1, 2, 3, &c. sintque corpora B , C , D quæ à percussione factis ab ipso A suscipere possint gradus velocitatis inter se æquales, dico corpora D , C , B æquali excessu sese superare, eritque communis excessus æqualis percutienti corpori A unâ cum minimo corpore percusso B ; quia supponuntur velocitates impressæ ipsis corporibus B , C , D æquales inter se, ergo quam proportionem habet velocitas HM ad GM eandem habebit summa corporum C & A ad aggregatum corporum B & A , pariterque ut velocitas IM ad HM ita erit D plus A ad C plus A , suntque velocitates IM , HM , GM arithmetice proportionales, quia nimirum juxta seriem naturalem numerorum usque ad unitatem minuuntur ex hypothese, igitur pariter D plus A , C plus A , & B plus A sunt in eadem proportionem arithmetica, & ideo eodem excessu quodlibet antecedentium suum consequens superat; verum si ab hisce aggregatis communiter auferatur quantitas ipsius A resti-

Fig. 1. eadem.

prop. 126.

A. resti-

A residuæ quantitates D, C, B, erunt quoque arithmetice proportionales eodem excessu sese superantes; postea quia velocitas HM dupla est velocitatis GM cum sint ut duo ad unum, igitur pariter aggregatum ex C & A duplum est aggregati ex A & B, quare summa ex C & A æqualis erit duplo ipsius A unâ cum B bis sumpto, & ablato communiter A remanet C æquale uni A & duplo B, & propterea excessus ipsius C supra B æqualis erit aggregato ex A, & B; non secus aggregatum ex D & A sesquialterum erit aggregati ex C & A, veluti velocitas IM sesquialtera est velocitatis HM, erat autem C plus A æquale duplo A una cum duplo B, igitur D plus A æquabitur triplo B unâ cum triplo A, & ablato communiter, A erit D æquale duplo A unâ cum triplo B, sed prius ostensum fuit corpus C æquale uni A & duplo B, igitur excessus ipsius D supra C æqualis erit summa ex A & B, quare patet propositum.

PROPOSITIO CXXVI.

Dato gravi cujus gradus impetus in eadem proportionione continua augentur & isdem percutiendo inæqualia corpora gradus æquales velocitatis eis imprimat, semper corpus majus ad minus percussum habebit majorem proportionem quam percipientis velocitates habent, sed quò magis corpora percussa augentur, eò magis eorum proportio minuitur.

Tab. V.
Fig. 95.

Sit corpus percutiens A quod velocitatibus IF, HF, GF continuè proportionalibus perpendiculari & mediâ incidentiâ percutiat corpora D, C, B, ut nimirum suscipiant gradus velocitatis æquales inter se, dico quòd quodlibet corpus majus C ad minus B majorem proportionem habet quam correspondens velocitas percipientis HF ad reliquam velocitatem GF, & majus corpus D ad minus C minorem proportionem habet quam C ad B, quia impressæ velocitates æquales supponuntur, erit velocitas major HF ad minorem GF ut summa corporum C & A ad aggregatum corporum A & B, pariterque ut velocitas IF ad HF ita erit summa corporum A & D ad aggregatum ex A & C, & fiat ut A plus B ad A ita GF ad impressam velocitatem FQ, & dividendo ut B ad A ita erit GO ad QF quare GO designabit corpus B, simili ratione

prop. 110.

Coroll.
prop. 119.

ratione quia C plus A ad A eandem rationem habet quam velocitas HF ad FO (ut constat ex propositione 121.) Ergo dividendo ut C ad A, ita erit HO ad OF, & proinde HO designabit corpus C, non secus ostendetur IO designare corpus D, & quia FG maior est quam OG, ergo HG ad GO majorem proportionem habet quam HG ad GF, & componendo HO ad OG scilicet corpus C ad B majorem proportionem habebit quam velocitas HF ad FG, non secus ostendetur corpus majus D ad C majorem proportionem habere quam velocitas IF ad FH, postea quia IF, HF, GF supponuntur continuè proportionales, igitur dividendo IH ad HF erit ut HG ad GF, & permutando IH ad HG, erit ut HF ad FG, erat autem prius HO ad OG in majore proportionem quam HF ad FG, ergo HO ad OG majorem proportionem habebit quam IH ad HG, & summa antecedentium OH & HI, scilicet IO ad consequentium OG & GH summam HO minorem proportionem habebit quam HO ad OG, sed termini IO, HO, & GO designant quantitates corporum D, C, B, igitur corpus D ad C minorem proportionem habebit quam C ad B, quod erat ostendendum.

PROPOSITIO CXXVII.

Datis duobus corporibus inæqualibus duabusque velocitatibus, reperire tertium corpus quod datâ majori velocitate majus corpus percutiendo ei imprimere possit gradum velocitatis æqualem ei, quem minori corpori minori datâ velocitate imprimere valet: oportet autem ut majus corpus ad minus habeat majorem proportionem quam major ad minorem velocitatem.

Sit majus corpus BD & minus C, velocitas verò major sit EF Tab. v. Fig. 9^o. & minor IH dummodò corpus BD ad C majorem proportionem habeat quam velocitas EF ad velocitatem IH, reperiri debet corpus percutiens ut proponitur, ex majori velocitate EF abscindatur velocitas EK æqualis IH, atque ex majori corpore BD secetur portio BL æqualis corpori C; postea ut differentia velocitatum KF ad KE ita fiat corpus DL ad aggregatum corporum C & A, ergo componendo velocitas FE ad KE seu ad ei æqualem velocita-

Ec

tem

tem I H eandem proportionem habebit quam summa corporum E, D, C & A, seu potius quam summa corporum D L, L B & A, scilicet quam summa corporum B D & A aggregatum ex C & A; quare ex corollario propositionis 118. corpus durum A percutiendo perpendiculari & mediâ incidentiâ duo corpora B D, & C velocitatibus E F & I H eis imprimet gradus velocitatis æquales inter se, repertum est igitur percutiens corpus A, ut quæsitum fuerat.

Hinc colligitur quòd licet major velocitas E F superet minorem velocitatem I H excessu minimò, & è contra corpus majus B D excedat exiguum corpus C quocumque grandi & enormi excessu, semper reperiri potest percutiens quod prædictis velocitatibus ferè æqualibus imprimat gradus æquales velocitatum in iisdem corporibus.

Expendendi modò sunt effectus producti à prædictis percussionibus qui sunt transitus locales procreati à prædictis velocitatibus impressis ab eodem percutiente corpore.

PROPOSITIO CXXVIII.

Et primò si velocitates ejusdem percutientis proportionales fuerint aggregatis ex percutiente & uno quoque percussorum, atque impulsu fiant per directiones æquidistantes plano horizontis à quo aquè recedant, projectiones seu transitus erunt æquales inter se.

Tab. V.
Fig. 97.

Sit corpus majus C & minus B percutiens verò A, quod majori velocitate F perpendiculari & mediâ incidentiâ percutiat corpus C, & postea minori velocitate E percutiat minus corpus B, directiones vero percussionum fiant per I O à puncto I sintque æquidistantes plano horizontis M L & ambæ recedant intervallo I L ab eodem plano subjecto, sitque velocitas E ad F ut summa corporum A & B ad aggregatum corporum A & C; dico projectiones seu intervalla horizontalia transcurfa ab utroque projecto esse æqualia inter se, quia corpus C percussum horizontali directione acquirit impetum percussivum quo motu æquabili ferri potest per rectam lineam I O æquidistantem plano subjecto L M, at subito post discessum à termino quietis in I incipit actio & impulsus nativæ gravitatis quæ perpendicularitè fertur deorsum uniformitèr acceleratò motu, &

ex

Ex his duabus impulsionebus consequitur mixta quædam progressio per lineam parabolicam IM , in qua supponamus transigere spatium horizontale LM , ostendendum est quod pariter corpus B excipiens percussionem horizontalem ab eodem termino I necessario percurrere debet idem spatium IM , quia ut velocitas E ad F ita est summa corporum A & B ad aggregatum corporum A & C , igitur velocitas impressa ipsi B à percutiente A velocitate E æqualis erit velocitati impressæ corpori C ab eodem percutiente A velocitate F , sed duo corpora C & B affecta duabus æqualibus velocitatibus per eandem directionem debent æqualibus temporibus excurrere idem spatium, cumque transitus descensivi per eandem altitudinem IL fiant æqualibus temporibus, igitur corpora B , & C à termino I discedentia eodem tempore pertingunt ad planum horizontale LM , atque in eodem tempore transigunt spatia horizontalia inter se æqualia, igitur spatium transactum à corpore B erit id ipsum spatium LM , quapropter &c.

Gal. de
motu lo-
cali lib. 3.
Prop. 1.

Coroll.
Fig. 98.

PROPOSITIO CXXIX.

Si postea impetus graduum impressorum inæqualibus corporibus ab eodem corpore percutiente fuerint inæquales, excursions factæ in plano æquidistante horizonti, & æque à plano subiecto elevata, eandem proportionem habebunt quam impetus impressi.

Sint denuò duo corpora inæqualia C majus, & B minus, quæ ab eodem corpore A perpendiculari & mediâ incidentiâ percutiantur, eisque imprimat gradus velocitatum H & G inæquales inter se; sint verò directiones impulsuum æquidistantes plano subiecto horizontali $RLMS$ quæ æquè sublevantur ab eodem plano subiecto, scilicet corpus C discedat à termino perpendicularis IL , at B à termino perpendicularis NR , ut sint altitudines IL & NR æquales inter se, & ambo transigendo vias parabolicas IM , & NS percurrant spatia horizontalia LM , & RS , ostendendum est L M ad R S eandem proportionem habere quam velocitas impressa H ad velocitatem G , quia duo gravia C & B acceleratò motu percurrunt duo æqualia spatia IL & NR perpendicularia ad horizontem temporibus æqualibus, & iisdem temporibus percurruntur pa-

Tab. 7.
Fig. 98.

Gal. de
motu lo-
cali lib. 2.
prop. 2.

rabolica itinera IM & NS, quare iisdem æqualibus temporibus percurruntur spatia horizontalia LM & RS, quæ ab impetibus H & G projectitiis horizontalitèr transiguntur motu æqualib, ut exigunt gradus velocitatis impressi indelebiles & ejusdem roboris permanentes, verum in moribus æqualibus eodem tempore exactis spatia transcurfa eandem proportionem habent quam impetus projectitii, igitur ut impetus projectitiis Had impetum G, ita erit transitus horizontalis LM factus à corpore C ad transitum horizontalem RS factum à corpore B, quod erat &c.

PROPOSITIO CXXX.

Datò corpore quod duabus datis inæqualibus velocitatibus perpendiculari & mediâ incidentiâ percutiat impellatque sursum perpendicularitèr ad horizontem duo inæqualia corpora, reperire elevationes eorum.

Tab. V.
Fig. 99.

Sit corpus A, & duo alia corpora C majus, & B minus, atque A datâ velocitate F sursum percutiendo corpus C ipsum impellat per directionem IL usque ad L perpendicularem ad horizontem; postea idem corpus A datâ velocitate E percutiat corpus B per directionem KN pariter ad horizontem perpendicularem, atque ambæ percussiones fiant perpendiculari & mediâ incidentiâ, determinari debet mensura elevationis ipsius B, & primo sit impetus F ad E ut A plus C ad A plus B, atque ut A plus C ad A ita fiat velocitas F ad H, paritèrque ut A plus B ad A ita fiat velocitas E ad G, constat ex superius demonstratis impetus H & G impressos esse corporibus C & B & æquari inter se & sit KM elevatio facta ab impetu G, discedunt ergò duo corpora C & B à terminis I & K æqualibus velocitatibus, sed in projectionibus sursum perpendicularitèr ad horizontem factis æqualibus velocitatibus elevationes apparentes æquales sunt inter se, igitur corporis B elevatio KM æqualis erit elevationi IL alterius corporis C, secundò velocitas F ad E majorem proportionem habeat quàm A plus C ad A plus B erit velocitas H impressa corpori C major velocitate G impressâ ipsi B, & fiat velocitas G ad P ut velocitas H ad G, & positò quòd velocitate H corpus C efficiat elevationem apparentem I L fiat ut

Ex prop.
111.

velocitas.

velocitas H ad tertiam proportionalem ita elevatio IL ad KO, dico corpus B usque ad summam O perducitur, quia in projectionibus perpendiculariter ad horizontem factis apparentes elevationes duplicatam proportionem habent ejus quam habent impetus impressi seu projectitii, estque H ad P ut quadratum impetus H ad quadratum impetus G, & ut, H ad P ita est elevatio IL ad elevationem KO, igitur duo gravia C & B usque ad terminos L & O ascendent, tertio habeat velocitas F ad E minorem proportionem quam A plus C ad A plus B, igitur velocitas H impressa majori corpori C minor erit velocitate G impressa corpori B, & denuò ut quadratum ipsius H ad quadratum alterius G ita fiat supposita maxima elevatio IL ad KN, erit hæc proculdubio maxima elevatio apparens corporis B quod eodem ratiociniò quò antea usi sumus ostenditur, & hoc erat propositum.

prop. 116.

Ex Prop. 121.

Ex prop. 116.

PROPOSITIO CXXXI.

Isdem datis si projectiones fiant sursum per directiones aque inclinatæ ad horizontem, reperire tum sublimitates ad quas pertingunt corpora percussa tum excursions horizontales.

Isdem positis directiones projectionum fiant sursum per lineas æque inclinatæ ad horizontem I R K S, patet ex superius demonstratis transitus corporum C & B effici per lineas parabolicas I L R & K O S; & siquidem impetus impressi H & G fuerint æquales, patet parabolas æquales esse inter se & eorum sublimitates seu altitudines parabolarum, pariterque amplitudines I R & K S æquales inter se fore, si verò una earum velocitatum ut H major fuerit quàm G erunt nedum sublimitates, sed etiam amplitudines parabolarum I R & K S in duplicata proportionem impetus projectitii H ad impetum G, quod erat propositum.

Tab. V.
Fig. 100.

prop. 115.

Ex prop. 117.

Eadem.

Ex his omnibus evidenter constat falsitas vulgaris sententiæ quòd pondera inæqualia æquè sursum projiciantur sive perpendiculariter ad horizontem, sive per directiones æquè ad horizontem inclinatæ, quotiescunque velocitates quibus ab eodem corpore percuntur eandem proportionem habent quam corpora elevata ut doctissimus Galilæus putabat, neque quisquam tanti viri experimentum

Ostenditur casu assumptis se Galilæum pondus, &c.

velocitates, quæ proxime æquales elevationes efficere debuerant.
Tab. V.
Fig. 101.

rimentum opponat cui fides denegari non debet, nam facile demonstrari potest casu assumpsisse pondera & velocitates quæ proximè ad eandem elevationem perducere corpora percussa potuerant; supponatur enim pila A plumbea unius unciz corpus B verò elevatum esse unciarum septem ab impetu percussivo F ipsius A unius gradus acquisito nimirum in descensu altitudinis unius diametri ejusdem pilæ A, postea sit pondus C 15 unciarum percussum ab eadem pila A impetu G duplo prioris, scilicet acquisito in descensu quatuor diametrorum ipsius, tertio pondus D 23 unciarum percussatur à pila A impetu H triplo prioris nempe acquisito in descensu novem diametrorum ejusdem pilæ, & tandem pondus E unciarum 31 percussatur à pila A velocitate I quadrupla, scilicet acquisita in descensu sexdecim diametrorum ejus; modò quia ut velocitas dupla G ad subduplam F ipsius A, ita est summa corporum A & C scilicet unciz 16 ad summam corporum A & B scilicet ad uncias 8; igitur duo corpora B & C elevari debent ad eandem altitudinem, similiter ut velocitas H tripla ad F subtripulam ipsius A ita est summa ponderum A & D scilicet unciz 24 ad summam corporum A & B scilicet ad uncias 8, quare corpus D elevari debet ad eandem altitudinem ad quam elevata fuerunt corpora E & C, idemque dicendum est de pondere elevato E, inspiciantur modò numeri relati à Gassendo, hi planè parùm differunt ab hisce nostris numeris, pondus enim B ponitur non præcisè 7 unciarum sed aliquid amplius, pondus verò C ponitur non 15 sed 14 unciarum cum dimidia, pondus verò D ponitur non 23 sed unciarum 21, & tandem pondus E non 31 sed unciarum 28, & hæc exigua differentia facile tribui potest inobservabilibus differentiis quibus parvæ elevationes eorundem ponderum inter se discrepare poterant, quare condonanda est tanto viro hallucinatio quando casu incidit in iis ponderibus ac velocitatibus, quæ ei & cuilibet alii imposuissent.

Ex prop.
30.

Eadem.

Simili
modo
Meris-
nus de-
cep-
tus fuit.

Non secus quatuor primæ experientiz factæ à Meriseno parùm quoque discrepant à vero, ponitur enim pondus B unciarum 8 non 7, C verò unciarum 16, non 15, at B unciarum 24 non 23, & tandem E unciarum 31 proxima, & siquidem sequentes observationes non exorbitarent, & æquè tolerabiles essent excusari posset ejus hallucinatio, quando infert altitudines ex quibus decidit globulus super lances liberas esse debere in duplicata proportionè ponderum

Num elevatorum, qui nempe prædicti numeri parum à nostris differunt, & idè fieri potuit, ut ad eandem ferè altitudinem prædicta inæqualia pondera eleventur, verum cum subsequitur non ulterius prædictam duplicatam proportionem pergere, quia observasse se ait impetum quintuplum prioris scilicet acquisitum in descensu 25 diametrorum ejusdem globi ænei uncialis non elevare quintuplum ponderis, nec quadruplum aut triplum, scilicet non elevare uncias 40, immò nec 32, aut 24, manifestè indicat imperfectionem trutinæ qua usus est, aut ejus structuram & proprietatem non fuisse ab eo animadversam, quandoquidem impossibile est ut pondus unciarum 24 elevetur ab impetu ejusdem globi uncialis cadentis ab altitudine 9 diametrorum ipsius, & postea à majori impetu acquisito post descensum diametrorum 25 idipsum pondus 24 unciarum non elevetur; scilicet, repugnat majorem effectum à debiliori causa, & effectum minorem à validiori potentia produci unquam posse, & eò magis hoc videtur incredibile cum pondus contrapositum unà cum lance non ad insignem altitudinem elevari debuerat, sed tantummodò aliquantisper separari à contactu fulcri acuminati à quo sustentabatur, cum evidentissimum sit corpora multo ponderosiora ut sunt trabes concuti, sublevarique ab ictu percussionis cujuslibet corporis, aliàs tremorem & sonum non efficerent.

Ejusque alia hallucinatio indicatur.

Quia verò historiarum veritas minime in dubium revocari debet operæpretium erit indicare quidnam præcipue Merfeno imposuerit, & ostendere quâ ratione ictus ejusdem globi majori impetu quinque graduum factus minimè elevare potuerit pondus minus in opposita lance pendens, cum è contra ictus ejusdem pilæ minoris impetu trium graduum elevare majus pondus debuerit, hoc autem exigit solutionem sequentis problematis.

PROPOSITIO CXXXII.

In bilancibus adhibere inæquales funiculos ut idem corpus percussiens majori impetu minimè elevare possit minus pondus, at minori impetu percussiendo majus pondus impellere valeat: oportet autem ut pondus percussientis corporis minus sit unoquoque ponderum suble-

Sint.

Tab. V.
Fig. 103.

Sint duæ balances D L M E, & V P Q X æquibres, quæ pendeant ex immobilibus aginis Q, R, sintque illius funiculi L D M E breviores & minus distrahibiles quam hujus funiculi P V Q X, & premat majus corpus C lancem D sustentatam à basi vel fulcro aliquo minus verò corpus B premat lancem X eodem modo sustentam, reperiri debent longitudines funium, ut idem corpus A minus quam B & C velocitatibus inæqualibus majori I H & minore F G percutiendo lances liberas problemati satisfaciatur, quia funes constant ex filis contortis, & convolutis ad modum cochleæ qui violenter distendi possunt, sed non sine eorum resistentia, igitur vis percussiva, quæ funibus inferitur continenter debilitatur in tempore à serie minimarum resistentiarum fibrarum ejusdem funis dum ipsæ cedendo, & simul repugnando vim ictus debilitant, non secus ac machinulæ connexæ, & longa serie colligatæ distractioni resistunt, & vim percussivam trahentem debilitant destruuntque, hinc fit ut funium P V, & Q X longitudines aut consistentiæ augetur vel minui possint, quousque eorum resistentia ad ulteriorem distractionem præcisè æquetur vi percussivæ corporis A impetu I H agitati, reperitur postea funes L D, M E ad quorum resistentiam ad distractionem ulteriorem, eandem proportionem habeat resistentia ad distractionem funium V P X Q, quam impetus I H habet ad portionem impetus ipsius F G scilicet ad G K, & quia resistentia funium Q X, P V ad distractionem æquatur vi corporis A impetu I H percutientis, manifestum est resistentiam ad ulteriorem distractionem funium L D M E æqualem fore energiæ corporis A impetu G K percutientis; at quando A ictum infert impetu majori F G licet pereat impetus K G in actione continuatæ distensionis funium remanet tamen gradus impetus F K quo corpus A percussionem inferre potest in corpus quiescens C, ideoque ei imprimet gradum velocitatis ad quem impetus F K eandem proportionem habebit quam A plus C ad A, & hoc profecto impetu corpus C elevabitur impelleturque sursum per aliquod spatium; quia verò funium P V, Q X resistentia ad ulteriorem distractionem æqualis est vi percussivæ corporis A impetu I H factæ igitur si corpus A descendat à tanta altitudine ut in fine descensus quando ad contactum lancis liberæ V pertingit possideat impetum I H necessario semissis ejus energiæ absorbitur dum nititur distrahere funiculos V P reliqua verò impetus medietas deper-

Coroll.
Prop. 19.

deperditur in distractione funicularum Q X, quare completa distensione distractioneque funium remanet corpus A absque ullo impetu scilicet in absoluta quiete, quapropter est impossibile ut lancem X onustam pondere majori B sursum impellat, ergò manifestum est quòd idem corpus A minori impetu F G impellere potest majus corpus C, & è contra majori impetu I H corpus minus B haud quaquam commovere potest, & hoc erat &c.

Animadvertendum modò est Merfennum in sua balance post primas experientias adhibuisse longiores funiculos, ut nimirum posset ex altitudine 25 diametrorum globus dimitti, ut in puncto intermedio lancis liberè percuteret, & tunc expertus est minimè elevari uncias 24, quas in altera bilanci breviores funiculos habente casus ejusdem pilæ ab altitudine 9 diametrorum sublevabat uncias 24, ex eo igitur ratio discriminis petenda est, quod funiculi longiores majorem & prolixiorem distractionem tolerare potuerant, & idè majorem resistantiam ad ulteriorem distractionem habebant, quæ æqualis esse potuit universæ energiæ percussivæ globi impetu 5 graduum scilicet cadentis ab altitudine 25 diametrorum ejus cum in funiculis brevioribus resistantia ad ulteriorem distractionem minor esset vā percussiva globi impetu 3 graduum scilicet cadentis ab altitudine 9 diametrorum, & idè impetus ille licet major prius detectus extinctusque fuit, quam percussione inferret in contrapositam lancem onustam, at minor impetûs utpote excedens resistantiam funium non totus extinctus fuit sed ejus aliqua portio vicens remansit à qua potuit elevari pondus ei contrapositum, & hæc est vera ratio & causa hujus admirabilis operationis undè patet insufficientia ratiociniū à Merfennio adducti pro solutione hujus reconditi problematis.

Sed antequàm ulterius procedamus animadvertendum est in balance præter funium distrahibilitatem adesse etiam virgæ, seu trutinæ, & lancium flexionem, quæ in percussionibus factis à globo cadente aliqua ex parte debilitant impetum ejus, quod profectò ab experimento ejusdem Merfenni evincitur, ait enim quòd globus cadens supra lancis centrum non tantò ictu percutit, quanto dum cadit prope centrum hinc inde & tunc majus pondus attollit, quod ipse censet rationi repugnare quæ judicat centram percussione omnium vegetissimam.

F f

Ratio

Deregitur
causa de-
ceptionis
Merfenni,
quia im-
petus
quinque
graduum
prius ex-
tinctus
fuit a ma-
jori di-
stractione
longio-
rum funi-
culorum,
quam per-
cussione
efficeret
in contra-
positam
lancem
onustam.
at minor
impetus
trium gra-
duum ex-
cedens re-
sistentiam
funium
brevio-
rum po-
tuit suo
excessu
pondus
contrapo-
situm ele-
vare.
In bilan-
cibus præ-
ter funi-
um di-
stractionem
adesse
virgæ &
lancium
flexio quæ
pariter
debilitant
vim ictus.

Percussio
ejusdem
globi ca-
dem velo-
citate fa-
cta super
centrum
laminæ
bilancis
debilior
est ea quæ
efficitur
lateraliter
hinc inde
a centro
ejusdem
laminæ,
quia in
centro
magis fle-
xibilis
quam ul-
tra cen-
trum, &
ideo in il-
la magis
impetus
debilita-
tur.
In excusa-
bilis vi-
detur re-
liqua ex-
perientia
nisi culpa
referatur
flexibili-
tati libræ,
& percus-
sioni non
centrali.

Ratio hujus diversitatis petenda est à flexibilitate illius laminæ, seu lancis, facile enim demonstrari posset quòd major vis requiritur ad flectendam & incurvandam lancem in locis lateralibus quàm si flexio fiat in ipsomet centro laminæ, igitur magis flexibilis & cedens est lanx in ejus centro quam ultra centrum, hinc inde, sed quantò major flexio efficitur in lance tantò magis & prolixius perseverat lucta & debilitatio impetus percutientis globi, igitur minus debilitatur impetus ejus quando incidit ultra centrum hinc inde quam centrali percussione, sed quò minus debilitatur impetus percussione globi cadentis eo pondus contrapositum elevatum majus esse potest, ergò necesse est ut sit magis vegeta & potens percussio lateralis quam in centro lancis facta.

Multo minus excusabilis videtur reliqua experientia quæ nuper vulgata est nisi culpam referamus in difficultates inevitabiles libræ usurpatæ, & plurimas alias circumstantias, quæ errandi occasionem præbere potuerunt; & profectò vix persuaderi possum quòd pila decidens ab altitudine 12 pedum conspici potuerit ut certè constaret an præcisè in medio laminæ ferreæ percussisset nec ne, cum ægrè certî simus si pila manibus superponatur an præcisè ejus infimum punctum contingat punctum aliud in lamina designatum, quâ ergò ratione persuadebimur in motu velocissimò descensus tot pedum conspici potuisse an infimum punctum pilæ cadentis medium punctum laminæ in extremo radio trutinæ accommodatæ præcisè tetigerit? si igitur hoc certò sciri non potest libra usurpata non semper erit radiorum æqualium, & idèd momenta percussio-num satis alterari possunt undè experimentum ipsum incertum redditur, sed non desunt postea innumeræ aliæ difficultates ut est flexibilitas libræ quæ necessario incurvari debet & subinde resilire ut scilicet ad suam rectitudinem restituatur, & tam inflexio quàm resilitio libræ non in instanti sed in tempore fieri debet & proinde percussiones erunt temporaneæ, undè miris modis potest impulsio ponderis prementis alterari; non hoc nomine solum trutina inepta est ad hujusmodi experimentum rite perficiendum sed aliis etiam de causis, Ergò si quis optaret mediantibus experimentis explorare à quibusnam impetibus inæqualia corpora æque eleventur, ea instrumenta & hi modi usurpandi sunt in quibus quantum fieri potest evitentur difficultates, quæ hallucinationes asserre possunt & idèd

& ideo cum quis explorare cupit vim & energiam percussio-
 factam ab uno corpore in aliud oportet ut percussio sit immediata
 non verò intercedat inter percutiens & percussum corpus aliquod
 flexibile & longitudinem habens, ut est trutina quæ flecti ac contor-
 queri & resilire potest circa centrum suæ revolutionis, neque interce-
 dere debent funes quibus lances alligantur, quia dum distrahuntur,
 vis percussio-
 nis imminuitur. Sed dices quomodo possumus cer-
 to scire an idem corpus modo dupla postmodum subdupla velo-
 citate percutiat nisi hoc ab ejus descensu per altitudinem quadru-
 plam determinetur, quo descensu minime percuti potest aliud cor-
 pus ut sursum ascendat nisi mediante trutina? potest profectò effi-
 ci percussio sursum immeditata & absque trutina & summâ facili-
 tate haberi possunt impetus inæquales habentes certam ac deter-
 minatam proportionem mediante hoc instrumentò, cujus stru-
 ctura talis est: fiant duo mallei M & N ex buxo aut ex quolibet alio
 gravi ligno & duro iisque insigantur manubria E D, G F gracilia
 sed tamen dura & consistentia, debent tamen summæ corporum
 mallei M ejusque manubrii E D pondus æquari ponderi mallei N
 una cum ejus manubrio G F; sed centra gravitatum eorum intra
 cylindros M & N eorundem malleorum consistere debent, postea
 manubriorum extremitates D & F figi debent in axe consistente O
 P, & simul colligari in K & L ut manubria semper inter se æquidi-
 stent & in eodem plano per axem O P ducto permaneant, & primò
 figatur axis O P in extremo alicujus mensæ A V ut sit perpendicu-
 laris ad planum mensæ & ad planum subjectum Q S horizontale,
 accommodentur deinde in extrema superficie mensæ duæ pilæ C &
 B & revolutis malleis usque ad I H quacumque vi impellantur pro-
 jectiōi motu versus E G, manifestum est impetum mallei M ad
 impetum mallei N eandem proportionem habere quam arcus H M
 ad ei similem I N, proptereaquòd hujusmodi revolutiones fiunt
 eodem tempore circa axem firmum O P à prædictis malleis simul
 colligatis; quare velocitas per circuli peripheriam H M ad velocita-
 tem per circuli peripheriam ei similem I N eandem proportionem
 habebit quam semidiameter DE ad semidiametrum F G, & hic
 habentur duo impetus impressi & inexistentes in duobus corporibus
 æqualibus & ejusdem ponderis ut sunt mallei M & N, qui impetus
 certam ac determinatam proportionem habent eam scilicet quam

F f 2

habet

Cum ex-
 penditur
 vis per-
 cussionis
 debet ea
 esse im-
 mediata
 ut inter
 percutiens
 & percus-
 sum non
 intercedat
 corpus
 molle aut
 distrah-
 bile.
 Proponi-
 tur modus
 efficiendi
 percussio-
 nem sur-
 sum im-
 mediate
 absque
 trutina ita
 ut impe-
 tus ha-
 beat cer-
 tam &
 determi-
 natam
 propor-
 tionem.
 Tab. V.
 Fig. 103.

habet longitudo mallei DM ad longitudinem mallei FN, & si quidem vera esset vulgaris sententia quod nimirum impetus percussivi æquantur resistentiis corporum gravium eandem proportionem habentium quam impetus, tunc posita pila C cujus pondus ad gravitatem alterius pilæ B eandem proportionem habeat quam longitudo mallei DM ad longitudinem mallei FN deberent profectò fieri projectiones horizontales inter se æquales, & proinde excurrerent lineas parabolicas CS & BR æquales inter se, transigerenturque spatia horizontalia in plano subjecto æqualia inter se quod planè experientia repugnat, sunt enim evidentèr spatia transcurfa QR & QS inæqualia inter se.

E contrà si juxta nostram sententiam duo pondera simul sumpta pilæ C & mallei DM ad aggregatum ponderum pilæ B & mallei N F eandem proportionem habuerint quam semidiameter DE ad semidiametrum FG tunc percussiones perpendiculari & mediâ incidentiâ factæ imprimunt æquales impetus corporibus C & B, & tunc transitus horizontales QR & QS æquales esse debent & hoc experientia comprobatur evidentius si mallei M, & N valdè ponderosi, & pilæ C, & B exiguæ, & parvi ponderis fuerint, atque accuratè & cautè difficultates & impedimenta evitentur.

Si postea explorare velimus elevationes eorundem corporum per directiones perpendiculares ad horizontem figi debet axis PO ad parietem A in aliquo plano horisonti parallelo, ut nimirum mallei simul connexi ab infimo situ IH excurrere possint sursùm per circumferentias circulorum perpendiculares ad horizontem, sed prius separari debet lamina VX, quæ habeat duo foramina Z & X tantæ latitudinis ut excipere possint portiones infimas pilarum B & C, quæ æquè exporrigantur & promineant infra laminæ oppositam superficiem, disponatur postea lamina VX parallela plano horizontali ut mallei M, N præcisè percutere possint pilas C, B incumbentes, & in tali situ lamina VX fixè & firmitèr retineatur, tunc factâ revolutione connexorum malleorum pilæ ab eis percutientur per directiones perpendiculares ad horizontem, eruntque paritèr duo impetus malleorum æquè gravium proportionales semidiametris DE & FG, & hic denuò si aggregatum ponderum pilæ C & mallei M & aggregatum ponderum pilæ B, & mallei N eandem proportionem habuerit quam semidiameter DE ad semidiametrum

FG,

Experientia constat non habere impetus percussivis eandem proportionem quam corpora impulsiva in projectionibus horizontalibus.

Et contra tunc projectio nes æquales referuntur quando impetus percussivis proportionales sunt aggregatis ex percussione, & quolibet percussorum.

Tab. V. Fig. 104.

Eodem instantiamento hæc posuit percussiones sursùm elevantes pondera ad eandem altitudinem à pondra & impetus habent jam dictam proportionem.

FG, tunc profectò elevationes apparentes CS & BR æquales sunt, si verò proportio ponderum C & M, ad pondus B & N major fuerit proportionem radii DE ad FG tunc apparens elevatio BR major erit elevatione CS atque ad eam habet duplicatam proportionem ejus quam habet impetus impressus pilæ B ad impetum impressum pilæ C qui impetus facile ex superius adductis propositionibus ex calculo elici possunt.

Id ipsum pariter verificatur si percussiones fiant sursum per directiones æque inclinatas ad horizontem, & in eis experientia comprobantur ea omnia, quæ in adductis propositionibus ostensa sunt, & hinc colligitur veritas nostræ doctrinæ, & falsitas vulgaris sententiæ.

Examen quæstionis 19. mechanices Aristotelis.

CAPUT XXXIV.

Hic obiter refelli potest Aristotelis sententia de causa energię percussionis in ejus mechanica adducta; quærit enim *cur si quis super lignum magnam imponat securim, de superque illi magnum adsiciat pondus ligni quidpiam quod curandum sit non dividit, si verò securim extollens percutiat illud scindit, cum aliqui multo minus habeat ponderis id quod percutit, quàm id quod superjacet, & premit?* respondet, *an quia omnia cum motu sunt, & grave ipsum gravitatis magis assumit motu dùm movetur quàm dùm quiescit incumbens igitur connatà gravi motione non movetur, motum verò & secundum hanc movetur, & secundum eam, quæ est percutientis, hinc inferunt ejus sectatores quod corpus incidens non modò per innatam sibi gravitatem operatur, sed etiam per eam quam in ipso motu acquirit, quod autem motus ponderi addat pondus, seu gravitas augeatur in motu, ac propterea effica-*

Quæst. 19.

Ex Aristotele
motus addit pondus ponderi quod falsum esse exinfectius demonstratis constat.

cius operetur exploratissimum esse aiunt, quia gravia in descensu, & projecta in suo progressu magis impellunt, non secus ac corpora graviora.

Quia verò hoc repugnat doctrinæ superius traditæ non erit inutile paucis insufficientiam peripateticæ sententiæ indicare.

Et primò quod motus ponderi non addat pondus constat ex eo quod impetus & gravitas non sunt quantitates ejusdem generis, & ideo sicuti linea superficiei addita eam non auget sic impetus & motus gravitatem non augebit, ut patet ex superius demonstratis.

PROPOSITIO CXXXIII.

Impetus non auget pondus corpori gravi.

Tab. IV.
Fig. 73.

Præterea id ipsum aliâ ratione ostendemus, sit corpus grave A ad corpus B reciproce ut ejusdem B impetus C ad impetum D ipsius A, & quia supponitur impetum, & motum addere corpori gravi majorem gravitatis gradum pro mensura ipsius motus, perinde est addere impetus C & D ipsis ponderibus B, & A, ac si ipsæ nova pondera S & R æqualia impetibus C & D adderentur: & si quidem pondus majus S superat gravitatem majoris corporis A, erit pondus S maximum, & B minimum quatuor proportionalium ponderum, atque R & A erunt intermedia, ideoque summa extremorum S, & B major erit summa mediorum R & A, & propterea momentum corporis B impetu C prementis majus erit momento corporis A impetu D comprimentis, quod est absurdum, existentibus enim ponderibus reciproce proportionalibus velocitatibus eorum, conceduntur ab omnibus unâ cum Aristotele eorum momenta æqualia inter se; quapropter impetus pondus non addit corpori gravi.

PRO:

PROPOSITIO CXXXIV.

Id ipsum alia ratione demonstratur.

Secundò ponatur ingens pondus A à plano subjecto fulctum, Tab. IV.
 scilicet motu, & impetu omninò privatum, & quodlibet exiguum Fig. 71.
 corpus B impetu affectum, & quia impetus ipsius B debilitari ac
 minui in infinitum potest, reperiri poterit aliquis gradus impe-
 tus C tam exiguus, ut licet addatur ponderi B ejusque pondus au-
 geat nihilominus ambo non superent energiam ponderis quiescentis
 A, quare percussio facta perpendiculari, & media incidentia à
 corpore duro B impetu C non superabit nec commovebit pondus
 A quod est falsum; demonstratum enim est ipsum elevare, non
 ergo motus addit pondus gravitati alterius corporis, præterea anim- PROP. 119.
 advertendum est quod nîsus & actio compressiva corporis gravis
 non tendit nec fertur sursùm, aut transversaliter, sed deorsùm
 perpendicularitèr ad horizontem, è contra impetus impressus ejus-
 que motus directio tendere potest sursùm aut deorsùm vel transver-
 salitèr, hinc fit ut aliquandò nîsus impetus & gravitatis se mutuò
 adjuvent, quando scilicet ad easdem partes tendunt descendendo
 versùs telluris centrum; è contra aliquandò impetus nedùm augere
 non potest nîsum gravitatis, cùm potius eum debilitet ac destruat,
 scilicet quando nîsus & propulsiões impetus & gravitatis, ad par-
 tes oppositas tendentes, sibi mutuò occurrant, atque una alterius
 impulsione impedit, & tunc impossibile videtur ut vis impetus
 augeat vim ponderis ejusdem corporis, & hoc profectò contingit
 cum pila gravis sursùm projectur perpendicularitèr ad horizontem,
 eum è contra nîsus gravitatis fiat deorsùm, & sic impetus projectiti-
 nedùm non augebit gradum gravitatis ejusque pressiões, quod
 potius actione contrarià eum imminuet.

PROPOSITIO CXXXV.

Paritèr idem alitèr ostenditur.

His positis supponatur rota ABC convertibilis circa centrum B Tab. IV.
 in Fig. 71.

in plano perpendiculari ad horizontem atque in terminis D, A, B diametrorum ad invicem perpendicularium AC, & BD apponatur idem malleus durus, qui percutere possit tres clavos dispositos in B, D & A ut figi possint in laminas ligneas vel cereas æquè altas, & resistentes ibidem accommodatas, & fiant percussiones in D sursum in A horizontalitèr in B verò deorsum, & malleus eadem velocitate clavos percutiat, in D, A, & B rota eodem impetu circumducta, ponamus jam gradum impetus mallei æqualem esse energię gravitatis ejus, quod fieri posse manifestum est, cum rota velocitas retardari in infinitum possit, & quia in percussione deorsum facta à malleo B gradus impetus impressi adjuvat & auget gravitatem descendentis mallei B, igitur gradus ponderis ejus augetur, scilicet efficitur duplicis roboris, & tantumdem augebitur energia percussionis ejus, è contrà ab impetu contrario sursum æquali energię gravitatis nedùm imminuetur, sed omninò destruetur vis gravitatis mallei D, quare energia ejus percussionis nulla profectò erit, tandem impetus transversalis in A remanebit inalteratus cum à propensione gravitatis neque juvamen, neque noxam patiatur, sequitur proinde ut percussio sursum facta à malleo D nullius roboris, utpote ab impetu seu gravitate omnino destructa ab impetu seu gravitate contraria æqualis energię ne minimum quidem figere possit clavum in ceream laminam, percussio verò transversalis facta à malleo A figere poterit clavum ad tantam profunditatem ad quam figere potest impetus ipsius mallei, seu quantum insinuare cum posset simplex mallei gravitas clavo incumbentis, absque ullo motu locali; & tandem percussio deorsum facta à malleo B duplicatò robore composito nimirum à vi ejus gravitatis, & ab energię ejus impetus, figet clavum duplo altius in laminam quam malleus A insinuaverat, seu duplo altius quam à simplici ejus gravitate absque motu figeretur, quæ omnia cum sint evidentèr falsa, & contra experientiam, æquè enim figuntur tres clavi D, A, & B atque ad æquales ferè profunditates insignantur, evincitur quòd impetus aut motus non auget, neque diminuit pondus cujuslibet corporis percutientis.

Concluditur quod percussio siue fiat sursum si-

Hinc fit ut siue percussio fiat sursum, siue deorsum, siue transverse, nullò pactò alterari debeat à pondere ejusdem impulsu corporis aut percussi, nec quicquam præterea operatur pondus corporis

corporis, quam excipiendo impetum per universam ejus majorem molem diffusum sed non proinde vis percussiva ullò pacto alteratur à pondere quatenus pondus est sive sursum, sive deorsum percussio inferatur, verum tamen est quòd progressus motus projecti, qui sursum efficitur continenter debilitatur, à successivo descensu dependente à naturali gravitate, cum è contra in projectione deorsum post percussionem continenter ejus impetus augeatur pro augmento impetus à vi gravitatis producti, at hoc non obstat nostræ sententiæ, sufficit enim ut actiones percussivæ & impulsivæ non alterentur ab actione propitia vel repugnante gravitatis, quæ diversæ generis est ab impetu, & nullum pondus quiescens reperiri possit quod impetu percussivò resistere valeat, & ab eo non commoveatur impellaturque sursum.

Et hic amore veritatis libens proferam proprium errorem, referamque experimentum à quo deceptus olim fui, quando communi errore detentus impetum percussivum ab aliquo pondere mensurari posse censebam.

Liquata cera eique admisto sebo confeci laminam molliorem aliamque ex pura cera duriores priori æqualem postea securiculam tres uncias pendentem convertibilem circa extremum ejus manubrium disposui ut cadere posset perpendiculariter supra planum mensæ, elevatàque securi ad sublimitatem graduum 45 curavi ut percuteret perpendiculari & mediâ incidentiâ utramque ceream laminam molliorem nempe, & duriores, & accuratè notavi utriusque scissuræ profunditatem; deinde super laminam molliorem propè priorem scissuram securiculam imposui eique desuper aliud pondus addidi undecim unciarum, & tunc comperi scissuram æqualem, aut paulò majorem à vi incumbentis ponderis factam fuisse, quàm ictus dissecuerat, demùm eadem securicula imposita super reliquam duriores ceream laminam adhibitoque pondere trium librarum, ferè facta est scissura æque alta ac simplex percussio ejusdem securis trium unciarum ab elevatione graduum 45, & quia persuasus fueram vim impetus percussivi mensurari à pondere compressivo eundem effectum producente, scilicet efficientem scissuram æqualem ei, quæ ab ictu facta fuerant, deducebam vim ictus securiculæ trium unciarum, ab eadem altitudine cadentis æquali energiz ponderis prementis unciarum quatuordecim, & etiam

ve deorsum, sive transverberatio nullo pacto alteratur ab actione propitia vel repugnante gravitatis, quæ diversæ generis est ab impetu.

Affectus experimentum pro infinita V. Percussionis sed fallax, propterea quod pondus ultra parum ut mensura impetus.

ponderi unciarum 38, & hinc deducebam eandem vim ictus æquari cuilibet ponderi; sed postea re melius pensitata, animadverti fallaciam experimenti, percepique nihil certi ex eo deduci posse.

Ostenditur quare idem ictus ejusdem corporis eodem impetu minorem scissuram efficit in plumbum quam in lanam, & quare majus pondus eandem scissuram plumbi efficiere debet quam in lana.

Quoniam ut dictum est impetus impressus cuilibet corpori debilitari ac tandem extinguì potest à resistentia corporum cedentium continuatâ & successivâ retrocessione non sine aliqua reluctantia, & aliundè manifestum est eundem impetum ejusdem corporis non minus debilitari extinguìque à minima resistentia lane flexibilissimæ, quàm à majori resistentia plumbi minus cedentis, immo ab isto minus debilitatur idem impetus quàm ab illa, licet majorem scissuram creet & altius insinuetur in lanam quam in plumbum propterea quòd vehementia percussione non aliundè provenit, quàm ab impedimento, resistentia, & reluctantia majori progressum corporis percutientis impediende; igitur ipsamet major consistentia plumbi reddit ictum validiorem & majoris roboris, ac validior percussio eam, & scissuram efficit, quæ à majori pondere, non verò à minori produci potest, hinc patet mirum non esse, quòd majus pondus adhiberi debeat ad scindendum plumbum quàm ad scindendam lanam, vel ceram ad eam profunditatem, quam effecerat ictus ejusdem pusilli percutientis corporis, quapropter energia illius percussione haud quaquam æqualis erit ponderibus inæqualibus comprimentibus, cum prædictæ operationes diversæ ab alia causa pendeant ut dictum est.

Non possunt corpora mollia comprimì ac scindi ab incumben-
tibus ponderibus absque motu locali & absque impetu aliquo.

Præterea animadvertendum est, quòd quotiescunque applicantur corpora ponderosa imponunturque corporibus mollibus, atque cedentibus, esse omnino impossibile, ut hæc ab illis comprimantur absque motu locali dum corpora mollia cedunt, ac stringuntur eo tempore quò urgentur ab incumben-
tibus ponderibus, comprimuntur ergò corpora mollia, & cedentia non à ponderibus quiescentibus, sed motu locali agitatìs: verum concipi non potest motus localis absque velocitate seu impetu, nec corpus grave impetu affectum subiectum corpus comprimere potest absque percussione, igitur reverà corpora mollia quodammodò percutiuntur ab incumben-
tibus ponderibus, non autem solummodò stringuntur comprimunturque à vi gravitatis quiescentis, hoc posito.

PROPOSITIO CXXXVI.

Eadem securicula eadem velocitate efficiet altiore scissuram in cera quam in plumbo, at adhibitis ponderibus supra securim, ut efficiant scissuras prioribus aequales in iisdem laminis, necesse est, ut minor scissura plumbi efficiatur à majori pondere incumbente, & major scissura cera efficiatur à minori pondere..

Sint duæ laminæ cedentes altera plumbea C reliqua verò cerea. Tab. V.
Fig. 105.
mollior B, efficiet proculdubio percussio ejusdem securiculæ 3 unciarum A eadem velocitate D altiore scissuram E B in cera, & minore scissuram F C in plumbo, eademque scissuræ fient ab inæqualibus ponderibus incumbentibus, à minori quidem pondere G in ceram & à majori pondere H in plumbo, impetus verò ponderis ceram scindentis quæ sit K mensuratur à profunditate scissuræ in eam factæ, pariterque impetus I ponderis plumbum comprimantis mensuratur à minori scissura in ipsum facta eodem tempore à pondere incumbente H, quapropter percussio quæ efficitur à pondere G in ceram majori impetu K efficitur & minori impetu I in plumbum à reliquo pondere H.

Et quia duo inæqualia corpora A, & G efficiunt eandem scissuram in ceram, erunt eorum vires percussivæ inter se æquales, proindeque ut moles corporea A ad molem G, ita reciprocè erit impetus K ad impetum D pari ratione corpora A & H eandem scissuram F C in plumbum efficientia æquales vires percussivas habebunt, ideoque ut corpus H ad A ita reciprocè erit impetus D ad I; quare ut ex æqualitate perturbata ut impetus K ad I; ita erit moles corporea, seu pondus H ad G, est verò impetus K major quàm I, igitur necessariò pondus H plumbo incumbens majus erit pondere G: quapropter necesse est ut minor scissura plumbi F C efficiatur à majori pondere H, & major scissura E B ceræ efficiatur à minori pondere incumbente G, & eadem scissuræ fient à percussione ponderis A velocitate D.

Hinc constat, quod impetus D æqualis non est ponderi H nec ponderi G, sed tantummodò vis percussiva ipsius A composita nimirum ex pondere ejus, & ex impetu D æqualis sit tum vi percussivæ.

Gg 2

Deductur quod simplex pondus non est æquale visæ.

sive ipsius H composita ex pondere & impetu ejus cum vi percussivæ alterius G, unde patet ex hoc experimento haud quaquam deduci posse quod vis motiva ipsius A ejusque impetus D non est æqualis, neque superat quodlibet pondus, neque evincitur energiam percussionis ipsius A infinitæ facultatis esse quod repugnet veritati superius demonstratæ; ergo fatendum est hujusmodi experimentum fallax omnino esse nec ex eo aliquid certi deduci posse.

Conclu-
sio totius
libri.

Posset hic primus liber augeri, & propagari differendo de quamplurimis aliis rebus à me data opera omisissis, nempe de centro percussionis, & de velocitatibus ab ictu productis, alia verò reservantur propriis locis, & de percussionibus corporum fluidorum, præcipuè ignis & spirituum, scilicet de energia, & modo quò percutere possunt corpora dura, & consistentia, & quibus instrumentis mechanicis eorum percussiones perficiantur, nec non de tremore animalium, de his enim inferius suo loco agemus; cum de vi motiva animalium, ejusque operatione differemus, cujus gratiâ priores hosce libros concinnavi, visum est ergò non longius evagari: sed consistere in hac generali speculatione quæ ab aliis ampliari ad libitum poterit, & sufficiens est pro meo instituto.

F I N I S.



JOHANNIS ALPHONSI BORELLI

Matheseos in Pisana Cathedra Professoris

RESPONSIO

A D

CONSIDERATIONES QUASDAM ET ANIM-
ADVERSIONES R. P. F.

STEPHANI DE ANGELIS,

Mathes. in Patavino Lyceo Profess. in loca quædam libri illius

D E

VI PERCUSSIONIS.

Ad Illustrissimum Doctissimumque Dominum

MICHAELEM ANGELUM RICCIUM.

Illustrissime Domine.

Nullus dubito, quin Tibi multò, quam Mihi, prius, inciderint in manus certi quidam Dialogi, à Doctissimo Patre Stephano de Angelis conscripti occasione certæ cujusdam demonstrationis contra Systema Copernicanum; In illis dialogis placuit etiam ei digressiunculam illam annotare quam Ego feci in libro meo de vi percussionis pag. 83. ubi considero motum mixtum ex transversali circulari æquabili & perpendiculari versùs centrum
Hh circuli

circuli uniformitèr accelerato ; de quo etiam motu mixto, me Tibi, Domine illustrissime, P I S I S adscripsisse, simulac Liber ille meus Typis committerebatur, recordor : itaque quoniam Supranominato Patri placuerit, iis quæ à me in digressione illa sunt allegata, contradicere, id mei esse officii ex adverso putavi, ut nonnulla hic subjungerem, quæ instantiis ipsius in totum possent satisfacere ; interim nè latum quidem unguem ab ipsa quæstionis essentia divagabor ad aliquas rixas, nam inconvenientissimum Scientiarum Professoribus esse existimo, modestiæ leges ullò modo violare.

Adoritur ille primò, dialogorum suorum pag. 29. mirari, quod ego negaverim, supradictum motum mixtum fieri potuisse per lineam spiralem particularem, de qua tractant nonnulli novitii, quorum unum scis, Illustrissime Domine, quòd scripserim esse Dominum Fermatium velut hoc refert Pater Mersennus Phenomenorum suorum Balisticorum p. 6. ubi simul subjungit, propositionis illius demonstrationem transmissam fuisse ad Galileum, qui forsan (more ipsi consuetò) exemplaria ejus, non dùm tunc Amicis suis distribuerat : dicit insuper, quod spatium dictæ lineæ spiralis ad Sectorem circuli, illud comprehendentis, proportionem habeat numeri 8. vel 15, eòdem præcisè modò ac refert ipse Pater de Angelis. Et ad demonstrandum porrò lineam talem reverà esse spiralem, supponit idem ille Pater, quòd mobile productum sit ex motu ipsius semidiametri, quem in mobili dicit esse per participationem, sicque reverà inciperet moveri transversaliter, non motu æquabili, sed successivè retardato ; idque dicit demonstrari in gravibus cadentibus ; verùm propositionem illam assumit ipse tanquàm veram, licet ad illam confirmandam nullas habeat rationes alias, quàm propriam Auctoritatem solam.

Ego ex adverso impossibile esse judico, motum illum transversalem, qui lapidi à præsupposita vertigine communicatur ex summitate v. g. turris vel mali navis versùs centrum terræ, progredi posse retardando, prout magis ac magis appropinquat centro terrestri, ubi tandem extinguitur ; sed existimo lapidem, in quocùnque demùm descensus loco extiterit, retinere debere eundem gradum velocitatis transversalis, & per consequens eum spatia æqualia transgredi temporibus æqualibus, in omnibus, quos transgreditur, circulis, hocque tantò securius assero, quantò id evidentius per multa experimenta, perque rectæ rationis trutinam comprobatur ; etenim video equidem impetum illum, gradumque velocitatis, qui mobili cuidam corpori communicatus est, debilitari posse & extin-

extingui, per impetum v. g. contrarium, five resistantiam aliquam aliam, sed idcirco tamen non animadverto mutari illius directionem; ita ut mobile illud, quod gradu suo velocitatis acquisitio moveretur siveper lineam rectam, five per circumferentiam circuli, quando cadit, simpliciter mutet viam vel per reflexionem, vel quod tunc iter suum plus incurvet quam initio, & deducatur ad circulos minores, sicque videmus quod eandem velocitatem retineat quam ipso initio habebat: ita navis v. g. quæ à vento vel remis determinatum aliquem nacta est velocitatis gradum, quando revolvitur, & itinera describit magis curva, eodem cum impetu decurrit, quem primò acquisivit: illudque ipsum observatur in avibus volantibus, omnibusque projectis; Et quicumque adhuc experientiam desiderat, huic, de qua controvertitur, similem, sumere poterit pendulum aliquod, quale est ABC, & trajiciat filum suum per anulum B parieti domus alicujus affixum; postea dictum pendulum ita revolvatur, ut globulus plumbeus A describat circulum ADE, imprimatque ei determinatum quandam gradum velocitatis: si jam terminum fili C manu attraxerit ad H, ita ut longitudo penduli BF sit quarta pars ipsius AB, illicò videbimus à globo F describi circulum FG minore temporis spatio, hoc est, medio illius, quod illic volui ad efficiendum circulum ADE, & idcirco erit velocitas in F eadem, quam habebat globus in situ A, & exadverso, elongatò pendulo à G versus A, videbimus subitò cum progredi ampliando revolutiones globi, sed hac tamen cum lege, ut velocitas in quocunque loco erit eadem, ablatà tamen variatione, quæ dependet ex inclinatione, quam facit globus A versus centrum circuli AD, id quod in nostro casu nullum facit præjudicium. Non minus clara & evidens erit sequens experientia; sumatur vas aliquod conicum, figura poculi cujusdam ABC, quod injunctum existat axi CD, immittatur foramini transversali E firmi alicujus corporis FG, & cum vertice inferiore D in foramine aliquo pavimenti, ita stabilizatur, ut totum vas sit volubile circa suum axem perpendiculariter ad horizontem; conjineat porrò dictum illud vas in interna sui parte zonam quandam H, in qua sustineri potest & gyrare ligneus vel alterius cujusdam materiz globulus, ponatur deindè dictus globulus A in margine suprema vasis A, & incipiat revolvi simul cum vase usquedum pervenerit ad determinatum gradum velocitatis, nullum erit dubium, quin Globus A eandem acquireret velocitatem, quam habet extremitas suprema vasis AB, hoc est, conservatur in eodem signo vel

termino latitudinis conⁱ A H C, porroque si in statu illo permiseris precipitari globulum A usque ad H, sique conservetur velocitas vasis in eodem gradu; quod erat in prima instantia, animadvertetur, quod globulus, ubi pervenerit in H, non sistetur in eodem latere conⁱ A C, sed excurrat usque in O, ita ut integer circulus H I simul cum arcu H I O existat æqualis toti circumferentiæ A B; certò indicio gradum illum velocitatis, quem habebat globulus in A, conservatum adhuc in H, necessariò transcurrere spatium æquale primo illi, in eodem tempore integræ revolutionis vasis, ita ut, licet globus ille inferius magis conducatur ad circumferentiam circuli minoris, attamen nè vel hilum quidem de ista velocitate quam primò habebat, deperdat: Quicunque porro securus esse velit, quod dicti vasis vertigo æqualitè sit velox, non solum quando globus est in extremitate A, sed etiam postquam deciderit in B, ille ponere poterit globulum alterum in B, qui, si postquam ecciderit alter globus A in H, perseveret in termino B in lato C B sine progressu ulteriori, signum erit indubitatum, vertiginem vasis esse uniformitèr velocem, sibi que ipsi similem.

Ex hisce & similibus aliis, quæ adduci poterunt, experimentis, videmus evidentissimè, quod quando mobili alicui corpori, impressus est determinatus aliquis velocitatis gradus per circumferentiam circuli cujusdam majoris, circuitus ille nè hilum quidem in suo motu retardetur, quia coactus est excurrere per circumferentiam circuli minoris, & idcirco est vis percurrens spatia æqualia in temporibus æqualibus; impossibileque erit, quod dictum grave temporibus æqualibus transcurrat arcus similes in dictis circulis inæqualibus.

Ratio deindè talis operationis, satis, nō fallor, est manifesta, quia virtus eadem motiva, & per consequens impetus & velocitas quam liberè sine ullo impedimento possidet idem mobile, eodè necessario producit effectus, qui sunt transitus per spatia æqualia temporibus æqualibus, quacūque demum in directione illi fuerint constituti, sive scilicet curvi, sive recti, sive reflexi sive plus minusve curvi extiterint: notum insuper est nullius esse momenti, quod virtus talis sit impressa à principio quodam externo, qualis est virtus ipsa projectorum; simulac enim mobile separatum fuerit à projiciente impetus vel virtus ipsius non amplius est externa, sed intrinsecus manet impressa non minus ac si dependeret à principio quodam interno; adeoque una æquè ac altera virtus naturæ suæ perseverans est, dummodò non adsint impedimenta aliqua externa vel causæ illam retardantia.

Jam

Jam ad casum nostrum propius accedo; sit centrum terræ C, circumferentia æquinoctialis ejus EH, & altitudo turris vel mali cujusdam navis AE, suppositòque quòd AE simul cum diametro EC motum retineat circularem per circumferentiam EH, decidat saxum aliquod ex summitate A, convenimus jam Ego & Pater de Angelis, quòd tale saxum ex altitudine turris A descendat cum impetibus duobus, unò ipsi communicatò ex vertigine præcedentis semidiametri CE A, qui impetus est uniformis, hoc est, aptus ad percurrendum spatia æqualia temporibus æqualibus; alterò quem habet in quantum grave aptum est ad se conducendum versùs centrum terræ C cum motu uniformitèr accelerato, deque his ambobus impetibus sumus nos concordēs, sed de hoc solo controvertimur, scilicet an motus transversalis in appropinquatione saxi versùs centrum terræ, successivè procedat, retardando secundùm proportionem distantiarum à centro, hoc est, suppositò quòd impetus transversalis aptus esset ad excurrendum arcum AF minuto horæ secundo in summitate turris, inclinante dictò gravi plus versùs inferiora v. g. in G, an hoc ibidem excurrat arcum minorem FA & æqualem CD in tempore correlativo, conductumque in H an transgreditur in eodem tempore arcum æqualem EI & ita porrò, usque dum conductum ad centrum C, dictum impetum transversalem, dum ad quietem reducitur, in totum amittat; & reverà, si linea AE canna quædam esset capax globi cadentis plumbei, optimè ego capio, quòd illa, in gyratione, quam efficeret unà cum semidiametro CE, eò transportare deberet globum plumbeum A, ubi ipsa canna AE se conducirēt, & idcirco perventà AE in FI, declinaret globus A, centrum versùs, totum spatium FG & virtute motus transversalis excurreret ansum DG minorem arcu AF, & in secundo tempore, conductò semidiametro cum sua canna in situ MH, perventòque globò in H, virtute motus transversalis excurreret arcum IH æqualem IE & minorem quàm DG, & sic successivè: hocque omne per necessariam fieri deberet consequentiam, quia globus, velit nolit coactus est excurrere per longitudinem canalis AE, in quo captivus retinetur; verum itaque erit, quòd motus globi transversalis realitèr idem existat semidiametri CA, hocque solummodò per participationem in ipso globo, ita ut dictus globus, quantum in se, nullò modò possideret determinatum velocitatis gradum, sed participare posset tot continèntes deficientes, quot ipsi fuerant communicati ex semidiametro CA, cujus motui globus coactus est obsequi, & in hoc casu, nullam est dubium, quin motus mixtus globi

Hb. 3

AGH

A G H describeret lineam spiralem, quam sic vocant Dominus Fermatius & Pater de Angelis; ita etiam si ad usum geometricum institueretur talis suppositio, sequeretur pariter quod punctum A simpliciter excurreret in semidiametro A C cum motu uniformiter accelerato, dum semidiameter A C excurrit per circumferentiam circuli cum motu æquabili.

Nos verò circa hunc casum non versamur, non enim agitur de hypothesis illa abstracta de motu scilicet puncti A per semidiametrum A C & c. sed agitur de corpore gravi, quale est globus ille supradictus, qui non inclusus est nec coactus ad excurrendum per canalem A E, sed discedens à supremo termino A evadit sui juris & in medio fluido liber, ita ut linea A E simpliciter sit imaginaria, quæ nec habet existentiam, nec vincula, nec virtutem ullam globum retinendi, globusque nullatenus aberrat ex directione A E, tota igitur vis motiva collocata esse debet in eodem globo gravi A, qui nequit obsequi alicui alteri virtuti vel necessitati, quam illi qua gaudet ex impetu & velocitate; iam si talis impetus in dicto globo, postquam delapsus est ex summitate turris A, conservatur idem, non occurrente obstaculo aut impedimento ullò externò, quia medium fluidum æreum supponitur gyrate cum eadem velocitate turris A E, impossibile certè est, quod dictus globi impetus ullo modo debilitetur; sique ergò nullatenus diminuitur, quis intelligere potis est, quod in temporibus æqualibus adhuc ille non transcurrere debeat spatia æqualia? per consequens arcus I H æqualis esse debebit D G; angulusque H C I necessariò major erit angulo G C A.

Ad discursum hunc meum, supradictis experientiis stabilitum desiderassem Ego quod Pater de Angelis dignatus fuisset attendere, id quod etiam facile potuisset ex lectione libri mei collegisse, vidissetque simul quod rationes hæc meæ, qualemcumque demùm habeant probabilitatem, nullò tamen modò opus habeant cedere simplicibus illis dictis, *ego judico, ego credo, ego existimo*, quæ Reverendus ille Pater profert sine ulteriore rationum aliarum adductione.

Jamque, ut ipsi videre licet, ridiculum non adeò est; id quod suprà dixi, hoc est, quod linea curva A G H non sit spiralis illius generis, de quo ex Gallia scriptum fuit ad Galilæum: non jam ago de propositione illorum in abstracto, quam ego esse ingeniosissimam & elegantem existimo, sed de casu nostro, videlicet, de lapsu saxi ex altitudine turris in medio aliquo fluido, itaque quando isti Domini globulo assignabant determinatum impetum acquisitum, naturà suà uniformem & indelebilem,

non

non majorem auctoritatem habebant assumendi quod motus transversalis ejusdem corporis gravis excurreret retardando, quia hoc non est persisterre firmusque manere in facta suppositione, hoc est, quod globus deberet in toto suo progressu eundem gradum velocitatis æquabilis retinere, quia aliter non efficeretur compositio gradus velocitatis transversalis cum gradibus ipsis crescentibus ex gravitate pendentibus, sed efficeretur compositio innumerorum graduum velocitatum transversarum successive retardatarum cum totidem adhuc ex gravitate crescentibus.

Et hoc mihi sufficere posse videtur ad satisfaciendum objectionibus Patris de Angelis, quia minutis aliis, quas attingit, rebus, breviter potest responderi, innuendo quod ex eodem meo libro Responsiones ad varias suas oppositiones queat extrahere, nec non, quod magna sit differentia scientiarum purè Geometricarum à Mixtis iis quæ Geometriam applicant ad res naturales, qualis est Astronomia, Perspectiva, Musica, Mechanica &c. in quibus non est licitum vel unam immutare syllabam, vel ullè modò verborum semel prolatorum sensum variare, & quando v.g. dicitur talem quantitatem esse æqualem uni alteri, intelligi id debet omni cum rigore dùm in illis alteris nulla tanta sit obligatio, nominando demonstrationes illas quæ vulgo sunt per viam sinuum, tangentium, secantium, logarithmorum &c. quæ sæpè postea stricte loquendo nihil sunt, & quod porro facere solent, est admonere, quod proximè per hoc quod sensus exquisitus potest discernere, tales mensuræ sint veræ, quia si cum rigore illo volumus procedere, deberemus etiam erroris insimulare Archimedes tantum abest Ptolomæum, quod supposuerit in libra directiones gravium inter se esse parallelas, sic similiter dico lineam, quam describit projectum, transversalem, esse unam Parabolam, licet in rigore Geometrico nec sit nec talis esse possit; idcirco tales phrasæ modosque loquendi necessum est ut mihi concedat Pater de Angelis in Scientia hac Physico-Mathematica nam alioquin Summum ejus jus summa foret injuria; hocque jam sufficit ita ut opus non habeam loca illa omnia libri mei minutim examinare quæ Reverendo Patri reprehendere placuit.

Non possum deinde admirationem illam dissimulare, quam mihi supeditavit opinio, quod medicina contra angulos illos inæquales sustenti ex motu transversali cadentis globuli ex summitate turris à me annotati pag. 84. sit varia illa inclinatio cum qua globus percutit pavementum, non enim capere possum, quid rei unus habeat cum altero, & ibi video

in

in quam infelici conceptu me detineat dictus ille Pater, qui contendit quod discam rem aliquam quæ millenis quidem in libris est annotata, tamque est trita ut eam etiam sciat hominum sex & sentina. Querat vir Reverendus quemcumque voluerit Tormentarium, quando explosiones perpendiculares tormentorum maximam efficient vim in murum quendam? Respondebit illico quod explosiones perpendiculares summam efficient percussione, quod explosiones parallelæ ad murum nullius erint vigoris, sed quod illæ aliæ quo magis appropinquaverint incidentiæ perpendiculari supra murum, percussione efficient magis vehementem & validam, quàm magis remotæ à perpendiculari magisque inclinatæ ad murum sperarem quidem ego ex benignitate viri illius Reverendi, quod placuisset ipsi hoc perlegere quod adjunxi huic valde vulgari cognitioni, quodque, in quantum id mihi notum est, scriptum non est ab aliquo alio; estque hoc mensura præcisa momenti percussionum factarum in diversas inclinationes, quæ mensuratæ non sunt ab angulis incidentiæ, velut talis quidam credendum monstrat, sed ab ipsorum sinubus rectis, præter hoc quia videbam quod hoc solum non sufficeret ad satisfaciendum demonstrationi Physico-Mathematicæ, (cujus Auctorem nescio cur vir Reverendus tantam sibi sumptis auctoritatem conjecturandi, quando ego dignos propter respectus illum volui silere) propterea quod posset responderi, quod si pedi turris accommodatus esset lapis planus & politus, ita elevatus supra planum horizontis, ut superficies ejus reciperet perpendicularitèr percussione factam per viam obliquam globi venientis ex summitate turris tunc vis percussionis mensurata esset ex dicti globi impetu reali & physico per viam curvam in tali motu mixto factam essetque illa quantum scilicet ad sensum, æqualitèr valida in pede turris nec non versùs ejus summitatem, sicque responsio mea nullius esset utilitatis imò ridicula foret, quia necessarium fuisset probandi quod ultra inclinationem sinumque ejus, deberet insuper in considerationem venire motus non realis, sed respectivus: & quia pavementum cum tanta celeritate fugit percussione transversalem saxi cadentis, cum quantà sequitur ipsum saxum, hinc est quod impetus transversalis nullius evadat valoris saltemque remaneat percussio quæ efficitur ex motu perpendiculari, hicque denuò admirari recorder Viri Reverendi summam imò rigidissimam subtilitatem, quando mihi objicit, excessum velocitatis transversalis saxi supra velocitatem pavimenti: Sed bone Deus! quantus quæso erit unquam ille excessus ut ille existimet eundem aptum fore ad faciendam sensibilem aliquam percussione? reverà quando in 4^{ta} horæ pes turris progressus fuisset

fuiſſet 6795 pedes Geometricos & $\frac{1}{2}$, globus cum ſuo motu tranſverſali excurreret digitum unum minus, inveniamus jam ex toto humano genere quendam qui poterit diſcernere mimimum illum & inſenſibilem percuſſionis exceſſum dependentem ex impetu aliquo majore primò exceſſus minoris = $\frac{1}{1712}$

Progreſſior jam ad partem illam, quæ ſimilitudinem ſummæ abſurditatis habet, ita ut æſtimaretur potiùs opinio cœcorum quàm oculatorum; dico me pronunciâſſe, quod ſuppoſitò ſaxum cadentem ex ſummitate turris vel mali alicujus navis, gyrare per circulum maximum verſùs centrum terræ (loquor hic ſemper ex mera hypotheſi) non debeat facere ſuum lapſum per lineam aliquam designatam in eadem turri perpendicularem ad ſuperficiem terreſtrem, ſed quòd ab hac debeat deviare, ita ut via apparens talis deſcenſus non directè eat ad centrum, ſed declinet à ſemidiametro terreſtri, cui in initio erat unita; & reverà non nego quod hoc ita me inumbraverit, ut poſt impreſſionem libri mei adhuc in cauſa fuerit quod immutaverim & hypotheſin & lineam quam ſupradictum grave cadens deſcribit; ſed non propterea poteſt negari quod conceptus communis non dependeat ex ſimplici imaginatione & præjudiciò, neglectà ulteriori attentà conſideratione, qualis & quanta deberet eſſe deviatio ſaxi cadentis à linea perpendiculari ad ſuperficiem terreſtrem, quod ſi hoc feciſſent, clariffimum fuiſſet quod ſimiles deviationes à perpendiculari, quando adhuc illa ibi eſſet, propter earum parvitatem abſolutè eſſent inobſervabiles, ad quod clariùs percipiendum utemur eadem figurâ quam primo habuimus, in qua Turris A E alta ſit 240 pedes, & hæc ſupponatur gyrare cum ſemidiametro terreſtri C E per arcum E H minuti primi æquinoctialis, ita ut turris conducatur in ſitu H M & in hoc tempore, globus aliquis cretaceus decidens ex ſummitate A, perveniet ad terram cum duobus motibus, cum motu tranſverſali, qui impetus æquabilis menſuratus eſt ab arcu A M & impetu deſcenſivo per perpendicularem A E; dico jam quod globus non cadet præciſè in infimo ſitu H lineæ perpendicularis ad horizontem H M designatum in latere turris, ſed quòd parumpèr anticipabit, currendo per lineam M O exiſtente arcu E O æquali A M & idcirco majore quàm E H; debet jam monſtrari quòd deviatio H A propter ſuam parvitatem non poſſit eſſe obſervabilis, quia poſitò quòd ſemidiameter terreſtris C E ſit 23367468 pedum romanorum antiquorum & exiſtente Turri E A altâ 240 eorundem pedum, qualem proportionem habet C E ad A C, talem habebit arcus terreſtris E H minuti primi æquinoctialis ad arcum A M progreſſum ex ſummitate turris, qui

transitus efficitur in 4^{ta} horæ; jam supponendo arcum H E esse 6797 pedes
 romanos longum cum^e videbitur arcus AM aut saltem EO pedes 6797¹¹₁₁₂.
 tunc excessus H erit ¹/₁₁₂ unius pedis, hoc est ¹/₁₁₂ unius uncie pedis, &
 ideo minor uncia unâ pedis. Hoc supposito, quicumque in genere
 experientiarum est versatus, ille probè novit, quòd in tanta altitu-
 dine non exstant diligentie sufficientes ad fugiendas omnes illas difficul-
 tates quæ ibi existunt, inter quas ad exhibendum exemplum sufficiet hoc
 dicere, quod si permittatur globus aliquis plumbeus v. g. delabi ex eo-
 dem loco summitatis turris, hocque fiat cum quot placuerit regulis, for-
 minibus firmis, & quibuscunque libuerit aliis rebus quæ prohibent vacilla-
 re manus, non succedet unquam quòd globus secunda vice cadat in eodem
 loco ac prima vice, sed jam antrorsum, jam retrorsum, jam dextrorsum
 jam sinistrorsum; occasionem habui me ex hac difficultate explicandi,
 quando alterum in finem aliquandò efformavi pyramidem quandam stan-
 neam benè tornatam & politam, quæ in centro suæ baseos perforata erat,
 & suspensa ex suo vertice cum subtili filo ab altitudine trium pedum debe-
 bat cadere supra pavementum, cui infixæ erat acus perpendicularitè erecta
 ad horizontem, dumque pendulum quietè pendebat, & acus correspon-
 debat foramini inferiori coni stannei, accommodabatur interea regula ali-
 qua lignea, margini orbis cujusdam inclavata ad sciscitandum locum illum
 præcisum, ubi filum transibat, id quod postea debebam indigitare, nec
 non situm illum designare, ubi adaptari debebat vertex dicti coni quia ca-
 dendo debebat immitti in acum infra positam; præparatis hisce omnibus,
 periculum feci ego & multi præsentis amici, in demittendo dicto cono
 versus acum, sed non poterat per integrum manè ne semel quidem con-
 tingere quòd immitteretur in dictam acum, semper enim declinabat, jam
 versus unam partem, jam versus aliam, hocque eveniebat non solum
 quando cum digitis tenebatur iste conus, sed adhuc quando permittebamus
 ut ipse transiret foramen incisum in dicto orbe superiore; idem quoque
 adhuc contingebat, quando legato filo cum cono in supremo orbe ita ut ille
 appareret quietus nulloque modo vacillans mox accuratè forcipibus abscin-
 debatur filum; nec post tot diligentias, & tot patientias fuit unquam pos-
 sibile ut caderet conus in illum situm, ubi præcisè tensio & directio per-
 pendicularis ipsum debebat conducere; hinc conclusi quòd causa sit aut in-
 observabilis ille tremor & agitatio quam produciunt in manuum digitis sim-
 plices arteriarum pulsus, aut quòd non possimus nobis asseverare, quod in
 eodem instanti, digiti stringentes tale aliquod corpus possint dilatari, quin
 contactus

contactus posterior alicujus digiti non causetur aliquam impulsione, similiterque sectio forcipum potest ex una parte filum antè offendere & paulò concutere quàm opposita sectio ad abscindendum simul concurrat; certum saltem est quòd per aliquam harum aut similium causarum, possit addi concussio aliqua dicto corpori cadenti, ita ut jam veniat impulsio versùs unam jam versùs aliam partem; certum insuper est quòd minimæ hæ deviationes factæ sub initio devenirent multum & multum observabiles magnæque, quando lapsus foret ex loco altiori, ita ut labente ex summitate Turris, 240 pedes altæ, globò aliquò, cum minima aliqua & insensibili agitatione laterali, quæ est inevitabilis saltemque virtus quod in tanto itinere accrescendo, deveniat tandem digressio notabilis valde à signo undè directè debebat cadere; non loquor jam de aliis accidentalibus agitationibus, quas potest producere aer qui nunquam propriè loquendo est tranquillus; sique hoc verum existit, uti reverà est verissimum, videtur mihi concludi posse quod licet esset aliqua deviatio in delapsu corporis gravis in suppositione Turris vel navis motæ, illa nullo tamen modo foret observabilis, quia hæc quæ minor erat digito, secundùm computationem factam, esset occultata à majoribus deviationibus accidentalibus suprà dictis.

Jam licet hæc apta mihi viderentur ad excusandam dictam deviationem; attamen, velut indicavi, remanebat mihi scrupulus aliquis, & idcirco re illa attentius ruminatâ videbatur mihi, quòd jure meritò dubitari quidem posset de conclusione à me extractâ, sed non de supposito principio, hoc est, non videtur mihi dubitari posse impetum transversalem, cum quo descendit saxum ex summitate turris, servari semper ejusdem vigoris, in omni modo, quantò magis appropinquat centro, à nova aliqua causa in initio nec à me nec ab aliis animadversâ resultare potest diminutio aliqua impetus transversalis, quantus exactè requiritur ad efficiendum ut globus non derelinquat semidiametrum, in quo incipiebat moveri.

Sed necessarium primò est recordari naturalem ipsam proprietatem motus circularis, qui facultatem habet extrudendi & removendi mobilia à circumferentia, in qua primò movebantur per lineam rectam, tangentem circumulum in puncto separationis, quotiescunque accidit quòd mobile recedat à dicta circumferentia; sic videmus quòd, quotiescunque saxum translatus à vertigine alicujus rotæ, ab illa separatur, impetus præcedens circularis degeneret in rectilineum, & idcirco nullo modò declinet, hoc est, nullum facit angulum cum circumferentia præcedente, in qua primò movebatur; itaque assumptò hoc tanquam re certâ & evidenti, quando con-

fidero summitatem turris vel mali navis A gyrare circa centrum terræ C
 cum semidiametro CA per circumferentiam circuli maximi DA, com-
 prehendo, quod saxum, vel globus collocatus in summitate A, adhuc
 virtute vertiginis circularis DA possideat eundem impetum & veloci-
 tatem, quam habebat summitas Turris A, & contingendo, quod dictus
 globus recedat à digitis ejus qui eum sustinebat in tali situ, hoc est, existat
 relictus in medio fluido, necessarium videtur quòd talis globus continuare
 debeat impetum acquisitum per vertiginem DC, non amplius per cir-
 cumferentiam circuli AB, sed per lineam rectam AH tangentem circu-
 lum in puncto A, hocque sic erit manifestum. Fingamus quod glo-
 bus A privatus sit gravitate, hoc est, nullam habeat propensio-
 nem appropinquandi centro terræ C, jam non possum intelligere,
 quod globus discedendo ab illo qui eum retinebat in circumferentia circuli
 in A non extrudatur ab impetu circulari DA per tangentem HA, & id-
 circò quando idem mobile impellitur à duabus virtutibus motivis, una-
 quæque earum facit officium suum sine impedimento operationis alterius,
 & hoc succedit, non solum quando ambæ impellunt idem mobile versùs
 eandem partem, sed adhuc quando invicem moventur per directiones
 inclinatas, velut demonstravi in libro meo de vi percussiois; sic globus
 descendit ex summitate turris vel mali navis A cum duobus impetibus di-
 versis dependentibus ex duabus diversis virtutibus motivis; una est trans-
 versalis dependens ex vertigine præcedente DA, quæ ex sua natura in
 puncto separationis saxi à turre, debet motum suum continuare per rectam
 tangentem AH, altera virtus est impetus descensivus versùs centrum
 terræ C dependens à naturali gravitate dicti globi, & necessarium est quòd
 unaquæque dictarum virtutum motivarum & impetuum producat naturalem
 suum effectum sese invicem non impediendo; & idcirco concludo, quod
 non debeam supponere, quòd globus recedens à summitate turris A de-
 beat continuare directionem sui motus per circumferentiam circuli AB
 vel per alias ipsi concentricas, sed solummodò per rectam tangentem A
 H & per alias lineas ei parallelas, & in his debet reverà moveri globus mo-
 tu æquabili, hoc est, debet transgredi spatia æqualia in temporibus
 æqualibus & idcirco secando partes AE, EF, FG, GH; invicem
 æquales, ut unumquòdque dictorum spatiorum transcursum existat in 1^{ll}
 horæ, & tractis secantibus à dictis punctis usque ad centrum, quæ se-
 cabant circumferentiam circuli AB in punctis I, K, L, B, & postea sectâ
 recta EM 15 pedum romanorum illorum, quorum semidiameter terro-
 stris.

Tris simul cum altitudine Turris vel mali navis sit pedum 23367708, & postea FN sit pedum 60, & GO 135 & HP 240, quæ est altitudo totius Turris vel mali navis, dico quod verus motus globi compositus ex transversali & descensivo, fiet per lineam curvam tractam per puncta A, M, N, O, P, sicque in quocunque loco, globus cadens progredietur radendo eundem semidiametrum transportatum & per consequens eandem lineam designatam in latere Turris; quia in eodem tempore 1^{ll} quo impetus transversalis pellit globum per tangentem AE, impetus gravitatis ipsum transportat per secantem EC ab E ad M, constituitque talis secans EC, cum tangente EA, angulum quendam acutum ut angulus EAC rectus sit in eodem triangulo; Itaque si à puncto M traham duas perpendiculares lineas, hoc est, MR supra AE & MS supra AC, videbitur motus EM esse obliquus supra planum imaginarium MA, & idcirco EM compositus erit ex duobus motibus per ER & RM, quibus erit æqualis in potentia; itaque motus horizontalis per lineam AE videbitur imminutus per retractionem ER, & idcirco resultet motus transversalis AR vel saltem SM, & descensus erit mensuratus ab RM. Eodem modo in fine sequentis 1^{ll} horæ, retractio erit FT, & descensus TN, sed non præcise proportionalis ad præcedentes, quia angulus ATC magis est acutus quam Angulus AEC, idemque debet dici in alteris locis & temporibus sequentibus, & quia in tempore 4^{ll} horæ, vertigo, quæ supponitur in semidiametro AC, non transgreditur in circulo maximo plus quam unum arcum unius minuti primi, & in quarta parte dictorum temporum excurrit saltem arcus 15^{ll} & in hisce, propter illorum parvitatem ad existendum contactui A proximi, non differunt tangentes ab illorum arcibus quantum saltem ad sensum. Poterimus ergo dicere sine errore sensibili quod in eadem secante EC sit collocatus globus & directio Turris vel mali navis, sicque in omnibus reliquis secantibus FC, GC, HC; itaque in toto transitu per curvam AP globus cadens semper reperietur collocatus radens eandem turrim vel malum navis per eandem lineam rectam perpendicularem horizonti; Porro quia secantes in arcu quodam, qui non excedit unum 1^{ll}, non superaret semidiametrum CA excessus notabilis, monstrabo ego postea quod capere possimus lineam EM velut æqualem IM, & idcirco in primo tempore 1^{ll} horæ transgressus erit globus spatium IM ex summitate Turris 15 pedum, & similiter ad finem subsequenter 1^{ll} horæ transgressus erit globus descendendo ex summitate turris K spatium KN 60 pedum præcise æquale

\propto quale FN, sicque dicemus de aliis sequentibus spatiis, & hoc modò verificatur, quòd supposità vertigine semidiametri AC globus cadens ex A nunquàm recedat ab eodem semidiametro, hocque deducitur à duabus suppositionibus non arbitrariis, quales consueti sunt sumere Geometrà, sed satis conformes legibus naturæ, quia est res naturalis, uti dictum est, quòd vertigo circularis conferat alicui mobili, postquàm separatum est à circumferentia, directionem quandam rectilineam per tangentem, uti dictum est, & quod plus est, consuetudini naturæ satis est conforme, quòd gradus aliquis velocitatis acquisitus per motum præcedentem, non possit continuari cum alio progressu uniformitèr veloci & æquabili, hoc est, quòd in temporibus æqualibus excurrat spatia æqualia in quocunque loco reperiat, non occurrente aliquà causâ illum retardante aut impediēte.

Non tamen nego quòd si lapsus talis globi continuaretur usque ad centrum terræ C, globus cadens mox amoveretur per magnum intervallum à latere turris, vel à semidiametro, cum quò incipiebat moveri, nec quòd lapsus continuarent habere eandem proportionem duplicatam à temporibus ipsorum transituum, sed in nostro casu tales inæqualitates, propter earum imperceptibilem diminutionem, evadunt sensui inobservabiles, ac si ibi non fuissent, quia nostræ turres & mali navis, quàm altæ existant, non superant longitudinem 240 pedum, qui descensus tandem non requirit majus tempus quàm 4^{ll} horæ, & in hoc tempore non transcurritur à semidiametro AC per hypothesin plus quam 1^{ll} in circulo maximo; cùmque hic ejusque partes sint contactui proximæ, non manifestantur illæ inæqualitates quæ in rigore Geometrico ibi sunt nimis parvæ, quod sic evadet manifestum: Considero triangulum HAX, quia arcus AB est unius minuti primi, erit angulus AHX graduum 89. 59^l, sumo ex tabulis trigonometricis sinum rectum talis anguli 99999996 harum partium, quarum sinus totus est 100000000, & supposito quòd recta tangens AH sit 6797 pedum romanorum & $\frac{1}{2}$, videbitur recta AX esse 6797 pedum $\frac{111}{1000}$, & quia arcus AB major est sinu suo recto AX idcirco excessus tangentis AH supra ejus arcum AB unius minuti primi minor erit $\frac{1}{1000}$ pedis, & idcirco minor $\frac{1}{172}$ uncie pedis, hoc est, minor erit magnitudine plagulæ chartæ; differentia absolute imperceptibilis, & hoc erit discessio lineæ descensus globi à latere ipsius turris BP; est igitur manifestum quod in toto arcu AB 1^l, non poterit discerni discessio aliqua globi cadentis ex latere turris 1 vel à linea perpendiculari ad horizontem in ipsa designatâ; est insuper manifestum,

festum; quod arcus AI, IK, KL & LB, licet secundum rigorem Geometricum eant decrescendo, attamen istæ minimæ & subtilissimæ diminutiones absolutè erunt inobservabiles.

Restat jam solummodò considerare veram quantitatem excessuum secantium supra diametrum, quales sunt EI, FK, GL & HB, sufficiteque computare differentiam HB majorem omnibus, quia angulus ACB supponitur esse 1, minutum primùm erit quadratum sinus totius AC æqualis rectangulo sub sinu graduum 85, 59¹, qui est sinus secundus ab angulo ACB, & sub sua secante CH; estque talis sinus secundus 99999996 illarum partium, quarum sinus totus est 100000000, divisò itaque quadrato sinus totius per supradictum sinum videbitur 100000004 secans arcus minuti primi, & idcirco excessus HB erit quarta pars saltem illarum, quarum sinus totus est 100000000, quia linea AC composita ex semidiametro terrestri & altitudine Turris est 23367708 pedum romanorum; itaque excessus HB erit $\frac{1}{4}$ unius pedis, alteri deindè excessus GL, KF & EI, nullum est dubium quin eant semper magis ac magis decrescendo ita ut EI totalitè fiat inobservabilis, ita ut secundum hanc computationem altitudo Turris PB videretur esse 239 pedum cum uncia, sed illa fuit diligentèr mensurata & inveniebatur 240 pedum; igitur alii possent suspicari quod dictus excessus HB 11 unciarum pedis non sit res quæ notabilem posset venire in considerationem utpote parva & inobservabilis: omne hoc liberè concedo, sed dico quòd ea causa quæ occultare debet supradictum discrimen dependeat non ex errore aliquo in mensuris altitudinis Turris, sed in mensuris temporum, in quibus globus cadens mensurabat dictas altitudines, id quod, nî fallor, evidenter sequentem in modum protest probari. Supposito quod globus cadens ex summitate Turris faciat transitum BP 240 pedum in 4¹¹ horæ, quæro quanto indigeat temporis spatiò ad currendum pedes 239 & unam unciam? Certum est, quòd non indigeat majori tempore quam 3¹¹, 59¹¹¹, & 32¹¹¹¹ horæ, quia spatia transcurfa à gravibus cadentibus, habent invicem duplicatam proportionem temporum dictorum transituum; ita ut differentia 11 unciarum indigeat tempore omninò imperceptibili ad transcurrendum, hoc est, 27¹¹¹¹ horæ; hocce supposito, quis homo poterit in pendulo aliquo tam parvo observare, sibi que persuadere quod non erraverit in mensura unius temporis tam imperceptibilis? probè norunt illi qui exercitati sunt in talitèr factis mensuris temporis, quàm facilis existat error minorum aliquot tertiorum, non jam loquor de minutis quartis ad quos nè quidem imaginatio pertingit, siqui-

liquidemque hæc difficultas in mensura temporis est inevitabilis, opus erit confiteri quòd in omnibus lapsibus IM, KN, LO, BP commissus sit aliquis error minimus in mensuris temporum, in quibus optimè poterant transcurri excessus dictarum secantium, quæ, uti dictum est in temporibus absolutè imperceptibilibus debent excurri. Itaque cum ad judicium nostrum sensuum debeamus attendere, necessum est fateri quòd in hac mea hypothesi, ubi motus transversalis æquabilis sit per tangentem circuli AH, & lapsus sunt per secantes in arcu tam parvo minuti scilicet primi, optimè possit salvari via obliqua globi cadentis AP cum omnibus illis circumstantiis, quas experientia demonstrat, hoc est; quod globus cadens semper excurret radendo latus turris, & in illa ipsa mensurabit lapsus in duplicata proportionem ejus ipsorum temporum.

Hunc conceptum, velut magis rationalem fundatumque supra principia non arbitraria, sed vera & realia, volui ego Tibi, Domine Illustrissime, communicare ad expiscandum tuum de eo judicium, spe insuper eâ fretus quòd Pater de Angelis (ingenium certè mirandum, velut id demonstraverunt subtilissimæ ejus compositiones Geometricæ) ubi attente eum conceptum consideraverit non omnino eundem sit contempturus: itaque Domine Illustrissime, nè Tibi diutiùs molestus sim finem hic literis meis impono, Te interim, uti oportet, summè suspiciendo.

Messina 29 Nov: 1667.

ILL: II:

ILLUSTRISSIMO DOCTISSIMOQUE DOMINO
MICHAELI ANGELO RICCIO

S. D.

JOHANNES ALPHONSUS BORELLUS

Messinensis, in Pisana Cathedra Mathematicus.

Responſionem tandem accepi, ſub nomine Michaëlis Manfredi factam ad difficultates Patris Stephani de Angelis, Publicatam contra argumentum Patris Riccioli; in qua animadverto quod à Pag. 70. uſque ad 79. conetur defendere Patrem Ricciolum, Magiſtrum ſuum, contra oppoſitiones ipſi à me factas Pag. 85. libri mei de Vi Percuſſionis; & licet artifiſcium cum quo in illa ſua reſponſione procedit Dominus Manfredus tale ſit, ut quicunque librum meum perlegere dignatur illud poterit cognoscere, attamen placet mihi illud nonnihil manifeſtare, quò Lectores indiſſerentes, liberum de eo poſſint ferre judicium.

Sumus in controverſia quadam merè naturali, an lapſus perpendicularis ſaxi cujuſdam ad horizontem, tranſcurrendo ſpatia in duplicata proportionē illius temporum, & per conſequens producendo percuſſiones ſupra planum horizontale proportionales ſuis velocitatibus, an, inquam, hoc ſignum erit neceſſarium quòd Turris cum terra privata ſit vertigine circulari; & quia Pater Ricciolus aſſerit ex tali experientia convinci cum demonſtratione & evidentiâ Phyſico-Mathematica, non ibi eſſe talem motum circumlarem, dubitans ego non de concluſione, ſed de vi & energia ſui argumenti, occupatus ſui Pag. 85. libri mei de Vi Percuſſionis, in manifeſtando, quod non ſolum argumento Patris Riccioli non conveniret nomen demonſtrationis & evidentiæ Phyſico-Mathematicæ, ſed quod abſolutè eſſet paralogiſmus, aſſumendo propoſitionem quandam pro vera, quam ego demonſtravi eſſe falſam, & eſt, quod validitas ſive energia percuſſionis corporis alicujus gravis ſemper debeat meſurari à gradu impetus realis & Phyſici, cum quo dictum grave occurrit corpori quod recepit percuſſionem, hocque aſſumat dictus Pater univerſalitè ſine ulla exceptione,

Kk

ceptione,

ceptione, velut videri potest in ejus *Almagesto* novo, in *Astronomia* ejus reformata & in hac responsione *Manfredi*.

Ego ex adverso demonstravi in libro meo de *Vi Percussionis* quòd idem corpus, motum cum eodem gradu velocitatis, posset producere percussiones maximè invicem inæquales, sæpè nullius vigoris, hocque duas propter rationes; prima scilicet est propter situm directum vel obliquum cum quo recipitur percussio; deinde propter motum ejusdem corporis, quod esse debet impulsum; & demonstravi quòd *Vis Percussionis* perpendicularitèr facta supra planum subjectum stabile & firmum, mensurata esse debeat à simplici gradu velocitatis, cum quo percutiens movetur, & quando directio motus est parallela plano subjecto, tunc nulla fiet percussio; sed in incidentia obliqua validitas percussionis videbitur mensurata non ab impetu absoluto & reali mobilis (quod supponimus clarum esse ex linea ipsa ejus motus) sed ab impetu multo minori, mensurato à sublimitate lapsus, aut saltem à sinu anguli incidentiæ.

Circa aliud caput demonstravi, quod mensurari non debeat *vis percussionis* ab impetu reali & Physico percutientis, sed à velocitate relativâ, hoc est, cum excessu velocitatis suæ, supra illum, cum qua corpus, quod percussionem patitur, movetur versùs easdem partes, hocque postea subjectum est multis varietatibus, secundùm directiones motuum, amborum corporum, percutientis & percussi.

Horum omnium, velut dixi, *Pater Ricciolus* & deinde *Manfredus*, nullum fecerunt casum, sed semper firmi steterunt in hoc, quòd *vis* & validitas percussionis, etiam obliquæ, facta sit supra pavementum non stabile, sed motum versùs easdem partes, *Pag: 77, 78.* quòd debeat mensurari ab impetu reali & Physico corporis percutientis; sicque sensim & sensim *Manfredus* mentionem facit varietatis percussionum per incidentias obliquas; *Pag: 74.* & adhuc confitetur quòd non à motu reali & Physico percutientis, sed motu respectivo, hoc est, ejus cum quo velocitas percutientis superat alteram percussi, mensurari debeat validitas percussionis. Et hic non video modum excusandi *Manfredum*, quia si hæcce scivissent, cur nullam unquam eorum fecerunt mentionem? Sique ea addiderunt à me, cur non inde subimet ipsis serviunt, ut ego coactus non essem respondere & demonstrare, quòd illa nondùm integrè intellexerint? Nec non ut liberarentur à necessitate illa recurrendi ad formalitates illas scholasticas, deludendo sic demonstrationes meas mechanicas?

Ego itaque nè illa quæ in libro meo scripta sunt repetam contentus ero

in hoc quòd me accommodem ingenio Manfredi, qui incipiat philosophari cum experiētiis, & non cum opinionibus Mathematicorum; sit prout voluerit; & videamus in hac figura, ad majorem perspicuitatem, quando corpus A movetur cum determinato aliquo gradu velocitatis per directionem D E, mensuratòque ab eadem linea recta D E, deindè existat ibi corpus aliquod durum, quale est F G, quod recipiebat percussionem in E; non est dubium, quin possit supponi corpus F G stabile & firmum, quod recipiebat impulsione[m] corporis A in eodem situ spāti[m] mundani quin etiam adhuc possit superficies F G multis modis mutari & situari, sive perpendicularitèr ad lineam D E, sive parallelè iidem ipsi, vel saltem inclinatè. In primo casu incidentiæ perpendicularis, docet experientia, quòd percussio, sonus, ruptura vel alius effectus quem producit, corpus A est maximum, quòd à gradu suo velocitatis potest oriri, contrà verò quando linea motus D E parallela est superficiei F G corporis subiecti, itaque apparet, quòd idem gradus velocitatis D E nullam producat percussionem, sed incidentia obliqua, quando linea motus D E angulum efficit cum superficie C E in eodem corpore subiecto, & tunc experimur percussionem maximâ minorem, evaditque linea D C perpendicularis plano C E mensura percussionis obliquæ, ita ut si linea D E esset duplex D C, idem corpus A cum eodem gradu velocitatis D E faceret percussionem obliquam in superficie F G; & hoc unum est inter ea, quæ Manfredus ignorabat, quia ille & Magister ejus firmi semper steterunt, dicendo, quod validitates percussionum debeant esse proportionales impetibus realibus physicisque percutientis; & denique affirmat quod percussiones factæ ab eodem gravi cum eadem velocitate, cum diversis inclinationibus, facturi sint percussiones proportionales angulis dictarum inclinationum; res falsissima sanè, velut hoc jam demonstravi, & velut id ipsi clarum poterit evenire cum experientia, utendo non angulis acutissimis sed multorum graduum.

Efficiamus jam ut corpus subiectum non existat firmum; nec adspiciat in eodem situ universi adventum corporis A; & hìc paritèr idem impetus D E corporis A faciet percussiones quàm maximè inæquales, secundum varias directiones motus corporis F G, & quod plus est prout percussiones recipiat perpendiculares, vel obliquas. Sicque si superficies F G esset perpendicularis ad directionem motus D E, & fugeret corpus, currendo per eandem directionem E versùs M, animadvertet cum experientia Dominus Manfredus, quòd validitas percussionis mensurata erit non ab impetu physico & reali D E, sed ab excessu impetus D E, supra velocitatē

fugæ per E M corporis F G; sicque si velocitas D E corporis A esset æqualis velocitati E M corporis F G, tunc non inveniet Dominus ille nec percussionem, nec sonum, nec rupturam ullam, sed si velocitas D E percutientis erit duplex velocitatis E M corporis percussi, tunc validitas vel energia talis percussionis erit præcisè medietas ejus, quæ efficeretur in corpore F G; quando illud esset absolute immobile.

Transcramus jam ad situationem obliquam superficiei F G, & faciamus eam mobilem versùs easdem partes cum corpore A ita ut discedentia ambo corpora A & F G à punctis D & C ambo perveniant in puncto E, & ibidem corpus A impellat alterum F G in puncto E, persuasus est tandem Manfredus, Pag. 74. quòd validitas percussionis per viam obliquam D E debet esse mensurata non ab impetu reali & physico D E, sed ab excessu velocitatis D E supra velocitatem C E, & hic ad demonstrandam quòd Manfredus ea non bene intellexerit, permittam ipsi per viam experientiarum ipsa cum manu attingere, nisi fortè non curaret demonstrationes, in quo immensum erraret: & primo supponamus, quòd duæ velocitates D E & C E sint invicem æquales, hoc est, quòd dicta spatia sint æqualia, & adhuc transcurra in temporibus æqualibus; hic secundùm doctrinam Manfredi, corpus F G non reciperet ullam percussionem, nec rupturam, quia velocitas D E percutientis, præcisè est æqualis velocitati C E corporis F G, sed est hoc evidentè falsum, & ipsemet ille cum magno suo damno animadvertet, si ejaculet sagittam per D E, vel saltem illam sinat cadere, impulsam à naturali sua gravitate, simulque moveat palmam manus oblique per lineam C E cum velocitate parâ, vel majore eâ cum qua sagitta currit per lineam D E, ita ut sibi occurrant in puncto E, sicque tunc videat produci sonum & percuti manum, an negabit ille quòd ibi ulla sit percussio? persistetvè dicere, quòd validitas percussionis mensuretur ab excessu impetus D E supra impetum C E? hinc persuaderi deberet Manfredus, quòd non perfectè intellexerit hoc negocium, ad culpandam meam propositionem; hoc est, quòd energia percussionis non debeat generalitèr mensurari ab impetu reali percutientis A, non minùs in omnibus casibus ab impetu relativo, hoc est, ab excessu unius supra alterum, sed à gradu resistentiæ, cum qua corpus F G impedit & refrænât impetum percutientis A, & quia in hoc casu corpus F G licet moveatur per lineam C E cum velocitate æquali aut majore velocitatis D E, tamen impedit progressum & transitum corporis A per lineam D E, & impetus impeditus necessario operatur percutiendo

& sonum.

& sonum producendo; igitur est necessarium quòd producat percussionem, cujus gradus præcisè erit mensuratus à sublimitate DH , hoc est, ab impetu ejusdem corporis A quod excurreret spatium DH , & percuteret in H perpendicularitèr in eodem tempore, quo illud excurrerat spatium DE in incidentia obliqua, licet corpus subiectum moveretur horizontalitèr cum quacunque velocitate, sicque Manfredo perspicuum evaderet, quantum hæc experientia conspiret cum meis demonstrationibus.

Præterea revolvatur superficies FG corporis illius quod recipere debet percussionem, ita ut perpendicularis sit ad planum subiectum CE , & postea moveantur simul corpus A à D & corpus G à termino C perpendicularis DC supra CE , & in eodem tempore illud transcurrat basin CE & hoc hypothenusam DE trianguli rectanguli DCE , jam corpus A , occurrendo plano FG translato in E , secundùm Manfredum deberet ibi efficere percussionem mensuratam ab excessu velocitatis DE supra impetum CE , sicque si DE duplex esset CE percussio & sonus deveniret medietas ejus quem faciet idem A supra superficiem FG , quando reciperet ictum perpendicularitèr & immobilitèr in tali situ, sciâtque modò Dominus Manfredus quòd non ibi faciet percussionem ullam, sicque cum experientia convenire animadvertet. Si deinde planum quod recipere debet percussionem, translatum à C in E recipiet perpendicularitèr impulsionem per DE , tunc paritèr validitas percussionis. non. erit mensurata ab excessu impetus DE supra CE , sed à tertia proportionali duarum DE & DC , quæ semper erit major differentiâ supradictarum velocitatum; exempli gratiâ, si impetus DE esset duplex velocitatis DC , tunc percussio facta perpendicularitèr in FG , esset quarta pars ejus quam faceret idem corpus A cum velocitate DE supra corpus FG , quando id immobilitèr, reciperet percussionem perpendicularitèr.

Jam existentibus omnibus illis certis & per experientiam, & per demonstrationes evidentibus, pervenimus ad considerationem mendicatorum Manfredi refugiorum pro sustentanda sua demonstratione & evidentia Physico-Mathematica.

Suppositò quòd motus obliquus resultans ex vertigine æquabili turris & descensus saxi cum motu uniformitèr accelerato, sit, in quantum ad sensum, uniformitèr velox, dicit Manfredus Pag. 82, 83. cum suo Magistro quòd talis impetus obliquus saxi cadentis nullò modò possèt producere percussiones supra plana horizontalia inæqualis virtutis & validitatis correspondentes illis quas faceret idem saxum quando descenderet per simpli-

cem lineam perpendicularem ad horizontem, existente turri & terrâ stabili, sed necessarium esset quòd percussiones oblique in primis quatuor secundis horæ, non essent invicem differentes, sed uniformes & æqualis energiæ & subjungit Pag. 83, 84. illud habere evidentiam partim Physicam, partim Mathematicam. Evidentia Mathematica reducit ad operationem triangulorum, quorum virtute monstratur quòd reverà iter obliquum sit proximè uniforme & æquabile, quod nunquàm ipsi fuit negatum.

Evidentiam Physicam dicit ille *fundatam esse in inductione aliqua universalis omnium motuum corporum, ex qua fit ut nunquam crescat alius secundus ipsius impetus in percussione alterius cujusdam corporis, quòd pariter non crescat actualitèr velocitas motus cum quò venit ad contactum*; hæcque est tota ejus evidentiâ, & vis ipsius demonstrationis.

Hicse replicavi Pag. 86. libri mei de Vi Percussionis quòd Pater Ricciolus assumat rem quandam falsam pro evidentî, hoc est, quòd validitates percussio-
num debeant mensurari ab impetibus Physicis & realibus obliquis supra plana horizontalia, & porrò declaravi quòd in illo casu energia percussio-
nis debeat esse mensurata ab impetu Physico obliquo ad horizontem, ipsique demonstravi quòd hoc solummodò possit verificari, cum planum quod recipiebat percussio-
nem non eat in gyrum, sed sit stabile, hoc est, expectet oblique adventum saxi in eodem situ spatii mundani, nec hoc sufficit sed præterea requiritur quòd dictum planum, quod impulsio-
nem recipit, sit perpendiculare ad lineam motus obliqui dicti saxi, & tunc verum erit quòd mensuræ percussio-
num mensurabuntur ab impetibus Physicis & realibus dicti saxi, & idcirco percussiones invicem evadent uni-
formes; sed nos non versamur in hoc casu, siquidem planum subjectum horizontale recipit percussiones obli-
quas, & præterea non est stabile ut Pater ille supponit, sed currit transversim versùs easdem partes, versùs quas currit saxum oblique, & idcirco in tali casu demonstravi in propo-
sitionibus 44, 45, 55, & 57, quòd validitates percussio-
num debeant mensurari non ab impetu Physico & reali obliquo, sed ab altero satis minori, qualis est ille qui fieret in simplici delapsu. Idem hoc ego deindè suprâ indicavi, quod Manfredo clarum poterat evadere cum experientia, quæ sola sufficit ad convincendam assertionem Patris Riccioli falsitatis, nec quia Manfredus semetipsum efficiat umbram, nolueritque videre, vel ad minimum saltem nominare meas demonstrationes, poterit idcirco negare illud quod apertè videt & tangit cum sua manu, hoc est, quòd percussio-
per lineam DE facta à corpore A cum eadem velocitate DE in plano

FG perpendiculari, efficiat maximam percussionem mensuratam à linea vel ab impetu DE, sed in incidentia obliquâ supra planum CE sive stabi-
le sive translatum à C in E, eodem tempore quò recipiebat percussionem
illâ satis minorem, & mensura ejus erit præcisè linea recta perpendicularis
vel impetus DC.

Hic jam venit Manfredus & dicit, *vanam quandam esse imaginationem
& figmentum, quòd concipiamus saxum per solam aliquam lineam curvam
& inclinatam supra horizontem motum, idcirco habere vim percutiendi, quam
haberet si realiter moveretur per perpendicularem quandam ad horizontem,*
& subjungit, Pag. 85. *licet quantumvis consideretur illa suppositio in abstracto,*
non tamen satisfacit alicui mathematicè vel physicè; ipsi id impossibile, id-
circo & aliis exquisitissimi judicii, cum quibus dicit se colloquutum fuisse,
videtur ad minimum impossibile physicè cum evidentia physica talis imposibili-
tatis.

Ita ut ea omnis redargutio quam ille contra demonstrationes meas &
experientias affert, reducatur tandem ad ipsius amicorùmque ejus exquisi-
tissimi judicii opinionem.

Sed licet ego credam quòd ipsius opinio tantorùmque ejus amicorum
exquisitissimi judicii exstat supremæ & venerandæ auctoritatis, attamen
non credo quòd ille contendat antepone re suam opinionem & judi-
cium ipsius naturæ veritati. sique sic se res habeat videamus id quod monstat
natura in experienciis quibus ille & nos debemus obsecundare, sique illæ
reverà sunt contrariæ ipsius amicorùmque ejus exquisitissimi judicii opinio-
ni, necessum saltem est, ut confiteatur falsitatem suæ opinionis, quod non
dubito quin facturus sit, utpote existimo cum personam esse sinceram ve-
ritatisque amatorem.

Quòd porro experientia contraria sit ipsius opinioni, jam satis est pro-
batum, nec jam otium est illa denuò repetere attamen ad magis convicen-
dam falsitatem ipsius assertionis quam habet Pag. 84 scilicet, quod eviden-
tia physica fundata sit supra inductionem universalem per omnes motus corpo-
rum, sive ea sint naturalia animastica, artificialia, violentia aut præternat-
uralia (licet ipsi sufficerent sola naturalia gravium descendentium) ex qua
habetur quod nunquam crescat altus secundus impetus in percussione alterius
cujusdam corporis: quod paritèr actualitèr non crescat velocitas motus, cum
quo pervenitur ad contactum duorum corporum, hoc est, percipientis & percuf-
si; sique aliquam ob causam impediatur altus secundus velocitatis majoris mobilis,
impeditur adhuc altus secundus majoris percussionis; hic ego præter jam di-
cta

Et adiungo, quòd illa ejus assertio tam sit falsa, quòd scilicet *crescente* velocitate percutientis non solum non crescat semper actus secundus energiae percussiois, ut ex adverso, illæ erint æqualitèr validæ ac alii circuitus, siquidem impetus percutientis progrediuntur crescendo, percussorum verò decrecendo & languendo, donec tandem annihilentur.

Et primò, idem mobile A percutiat obliquè, super planum CB, cum gradu impetus physici & realis AB, postea augmentatâ velocitate ejusdem mobilis, quæ sit FB, inveniri debet inclinatio aliqua minor supra idem planum CB, cum qua efficiat percussioem æqualem ei quam producebat minor velocitas AB; Et velut impetus FB est ad impetum AB ita FG sinus anguli FBC est ad sinum alterius cujusdam anguli minoris, qui sit ED; jactus primus EB æqualis FB, & quia idem grave impulsus cum duobus inæqualibus impetibus FB & AB producit percussiones factas perpendicularitèr super idem planum BL immobile in puncto B proportionales velocitatibus FB & AB, sùntque tales impetus æqualitèr inclinati ad planum subjectum, BC, igitur percussio obliqua facta cum impetu AB supra idem planum est velut perpendicularis FG ad perpendicularem AC, hoc est, velut impetus FB ad impetum AB (per similitudinem triangulorum FGB & ACB) deindè quia percussio obliqua, facta ab eodem gravi cum impetu FB, & cum directione FB, super planum CB, ad maximam percussioem, factam perpendicularitèr super planum stabile est velut GE ad FB, aut saltem ad EB, & percussio maxima facta ab eodem mobili cum impetu & directione EB perpendicularitèr super planum stabile, ad percussioem quam facit obliquè super planum CB est velut EB ad ED; ergò propter æqualitatem ordinatam percussio obliqua facta cum impetu & directione FB super planum CB ad percussioem obliquam, quam facit cum eodem impetu EB per directionem EB super planum CB est velut FG ad ED, hoc est, velut sinus anguli FBG ad sinum anguli EBD, hoc est, velut impetus EB ad impetum AB, vel saltem velut FG ad AC, propter quam rem ED & AC erunt æquales, & idcirco percussio obliqua ejusdem mobilis facta cum impetu AB super planum BC erit æqualis percussioni obliquæ factæ cum impetu majore EB super idem planum.

Ad efficiendum porrò quòd impetus minor AB producat majorem percussioem in plano subjecto BC eâ quam facit impetus major EB ejusdem mobilis supra idem planum, sufficiet parùm magis inclinare directionem EB versus idem planum subjectum, in summa efficiendo ut impetus

EB

EB ad impetum AB habeat maiorem proportionem quam non habet sinus anguli FBG ad sinum anguli EBD; id quod porro deducitur facillimè ex demonstratione præcedente, & tandem adaptatâ directione EB supra planum subiectum DB manifestum est, quòd idem mobile impulsam cum impetu minore AB, percutiet planum BC cum energia quadam mensurata à perpendiculari AC sed deindè augmentatâ velocitate ejus quantum quisquam voluerit ut existat parallela plano subiecto, non ibi producet ullam percussionem.

Et hoc succedit virtute solius obliquitatis incidentiæ; misceamus jam motum plani, quod recipere debet percussione, & eadem succedent res, sufficiet aliquod addere exemplum. Moveatur idem corpus cum duabus inæqualibus velocitatibus AB minore, & FB majore, perque eandem directionem FAB, & planum HB obliquum ad FAB recipiat utramque percussione in puncto B, sed hæc cum differentia, ut percussio facta cum impetu AB recepta sit à plano stabili HB, percussio verò facta cum impetu FB recepta sit à plano HB agitato transversaliter cum motu æquidistante ab ea ipsa FO ad HB, cum impetu FH, in eodem tempore, quo corpus percutiens transfertur ab F in B, tunc tracta lineâ AI perpendiculari ad HB erit pro rebus demonstratis & experimentatis AI mensura percussione obliquæ factæ cum impetu AB, sed idem mobile cum impetu majore FB non faciet ullam percussione supra planum HB agitatum versùs easdem partes, velut suprâ dictum est. Ita possunt adhuc mille effici extravagantiæ, cum quibus probatur esse falsissimum, quòd quacunque vice velocitas percutientis accrescit, debeat adhuc crescere validitas & energia percussione; undè apparet fundatam non esse evidentiam Physicam Patris Riccioli super inductionem quandam universalem pro omnibus motibus corporum, & idcirco ea esse falsa, sumpta in illa sua universalitate; sic insupèr falsa evadit præcisè in illo casu ubi ipsâ indiget Pater Ricciolus in sua demonstratione, & quia hæc propositio minor est ejus demonstratione, necessum erit ut Dominus Manfredus constiteatur, quòd existat parallogismus & non demonstratio & evidentia Physico-Mathematica.

Multa alia essent adhuc consideranda in responsione illa Manfredi, sed quia omnia facillimè possunt refutari ab unoquoque qui meum librum de Vi Percussione perlegerit, idcirco nulla plura hic addam ne magnam

dicti mei libri partem sic transcriberem, qui cum jam dudum sit in lucem
 emissus contentus ero quod Eruditi Lectores dijudicent id quod ipsis circa
 hanc controversiam videbitur; Hic itaque finiando Te, Domine Illu-
 strissime, summo cum affectu veneror.,

Messina 29 Februarii 1668.

F I N I S.



INDEX

INDEX CAPITUM

LIBRI DE VI PERCUSSIONIS.

CAPUT.

PAGINA.

I.	E Motus Natura in genere.	I
II.	De causis, & principiis motus.	4
III.	Projecta, postquam ab impellente disjuncta sunt, non promoveantur à medio fluido, in quo existant.	7
IV.	Projecta à virtute impressa à projiciente promoveantur postquam ab eo destituantur.	23
V.	De virtutis motiva proprietatibus, & operationibus.	25
VI.	Quomodo impetus projicientis diffundatur, & communicetur in pro- jectis, & quâ ratione imminuatur.	30
VII.	Velocitas, quæ ab ictu in corpus projectum communicatur, ex sui na- tura non in tempore, sed in instanti diffunditur.	37
VIII.	Velocitas, quæ in corporibus flexibilibus & non omnino duris com- municatur ab ictu percussivo imprimatur non in unico, sed in pluribus in- stantibus temporis continenter succedentibus.	44
IX.	Velocitas in projecto impressa ex sui natura est uniformis, & perpetua duratura.	47
X.	De proportionem percussorum factarum in corpus omnino stabile, vel amovi- bile.	48
XI.	De varietate percussorum, quæ oritur ex motu, & positione corporum ictum recipientium.	52
XII.	De percussoribus corporum oblique incidentium super planum stabile.	67
XIII.	De percussione corporum motibus obliquis sibi occurrentium.	71
XIV.	De varietate percussorum ab impetu motus curvilinei, atque accelerati factarum.	76
XV.	De reflexione, quæ ad corporum percussorem consequitur.	87
XVI.	Quomodo impetus debilitetur, & extinguatur in projectis.	94
XVII.	Impetus cuilibet corpori impressus debilitari imminuique quidem potest in instanti ob sui diffusionem, at deleri omnino ac destrui non potest ni- si in tempore, licet suspicari possimus motum neque exortui neque inter- itui obnoxium esse.	102
XVIII.	Quomodo in flexibilibus corporibus impetus impressus retardetur aut extinguatur.	106
	L I .	XIX. Quæ

INDEX CAPITUM.

CAP.		PAG.
XIX.	<i>Quâ ratione in corporibus flexilibus resilientibus motus contrarii se mutuo destruant renoventurque.</i>	112
XX.	<i>De impetus fluxu ejusque mensura.</i>	116
XXI.	<i>Corpora se moventia aequabili velocitate nunquam debilibi agitantur.</i>	124
XXII.	<i>Quâ ratione procreari possit motus acceleratus.</i>	126
XXIII.	<i>De facultate naturali motiva gravitatis.</i>	132
XXIV.	<i>Vis impetus gravium cadentium minor est quacumque vi impulsivâ à projecto impressa.</i>	143
XXV.	<i>Digressio de ratione, qua Magnes ferrum attrahit.</i>	145
XXVI.	<i>Corpora omnia concreta non omnino dura, sed aut fluxilia aut mollia aut flexibilia esse.</i>	148
XXVII.	<i>De comparatione energiae percussionis cum vi compressiva gravitatis.</i>	152
XXVIII.	<i>Enodatio superioris difficultatis, & vera causa hujus effectus admirabilis inquisitio.</i>	156
XXIX.	<i>Energiam percussionis majorem esse vi compressivâ cujuslibet finiti corporis gravis.</i>	160
XXX.	<i>De Corporum tremore.</i>	168
XXXI.	<i>Accuratior inquisitio Causa tremorem efficiens.</i>	174
XXXII.	<i>Exilissima vis motiva corporis alicujus motu tardò imprimere & augere potest in corpus vastum velocitatem majorem ea qua impellens movetur.</i>	193
XXXIII.	<i>Impetus percussionis mensurari non potest ab energia simplicis gravitatis.</i>	197
XXXIV.	<i>Examen quaestionis 19. mechanices Aristotelis.</i>	229

INDEX PROPOSITIONUM

LIBRI DE VI PERCUSSIONIS.

PROPOSITIO.

PAGINA.

- I. **S**i projectio fiat in fluido, quod condensari, aut rarefieri nequeat, resistentia anterioris fluidi ad locum cedendum æqualis est potentiz æris posticæ recurrentis ad spatium replendum. 9
- II. Si postea supponamus non dari in rerum natura corpus fluidum, quod nullam condensationem, aut rarefactionem patiat, ut verissimum est in omnibus concretis corporibus tunc ostendetur, quod momentum, quod antea fluidum E D F resistit expulsionem e proprio loco majus est momento impulsus, quod idem fluidum recurrit ad replendum locum à mobili relictum. 10
- III. Si fluidum recurrit ad replendum posticum locum est impossibile, ut repellat mobile ulterius. 12
- IV. Si mobile aliquod, dum ab impulsu medii fluidi fertur, revolvatur horizontali vertigine circa suum centrum, non poterit excurrere contra directionem motus ejusdem fluidi. 14
- V. E contra si in aliquo medio fluido stagnante, vel omnino quiescente moveatur aliquod corpus ab interna virtute motiva latum secundum directionem alicujus determinatæ fibræ per ejus medium, seu per gravitatis centrum extensæ, revolvaturque horizontaliter prædictum mobile, motus subsequens fiet secundum directionem ejusdem fibræ, quâ prius movebatur. 15
- VI. Si navis, dum propellitur ab impulsu medii fluentis temonem inflectat ad sinistram partem, navis prora revolvatur versùs dexteram. 16
- VII. Si navis in medio fluido quiescente moveatur à vi intra ipsam operante, flexio temone prora navis revolvatur ad easdem partes ejusdem temonis. 17
- VIII. Hinc est impossibile, ut projectum postquam ab impellente derelinquitur promoveri possit ab impulsu medii fluidi, in quo fertur. 19
- IX. Corpus projecti transfertur à virtute communicatâ & propagatâ, à projiciente. 23
- X. Id ipsum aliâ ratione demonstratur. 24
- XI. Iterum eadem propositio aliâ mediâ confirmatur. 24
- XII. Si duo corpora eadem velocitate moveantur, vis motiva ad vim motivam eandem proportionem habet, quam unum corpus ad aliud. 28

INDEX PROPOSITIONUM.

PROPOS.	PAG.
XIII. Si duo corpora æqualia inæqualibus velocitatibus moveantur, eorum virtutes motivæ eandem proportionem habebunt quam velocitates.	29
XIV. Potest igitur demonstrari methodo non diversa à superiori, quòd, si idem corpus ab inæqualibus motivis facultatibus impellatur, velocitates ejus eandem proportionem habebunt quam vires motivæ, & è contra.	30
XV Igitur si fuerint duo corpora inæqualia quæ impellantur ab æqualibus viribus motivis, erunt eorum velocitates reciproce proportionales magnitudinibus corporum impulsorum.	30
XVI. Quodlibet corpus quiescens pensile indifferens ad motum à qualibet virtute motivâ quantumvis diminutâ moveri potest.	32
XVII. Quodlibet corpus quiescens amovibile nihil omninò resistit cuilibet potentiaæ motivæ.	32
XVIII. Præterea ostendendum est, quòd corpus incidens in aliud quiescens amovibile, ei non communicabit neque amittet integram suam velocitatem, si ambo corpora sint omninò dura, & inflexibilia; & incidentia media, & perpendicularis fuerit.	33
XIX. Si corpus uniformitèr latum incadat in aliud corpus indifferens ad motum, hoc incidentis velocitatem retardabit, eritque impellentis velocitas ad retardationem quam patitur ut summa corporum incidentis, & percussus ad corpus percussum: oportet autem incidentiam perpendicularèr, & mediam esse.	35
XX. Quodlibet corpus in motu constitutum percutiendo corpus pensile in ipsum imprimi velocitatis gradum non successivè, & in tempore, sed totum simul in instanti oportet autem ambo corpora omninò dura, & inflexilia esse.	39
XXI. Alitèr idem ostendetur.	41
XXII. Impossibile est ut corpus, dum velitur impetu proprio constituitur & se habeat merè passivè.	42
XXIII. Aliâ ratione id ipsum ostendetur.	43
XXIV. Percussio facta in congeriem corporum disjunctorum impetum in eam communicat continenter debilitatum, & in tempore.	44
XXV. Si duo corpora æquali velocitate translata perpendicularitèr incidunt in superficiem ejusdem corporis omnino immobilis duri, & inflexibilis eorum percussiones eandem proportionem habebunt quam moles	

INDEX PROPOSITIONUM.

- PROPOS.** P A G.
 moles corporeæ eorundem incidentium corporum habent. 49
- XXVI.** Si duo corpora inter se æqualia perpendicularitèr incident super alterius corporis omninò stabilis superficiem, fuerintque, omnia corpora dura, & inflexibilia, vires percussionum proportionales erunt velocitatibus eorundem incidentium corporum. 49
- XXVII.** Si duo corpora inæqualia velocitatibus inæqualibus incident perpendicularitèr super ejusdem corporis omninò quiescentis superficiem, sintque prædicta corpora dura, & inflexibilia, vires eorum percussionum proportionem compositam habebunt ex rationibus magnitudinum, & velocitatum. 50
- XXVIII.** Hinc constat si moles perpendiculariter incidentium corporum super idem corpus omnino stabile reciprocè proportionales fuerint velocitatibus earum, esse vires percussionum æquales inter se. 51
- XXIX.** Vis percussionis factæ super corpus quiescens amovibilitèr mensuratur à portione impetus percussivi, ad quam eandem proportionem habet, quam summa percutientis & percussi ad corpus percussum. 52
- XXX.** Si duo corpora moveantur æquali velocitate per eandem rectam lineam ad easdem partes nulla resistentia nèque percussio efficietur. 53
- XXXI.** Si postea duo corpora omnino dura, & inflexibilia motibus contrariis per eandem rectam lineam sibi mutuo occurrant perpendiculari & mediâ incidentiâ, percussio, quæ fieret super idem corpus tardius excurrent, si in quiete amovibili constitueretur, ad percussionem motibus contrariis factam eandem proportionem habet, quam velocitas percutientis corporis ad duas eorum velocitates contrarias simul sumptas. 54
- XXXII.** Si duo corpora contrariis motibus per eandem rectam lineam sibi mutuo occurrant perpendiculari & mediâ incidentiâ, impetus quò unum ab altero impellitur æqualis erit ei, quò eorum alterum velocitate æquali duabus contrariis velocitatibus occurrit alteri corpori quiescenti amovibili. 56
- XXXIII.** Si duo corpora ad easdem partes per eandem rectam lineam moveantur, & sibi mutuo occurrant, impetus compressivus quo corpus tardius fugiendo impellitur æqualis est impetui compressivo facto in ejus quiete amovibili velocitate differentiali. 57
- XXXIV.** Si duo corpora dura contrariis motibus sibi mutuo occurrant perpendiculari & mediâ incidentiâ, vis percussionis, quam efficit vel-
- locius

INDEX PROPOSITIONUM.

PROPOS.

PAG.

locus corpus super reliquum quiescens amovibilitèr ad percussione[m]
quam id ipsum patitur contrariâ velocitate affectum ab eodem impellente,
eandem proportionem habet quam singularis velocitas percutientis
ad summam velocitatum contrariarum. 58

XXXV. Si postea duo corpora inæqualibus velocitatibus ad easdem partes
serantur per eandem rectam lineam, ut sibi occurrant perpendiculari,
& mediâ incidentiâ, vis percussione[m], quam patitur antecedens corpus,
si in quiete amovibili constitueretur, ad eam percussione[m], quam
patitur, dum suo motu ictum fugit, eandem proportionem habet,
quam velocitas persequentis corporis ad differentiam velocitatum eorundem. 59

XXXVI. Demum si duo corpora moveantur non per eandem lineam,
sed per lineas ad invicem perpendiculares, & sibi occurrant perpendiculari,
& mediâ incidentiâ, energia percussione[m], quam patitur unum
eorum à reliquo, eadem est, quam ea, quæ efficitur in statione ejus
amovibili vel omnimodâ. 60

XXXVII. Si corpus aliquod moveatur directò motu æquidistanter superfici
alterius corporis stabilis, quam absque compressione contingat,
sive non contingat, nulla percussio efficitur. 61

XXXVIII. Si duo corpora moveantur super plana æquidistantia ad easdem
partes aut ad oppositas, vel transverse, licet sese contingant absque
compressione, se mutuo non percutient. 62

XXXIX. Si duæ potentie applicatæ in extremitatibus duorum æqualium
radiatorum ejusdem libræ inflexæ una directe, altera oblique trahens
æquilibrium efficiant, potentia absoluta oblique trahens ad ejus momentum,
vel ad potentiam absolutam directe trahentem eandem proportionem
habet, quam radius libræ ad distantiam directionis oblique à fulcimento. 63

XL. Si corpus aliquod moveatur directò motu, & æquabili inclinatio ad
superficiem alterius corporis omnino quiescentis, momentum impetus
in plano inclinato ad totalem ejus impetum eandem proportionem habet,
quam sinus complementi anguli incidentiæ ad sinum totum. 64

XLI. Impetus motus æquabilis directi oblique incidentis super planum
aliquod omnino stabile æquale est potentiâ duabus æquabilibus velocitatibus
eodem tempore peractis, ex quibus componitur, ejus scilicet, quæ
à perpendicularo mensuratur, & ejus, quæ inter idem perpendicularum, &
obliquam

INDEX PROPOSITIONUM.

PROPOS.	PAG.
obliquam incidentiam intercipitur.	65
XLII. Si corpus aliquod impellatur inclinâtō motu ad superficiem alterius corporis omnino quiescentis, momentum resistentiæ ejusdem superficiæ obliquè ictum recipientis ad totalem eam resistentiam, quam exerceret contra ictum perpendicularem ejusdem corporis eodē impetu translati, eandem proportionem habet, quam sinus anguli incidentiæ ad sinum totum.	66
XLIII. Alitèr, & facilius idem demonstrabitur.	67
XLIV. Si corpus aliquod moveatur inclinâtō motu ad superficiem alterius corporis omnino quiescentis, vis & energia percussionis obliquæ ad absolutam percussionem perpendicularem eandem proportionem habet, quam sinus anguli incidentiæ ad sinum totum.	68
XLV. Alitèr idē demonstrare.	69
XLVI. Si duo corpora æqualia, & similiaria æque distiterint à plano subjecto omnino stabili atque motu æquabili eodē tempore ad contactum plani subjecti perveniant unum quidem perpendiculârî transitu, alterum ad idem planum inclinato, eorum vires, & energiæ percussionum æquales erunt.	70
XLVII. Si duorum corporum super idem planum existentium, alterum in uno ejus situ quiescat, reliquum vero motu æquabili ad id ipsum accedat, tunc sive planum cum annexis corporibus quiescat, sive moveatur, semper sibi ipsi æquidistando perindè corpus excurrentis ad stabile accedet, ipsumque eodē impetu percutiet.	72
XLVIII. Hôc præmissô. Si duo corpora ab eadem recta linea perpendiculari ad subjectum planum descendencia moveantur æquabili motu ad easdem partes, atque unum eorum in plano subjecto feratur, in quo ejus superficies semper existat, reliquum verò motu obliquô perveniat ad alterius occursum, impetus percussivus mobilis obliquè excurrentis efficitur eadē directione, & impetu designatô in recta linea, in qua prædicta corpora motum inchoaverant.	72
XLIX. Alitèr idem demonstrare.	73
L. Iisdem positis, si superficies corporis ictum excipientis perpendicularis fuerit ad lineam motus obliqui ipsius percutientis, erit vis percussionis ad eam, quæ efficitur in plano subjecto, ut sinus anguli incidentiæ ad sinum totum; si verò eadem superficies corporis percussî perpendicularis fuerit ad subjectum planum nullam percussionem patietur.	74

INDEX PROPOSITIONUM.

PROPOS.	PAG.
L I. Datò impetu transversali æquabili, & angulò incidentiæ impetus obliqui, & transversalis reperire impetum obliquum & descensivum.	78
L II. Insuper datò impetu transversali, & descensivò reperire impetum obliquum, & angulum incidentiæ impetus obliqui super transversalem.	78
L III. Id ipsum contingere demonstratur, quando impetus est uniformiter acceleratus.	79
L IV. Energia obliquæ percussionis mensuratur ab eodem sinu anguli incidentiæ.	79
L V. Hòc suppositò dico, quòd idem corpus quacùmque velocitate impellatur horizontalitèr efficiet in incidentia ejus obliqua super planum subjectum horizontale percussiones semper æquè validas, & ejusdem energiz.	80
L VI. Si postea idem impetus ejusdem projecti transversalis excipiat ab aliquo plano A E perpendiculari ad horizontem, tunc profectò energia percussionis factæ super planum A E quomodocùmque augeatur vel minuatùr ejus distantia à termino projectionis semper est eadem ejusdemque validitatìs.	82
L VII. Energia percussionis factæ super planum translatum unà cum percutiente semper in eadem linea perpendiculari ad horizontem cum eo constituti mensuratur ab impetu casus ejusdem mobilis.	82
L VIII. Validitates percussionum obliquarum mensurantur non ab impetu physico & reali factò per viam obliquam, sed à simplici impetucasus.	84
L IX. Vis motiva incidentis corporis non debilitatur neque imminuitur à resistentia corporis firmi, & duri.	89
L X. Et primò si corpus aliquod durum quacùmque velocitate percutiat corpus aliquod itidem durum omninò immobile atque inflexibile, illud reflectetur eadem prorsus velocitate, quàm in ipsum inciderat.	90
L XI. Si postea corpus ictum recipiens perpendiculari & medià incidentia in quiete amovibili fuerit constitutum, fuerintque ambo corpora dura, & inflexibilia, nulla reflexio efficitur, sed ambo corpora simul ad easdem partes excurrent.	90
L XII. Si corpus quiescens removeri quidem possit è suo loco, sed cum aliqua resistentia, quæ superari possit à vehementia alicujus corporis, si illud minus fuerit, quam corpus quiescens, retrorsum reflectetur.	

INDEX PROPOSITIONUM.

PROPOS.	PAG.
reflectetur post incidentiam perpendiculararem, & mediam.	91
LXIII. Præterea si duo corpora contrariis motibus per eandem rectam lineam translata reciprocè proportionalia fuerint suis velocitatibus, ac se mutuo perpendiculari, & mediâ incidentiâ percutiant, sintque ambo corpora dura & inflexibilia, reflectentur ad partes oppositas iisdem velocitatibus, quibus ante occursum ferebantur.	92
LXIV. Si verò duorum corporum contrariis motibus sibi ipsis occurrentium perpendiculari & mediâ incidentiâ vis motiva unius major fuerit robore motivò alterius fuerintque ambo dura & inflexibilia, semper corpus minori virtute motivâ præditum reflectetur auctâ velocitate, corpus verò majorem vim motivam habens non reflectetur si majus fuerit, nec semper si minus.	93
LXV. Pergo jam ad postremum modum, quando scilicet duo corpora omninò dura, & inflexibilia per eandem rectam lineam motibus contrariis se mutuo perpendiculari & mediâ incidentiâ percutiunt, & tunc ajo quòd absolutè unus motus contrarius percussivus impressum motum in reliquo corpore non debilitat neque extinguit, quod planum fiet hâc ratione.	97
LXVI. Nec videtur hujusmodi operatio naturæ ingenio refragari, quandoquidem quodlibet corpus pensile, & æquilibratum sive in motu sive in quiete constitutum suscipere potest quemcûmque impetum qui ab externo impellente ei inferatur.	99
LXVII. Ab hoc itaque impetu non percussivò motum contrarium procreari hâc ratione suadebimus.	100
LXVIII. Si alterum vectis extremum à virtute motiva impellatur, ut resistentiam glutinis vel comprimentis corporis reliquo vectis extremo appositam superare valeat, non secùs resistentia operatur contra impellentem vim, ac opposita vis motiva absque percussione resistens.	107
LXIX. In columna parieti affixa cujus extremum à virtute motiva impellatur, tunc resistentia ad ejus diffractionem in ejus basi parieti contigua collocatur in extremo nempe vectis inflexi, paritèrque resistentia operatur, quatenùs repellit impulsu contrarium.	108
LXX. In virga flexibili eòdem modò resistentia ad ejus diffractionem diffunditur per totam ejus longitudinem, atque resistentia glutinis ejus impetu contrario reagit reperiendi propulsionem oppositam.	108
LXXI. Si resistentiæ segregatæ superari debeant vectæ ab eadem virtute impulsa	

INDEX PROPOSITIONUM.

PROPOS.	PAGE.
impulsiva retardabitur impetus impulsivus tempore aliquo, at si absque percussione impulsio fiat realibus diminutionibus continenter retardabitur.	109
LXXII. Virga flexibilis subjecto plano affixa normaliter, si ab aliquo corpore transversè impellatur dum flectitur extinguet impetum percussivum, eumque denuo gignet in ejus resiliene.	113
LXXIII. Si virga resiliendo contrario motu occurrat corpori impellenti, extinguetur hujus impetus eique postea imprimetur major gradus velocitatis, æqualis nempe duabus velocitatibus simul sumptis ei scilicet qua virga flectebatur, & ei qua impellebatur.	115
LXXIV. Id ipsum effici debere in pila lusoria & in reliquis machinis demonstratur.	115
LXXV. Si duo mobilia quibuscumque velocitatibus, sed æqualibus temporibus motu æquali ferantur, erunt plana velocitatum, ut spatia transacta.	119
LXXVI. Si idem mobile eadem velocitate, æquali motu, sed temporibus inæqualibus percurrat duo spatia, erunt plana velocitatum ut spatia.	120
LXXVII. Ex his duabus propositionibus facili negotio ostendetur, quod si duo mobilia inæqualibus velocitatibus, temporibus quoque inæqualibus motu æquali ferantur, tunc planum impetus unius ad planum impetus alterius erit ut spatium transcursum ab uno eorum ad spatium excursum ab altero mobili, pariterque prædicta plana velocitatum proportionem compositam habent ex ratione velocitatum, & ex ratione temporum, pariterque proportio spatiorum componitur ex iisdem duabus rationibus, unde constat, quod si velocitates fuerint temporibus proportionales, tunc plana velocitatum seu spatia exacta duplicatam proportionem habebunt rationis temporum, vel velocitatum.	120
LXXVIII. Si postea duo mobilia æqualibus temporibus æquali motu ferantur, primum semper eadem velocitate, secundum inæqualibus velocitatibus in partibus ejusdem temporis æqualiter divisi, plana velocitatum genita eandem proportionem habebunt quam spatia exacta.	121
LXXIX. Si duo mobilia eodem tempore ferantur, primum motu à quiete successive accelerato, secundum verò motu æquali: planum triangulare impetus illius ad planum rectangulum impetus hujus eandem proportionem habebit quam spatia ab eis peracta habent.	122
LXXX. Et	

INDEX PROPOSITIONUM.

- | PROPOT. | PAG. |
|--|------|
| LXXX. Et primò si idem mobile ab externo impellente moveatur, quod repetat ictus ab indivisibili momento inchoatos semper æquè validos, scilicet æquè veloces gignet motum acceleratum, sed non uniformitèr crescentem, imò diminutis incrementis quousque tandem acceleratione desinente ad æquabilitatem motus perducatur. | 128 |
| LXXXI. Si postea idem corpus promoveatur ab impellente virtute secùm vecta, quæ scilicet nunquàm deferat corpus impellendum, sed communi motu veluti in navi quadam deferantur atque impellens repetat successive ictus ab indivisibili momento initium sumendo semper æquè validos, & æquè veloces; motus ab impresso impetu exactus crit uniformiter acceleratus, eritque in duplicatâ proportionè temporum. | 129 |
| LXXXII. Machina intra navim quiescentem resiliens licet percutiat anteriorem ejus tabulatum nequaquàm impellet integram navim. | 130 |
| LXXXIII. His positis dico primò quòd finis à natura intentus in motu gravium non est motus, scilicet vis & facultas gravitatis non peragit motum quatenus motus est, seu motio illa quæ efficitur à corpore gravi non est proprius ejus effectus primario intentus, sed potiùs accidentarius, per se enim conatus gravitatis est destinatus ad quietem ejusdem gravis in centro terræ aut in æquilibrio cum reliquis gravibus corporibus circa idem centrum. | 135 |
| LXXXIV. Dico secundò quòd finis à natura intentus in motu gravium non est appropinquatio ad centrum telluris quatenus accessio est. | 136 |
| LXXXV. Dico causam accelerationis motus gravium non esse urgentiam aëris à tergo prementis exprimentisque corpora descendencia. | 138 |
| LXXXVI. Secundò locò dico causam accelerationis motus gravium non esse attractionem à facultate magnetica telluris factam. | 138 |
| LXXXVII. Prætèrà dico, quòd causa accelerationis motus gravium non est accessus & approximatio ad terram. | 139 |
| LXXXVIII. Sed æquè mirabile videbitur impetum gravium cadentium fore minorem quocùmque impetu in projectum impressò. | 143 |
| LXXXIX. Si duorum corporum æque consistentium & durorum gravitates reciproce proportionales fuerint velocitatibus eorum, vires percussionum ab iisdem factarum perpendiculari & mediâ incidentiâ super idem corpus durum æquales erunt inter se. | 160 |
| XC. Vis & energia cujuslibet percussionis major est quacùmque potentiâ finitâ, quæ absque motu locali solummodò virtute gravitatis premat | 163 |

INDEX PROPOSITIONUM.

PROPOS.	PAG.
XCI. Causa vibrationis fune-penduli ostenditur.	168
XCII. Si fuerint duo pendula inæqualia, tempora oscillationum sunt in proportione subduplicata longitudinum eorundem pendulorum.	169
XCIII. Virga flexibilis parieti affixa & percussa adinstar fune-penduli efficiet vibrationes hinc inde.	170
XCIV. Armilla flexibilis & resiliens percussa pariter adinstar fune-pen- duli efficiet plures compressiones & dilatationes.	171
XCV. Etsi eadem armilla à pondere compressa insuper percutiatur simi- liter adinstar penduli efficiet plures itus ac reditus sursùm, & deorsùm.	171
XCVI. Si vero intra fistulam apponantur innumeri circelli flexibiles, la- minæ, virgæ, & aliæ machinulæ, quæ ab incumbente pondere & no- va percussione comprimantur, pariter efficientur plures itus ac reditus sursùm, & deorsùm adinstar penduli.	172
XCVII. Quodlibet corpus concretum esse veluti acervum earundem machinularum, & proinde à percussione efficientur innumeræ com- pressiones, & dilatationes, quæ tremorem consiciunt.	173
XCVIII. Si fuerint plures armillæ flexibiles ac resilientes æqualis robo- ris, atque idem pondus comprimat modò unicam armillam modo plu- res horizontalitèr supra planum dispositas, compressio quam patitur singularis armilla ad eam quam patitur unaquæque ex eis, quæ simul idem pondus sustinent, eandem proportionem habebit quam reciprocè omnes conjunctim operantes armillæ ad illam singularem.	175
CIX. Isdem positus si idem pondus comprimens ab aliquo externo corpore æquali energiâ percutiatur ulterius comprimetur eâdem pro- portione reciproca multitudinis armillarum, & insuper resilio singula- ris armillæ tam multiplex erit resiliationis cujuslibet conjunctarum quam reciproce illæ multiplices sunt hujus.	176
C. Si plures armillæ flexibiles ac resiliens, sed æqualis roboris sibi per- pendicularitèr incumbentes comprimantur ab eodem corpore gravi, quælibet earum eandem compressionem patitur quam idem pondus effi- ceret, si tantummodo unicam armillam comprimeret.	176
CI. Isdem positus si idem pondus comprimens ab aliquo externo corpore percutiatur ulterius, omnes armillæ æquè comprimantur, & insuper quælibet earum æquali vi resiliendo repellet sursùm pondus comprimens ac repelleret unica singularis armilla ab eadem percussione inflexa.	177
CII. Quodlibet vastum pondus, cùm sit veluti aggregatum ex innume- ris	178

INDEX PROPOSITIONUM.

- PROPOS.** **PAG.**
- ris armillis compressibilibus, & resilientibus comprimitur quidem à percussione adveniente, & postea sponte dilatabitur sublevabiturque à robore, & consistentia infimarum armillarum.* 179
- ¶ III.** *In lamina plumbea inflexa ejus partes transpositionem patiuntur, & propterea ad pristinam rectitudinem non redit.* 183
- ¶ IV.** *In lamina vitrea inflexa porositates versus partem convexam ampliores sunt, oppositæ vero ad partes concavitate coangustantur, sed licet partes solidæ situm omnino non mutant, ut in plumbo contingit, tamen partialis aliqua agitatio & transpositio admitti debet.* 183
- ¶ V.** *Vitrea phiala intra calidam aquam immersa ab occurso ignearum exhalationum veluti à totidem cuneolis ampliatur ejus capacitas, & contra in immersione intra gelidam aquam ejusdem capacitas imminuitur propter eorundem cuneolorum defectum.* 187
- ¶ VI.** *In armilla chalybea rigida à pondere incumbente inflexa, vel percussione, particulæ ejus solidæ utcumque è suis locis digressæ vim non habent sese reducendi ad pristinam positionem, licet ob fulcimentum, & æquilibrium resistentiam compressivam quælibet vis motiva superare possit.* 190
- ¶ VII.** *Vis compressiva ambientis fluidi, æris scilicet vel aquæ, constringere potest porositates ampliatas armillæ compressæ & superare vim incumbentis ponderis, & proinde resiliitionem efficere valet.* 191
- ¶ VIII.** *Adest postea secunda causa, quæ per se tantum eundem effectum producere potest.* 192
- ¶ IX.** *Exigua vis motiva gravitatis producere potest effectum se ipsa majorem, scilicet impetum quò propelli potest grave in progressu sui descensus.* 194
- ¶ X.** *In fune pendulis percussio tarda exigui corpusculi imprimere potest in corpus vastum celeriores impetum.* 195
- ¶ XI.** *Hinc demonstratur, quare æris tremor languidissimus, qui à tympani vel tubæ sono procreatur concutere potest vastum templum eique tremorem inducere, & hæc est causa saltem adjuvans terræ-motus.* 196
- ¶ XII.** *Et primò ostendetur quòd duo motus contrarii æquabilis & acceleratus in eodem corpore eodem tempore existere & exerceri possunt.* 201
- ¶ XIII.** *Quodlibet grave sursùm projectum à qualibet vi percussiva necessario*

INDEX PROPOSITIONUM.

PROPOS.	PAGE.
necessário per aliquod spatium quantum fursum elevabitur.	202
CXIV. Si corpus grave fursum perpendicularitèr ad horizontem impellatur motu æquabili, ut datò tempore percurrere valeat determinatum spatium, in medio puncto ejus ascensus elevatio projecti terminabitur.	203
CXV. In projectione ad horizontem inclinâtâ paritèr ad medietatem elevationis, quæ motu æquabili fieri posset, sublevabitur projectum excurrètque itinere parabolicò.	205
CXVI. Si postèâ duo corpora gravia impellantur fursum perpendicularitèr ad horizontem duabus velocitatibus; elevationes apparentes duplicatam proportionem habebunt ejus, quam habent impetus vel tempora.	207
CXVII. Si duo corpora impellantur fursum sub eadem inclinatione, erunt elevationes apparentes atque transitus horizontales ut quadrata temporum excursionum velocitatum impellentium.	208
CXVIII. Et primò si idem mobile duabus inæqualibus velocitatibus percutiat idem mobile quiescens amovibile perpendiculari & mediâ incidentiâ, erunt velocitates impressæ proportionales impetibus quibus percutiens agitur.	209
CXIX. Datis duobus corporibus inæqualibus amovibilitèr quiescentibus, reperiri debent duæ velocitates inæquales, quibus tertium cor-ea percutiendo perpendiculari & mediâ incidentiâ majori corpori majori impetu percusso imprimatur gradus velocitatis æqualis ei, quæ imprimitur minori corpori à minori velocitate.	210
CXX. E converso si impressæ velocitates æquales fuerint, habebunt percutientis velocitates eandem proportionem, quam summæ ex percutiente, & quolibet percussorum.	211
CXXI. Iisdem datis velocitates inquirendæ tales esse debent ut majus corpus majori impetu percutiatur & tamen ei imprimatur gradus velocitatis minor eo, qui imprimitur minori corpori.	212
CXXII. Si idem corpus æqualibus velocitatibus perpendiculari, & mediâ incidentiâ percusserit inæqualia corpora, summæ percutientis & cujuslibet percussorum reciproce proportionales erunt impressis velocitatibus.	212
CXXIII. Si duo corpora dura inæqualia velocitatibus æqualibus percusserint idem corpus durum perpendiculari & mediâ incidentiâ, impressæ	212

INDEX PROPOSITIONUM.

- PROPOS.** **PAG.**
- pressæ velocitates proportionem compositam habebunt ex ratione percutientium corporum, & ex ratione reciproca eorundem unâ cum corpore percusso. 213
- CXXIV.** Datò corpore gravi cujus gradus impetus augeantur juxta seriem numerorum ab unitate incipientium reperiri debent corporum gravitates, quæ ab illo percussa impetus æquales suscipiant. 214
- CXXV.** Datò corpore gravi cujus gradus impetus augeantur juxta seriem numerorum ab unitate incipientium, corpora quæ ab illo percussa suscipere debent æquales gradus impetus augeri debent arithmetica proportionalitate quorum excessus æqualis erit percutienti unâ cum minimo corpore percusso. 215
- CXXVI.** Datò gravi cujus gradus impetus in eadem proportione contigua augeantur & iisdem percutiendo inæqualia corpora gradus æquales velocitatis eis imprimat, semper corpus majus ad minus percussum habebit majorem proportionem quàm percutientis velocitates habent, sed quò magis corpora percussa augentur, eò magis eorum proportio minuitur. 216
- CXXVII.** Datis duobus corporibus inæqualibus duâbusque velocitatibus, reperire tertium corpus quòd data majori velocitate majus corpus percutiendo ei imprimere possit gradum velocitatis æqualem ei, quæ minori corpori minori datâ velocitate imprimere valet; oportet autem ut majus corpus ad minus habeat majorem proportionem quàm major ad minorem velocitatem. 217
- CXXVIII.** Et primò si velocitates ejusdem percutientis proportionales fuerint aggregatis ex percutiente & uno quoque percussorum, atque impulsus fiant per directiones æquidistantes plano horizontis à quo æque recedant, projectiones seu transitus erunt æquales inter se. 218
- CXXIX.** Si postea impetus graduum impressorum inæqualibus corporibus ab eodem corpore percutiente fuerint inæquales, excursionses factæ in plano æquidistante horizonti, & æque à plano subjecto elevatæ eandem proportionem habebunt quam impetus impressi. 219
- CXXX.** Datò corpore quod duabus datis inæqualibus velocitatibus perpendiculari & mediâ incidentiâ percutiat impellatquè sursum perpendicularitèr ad horizontem duo inæqualia corpora, reperire elevationes eorum. 220
- CXXXI.** Iisdem datis si projectiones fiant sursum per directiones quæ inclinatas ad horizontem, reperire tum sublimitates ad quas pertinent corpora percussa tum excursionses horizontales. 221

INDEX NOTABILIUM.

PROPOS.

PAGE

CXXXII. In bilancibus adhibere inæquales funiculos ut idem corpus percussiens majori impetu minimè elevare possit minus pondus, at minori impetu percutiendo majus pondus impellere valeat; oportet autem ut pondus percutientis corporis minus sit unoquoque ponderū sublevandorum.	223
CXXXIII. Impetus non augeat pondus corpori gravi.	230
CXXXIV. Id ipsum aliâ ratione demonstratur.	231
CXXXV. Pariter idem aliter ostenditur.	231
CXXXVI. Eadem scissura eadem velocitate efficiet altiore scissuram in cera quam in plumbo; at adhibitis ponderibus super securim, ut efficiant scissuras prioribus æquales iisdem laminis, necesse est, ut minor scissura plumbi efficiatur à majore pondere incumbente, & major scissura ceræ efficiatur à minori pondere.	235

INDEX NOTABILIUM. LIBRI DE VI PERCUSSIONIS.

Motus definitio.

Pagina

Motus de genere quantitatis continua successiva est.	ibid.
Vis celeritatis dicitur impetus.	2
Transitus in spatio mundano dicitur motus realis, & Physicus, at si fiat intra vas aliquod translatus vocatur motus relativus.	3
Gravia & animalia per se, & à se ipsis moventur.	4
Fallacia peripateticæ ratiocinii detegitur.	5
Causa Physica efficiens motum in corporibus naturalibus corporea esse debet.	6
Idem principium motum Physicum efficiens motu quoque affici debet.	ibid.
Si projectum ab aëre impulsio transferretur, deberet quoque aër impelli ab alio aëre, & sic in infinitum.	8
Experientiâ evincitur falsitas hujus sententiæ.	9
Temonis operationes in navi à cursu fluentis translata.	16
Temonis operationes in navi in medio fluido quiescente translata.	18
Causam operationis temonis ab Aristotele adductam insufficientem esse.	ibid.
Experimento sagitta confirmatur eam non promoveri à medio fluido postquam impulsæ est.	20
Iterum id ipsum confirmatur alia experientiâ evidentiori.	ibid.
Iterum id ipsum evidenti experientiâ confirmatur.	21
Vis motiva, à qua mobile determinata velocitate fertur uniformiter extensa est, & diffusa per universam ejus molem corpoream.	25
Et si idem mobile dividatur in duas partes eadem proportionem vis motiva divisa erit.	27

erit.	26
Duo aequalia corpora aequè velociter mota, si conjungantur, duplicatur quidem virtus motiva remanente tamen velocitate inalteratâ.	28
Augmentum virtutis motiva in eodem subjecto intensive crescit.	29
Manifestantur cause experimentorum, qua doctrina superius tradita refragari videntur.	34
Idus ingentis navigii tardò motu excurrentis vehementiorem impetum conferre naviculæ, cui impingit ob motum resiliitionis velocissimum, qui ad concussionem, & flexionem consequitur.	36
In percussione vis motiva impellentis non minuitur, neque de novo ulla in projecto producitur, sed tantummodò expanditur, ita ut una ejus pars in percussiente remaneat, reliqua verò in corpus percussum communicetur.	36
Modus impressionis impetus à Gassendo excogitatus refellitur.	42
Impossibile est ut corpus dum vehitur impetu proprio destituatur & se habeat merè passivè.	ibid.
In fluidis corporibus admitti debent aliqua spatiosa intermedia.	46
Particula fluidum componentes motui resistunt quatenus à collateralibus particulis impediuntur, & proinde impellentis vim motivam aliquo pacto debilitant.	ibid.
Efficitur impressio velocitatis in tempore quatenus plures percussiones continenter succedentes fiunt.	ibid.
In flexibilibus corporibus percussio & impressio impetus in tempore fit, nedùm quia singulares percussiones temporanea sunt, sed quia inter eas tempus mediat, minuiturque vis motiva ob resistantiam earum.	47
Energia percussiois mensuratur nedùm ab impetu incidentis corporis, sed etiam ab ejusdem mole corporea.	51
Energia percussiois pendet non ab impetu motus realis percutientis corporis, sed à motu respectivo.	60
Licet vires motiva, & motus realis sint inaequales, possunt effectus percussiois aequales esse.	70
Gradus energiae percussiois resultat ex impetu percutientis intensivo, & extensivo, & ex resistantia percussi corporis prout in quiete vel statione amovibile vel in motu constituitur, & tandem à situ corporis percussi.	71
Idem projectum horizontalitèr inaequalibus velocitatibus eandem percussioem efficit in planum subjectum horizontale.	81
Sed si planum subjectum molle & flexibile fuerit tunc vis percussiois horizontalis variationem patitur.	ibid.
Examen opinionum de linea motus mixti ex transversali circulari aequabili, & ex descensivo accelerato versùs centrum ejusdem circuli ostenditurque non esse	

INDEX NOTABILIUM.

- esse circularem, neque parabolicam, neque peculiarem helicam. 83.
- Refellitur ratiocinium præclari auctoris. 85.
- Motus reflexivus non gignitur de novo vel à medio fluido aut à tremore parietis concussæ. 87.
- Causa motus reflexivi est impetus motus incidentia unum eundemque motum efficiens. 88.
- Impetus impressus non exstinguitur à quiete corporum transitum impediendum. 97.
- Impetus percutientis nec à motu transversali corporis percussæ, nec à motu per eandem lineam rectam ad easdem partes celeriori, tardiori, vel aequè veloci exstinguitur. 96.
- Motus percussivus potest in corpus pensite impetum imprimere, at non potest contraria percussione eundem motum debilitare, aut exstinguere. 98.
- Impetus impressus à quiescente corpore debilitari ac destrui potest dummodò adsit causa, quæ reflexionem ejus impediat. 98.
- Potest pariter motum contrario exstingui, modo percussio removeatur. 98.
- Actio percussiva absque impulsu intelligi non potest, at è converso effici potest impulsio absque percussione. 100.
- Causa extinctionis impetus projecti est impetus contrarius insensibiliter crescens absque percussione impressus cedendo. 101.
- Vera, & realis immutatio impetus atque destructio in tempore fit quatenus motus contrarius absque percussione communicatur per incrementa minimæ successione quadam temporanea. 104.
- Ex superius dictis conjicitur motum neque de novo gigni in natura, neque unquam destrui posse. 104.
- A particulis corporeis in vacuo innatantibus amovibiliter quiescentibus impetus percutientis corporis debilitari potest in tempore, quatenus transfertur impetus è proprio in alienum subiectum, & ideo non omnino exstinguetur impetus percutientis. 110.
- Si prædicta corpuscula in spatio vacuo moveantur non efficietur vera retardatio incidentis corporis nisi motus sint contrarii absque percussione. 110.
- Adsi eadem particula corporea aliquo pacto connexa vel propter figuras, vel quia non possunt liberè circumvolvi resistent & tarditatem inferent projicienti corpori cum absque percussione ipsum repellant, & successive retardent. 111.
- Si verò eadem particula divisa sese tangant ut acervus arena frangibilis impetum projecti retardant, ut sunt fluida, & lubrica corpora. 111.
- As si corporea particula coherentes flexibiles fuerint pariter projicientis impetus vere retardatur in tempore. 112.
- Constat experientia in machinis flexibilibus & resilientibus impulsu destrui impetum impellentis, & in resiliitione machine de novo produci. 113.

INDEX NOTABILIUM.

<i>Percussio</i> , quies, & resiliatio machina non in instanti, sed in tempore absol-	
vitur.	116
<i>Velocitas</i> longitudini lineari analoga censeri potest.	117
<i>Fluxus</i> continuus ejusdem gradus velocitatis producit quantitatem plano ana-	
logam licet fluentem.	117
<i>Fluxus</i> ejusdem gradus velocitatis determinat excursum, seu motum localem	
corporis eadem velocitate translati.	118
As si gradus-velocitatis dum fluit continenter augetur intensive procreatur super-	
ficies plana crescens ut trapezium, vel triangularis si ab indivisibili gradus	
crescens transverse fluat.	118
Et si incrementa impetus aequalia fuerint temporibus aequalibus efficient triangu-	
lum rectilineum, alias erit curvilineum.	118
Præter corpora inertia, & quiescentia admitti debent in rerum natura alia	
corpora spiritalia, & vivida, quæ ex se ipsis moveri possint naturali vir-	
tute eis à Deo communicata, eritque talis motus aquabilis.	125
Impetus genitus crescere potest non quia vis motiva intensive augetur, sed quia	
extensive suam operationem multiplicat repetendo ictus.	127
Possibile est malleum à navi asportatum absque eo quod innitatur motu directo	
ut avir in vacuum volans tabulatum percutiat, repetatquo ictus, & tunc	
navis impulsâ continenter majori impetu movebitur.	135
Exponitur modus facili experiendi prædicta phænomena.	134
Primus modus consiendi accelerationem motus gravium.	140
Secundus modus consiendi accelerationem gravium verisimilior exponitur	
supponendo partes terræ esse se moventes.	141
Atque vis motiva earum non ordinatur ad motum ut talis est, sed ad debi-	
tam positionem & æquilibrium cum tota terrâ.	145
Removetur difficultas, ostenditurque corpus grave nedum in quiete, sed etiam in	
ejus motu descensus exercere conatus compressivos.	142
Vis projectum percussus creat in unico instanti gradum impetus quantum, & li-	
neare, at vis gravitatis creat impetum indivisibilem.	143
Deducitur quoddam consiendas minimas impulsiones à quibus grave movetur in	
descensu sufficit qualibet exilissima motio interna spirituum aut alterius corporis	
agitantis, quæ facile admitti potest.	144
Qui opinantur ferrum à magnete attrahi mediante effluviò quodam corporeò non	
docent quare, & quemadmodum talis operatio fiat.	145
Actionem magneticam esse communem ferri, & magnetis.	ibid.
Modus hujusmodi operationis communis exponitur.	146
Concreta corpora compressibilia, & flexibilia sunt & aliquò pacto dilatari possunt	
quod constat ex tremore corporum quæ dura vulgo censentur.	150
Impossibile est ut in eodem instanti in quo extremitas cujuslibet concreti corporis	
percutitur simul agitentur omnes ejus partes.	151
A pondere sublevato vulgo censetur mensurari posse vim percussionis.	152
	Videtur

INDEX NOTABILIMUM.

- Videtur quod secundus mallei ictus eodem impetu illatus non possit clarum altius figere.* 155
- Hoc autem repugnat experientia requiriturque majus pondus ut insinuetur clarus aque ac figitur à secundo ictu mallei.* ibid.
- Deducitur quod energia percussione ejusdem mallei æquatur potentia cujuslibet ponderis, ideoque illam infinitam virtutem habebit.* ibid.
- Plures mallei eodem impetu percutientes augent vim percussione juxta multitudinem malleorum.* 156
- Hinc pendet vis illa, qua parietes ab ingenti trabe languido motu percutiente concutiantur & corruant, quia trabs æquatur aggregato plurium malleorum.* 157
- Non secus percussiones repetitæ ejusdem mallei eundem effectum producere possunt, quam innumeri mallei simul percutientes.* ibid.
- Infinitæ percussiones ejusdem mallei eodem impetu æquivalent percussioni mallei infinitæ gravitatis æqui veloci & ambo resistentiam infiniti ponderis superabunt.* 158
- Hinc patet clarum non figi à singulari ictu ejusdem mallei, sed à massæ immense vastitatis toties multiplicato quot sunt ictus ideoque effectum grandem producere.* ibid.
- Cessat clavi insinuatio ab ictu mallei facta non quia vires contrariæ æquantur, ut in compressione ponderis contingit, sed quia vis impetus continenter debilitatur, & tandem destruitur.* 159
- Veritas superioris propositionis experimento comprobatur.* 161
- Elevatio ponderis ingentis à percussione pusilli corporis multis ob ejus exiguitatem inobservabilis est, & quare.* 164
- Experimento in statera factò constat ab ictu exigui corporis pondus licet vastum aliquantisper concuti ac sublevari.* ibid.
- At si corpora percussa valde flexibilia fuerint tunc in temporanea percussione occultatur ejus elevatio.* ibid.
- Hinc patet ingens vis percussione.* ibid.
- Et constat etiam quare ictus particularum nitri in tormentis bellicis aut in cuniculis superare potest resistentiam ingentis gravitatis.* 165
- Obijci potest quod ictus lapilli facilius tollerari potest quam compressio ingentis ponderis humeris incumbens.* ibid.
- Respondetur huic difficultati.* 166
- Diversimodè operare pondus & percussione, quia illius actio ejusdem tenoris, & roboris, hujus verò debilitatur ac destruitur.* ibid.
- Vis ictus malleoli debilitatur ac destruitur à flexibilitate ac mollitie partium animalis, & proinde parum lædit.* ibid.
- Vis ponderis semper æquilibrari debet, & ideò contusionem efficere valet.* 167
- Sed præcipua causa hallucinationis est, quia ingens pondus nunquam in quiete, sed cum aliquo motu animalis dorsum premit, & ideò cum aliquo impetu, quare quodammodo percussione efficit.* ibid.
- Causa initium tremoris efficiens est energia percussione, at non æquè facile assignari potest efficiens causa resistentis vastæ molis tremantis.* 174
- Robur, & consistentia insinarum partium vastæ columnæ post percussione impellere valet univèrsum pondus incumbens quod experimento comprobatur, cum eadem moles percussa tremore agitetur, ac proinde vim habet repellendi pondus totius*

INDEX NOTABILIMUM.

totius columnæ.	179
Nec obstat exiguitas infimarum machinarum repellentium, cum pateat in aëre consimilis vis resilitiois quando fistulas æneas dirumpit cuius vis superat aliquot millia librarum, licet ejus operatio efficiatur à robore extimarum machinarum aërem inclusum componentium.	180
Id ipsum in catapulis pneumaticis experitur.	ibid.
Desideratur tamen cognitio causæ efficientis resilitioem machinæ flexibilis.	181
Non videtur sufficiens causa resilitiois quæ à Gassendo excogitata fuit.	ibid.
Partes solidæ corporum flexibilibus necessario aliquam transpositionem patiuntur in ipsa flexione.	184
Partes solida corporis inflexi minime se restituere posse videntur ad pristinam directionem nisi habuerint propriam vim motivam qua moveri queant.	186
Videtur impossibile partes cujuslibet concreti corporis sensum & inclinationem habere sese reducendi ad pristina loca, nisi quis vim magneticam in eis concedat, quod verisimile non est.	ibid.
Fluida corpora terram ambientia, ut aër, & aqua naturalem vim habent sese uniuendi, & compressionem efficere, & hinc consequitur compressio quam patiuntur corpora minus gravia specie ut folis infra aquam.	187
Perficuum est particulas igneas ineffabili celeritate insinuari per porositates corporum etiam rigidorum.	188
Et ab insinuatione eorumdem igniculorum veluti à totidem cuneolis superficies à calido corpore tacta violentèr ampliatur unde sequitur inflexio totius laminæ.	188
Corpuscula ignea advenientia facilius insinuari possunt per porositates dilatatas vitri ab inflexione, quam per coangustatas superficies ejus concavæ.	189
Ignæi cuneoli æque velociter excurrentes debiliore istu insinuantur & facilius per porositates ampliatas excurrunt quam per restrictas, & idèò parum & minus dilatant foramina hactenus ampliata quam restricta.	ibid.
Id ipsum efficere possunt effluvia magnetica corpora pariterque reliqua effluvia corpora nativâ vi agitata.	ibid.
Corpuscula ignea, seu quælibet alia se moventia dilatare possunt porositates coangustatas armillæ compressæ, & superare compressionem incumbentis ponderis, & proinde resilitioem efficere valent.	191
Armilla quantumvis exigua resilire poterit licet ab immenso corpore quiescente comprinatur.	192
Aëris tremor potest esse causa saltem adjuvans motus, & tremoris terræ, & quare.	196
Experimentum mirabile ad persuadendum telluris concussionem ab aëris tremore effici posse.	it id.
Gassendus opinatur à determinato impetu elevari posse in trutina certum pondus, & non majus refertque observasse, pondera elevata eandem proportionem habere quam impetus.	197
Id ipsum se observasse Mersennus refert.	198
Alius author ait pondera elevata ad eandem altitudinem eandem proportionem habere, quam descensus ejusdem corporis percutientis.	ibi.
Pondus esse non potest mensura impetus cum sint quantitates diversorum generum.	200
Majior impetus non elevat ponderosiora corpora si consideretur simplex elevatio, non vero	vero

INDEX NOTABILIUM.

vero projectio ejus.	ibid.
Propositionis veritas experimento comprobatur.	202
Sagitta sursum excussa percurrit spatium duplum ascendendo, quam pertransiens descendendo equalibus temporibus, & impetus ejus initio ascensus major est impetu acquisito in fine descensus quod oritur ob aeris resistentiam.	204
Remota vero impedimentò aeris spatia ascensus & descensus, atque impetus æquales sunt ut experientia comprobatur.	205
Ostenditur casu assumpsisse Gassendum pondera, & velocitates, quæ proximè æquales elevationes efficere debuerant.	221
Simili modo Mercennus deceptus fuit.	222
Ejusque alia hallucinatio indicatur.	223
Detegitur causa deceptionis Mercenni, quia impetus quinque graduum prius extitit fuit à majori distractione longiorum funicularum, quam percussione efficeret in contrapositam lancem oculatam, at minor impetus triam graduum excedens resistentiam funium breviorum potuit sub excessu pondus contrapositi elevari.	225
In bilancibus præter funium distractionem adeest virgæ & lancium flexio quæ pariter debilitant vim ictus.	ibid.
Percussio ejusdem globi eadem velocitate facta super centrum laminæ bilancis debiliior est eaque efficitur lateraliter hinc inde à centro ejusdem laminæ, quia in centro magis flexibilis quam ultra centrum, & ideo in illa magis impetus debilitatur.	226
Inexcusabilis videtur reliqua experientia nisi culpa referatur flexibilitati libræ, & percussioni non centrali.	ibid.
Cum expenditur vis percussione debet ea esse immediata ut interpercutiens, & percussum non intercedat corpus molle aut distraxibile.	227
Proponitur modus efficiendi percussione sursum immediate absque trutina ita ut impetus habeant certam & determinatam proportionem.	ibid.
Experientia constat non habere impetus percutientis eandem proportionem quam corpora impulsæ in projectionibus horizontalibus.	228
Est e contra tunc projectiones æquales reperiuntur quando impetus percutientis proportionales sunt aggregatis ex percutiente, & quolibet percussorum.	ibid.
Eodem in rumento fieri possunt percussiones sursum elevantes pondera ad eandem altitudinem si pondera, & impetus habeant jam dictam proportionem.	ibid.
Ex Aristotele motus addit pondus ponderi quod falsum esse ex inferius dicendis constat.	229
Concluditur quod percussio siue fiat sursum siue deorsum, siue transversè nullo pacto alteratur ab actione propitia vel repugnante gravitatis, quæ diversi generis est ab impetu.	233
Afferitur experimentum pro infinita Vi Percussionis, sed fallax, propterea quod pondus usurpatur ut mensura impetus.	233
Ostenditur quare idem ictus ejusdem corporis eodem impetu minorem scissuram efficit in plumbum quam in lanam, & quare majus pondus eandem scissuram plumbi efficere debet quam in lana.	234
Non possunt corpora mollia comprimi ac scindi ab incumbentibus ponderibus absque motu locali & absque impetu aliquò.	ibid.
Deducitur quod simplex pondus non est æquale impetus.	235
Conclusio totius libri.	236

Fig. 3 Borelli's experiment Fig. 4



Tab. 3

Fig. 5




Fig. 11




Fig. 15




Fig. 18



Fig. 16



Fig. 17



Fig. 20



Fig. 21




Fig. 22












Fig. 23




Таб. П









JOH. ALPHONSUS BORELLUS

Neapolit. Mathes. Professor

D E

MOTIONIBUS
NATURALIBUS,
A GRAVITATE PENDENTIBUS.



LUGDUNI BATAVORUM,

Apud PETRUM VANDER Aa;

M D C LXXXVI.

JOH. ALPH. BORELLI
P R O O E M I U M.
A D L E C T O R E M.



abes jam, crudite Lector, in hoc Libro de Motionibus Naturalibus à gravitate pendentibus, una cum præcedenti de Vi Percussionis ea omnia, quæ præmitti debuerant ad perfectam intelligentiam doctrinæ de animalium motibus; exceptis quamplurimis mechanicis lemmatibus, quæ suis locis deinceps juxta subjecti exigentiam exponentur. Debeo tamen nonnulla præfari de hoc, & præcedenti Opere, in quibus multoties afferuntur sententiæ diversæ ab Authorum magni nominis opinionibus. Hoc tamen summâ modestiâ, & moderatione exequutus sum (quandoquidem sententias infector, non autem Authorum nomina, aut famam attingo: quippe qui solummo-

dò veritatem quæro, servatâ interim dignitate, & famâ clarissimorum Virorum: quod constat ex eo, quod tunc solummodò viventium authorum nomina recenseo, cum laudandi eos occasio offertur; cum verò controversiæ agitantur, nomina authorum omnino teguntur, ac silentur; quia vero hac tam religiosa moderatione, & modestia effugere non potui contradicentium mordacitates, idèò visum est denuò pollicere me ab instituto incepto non dimoveri, nec discedere velle, neque oppositoribus, si qui forsitan extiterint, responsum ullum apologeticum, & contentiosum edere velle sed tantummodò si opus fuerit meam doctrinam melius, & apertius declarare, vel corrigere ubi forsitan humanò more lapsus fuero. Vale.

DE MOTIONIBUS

NATURALIBUS

A Gravitate pendentibus

L I B E R

JO: ALPHONSI BORELLI.

*Motus Corporum sublunarium in medio fluido fieri,
de quibus hactenus nemo tractavit.*

CAPUT I.



Videntissimum est motus corporum sublunarium fieri debere in aliquo spatio, quod minimè impleri & occupari debet à corporibus duris, consistentibus, & omninò continuis, propterea quòd duo corpora se mutuo penetrare nequeunt, igitur necesse est ut spatium, in quo corpus aliquod moveri debet, aut sit omninò vacuum, vel saltem occupetur ab aliquo corpore distrahibili, & fluido, vel in particulas subdiviso, quod nimirum facile expelli possit è suo loco, ut subintranti corpori, quod moveri debet, locum cedat; ab hisce fluidis corporibus regio ista terram ambiens occupatur, ut ab aqua, aëre, & igne, in quibus fiunt motiones corporum sublunarium.

De ipsis porrò naturalibus motionibus corporum, quæ in medio fluido fiunt, scilicèt qua ratione, & quare corpora varias magnitudines, pondera, & diversas figuras habentia, moveantur majori, aut minori velocitate, certa quadam proportionē in medio fluido, nemo (quod sciam) disservit. Igitur hanc Physico-mechanices partem hactenus desideratam exponere, ac supplere animus est; sed ne fastidiosa repetitione earum rerum,

(A)

quæ

CAP. I. quæ ab aliis tradita sunt, Lectores detineam, supponam ea omnia, quæ in elementis mechanicis tradita sunt de natura libræ, vectis, trochleæ, & de reliquis ab hisce instrumentis pendentibus, eorumque naturam participantibus. Afferam tantummodo aliqua, quæ precipuum usum habent in hac doctrina, de naturalibus corporum motionibus, non de omnibus, sed de iis solummodo, quæ à vi motiva gravitatis pendent.

Corporum
motus in
medio
fluidi
ficti.

*De Momentis Graviorum consistentium & fluidorum in
iisdem fluidis innatantium.*

CAPUT II.

Subtilissimè, & præclarè Archimedes egit de insidentibus humido, id ipsum postea alia methodo Galileus, & Stevinus demonstrarunt, cum veritas innumeris modis confirmari possit; ipse verò, non genio variandi, novas earundem propositionum demonstrationes via longè diversa procedendo, excogitavi & attuli, sed quia hæ valdè conducunt ad ea quæ posterius à nobis explicanda sunt. At prius aliqua hypotheses sunt præmittendæ.

SUPPOSITIO I.

Suppono primò quòd quodlibet corpus, sive densum, sive fluidum, ex iis quæ globum terra-queum componunt, grave est, exercetque vim seu conatum suæ gravitatis, etiamsi in fluido sibi aut homogeneo, aut non, constituatur; hoc autem suo loco evidentissimis rationibus, ac experimentis confirmabitur.

SUPPOSITIO II.

Secundo loco suppono vim, seu conatum, quo fluida nituntur sese unire sphaeræ terra-queæ, effici per lineas perpendiculares ad superficiem horizontis, & hoc patet quia quodlibet grave naturali instinctu conatur ad centrum terræ accedere via brevissima, igitur directio prædicti motus, seu conatus compressivus efficietur per semidiametros ejusdem terræ, hæ verò perpendiculares sunt

sunt ad superficiem horizontalem, quæ sphaericè ipsam terram comprehendit, igitur manifestum est quod motus seu conatus compressivus omnium partium fluidi per lineas ad horizontem perpendiculares efficitur.

CAP. II.

De momentis gravium in fluido innatantium.

SUPPOSITIO III.

Tertiò, quodlibet corpus grave est impossibile ut moveatur motu spontaneo, & naturali, quando ad centrum telluris minimè approximari potest; hoc manifestum est, quia cum omnes partes terrenæ ut graves naturali instinctu ad terræ centrum accedere conentur, hocque earum desiderium expleri minimè possit nisi mediante motu, igitur cessante fine, necessario medium quoque cessat, scilicet quando non potest grave aliquod magis, quàm prius ad terræ centrum accedere, tunc nequaquam movebitur; ex quo sequitur ut prædicta corpora quiescant, quandoquidem si moverentur, aut deberent à centro telluris recedere & removeri, vel lateraliter circumferri, in primo casu sequeretur operatio contraria naturali instinctui gravium, quod est impossibile; in secundo verò casu efficeretur operatio vana, & frustratoria, nil enim grave præterea acquireret cum non amplius ad terræ centrum accedere posset ex hypothefi; absurdum verò est atque repugnat naturam operari casu, & absque fine; igitur est impossibile ut corpora, quæ ad centrum terræ accedere nequeunt, ullo pacto moveantur; quapropter necesse est ut in eodem situ fixè quiescant in quo prius degebant.

SUPPOSITIO IV.

Præterea Archimedes supposuit ut primum principium per se notum, quodejusdem fluidi consistentis partes, quæ sint continuatæ in eodem plano horizontali, minus pressæ debeant ejici, expellique sursum perpendiculariter à partibus ejusdem fluidi magis compressis, hoc verò principium, licet verissimum sit, habet tamen aliquam obscuritatem, cum minimè evidens sit, quamobrem partes ejusdem fluidi possint magis aut minus comprimi; nec pariter evidenter percipitur quomodo à naturali operatione,

Archimedis suppositio.

(A 2)

descen-

CAP. II.

De mo-
mentis
gravium
in fluido
innatan-
tium.

descensus nempe deorsum, produci debeat operatio quædam con-
traria, ascensus nimirum alterius partis ejusdem fluidi, scilicet re-
cedendo a centro telluris; erit igitur operæ pretium perspicue osten-
dere veritatem prædictæ operationis, eamque deducere ex princi-
piis magis notis & evidentibus.

PROPOSITIO I.

*Gravis suspensa non ex centro sue gravitatis una ejus pars sursum
ascendit, quia integrum grave deorsum descendit.*

TAB. I.

Fig. 1.

Sit grave AB extensum, vel compositum ex duabus partibus
in extremitatibus ejusdem libræ horizontalis AB dispositis,
& commune centrum gravitatis earum sit D, sustineatur postea,
fulciaturque tota libra ex puncto C remoto à centro gravitatis D,
dico quòd pars ejus opposita B sursum ascendet per arcum BF,
hac solummodo de causa, quia integrum grave AB magis quàm
prius ad centrum terræ accedit, quia duæ partes graves A & B exer-
cent suam gravitatem & conatum compressivum in centro com-
muni earum gravitatum D, estque prædictum centrum D remo-
tum à fulcramento stabili C, igitur efformabitur veluti fune-pen-
dulum CD horizontaliter constitutum, suspensum, & alliga-
tum in centro C, & pondus universum applicatum erit in centro
D extremo fili, vel lineæ CD: sed penduli natura talis est ut
conetur deorsum ferri per arcum quadrantis DE circa centrum
ejus fixum C usque ad locum infimum E, quod magis ad cen-
trum terræ approximatur, quam in situ horizontali D, & patet
quòd univèrsa hæc operatio necessaria, & naturalis est dependens à
descensu totius gravis, & est impossibile ut fune-pendulum CD ad
infimum situm CE. perducatur absque eo quod libra rigida si-
tum perpendicularem ad horizontem acquirat, quale est GCF,
hoc vero minimè acquiri potest, nisi pars minus gravis libræ B sur-
sum ascendat per arcum BF, igitur casus & descensus totius corpo-
ris gravis AB à situ elevato D ad infimum E est vera & legitima
causa ascensus corporis gravis B per arcum BF, quod fuerat osten-
dendum.

TAB. I.

Fig. 1.

Patet igitur quod simplex casus, aut descensus corporis gravis
est

est vera, & legitima causa motus, & ascensus alicujus partis ejus sursum, & hoc planè contingit quotiescunque grave universum CAP. II.
 sustinetur ab aliquo ejus puncto libræ realis vel imaginariæ, ita ut De mo-
 efficiatur commotio omnium partium ejus, non quidem per lineas mentis
 rectas inter se parallelas, & horizonti perpendiculares, sed verti- gravium
 ginosas & circulares, quales sunt illæ quæ à fune pendulis descri- in fluido
 buntur, & in prædicto motu vertiginoso est tam necessarius & innatan-
 naturalis ascensus partis minus gravis B per arcum BF, quemad- tium.
 modum necessarius est lapsus & descensus totius gravis per arcum
 DE usque ad locum infimum E, & licet ascensus prædictæ por-
 tionis B vulgo censeatur motus violentus, nihilominus si perpen-
 datur vertigo, & debita situatio corporis gravis, quatenus natura-
 lis est & naturali instinctu acquisita & producta, cùm sit impossi-
 bile ut prædicta situatio debita absolute consequatur absque ascen-
 su portionis B; sitque verum quoque quod qui vult finem, velit
 quoque necesse est media, quæ ad finem consequendum necessaria
 sunt; hinc rationabiliter inferetur à vi naturali verè impelli minus
 grave sursum versus F, ac proinde concedendum erit ascensum
 per BF naturalem prorsus esse, vel potius in eadem naturali opera-
 tione includi debere violentiam motus prædicti ascensus; sed ut-
 cunque sit, sufficit nobis ut prædicta operatio sit necessaria, sitque
 prorsus impossibile ut aliter contingat; cæteri verò eam vocent sive
 naturalem, sive violentam ad eorum libitum.

PROPOSITIO. II.

Id ipsum verificatur in fluidis contentis in eodem siphons circulari.

Præterea ut duo corpora in extremitatibus libræ constituentur, non semper est necesse ut corpora gravia A & B affixa sint virgæ alicui rigidæ & consistenti, ut est ACB, potest enim concipi canalis circularis AGBF, qui si repleatur aqua vel quolibet alio fluido liquore, cujus pars dextera FAG gravior sit quam reliqua fluidi pars GBF, scilicet si fluidum FAG fuerit hydrargyrum, FBG verò aqua communis, tunc pariter efficietur libra, & centrum gravitatis amborum liquorum non jacebit in diametro FCG perpendiculari ad horizontem, sed ultra ipsum inter C & A, scili-

(A 3)

cet

TAB. I.

Fig. 1.

CAP. II.

De mo-
mentis
gravium
in fluido
innatan-
tium.

cet in puncto aliquo D, tunc pariter erit centrum totius magnitudinis fluidi ipsum C, & in hoc præcise fiet suspensio totius fluidi, quia circa ipsum efficiuntur duo motus contrarii, nempe descensus fluidi A, & ascensus alterius oppositi fluidi B; cum igitur centrum communis gravitatis D duorum fluidorum distet à centro suspensionis C, efficietur quoque pendulum, quod circulari motu excurreret per arcum DE.

PROPOSITIO III.

Organum in quo videtur motus perpetuus effici posse exponitur, atque ejus defectus, & insufficienscia detegitur.

Et hic brevi & non omnino supervacanea digressionem indicabo impossibilitatem motus perpetui in machina, quæ tantam versimilitudinis apparentiam habere videtur, ut quilibet juraret tali organo motum continuari facile posse, hujusmodi speculationem & organi structuram mihi olim communicavit Amicus optimus Clemens septimus Galilei alumnus. Is sanè cum contempleretur tympana versatilia, seu rotas illas quibus Naviculæ trahuntur Pisis, & in Belgio ab uno canali ad alium à vi unius hominis, qui internam ejus peripheriam, acclivem calcando eam revolvit, ut quæ à canibus eodem tympano in coquinis veruà rotantur, cogitavit eodem modo tympanum efformari posse, in quo perpetuò medietas ejus sinistra à fluido corpore graviore quam medietas dextra occupari posset; ut in apposito schemate, sit tympanum æreum AFBG comprehensum à superficie curva cylindrica ærea, & à duabus laminis planis circularibus inter se parallelis optimè lavigatis & cum illa coaptatis congrutinisque, verum intra tympani cavitatem collocetur lamina plana FCCG, quæ usum diaphragmatis præstet & medietas cylindri FCCGA aqua ver hydrargyro repleatur, reliqua verò medietas BFCC oleo vel ære oppleta sit; lamina verò FCCG axi HC annexa & ferruminata intra tympanum & circa axim fixum C manubrio aliquo H fixè retineri & revolvi possit, hac lege ut exactè tangat superficies internas ambarum basium planarum & cavam superficiem curvam ejusdem tympani: oportet autem ut ad instar epistomii exactissimè

TAB. I.

Fig. 3.

non diaphragma illud revolutum absque ulla rima occludat egres-
sumque impediat aquæ vel mercurio in semicylindro FAG con-
tento, remanente reliquo spatio GBF aëre vel oleo oppleto,
sitque præterea moles totius tympani suspensa in ipso axi C affixo
duobus fulcris, ut liberè circumvolvi tympanum possit in plano
perpendiculari ad horizontem; tunc si vi manus manubrium H,
que annexum diaphragma FCG perpetuò in situ verticali ad ho-
rizontem retineretur, proculdubio (dicebat Amicus) haberemus
in tali casu libram radioꝝ æqualium perpetuam imaginariam
ACB, quæ ab inæqualibus ponderibus premeretur, scilicet à pon-
dere emisphærii mercurialis, vel aquei FAG radius CA gravà-
retur, dum oppositus radius CB à leviori pondere olei, vel aë-
ris deprimeretur, & quia horum inæqualium ponderum centrum
gravitatis semper in aliquo puncto D intercepto inter C & A
caderet, igitur semper libra AB flecti deberet deorsum ad par-
tes A, vel potius constitueretur pendulum horizontale CD su-
spensum in centro C, & idè pendulum descendere deberet per
arcum DE; quia verò fluidum gravius FAG deprimi non pos-
set ob impedimentum diaphragmatis FCG in situ verticali à vir-
tute manus retenti, sequeretur ut universum semicylindricum
mercurii comprimendo & calcando curvam superficiem tympani
AG, quæ volubilis est, eam impelleret, proindeque deorsum
converteri deberet ab A versus G, cum à nullo retinaculo impedia-
tur, igitur semper revolvi posset tympanum ab A versus G, quia
semper perseveraret eadem causa vertiginis, scilicet perpetuò con-
servaretur pendulum CD in situ horizontali, & idè semper pre-
meret & calcaret tympani superficiem AG; quapropter tali artifi-
cio consequi posse videtur motus perpetuus prædicti tympani.

Hoc, ut dixi, tantam verisimilitudinem præ se ferre videtur,
ut nemo ex pluribus Amicis quibus hoc Artificium communicavi
fallaciam in eo latere suspicatus fuerit, nihilominus licèt ego nun-
quam ad praxim hoc artificium reducere curaverim, non vereor
tamen absolutè pronunciare motus perpetuitatem hac via consequi
non posse, quia nimirum persuadere mihi non valeo gravia cor-
pora moveri unquam sponte debere, quando nè pilum quidam
magis quàm prius descendere valent, atque ad centrum terræ ac-
cedere nequeunt: cum itaque centrum gravitatis communis

Dam-

De mo-
mentis
graviorum in
fluidis in-
naran-
tium.

TAB. I.
Fig. 3.

D amborum fluidorum semper in eodem plano horizontali ABCD retineatur ac sistatur, mihi omnino impossibile videtur ut rota sive tympanum AGBF convertatur ad partes A versus G. Itaque licet centrum gravitatis communis D distet à centro fixo vertiginis C, & proinde pendulum horizontale constituatur, tamen ajo ipsum retineri suspendique à vi manus, quæ diaphragma FG retinet ne convertatur à vi ponderis in centro D operantis, non secus ac si fune-pendulum aliquod CD à subiecta manu suspensum deorsum ferri non posset per arcum DE; & licet fune-pendulum CD in casu nostro non sit quid continuum & alligatum centro C, nihilominus perinde se habet, cum ejus conatus fiat per arcum DE, eo modo præcisè ac si centro Calligatum fuisset; ille verò qui prohibet descensum corporis gravis D, quod solummodo moveri per arcum DE potest, necessariò impedit operationem ejus loco motivam, ideoque fluidem FAG cum omnino quiescat, non poterit impellere, & convertere tympanum; nullo enim modo capi potest projectum impelli ab eo corpore quod omnino in quiete consistit, nam semper projiciens & impellens impetu & motu locali affectum sit oportet ad hoc, ut projecto gradum impetus imprimere valeat, cum igitur hydrargyrum FAG omnino iners sit & motu locali careat, videtur omnino impossibile ut projecto scilicet tympano gradum aliquem impetus imprimere queat, proindeque tympanum non transferetur locali motu, quare tali Artificio motus vertiginis ejus nedum continuari perpetuò non poterit, sed neque motum inchoabit. Sed relicta digressionem ad rem nostram redeo.

PROPOSITIO IV.

In canalibus seu siphonibus habentibus duo brachia directà, & perpendiculariter elevata ad horizontem, fluidi in eo descendentes centrum gravitatis curvo itinere per lineam parabolicam descendit.

TAB. I.
Fig. 4.

In siphone TFGV sint duo canales TF & GV paralleli inter se, & erecti perpendiculariter ad basim FG, & ad horizontem, & quilibet eorum æquè crassus sit; capacitas verò portionis cylin-

cylindri TF supra horizontalem per V educam, ut est
 primo casu, & TC in secundo, sit æqualis capacitati
 quæ secetur in quocumque partes æquales à qua ternario n
 ratas in X, Y, Z, I, L, 2, & puncta A, B, C, D, E, sit
 tra gravitatum cylindrorum TF, XF, YF, ZF, & AF, ve
 pariterque H, I, K, L sint centra gravitatum cylindrorum
 GL, G₂, GV, & quia centra gravitatum A, & B, bifar
 cant cylindros TF, XF, ergo TF ad XF se habet ut A
 BF, & per conversionem rationis, & permutando TF ad
 eandem rationem habet, quàm TX ad AB, quare A
 missis est ipse TX, non secus ac HG, medietas est c
 IG. Intelligatur aqua primò elevari in situ T & deprimi i
 tro canali in G, & hinc elevata aqua ad I descendat à T
 conjunganturque duæ rectæ lineæ AG, & BH se secantes
 eritque punctum M in horizontali EL constitutum, pro
 quod duo cylindri aquæ AB, & HG æquales sunt inter se
 semileses sint cylindrorum æqualium TX & IG, ergo al
 AB ad HG est ut ejusdem cylindri basis H ad basim A:
 ratione AE ad LG erit ut basis H ad basim A, quare al
 AE ad LG erit ut AB ad HG, suntque duæ rectæ lineæ
 & GL perpendiculares ad horizontalem FG, vel EL, &
 inter se parallelæ, ergo ob similitudinem triangulorum ut A
 MG ita erit BM ad MH, nec non EM ad ML, & ideo
 AG, BH, & EL se mutuo secabunt in eodem puncto M
 stea ut moles aquæ XBF unà cum GHI ad molem aquæ
 ita fiat distantia HB ad BQ, & dividendo, ut moles aquæ
 ad GHI ita erit distantia HQ ad QB, ideoque ex element
 chanicis punctum Q erit centrum gravitatis aquæ XBF un
 GHI; quando verò aqua erat in summitate T, & canalis
 omnino exhaustus erat, tunc quidem centrum gravitatis
 aquæ TAF, persistens in puncto A medio, ejusdem cana
 rindè operaretur ac si suspensus fuisset cylindrus ex puncto
 pressa postmodum aqua usque ad Y & elevata usque ad L in
 sito canali, denuo centrum gravitatis repertum prædictæ
 existeret in puncto R, & tandem depressa aqua usque ad A in
 casu & usque ad Y in secundo, & sublevata usque ad V; tunc
 dem centrum gravitatis prædictæ aquæ horizontaliter cont

(B)

I V.
 ia directa, & perpendi-
 fluidi in eo descendens
 per lineam parabolicam

nales TF & GV paralleli in-
 d basim FG, & ad horizon-
 as sit; capacitas verò portio-
 cylin-

CAP. II. præcisè incidet in centro suspensionis M, propterea quòd ut basis V ad basim A, seu ut cylindrus aqueus GLV ad equè altum cylindrum AEF in primo casu vel ad CEF in secundo, ita fuit reciprocè distantia EM ad ML; ostendendum modò est puncta A, Q, R, S, M in eadem linea parabolica esse, quia moles aquæ

TAB. I. TX æqualis est æquæ moli GHI, ergo, XBF unà cum GHI æqualis est moli aquæ TAF; erat verò moles aquæ XBF unà cum GHI ad GHI, ut linea HB ad BQ seu (ducta QN parallela AE) ut IE ad EN, ergo FAT ad TX atque semissis illius FA ad hujus semissim AB eandem proportionem habebit quam LE ad EN, est verò EA ad AF ut MA ad AG, seu ut ME ad EL, ergo ex æqualitate ordinata EA ad AB eandem proportionem habebit quam ME ad EN, & per conversionem rationis EA ad EB erit ut EM ad MN, seu ut EB ad NQ, erunt igitur tres continuæ proportionales EA, EB, & NQ in eadem ratione quam habet EM ad MN, quare quadratum ex EM ad quadratum ex MN eam proportionem habebit, quam AE ad NQ, ideoque puncta A & Q sunt in parabola cujus vertex M, quapropter aqua in prædicto siphone dum ad æquilibrium descendit movetur ejus centrum gravitatis in linea parabolica; quod fuerat ostendendum.

PROPOSITIO. V.

Isdem positis, si canales siphonis aquè lati angulum constituentem aque ad horizontem inclinati fuerint, id ipsum demonstratur.

TAB. I.
Fig. 6.

Si postea siphon inversus ejusdem amplitudinis angularis fuerit, ut nimirum semisses brachiorum AF & FL æquè sint ad horizontem EL inclinata, efficiatur que his osculum triangulum EFL, & brachii supremi quadrans EA æquale sit FL, sive FE. dico denuò quòd aqua totius brachii Fz, cujus semissis est AF dum fluit per canalem FL sursum, & descendit per 2 A, tunc pariter ejus centrum gravitatis per parabolam deorsum fertur. Divisis æqualibus partibus in punctis A, B, C, D, E, & F, H, I, K, L, quæ centra gravitatum partium aquæ esse intelligantur ut prius, & duc-

tis

tis ad horizontalem perpendicularibus AG, BV, CN, DO, FM, H 3, &c. pariterque conjunctis rectis DK, CI, BH, quia anguli ad L, E æquales sunt in isoscele, & sunt quoque anguli recti O & T, & hypotenusæ DE, KL sunt inter se æquales, ergo in similibus triangulis DOE, & KTL latera DO, KT æqualia erunt & recta OE æqualis erit TL, & addita communi TE, erit LE æqualis OT quæ non minus quàm DK bissecta erit in puncto Z, propter æquidistantiam & æqualitatem laterum DO, & TK. Similiter reliquæ rectæ lineæ NY & CI æquales erunt prioribus, & bissectæ in puncto P, idemque de reliquis dicendum est: & quia canales, & moles aquæ in eis contentæ AB, & FH, æquales sunt, ergo BFH æqualis est AF; fiat jam HB ad BQ, ut BFH ad FH, vel potius ut FA ad AB: quare semisses antecedentium ad easdem consequentes in eadem ratione erunt, nempe ut EA ad AB, ita erit XB ad BQ, & per conversionem rationis EA ad EB seu AG ad BV, vel GE ad EV, & tandem ut duplum GM ad duplum MN erit ut BX ad XQ, seu ut VX ad XN, vel ut BV ad QN; igitur erunt tres continuæ proportionales AG, BV, & QN in eadem ratione quam habet MG ad MN, quare ut quadratum MG ad quadratum MN, ita erit longitudine AG ad QN, ideoque duo puncta A & Q in parabola erunt.

Constat ergo quod si brachia siphonis perpendicularia fuerint ad horizontem, sive ambo fuerint ejusdem latitudinis sive non, semper centrum communis gravitatis fluidi in descensu parabolam describet; si verò brachia siphonis æquè inclinata ad horizontem fuerint, describet ejus centrum in descensu parabolam quotiescumque brachia æquè crassa fuerint.

COROLLARIUM I.

Si verò in eodem angulari siphone unum brachium dilatatum, alterum verò gracile fuerit, tunc ejus centrum in descensu curvam describet hyperbolam æmulantem.

COROLLARIUM II.

Et tandem, si unum brachiorum perpendiculare fuerit ad horizon-

(B 2)

rizon-

CAP. II. rizontem, reliquum verò inclinatum in descensu, describit com-

De mo-
mentis
gravium
in fluido
innatan-
tium.

His præmissis declarari debet altera libræ, seu siphonis proprietas, in quo centrum gravitatis ejus movetur non quidem motu obliquo, & curvo, sed per lineam rectam ad horizontem perpendicularem, pro cujus intelligentia præmittendum est, quod.

PROPOSITIO VI.

Duo pondera inequalia fune non gravi circa trochleam revoluta suspensa, dum unum eorum ascendit centrum gravitatis eorum per lineam rectam ad horizontem perpendicularem deprimuntur.

TAB. I.
Fig. 7.

Sit pondus A majus, B verò minus alligata extremitatibus funis ADB, qui supponatur omninò gravitate carere, & revolvatur circa trochleam CDE convertibilem circa axim fixum F, patet quod funes AC, & BE perpendiculariter ad horizontem CE prementes, & extensi contingunt peripheriam rotæ in terminis oppositis C & E ejusdem diametri seu libræ horizontalis, ergo funes CA, & EB sunt inter se paralleli; jungatur postea recta linea AB, seceturque bifariam in G, & ut pondus A ad B ita fiat distantia BI ad IA, manifestum est (ex mechanicis) punctum I esse centrum gravitatis communis duorum colligatorum ponderum A & B, funis enim hanc proportionem non alterat, cum nullius gravitatis supponatur: ascendant postea pondus minus B ubicunque ad L, & deprimatur majus pondus A usque ad K, dico quod ambo in communi centro gravitatis descendunt circa libræ centrum, seu fulcimentum stabile G motu directo, & perpendiculari ad horizontem. Jungatur recta linea KL quia funis ADB æqualis, imò idem est, quam KDL, igitur ablato communi ADL, erit descensus AK æqualis ascensui BL; quare in triangulis similibus ob æquidistantiam laterum AK & BL homologorum ut AK ad BL ita erit AG ad GB, & ita pariter KML ad M, suntque latera AK & BL æqualia inter se, ergo se mutuo bifariam secabunt rectæ conjungentes AB & KL in eodem puncto G; idemque continget translatis ponderibus in N & O, & ideo punctum G erit centrum, seu stabile fulcimentum libræ

AB quo-

AB quomodolibet revolutæ; ducatur tandem per I recta linea IP parallela funibus secans libras KL, & NO in punctis M, & P patet libras in eadem proportionem reciproca secari in punctis I, M, P, quam habent opposita pondera, proindeque eadem puncta erunt centra gravitatum earundem librarum cum ponderibus appensis; quapropter licet minus pondus B ascendat per BLO, tamen ambo pondera A & B in communi centro gravitatis eorum I suspensa circa centrum firmum G, & in extremo fune-penduli GI descendunt non circulari, sed directo motu perpendiculari ad horizontem ab I per M & P, quod fuerat ostendendum.

CAP. II.
De momentis
gravium
in fluido
innatantium.

PROPOSITIO VII.

Id ipsum ostenditur, cum pondera in peripheriis inequalibus, & concentricis ejusdem trochleæ revolvuntur.

Sit trochlea CDE circa axim F convertibilis, & in ea sit alia concentrica circumferentia RSQ, & funi SQB alligetur pondus B, alii verò funi DEA alligetur pondus A, sintque funes nullius ponderis, ostendetur, ut in præcedenti, funes EA, & BQ esse inter se parallelos; postea conjungatur recta AB, atque ut pondus A ad B ita reciprocè fiat distantia BI ad IA; patet punctum I esse centrum gravitatis communis ponderum A & B (cum funes nullius ponderis supponantur) deinde revoluta trochlea ascendat pondus B ad L, & oppositum pondus A descendat usque ad K, jungaturque recta KL, secans rectam AB in G, dico duo pondera A & B in communi eorum centro gravitatis I circa libræ centrum stabile G motu directo & perpendiculari ad horizontem descendere, quia in trochleæ revolutione tantumdem descendit terminus funis A, quanta est explicatio funis è rota CDE, & pondus B ascendit quantum funis BQS circumvolvitur circa rotam QSR, cumque duæ rotæ concentricæ connexæ simul tempore revolvantur circa fixum axim F, ergo descensus AK ad ascensum BL eandem proportionem habet, quam peripheria CDE ad peripheriam RSQ, seu eandem proportionem, quam habet radius FE ad radium FQ; quare in triangulis AGK, & BGL similibus, ob æquidistantiam laterum AK, & BL, erit AG ad GB

TAB. I.
Fig. 8.

(B 3)

ut

De mo-
men:is
graviorum
fluidi in-
nayan-
tium.

ut KG ad GL, seu ut AK ad BL; proindeque in eodem puncto fixo G duæ libræ AB, & KL se mutuò secabunt in eadem proportionē, quam habent motus eorundem terminorum, unde, ex mechanicis, erit punctum G centrum, & fulcimentum firmum utriusque libræ AB, & KL. Postremò ducatur per I recta IM parallela funibus, seu perpendicularis ad horizontem, secans KL, in M, planæ sectæ erunt duæ libræ prædictæ in I & M in eadem proportionē reciproca ponderum suspenforum, ideoque puncta I & M erunt centra gravitatum utriusque libræ: quare licet pondus B ascendat per BL, tamen verum est duo pondera AB in communi centro gravitatis I suspena circa centrum firmum G, & in termino fune-penduli GI descendere directo motu, & perpendiculari ad horizontem per IM, & hoc erat ostendendum.

Hujusmodi mechanicæ speculationes maximè conferunt ad intelligentiam motus corporum in fluidis, pro cujus declaratione primò considerari debet.

PROPOSITIO VIII.

Qua ratione fiat Motus fluidi in siphone continuato, & in se ipsum reflexo.

TAB. I.
Fig. 9.

Sitigitur siphon ABDG in se ipsum reflexus, cujus brachia lateralia BN & GO directæ sint, inter se parallela, & ad horizontem perpendiculariter erecta & æquè ampla, includatur postea gutta aliqua mercurii BC, quæ in fistulis angustis retinetur in eodem situ collecta, reliqua verò cavitas ejusdem fistulæ BAGDC repleatur aqua; tunc ductis à punctis B & C, & à centro gravitatis guttæ mercurialis H tribus lineis rectis parallelis horizonti BG, HI, & CF, & secta HI bifariam in L; patet quòd duo gravia, mercurius nempe BC, & aqua GF suspenduntur in eadem libra imaginaria HI, quia hæc duo corpora motibus contrariis agitantur suspendunturque ab eadem libra horizontali: nec actionem eorundem corporum impediunt, vel adjuvant supremæ, vel infimæ aquæ partes; quandoquidem aqua AB æquilibratur collaterali AG, cum sint homogeneæ & æquè altæ, non secus infimæ

firmæ aquæ partes CD & FE inter se æquibantur ; quare actioni compressivæ mercurii CB tantummodo contraponitur pondus aquæ FG in eodem situ horizontali constitutæ ; fiat jam ut pondus mercurii CB ad gravitatem aquæ FG ita reciproce distantia IM ad MH, quare punctum M erit centrum gravitatis duorum corporum BC & GF, cumque libra imaginaria HI fulciatur in puncto L rectæ LK perpendiculariter horizonti educatæ ex infimo situ fistulæ, ubi bisariam libra & magnitudines fluidæ secantur, igitur constituitur fune-pendulum LM, & proinde, juxta leges mechanices, libra flectetur descendendo corpus BC, & ascendendo aquam FG, & hoc perficitur propterea quod centrum communis gravitatis M necessarii labitur deorsum juxta penduli naturam ; sed prædictus motus centri gravitatis M non est circularis, sed est directus ad horizontem perpendicularis, per lineam MQ, non secus ac in trochlea contingit ut dictum est ; hujus operationis verò progressus talis est, cum primum cylindrus mercurii CB fertur deorsum transferendo ejus centrum H in N, denuò comparatur cum alio aquæ cylindro æquali ipsi FG è regione posito, cujus centrum gravitatis erit punctum O, & tunc denuò creatur nova libra horizontalis NO secta à rectis LP & MQ parallelis ENGO, in P & Q, cujus centrum P, quia denuò partes aquæ collaterales supernæ & infernæ sibi ipsis æquilibratæ non adjuvant, neque impediunt duo æqualia corpora mercuriale ex N, & aqueum ex O, quæ ad invicem comparantur in eadem libra horizontali, cumque hæc à parallelis lineis HN, MQ, & IO in eisdem rationibus dividatur, perductum erit centrum gravitatis prædictorum corporum ad punctum Q, unde patet descendisse per rectam lineam MQ perpendicularem ad horizontem, perdurabitque ejus descensus, quousque corpus mercuriale CB ad situm infimum fistulæ DE perducatur, quando nimirum ejus gravitatis centrum H præcisè infimum situm K fistulæ attinget.

Nec dicas fictionem esse quod adsit libra horizontalis directæ HI, quæ perpetuò renovetur, nam reverà fulciuntur, sustentanturque duo cylindri CB & GF à plano aquæ subjectæ CF, quod quidem mobile est, cum cedat descensui mercurii CB, & superficies F elevetur eodem tempore & pari velocitate circa ejus punctum

CAP. II.

De mo-
mentis
gravium
in fluido
innatan-
tium.

punctum intermedium, igitur prædicta duo corpora BC & GF, dum ambo premunt libram fluidam subjectam suis ponderibus, & coguntur moveri simul æquè velociter contrariis lationibus necessariò libram constituunt, quæ in suo centro gravitatis energiam universæ suæ compressionis exercent, verum tamen est quòd prædicta libra non flectitur, sed continenter renovatur in situ horizontali, quandoquidem aqua elevata jam non amplius agit contra pressionem mercurii CB, ut dictum est, propterea quòd æqualibratur cum aqua collateralis supra mercurium CB elevata.

PROPOSITIO IX.

Corpus aqua gravius in ea demersum dum descendit constituit cum aequali mole collateralis fluidi libram aequalium radorum, cuius centrum gravitatis continenter descendendo elevat leviores aquam collateralem, semperque renovatur horizontalis libra.

TAB. I.

Fig. 10.

Hoc præmissio intelligatur jam Vas aquà plenum RSTX, & intra ejus profunditatem apponatur prisma marmoreum ABCD, & producatur ejus bases horizontales AB & CD usque ad G & H, atque planum AD producatur sursum, & deorsum usque ad M, & V perpendiculariter ad horizontem. Hic jam habemus Siphonem oblongum in se ipsum circumductum, ut in præcedenti propositione expositum fuit, quia aqua BMGHVC ambit prisma supernè, lateraliter & infernè, nec moveri potest descendendo prisma AC, quin aqua subjecta CID è suo loco expellatur, & lateralitèr fluat versus P, circumferaturque sursum usque ad locum relictum à prædicto prismate lapideo in E. Sunt igitur duæ partes MT, & MS veluti duo canales laterales siphonis, qui tamen sese contingunt in communi latere MV, præterea duæ portionis aquæ supremæ XA & MG, cum sint homogeneæ, æquè graves speciei, & æque altæ, se mutuo æquilibrantur, pariterque duæ portiones aquæ subjectæ CV & DS pariter æquilibrantur, unde patet quòd tantummodo comparari debent inter se duo corpora collateralia, saxum nimirum BD, & aqua AH, quæ ab eisdem planis horizontalibus BG, & HC comprehenduntur, & hæc similiter fulciuntur sustentanturque à plano aquæ sub-

subjectæ HC non firmo & impermeabili, sed facile à suo loco amovibili & cedenti. Insistunt igitur prædicta duo corpora BD & AH, non secus suspensa ac si super libram HC inniterentur; hujus verò centrum mobile esset punctum intermedium D, ubi nimirum libra HC bifariam secatur, & si à centro gravitatis O saxi BD ad centrum P gravitatis aquæ AH recta linea conjungatur, eaque secetur in Y reciproce secundum proportionem gravitatum eorundem corporum, patet Y esse centrum gravitatis communis saxi BD, & aquæ AH, cumque libra PO secetur bifariam à plano MV in Q, jam consurget fune-pendulum QY horizontaliter extensum versus O ob excessum gravitatis saxi supra aquæ pondus specificum; igitur necesse est ut tota libra flectatur deorsum, & sic saxum BD descendet. Quia verò in descensu aqua subjecta expulsa ex I curvo itinere sursum fluit per ZF usque ad E, denuò renovatur libra horizontalis, comparanturque inter se saxum BD cum aqua collateralis in novo situ horizontali depressiori existente, igitur denuò eadem proportionem dissecta libra imaginaria horizontali, fune-pendulum æquale priori eadem vi flectetur deorsum, descendetque centrum gravitatis ejus motu perpendiculari ad horizontem quousque ad fundum Vasis saxum peringat.

De momentis
gravium
in fluido
innatantium.

P R O P O S I T I O X.

Id ipsum contingit, sed inverso ordine, cum corpus demersum minus grave aqua collateralis fuerit.

Si postea Prisma BD fuerit ligneum, & minus grave specie quam aqua AH, tunciusdem manentibus solummodò centrum gravitatis communis Y cadet ad partes aquæ inter Q & P, & proinde universum grave compositum ex aqua & ligno, vim faciet, impellendo deorsum centrum gravitatis Y, & ideò vehementius comprimetur aqua subjecta HDVS, hæc verò ob ejus continuitatem & naturam consistentem, quæ pressioni non cedit, necessariò impelletur versùs I, & sic vim faciet sursum exprimendo ligni superficiem DC; at dum lignum ascendit, oportet ut expellat è suo loco incumbentem aquam E, quæ transversali

TAB. I.
Fig. II.

(C)

&

CAP. II.

De mo-
mentis
gravium in
fluido in-
natan-
tium.

& obliquo motu perducetur ab E per FZ versus I, & sic à prædicto motu circulari aquæ ambientis lignum expelletur fursùm; attamen ratio mechanica hujus actionis pendet ex eo, quòd libra horizontalis imaginaria PO flectitur perpetuò deorsùm, quidem ad partes centri gravitatis Y circa centrum Q, & fursùm ad partes O, sed summopere animadvertendum est prædictum libram imaginariam horizontalem renovari successivè pro ut lignum ascendit, comparaturque cum aliis lateralibus prismatibus aqueis, quæ successivè offendit intercepta inter prædicta plana horizontalia GB & HC: necesse è ergo est ut lignum prædictum numquam quiescat intra aquam demersum quousque ad supremam libellam aquæ RX perducatur, insuperque aliqua ejus portio emineat.

COROLLARIUM.

Hinc patet veritas Archimedei assumpti, quòd fluidi consistentis natura requirit ut partium ejus æquè jacentium magis compressæ fursùm impellant partes minus pressas perpendiculariter ad horizontem.

Quia aqua subjecta HCTS ob ejus consistentiam non condensatur & mobilis est, quia fluida, ergo libram flexibilem constituit, estque pars subjecta HV magis compressa quàm DT (propterea quòd pars aquea GD gravior est ligno AC) igitur libra fluida HDC flecti debet descendendo HD, & DC ascendendo, quare tota aqua HSV D deorsùm depressa impellet aquam DVTC fursùm.

PROPOSITIO XI.

Si verò corpus solidum ponatur supra aqua libellam, tunc descensus communis centri gravitatis non efficietur per lineam perpendicularem ad horizontem, sed motu curvo per parabolam.

In progressu prædictæ operationis notabilis est variatio situs centri gravitatis ejus & mechanicæ ejus operationis.

TAB. II.
Fig. I.

Sit igitur in eodem Vase Prisma ligneum ABCD perductum ad

ad supremam aquæ libellam RX, tunc similiter inter se comparantur duo prismata BD ligneum, & AH aqueum in eodem plano horizontali subiecto HC insistentes, & proinde efficitur libra imaginaria PO mobilis circa ejus fulcimentum Q, & centrum gravitatis eorundem corporum cadit ad partes aquæ, nempe in Y inter centrum Q & extremitatem radii P. Hinc ergo sequitur ut prædicta libra flecti debeat deorsum ad partes Y & sursum ascendat terminus O unà cum ligno versum aquæ libellam supremam RX, igitur portio aliqua ligni suprema elevabitur supra prædictam aquæ libellam, ut patet in postrema Figura, & tunc quidem successivè imminuitur prisma aqueum GD, prout magis ligneum prisma exurgit, eminetque supra aquæ libellam, & in prædicto ascensu dum collaterale prisma aqueum imminuitur, pondus ejus, quod prius superabat gravitatem ligni BD, tandem post continuam ponderis aquæ diminutionem reddetur præcisè æquale ponderi cylindri lignei BD, & tunc conjunctis centris gravitatum eorum à recta PO, hæc quidem bifariam secabitur in termino Q, & ibidem erit ejus centrum atque fulcimentum, habebitque pondus ligni BD ad pondus aquæ GD sibi æquale eandem proportionem, quam habet reciprocè PQ ad QO, & proinde centrum gravitatis commune Y incidet præcisè in centro seu fulcimento libræ Q. Igitur æquilibratis prædictis ponderibus libra quiescet, nec prisma ligneum BD ulterius ascendet, neque denuò deorsum decidet, nisi ex accidenti ratione in petus acquisiti.

TAB. II.
Fig. 2.

Hinc patet quòd quando primò lignum BD exurgere incipit supra aquæ libellam RX, tunc continenter magis ac magis centrum communis gravitatis Y motu obliquo & curvo ascedit, quousque jungatur cum fulcimento Q libræ PO sursum translata, non secus ac in siphone aqua elevata in uno ejus brachio descendendo perducit centrum gravitatis ejus per curvam lineam parabolicam, ut dictum est; concipi ergo debet siphon inæqualium brachiorum, quando primum basis suprema AB ligni attingit aquæ libellam, & quia tunc excessus gravitatis specificæ aquæ AH supra pondus ligni BD perinde agit ac si aliud fluidum æquè grave specie ligno ipsi BD & majoris molis supra basim HD, insisteret procul dubio ad majorem sublimitatem, elevaretur prædi-

(C 2)

ctum

De mo-
mentis
gravium in
fluido in-
natan-
tium.

Etum fluidum minùs grave specie quàm aqua AH, cujus absolu-
tum pondus æquale esset ponderi ejusdem aquæ communis AH,
quare ab elevatiori loco fluidum prædictum deorsùm excurrendo
elevaret lignum depressum BD præcisè, ut in siphone superius
exposito contingeret.

Ex hac theoria facili negotio resolvi ac demonstrari possunt
omnes propositiones, quæ ab Archimede in primo de insidentibus
humido demonstrantur.

PROPOSITIO XII.

*In ascensu vel descensu solidi in fluido, neque libra linearis est,
neque habet centrum gravitatis in uno puncto, sed libra esse so-
let superficialis, cujus fulcrimentum est linea circa centrum
Figura, & gravitas communis exercetur quoque in linea
aliqua.*

Sollummodò indicabo non semper usurpari in prædicta mecha-
nica operatione punctum, quod commune centrum gravitatis
vocari vulgò solet; propterea quòd libra composita ex solido &
fluido ambiente non semper linearis est, sed superficiem aliquan-
do componit, in qua nedum fulcrimentum, sed etiam locus, ubi
exercetur communis gravitas, linea esse solet aliquando recta,
aliquando curva, & multoties composita ex pluribus rectis: si
enim in medio aquæ immergatur directè & perpendiculariter ad
horizontem prisma vel cylindrus solidus, tunc quidem, dum
prisma descendit, universa aqua illud ambiens sursum elevatur,
vel illo ascendente hæc deprimitur; comparari ergo debet prisma
comprehensum cum anulo seu potius cum fistula fluida id am-
biens, & sic efficitur libra quædam plana cujus fulcrimentum erit
linea in confinio cylindri demersi, & fluidi ambientis extensa pari-
terque locus, ubi communis gravitas exercetur, non erit punctum,
sed erit quoque linea in eodem plano horizontali producta; sed
facilitatis gratia concipi debet sector aliquis in prædicto plano ex
centro prædictæ libræ superficialis in axe cylindri constituto us-
que ad superficiem aquæ ambientis, quæ contrariis motibus unà
cum cylindro movetur; seu potius concipi debet radius, seu se-
midia-

midiameter non indivisibilis, sed physica, & hæc usurpari potest ut libra particularis cum suo fulcimento, & centro gravitatis, universa verò libra superficialis composita erit ex pluribus, & innumeris libris radiosis, ut dictum est, & hæc innuisse modò sufficiat in hac generali præparatione, inferiùs enim accuratius exponentur.

Quodlibet corpus fluidum, eorum quæ innituntur superficiei Telluris, grave est, exercetque vim suæ gravitatis etiam dum in proprio loco, & in ipsomet fluido universali sui generis consistit ac quiescit.

CAPUT III.

Supposuimus cum Archimede aquam & reliqua corpora fluida terram ambientia vi propriæ gravitatis compressionem uniformem exercere versus centrum telluris, ex quo subindè fit ut sphericè circa terræ centrum disponantur. Præterea supposuimus cum eodem Archimede partes ejusdem fluidi minùs pressas expelli ac sublevari sursum à partibus ejusdem fluidi magis compressis & gravatis; ex qua hypothefi deducitur quodlibet fluidum, veluti aqua est, gravitatem habere eamque exercere etiam in proprio loco & naturali regione, scilicèt aquam ipsam, dum in tota aqua quiescit, tunc quoque gravitatem exercere subiecta corpora comprimendo.

CAP. III.

Fluidum in suo toto quiescens ponderat.

Hoc autem à plurimis negatur, qui putant Archimede oppositum sensisse. Id ipsum quoque negant aliqui Peripatetici, qui censent non semper verum esse quòd partes superiores corporis gravis comprimant, & vim inferant inferioribus & contiguis, nisi infimæ partes leves sint absolute vel respectivè, unde concedunt terram; exemp. gr. super aquam, aut super aërem positam, vim & operationem gravitatis & compressionis exercere, non itidem aquam supra ipsam terram collocatam, nec aërem aquæ incumbentem, imò nec aërem supra aërem constitutum, nec aquam supra aquam positam; hujusmodi propositionem tali ratiocinio confirmare nituntur, cum Natura causa, & principium motus sit, nec operetur frustra, sed ad certum finem, & ad bonum,

(C 3)

Ex Archimede deducunt, aquam in ipsa aqua non gravitare, & id ipsum Peripatetici affirmant.

CAP. III.

Fluidum
in suo toto
quiescens
fonderat.

num, proculdubio ordinavit motum naturalium corporum ad certum finem, & ad bonum, scilicet ad conservationem, & quia actus seu perfectio, quam appetunt, & quam acquirere nituntur corpora gravia & levia, dum moventur, est migratio, & debita constitutio in propriis locis naturalibus, gravium nempe deorsum, & levium sursum, hinc sequitur quod postquam ad debita loca naturalia perducta sunt, motus omnino cessat, ut potè naturæ desiderio, & sine expleto, eo quod, ut ait Aristoteles, Natura non movet corpus aliquod ut ipsum moveat, scilicet ut ipsum perpetuè & in infinitum agiter, sed tantummodo ut illud ad terminum & finem perducatur, ut ibidem quiescat; verum facultates aut virtutes, quibus sublunaria corpora ad propria loca feruntur, nil aliud sunt quam gravitas aut levitas. Igitur hujusmodi facultates ordinatæ sunt ad perducenda elementaria corpora ad propria loca, ut ibidem quiescant; nec ulterius usum aliquem habere possunt, quandoquidem, si præterea motum prosequerentur, in suis locis perturbarent & confunderent naturalem situationem eorum corporum. Et profectò est consentaneum ut elementa non intantur deferere propria loca, & propterea careant illo naturali stimulo seu principio motus, quo impellebantur antequam ad sua naturalia loca pervenissent; hinc deducitur nullum elementum in proprio loco gravitatem aut levitatem habere, sed aqua in ipsa aqua posita in propria & naturali regione degit & sic aer in aëre, ergo neutrum horum elementorum gravitatem in suo loco habet, aut exercet. Et primo, quoad Archimedes pertinet, videntur Adversarii nequaquam tanti Viri mentem assequuti fuisse, ut ex ejus verbis satis superque patet. Ut verò Peripateticis fiat satis, ne dum nullam levitatem positivam in natura dari ostendam, sed præterea probabo falsum esse, quod postquam corpora naturalia ad sua loca perveniunt, & ibidem quiescunt, gravitas usum non habet, nisi ad perturbandum præclarum ordinem universi; nam è contra suadere conabor, tunc præcisè corpora gravitatem exercere, cum in suis locis quiescunt, imò causam, quare in suis locis quiescunt, esse quia pondus exercent. Sed prius perpendenda est actio ipsius gravitatis, & quidnam potissimum efficiat pondus dum comprimit; & profectò actio & compressio corporis gravis non est transitus localis pilæ ferreæ v.g. dum

dum versus terram descendit, nec præterea est simplex contactus, quo conjungitur cum superficie telluris subjectæ, sed est vis & energia, qua impellitur deorsum, stringiturque veluti prælo cum ipsa terra, veluti cum pondus in trutina appenditur, licet quiescere videatur, exercet actionem quandam compressivam tantæ energix quanta est ejus gravitas; hoc autem facile percipiemus, si fingamus duos Homines æquè validos & robustos, qui totis viribus se mutuò impellant, ubi manifestum est quòd existentibus viribus contrariis inter se æqualibus, ut una alteri non prævaleat, tunc neuter luctantium dimovebitur è suo loco, sed ibidem quiescet, licet quilibet eorum universam vim, & facultatem propriam exerceat impellendo, & repellendo suum Antagonistam; non secus quando aliquis impellit Columnam ingentem vehementer, licet minimè valeat eam è suo loco dejicere, ac commovere, ut nimirum motus progressivus Hominis impellentis aut Columnæ subsequatur; nihilominus negari non potest motus impulsivus muscutorum & artuum hominis impellentis; nec pariter negari potest aliqua exigua & insensibilis flexio ejusdem Columnæ, quæ ad instar arcus seu machinæ æquali vi impulsui & flexioni resistit. Similiter cùm Pila ferrea super Basim vel Laminam vitream innititur, concedendum omninò est, effici constipationem quandam partium ferri prementis, & vitri compressi, ut nimirum aliquantisper eorum porositates constriuantur, eò quòd (ut ostensum est cap. 26. de Vi percussionis) reperiri in rerum natura corpora composita nequeunt, quæ adeò dura sint, ut compressioni cujuslibet corporis resistere valeant, quod verò prædicta compressio vitri ab ingenti pondere fiat, patet ex eo quòd augendo magis, ac magis pondus comprimens, tandem basis vitrea disrumpitur, dissilit, atque conteritur, eo præcisè modo, quo ab ictu mallei disrumpitur; & si quidem hoc verum non esset, scilicet si à pondere ut cumque multiplicato & aucto basis vitrea non stringeretur & comprimeretur, qualibet exilissima basis vitrea toleraret vim compressivam ponderis cujuslibet montis vasti, quod procul dubio falsum est.

Hoc posito, nemo negabit, quòd si pondus duplicetur, ut scilicet unum super alterum superponatur, tunc duplici vi ac robore infima basis vitrea comprimetur ac constipabitur, & proinde poro-

CAP. III.

Fluidum
in suo ro-
to quie-
scens pon-
derat.

porositates multò magis imminuentur à duplici impulsu, quandoquidem concipi non potest moles gravis, aucta & multiplicata absque eo, quòd pondus, & proinde vis, & energia compressiva versùs centrum telluris multiplicetur, unde fit ut partes solidæ & consistentes comprimantur & constipentur multo magis.

At si hoc contingit in corporibus durissimis, negari certè non poterit in corporibus fluidis, quæ non minus gravia sunt, & comprimunt fundum Vasis in quo continentur tanta vi, quanta est energia ponderis eorum, ita ut multiplicata fluidi mole centies & millies, Vasis fundum centies & millies majori vi comprimatur; & licèt ibidem non adsit motus progressivus, numquam tamen deficiet motus tonicus, & restrictio pororum fundi Vasis, & compressio pororum ejusdem fluidi, si fortè porositas habuerit, & sicuti fluidum gravitat atque constringit porositas fundi vasis, hac de causa, quia ponderat & gravitat, nulla ratio vetat, quin pondere suo comprimat infimam subjèctam laminulam ejusdem fluidi, quæ fundo vasis contigua est, quandoquidem minimè possunt supremæ fluidi partes fundum vasis comprimere absque eo, quod impellant & stringant infimam ejusdem fluidi laminulam, cùm actio in distanti fieri non possit, sed contactu quodam remotiores impellendo eis contiguas subjèctas partes, & hæc subsequentes serie quadam ordinata, quousque fundum comprimant.

PROPOSITIO XIII.

Aqua Vasis fundum comprimit sua gravitate.

TAB. II.

Fig. 3.

Sed hoc evidentius sic patebit, sit Fistula Vitrea ANO perpendiculariter ad horizontem erecta, repleaturquè aqua, seu quolibet alio fluido corpore, & ductis innumeris planis horizonti æquidistantibus, subdividatur universum fluidum in laminas gracillimas seu membranas æquè altas AB, BC, CD, DE, EF, FM, & MN. Et primò, si verum est ut Adversarii credunt, aquam in ipsamet aqua collocatam non gravitare, igitur suprema laminula aquea AB prorsus non comprimet subjèctam membranam aqueam BC, scilicet vim nullam super eam exercebit (hoc enim

enim gravitatis nomen indicat) neque eam deorsum impellet perinde ac si aqua suprema AB non adesset, proindeque hæc non augebit gravitatem inferioris laminæ BC, aliàs suprema aqua AB ponderaret, comprimeretque subjectam aquam BC, quod est contra Adversarii hypothesim; eadem ratione universa aqua ABC nil ponderabit, neque comprimet subjectam laminam aqueam CD, & tota aqua AD nec etiam comprimet aut gravitatem inferret supra inferiorem aquam DE; id ipsum procul dubio affirmari debet de reliquis omnibus laminulis fluidis, totam altitudinem aquæ componentibus, & hoc optima ratione deduximus, quandoquidem seriem corporum inertium & nil prorsus deorsum impellentium, nemo sanæ mentis affirmabit vim compressivam deorsum exercere, imò concedet æquè operari ac si esset unica singularis laminula, vel diceret subjectum corpus à nihilo comprimi, & è contra series corporum vim impulsivam habentium exercet vim pro mensura multiplicati corporis, & hoc sanè lumine Naturæ constat, hinc deducitur infimam laminam aqueam MN nostri Vasis nullam compressionem pati ab universa aqua superposita MA, non secus ac si à nihilo premeretur unde fit ut inferior pars aquea MN ablata, qua MA tanta vi præcisè comprimat Vasis fundum NO, ac si superstaret immensa moles aquea NA, sed illa ob ponderis exiguitatem haud sensibilem vim vitreo fundo infert, nec ipsum inflectit, aut disrumpit, igitur neque Vitrum inflectetur aut constringetur, quando altissima moles aquea NA ei superponitur; quia verò hoc evidentiæ sensus repugnat, affirmandum est, aquam, licet in ipsamet aqua iners & quiescens videatur, necessariò gravitatem exercere.

PROPOSITIO XIV.

Id ipsum in Siphone comprobatur.

Præterea usurpetur id ipsum Vas vitreum, sed inflexum, ut est AMOP Siphonis in versi, Figuram referens, atque portio ANO aqua impleatur, reliqua verò fistula OP oleo. Et quia, ut mox ostensum est, ex Adversarii hypothesi tota aqua AM vim non infert, neque impellit inferiorem aqueam laminam MN, cum nul-

(D)

TAB. II.
Fig. 4.

CAP. III.

Fluidum
in suo to-
to quies-
cens pon-
derat.

nullam gravitatem super eam exercent; igitur tota moles aquea AM nil prorsus impellet terminum aquæ O, & proinde ab hoc non impelletur sursum oleosus cylinder OP, igitur oleum OP nulla ratione sublevari sursum deberet, sed hoc est falsum, igitur falsa est quoque hypothesis assumpta, quod aqua in ipsamet aqua posita, gravitatem non exercent.

Et profectò methodus ac criterium dignoscendi, an corpus aliquod gravitet, atque impellat alterum, erit hujusmodi; considerari nimirum debent effectus ab eo producti, & quanta vis contraria requiritur, ut unum à consortio & contactu alterius divellatur & separetur, & quia si Navis natando lateraliter scopulum contingeret, posset à quacumque exigua vi trahi, divelli, & separari ab eodem scopulo, hinc jure optimo inferemus Navim omnino carere vi motiva & impulsiva tendendi versus scopulum, è contra, quia videmus, quod Pila ferrea non potest à contactu soli se jungi ac divelli, nisi æqualis facultas & energia contraria adhibeatur, scilicet nisi apponatur pondus in altera extremitate libræ, quod æquale sit gravitati prædictæ Pilæ ferreæ, sicuti cum Homo robustus Columnam aliquam impellit, non potest ab ea se jungi, nisi adhibeatur vis motiva prorsus æqualis ei, quam Homo exercet; hinc deducemus Pilam vim gravitatis, & Hominem vim musculorum exercere.

Porro effectus producti ab illa ferrea pila à pavimento subnixæ plures sunt, ac varii, constringuntur nempe pori subjecti corporis Pilæ sustinentis, inflectitur pariter id ipsum contunditurque, & multoties diffringitur, ac dissilit in particulas minimas; igitur si hujusmodi effectus ipsamet aqua operaretur, absque ulla hæsitacione aquam in ipsamet aqua gravitare affirmarem. Modò videmus, quod aqua ad ingentem altitudinem elevata nedum solum, ac fundum Vasis inflectit, sed ipsum multoties diffringit, & hoc magis patet, si fundum Vasis flexibile fuerit, si verò constringi ac condensari poterit, illud constringit, atque ad minus spatium redigit, non secus ac Homo robustus comprimeret & flecteret corpora flexibilia ac tendentia, dum ea impelleret.

PRO-

PROPOSITIO XV.

*Alia ratione & experimento probare compressionem parvium aquæ,
& rerum in ea contentarum à pondere ipsiusmet aquæ.*

Fluidum
in suo to-
to quies-
cens pon-
derat.

TAB. II.
Fig. 5.

Sit Fistula Vitrea RVX undique clausa, præterquam in supremo orificio R, hæc verò aqua repleatur, & in ea Ampullula vitrea AD immergatur, sitque ea plena aëre, & ejus pars versus infimum orificium apertum D gravior sit, ad hoc ut Ampullula AD semper inverso situ in ipsa aqua persistat. In hac machina observatur quòd vexica vitrea AD, quò magis deprimitur infra supremam aquæ libellam, vel potius ipsamet aqua altius infunditur & elevatur, tunc eò magis aër in Ampulla contentus condensatur, atque in minori spatio constringitur, & hoc sensu ipso patet, dum aqua ingreditur per orificium D, atque colli Ampullæ particulam aliquam implet; quod verò hujusmodi aëris restrictio sit effectus ponderis aquæ supremæ comprimentis sensu ipso dignoscitur, nam quò magis aquæ suprema superficies S elevatur versus R, semper magis ac magis successivè aëris moles prædicti tubuli constringitur, subintrando nimirum aqua magis à C versus B. Quòd verò hoc dependeat à compressione multiplicati ponderis aquæ sublevatæ, alià clariori experientia percipitur, si enim absque nova aquæ infusione in Fistula aliqua brevi, vel pollice, vel subere comprimatur aqua orificium R, attingens statim apparet effectus prædictæ compressionis aquæ, condensatur enim, ac stringitur aër in vitrea Ampulla AD eodem modo præcisè, ac major moles altioris aquæ elevatæ faciebat, estque hujusmodi compressio aëris in prædicta Ampullula tantæ energię ut existente ea levi, scilicet quæ sponte sua sursum in aqua SX ascendant, possit è contrà levitatem amittere, atque acquirere gravitatem, moverique, ac descendere deorsum, quotiescumque aqua in Fistula ad tantam altitudinem elevetur ut valdè comprimere Ampullulæ aërem possit, ut eam gravem reddat, nec ut hætenus sursum, sed deorsum vergat descendatque.

TAB. II.
Fig. 6.

Fluidum
in suo toto
quiescens
ponderat.

PROPOSITIO XVI.

Alia ratione gravitatem aquæ super aquam quiescentis demonstrare.

Hoc deducitur ex eo, quòd corpora, quæ ob exceedentem eorum gravitatem demerguntur infra aquam minùs gravitant in ipsa aqua quàm in aëre, ut si fuerit Pila AB ferrea specie gravior quàm sit aqua ipsa in Vase RO contenta, & concipiatur IK, ut pondus absolutum Pilæ ferreæ AB, scilicèt exprimat eam gravitatem quam in aëre exercet, sitque ejus portio K gravitas absoluta Pilæ aqueæ C, quæ æqualis sit ipsi AB, sitque Pila C, contenta intra ejusdem aquæ RO profunditatem, vel in altera Fistula inverfi Siphonis, quæ cum reliqua continvetur, postea eadem Pila AB filo DA ab aliqua potentia I suspensa in medio aquæ fixè retineatur. Modò si possibile est, Pila aquea C nil prorsus ponderet in ipsamet aqua, igitur in Siphone, vel in libra DE in ejus puncto medio F sulta Pila aquea C suspensa à termino E, quæ nullam prorsus gravitatem exercere in aqua supponitur, numquam imminuet pondus contra positæ Pilæ AB colligatæ termino libræ D, propterea quòd nihilum ab aliquo pondere subtractum ipsum nullo pacto imminuit; nec pariter densitas & tenacitas aquæ gradum ponderis Pilæ AB diminuere potest, propterea quòd illa resistentia potis est retardare & impedire motum, non autem vim, quam grave AB in quiete constitutum exercet comprimendo; videmus enim, quòd Pila ferrea quiescens sive fulciatur à mollicera, sive à rigido adamante, semper eadem vi comprimit, scilicet mensurata à gradu ejus ponderis.

TAB. II.
Fig. 7.

His positis, sequitur, quòd Pila ferrea AB pendula intra aquam exercebit integram suam gravitatem IK, scilicet eam, quam in aëre exercebat, sed hoc est falsum, imminuitur enim præcisè pro mensura ponderis K, scilicet molis aqueæ C, & ei relinquatur tantummodò pondus I, scilicèt excessus, quo pondus ejus absolutum superat gravitatem aquæ ejusdem molis; quapropter verum non est, aquam C, in ipsamet aqua constitutam, nullam compressionem aut gravitatem exercere.

PRO:

PROPOSITIO XVII.

*Id ipsum alia ratione demonstrare.*Fluidum
in suo toto
quiescens
ponderat.

Vas RO repleatur aqua, in eaque immergatur Pila ferrea BA, quæ filo aliquo DA sustineatur ne ad fundum Vasis descendat, Manifestum est potentiam D filum, & Pilam retinentem æquari ei gravitati, quam ipsa pila in aqua exercet, & quia in Vase aqueo RO deficit præcisè tanta aquæ quantitas, quantum est spatium, quod corpus grave A in ipsa occupat, collocatur verò intra aquam ne dum grave AB, sed etiam defectus molis aquæ æqualiseidem AB, quare summa positivæ gravitatis AB unà cum defectivo pondere molis aquæ expulsæ à loco AB, scilicet excessus ponderis AB supra pondus molis aquæ æqualis Pilæ AB æqualis erit ponderi, quod exercet Pila AB in aqua; ergo si huiusmodi aquæ moles ex sui natura nil in aqua ponderat, quando tollitur à spatio AB moles aquea, quæ ipsum replebat, rever à tollitur res non gravis, & quæ nil omninò ponderat; igitur à pondere absoluto ipsius AB, & à spatio ab ea occupato nihilum, seu nulla gravitas subtrahitur, quando verò ab absoluta gravitate IK Pilæ AB nil prorsus tollitur, remanet ejusdem gradus, ac proinde pondus Pilæ AB nil prorsus imminutum erit, & æquali energia sustineri debet à potentia D, ac si eadem Pila extra aquam in aëre libero penderet, sed hoc est falsum, cum præcisè in ipsa aqua gravitas Pilæ æqualis sit differentiæ ponderis ejus absoluti à gravitate aquæ sibi æqualis mole, ut ex Archimede deducitur, igitur necessariò fatendum est aquam in ipsamet aqua collocatam ponderare, & gravitatem exercere.

Contra hoc evidentissimum ratiocinium afferri solet difficultas valdè speciosa, quam examinare ac dissolvere erit operæ pretium, utque ea ritè percipiatur, consideretur hæc figura. Sit vas cylindricum ABDC aqua plenum, sitque ejus altitudo dissecta in quotcumque partes æquales, ductis nempe planis imaginariis MO & HI, erit igitur moles aquea AI dupla aquæ molis HD; igitur pondus aquæ AI duplum est ponderis aquæ HD; quia verò corpus gravius minùs grave superare debet, hocque è suo loco expellere

TAB. II.
Fig. 8.Contra
doctrinam
superius
adductam
adest nova
difficul-
tas, quod
nimirum
motu per-
petuo aqua
agitari de-
beret.

(D 3)

lere

CAP. III.

Fluidum
in suo ro-
to quief-
cent pon-
derat.

lere (cùm in eo consistat vis & energia gravitatis, ut tendat deorsum, & sic è loco infimo corpora minùs gravia expellat) & postquam aqua AI translata est ad locum HD, atque aquam ibidem collocatam expulit denuò in situ superiori Fistolæ AI aqua dupli ponderis, & molis ibidem restituitur quæ pariter superat gravitatem subduplam aquæ, quæ ad occupandum infimum locum HD successit, igitur denuò aqua suprema ut gravior infimam è suo loco extrudere atque expellere debet, & quia hoc semper repetitur, scilicet perpetuò restituitur in superiori loco AI aqua duplò gravior, quàm ea, quæ in loco infimo HD reponitur, igitur ut contingit in libra efficientur perpetuæ & continuatæ vibrationes, veluti in pendulo, & in aqua fieri solent plures undulationes, sic in aqua perpetuo motu agitantur, ejus partes ascendendo & descendendo. Hoc verò sensus evidentia redarguit, igitur fatendum est supremam aquam AI sustentatam ab inferiori aqua super eam non exercere vim ullam nec pressionem, proindeque non gravitare, hac scilicet de causa, quia nimirum in ejus loco naturali collocata requiescit, ac sistitur.

PROPOSITIO XVIII.

Major aqua moles alteri superposita non exercet majorem vim compressivam, quam minor.

Ut verò hujusmodi paralogismus detegatur, anima divertendum est minimè verum esse, quòd quælibet aquæ moles major alterà, nempe dupla, exerceat quoque dupliam vim gravitantem quotiescumque major supra minorem insit, & ab ea fulciatur, sed tunc solummodò propositio verificatur, quando earum bases contiguæ æquales fuerint, ac insuper in eodem plano horizonti parallelo constiterint. Supponatur vas cylindricum plenum aquâ ABDC, sitque portio suprema, & idè ejus altitudo AH dupla infimæ altitudinis HB, licet ergo reverà supremæ aquæ AI pondus duplum sit ponderis infimæ aquæ HD, non hinc tamen inferri licet subjectam aquam HD in tali situ unicam libram tantummodò pendere existente supremo pondere AI duarum librarum, sed necesse est ut aqua HD comprimat Vasis fundum

TAB. II.
Fig. 8.

dum BD nifu, ac vi non unius libræ, sed æquali ei, quæ efficitur à pondere trium librarum, & ratio est, quia ipsa aqua HD nedum impellitur deorsum à vi propriæ gravitatis unius libræ, sed in super gravatur comprimiturque ab incumbente pondere aquæ AI, quæ compressio superaddit aquæ HD vim æqualem ei, quæ à duabus libris effici potest; nec profectò novum est, si quis centum Laminas ferreas, vellapideas, æquè ponderantes, scilicet singulas unius libræ unam super alteram imponat, quod infima Lamina non tantummodò suo pondere comprimet planum subjectum, scilicet non efficiet vim æqualem centesimæ partitotius prædicti aggregati, sed compressio infimæ Laminæ efficiet vim centuplo majorem, scilicet impellet subjectum planum vi æquali centum libris, & tunc solummodo infima Lamina partem centesimam totius aggregati ponderabit, quando illa in una lance, reliquæ verò 100. in opposita lance ejusdem libræ radiorum æqualium suspendenter; sic paritèr si aqua HD supra planum subjectum sive solidum, sive fluidum collocaretur juxtà portionem aquæ AI, itaut sese contingerent lateraliter, atque eorum bases æquales in eodem plano horizontali collocarentur, tunc necessariò dupla moles aquæ AI duplam vim compressivam, pro mensura duplæ gravitatis haberet. Verum tamen est, quòd alia de causa non est necesse, ut semper bases sint æquales, neque gravitates sint in eadem proportionem dupla, dummodò altitudo AH dupla sit altitudinis ipsius HB; & ratio hujus diversitatis pendet ex alibi demonstrandis.

Ex superiori igitur ratiocinio evincitur falsum esse quòd pronuntiabatur, nimirum, duplam aquam AI ut graviolem, expellere descendendo debere subduplam aquam subjectam HD, cum è contrahæcut gravior, gravitate nempe propria, & ea, quæ ei superadditur ab aqua superincumbente AI in eodem loco infimo permanere debeat, nec unquam à debiliore compressione superstantis aquæ expelli possit, ac proindè sequitur summa quies, ac tranquillitas non verò motus perpetuus.

Sed dices, si vera esset adducta doctrina, Lignum deberet in fundo aquæ paritèr retineri, propterea quòd nedum à propria gravitate comprimitur, sed etiam à pondere totius aquæ superstantis, & ideo magis gravitaret quàm aqua ei superposita, & proin-

CAP. III.
Fluidum
in suo to-
to quies-
cens pen-
derat.

Ex doctri-
na supe-
rioris tra-
dicta vide-
tur deduci
posse, lig-
num infra
aquam po-
situm, sur-
sum ascen-
dere non
posse.

CAP. III.

Fluidum
in suo to-
to quies-
cens pon-
derat.

proinde lignum in fundo aquæ permanere deberet: hoc autem falsum est, cum experientia constet, lignum fursùm ferri, nec quiescere, antequàm ad aquæ supremam libellam perducatur.

PROPOSITIO XIX.

Lignum infra aquam demersum, licet pondus proprium, & aque incumbens exerceat, non proinde ibidem quiescet.

TAB. II.

fig. 9.

Ut autem hujus argumenti fallacia pate fiat, in Vase ARSE aqua pleno demergatur Prisma ligneum, vel æreum HBDI sitque pondus aquæ AI decem librarum, v. g. lignum verò HD semilibram pendeat. Concedo, quòd lignum HD premit subiectam aquam BV, non vi semilibræ, sed robore librarum decem & semis, & ideo lignum HD magis comprimit ac gravitat, quàm sola aqua incumbens AI, sed non proindè sequitur Lignum HD, quatenùs magis comprimit ac gravitat, in fundo aquæ persistere debere, cum ab alia causâ fursùm exprimitur. Secto enim Prismate aqueo CEFI æquali ipsi AI, & aqueo Prismate IG, cujus moles æqualis sit Ligno HD, & ejus pondus duas libras superet; patet quòd aqua subiecta BV premittur à pondere librarum decem & semis, at aqua DS comprimitur à ponderelibrarum duodecim; ergo Siphò, vel libra mobilis aquea BG flecti debet elevando Lignum HD minusgrave. Et hinc patet, quòd ratio quare Lignum ascendit, non est pondus aquæ incumbens AI, sed est aqua collateralis IG, & hoc constat, quia si in stricta Fistula vitrea ARVC ponatur in ejus fundo aqua BV, in loco medio Lignum HD, velexigua aëris Vesica, quæ Vasis latera exactè tangat, & reliquum Vasis repleatur aqua AI, tunc Lignum non ascendet fursum, quia nempè Siphò, vel libra mobilis cum aqua collateralis creari non potest.

PROPOSITIO XX.

Corpora terrena, cum è locis suis naturalibus removentur, descendendo nullam gravitatem exercent.

Sed sublata prædicta difficultate, devenio ad ostendendum quòd adeò falsum est corpora terrena, dum quiescunt in propriis locis,

locis, non gravitare; ut è contra, quando à locis naturalibus separata moventur, tunc nullam gravitatem exercent super alias partes ejusdem corporis, quod licet videatur paradoxum, ostenditur nihilominus hac ratione. Concipiuntur primò facilitatis gratia duo Lanæ involucra, unum super alterum, impositum supra planum subjectum, certum est supremum comprimere, & gravitatem exercere supra subjectum involucrum, & hoc constat sensu ab effectu, quem producit pondus Lanæ incumbens, scilicet ex inflexione, & compressione Pilorum subjectæ Lanæ, & è contra constat, quando eadem duo Lanæ involucra collateralitèr sese contingunt, fulciunturque à subjecto plano, tunc neque Pili lanei collaterales inflectuntur, nec comprimuntur, propterea quòd minus gravitatis non exercetur lateraliter, sed deorsum.

Hinc colligitur, quòd quotiescumque supremum Lanæ involucrum, perpendicularitèr incumbens super alterum, si ipsum non flecteret nec stringeret, tunc planè affirmandum esset Lanam superpositam, minimè super subjectam Lanam gravitatem exercere.

His positis, supremum Lanæ involucrum applicari potest super infimum, dum hoc actu per aërem movetur descendendo deorsum, vel dum quiescit à plano stabili sultum; in primo casu manifestum est, quòd involucra æqualia ejusdem Lanæ æquales gradus velocitatum habent, quibus naturaliter descendunt; igitur supremum involucrum non descendet tardiori, vel celeriori motu quàm sibi subjectum, proindeque æquali velocitate suprema Lana comprimere conatur subjectam Lanam, ac ista nititur effugere persequentem; proptereaque se mutuo placido contactu solummodò exofculantur, nec subjecta inflectetur aut comprimitur à superstante Lana: igitur, ex superiùs dictis incumbens Lana, neque pondus, neque gravitatem exercebit supra fugientem Lanam subjectam. In secundo verò casu, si, postquam in quiete subjecta Lana compressa est à superincumbente, ambas demittamus, & liberè deorsum descendere concedamus, patet eas motum inchoare, quando jam restrictæ & constipatæ sunt, & idè in progressu, licèt paribus velocitatibus descendant, retinebunt tamen eandem constipationem, quam prius habebant; sed hinc non licet inferre, supremam lanam, dum movetur, gravitatem exercere, quia illa constipatio non dependet ab actione gravitatis

(E)

in-

incumbentis Lanæ, quæ actio perseveret exerceaturque tempore descensus, sed illa constipatio est effectus compressionis in præcedenti quiete factæ, in actu enim descensus nullo pacto impellere potest suprema lana subjectam pari velocitate ictum fugientem, & ideo super eam minimè pondus exercebit.

PROPOSITIO XXI.

Aqua descendens per aërem, nullam gravitatem habet, & solummodò eam exercet, quando quiescit super aquam.

Simili modo aqua non descendit, quando fulcitur à superficie Terræ & Maris, sed quando extra suum locum peregrinatur & movetur, ut in aëre, & tunc si consideretur cylindrus aqueus per aërem descendens, dividaturque in partes æquales à planis horizonti æquidistantibus; quia partes æquales ejusdem aquæ sunt æquè graves, habent impetus æquales à natura sibi assignatos, quibus descendere deorsum nituntur, igitur pars suprema ejusdem cylindri aquei æquè velox erit ac pars ei subjecta; igitur suprema non poterit impellere vel comprimere aquam ei subjectam, cum æquali velocitate hæc ictum & percussionem fugiat, cum quanta à superincumbente infectatur persequiturque, sicuti Sagitta explosa minimè percutiet signum æquali velocitate ictum fugiens; igitur manifestum est, aquam minimè gravitatem exercere supra ei subjectam aquam, quando à proprio loco naturali exulat, & per aërem movetur.

Secùs autem contingit in aqua quiescente, in Puteo aliquo vel Lacu, si enim dividatur pariter in Laminas æque altas, patet quòd suprema nedum tangit simpliciter subjectam aquæ laminam, sed è contra eam impellit tanta vi quanta est energia ejus gravitatis, & patet quod infima aqua pati cogitur compressionem, cum sustinere debeat pondus supremæ aquæ incumbentis: & hoc accidit, quia sua quiete impedit progressum, & conatum compressivum deorsum superpositæ aquæ; hac de causa si habuerit porositates, hæc necessario constringentur à vi ponderis incumbentis aquæ. Modò quia impulsus compressivus factus à superiore aqua supra inferiorem nullo alio vocabulo designatur, quàm gravitatis vel

pon-

ponderis, igitur verum erit, quòd aqua super aquam quiescentem gravitatem exercet, non quando in motu constituitur, & extra suum naturalem locum, sed tantummodò, quando sistitur & quiescit in loco suo naturali.

Hisce omnibus rationibus opponi solet experientia satis vulgata, estque hujusmodi: Urinatores in profundo maris demersi non sentiunt neque patiuntur compressionem superincumbentis aquæ, quæ multoties plures congios excedit; hinc inferunt, si aqua in ipsam aqua pondus & gravitatem haberet, necessario Urinatores comprimerentur à vasto pondere aquæ incumbentis super eorum humeros, immò nec posset pondus tam vastum à viribus humanis sustineri, quando videmus ab Homine robusto minus pondus sustineri non posse; cum ergo experientia doceat Urinatores in fundo aquæ gravitatem nullam percipere, igitur verum non est, aquam in ipsa aqua collocatam gravitare, immò in proprio loco nil prorsus ponderabit.

Huic vulgari difficultati ut fiat satis, præmittendum est, quòd aqua in ipsam aqua constituta, pariterque quodlibet fluidum in suo homogeneo demersum, non alia de causa quiescit, nisi quia undique comprimitur pari vi à gravitate ambientis fluidi, cui propria gravitate resistit, utque hoc clarius percipiatur, ostendemus, quod

Fluidum in suo toto quiescens ponderatur.

Contra doctrinam superius adductam afferri solet difficultas valde plausibilis, quod nimirum Urinatores ingens pondus aquæ incumbentis nec patiuntur nec sentiant.

PROPOSITIO XXII.

Corpora in Balance equilibrata idèò quiescunt & torpent, quia gravitatem exercent comprimunturque equalibus viribus ab ambientibus corporibus pariter equilibratis.

Esto libra AB radiorum æqualium in ejus puncto intermedio C suspensa, atque in ejus extremitatibus, utrinque quatuor lamine, vel lateres æquè ponderantes, sibi mutuò incumbentes, apponantur, scilicet DE, EF, FG, GH, super A, & totidem IK, KL, LM, MN super terminum B. Manifestum est, aggregatum ex laminis DH ibidèò retineri indifferentia quadam, nec pelli fursùm, aut deorsùm, firmiterque in tali situ quiescere, ut nimirum si quis infra laterem DE manum supponeret, minimè

(E 2)

ab

TAB. II.
Fig. 10.

CAP. III.

Fluidum
in suo to-
to quies-
cens pon-
derat.

ab ipsis comprimeretur, neque ullam gravitatem perciperet, hoc autem non contingit ex eo, quòd lamina lateritia gravitatem amittant, & deorsum nil comprimant, sed quia ab æquali vi contraria sustententur, ac fursum impelluntur à pondere nempe opposito IN sibi æquali in libra AB premente. Præterea quælibet lamina intermedia FE similiter quiescit, sistiturque iners, ut neque fursum, neque deorsum moveatur, neque subjectam manum, quæ lateraliter eam retinere conaretur ullatenus comprimere, aut impellat, & hoc efficitur quia lamina FE comprimitur deorsum ab incumbente pondere FH, fursum verò impellitur à subjecta lamina DE non virtute propria, sed ejus, quam exercet contra positum pondus IN, scilicet tanta vi, quanta pondus IN superat pondus DE, sed quia præterea lamina ipsa FE exercet vim sui ponderis contra pressionem contra positi excessus KN, fit ut vis quæ impellit fursum laminam FE æqualis sit excessui ipsius KN supra FE, scilicet æqualis sit NL; suntque FH & LN inter se æquales; ergo viribus æqualibus FE deprimitur ac fursum impellitur. E contra lamina FE impellit deorsum laminam DE, nedum proprio pondere, sed etiam gravitate laminarum FH; pariterque FE repellit laminas supremas FH, non propria virtute, sed vi ponderis LN scilicet excessu IN supra DF; Quapropter constat, quòd lamina lateritia FE comprimitur supernè & infernè à duabus viribus contrariis, quæ æqualibus momentis operantur, à quibus proinde retinetur fixè, ut nequeat fursum aut deorsum moveri. Præterea colligitur, quòd reverà lamina lateritia FE non verè inquiete inerti constituitur, nec pondere privatur, sed potiùs efficitur lucta quædam contrariorum virtutum æqualium virium, undè æquatis momentis, motus tonicus seu quies subsequitur, & hinc deducitur quòd prædicta corpora se mutuo comprimunt, & hinc fit, ut neuter contrariorum impellentium suum iter prosequi valeat, proindeque cogantur fixè in eodem situ quiescere.

PROPOSITIO XXIII.

Idipsum in aqua ostenditur exemplo Siphonis.

Eodem ferè modo in aqua idem æquilibrium effici manifestum est, proindeque partes ipsius aquæ partim supernè comprimi à super-

perstantibus aquæ partibus, partim verò infernè fursùm expelli, non propria vi, sed pondere collateralis aquæ, quæ cum illa libram imaginariam, vel Siphonem constituit. Est igitur, claritatis gratia, Siphon HAB, perpendicularitèr elevatus supra horizontem, repletusque aqua usque ad suprema orificia H & N; subdividatur tota ejus altitudo in partes æquales ductis nimirum planis superficiebus GM, FL, EK, DI; hic profectò aquæ portio FE, licèt nullum effectum gravitatis producere atque inerte quiescere videatur, dùm indifferens est ad motum fursùm & deorsùm, non hinc deducere licet, aquam ipsam FE in tali situ vim propriæ gravitatis non exercere, nec comprimi ab aqua superna & inferna: consideretur enim quòd FE, in parte suprema ab aqua FH comprimitur deorsùm, è contrà à subjecta aqua DE expellitur fursùm, non propria vi, sed pondere contra positæ aquæ NL. Hinc colligitur, quòd aqua FE reverà impellitur deorsùm à superna aqua, & fursùm ab inferna; ipsa veròmet aqua FE è contrà vim exercet contra utramque compressionem, scilicèt contra eam, quæ efficitur ab aqua subjecta, resistit pondere suo proprio unà cum gravitate incumbentis aquæ FH, sed contra vim, qua comprimitur supernè, non resistit & contranitur virtute propria, sed mediante impulsu descensivo collateralis aquæ NK; igitur hujusmodi quies aquæ, quæ in situ FE indifferenter retinetur, nec potest fursùm aut deorsùm moveri, est effectus, qui necessariò consequitur ad exercitium suæ nativæ gravitatis, & ejus, quæ exercetur ab aqua Siphonis, vel ab aqua collateralis ejusdem Valis, in quo paritèr aqua operatur, veluti in Siphone collocata fuisset.

Fluidam
in suo to-
to quies-
cens pon-
derat.

TAB. II.
Fig. 11.

PROPOSITIO XXIV.

Aqua in ipsamet aqua demersa undiquè comprimitur ab ambiente aqua, & utraque gravitatem exercet.

Intra Vas ABCD, aqua plenum, intelligatur Prisma aqueum FGHE, ductisque planis FL & GM parallelis horizonti. Dico, quòd aqua FH undiquè premitur ab ambiente aqua FILKG, & utraque pondus gravitatemque exercet, quia aqua FH cum aqua

(E 3)

TAB. II.
Fig. 12.

am-

Fluidum
in suo toto
quiescens
ponderat.

ambiente Siphonem AKD constituit, in quo fluidum sibi homogeneum agitari potest, & quiescit nihilominus; ergo una pars fluidi AK æquilibratur, proindequæ æquè ponderat, ac pars reliqua lateralis IC, portio verò aquæ FH, licet motu careat, sitque indifferens ad motum sursum, & deorsum, haud inferre licet, cam non exercere vim suæ gravitatis unà cum tota aqua ambiente, quia in Siphonis brachio AK aquæ FH suprema facies FE deorsum impelli & comprimi debet ab incumbente aqua AE, pariterque infima illius facies GH sursum impelletur à subjecta aqua GK, non virtute propria, sed ejus quam exercet pondus aquæ collateralis IM; porro nedum aqua FH impellitur sursum ab aqua subjecta BH, sed etiam, ut experientia constat, impulsionem & constrictionem patietur facies ejus EH ab aqua collateralis DH; quod evidentius ostendetur prop. 192. Stringitur ergo aqua FH veluti prælo, nec tamen iners omninò est, repellit enim sursum aquam AE vi gravitatis aquæ lateralis IL, aquam verò subjectam repellit deorsum vi gravitatis propriæ & supremæ IE; quare quies aquæ FH est effectus dependens à compressione facta ab aqua ambiente, & ab exercitio suæ gravitatis, & ejus, quam aqua ambiens Siphonem constituens exercet: quod erat &c.

PROPOSITIO XXV.

Quodlibet corpus in aqua demersum undique stringitur comprimiturque ab ambiente aqua.

In eadem figura quodlibet corpus durum, molle, vel fluidum FH in aqua demersum fixè detineatur, dico ipsum undiquè stringi ac comprimi ab ambiente fluido FILHB, quia solidum FH intra aquam retentum unà cum ambiente aqua constituit Siphonem AKD in quo ejus partes AK, & KD quiescunt, & æquilibrantur, ergò oportet ut aqua suprema AE comprimat, impellatque deorsum solidi superficiem FE, pariterque debet aqua subjecta GK impellere sursum solidi superficiem GH non virtute propria, sed vi ponderis aquæ collateralis IM; similiter solidi faciem EH stringet lateraliter eadem aqua IM. Igitur undique solidum FH stringitur comprimiturquæ tamquam à prælo: quod erat &c.

Et

Fluidum
in suo toto
quiescens
ponderat.

Ethic notandum est, quòd si corpus FH fuerit Vesica flexilis, repleta corpore fluido, concipi potest, constans ex partibus non condensabilibus, ut est aqua, hydrargyrum, & aggregatum ex minimis sphæculis crystallinis; aut componatur ex partibus adeò raris atque porosiss, ut ingentem condensationem pati possint, cujus natura Aër est. In primo casu, licet Vesica FH undique æqualibus viribus comprimatur stringaturque, nihilominus ob duritiem partium in Vesica contentarum, non poterit ipsa vesica constringi condensarique, scilicet minus spatium explere, quàm prius occupaverat, eò quòd particula ipsa durissimæ fluidæ, vel densæ adinvicem fulciuntur, veluti Columnæ, aut Fornices, quæ nullo pacto possunt frangi, vel constringi, cum è contrà partes aëris ob maximam earum raritatem faciliè possint constipari, proindeque Vesica aërea FH ad minus spatium redigi possit, constrictis nempe ejus porositatibus.

His declaratis, pro resolutione principalis problematis inquirendum est, quomodo, & qua ratione à compressione ponderis incumbentis passio dolorifica in animali subsequatur.

Inquiritur
causa qua-
re à pon-
dere in-
cumbente
produci-
tur com-
pressio,
scissio, di-
visio con-
tinui, &
proinde
dolor.

Et primò experientia constat, à pondere corporis manum v.g. prementis aliquando effici scissionem, ut ab acie securis incumbentis, aliquando fractionem; multotiès luxari & disrumpi articulos, tractis nempe violentè tendinibus articulos colligantibus, & tandem fieri potest contusio & diffraçtio partium solidarum. Et hisce omnibus modis continuitatis divisio in animali efficitur, à quà demum divisione passionem dolorificam exoriri vulgò credunt.

Modò ostendendum est, quòd divisio continui, & dolor procreari potest ab aliquo singulari pondere, quòd si pondus postea comprimens augeatur, multipliceturque, non proinde semper & universè major, sed minor, immò nulla scissura vel contusio, aut fractio in animali subsequi potest; quod quidem, licet videatur paradoxum, poterit tamen facili negotio demonstrari.

PROPOSITIO XXVI.

Lamina dura & flexibilis, quæ à pondere incumbente flectitur, poterit à potentia duplicata dirigi.

TAB. II.
Fig. 13.

Sit Lamina chalybea AB parieti RS infixa, eique incumbat pondus C à quo lamina ipsa deorsum impulsâ curvitatē acquirat, inflectaturque: adveniat postea vis motiva H æqualis ponderi C, quæ contrario nisu fursum impellat eandem Laminam, manifestum est, quod à duplici vi C & H non augetur curvitas ipsius Laminæ, sed ea potius dirigitur, quia nimirum duæ vires contrariæ æqualibus momentis operantes, sibi mutuò impellunt, & proinde una alterius vim & actionem destruit, quantum ergo Lamina inflectitur deorsum à pondere C, tantumdem fursum reflectitur à contrario impulsu ipsius H.

PROPOSITIO XXVII.

Id ipsum adhibitis contrariis ponderibus ope libra verificatur.

TAB. II.
Fig. 14.

Applicetur libra DE radiorum æqualium suffulta in F, itaut terminus D infrâ extremitatē Laminæ AB collocetur, & tunc, posito pondere G, æquale ipsi C in altero extremo libræ E, impelletur fursum terminus libræ, vel vectis D à vi ponderis G, & ab illo lamina AB in directum retinebitur contra vim compressivam ponderis C, quandoquidem duo pondera C & G inter se æqualia se mutuò impellunt, proindeque Lamina intercepta AB, neque deorsum neque fursum flectetur.

PROPOSITIO XXVIII.

Id ipsum alia ratione usurpata libra demonstratur.

TAB. II.
Fig. 15.

Si nimirum termino E imponatur pondus IG, duplum ipsius C, atque in D applicetur pondus M æquale eidem C, manifestum est, quod pondus IG æquale est duobus ponderibus C & M, &

M, & idè æquilibrium efficietur, scilicèt intercepta Lamina AB nil prorsus flectetur, quia licèt à pondere supremo C deorsum Lamina pellatur, repellitur infernè à corpore M, non quidem propria vi, (cùm tendat deorsum ob ejus gravitatem) sed ab excessu ponderis IG supra M.

CAP. III.

Fluidum
in suo to-
to quies-
cent pon-
derat.

PROPOSITIO XXIX.

Animalis infra aquam demersi membra non flectuntur, cò quòd undique contrariis viribus a fluido comprimuntur.

In superiori Diagrammate habemus exemplum simile omninò corpori Animalis in aqua natantis, nam licèt Animalis Brachium, ver. gra. AB, comprimatur à superposita aqua C, non tamen flectetur deorsum, aut disrumpetur, cùm præstò sit aqua subiecta M, quæ fursum Manum Brachiumque repellat, impediaturque ejus depressionem, flexionemque, non quidem propria vi gravitatis ejus, sed virtute compressiva collateralis aquæ IG, quæ in libra, velsiphone imaginario, eo pondere, quo excedit gravitatem aquæ M, eam fursum impellit, & propterea Brachium AB sustinet ne à pondere supremo incurvetur, aut disrumpatur.

TAB. II.

Fig. 16.

Et hoc (dicit aliquis) sufficeret ad luxationem membrorum animalis evitandam, sed non proindè dolor compressivus animalis vitari posset, quandoquidem partes carnosæ, & tendinosæ contunderentur diffringerenturque, atque universè scissuram aliquam paterentur.

Ut verò fallacia hujus ratiocinii detegatur.

PROPOSITIO XXX.

Scissio consequens actionem Cunei, vel Securis declaratur.

Effectus consequens ad actionem Cunei & aciei Securis, scissio nuncupari solet, quæ efficitur propterea, quòd dum Cuneus intra corpus scissile insinuat, hujus partes hinc in de lateraliter moventur, & ab invicem separantur: hinc fit, quòd si partes sub-

(F)

jecti

Sed licèt
luxatio
non con-
sequatur,
saltem
contusio &
diffusio
partium
animalis
consequi
deberet vi-
detur.

Fluidum
in suo toto
quiescens
ponderat.

jecti corporis minime lateraliter moveri possent, neque Cuneus penetraret, nec scissio fieret: triplici verò modo motus laterales subiecti corporis impediri possunt, primo, si gluten, quo partes subiecti corporis colligantur, fuerit immensæ virtutis, & arctissimæ unionis, & duritiæ; secundo, si prædictæ partes inter se divisæ, ut arena, continerentur intra vas durissimum, cujus parietes cuilibet impulsui resisterent, nec præterea partes contenti corporis sublevari sursùm possent, tunc profectò nec penetratio Cunei, nec scissio efficeretur; tertio, si vase remoto adhiberentur vires impulsivæ lateraliter contrariæ officium vasis supplentes, tunc similiter scissio impediretur.

PROPOSITIO XXXI.

Divisio qua effici potest à compressione Instrumenti non acuti, velini est Malleus, pariter ad Cunei actionem reducitur.

Quandoquidem particula corporis à Malleo compressa insinuantur directè, promoventurque intra alias collaterales particulas, & quia insinuatio prædictarum partium effici non potest, nisi collaterales particula non contusæ locali motu laterali transportentur, hinc fit, quòd particula illa compressa immediatè actionem Cunei referant: Malleus verò sit instrumentalis causa mediata, seu potius virtus impellens particulas compressas, Cuneos referentes.

PROPOSITIO XXXII.

Vesica, arena vel aqua repleta, undique & in omnibus partibus ejus ab innumeris Cuneis compressa, neque scindi, neque flecti, neque figuram commutare potest.

TAB. III.
Fig. 1.

Supponatur modò Vesica ABCD, quæ repleatur aqua, vel hydragyro, aut arena, vel globulis crystallinis minutissimis, tunc si hujusmodi Vesica à pavimento RS fulciatur, atque ei superponatur acies Securis, vel Novaculæ I, procùl dubio aut Vesica scindetur, aut saltem fluidum, sive arena contenta cedit, & versus latera Vesicæ transportabitur; at si intelligantur innumeræ acies

acies Securium, undique comprimentes Vesicam, ita ut nulla ejus pars intacta relinquantur: primò manifestum est, scissionem prohiberi, quandoquidem longa & continuata series acierum sese consequentium, & se mutuo lateralitèr tangentium absque ulla interruptione æquivalent corpori obtuso, proindeque acuties illa omninò destruitur, & propterea non sequetur scissio quæ absque acie acuta fieri nequit. Secundò non fiet contritio atque depressio alicujus partis prædictæ Vesicæ, quandoquidem non potest suprema pars ejus A deprimi versùs C, quin aqua, vel arena expulsa recipiatur ad latera B & D, sed hìc quoque æqualibus viribus comprimitur lateraliter Vesica, igitur non potest ibidem perducì fluidum, vel arena compressa; & propterea Vesicæ circumcà viribus æqualibus compressæ nulla particula cedit; & quia aliundè materia ipsa fluida, vel arena talis consistentiæ est, ut stringi, condensari, & ad minus spatium redigi nequeat, fit ut Vesica illa, & aqua vel arena in ea contenta, neque scindatur, neque flectatur, neque ullo pacto figuram commutet quotiescumque undique circumcìra ab æqualibus viribus comprimatur.

CAP. III.
Fluidum
in suo ro-
to quies-
cens pon-
derat.

PROPOSITIO XXXIII.

Id ipsum verificatur quotiescumque prædicta Vesica in ipsa aqua demergitur.

Ibi enim nedùm à perpendiculariter incumbente aqua comprimitur, sed etiam ab infima & collateralì, undequaque, & universè æqualibus viribus impellitur, constringiturque, unde fit, ut licèt Vesica sit tenuissima, non possit tamen unquam diffringi à pondere, licèt immenso superstantis aquæ, vel hydrargyri, nec contusionem, aut diffractionem ullam pati; & ratio est, quia licèt tota massa contenta intra Vesicam sit fluida, mollis, & cedens, nihilominus quia minimæ particulæ fluidi, vel arenæ se mutuo fulciunt, & nativæ duritiæ compressioni resistunt, fit ut condensari, aut constringi nequeant, & ab universali circumambiente compressione ne minimùm alteretur ejus figura neque situs partium.

PROPOSITIO XXXIV.

*Tandem ostenditur quare animal nullam noxam ex compressione
aqua incumbentis pati debeat.*

Non secùs in corpore Animalis continentur intra ejus Pellem partes aliæ quidem duræ & solidæ, ut sunt ossa, aliæ molles, ut sunt tendines, nervi, membranæ, & musculi; aliæ verò sunt fluidæ, aqueæ, vel oleaginosæ continentes innumeras alias particulas salis, & aliorum corporum. Modò ossa in Animali disrumpi aut luxari non possunt, ut ostensum est Prop. 29. nisi pondus incumbens ex una parte tantum comprimat, ut contingit in Bajulis; at si compressio subdividatur, ut sphericè, sursùm, & deorsùm, & lateraliter æqualibus viribus comprimat, ita ut nulla cutis particula libera à pressione sit, tunc quidem est impossibile ut scissio, vel luxatio subsequatur; id ipsum dicendum est de nervis, ac musculis, qui licet sint molles, tamen quia constant ex fibris consistentibus & tenacissimis, fit ut universè possint se vicissim fulcire, & resistere universali & sphericæ compressioni: idem dicendum est de sanguine, & aliis humoribus Animalis, qui aquæ naturam participant, & sicuti aqua manifestam condensationem non patitur, sic quoque Animalis humores in cavitatibus vasorum ejus contenti contritionem pati quidem possunt ab impulsu facto ab unico, vel paucis locis peculiaribus; at ab universali, & circumquaque facta compressione minimè possunt è suis vasis expelli ac divelli. Quotiescumque igitur partes solidæ, tendinosæ, aut carnosæ, aut humorales, scissionem, luxationem, contusionem, aut aliam quamlibet situs mutationem non patiuntur, est impossibile, ut dolor aut passio in animali subsequatur, quæ à nulla alia causa, quàm à continui divisione creari potest. Quàpropter cùm Urinatores in profundo Maris demersi ab aqua æquali vi undique comprimantur, supernè scilicèt, infernè & lateralitèr circumcirca à pondere ipsius aquæ, sequitur ex demonstratis Prop. 29. & 32. nullam scissionem, luxationem, aut contusionem in eis creari, scilicèt nullam continui divisionem à pondere aquæ incumbentis produci, igitur nullam noxam, nec sensum dolorificum patientur.

Sed

Sed dices, esto nullam luxationem, fractionem, aut contusionem Urinatores sub aqua pati debere, saltem sensu tactus perciperent compressionem ponderis illius vastæ molis aquæ incumbentis, quam non negamus exercere suam gravitatem supra corpus Animalis demersi. Hoc profectò est quod negamus, nam ratio, quare sensu passionem ab incumbente pondere illatam percipimus extra aquam positi est, quia nostræ partes ob articularum flexilem disjunctionem deorsùm pelluntur à premente gravi, & ideo cogimur ingenti vi fibras musculorum tendere, & contrahere, ut lapsum membrorum impediamus; at infra aquam nisi illo laborioso musculorum supplet repellendo æquali vi fursùm aquam supremam unà cum natante Animali; & proinde suprema aqua, suffulta à subiecta virtute ponderis aquæ collateralis cum qua æquilibratur, nullo pacto Animalis partes flectere, & deprimere potest, & ideo muscoli otiosi sunt, & propterea nullam aliam passionem Animal sentiet præter universalem constrictionem sui corporis; at quia, ut dictum est, partes duræ, molles, & fluidæ Animalis compressioni non cedunt ob earum consistentiam, hinc fit, ut nullam passionem dolorificam sentiant.

Fluidum
in suo to-
to quies-
cens pon-
derat.

PROPOSITIO XXXV.

Urinatores constrictionem aliquam infra aquam patiuntur ob aërem in eis contentum.

Non tamen negari potest adesse in Animali partes aliquas aëreas & spiritosas, quas condensari ac constringi posse manifestum est, unde à circumambiente constipatione, quam patiuntur Urinatores in profundo Maris constituti, necessariò aër in pectoris cavitate contentus ob respirationis necessitatem, & particula illæ minimæ aëreæ per corpus ejus dispersæ condensationem aliquam patiuntur; proindequæ motiones internæ spirituum forsan impediuntur, & naturalis constitutio partium Animalis perturbatur; & inde insensibilis transpiratio impedita laxitudinem & passionem dolorificam, sensumque suffocationis creat; & hoc quidem experimur quotiescumquæ à Veste nimis angusta constringimur. Sed notandum est,

(F 3)

com-

CAP. III.

Fluidum
in suo toto
quiescens
ponderat.

compressionem Vestis non esse universalem, & tunc quidem potest sanguis expelli versùs fatiem, & partes nudatas, & à Vestibus non constrictas, quod non contingeret si universè nè minima cutis particula libera à compressione esset. Sic cum manus immergitur intra hydrargyrum, patimur quidem sensibilem compressionem dolorificam, nedùm quia partes aëreæ & spiritosæ constringuntur, & condensantur, sed præcipuè quia compressio efficitur in peculiari loco, & non universè.

Ex qua fit ut sanguis à Venis manus extrudatur versus brachium non demersum intra mercurium, & inde duæ passionēs subsequantur, una quidè constrictio, altera verò est ea, quæ ab impedita & interrupta sanguinis circulatione per totam manum oritur.

Sed objiciet forsàn quispiam ex prædicta constrictioe partium aërearum in animali contentarum aliquam dolorificam passionem oriri, quam Urinatores in profundo Maris constituti percipere deberent. Hoc tamen ultrò conceditur, reverà enim in profundo Maris passio aliqua constrictiva in universo corpore percipitur, pariterque aër in pectore Animalis contentus constringitur, & condensatur, sed non proindè ingens passio suffocativa ob crassitiem condensati aëris in pectore contenti subsequetur, quandoquidem experimur nullam noxam, aut sensum suffocativum percipi, quotiescumque aër inspiratus valdè attenuatur, rarefcit, aut condensatur; sic enim in Hypocausto, atque in Montis altissimi summitate aër valdè rarus attenuatusque est, respectu ejus, qui in profunda aliqua Valle, vel in loco cenoso reperitur, qui valdè crassus, & condensatus est, nihilominus, neque in ipsa respiratione læsio, aut passio aliqua manifesta percipitur, neque in habitu totius corporis aër diversimodè rarefactus differentiam notatu dignam, & à nobis perceptibilem parit: igitur Urinatores in profundo Maris demersi nullam passionem dolorificam percipere possunt, licèt supponatur quòd ab aqua incumbente ponderosa comprimantur, & condensetur aliquo pacto aër in thorace eorum contentus. Quapropter ex hisce omnibus concludere licèt aquam gravitatem exercere, quando quiescit in suo naturali loco, nempe quando in ipsamet universali aqua sulcitur & sustentatur.

Non

Non defunt poſtea qui Renato Cartefio nimis addiſti velint partes minimas cujuſlibet fluidi, & præcipuè aquæ, nunquam quieſcere, ſed ſemper agitari, ac circumvolvi per iplammet aquam. Hinc ſubindè inferunt partes aquæ in ipſamet aqua conſtitutas, nec gravitatem, nec levitatem habere, cùm poſſint quaquaverſum ſurſum atque deorſum moveri; noſ è contrà

Fluidum in ſuo toto quieſcens ponderat.

Carteſion cenſent partes aquæ in ipſa aqua, nec gravitare, nec levitare, quia ſurſum, & deorſum continenter moventur.

PROPOSITIONE XXXVI.

Oſtendemus, quòd licèt aqua in ipſa aqua quomodolibet convolvatur agiteturque, nihilominus perpetuò retinet propriam gravitatem, eamque perpetuò exercet.

Intelligatur Vas aqua plenum ABCD ſuſpenſum in extremo termino H libræ radorum æqualium HL, cujuſ centrum I, & pendeat pondus R. ab altero extremo libræ L, ita ut libra quieſcat, & æquilibretur Vas aqueum AC cum corpore R, & hoc quidem verifcetur, dum aqua in prædicto Vaſe contenta prorsùs quieſcit, ſaltèm quoad ſenſus apparentiam, ſi poſtea aqua agitetur, ut nimirum pars EF deſcendat verſus Vaſis fundum, reliqua verò pars FG, ſurſum aſcendat motu quodam vertiginoso, ſi verum eſt, quòd motus aſcenſivus ipſius aquæ indicat defectum gravitatis ejus, tunc, perſeverante dicto motu, aſcenſus minui deberet pondus totius Vaſis AC, & propterea libra HL non quieſceret, ſed deprimeretur pondus R, quod tamen repugnat ſenſus evidentie; non igitur ex eo quòd aqua moveretur in aliquo Vaſe carebit propria & nativa gravitate, ſicuti Homo aſcendens per Scalam extremo termino libræ alligatam æquali momento libram premeret, ac ſi idem Homo in Scala quieſceret, quia nimirum dum aſcendit non minus ſuſtentatur quàm dum quieſcit.

TAB. III.
Fig. 2.

Sed dicet, cum motus vertiginoso aquæ fieri non poſſit abſque eo quod una pars deſcendat, & reliqua ſublevetur; eſt valdè probabile, ut ſicut aſcenſus aquæ FG indicat defectum gravitatis, cùm prædictus motus ſupponat impetum à quo ſurſum propellatur, ſicuti Saxum, quòd ſurſum projicitur, in actu ſui aſcenſus, nequè grave dici poteſt, nec gravitatem exercet, propterea quòd ab impetu impreſſo contrario gravitati, vel ipſamet gravitas deſtrui-

CAP. III.

Fluidum
in suo to-
to quies-
cens pon-
derat.

struitur vel impeditur, & cessat ejus operatio. Oppositum continget in aqua descendente EF, quæ videtur habere nedum vim propriæ gravitatis, sed insuper impetum quo deorsum fertur, sicuti Saxum, quod deorsum projicitur, vim & percussionem infert nedum mensuratam à gradu ejus ponderis, sed etiam ab impetu ejus descensivo; quapropter vis, quæ subtrahitur ab aqua ascendente FG, superadditur gravitati aquæ descendenti EF, & sic duplicatur vis ejusdem aquæ descendents, qua fundum Vasis BC comprimitur; cum igitur id, quod subtrahitur ab aqua ascendente FG, superaddatur ponderi aquæ descendents EF, compensabitur defectus cum additamento impetus compressivi, proindeque non imminuetur pondus totius aquæ in Vase AC contentæ, & hæc erit causa, quare etiam post aquæ agitationem pondus ejus in libra non alteratur, nec imminuitur.

PROPOSITIO XXXVII.

Rejicitur difficultas contra præcedentem propositionem adducta.

TAB. III.
Fig. 3.

Sed facili negotio inefficacia hujus ratiocinii ostendi potest, primò experientia, secundo ratione. Quoad primum, suspendatur Vas aqueum AC duobus filis AH, DL alligatis in extremitatibus ejusdem libræ HL radiorum æqualium, suspendaturque libra cum Vase ab illius centro I, manifestum est, quando aqua quiescit, nec agitur, fieri æquilibrium, quia scilicet centrum gravitatis M totius Vasis & aquæ incidit præcise in recta linea MI perpendiculari ad horizontem, quæ per centrum suspensionis ducitur. Modò agitur aqua Vasis, ut nimirum pars EF descendat, pars verò KG sursum tendat, & hoc per aliquod tempus perseveret continuatis revolutionibus, dummodò planities libellæ AD non alteretur; si igitur verum est in tali casu, quòd gravitas ascendents aquæ KG destruitur, quatenus à virtute impulsiva projectitia sursum impellitur, & è contrà, si gravitas & impetus aquæ descendents EF duplicatur, quia ejus ponderi superadditur vis projectiva, deorsum, igitur medietas Vasis MAB, aut levis efficietur, aut valdè ejus gravitas pristina immutata erit, & è contrà reliqua Vasis medietas MDC duplò gravior

vior facta erit, proindeque terminus libræ L deprimetur, elevabiturque oppositus terminus libræ H, quod tamen fallum est; igitur quomodocumque aqua agitetur, dum in ipsamet aqua, & in proprio loco continetur, neque amittit ob ascensum, nec acquirit ob descensum novam gravitatem.

CAP. III.

Fluidum
in suo to-
to quie-
scens pon-
derat.

Sed facilius hoc experieris, si intra Vas ABCD inferatur rota EGKF perpendicularitèr horizonti erecta, & parietibus oppositis Vasis infixo axe ejus in M, ut facilè Rota converti possit. Et siquidem centrum gravitatis totius aggregati cadit in recta linea IM perpendiculari ad horizontem, tunc sive rota quiescat, sive circa ejus axim M convertatur libra semper in situ horizontali æquilibrata persistet.

TAB. III.

Fig. 4.

Ut verò ratio hujus effectus percipiatur, recurrendum est ad centri gravitatis definitionem, ex qua habetur quòd corpus quodlibet suspensum à centro gravitatis ejus quomodocumque revolvatur circa centrum, semper æquilibrari, & habere partes æqualium momentorum, unde infertur, quòd universa vis, qua corpus aliquod tendit deorsum, scilicet gravitas ejus, exercetur in unico illo puncto, quod centrum gravitatis ejus vocatur. Hinc deducitur; quod si Rota sive Pila sustineatur ex centro gravitatis ejus, sive quiescat, sive moveatur, nunquam centrum gravitatis situm commutabit, aliàs daretur motus perpetuus, qui naturæ legibus repugnat.

TAB. III.

Fig. 5.

Similiter si concipiatur Fistula Vitrea, inflexa ad modum Anuli, ut est EFGK, sitque prædicta Fistula plena aqua situata perpendicularitèr super planum subjectum RS, à quo fulciatur, habebit profectò centrum gravitatis in ejus puncto intermedio N, dum quiescit aqua in prædicto Anulo; at si revolvatur, ut nimirum pars EFG descendat, reliqua verò GKE sursùm ascendat, non proindè centrum gravitatis transferetur ab N versùs O, scilicet intra semicirculum aquæ descendentis; nam perseverante vertigine, scilicet translato centro gravitatis ultrà medium in O, semper semianulus EFG gravior esset, quàm GKE, & propterea ille semper descenderet, hic verò semper ascenderet, proindeque Anulus excurreret motu perpetuo progressivo, quod est fallum. Persistit ergo centrum gravitatis semper in centro N Anuli, sive aqua in eo contenta quiescat, sive circumducatur, nam ob

(G)

con-

CAP. III.

Fluidum
in suo to-
to quie-
scens pon-
derat.

contiguitatem partium aquæ non potest moveri una pars aquæ F; v. g. quin universa aqua EKG æquali velocitate revolvatur, proindeque non unica pars tantum, sed aqua tota impulsu & impetum acquirit, non secus ac Rota lignea tota simul ictu recipit atque circa centrum gravitatis ejus æquilibratur, pari modo aqua contenta in Vase AC antepremissæ Figuræ, licet sit fluida, habet tamen punctum M, circa quod partes habent æqualia momenta, perinde ergo se habent ac si universa aqua in prædicto Vase contenta dura esset & consistens, ut Rota lignea, vel intra Fistulam anularem EFKG contenta esset in qua revoluta, sive quiescente Rota, aut aqua semper centrum gravitatis ejus in eodem situ perseverare debet, & proinde libra HL quiescet in eodem situ horizontali. Igitur dubitandum non est aquam in suo toto collocatam, gravitatem exercere, sive illa omnino ibidem quiescat, sive quomodolibet agitur, & circumvolvatur.

Positivam levitatem in rerum natura non dari.

CAPUT IV.

CAP. IV.

Positivam
levitatem
non dari.

HActenus consideravimus gravitatem non omnium corporum fluidorum, sed tantummodo aquæ, hydrargyri, & similium, de quorum ponderositate nemo dubitat, manifestè enim deorsum tendunt, atque descendunt. Difficultas vertitur circa reliqua corpora, quæ fursum ascendere videntur, ut sunt Ligna, & alia corpora, quæ in aqua fursum ascendunt, in his enim gravitatem ponere, videtur contra communem conceptum; nihilominus cum melioris notæ Philosophis ostendere conabimur omnia corpora fluida elementaria gravitatem habere, levitatem verò positivam absolute in natura non dari, itaque ostendendum est omnia corpora elementaria habere vim sese uniendi ad efformandum nostrum Systema, scilicet habere facultatem motivam descendendi versus centrum Globi terrestris, & hujusmodi vis vocatur gravitas. Et primò loco examinabimus argumenta Aristotelis, facta contra Platonem & Democritum prædictæ sententiæ assertores, postea ad examen revocabimus rationes ejusdem Aristotelis, quibus levitatem positivam statuere conatur. Tertio loco afferam de-

mon-

monstrationes, quibusevincitur non dari levitatem positivam; & tandem considerabo ea omnia, quæ passim à melioribus Peripateticis contra Platoniam sententiam asseruntur, quæ pervenere ad meam notitiam.

CAP. IV.

Positivam
levitatem
non dari.

Quod primum Aristoteles infectatur Democriti Platonisque positionem, sed more suo, non contra sententias, at contra mera verba eorum argumentatur, scilicet quod Terræ gravitas major quàm aëris pendeat à copia triangulorum, quæ major in Terra, quàm in aëre existit, assumitque prædicta triangula, ac si essent superficies planæ omnino indivisibiles quod patet falsum esse, cum in Platonica positione atomi triangulares sint corpora, non autem superficies indivisibiles.

Phyfic.
lib. 4.
cap. 2.

Præterea contra Democritum, ait, grandem aëris massam, veluti esset sphaera aërea, habens diametrum decem cubitorum, habere majorem copiam, & abundantiam pleni, & materiei, quàm exigua Pila aquea, habens diametrum unius digiti, & proindè Pila aërea gravior esse deberet, & deorsum descendere, & è contrà aquea ut levis fursùm elevari deberet. Hoc, inquam, argumentum non afficit Democritum, qui numquam tantam absurditatem somniavit, numquam enim consideravit plenum solitarium, sed unà cum pleno ingentem vacui molem augmentatam in illa grandi aërea Pila, & semper majori cum proportionem, quàm se habeat plenum aëris ad plenum aquæ. Quam exceptionem parum sincerè Aristoteles sub silentio involvit, quoniam existente aëre rariore, quàm sit ipsa aqua, habebit pars vacua ad partem plenam aëris majorem proportionem, quàm habet pars vacua ad partem plenam ipsius aquæ, & permutando, moles vacua aëris ad molem vacuum aquæ majorem proportionem habebit, quàm moles plena aëris ad molem plenam aquæ, & proindè quælibet ampla aëris moles habebit majorem causam allevationis quàm aqua, posito quòd hujusmodi causa sit vacuum, & è contra in eodemmet aëre debiliior erit causa gravitatis, quæ ab ipso pleno, & ab ejus mensura defumitur, itaque in grandi illa sphaera aërea simul cum augmento partis plenæ decies majori, quàm in exigua Pila aquea, superadditur quoque causa contraria, nempè allevationis, quæ est vacuum plusquam millies major, quàm sit illud quod in ipsa aqua continetur; cum igitur tam enormiter excrescat

Arist. ibid.

(G 2)

&

CAP. IV.

Positivam
levitatem
non dari.

& superet proportio vacuitatis reliquam proportionem plenitudinis in prædictis duobus Elementis, nunquam poterit ampla Pila aërea gravior effici ob augmentum ejus plenitudinis & partis materialis, quando ipsa in se quoque continet contrariam causam, quæ eam levem reddit multò magis multiplicatam, & hæc est inanitas & vacuum. Ejusdem farinae est longa illa series argumentorum toties ab Aristotele contra Antiquos adductorum.

Ibidem.

Præterea verum non est, assignasse Antiquos spatio vacuo motum, aut virtutem operandi, sed tantummodò principio materiali, ac pleno eam concedebant, quod perspicuè ex eodem Aristotele percipitur, refert enim Antiquos posuisse omnia corpora elementaria gravia, & ponderosa, sed magis aut minùs, prout plenum, & principium materiale deficeret, aut abundaret in ipsis; & insuper ait, quòd ascensus fursum aliquorum corporum, nempe ignis, non à principio aliquo positivo, scilicèt levitate pendere Antiqui censebant, sed effici hujusmodi ascensum per extrusionem factam à fluidis corporibus ambientibus ponderosioribus. Si igitur hæc fuit Antiquorum sententia, quomodo eis tribui potest tam enormis absurditas, quòd nimirum vacuum moveatur, impellat, habeat situm, & regionem fursum, versùs quam tendit? quomodo, inquam, hæc affirmare poterant illi, qui apertè aiebant motus omnes naturales corporum elementarium tendere deorsum, omnesque pendere ab unico principio positivo, scilicèt à pleno, & materia corporea? nec quia aër fursum impellitur, extruditurque, inde sequitur, quòd vacua in aëre contenta moveantur, atque fursum ascendant, nam si vacuum nil aliud est quàm spatium, id erit immobile, & proinde aër secum non asportabit vacuum ipsum fursum, sed in ipso ascensu successivè acquireret nova spatia relinquendo præcedentia, quæ sunt omninò immobilia. At si nomen vacui meram pleni privationem, ac nihilum significet, certum est quòd nihilum moveri non potest, nec impellere, nec ab uno ad alium locum migrare.

Postquam consideravimus Aristotelis argumenta contra Antiquos, qui levitatem positivam omninò negabant, restat modò ut ejusdem Aristotelis rationes pro levitatis stabilimento & positione consideremus. Præcipua ejus ratio hæc est, quia reperiuntur duo loca contraria in natura fursum & deorsum, scilicèt circum-

feren-

ferentia, & centrum Mundi, seu Terræ; & evidentèr apparet quòd Terra infima est, & subjacet omnibus aliis corporibus mundanis, demergitur enim descendendo infrà aërem & infrà aquam, quousque ad locum infimum perducatur, nempe ad centrum, quando nimirum ea non impeditur; hinc deducit, ergo terra est absolutè & simpliciter gravis, & non relativè. E contrà videmus aërem penetrare densitatem ipsius aquæ, & ascendere super eam, & ignem perforare densitatem tum aquæ tum aëris, perpenducique ad supremam & extremam superficiem aëris, veluti ad locum suum naturalem supremum, ubi tandè m quiescit, nec ulterius movetur. Et quia, inquit, ignis omnibus supereminet, igitur est simpliciter & absolutè levis; Terra omnibus subjicitur, igitur est absolutè gravis.

Ut verò vim, & energiam Aristotelici ratiocinii percipiamus, & exactè perpendamus, oportet ut statum controversiæ memoremus, scilicet Thesim Platonis atque Democriti, quam Aristoteles redarguere proficitur, ante oculos ponamus, & postea argumentum ab Aristotele adhibitum consideremus. Et primò raturum perspectumque est, duplici modo fieri posse ut ignis sursùm perducatur, & super omnia elementa emineat, aut nempe quia ignis sponte sua movetur sursùm à principio intrinseco & naturali scilicet à levitate, vel potius, quia ibidem ignis expellatur, extrudaturque à majori gravitate aliorum corporum fluidorum, veluti est aër & aqua; & hæc postrema erat Platonis & Democriti sententia, quam Aristoteles redarguere tenebatur: Argumentum verò Aristotelis aliam longè diversam propositionem à nemine in dubium revocatam petit, atque insectatur; nil enim aliud objicit quàm phenomenon, quod sensibus patet, & quod Adversarii ultrò concedebant, scilicet quòd omnes videmus ignem supra aërem elevari; at tenebatur potius Aristoteles demonstrare ignem ascendere, non quia à medio fluido graviori extruditur impelliturque sursùm, sed quia sponte à vi propria levitatis movetur, quod non præstitit, poterit ergò vocari Aristotelicum ratiocinium potius petitio, quàm demonstratio.

Non desunt Peripatetici, qui ut vigorem, & vim addant Aristotelico ratiocinio, ajunt absurdum esse omninò corpora naturalia moveri ad propria loca, non à principio intrinseco, & eis à natura

tura infito, sed à violentia externi corporis per extrusiohem, unde deducitur, quòd natura in operationibus tam necessariis, & utilibus fuerit deficiens, cum nimirum indigeat stimulis, & impulsu violento, & coactione, quæ cum resistantiam & violentiam includat, videtur operatio non naturalis, & propterea neque perpetua, neque utilis ad ordinem, & conservationem universi.

Huic specioso ratiocinio responderi potest, esse regulam fallacem, quòd ubicumque actiones & operationes non fiunt sponte, sed violentèr, tunc pronunciari debeat prædictas operationes à natura, atque à principio naturali factas non esse.

Uno verbo, erit quoque naturalis operatio illa, quæ cum aliqua violentia efficitur.

PROPOSITIO XXXVIII.

Licet in ascensu Ligni per aquam violentia aliqua intercedat, nihilominus operatio tota naturalis erit.

Hoc autem potest confirmari hac ratione; si verum esset, quòd quælibet operatio in qua violentia aliqua adhibetur reputari deberet non naturalis, sequeretur quòd alterationum corporum concretorum pariterque omnium generationum vegetabilium & animalium nulla esset, neque vocari posset operatio naturalis, cò quòd semper requiritur actio & passio qualitatum, & corruptio præcedentis substantiæ. Nec tamen dubitandum est passiones prædictas, & corruptiones, operationes esse violentas non sponte, sed cum displicentia & passione quadam factas, igitur in omnibus prædictis operationibus natura ipsa violentiam exercet, & propterea constitendum est, proprium institutum naturæ esse violentiam exercere, ita ut sine ipsa nil prorsus efficere sciat, neque suos fines consequi valeat.

Sed instant, accidentale esse, ut natura destruat præcedentem formam, cum subsequens minimè generari possit perseverante primâ, & proindè, inquit, primò, & per se naturam agere propter bonum, & propter finem generationemque, & proindè præcedens corruptio erit veluti quædam conditio sine qua subsequens

quens forma introduci, ac generari non potest; fatentur ergo, quòd saltèm per accidens natura actiones violentas exercet, sed ea omnia quæ à natura operantur, vocantur naturales actiones, igitur violentia illa accidentalis, qua forma præcedens destruitur, erit quoque vera actio & operatio naturalis. Quandoquidem ex vulgato axioma, qui vult finem, velit quoque necesse est media illa, quæ ad finem conducunt, igitur naturalis instinctus, quo formæ generatio quaeritur consequiturquæ, necessariò involvit violentiam, saltèm ut medium necessarium requisitum. Hinc deducere licet, non esse absurdum nec indecens, quòd natura violentiam aliquam exerceat, ut ea mediante alia majora bona consequatur. Si hoc, inquam, verum est in alterationibus & corruptionibus, multò magis hoc verificabitur in aliis suavioribus naturæ actionibus, quando corpora naturalia ad sua loca perducuntur propter bonum & commoditatem eorundem corporum violentè agitatorum, non secus, ac si quis Curru vel Lætica è foro domum veheretur, ineptè quidem de coactione & violentia quereretur, cum ejusmodi violentia utilitatem jucunditatemque ei afferret. Eodem penè modo à gravibus naturaliter descendentibus perducerentur levia ad debitum situm.

PROPOSITIO XXXIX.

Violentia, qua lignum & aër per aquam ascendit, dicitur naturalis, quia est necessaria.

Et hæc quidem dicta sunt juxta vulgarem Peripateticam sententiam, sed quisquis hoc negotium attentè perpenderit, is planè percipiet, quòd vox violentiæ trahit originem metaphoricè ab illo sensu displicentiæ doloris & amaritudinis, quam patiuntur animantia, dum alterantur, & corrumpuntur. Hinc sequitur, quòd ubi deficit sensus, deficiat quoque dolor, & violentia necesse est, & proindè alia regula & norma certiori ac tutiori distinguere deberent operationes naturales à non naturalibus, seu violentis, estque hujusmodi: operationes omnes quæ absolute, & omninò necessariæ sunt, neque ullo pacto fieri potest, ut Natura eas negligat, sed cogitur necessariò eas exercere, jure naturales operatio-

CAP. IV.
Positivam
levitatem
non dari.

Prop. I.

rationes appellari ac censeri debent. Modò quia operatio naturalis, qua corpora graviora profundius descendunt, atque centro Terræ propinquiora fiunt; quam minùs gravia necessariò secum involvit ordinatam dispositionem corporum, ut nimirum graviora infimum locum possideant, minùs gravia verò supremum, & insuper universa hujusmodi recta dispositio exigit ut ambo corpora moveantur tendendo deorsum in centro communi gravitatis eorum. Non secùs ac in libra pressa ab inæqualibus ponderibus, ascensus minoris ponderis factus à descensu corporis gravioris alteram lancem prementis, ineptè quidem & injuria violentia appellatur; propterea quòd hujusmodi operatio ac dispositio necessaria ac naturalis est.

[Prop. 9.]

Id ipsum, vel quid simile, dici debet de extrusione cujuslibet corporis minùs gravis, facta à pressione ambientis fluidi gravioris, quia in tali casu (ut suo loco ostenditur) adest libra quædam imaginaria perpetua, cujus centrum gravitatis successivè deprimitur, & prædictum descensum necessariò consequitur motus sublimationis corporis minùs gravis, hocque tam diù perseverat, quousque efficiatur æquilibrium. Cum igitur sit effectus necessarius & naturalis, extrusio, seu ascensus Ligni, quotiescumque circumdatur à fluido graviori, non potest, nec debet prædictus ascensus nuncupari, vel reputari violentus, quod erat ostendendum. Hoc confirmari potest ex Galilei pulcherrimo ratiocinio.

PROPOSITIO XL.

Motus ascensus gravium non minùs naturalis est, quàm descensus eorundem.

Finge globum nostræ Terræ perforari puteo per centrum extenso usque ad Antipodas producto atque in hoc demissa Pila ferrea, proculdubio naturalis ejus gravitas successivè majorem impetum acquireret, quousque ad centrum Terræ pertingat, & universa hæc motio naturalis censebitur, eò quòd pendet à suo intrinseco principio gravitatis; sed postquam Pila Terræ centrum attingit, profectò ibi non quiescet; nam impetus in præcedenti descensu acquisitus pilam transportabit ultra centrum, excurretque versùs

Anti-

Antipodas. Modò in hoc excursu cùm Pila à centro Terræ recedat, procùl dubio sursum ascendet, vocaturque prædictus ascensus violentus motus, & contra ejus naturam, & tamen ab operatione naturali descensus dependet.

Id ipsum aliis exemplis, quæ faciliè possunt experiri, confirmari potest.

Sit Vas aqua plenum RSXV, & habeatur quoque cylindrus ligneus EF, qui in aqua demersus non demergetur integrè infra supremam libellam aquæ RS, sed remanebit aliqua ejus pars G eminens supra aquæ libellam, propterea quòd lignum minùs grave est specie, quàm ipsa aqua, (ut Archimedes ait.) Si postea eundem ligneum cylindrum extra aquam sublevavero usque ad situm AB, & hinc liberè eum descendere permittam, is profecciónem non consistet, nequè quiescet in situ EF, nam impetus acquisitus in descensu per aërem profundius infra aquæ libellam motu violento cylindrum immittet usque ad situm CD, & hinc denuò ascendendo transgresso situ æquilibrii EF resiliet omninò extra aquam propè situm AB, & sic denuò quousque repetitis vibrationibus sensim languendo, tandèm quiescat in situ naturali EF.

TAB. III.
Fig. 7.

Pari modo, sumpto fune pendulo AB, quod moveri possit circa suum centrum firmum A, remota Pila plumbea B à situ suo naturali, seu perpendiculari ad horizontem, perductaque ad situm elevatum C, illa planè ut gravis excurrat descendendo arcum CB, & universus is motus naturaliserit, ut potè dependens ab impetu gravitatis intrinseco, non tamen in infimo situ B Pila persistet, postquam ibidem perducta est, sed ulteriùs excurrat ferè æquali spatio priori ultrà perpendicularum usque ad situm D, ascendendo nimirum ab infimo situ B per integrum arcum BD, & quia motus ille, qui gignitur à principio intrinseco & naturali, non potest esse non naturalis, cùmque ascensus Pilæ ultra centrum terræ, & descensus cylindri EF infra aquæ libellam post casum, & ascensus Pilæ plumbeæ per arcum BD pendeat, creeturque ab illa naturali virtute gravitatis, nempe ejusdem corporis descendens quatenus descendit: nulla enim alia causa extrinseca superveniens excogitari potest, quæ violentiam inferat, & sursum impellat prædictum grave, quàm impetus acquisitus, & conceptus in ipso casu naturalitèr factò productoque à principio

(H)

in-

CAP. IV.

Positivam
levitatem
non dari.

intrinsicco gravitatis ejus, qui procùl dubio impetus à naturali principio pendens naturalis, & intrinsiccus quoque erit; igitur etiam illa operatio ascensus erit naturalis, quatenus pendet creaturæ à principio intrinsicco, in eo enim solummodò casu violenta censerì posset quando à peregrino & adventitio principio procrearetur.

Obje-
ctio-
nes recen-
tioris Au-
thoris af-
feruntur.

Contra hoc ratiocinium insurgit insignis Peripateticus, & ait, quod subsequens ascensus ultra centrum terræ, vel ultra perpendiculum per arcum BD non pendet, nec procreatur à gravitate ejusdem corporis, sed ab impetu concepto per motum descensus, qui impetus, inquit ille, res est, toto cœlo diversa à gravitate, imò prædictus impetus contra gravitatem luctatur.

Patet ergò concedere Adversarium pilæ ascensum post excursum ultra centrum, vel ultra perpendiculum effici, ac produci à virtute impetus impressi, qui nimirum immediata causa, & principium est prædicti ascensus, seu operationis, quæ nomine levitatis insignitur. At quia præter immediatam causam illius ascensus, scilicet præter impetum, adnotari præterea debet causa productrix prædicti impetus, quæ est gravitas naturalis, & intrinsicca ejusdem corporis, ergo hæc erit causa saltèm mediata illius postremi ascensus, & hic noto quod Adversarius non negat nec affirmat gravitatem fuisse causam, & principium productivum prædicti impetus, sed tantummodò ait valdè differre gravitatem ab impetu, imò naturas contrarias, & se mutuo destructivas habere, quia nimirum non alia de causa cessat subsequens motus ascensus tùm Pilæ, tùm fune-penduli, nisi quia gravitas Pilæ contrario nisu vim impetus ascendentis destruit. Sed quid tandem hinc Adversarius deducere vellet? an quia ex eo, quòd natura gravitatis diversa sit ab impetu dicemus impetum prædictæ Pilæ descendentis usque ad centrum, vel perpendiculum genitum non fuisse à vi & exercitio gravitatis? à qua nani ergo virtute tanquam à principio immediato genitus fuit? profecto si sensus negare non velimus, fatendum est à nulla alia causa, vel principio externo, sed tantummodò ab ipsamet gravitate Pilæ descendentis impetum prædictum genitum fuisse, nec certitudo sensus relinqui debet propter difficultatem adductam ab Adversario, ut præclare Aristoteles præcipit. Si igitur gravitas Pilæ est
saltèm

S. Phyl.
cap. 5.

saltem principium, & causa mediata consequentis ascensus, necessario actus & operatio ascensus, quæ violenta & præter naturam Saxi existimatur, efficietur procreabiturque ab interno & naturali principio gravitatis ejus, & proinde actus ascensus, seu motus violentus efficietur à principio interno & naturali.

Positivam
levitatem
non dari.

Et hic obiter mirari licet horum Philosophorum securitatem; hic negant impetum à gravitate procreari, & inculcant valde inter se differre, & se mutuo destruere, & unà cum Aristotele in mechanicis aperte fatentur, impetum esse gravitatem fluentem, esseque prorsus ejusdem naturæ, quia nimirum Saxum impetu affectum comprimit, conterit adversa corpora eodem modo, ac ingens pondus efficit.

Quæst. 19.

Sed instat Adversarius, quomodo potest gravitas efficere impetum, quo Pila ascendit, si videmus motum prædictum ascensus sensim debilitari, & tandem extinguì solummodo propter renitentiam, & contrariam actionem, quam efficit pondus ejusdem Pilæ? Et hic ajo, quòd exercitium ejusdem ponderis, scilicet compressio ejus producit duos effectus contrarios, primò per descensum creat, fovet, & auget impetum ejus, postea per ascensum ei contranitur, debilitat, atque destruit eum, & licet hoc mirabile videatur, nihilominus id ipsum concedant necesse est, velint, nolint, cum sensu constet, sic eadem manus impellendo saxum, dum deorsum decedit, auget multiplicatque ejus impetum, at si saxum fursum ascenderet eadem manus contrario motu impetum ejus debilitaret, atque destrueret. Similiter idem calor Solis generat & auget plantas, & postea eas exciccat extinguitque. Ex his ergo patet insufficientia superius adducti ratiocinii.

PROPOSITIO XLI.

Ab eodem principio gravitatis ascensio & sublevatio corporum levium effici potest.

Sed redeo jam ad propositum, & alia ratione eandem propositionem persuadere conabor. Vulgatissimum axioma omnium Philosophorum est, quòd natura semper producit suas operationes via brevissima, summo compendio, atque abhorret à prolixitate,

(H 2)

tate,

CAT. IV. rate, & multiplicitate causarum quando suos effectus producere
 Positivam potest via illa breviori, & faciliori. Hinc deducitur, quod si
 levitatem non dari. possibile est transportare corpora naturalia ad propria loca mediante
 unica, & singulari motiva virtute gravitatis, vanissimè & stultè
 natura ageret, si niteretur prædictum finem assequi adhibitis duo-
 bus principiis, scilicet gravitate, & altera opposita virtute, quæ
 levitas nuncupatur. Quòd verò possint naturalia corpora ad sua
 naturalia loca perducì à gravitate sola absque levitate, patet ex su-
 perius dictis, nam minor gravitas, quæ Vesicæ aëre plenæ tri-
 butur, & major aquæ, & omnium maxima hydrargyro, suffi-
 cientissima causa est apta ad producendum prædictum effectum,
 Cap. 2. quod deducitur ex principiis, & rationibus mechanicis. Qua-
 propter probabilissimè concedendum est, solo principio gravitatis
 absque ulla levitate naturam suam finem assequi collocandi corpora
 terrena in debitis locis, nempè fursùm & deorsùm.

Et hæctenus adductæ sunt rationes probabiles contra positivam
 levitatem, restat modò ut id ipsum directè ostendatur rationibus
 magis convincentibus & efficacioribus.

PROPOSITIO XLII.

*Et primò ostendemus, quòd quodlibet corpus à principio intrinseco
 & naturali sponte translaturum facilius & celerius movebitur in
 fluido rariori & tenuiori, quàm in medio fluido crasso & te-
 naciore.*

FAB. III.
 Fig. 8.

Sint duo Vasa GHIK, alterum KILM, primum aqua replea-
 tur, secundum verò hydrargyro, immergatur verò eadem Pila
 lignea A in utroque fluido, intelliganturque duæ moles spatiales
 ex prædictis fluidis B & C, quæ æquales sint ipsi A, eique su-
 perincumbant, patet ergò quòd mercurii moles C gravior resi-
 stentior, densior, atque compactior est, quàm sit moles aquæ
 B. Præterea Pila lignea A nullo pacto ascendere fursùm potest,
 nisi aquam B ab ejus loco expellat, ut ei locum cedat, atque mo-
 les ipsius ligni A transferatur ad occupandum spatium ei æquale
 B, & hoc semper contingit, ubique enim in ascensu cogitur con-
 tinuato nisu fursùm impellere incumbentem aquæ molem ei æqua-
 lem,

lem, tenacitatemque ejus penetrare, ponatur jam gradus naturalis impetus levitatis ipsius ligni esse D, quia verò corpus motivum A impetu D affectum impellit corpus B fluidum, quod in quiete constitutum sua naturali inertia resistit impulsui impellentis corporis levis A; ergò ex demonstratis in libro de vi percussionis eadem vis motiva levitatis ipsius A communicatur, & expanditur per universum corpus motum, scilicet per fluidum B, igitur ejus impetus D valdè debilitatur retardaturque, sitque diminuta velocitas E, qua nimirum lignum leve A, & fluidum B moventur. Pariratione fit F velocitas retardata, qua idem lignum A, nec non moles hydrargyri C sibi æquali agitatur. Ostendendum est quòd velocitas E, qua nimirum lignum ascendit per aquam major sit velocitate F, quàm lignum per mercurium elevatur, & habere velocitatem E ad F reciproce ferè eandem proportionem, quam habet corporea substantia AC ad corpulentiam AB. Quia ab eadem virtute motiva impelluntur duo corpora A & B à qua prius intelligebatur moveri singularis massa lignea A, cui naturalis gradus impetus D conveniebat, igitur moles corporea & materialis duorum corporum simul sumptorum A & B, ad molem corpoream A reciproce eandem proportionem habebit, quam eorum velocitates habent, & ideo erunt ut D ad E. Simili ratiocinio, ut moles corporea A ad molem corpoream AC, ita est velocitas F ad D, ergo ex æqualitate perturbata corporea substantia AB, ad AC eandem proportionem habebit, quàm velocitas F ad E, est que substantia corporea AB minor ea quæ continetur in AC, ergò impetus F minor est quàm E; quapropter lignum A, intrà mercurium C translatum, sursùm ascendere debet tardiori & minori velocitate, quàm sit velocitas E, quæ competit ligno ascendenti in aqua B.

CAP. IV.
Positivam
levitatem
non dari.

De vi percussio-
nis
proposit.
15.

Et profectò evidentissimum est, quòd quodlibet corpus à principio intrinseco motu spontaneo translatum, multò faciliùs gradietur excurretque per medium fluidum rarius & cedens, quàm in medio fluido tenaciori & crassiori, ut Pila aurea celerius per aërem quam per aquam ejusdem spatii descendit, & per aquam velociori motu, quàm per mercurium excurret; sic paritèr videmus animalia, quæ intrinseca vi moventur, difficiliùs gradi posse, si infra arenam submergantur, & minùs difficilè infralatum,

(H 3)

tum,

CAP. IV.
Positivam
levitatem
non dari.

tum, & facilius in aqua, & multò facilius in aëre, nec unquam contrarium contingere poterit, quòd nimirum idem animal eandem vim motivam exercendo, difficilius & tardiùs moveatur per aërem quàm per aquam, & difficilius per aquam quàm per lutum, aut per hydrargyrum.

PROPOSITIO XLIII.

Non moveri sursùm corpora, quæ levia appellantur, à vi intrinseca levitatis.

His positis, consideremus modò Ceram, aut Vesicam aëre plenam ascendentem per diversa media fluida, si verum est, quòd aërea Vesica sursùm ascendit in aqua, aut hydrargyro motu spontaneo, nempe ab intrinseca virtute motiva, quæ vocatur levitas, igitur necesse est ut in ascensu penetret corpora fluida intermedia, atque eorum tenacitatem, & densitatem superet, imò fluidem è suo loco expellat, ut via & transitus paretur, quæ sursùm ascendere & perducì possit, & quia hydrargyrum magis consistipatum, densum, & grave est, quam aqua, igitur quodlibet corpus leve aëre repletum, aut aëris naturam participans, ut Lignum, & Cera, (quæ ex Adversariorum sententia moventur ab intrinseca virtute levitatis) necesse est ut majorem resistentiam offendant in transitu per hydrargyrum, à cujus tenacitate, densitate, & pondere gradus impetus ejus necessariò retunditur retardaturque multò magis, quàm in ascensu per aquam contingit, quæ cum magis rara & cedens sit, minùs debilitat retardatque eandem ejus vim motivam, quaproptèr motus ascensus Ligni vel Cerae per hydrargyrum multò magis retardabitur, quàm ille, qui per aquam fit; quia verò hoc est falsum, & contra sensus evidentiam, multò enim velocior est motus Ligni vel Cerae, factus per hydrargyrum, quam per aquam; non igitur verum est ab intrinseco, & naturali principio sursùm moveri, & proindè causa ascensus non erit levitas positiva, ideoque nullum usum habebit in natura, nec propterea existet ulla levitas.

PRO-

PROPOSITIO XLIV.

Ratione mechanica à graviori fluido celerius idem mobile sursum exprimitur, quàm à fluido minus gravi.

Hujusmodi difficultates omnino vitantur effugiunturque, si certitudinem & necessitatem ex principiis mechanicis pendentem sequamur, scilicet posita solummodo gravitate in omnibus corporibus sublunaribus, necesse est ut gravissimum fluidum hydrargyri majori impetu sursum per extrusionem impellat Lignum, quàm aliud fluidum minus grave, ut est aqua, sicuti in balance pondus unius uncix majori velocitate sursum impellitur à majori pressione contraria ponderis decem librarum, quàm à minori compressione ponderis unius libræ. Demonstratio verò hujus rei suo loco exponetur; sed interim si effectus omnes, qui observantur in hisce corporibus ascendentibus, iidem prorsus sunt, & iisdem legibus mechanicis fiunt, ac si omnia corpora gravia fuissent, sed inæquali gravitate donarentur, & præterea in iis non apparet phenomena motus fieri ea ratione, quæ requiretur, si præter gravitatem reperiretur quoque aliud principium contrarium levitatis: igitur concedendum est sola gravitate naturam operari, neque levitatem ullam exigere.

Contra evidentiam harum rationum non desunt, qui difficultates, & subterfugia afferant pro retinenda suæ positionis inverisimilitudine; ajunt enim Lignum tardius in hydrargyro ascendere debuissè, quàm per aquam ob majorem illius resistentiam; sed propter contrarietatem & inimicitiam, quam habet Lignum cum Mercurio, suum cursum accelerat, ut expedite mercurium fugiat, & aquam æremque assequatur; quod symbolum elementum, atque amicum est, & propterea cessante odio, non cogitur celerimè ab eo discedere. Sed vñde quàm faciles sint prædicti Philosophi, qui occasione exigente non verentur aliter respondere, nam si ego quæram, quare gravitas, quæ certè inest in hisce terrenis corporibus, celerius transfert Saxum, quò magis ad Terram accedit, atque ei approximatur; respondent quia vicinia Terræ veluti roboratur vis motiva Saxi cadentis; sic pariter levitas Vescicæ æræ crescere deberet in aquæ summitate, quia nempe æri appropin-

Recurrunt,
Adversarii
ad majorem
inimicitiam
quam habet
Lignum, seu
aër cum
hydrargyro
quàm
cum aqua,
ut deducant
celerius
Lignum
fugere
mercurium,
quàm aquam
debere.

Sed rejici-
tur.

CAP. IV.

Positivam
levitatem
non dari.

proximatur, & ideo virtus ejus motiva roborari quoque deberet. Sed his omiſſis ſumi poſſunt diverſa corpora, quæ naturam & temperiem diverſam & contrariam aquæ habeant, ſimillimam verò mercurio, & talis fortasſe erit Ampulla vitrea, vel Veſica, quæ repleatur mercurio ſublimato vel præcipitato; ſic quoque Vas fieri poſſet ex metallo, vel alio corpore ſimillimo hydrargyro, ut nimirum efficiatur compoſitum, cujus natura valdè diverſa ſit ab aqua, & ſimillima hydrargyro, & ſic omninò tolleretur inimicitia & antipathia inter Vas, & fluidum craſſius mercuriale, nihilominus obſervabitur prædictum Vas velocius aſcendere per hydrargyrum, tardo verò motu per aquam, igitur illa ſomniata inimicitia non erit cauſa prædictæ inæqualitatis motus, ſed mechanica, & naturalis neceſſitas, qua maximum pondus hydrargyri impetuoſiore motu exprimit, & impellit ſurſum contentum Vas vitreum, vel Veſica, quàm impellere aqua queat ſuo minori pondere.

Id ipſum aliis exemplis confirmari poſſet, ſi nimirum ſumatur Oleum à frigore condenſatum & glaciatum, cujus temperies & natura potiùs graviori mercurio, vel Oleo Tartari aſſimilatur, & è contra contrariam naturam, & diverſam haberet ab ipſa aqua, & ſic Oleum prædictum ob amicitiam lento motu aſcendere deberet per hydrargyrum, aut per Oleum Tartari. Sed celerrimè in aqua currere deberet, ut potè Oleo contraria. Similitèr Calx in Veſica contenta aquæ forti ſimillima eſt ob caliditatem, & acredinem ambarum, & è contrà ſummè contraria erit communi aquæ, & nihilominus in illa velociffimè aſcendit, in hac tardè. Similitèr ſumi poſſent Vaſcula ex Cera aut Bitumine, quæ repleti poſſent pulvere, ſpiritu, oleo, vel vino, vel aliis innumeris rebus, quæ ſemper aſcendent velociffimè in fluidis gravioribus, ut ſunt aquæ regiæ, licèt in ſumma caliditate & acredine ſalina convenient, & è contra languido & tardo motu in fluidis contrariæ naturæ aſcendunt, dum modò minus gravia ſint. Quapropter verum non eſt, ob inimicitiam & contrarietatem Veſicam æream velociffimè à mercurio fugere, & languido motu excurrere per aquam ei ſimilem, ſed potiùs ob mechanicam rationem, deſumptam à majori vel minori gravitate, quæ deducitur ex Archimedis doctrina, quòd ſcilicèt fluidum gravius per extruſionem impellere ſurſum debeat corpo-

corpora minus gravia, & hæc est causa, quare abique positiva levitate corpora fursùm ascendere debent.

CAP. IV.
Positivam
levitatem
non dari.

Contra perspicuitatem supradicti ratiocinii obijciunt primò, quòd sicuti graviora intra minùs gravia mersa feruntur deorsùm tanta vi, quæ sit equalis differentia gravitatis mobilis supra gravitatem mediæ, constat evidentèr eventurum proportionalitèr in levioribus intra minùs levia contentis, ea scilicèt in ordine ad levitatem, fursùm, non nisi secundùm mensuram excessus supra minùs leve fursùm nisura, ut similis ratio persuaderet. Hoc supposito veluti certum & evidens respondet argumento superius adducto, aitque expirationem calidam respectu aquæ valdè levem secundùm mensuram totius suæ levitatis fursùm nisi intra aquam, ac proinde valere ad resistentiam illius celeritèr superandam, at verò valdè exiguum excessum supra aërem obtinentem in levitate fursùm nisi præcisè secundùm mensuram talis excessus, ac proinde non esse mirum silente per aërem ascendat, etiamsi dicatur à levitate positiva in rursùm moveri.

Demò admittam levitatem colligunt ignem celeritèr per aquam, quam per aërem ascendere debere.

Itaque sicuti nos ex Archimedis doctrina deducimus rationem descensus gravium, & ascensus levium ex hac suppositione, quòd corpora omnia sublunaria sint gravia, sibi persuadent demonstrare posse eadem symptomata, supponendo nedùm corpora ascendentia, sed etiam medium fluidum, in quo ascendunt esse levia; quaproptèr quotiescumque agitur de corporibus gravibus descendentibus, comparari debent gravitates tum corporis mobilis, tum mediæ fluidi, in quo descendit; at è contrà, cum agitur de corporibus ascendentibus, debent paritèr intèr se comparari levitates eorum unà cum levitate mediæ fluidi, in quo ascendunt.

Modò ut fallacia hujus ratiocinii detegatur, demonstrabo priùs lemmata aliqua mechanica, ex quibus postea adhibitis hypothesebus supradictis demonstrabo impossibile omninò esse, ut impetus velocitatis, quo fursùm ascendunt corpora illa, quæ levia appellantur, produci possit atque dependeat à principio aliquo intrinseco, à quo fursùm impellantur removeanturque à centro Terræ.

Et primo loco observo cum Aristotele in mechanicis, quòd

CAP. IV.

Positivam
levitatem
non dari.

PROPOSITIONE XLV.

Libra vel Rota termini oppositi contrariis motibus circa centrum agitari debent.

TAB. III.

Fig. 9.

Sit Libra radiorum æqualium, vel Rota AIBH convertibilis circa suum centrum C, hic manifestum est, quòd si Libram aut Rotam revolvere velimus, ita ut terminus ejus A descendat deorsum, percurrendo arcum AI, necesse est ut ejus oppositus terminus B motu contrario fursum ascendat, percurrendo arcum BH, æqualem contraposito AI. Et quotiescumque prædicti motus contrarii simul fieri nequeunt, tunc necesse est ut Libra vel Rota quiescat in eodem situ, nec agitetur.

PROPOSITIO XLVI.

Si eadem libra termino applicentur potentia ad oppositas partes trahentes mutuo se impediunt, & potentia major prævalebit, libram flectendo vi equali differentia potentiarum.

TAB. III.

Fig. 9.

Apponatur postea pondus DE termino libræ A, hoc profecto vim efficit, conaturque trahere terminum libræ A per directionem AD versus centrum telluris, at quia semidiameter AC in centro libræ figitur immobiliter, hinc consequetur revolutio libræ fereturque terminus A, non per lineam rectam AD, sed per arcum AI, excurrendo integrum quadrantem, & quia libra AB supponitur continua, & rigida eodem tempore, quo terminus A arcum AI pertransit, oppositus ejus terminus B describet contrapositum arcum BH. Modò motum ejusdem libræ, & descensum ponderis DE impedire possumus, si eundem termino A applicaretur vis contraria G, quæ traheret fursum eum ipsum terminum A per eandem rectam lineam horizonti perpendiculari versus supremum terminum G; & siquidem vis & facultas motiva G æqualis esset vi ponderis DE, nulla ratio suadet quòd una earum virtutum reliquam superet aut vincat, proindeque terminus libræ A non descendet versus I, nec ascendet versus H, sed

sed omninò quiescet in eodem situ. Si verò pondus DE supera-
 ret vim motivam G, ejusque excessus esset pondus E, tunc procùl
 dubio pondus DE prævaleret superaretque vim motivam G, &
 impetus atque vis, à qua prædicta libra flecteretur deorsum ver-
 sùs I, mensuraretur à vi ponderis E, quæ est differentia seu ex-
 cessus, quo pondus premens DE superat vim elevantem G.

CAP. IV.

Positivam
levitatem
non dari.

PROPOSITIO XLVII.

*Si oppositos terminos Libra vel Rota due potentie trahant, ambe
 deorsum tendendo, se mutuo impediunt, & major potentia
 prævalebit, sed vi aequali differentia earum.*

Potest deindè alia ratione prohiberi, & impediri descensus pon-
 deris DE absque eò, quòd termino A applicetur vis aliqua ani-
 mata contraria C, & hoc consequitur, si applicetur termino op-
 posito B aliud pondus F, quod, dùm deorsum impellit ad eas-
 dem partes, ad quas dirigitur pondus DE, prohibetur quoque
 descensus termini A ejusdem libræ, ut dictum est; & siquidem
 pondus F æquale fuerit ponderi DE, tunc efficietur æquilibrium,
 quia dùm ambo pondera conantur descendere deorsum, trans-
 ferreque duos terminos libræ versùs infimum signum quadran-
 tis I, & hoc efficitur æquali vi & impetu, procùl dubio una vis
 & conatus impedit motum, & descensum alterius, & ex hoc mu-
 tuo impedimento resultat quies totius libræ in situ horizontali; at
 si pondus F æquales fuerit uni portioni D totius ponderis DE,
 tunc prævalente majori pondere deprimet terminum libræ A
 versùs I, ascendetque oppositus terminus B versùs H tanta vi
 quæ sit æqualis excessui ponderis E. Hinc colligitur quod in libra,
 vel rota duo æquales impetus ad easdem partes tendentes, nempè
 deorsum, ideoque similes inter se, se mutuo impediunt & de-
 struunt, ita ut quies consequatur, si verò eorundem similium
 motuum descendendum vires inæquales fuerint, prævalebit ma-
 jus pondus, libramque revolvat non integra sua vi, sed tantum-
 modò illa differentia, vel excessu, quo majus pondus superat
 minus.

TAB. III.

Fig. 10.

Prop. 45.

CAP. IV.

Positivam
levitatem
non dari.

PROPOSITIO XLVIII.

Isdem datis, si amba potentia fursùm trahant, idem sequetur.

TAB. IV.

Fig. 1.

Id ipsum verum quoque est, si applicentur terminis oppositis ejusdem libræ AB duæ vires inæquales, DE major, & F minor, quæ ambæ fursùm terminos libræ trahant ascendendo. Et hîc eodem modo ostendetur, quòd libra flectetur fursùm ab A versùs H, & reliqua vis minor F superabitur ab excessu virtutis DE supra F, descendetque terminus B versùs I.

PROPOSITIO XLIX.

Si oppositos terminos libræ duæ potentie trahant una fursùm, altera deorsùm, se mutuo juvabunt, & vis libram flectens æqualis erit summa ambarum potentiarum.

TAB. IV.

Fig. 2.

Tertio loco in eadem Rota seu Libra AB terminus A deorsùm trahatur à pondere D, sed ejus oppositus terminus B fursùm trahatur à vi ascendente F, quæ minor sit vi ponderis D, dico, quòd libra non quiescet, sed revolvetur ejus terminus A descendendo versùs I, elevabiturque terminus oppositus B versùs H, & conatus, seu vis, quo libra revolvitur æqualis erit non differentia & excessui ponderis D supra vim F, sed æquabitur aggregato ambarum virtutum D & F. Applicetur termino B pondus E, æquale vi fursùm impellenti F, pariterque ibidem suspendatur aliud pondus G, æquale opposito ponderi D, manifestum est (amotis vel coercitis viribus F & E) quòd pondera æqualia D & G, pendentia à terminis radorum æqualium ejusdem libræ, efficient æquilibrium, & idèd libra quiescet. Præterea quia pondus E æquatur vi contrariæ fursùm trahenti F, & ambæ applicantur eidem termino B libræ AB (ab æqualibus ponderibus D & G æquilibratæ) igitur duo pondera simul sumpta G & E libram impellunt contrario nisu, scilicet à B versùs I, & præcisè adæquant conatum ponderis D & vim trahentem F, quæ ambo deprimere possunt terminum libræ A versùs I, sublevando terminum B versùs H. Ergo duæ vires D & F simul sumptæ (amotis ponderibus G

Prop. 47.

Prop. 46.

&

& E) determinant vim seu conatum, quo libra revolvi debet ab A versus I.

CAP. IV.
Positivam
levitatem
non dira.

Et hic animadvertendum est, quòd duæ vires D & F, quæ reverà contrariæ sunt inter se (cum illa deorsum comprimat, hæc verò sursum trahat) non sibi mutuò opponuntur, nec una earum alterius motum impedit, sed una promovet, adjuvat, & augeat conatum, vim, & impetum alterius; & hoc accidit quia non applicantur ambæ eidem termino A libraræ, sed terminis oppositis A & B, qui juxta libraræ & Rotæ proprietatem & naturam debent moveri motibus contrariis, scilicet A per arcum AI, & B per arcum BH. Igitur impulsus ponderis D deorsum, & tractio facta à vi F sursum conveniunt, & se mutuò adjuvant & augent, ut ab utrisque revolutio libraræ efficiatur, quæ ad easdem partes impellitur ab eisdem viribus contrariis. Cesset igitur admiratio quare duæ vires contrariæ in libra se mutuò non destruant, sed potius mutuo se adjuvent, ita ut ex utrisque resultet una vis composita, à qua libra revolvitur.

Prop. 45.

PROPOSITIO L.

Si oppositos libra terminos quatuor potentia trahant, duæ sursum & duæ deorsum, conatus seu vis libram flectens mensuratur à summa differentia ascendentium, cum differentia descendentium potentiarum.

Si tandem eadem libra à quatuor viribus impellatur trahaturque, quarum duæ D & G graves sint, deorsumque tendant; duæ verò M & F sursum eisdem terminos libraræ trahant, sitque energia virtutis M major quàm F, pondus verò D minus sit quàm G, tunc manifestum est, terminum A elevari sursum versus H, ab excessu quo vis M superat facultatem motivam F, & è contrà oppositus libraræ terminus B deprimitur deorsum versus I, ab excessu quo pondus G superat vim gravitatis D; & quia prædicti duo impulsus differentiales contrarii sunt, unus quidem sursum, alter verò deorsum, applicanturque terminis oppositis ejusdem libraræ; igitur se mutuò adjuvant promoventurque, & proinde conatus, vis, atque impetus, quo universa libra revolvitur, æqualis erit aggregato prædictarum differentiarum.

TAB. III.
Fig. 11.

Prop. 49.

(I 3)

PRO-

CAP. IV.

Positivam
levitatem
non dari.

PROPOSITIO LI.

Vis motiva, qua solidum gravius specie quàm fluidum, descendit, æqualis est differentie ponderis solidi supra pondus fluidi ei æqualis mole.

TAB. IV.
Fig. 3.

His declaratis intelligatur Vas RGS aqua plenum, in eoque immergatur corpus aliquod grave durum ac consistens DE, quod gravius sit aqua collateralis F, patet ex dictis Prop. 9. & ex Archimede, duo pondera DE & F collocari in libra quadam imaginaria & perpetua AB, in qua excessus ponderis solidi DE supra gravitatem aquæ F, quæ sit æqualis mole ipsi DE, semper idem est in quacunque aquæ profunditate solidum collocetur, sitque pondus E excessus, quo pondus DE superat gravitatem aquæ F, igitur conatus, vis, & impetus, quo solidum DE descendit infra aquam mensuratur à vi ponderis E.

PROPOSITIO LII.

Vis motiva, qua solidum levius specie quàm fluidum, ascendit, æqualis est excessui levitatis solidi supra levitatem fluidi ei æqualis mole.

E contrà, si supponamus quod Lignum DE pariterque aqua F careant gravitate, sed tantummodò à vi levitatis informetur, & ambo impulsus & impetum faciant fursùm, conenturque ascendere. Non secus ostendetur, quòd in Libra seu Rota perpetua Ligni DE, major levitas prævalebit superabitque minorem levitatem fluidi collateralis F, proindeque libra inflectetur ab A versus R, ascendendo tanta vi, quanta est differentia seu excessus E, quo levitas Ligni superat aquæ levitatem.

PROPOSITIO LIII.

Vis motiva, qua leve corpus in fluido gravi ascendit, æqualis esse debet summa levitatis solidi, & gravitatis fluidi.

TAB. III.
Fig. 12.

Si verò variata hypotesi ponamus Lignum F leve, & fursùm ab intrinseco principio impelli & moveri, at fluidum collaterale D, quòd

quòd sit hydrargyrum, supponatur deorsum tantummodò vim exercere, ut exigit maxima ejus gravitas, nec prorsus fursum impellere, tunc quoque Libra seu Rota perpetua efformabitur, in qua semper terminus B trahetur fursum à positiva levitate ipsius Ligni F, ascendetque versùs R; terminus verò oppositus deprimetur ab A versùs H, ut natura gravitatis exigit, & quia hi duo motus & conatus in oppositis terminis libræ contrarii sunt, ergò vicissim se non destruunt nec contrariantur, sed se mutuò favent & adjuvant. Igitur conatus & impetus, quo revolvitur jam dicta libra, scilicet quo lignum F ascendit à fundo mercurii, æqualis erit non differentiæ, sed aggregato ex vi levitatis F, & ex facilitate ponderis mercurii D.

PROPOSITIO LIV.

Si verò tam solidum quàm fluidum exerceant levitatem atque gravitatem, vis motiva, qua unum eorum elevatur, æqualis est aggregato ex differentia levitatum unà cum differentia gravitatum earum.

Tandem, si supponamus quod Lignum vim faciat fursum, ut leve, & etiam eodem tempore gravitatem ejus nativam exerceat, pariterque aqua D in Vase nedum deorsum comprimat, ut gravis, sed etiam non omninò privetur gradu aliquo levitatis, tunc similiter libra perpetua imaginaria efformabitur, in qua terminus I deorsum impellitur ab excessu, quo gravitas aquæ D superat gravitatem Ligni F, & è contrà, terminus B fursum elevabitur ab excessu, quo levitas Ligni superat levitatem ipsius aquæ. Et quia prædicti impulsus sunt contrarii, applicanturque eidem libræ imaginariæ, igitur unus impulsus alteri non opponitur, & proinde universalis conatus & impetus prædictæ libræ, scilicet vis & impetus, quo Lignum F ascendit in aqua, mensuratur ab utroque excessu, scilicet ab aggregato differentiæ ponderum aquæ & Ligni, unà cum excessu levitatis Ligni supra aqueam levitatem.

TAB. III.

Fig. 12.

Prop. 50.

SUPPOSITIO V.

His præmissis, supponamus cum Adversariis primo loco, quòd reverà præter corpora gravia etiam levia in natura existant, quo-

Supposi-
tiones ali-
quæ peri-
pateticæ
recenten-
tur.

rum

CAP. IV.

Positivam
levitatem
non dari.

rum aliqua, ut ait Aristoteles, sint simpliciter talia, alia vero respectivè, veluti Ignis dicitur absolute levis, & Terra, seu hydrargyrum, vel aliud fluidum æquè grave ac ipsa Terra est, appellabitur absolute grave. Reperiuntur postea alia corpora intermedia simplicia vel mixta, quæ vocantur gravia simul & levia respectivè, scilicet aqua demersa intra mercurium dicitur levis, & moveri sursum à principio intrinseco, at si eadem aqua intra Oleum mergatur, dicetur jam gravis, non levis, & moveri deorsum à principio interno. Hoc verò duplicem sensum habere potest, aut dictæ duæ contrariæ qualitates semper in eodem corpore aquæ existunt & vigent, aut successivè modò una, modò altera in ea reperitur, ita ut aqua in fundo hydrargyri posita sit revera levis, & nullo pacto gravis; & è contrà, quando eadem aqua in Oleo demergitur, hic gravitatem habeat, & nullam prorsus levitatem, ita ut remaneat sopita, & extincta levitas illa, quæ tanta efficacia aquam sursum impellebat à fundo mercurii, igitur in primo sensu retinere aqua deberet perpetuò duas contrarias qualitates, scilicet levitatem & gravitatem eodem modo, ac dicuntur mixta participare ex qualitatibus extremis, calido nempe, & frigido, & veluti colores medii nigredinem atque albedinem participare censentur, igitur dici deberet, quod in Igne prorsus & absolute levi quatuor integri gradus levitatis reperiuntur, & similiter in ipsa Terra existunt quatuor gradus gravitatis, at aer habebit tres gradus levitatis, & unicum gradum ponderositatis, sic aqua unicum gradum levitatis, & tres gravitatis haberet, & tandem aliud corpus medium inter aërem & aquam, veluti forsan est spiritus Vini, habere posset duos gradus levitatis, & duos alios gradus gravitatis.

S U P P O S I T I O V I.

Supponit præterea Aristoteles, quòd velocitas, quæ idem corpus ascendit vel descendit in diversis mediis fluidis, eandem proportionem habet, quam raritatis vel consistentiæ eorundem fluidorum, ver. gr. si aer esset decies rarior, ac distrahibilior & faciliùs penetrabilis, quam sit aquæ, eadem Pila marmorea descendet cubitalem altitudinem aëris decies velociùs, quàm profunditatem aquæ pariter cubitalem, scilicet si prædictum aëreum spatium

4. Physi-
cor. cap. 8.

spatium pertranseat in unica arteriæ pulsatione, aquæ altitudinem percurreret in decem ejusdem arteriæ pulsationibus. Idemque in ascensu corporum levium, juxta Aristotelis sententiam, dici debet. His præmissis, CAP. IV.
Positivam
levitatem
non dari.

PROPOSITIONE LV.

Ostendendum est, Ignem non esse levem, nec ascendere vi levitatis ejus positivæ.

Et primò, extrema corpora simplicia, scilicet Ignis & Terra, vel hydrargyrum, aut aurum fufum, vel quodlibet aliud gravissimum corpus, juxta Aristotelis effatum, si fieri potest, sint absolute gravia & levia, ita ut Ignis habeat quatuor gradus levitatis, & nullam prorsus gravitatem, è contrà, Terra vel hydrargyrum quatuor gradus gravitatis habeat, nullam verò levitatem, sicut enim Terra erit absolute & omninò gravis, ignis verò absolute levis, ergò (ex Prop. 53.) conatus & impetus totalis, quo Ignis per mercurium ascendit, vel Terra per Ignem descendit, mensurari debet ab aggregato virium extremarum, scilicet à tota vi levitatis cum tota vi gravitatis, quare totalis impetus erit octo graduum. Sed hoc est falsum, contra Adversarii assertionem, & contra Archimedes, ea enim, quæ in fluido elewantur, tanta vi ascendant, quanta est gravitas, qua moles fluidi mercurialis æqualis corpori igneo intra ipsum demerso superat hujus gravitatem, quæ nulla est, & proinde Ignis impetu quatuor graduum per mercurium ascendit, quapropter non fertur Ignis sursum à vi ejus levitatis, & ideò levis non erit, quod erat &c.

Sed instabit denuò Peripateticus, dicetque quòd ea velocitas, quæ exercetur ab Igne ascendente per mercurium, aut à Terra descendente per Ignem, poterit censeri octo graduum, vel quatuor ad libitum, quia non habemus certam mensuram unius gradus impetus, & sic mediante sensu & experientia, non potest ejus sententia redargui. Dubitatur
de mensu-
ra gradus
prædicti
impetus.

CAP. IV.

Positivam
levitatem
non dari.

PROPOSITIO LVI.

Reperire mensuram certi gradus impetus, respectu cujus discerni valeat, an impetus descensus Terræ per Ignem, vel ascensus Ignis per Mercurium, sit octo vel quatuor graduum.

Sed prædictum effugium sic refellemus: Fiat experimentum, non in Mercurio simpliciter gravi, sed in aqua vel in aëre, illa enim habebit tres gradus gravitatis & unicum levitatis, ergo Ignis per aquam ascendet velocitate trium graduum, in Mercurio verò impetu octo graduum, & Terra per Ignem octies velocius descendet quàm per aquam. Præterea aër habet unicum gradum gravitatis, & tres gradus levitatis, igitur Ignis octies velocius per Mercurium ascendet quàm per aërem, unde hac ratione habebimus mensuram unius gradus impetus, tam in ascensu, quàm in descensu, qui comparari potest cum impetu Ignis per Mercurium ascendentis, & Terræ per Ignem descendentis; & proinde facile conjici poterit, an prædictæ velocitates extremorum Elementorum reverà sint octuplæ, vel non, comparatæ ad velocitates quas exercent in intermediis Elementis. Et licet experimentum non det exactam præcisionem, nihilominus sufficientissimè evincit falsitatem Peripateticæ hypothesis, sed licet reverà vis & energia, qua corpora ascendunt vel descendunt, minimè deduci possit ex velocitate transitus fursùm, vel deorsùm, ut suo loco apertè ostendemus, tamen assumi potest cum Adversario ad eum redarguendum.

Considerentur deinde Elementa intermedia, ut sunt aër, & aqua, seu alia corpora mixta, quæ eisdem gradibus levitatis & gravitatis afficiantur. Demonstrandum est, nullum eorum corporum, quæ ascendunt fursùm, positivam levitatem habere.

PROPOSITIO LVII.

Si Aër in aqua solummodò levitatem exerceret, in ea non ascenderet à levitate ejus positiva impulsus.

Et primò, supponamus prædicta Elementa non retinere simul eodemque tempore duas oppositas facultates gravitatis & levitatis, sed

sed successivè modò unam modò alteram possideant, prout in diversis mediis fluidis collocantur, scilicèt aqua in Aëre pendula solummodò gravis cenferi debeat, non autem levis, si postmodum aqua infra hydrargyrum mergatur, tunc aqua levis sit, non autem gravis, ponatur etiam, quod Aër seù Lignum sub aqua demersum leve sit, nec gravitatem ullam habeat. Concipiatur postea Vas RGHS aqua D plenum, & in eo mergatur massa Aëris vel Ligni F; patet ergò ex supradicta hypothesi, quod aqua D nullam levitatem, sed tantummodò gravitatem habebit, eò quòd prædicta aqua non supponitur demersa intra aliud corpus fluidum densius & ponderosius ipsa, sed contigua est Aëri. Modò quia Aër vel Lignum F supponitur ab Adversariis fursùm ascendere à G versùs R, impulsà à positiva levitate ejus naturali, Aqua verò circumfusa D conatum atque impetum exercet deorsùm ab A versùs H, veluti natura ejus gravitatis exigit, habebimus ergò duos impetus ad invicem contrarios, nempe levitatis Aëris F grad. 3. & gravitatis gra. 3. aquæ circumfusæ D, & hæ duæ virtutes motivæ simul sumptæ gr. 6. component mensuram conatus & impetus, quo Lignum F per aquam ascendit, hoc tamen est falsum, & contra concessionem ejusdem Adversarii, & contra demonstrationem Archimedis, & tandem contra experientiam, quia ea, quæ feruntur fursùm in aqua, tanta vi ascendunt, quanta est gravitas, qua moles aquæ æqualis corpori demerso superat hujusmet gravitatem, quod perindè est, ac si dicatur, impetum fursùm mensurari à differentia gravitatum Aëris, & aquæ gr. 2. non autem ab aggregato gr. 6. levitatis illius, & gravitatis hujus. Quapropter non poterit Aër vel Lignum fursù n impelli ab ejus levitate positiva.

CAP. IV.
Positivam
levitatem
non dari.

TAB. III.
Fig. 12.

Prop. 53.

PROPOSITIO LVIII.

Id ipsum ostendere posito quòd Aër & Aqua utramque vim levitatis & gravitatis exercent.

Supponamus secundo loco tam Aërem quàm aquam semper retinere ambas oppositas qualitates, scilicèt perpetuò afficiantur iisdem gradibus gravitatis atque levitatis, sitque levitas Aëris F trium graduum, & major levitate ipsius Aquæ D unius gradus;

(K 2)

at

CAP. IV.
Positivam
levitatem
non dari.

at è contrà gradus gravitatis ejusdem Aëris F gradus unius minor sit pondere graduum 3. molis aquæ D, quæ æqualis sit ipsi F, habebimus profectò quatuor vires motivas, quæ sibi mutuò adversantur, & in libra imaginaria BI operantur, ut nimirum nulla earum otiosi queat, sed omnes simul agant & impellant, igitur ex Propositionibus 50. & 54. conatus seu impetus, quo Aër F impellitur fursùm in Aqua à G versùs R ratione levitatis mensurari debet ab excessu 2. graduum, quo levitas ejusdem Aëris superat levitatem Aquæ circumfusæ, & è contra conatus Aquæ contra Aërem efficitur ab excessu gravitatis aquæ D, supra gravitatem Aëris F paritèr gr. 2.; & proindè dum Aqua deorsùm descendere conatur, necessariò Aërem F exprimit ac fursùm impellit; suntque hæ duæ differentiæ seu excessus virium contrariæ inter se, scilicet una in libra imaginaria fursùm impellit, altera verò deorsùm; igitur universalis conatus & impetus totalis, quo Aër F ascendit in Aqua, mensurari debet ab aggregato eorundem duorum excessuum, quod est gr. 4. non verò à differentia levitatum, solummodò gr. 2. Sed hoc est falsum contra experientiam, contra Adversarii assertum, & contra ea, quæ ab Archimede demonstrata sunt, quia nimirum conatus & impetus, quo fertur Aërea Pila fursùm in aqua, æqualis est differentiæ ponderum Aëris & Aquæ; igitur verum non est, levitatem positivam in hac operatione concurrere.

Prop. 54.

Usque adhuc non consideravimus difficultatem aut impedimentum, quod affert medium fluidum motui ascensus vel descensus corporum, quæ in ipso feruntur, erit igitur operæpretium perpendere quidnam admissio, vel negato prædicto Peripatetico assumpto subseqatur.

PROPOSITIO LIX.

Aliter id ipsum ostendere, posito, quòd Aër vile levitatis per diversa media fluida ascendat.

TAB. IV.
Fig. 4.

Sit igitur idem mobile B, quod sit Lignum levissimum, vel Vesica Aëre plena, impellaturque usque ad fundum Vasis DCFE, cujus medietas infima repleatur Aqua A; reliqua medietas suprema

ma O repleatur Oleo, vel spiritu Vini, & ponamus levitatem aëreæ Vesicæ B esse trium graduum, & levitatem spiritus Vini duorum graduum, at levitatem aquæ magis densæ esse unius gradus. Manifestum est, quòd resistentia aquæ A, & partium tenacitas, quæ penetrari debet à Ligno vel Vesica B, dum sursum ascendit, erit tantò major resistentia spiritus Vini O, quantum illa est magis densa & constipata quàm iste, scilicet si sumantur moles æquales eorundem fluidorum, quantum major est corpulentia & materia, quæ prædictum aqueum spatium replet ea materia quæ molem spiritus Vini occupat, & quia levitatem spiritus Vini ad levitatem aquæ eandem proportionem habere ajunt, quam illius raritas ad hujus raritatem, igitur tantò magis distrahibilis, & minus resistens erit spiritus Vini, quàm aqua communis; quantum ille levior est aqua communi, ergò resistentia, quam aqua infert Vesicæ ascendenti ad resistentiam, spiritus Vini eandem proportionem reciprocè habet, quàm spiritus Vini levitas ad aquæ communis levitatem. Quapropter aqua communis duplò resistentior erit quàm spiritus Vini, veluti ille supponitur duplò levior illo. Modò, quia Adversarius supponit, quòd conatus & impetus, quo ascendit aërea Vesica per prædicta duo fluida, mensurari debeat ab excessu, seu differentia levitatum eorundem corporum; igitur aërea Vesica B, quæ tres gradus levitatis habebat, ascendet per aquam A, unum gradum levitatis habentem, conatu seu impetu mensurato à differentia prædictarum levitatum, quæ erit duorum graduum; sed in spiritu Vini O, qui duos gradus levitatis habebat, ascendet eadem Pila B impetu æquali differentię levitatum eorundem corporum, quæ erit unius solummodò gradus, & hæc quidem consequuntur ex demonstratis in Pr. 48 & 52. quapropter ratione differentiarum inter levitatem corporis B, & levitatis prædictorum fluidorum Vesica B per aquam ascendet conatu, & impetu duplo ejus, quo per spiritum Vini elevatur; nihilominus velocitas, qua prædicta Vesica B ascendit in aqua, non poterit esse dupla ejus, qua sublimatur in spiritu Vini, licet virtus & energia, qua impellitur per aquam, dupla sit ejus, quæ in spiritu Vini exercetur, propterea quod supervenit nova causa, à qua prædicti impetus retardantur, & valdè alterantur, hæc verò est major densitas aquæ communis supra tenacitatem, & constipationem

CAP. IV.

Positivam
levitatem
non dari.

tionem spiritus Vini; quæ, juxta Aristotelis assumptum, majorem tarditatem ascendenti corpori affert densitas aquæ, scilicet duplò major, quàm sit ea difficultas, qua à spiritu Vini ascensus ejusdem Pilæ impeditur. Hinc sequitur, quòd velocitas ejusdem Pilæ B per aquam ad eam, quam habere potest, per spiritum Vini composita sit ex duabus proportionibus, scilicet ex proportionem differentiarum levitatum eorundem corporum, quæ erit ut duo ad unum, & ex propositione reciproca resistentiarum eorundem mediorum, quæ se habet ut unum ad duo, sed proportio dupla, & subdupla componunt proportionem æqualitatis, igitur æquali velocitate ascendet eadem Vesica B per aquam A, & per spiritum Vini O, quod est evidentè falsum, & contra assertum eorundem Adversariorum, ergo Vesica Aëre plena non movetur sursum in fluido vi levitatis positivæ, quod erat ostendendum.

Nova argumenta
pro levitate
positiva
asseruntur.

Sed antequam ulterius procedamus, debent ad examen quoque revocari aliæ objectiones, quæ ab Authoribus clarissimis asseruntur contra nostram sententiam. Et primò quidem considerabo argumenta, quæ desumuntur à pyramidalis figura flammæ lucernæ, à qua, inquam, figura putant evidens argumentum deduci, quòd flamma ipsa sursum impellatur ab interno principio levitatis, sicque ratiocinantur: *Videmus quieto & tranquillo aëre flammam ferri sursum pyramidaliter, cum tamen, si per expressionem hic motus fieret, inversa flamma figura esset, aut certè inferior pars non minus quàm superior acuminata, ut sit in omnibus non duris, quando per expressionem sursum jaciuntur. Secundo quinta essentia Vini in lapide accensa sursum fertur, non per expressionem, sed insita levitate, aër enim exprimens, vel esset sub basi ignis avolantis, & illum proiruderet, quod est falsum; vel superincumbens gravitando hanc expressionem efficeret; neque hoc, quia sic aër vertici ignis incumbens eum deprimeret potius, ac reverberaret deorsum, quàm sursum.*

PROPOSITIO LX.

Flammam in Camino ab expressione ambientis aëris sursum impelli.

Primæ difficultati, quòd nimirum flamma lucernæ in aëre quieto

quieto & tranquillo moveatur fursùm sponte, non verò per extrusionem factam ab aëre ambiente, satisfacere nitemur adducendo experimenta aliqua. Videmus enim majores & ampliores flammæ in Caminis accensas non vigere, nec diutius perseverare, nisi adsit aditus aëri de foris advenienti, per quem ingreditur ventus perpetuus, qui inter crura & scœmora Ignem circumstantium excurrit versùm flammam, estque evidentè sensibilis, nam si Cubiculi Ostium claudatur, extenso Panno vel Cortina, ut fieri solet, hæc inflatur versus Ignem Camini, ut velum Navis; imò in Cubiculis undiquè diligentè clausis, in quibus aër externus subingredi nequeat, non poterit flamma fursùm impelli ab aëre, quin Cubiculum inane remaneat, & tunc Ignis Camini nullo pacto accendi potest, nec in flammam verti, aut perdurare, nisi Ostiolum vel foramen aliquod in ipso Camino aperiatur, & tunc facilè flamma accenditur & perseverat. Ratio hujus effectus pendet nedùm ab impulsu flammæ fursùm, sed etiam à rarefactione aëris propè Ignem existentis, eumque ambientis per totam Camini longitudinem, quia nempe aër prædictus ab Igne calefactus minùs gravis specie redditur, quam aër Cubiculi, & externus, qui à Camino distat; Hoc autem necessariò advenit ex legibus mechanicis, & ex Archimedis demonstrationibus; necesse enim est, ut aër rarior, & minùs gravitans fursùm expellatur exprimaturque à graviore aëre circumambiente, hinc fit ut post ascensum illius aëris rarefacti per Caminum diminuatur moles aëris ipsius Cubiculi propè, & circa Caminum. Non ergo mirum est, novum aërem profluere ad replendum Cubiculi spatium, & hæc est causa, quare percipitur ventus ille, & effluvium perpetuum, dum flamma Camini viget.

Prædictum ratiocinium confirmari potest à pulcherrimo experimento à D. Candido Buono Florentiæ mihi communicato.

PROPOSITIO LXI.

Trutina equilibrata una Lanx excalefacta sursum elevatur extrinseca à pondere aëris, reliquam Lancem ambientis.

Erat enim Trutina seu Bilanx tantæ perfectionis, ut à quinquagesima parte unius Grani Hordei, imò à multo leviori festuca flecti

Positivam
levitatem
non dari.

TAB. IV.
Fig. 5.

cti facile posset. Hæc quidem suspensa intra armariolum vitreum, ut à sordibus, & venti agitatione tueretur æquilibrium præcisè servabat, ut est DE, cujus centrum C, tunc sumpta virga ferrea IF, & ignita in ejus extrema parte F Lanci A approximabatur, absque contactu, tunc libra ab æquilibrio removebatur, depressa nimirum Lance B, & elevata A, idemque contingebat translatò ignito ferro infra Lancem, ac prius in suprema Lancis parte observabatur: rationem hujus admirabilis effectus hanc excogitavi, & Amico petenti reddidi, eamque communicavi Societati doctissimorum Virorum à Sereniss. & Eminentiss. Cardinali Leopoldo Mediceo erectam, quam deinceps more Italico Academiam experimentalem Mediceam vocabo. Concipiantur duæ Sphærulæ æris inter se æquales LG, & HK lances ambientes, quæ erunt æquè graves, scilicet ejusdem speciei, approximato postea ferro ignito IF, proculdubio à profluvio ignearum exhalationum à fervente ferro emanantium, calefit nedum lanx illa metallica A, sed etiam Sphæra proximi æris LG, quæ proinde ingentem raritatem acquirit; cumque aer ambiens LG arcè adhæreat lanci A, ejusque asperitatibus & foveolis colligatus componat veluti lanuginem unitam ipsi lanci, ita ut nequeat moveri lanx A, nisi secum deferat aëream lanuginem, seu crustam contiguam & connexam LG, verum lanci oppositæ B adhæret Sphæra aërea HK densior, utpotè non excalecta à ferro fervente; hinc fit ut summa lancis B unà cum adnexa crusta ambientis æris HK gravior sit aërea lamina A unà cum rariore lanugine æris adhærentis LG. Mirum igitur non est, quòd à majori pondere libræ extremitas E deprimatur, & ei opposita D elevetur. Eodem ferè modo, ut dicebam prius, aer Cubiculi circa Caminum, cum sit valdè densus, comparatus cum flamma & aëre calefacto intra Caminum existente, & ideo valdè rarefacto, mirum non est, si propter illius gravitatem excedentem fursùm exprimat leviozem flammam, aëremque adhærentem paritèr rarum. Est igitur evidentissimum in hisce experimentis, quòd aer flammam ambiens, nedum eam exprimit, sed bonam partem aëris rarefactam unà cum flamma impellit quoque fursùm. Sed dicet aliquis, cur circa flammam lucernæ non observatur prædictus ventus? responderetur, non esse æquè sensibilem, quia nimirum lucernæ flamma non insinuat in fistulam

Hæc experientia, & ratio ejus applicatur flammæ Camini affluentis.

Ratio quare circa lucernæ flammam non percipitur ventus sicuti in camino.

stulam aliquam, ut est canalís Camini, qui exitum habet extra Cubiculum; cùm ergo lucernæ flamma undique ambiatur ab aëre aperto absque evidenti commotione eam impellere sursùm potest exprimendo, nimirùm factò brevi circuitu à vertice flammæ usque ad ejus basim, & ob flammæ exiguitatem parva quoque est moles aëris ei contigua, quæ agitur, & convolvitur, & hæc est ratio, quare circa lucernæ flammam ventus non observatur similis ei, qui propè Caminum percipitur.

PROPOSITIO LXII.

Ignem non alevitate, sed ab extrusione ambientis aëris ascendere, evincitur ex descensu fumi in vacuo Torricelliano.

Sed quòd reverà Ignis moveatur sursum per extrusionem ambientis aëris, non autem ascendat sponte propria virtute, evidentiùs percipitur ex hoc meo experimento, quod Florentiæ Serenissimo Leopoldo Cardinali Mediceo communicavi, comprobatumque fuit in Academia Experimentalis Mediceæ, & demum Exteris per Epistolas divulgatum fuit.

TAB. IV.
Fig. 6.

Sit Vas vitreum AFG, cujus longitudo EF duobus cubitis major sit, habeatque annexam ampullam vitream CEM, sitque incurvata ejus extremitas HFG, atque duæ ejus extremitates A & G sint perforatæ, & apertæ, & priùs strictè obferato, duplici Vesica suilla, infimo orificio G, repleatur Vas universum hydrargyro, infuso per supremum os AB, postea pilula aliqua D ex bitumine aliquo atrii coloris operculo ex bractea ferrea filo alligetur; & Orificium AB denuò Vesica tegatur, colligeturque strictè: tandèm sublata vesica infima G concedatur egressus hydrargyro, ut nimirùm facta solita vacuitate aëris remaneat hydrargyrum suspensum usque ad O, & altitudo GO erit proximè unius cubiti & quadrantis. His præparatis sumatur lens aliqua crystallina KL, & directè Soli S exponatur in ea distantia & situ, in quo præcisè vertex coni radiosi à radiis Solis refractis convergentibus formati ad contactum Pilæ bituminosæ D pertingat. Id ipsum fieri potest ope speculi concavi ustorii radios Solis reflectentis, tunc liquefcere incipit Pila D, & fumum emittit, in

(L)

quo

quo apparet mirabilis operatio, non enim fumus, veluti in aëre aperto accidit, fursùm ascendit, sed incurvatur flectiturque deorsùm per DMN, non secùs ac virgulæ illæ aquæ cadentis è Fontibus, inflexas, & deorsùm tendentes lineas describunt.

Porro quia fumum non minùs quàm flammam levem esse, atque fursùm moveri sponte sua à naturali principio impulsâ, communiter Peripatetica Schola docet, igitur necessario in spatio illo vacuo CEN, vel saltèm in quo aër non degit nisi valde expansus, & rarefactus, fumus majori vi fursùm ascendere deberet, quàm in aëre aperto, quia nimirum ab aëris corpulentia aliquo pacto impeditur ipsius progressus (videmus enim in aëre aperto fumum ampliari, dissipari, ac dispergi à prædicta aëris resistentia,) cumque in spatio illo vacuo, vel à quo aër deficit, possit fumus naturali levitate non impeditus liberius & facilius elevari; igitur omninò necessè esset ut fumus in prædicto vacuo spatio ascenderet fursùm, veluti ejus natura exigit; & è contrà esset impossibile ut deorsùm deprimeretur & caderet, ut virgulæ decedentes aquæ Fontium flectuntur deorsùm; quia verò hoc experientiæ repugnat non poterit dici, quòd fumus sit levis, sed è contrà gravis erit. Cùm verò in aëre idem fumus fursùm ascendat, dicendum est quòd ab aëre ambiente graviori in specie, quàm sit fumus juxtà leges mechanicas libræ aër premens per extrusionem fursùm fumum minùs gravem expellit.

P R O P O S I T I O L X I I I.

Figuram pyramidalem flammæ lucernæ non suadere eam à vi levitatis fursùm impelli.

Verùm, quod ad formam pyramidalem flammæ lucernæ pertinet, non videtur, quòd ejus figura conica necessàriò persuadeat, & convincat flammam fursùm sponte sua, & propria virtute levitatis ascendere, nam sive per extrusionem ambientis fluidi violenter, sive sponte à vi levitatis fursùm moveri supponamus, retinere æquè benè posset eandem conicam figuram, ut inferius ostendemus. Præterea si vera causa figuræ pyramidalis flammæ lucernæ esset ejus levitas positiva, deberet eadem levitas positiva eundem effectum

effectum producere in reliquis omnibus corporibus fluidis pariter ab ipsa impulsis, si tamen reliqua sint paria, scilicet fumus non sicut ac flamma corpus fluidum & rarum est, cujus continenter una pars post aliam generatur, & eructatur à poris ejusdem titonis, pariterque fumum levitatem positivam habere & exercere supponunt, non minus quam flamma habet, igitur necessario fumus ascendens, & digrediens à titione deberet formam pyramidalem acquirere similem ei, quam flamma lucernæ habet, deberetque pariter in acumen subtile superius desinere, quod profecto est falsum, & contra sensus evidentiam, prosequitur enim fumus suum iter longo tractu sursùm absque eo quòd in acumen reducatur.

CAP. IV.
Positivam
levitatem
non dari.

Id ipsum continget, si fistula aliqua aër in fundo aquæ insuffletur, conspicientur enim elevari innumeræ ampullæ aëreæ, quæ ab invicem separantur absque eo quòd pyramidalem figuram acquirant, licet aër non minus quam flamma levis reputetur, & ab intrinseco principio sursùm moveri credatur, cumque una & eadem causa non possit diversos effectus producere, concedant necesse est, figuram, quam in flamma observamus, diversam à figura fumi & aëris per aquam ascendentis ab alia causa longè diversa dependere, non autem à prædicto principio intrinseco levitatis.

Et profecto si attentè perpendamus fumi & flammæ consistentias, valdè inter se differre reperiemus, licet ambo sint corpora rara, & fluida.

PROPOSITIO LXIV.

Fumi structura & compositio declaratur.

Constat fumum esse massam copiosam particularum exiguarum olei, terræ, & aquæ, quæ particulæ ab invicem discretæ & separatæ nondùm accensæ sunt, licet valdè excalescunt sint. Hoc planè confirmatur ab operatione Chymica, possunt enim recolligi ex fumo partes aqueæ segregatæ & discretæ à partibus unctuosis & sulphureis, nec non à particulis terreis & fuliginosis, & vicissim quælibet ex prædictis substantiis recuperari potest separata à reli-

Positivam
levitatem
non dari.

quis; præterea constat sensu, fumum non esse corpus continuum, sed aggregatum ex particulis minimis ab invicem separatis & discretis, ut præclarè in Nebula observatur, & in aliis aqueis vaporibus, qui si attentè conspiciantur in loco commodo, id est si interposita Nebula visus dirigatur inspiciatque obscurum & tenebrosum aliquem locum, & interim Sol transversaliter eandem Nebulam illustret; tunc illa Nebula, quæ representabatur continua, apparet esse conflata ex immensa multitudine exiguorum granulorum aquæ, quæ lento quodam motu per aërem agitantur, ut contingit in iis fragmentis terreis minutissimis, quæ conspiciuntur in radiis Solis intra Cubicula. Jam prædicta granula aquea copiosissima vagantia per aërem non facile visibilia sunt sigillatim ob eorum exiguitatem, sed possunt transitum luci impedire, & componunt apparentiam illam unius substantiæ raræ & expansæ, uti pariter multoties accidit in tempore Pluviæ, quo guttæ aquæ decedentes ab invicem separatae, si à loco aliquo distanti & remoto inspiciantur simillimæ videntur Nebulis & fumo.

PROPOSITIO LXV.

Fumus non est res accensa, & quæ obrem ab ambiente aëre sursum exprimi potest.

Quòd postea partes minimæ fumum componentes non sint adhuc accensæ, experientia constat, quia videmus multoties fumum accendi atque inflammari, quando eum tangit flamma viva alicujus Candelæ, præterea videtur quoque impossibile fumum esse rem accensam, quia nimirum fumus gignitur in cavitatibus atque porositatibus internis signi, vel cujuslibet alterius corporis fumum eructantis, sed in hisce locis angustis restrictisque nedum fumus accendi non potest, ut è contra flammæ ipsæ jam accensæ in eisdem locis angustis conclusisque momento extinguantur suffocenturque; imò licet concavitates cavernosæ sint amplæ, ut est cavitatis alicujus Laternæ undique occlusæ, subito flamma extinguatur, quantò magis hoc fieri debet quando cavitates & porositates sunt restrictæ & angustissimæ, ut sunt pori ligni, vel alterius consimilis corporis. Licet ergo prædicta fragmenta exigua fumum com-

componentia non sint actu accensa vel inflammata, nihilominus valde excalescēt & rara esse solent, & hæc quidem raritas & agitatio earundem fumi particularum, producta ab exhalationibus igneis, à quibus prius evulsæ & segregatæ fuerunt à massa lignea, vel alterius corporis, est in causa ut non possint amplius in angustis illis porositatibus retineri, & proindè coguntur ingenti impetu eructari, effluereque per orificia patentia earundem porositatum, quæ orificia cùm undique pateant, fit ut fumus exeat nedum è parte suprema ligni, sed etiam à parte infima & laterali; diffractis itaque repagulis carcerum, egressisque fumi partibus in aëre aperto non sine societate ignearum exhalationum, massam componunt minùs gravem ipso aëre ambiente, & ideò poterunt ab eodem exprimi, & lento motu impelli fursùm, atque tam diù ascensus perseverabit, quouque exhalationes igneæ ab ipsis particulis fumi non discedant exhalantque, & pariter usque quò deficiat impetus præconceptus ab ipso impulsu præcedenti, à quo lento quidem motu per aërem fluctuando aliquantisper fumi commoveri poterunt, cùm præterea exiguitas particularum ejusdem fumi causa sufficiens sit, ut diù à qualibet minima aëris agitatione suspensæ retineri possint, ut videmus pulverem terrestrem gravissimum per aërum disperi, ibique diù retineri, ut experientia docet.

Positivam
levitatem
non dari.

PROPOSITIO LXVI.

Fumi non ab impetu, quo eructantur, ad altissimas regiones perducì possunt, sed minùs graves redditi ab igniculorum commixtione exprimi ab ambiente aëre possunt,

Et notandum est, quòd absque exhalationibus igneis non possent ad insignem altitudinem fumi particulæ elevari, quia licet impetus ex sui natura, quo à ligni porositatibus eructantur, vim per se haberet ad eas longiùs elevandas, nihilominus, quia hujusmodi impetus facillimè debilitatur extinguiturque à particulis aëris quiescentibus, vel prædicto motu privatis, quibus occurrunt fumi, non posset ejus ascensus longiùs propagari, sed citò extingueretur. Ulterius si re vera fumi à ligno eructati virtute impetus præconcepti ad tantam altitudinem ascenderent, non autem ob

(L 3)

socie-

CAP. IV.

Positivam
levitatem
non dari.

societatem ignearum exhalationum, sequeretur, quod non semper fumus ad eandem admosphæræ summitatem ascenderet, is enim qui per poros laterales ligni egreditur, impetum projectitum transversalem acquireret, & ideò prosequi suum motum deberet per planum horizontalem, neque ab incepto itinere tantopere deviare: similiter fumus ille, qui ab infima parte titionis in aëre suspensus exit, impetum acquirit tendendi deorsum, non sursum, proindeque deberet directè profluere usque ad pavementum, & deinceps non posset ad supremam aëris regionem perducì, quæ omnia falsa sunt, & contra census evidentiam; Fatendum igitur est, ab igneis particulis fumum rarefactum elevari ab impulsu gravioris aëris ambientis per expressionem.

PROPOSITIO LXVII.

Flamma est fumus accensus magis rarefactus, qui ab aëre ambiente velocissimè sursum exprimitur.

Percepta jam & declarata fumi constructione perpendere modò juvat metamorphosim, quam patitur quando inflammatur. Debemus igitur concipere minimas particulas sulphureas, in fumo contentas, cum inflammantur, maximè dilatari, rarefieri, & vehementissimè agitari, & in hoc consistere ejus accensionem, sed granula illa aquea & terrea ejusdem fumi, quæ ex sua natura accensibilia non sunt, poterunt tantummodò rarefieri multò magis, quàm priùs. Jam à prædicta ferè momentanea rarefactione, agitatione, & accensione subsequitur consequenter splendida & luminosa apparentia flammæ. Ad hæc aëris ambientis gravitas, licet exigua sit, superabit nihilominus notabili excessu minimum, & insensibile pondus ipsius flammæ multò & multò magis, quàm superaverat pondus præcedentis fumi: hinc necessario flamma ab ipso aëre per extrusionem sursum impelletur ineffabili velocitate. Et hinc plurima advertenda sunt.

PROPOSITIO LXVIII.

Flamma rarior fumo minus spatium occupat ob maximam ejus velocitatem, redditurque postea invisibilis nova de causa, & tactui languida ob ejus dispersionem.

Observatur profectò Titionem fumi copiam ingentem evo-
mere, sed si denuò ejus flamma reviviscat, hæc mirabili veloci-
tate fumi illius vastam molem absumere videtur, eumque in exi-
guum spatium flammæ concludere, cùm revera non sit restrictio,
flamma enim majorem raritatem habet, quàm fumus, pendet
ergo hoc ab ineffabili velocitate partium flammæ. Aliunde enim
notum est per restrictum Fuminis Canalem molem amplissimam
aquæ totius Fluminis pertransire, non quia in exiguo, & re-
stricto illo spatio Canalis condensetur tota aqua Fluvii, sed quia
velocissimo motu per eum excurrit; cùm è contrà in parte am-
pla Fluvii aqua lentissimo cursu progrediatur, sic paritèr infumo
particulæ ejus lento & tardo gradu excurrentes amplum & gran-
de spatium occupabant, in flamma verò eadem particulæ veluti
per strictissimum Canalem mirabili & ineffabili velocitate currunt,
& sic possunt exiguum spatium complere. Sed quare flamma ultra
verticem ejus non extenditur, neque visibilis redditur? hìc primò
dicendum, quòd reverà flamma producitur ultra ejus verticem
per notabile spatium, & hoc quidem percipitur non visu, sed
tactu; possum enim absque noxa manum ad latus flammæ ap-
proximare, ut ferè eam contingam, non verò possum manum
supra flammæ verticem in notabili distantia unius palmi absque
dolore & ulatione retinere; igitur dicendum est, quòd substantia
illa ignita ultra verticem flammæ redditur transparens, & idèò
invisibilis alia nova de causa efficitur. Sed tamen negari non potest
productio, & extensio substantiæ igneæ ultra flammam pro-
ductæ, cùm hoc ab ipso tactu vincatur. Sed dices, quare su-
pra flammæ verticem in mu'tò majori altitudine non ampliùs tactu
percipitur effluvium calidissimum ejus, ut propè ejus verticem
percipiebatur? At forsan hoc accidit, quia ignea substantia flui-
dissima ab occurso aëris dispergitur, & subdividitur in alias par-
tes

CAP. IV.

Positivam
levitatem
non dari.

tes minores ab invicem divisas & discretas, ut videmus aquarum copiam è summa Turri delapsam in progressu descensus subdividi in innumeras guttulas inter se discretas, & sicuti non æquè humectat & madefacit Pluvia illa, ac massa integra aquarum unita, quia nimirum nulla pars subjecti corporis à massa continua aquarum tacta relinquitur arida, cum in pluvia non omnes partes soli madefiant humectenturque, ita propè verticem flammæ ignis unitus manum percutit, atque terebrat, cum è contra in remotiori altitudine spicula illa ignea valdè discreta plagas exiguas, & inter se distantes in ipsa manu inferant, & hinc minori noxa, minorique dolore incurfus ignis tolerari poterit.

PROPOSITIO LXIX.

Flamma Candela vertex acuminatur, quia magis accensus, & ideo velocius ascendit, quàm basis ejus.

Præterea supponendum est, flammam Candelæ non habere consistentiam homogeneam, & similem, pars enim infima flammulæ non est omninò accensa, quod constat ex ejus colore sublivido, quia nimirum fumi oleosi eructati ab ellychnio, vel ligno non in instanti, sed in tempore accendi debent, igitur verisimile est, quòd non omnes prædicti fumi subito post egressum in ipso contactu basis flammæ simul & integrè accendantur, & propterea rarefactio & accensio continuatur, dum actu excurrunt illæ particulae à basi versùs verticem flammæ. Modò si in basi flammulæ fumi non sunt omninò, & integrè accensi, non habebunt velocissimum illum motum, cujus capax est flammæ puræ natura, igitur in ipsa flamma concipi debet pars infima tardior, quàm suprema, & verticalis, sed sicuti in Fluvio nulla alia de causa tanta copia aquarum in angustissimum spatium alvei restringitur coangustaturque, nisi quia velocissimè excurrit, cum è contrà in locis dilatatis & amplis eadem aquarum Fluminis moles amplius spatium alvei ob ejus tarditatem occupet, ita in flamma lucernæ, quæ ut Fluvius ignis excurrentis concipi potest, mirum non est, quòd in basi propè ellychnium ob tarditatem ejus fluxus ampliorem situm occupet, quàm in ejus vertice, ubi velociori cursu fugit.

Hinc

Hinc colligitur, quòd ex figura pyramidali & acuminata flammæ lucernæ non evincitur eam à vi intrinseca levitatis fursùm impelli. Cùm è contrà declaratum sit, qua ratione absque positiva levitate ab expressione aëris gravioris fursùm expellatur, pariterque ostensa est causa prædictæ ejus figuræ acuminatæ & in verticem desinentis, quæ non pender à levitate propria, sed ab expressione aëris maxima velocitate facta in ejus acumine magis accenso, & hoc confirmatur ex eo quòd multoties flammæ Candelarum non sunt pyramidales, sed rotundæ, aut oblongæ, & ovales, & hoc clarè conspicitur, quando virga illa fumosa, quæ eructatur ab infima lucerna nupèr extincta, denuò accenditur à contactu alterius flammæ in notabili distantia ab inferiori candela, & tunc fumus inflammatus per longitudinem totius fumi subjecti deorsùm labitur usque ad ellychnium subjectæ lucernæ, conspiciturque evidentèr figura illius fumi accensi perfectè rotunda, imò cum primò lucerna accenditur, ejus flamma rotunda est, & postea verticem conicum acquirit; in flammis verò Camini non observantur formæ pyramydales, sed multipliciter divisæ multoties radios seu linguas referunt, & aliquando rotundæ conspiciuntur, & sic elewantur per aliquod spatium. Sed de his satis.

Positivam
levitatem
non dari.

Concluditur quòd
ex, figura
acuminata
flammæ lucernæ non
evincitur
hanc à vi
levitatis
ascendere.

Præterea
aliquæ
flammæ
Candelæ
sunt ro-
tundæ, &
flammæ
Camini
sunt al-
terius figu-
ræ.

PROPOSITIO LXX.

Flamma in spiritu Vini accenditur extra, & longè ab ipso spiritui, & ideo potest exprimi fursùm ab ambiente aëre.

Videamus modò an ex accensione Vini spiritus deducatur assertio levitatis positivæ. Et hîc denuò dico, quòd flamma spiritus Vini non est actu accensa in poris internis prædicti liquoris, sed sicuti de fumis lignorum dictum est, educitur è spiritus Vini fluore fumosa quædam massa rarissima, quæ in porositatibus fluoris, cùm retineri nequeat, ruptis carcerum repagulis ingenti impetu per orificia porosa undique fluorem ambientia eructat, & postmodum flammam concipit, accenditurque in aliqua sensibili distantia à dicto fluore: hoc confirmatur exemplo illius effluviij fumosi, egredientis ab aliqua titionis porositate, quod postmodum accenditur in distantia unius digiti ab ipso ligno, & speciem præbet fluo-

(M)

ris

CAP. IV.
Positivam
levitatem
non dari.

Cap. 2.

ris bituminosi lateralitèr defluentis, qui in aëre ignem concipiat. Cum igitur ab omnibus porositatibus spiritus Vini, & cujuslibet materiei accensibilis unde quaque sursùm, deorsùm, & lateralitèr fumosæ exhalationes egrediantur, quæ postea in ipso aëre aperto inflammentur & accendantur, non videtur difficile ut aër possit infra flammam accensam, & lateralitèr eam comprimere, & proinde expressione facta eam sursùm impellere: & notandum est, quod expressio, quæ ab aëre efficitur, non semper assimilatur ei, quæ ex compressione postica digitorum creatur, veluti Prunorum Nucleos à digitis posticè compressis Pueri projicere longè solent, utque adversarius existimabat, sed expulsio & expressio flammæ, facta ab aëre circumfuso, fit ut exigit ratio mechanica siphonis sursùm inversi, ut ex Elementis hydrostaticis constat, ut quæ melius inferiùs declarabitur, unde malè inferitur, quòd si flamma expulsa esset ab ambiente aëre, deberet fieri acuminata in ejus basi, & rotunda in ejus vertice.

PROPOSITIO LXXI.

Flamma in spiritu Vini accensa non debet ab aëre incumbente contundi, cum ab ejus pondere non exprimatursursùm, sed ab aëre collateralis infernè reflexo.

Postrema instantia, quòd aër flammæ superincumbens potiùs eam deberet contundere & dilatare, & deorsùm eam diverberare, non autem in acutiem sublimare, facilè solvitur, quia aër fluidus non solum supremus, & flammæ incumbens, sed etiam lateralis & infimus ob ejus gravitatem ad modum siphonis vel libræ non potest contundere flammam sed eam sursùm exprimere & impellere debet, atque aër supernus necessariò ad latera excurrere debet, & transitum minùs ponderosæ flammæ ascendenti concedere; nec obstaculum aliud ei inferet, præterquàm contusionem supremæ aciei flammæ, ut nimirum efficiatur vertex ejus aliquo pacto rotundus & contornatus, nisi adfuerit nova alia causa motum ejus accelerans, à qua proinde ejus vertex acuminari potest, ut superiùs dictum est.

Pergamus modò ad postremam difficultatem ab eodem Authore

rc

reallatam. Inquit enim: *sint dua Pila anea, una solida exigui ponderis, altera majoris, sed repleta incluso aëre, hæc sine dubio ascendit super aquam, non item minor, si ergo aqua deorsum tendens exprimit alteram Pilam, cur non reliquam? non igitur Pila movetur sursum, quia exprimitur, sed quia in se habet aërem natura sua levem.* Et huic profectò argumento nil aliud respondere possum, sed tantum monere Authorem ejus se non esse satis memorem doctrinæ Archimedis, ex qua deducitur ingentem Pilam æneam excavatam & aëre plenam minùs ponderare, quàm moles aquæ ei æqualis, & ideò gravitas aquæ major velut in libra sursum elevare debet minus pondus prædictæ pilæ æne-aëreæ, cum verò comparatur ænea Pila solida, licet parvula sit, illa tamen gravior est multò magis, quàm sit moles aquæ huic Pilulæ æqualis, cùmque comparatio fieri debeat inter duas moles æquales solidi nempè demersæ pilæ æneæ cum mole fluidi ambientis ei æquali, quia excessus ponderis penès pilam æneam existit, necessariò major ejus gravitas prævalebit, ideòque mergetur, & ad fundum descendet, ex quo patet prædictum argumentum non probare Pilam æne-aëream vim levitatis in se habere.

Positivam
levitatem
non dari.

Ejusdem
Authoris
nova diffi-
cultas.

Sed rejici-
tur.

Tandem operæpretium erit dissolvere novas difficultates à præclaro Authore evulgatas, quæ ab hac experientia desumuntur; sit Fistula vitrea RSVX, cujus latitudo sit duorum vel trium digitorum, altitudo verò sit unius vel alterius cubiti, repleaturque aqua, sed remaneat in ejus vertice portio aliqua aëris unius vel alterius digiti, postea foramine RX perfectè occluso, vel palma manus, vel operculo aliquo revolvatur Fistula, ut ejus infima basis SV in supremo loco emineat, videbimus aërem è fundo RX sursum ascendere, atque incurvari ad modum arcus, ex parte superiori ABC, & è contrà ex parte infima AGC, aut explanari, vel etiam cavitatem aliquam ad modum Scutellæ acquirere. Hinc prædictus Author infert certè deduci aërem sursum in prædicta Fistula ascendere propria virtute intrinseca levitatis, non per extrusionem factam ab aqua ambiente; quia, inquit ipse, *aër supernè fastigiatur ad modum disculi, ut facilius pervadat aquam, & quasi perforet illam, quia aër est, qui surgendo sursum aquam introit, & cedere sibi cogit, quasi cuneo in illius medio adactò, alioquin si dircò aër sursum tendit, quia ab aqua deorsum tendente*

TAB. IV.
Fig. 7.

Alia argu-
menta pro
levitate
positiva
desumpta
à pulcher-
rimo expe-
rimento.

(M 2)

exitu-

CAP. IV. *extruditur in superiora, aqua potius pervaderet cuneatim aërem; ut contingit in pluvia, vel saltem reunderet supernè illius tumorem, & infernè illum quasi forcipe comprimens constringeret ad figuram conoidem ejus partem infimam.*

Positivam
levitatem
non dari.

Pro resolutione harum difficultatum priùs methodo generali demonstrabimus, supposito quòd aër in aqua ascendat, non virtute propriæ levitatis, sed per extrusionem medii fluidi, tunc figura aëris ascendentis per aquam necessariò erit convexa supernè, & inferiùs excavata, & è contrà, supposito quòd aër interno principio levitatis per aquam ascenderet, deberet figura aëris ascendentis tumorem & rotunditatem habere, tùm ex parte suprema, tùm ex parte subjecta.

PROPOSITIO LXXII.

Et primo ostendendum est, quòd quodlibet fluidum intra aliud fluidum translatum sive virtute propria, sive aliena violentia impulsus, dum modo ejus partes non dissipentur in ipso fluido, in quo movetur, sed se mutuo contingant & uniantur, necessario tumorem & rotundam figuram acquirat in parte anteriori motus ejus.

Quodlibet fluidum homogeneum naturali instinctu videtur sponte coalescere, ac simul in suo toto partes suas conglutinare, ut videmus partes aëris libentè & avidè vicissim uniri, & difficiliùs ab invicem distrahi separarique; sic quoque partes aquæ uniuntur conglobanturque sphæricè, quotiescumque sibi mutuo approximantur, ita ut ex duabus guttulis una super aliam excurrendo, & se mutuo amplectendo unicam ampliorem guttam constituent, estque tam tenax hujusmodi unio, & vinculum partium aquæ, ut si contingat aquæ guttam pendentem distrahi ab aliqua violentia, illa attenuatur, & gracilescit elongaturque, & denuò, cessante violentia, restringitur recolligitur, conglobaturque, sic paritèr videmus aquam ad membranæ subtilissimæ extensionem redigi circa aërem spumam componentem, unde constat partes aquæ inter se vicissim colligari vinculo quodam: id ipsum observamus in vitro, & metallis fuis. Qualiscumque

igi-

igitur sit causa hujus vinculi & tenacitatis partium homogenearum ejusdem fluidi, vel quia ab aliquo glutine, seu viscositate uniantur, aut ab aliqua alia causa partes ejusdem fluidi se mutuò amplectentur, & connectantur, certum est tamen veram esse prædictam unionem, quotiescumque fluidum intra aliud fluidum alterius naturæ collocatur, ut oleum intra aquam, vel aër intra quodlibet aliud fluidum, non dissipabitur, sed tenaci quadam unionem conglobabitur, licet in motu poterit aliquo pacto ejus figura rotunda alterari. Hoc autem non contingit in omnibus fluidis cujuscumque naturæ sint, nam aqua intravinum, & Metalla fusa inter se commixta non segregantur, sed faciliè commiscuntur, confundunturque inter se. Et in hisce advertendum est adductam experientiam locum non habere, sed tantummodò in fluidis prius expositis non homogeneis inter se.

CAP. IV.
Positivam
levitatem
non dat.

Supponamus igitur fluidum ABC, verbi gratia aërem, vel hydrargyrum, moveri vi intrinseca, vel violenter impulsam in aqua intra Fistulam strictam RSVX contenta à termino B versus E: & quia spatium DNLF ubi fluidum ABC transportari debet, jam repletum & occupatum est à medio fluido aqueo, hoc autem ut locum cedat subintranti fluido ABC, necesse est ut hinc discedat transferaturque ad occupandum illud spatium, quod derelinquitur à fluido ABC, cumque corpus ABC unionem servet, nec dissipetur, igitur antè medium fluidum debet per ejus latera obliquè excurrere ad occupandas partes posticas derelictas à fluido ABC, scilicet fluidum ENDB movebitur ad partem sinistram versus A, & medium fluidum BFLE movebitur ad partem dexteram versus C, eruntque prædicti motus non æquidistantes axi EB, sed erunt inclinati per lineas obliquas, ut sunt EA & EC, & hoc necessitate quadam contingit, quia fluidum è loco ampliori SEBD pertransire debet per angustam viam AO, & reliqua fluidi medietas VEBF pariter ab amplo spatio perducì, ac pertransire debet per strictum locum CP, & hujusmodi viæ angustæ, cum sint lateri Vasis adhærentes, necesse est ut motus, & fluxus aquæ à situ B versus O & P obliquo itinere fiat impellendo, contundendo, & confricando superficiem corporis ABC, quod compressioni cedit ob ejus fluiditatem, igitur ABC accommodari debet situationi obliquæ pressionis corpo-

TAB. IV.
Fig. 8.

(M 3).

rum

CAP. IV.

Positivam
levitatem
non dari.

rum excurrentium à supremo loco B versùs O & P, quapropter necessitate quadam acquirit fluidum ABC tumorem & convexitatem, cujus vertex in parte ejus anteriori B existit. Et quia fluidum ABC, ut dictum est, diversæ naturæ ac consistentiæ est ab ipso fluido ambiente, in quo movetur, idè non commiscetur, neque vicissim confunduntur inter se, sed quodlibet eorum servabit unionem & connexionem suarum partium homogenearum. Hinc constat quòd fluidum ABC, dum fertur à B versùs E, necessariò acquirit figuram tumidam, & acuminatam versùs anteriorem partem motus ejus, & hoc semper verificari debet, à quacumque virtute motivæ transferatur, sive ab intrinseca & naturali, sive ab externa : & hoc propositum fuerat.

PROPOSITIO LXXIII.

Posito quòd fluidum violenter sursum exprimatur à fluido ambiente graviore, diversæque consistentiæ, infima ascendentis fluidi superficies explanata vel concava erit.

TAB. IV.
fig. 9.

Deinde fluidum ABC oleum, v. g. demersum in fundo alterius fluidi graviore, & diversæ consistentiæ, ut est aqua intra Fistulam strictam SX contenta, & supposito, quòd id ipsum fluidum ABC non ascendat in ipsa aqua à vi nativæ ejus levitatis translatus, sed expulsum per extrusionem à majori gravitate fluidi aquæ ambientis. Ostendendum est in hac hypothesi infimam & posticam partem AGC ejusdem olei ascendentis necessariò explanatam, imò excavatam fore; quia ex hypothesi pondus specificum aquæ ambientis superat specificam gravitatem olei ABC; jam si est moles aquæ collateralis FQPC æqualis medietati olei BGC, proculdubio aqua FQPC gravior erit oleo BGC, vel si moles inæquales sunt, aquæ momentum superat olei momentum, hisce verò inæqualibus ponderibus incumbunt, & subjiciuntur moles aquæ æqueponderantes, vel æqualium momentorum, ergo in siphone composito ex cylindri portione aquea VXKL, & ex cylindri portione EIKL composita ex aqua & oleo, inæqualiter premuntur partes aquæ subjectæ GPXI, quæ libram constituunt, nempe aqua CPXK majori nisu comprimitur ab aqua FQPC, quam

quam aqua GCKI prematur ab oleo BGC minus gravi, & ideo ex coroll. Pr. 10. oleum BGC fursùm impelletur ab aqua subiecta GIKC, & talis expressio fiet (ex Prop. 51.) tanta vi, quanta est gravitas excessus ponderis aquæ FQPC supra gravitatem olei BGC. Præterea quia aqua inter EB & LC, dum fertur deorsum ad occupandum spatium ab ascendente oleo derelictum, necessariò comprimit contunditque superficiem collateralem olei BC non duri, sed cedentis, estque motus obliquus per superficiem declivem BC, ergo spatium, seu alveus, per quod incumbens aqua pertransire debet comprehensum à superficie aquæ FCK directo, & non impedito motu fluentis, & inclinatam declivemque olei BC superficiem, continenter magis constringatur angusteturque, & proinde incumbens aqua velociori motu, & ideo impetu, & vi majori fluere cogatur per angustias C, quam per amplum alveum BFQ. Quare oportet ut vehementius & majori impetu & vi pars olei versus C deorsum comprimatur contundaturque, quam reliquæ partes olei propinquiores vertici ejus B; è contra aqua subiecta CKIG reflectitur fursùm, impellit, atque contundit infimam basim olei GC ea vi & impetu, quo collateralis aqua FCPQ excessu suæ gravitatis superat specificam olei ponderositatem. Patet ergo quod à duabus viribus contrariis, veluti prælo, comprimatur oleum BCG supernè ab impetu aquæ obliquè descendentis per BC, & infernè à vi aquæ reflexæ oleum sursum impellentis, cùmque vis & compressio, quæ supernè inferitur, inæqualis sit, vehementiori & validiori vi facta propè terminum C, & debiliori, versus verticem B, impulsus verò subiectæ aquæ IKCG, licet uniformis sit ubique, nihilominus propter minorem descendentis aquæ obfistentiam in B, quam versus C, fit ut vehementius oleum impellatur contundaturque à subiecta aqua reflexa versus axem IG, ubi nifum contrarium debiliorem offendit quam versus latera A & C, & propterea superficies subiecta olei AGC excavata erit ad modum Scutellæ, & hoc quidem necessariò efficietur non à vi intrinseca, & naturali levitatis ipsius olei, sed à supposita energia gravitatis fluidi ambientis, quod fuerat demonstrandum.

CAP. IV.

Positivam
levitatem
non dari.

PROPOSITIO LXXIV.

Si fluidum sponte à virtute intrinseca intra aliud fluidum diversa consistentia moveatur, in parte posteriori, seu termino à quo, sui motus, non erit excavatum, sed tumidam & convexam figuram acquirat.

TAB. IV.
Fig. 10.

Supponamus secundo loco fluidum ABC, quod sit aqua, gravius esse ambiente fluido (quod sit v. g. oleum) manifestum est aquam ABCH deorsum in oleo descendere ab I versum E, ab intrinseco principio suæ gravitatis impulsam. Dico jam quod eadem aqua in parte postica sui motus H, scilicet versum terminum à quo sui motus, non erit excavata ad modum Scutellæ, sed tumida & convexa erit. Quia cum primo aqua ABCH demergitur infra olei libellam RX, & inchoat prosequiturque suum descensum, necesse est ut oleum subiectum AEC è suo loco continenter recedat & recurrat, ad replendum locum posticum AMKC ab aqua derelictum; ergo aqua AHCB, & oleum ambiens motibus contrariis agitari debent, nempe aqua descendet, dum ambiens oleum ascendit, igitur ratione motus, oleum posticè recurrens non impellet aquam ictum fugientem, nec proinde ejus figuram AHC contundere & explanare poterit. Præterea aqua ABCH habet vim se movendi deorsum in oleo, hoc verò nullam facultatem se movendi deorsum in eodem oleo habet, cum in fluido sui generis iners æquibretur, ergo hoc nomine pariter aqua ictum fugiens, immò non impulsæ, nec percussæ ab oleo posticè recurrente non poterit contundi nec explanari, & hoc experientia patet, nam si Pila dura capillitium è filis sericis tenuissimis sibi annexum habuerit, & intra aquam filo deorsum, fursum, vel lateraliter trahatur, nunquam posticum capillitium contundetur explanabiturque, dum uniformi, non verò retardata velocitate Pila in aqua movetur. Et ab hac experientia luculenter evincitur somnium illorum, qui ajunt ad vitandum vacuum rapidissimo motu oleum posticè recurrere, & sic posse aquæ superficiem contundere & explanare. Quapropter aqua, excepto simplici contactu, in superficie AHC nullam contusionem aut percussionem patietur ab oleo superincumbente

MACK,

MACK, igitur necesse est ut aqua in AHC retineat eandem figuram, quam priùs habebat, sed ejus figura intra oleum unita & contornata esse solet ob naturalem partum ejus connexionem, & vinculum, & ob compressionem unde quaque factam à fluido ambiente, ut dictum est. Igitur dum aqua ABC descendit intra oleum postrema ejus basis AHC, scilicet versùs terminum à quo motus inchoat, ejus figura debet esse tumida, convexa, & contornata, cum è contra eadem aqua ascendens intra Mercurium, si extruderetur à fluido ambiente, necessario ejus postica basis versùs principium motus non tumida sed excavata esse debuisset, & hæc omnia ostendenda fuerant.

CAP. IV.

Positivam
levitatem
non dari.Ex prop.
73.

PROPOSITIO LXXV.

Si fluidum à principio intrinseco moveatur intra aliud fluidum diversæ consistentiæ, quod valde rarefieri & condensari queat, tunc multò magis tumida efficietur pars postica fluidi decurrentis.

Et hoc quidem verum est, quando fluidum ambiens, in quo aliud fluidum movetur sursùm vel deorsùm, non patitur sensibilem condensationem vel rarefactionem, veluti est oleum aut aqua; at si valde rarefiat condenseturque, ut aër propter velocissimum casum aquæ AHCB remanet aër posticus MACK valde rarefactus, ideoque inhabilis ut insequi possit aquam cadentem, & proinde nedùm aër incumbens guttam aquæ descendentem in H non percutiet, cum è contrà, ne ibidem, (ut vulgò creditur) vacuum remaneat ejus vertex tumidus H valde elevabitur prominebitque & sic videmus guttas pluviales secum trahere veluti caudam aqueam gracilem, tantùm abest ut posticè contusionem patiantur aut excaventur, & hoc clariùs percipitur si Pila aliqua lignea & dura, quæ habeat comam ex filamentis, seu pilis exilissimis, & nullius ferè ponderis compositam cadat deorsùm in aëre, tunc enim pili supremi assurgunt efficiuntque veluti caudam fluctuantem, non autem comprimuntur contundunturque versùs supremam partem ipsius Pilæ, quod est signum evidens nullam vim compressivam pati ab aëre superincumbente.

(N)

PRO-

CAP. IV.

Positivam
levitatem
non dura.

PROPOSITIO LXXVI.

Si oleum vel aër ascenderet in aqua sponte à vi sua levitatis impulsus, non posset ejus basis excavari ad instar Scutellæ.

TAB. IV.
Fig. II.

In prop. 74

Tandem demonstrandum est, posito quòd aër vel oleum ABCH ascenderet in ipsa aqua à propria & intrinseca virtute levitatis impulsus, quod esset absolute impossibile, ut ejus basis infima excavata esset ad modum Scutellæ; quia ex Adversarii hypothese oleum ABCH ascendit in aqua contenta in Fistula stricta RSVX propria virtute levitatis ab I versus E, nec ab aqua infima impellitur exprimiturque sursùm, ergò aqua MACK, quæ currit ad replendum spatium derelictum ab oleo, cum sit ex sui natura gravis, exercet vim sui ponderis ab H versus I, premeendo præcisè super fundum vitri RX, & nullo pacto vim exercere potest sursùm ab I versus H, hoc enim esset contra gravium naturam, & contra ipsam Adversarii hypothesim. Præterea quia oleum ABCH, & aqua ambiens motibus contrariis agitari debent, nempe oleum, ut leve, ascendet dum aqua ambiens descendet; igitur non sibi occurrat & adversantur, sed ab invicem conantur recedere; quare ratione motus aqua inferius & posticè recurrens non impellet oleum ictum fugiens, nec proinde ejus figuram AHC contundere & explanare potest. Igitur in hoc casu duo impetus inter se contrarii, & ab invicem recedentes reperiuntur levitatis olei, nimirum, sursùm ab H versus E, aquæ verò conatus inferius tendentis ab H versus I, igitur hæc duo corpora oleum AHCB, & aqua subjecta MACK se mutuo tantummodò tangent placidissimo amplexu absque ulla pugna & repulsu, ut nimirum aqua oleum non impellat, neque hoc illam repellat, igitur oleum ABCH multò minùs comprimi ac contundi debet in H ab aqua subjecta deorsùm premente, quàm contundebatur posticè ab oleo incumbente, quando nimirum intra oleum descendebat, & pondus ejusdem olei incumbentis patiebatur (in utroque enim casu recursus fluidi ad spatium replendum æquè reperitur, & proinde neque nocet, neque adjuvat prædictum effectum) sed ex ante præmissa Propositione aqua per oleum decidens à vi nativa gravitatis impulsâ retinet tumorem ele-

elevationemque convexam in postica parte ejus motus, igitur multò magis elevari deberet tumor in oleo per aquam ascendente in parte posteriore motus ejus, si ab intrinseca levitate elevaretur, quapropter erit omninò impossibile, ut oleum vel àër, dum ascendit per aquam, excavetur in parte infima ejus basis, quando nimirum sursùm fertur ab interno principio levitatis, quod demonstrandum fuerat.

CAP. IV.
Positivam
levitatem
non dari.

His præmissis examinari modò debent sigillatim oppositiones superiùs adductæ.

PROPOSITIO LXXVII.

Et primo loco dico, quòd figura inflata, convexa, & acuminata, quam àër acquirit in Fistula aqua plena in parte anteriori ejus motus, dum sursùm ascendit, non est argumentum efficax & evincens àërem sursùm moveri à principio intrinseco sue levitatis.

Quia demonstratum est corpora fluida cedentia & homogenea, si moveantur intra aliud corpus fluidum sive propria & intrinseca virtute motiva, sive ab impulsu factò à causâ extrinseca, aut ab ipso medio, necessariò in anteriori parte motus illius tumesceri, contornari, & aliquantisper acuminari debere, quapropter tumor, qui in àëre ascendente per aquam observatur, neque juvat, neque nocet, nec suadet, neque dissuadet levitatem positivam. Mirum tamen est non animadversam fuisse causam cavitatis ejusdem àëris in parte postica ejus motus, à qua cavitate, sicut ostensum est, evidentèr deducitur impossibile esse àërem ab intrinseco principio levitatis sursùm ferri, sed potiùs per extrusionem mediì fluidi sursùm elevari.

Prop. 77.

Cùm postea instat Adversarius, àërem, dum per aquam ascendit, acumen ejus sursùm porrigere, ut faciliùs terebrare & perforare aquam vi suæ levitatis possit. Hoc profectò negatur, quia licèt àër non sit levis, sed per extrusionem à medio fluido sursùm expellatur, efformare debet quoque eminentiam illam contornatam & acuminatam, ut demonstratum est.

Sed utile erit parumpèr circumstantias hujus experientiæ accuratiùs

(N 2)

Positivam
levitatem
non dari.

Circum-
stantia no-
tatu digna
in tali ex-
perimento
affertur ab
adversa-
rio.

TAB. IV.
Fig. 12.

ratiùs perpendere, inquit enim, *partem fistulæ superiorem con-
verte deorsùm, & erige fistulam perpendiculariter ad horizon-
tem, videbis enim aërem, qui in fundo fistulæ habuerat formam
cylindri occupantem totam cavitatem fistulæ in latum max ascen-
dere, & sic ascendere, ut se coarctans extendat in longum &
superiorem cylindri illius superficiem, qua plana erat ad modum
disculi, jam conoidem factam esse.* Itaque hic Author censet, quòd
quando Fistula RV perpendiculariter ad horizontem elevatur,
aërem ROPX, qui, dum supernè consistebat, cylindricam for-
mam habebat, etiam in hoc situ infimo perseverare posse per ali-
quod tempus in eadem figura cylindrica, quod profectò si verum
esset non faciliè reddi ratio posset quare, & quemadmodum à com-
pressione aquæ superincumbentis plana aëris superficies OP efficiat-
ur tumida & convexa, veluti est ABC. Alia igitur longè diversa
ratione res se habet.

PROPOSITIO LXXVIII.

*Causa separationis aërei cylindri è fundo Vasis est pondus aquæ
ambientis.*

TAB. V.
Fig. 1.

Intelligatur denuò Fistula RV plena aqua, in qua existat aë-
reus cylindrus PORX, in parte ejus suprema operculo XR clau-
sa, postea circa punctum V fixum revolvatur deorsùm. Fistula
transverendo nimirùm latus VX in locis VF, VG, VH, & VK,
manifestum est, quod in situ VF propter Vasis inclinationem su-
perficies PO aquæ POSV non perseverabit in eodem situ incli-
nato, cum aqua naturali instinctu æquabili situ ad horizontem pa-
rallelo disponi redigique debeat, quapropter à situ declivi PO
descendet inferiùs versùs superficiem BDA horizonti parallelam,
veluti exigit situs, & pendentia Fistulæ VFR. Hinc sequitur,
ut aqua excurrat ad occupandum spatium ODAR, à quo aër ex-
pulsus deveniet ad replendum spatium supremum ab aqua dereli-
ctum, scilicèt PEBD. Progrediamur modò ad situationem Fi-
stulæ horizontalem VG multò magis aqua insinuabitur infra aë-
rem dilatando finum ampliorem ODAIR, & multò magis in-
curvabitur aëris superficies EBD, tum à vi, qua fluida sese conne-
ctunt

Etunt conglabanturque, quotiescumque in fluido ipsis hetherogeneo collocantur, cum ab accessu novi aëris expulsi à cavitata infima DAIRO. Postquam verò magis Fistula deprimitur in situ valdè inclinato VH, eadem ratione profluat aqua versùs partem infimam, & omninò aërem separabit, divelletque à fundo Vasis, & proindè subintrabit ad occupandum spatium ODAICHR. Postremò perducta Fistula ad inclinationem omnium maximam in situ VK perpendiculari ad horizontem aqua, quæ jam insinuata fuerat circa & infra aërem tumefactum, & contornatum EBDC, tandè omninò aërem à fundo, & lateribus Vasis diveller, & proindè multò magis descensus & compressio aquæ ambientis per latera Vasis & aëris continuari potest; & universa hæc operatio pender, ut dictum est, non ab aëre sponte ascendente, neque ab ejus levitate, sed ab excessu gravitatis fluidæ aquæ ambientis, quæ in vertigine Fistulæ necessariò separat atque divellit aërem à lateribus & fundo Vasis, & sic via sternitur commodissima, ut continuari & prosequi pressio aquæ possit, unde aër sursùm expulsus continuare potest ejus cursum, si, inquam, hoc observatum & adnotatum fuisset, proculdubio ex mutatione figuræ planæ in tumidam in aëre ascendente per aquam non deduxisset prædictis Author aëris levitatem positivam.

CAP. IV.
Positivam
levitatem
non dari.

Sed posito quòd in vehementissima turbinatione retineretur paupersè aqua adhaerens fundo supremo Fistulæ, & proindè aër infimus saltem per brevissimum spatium cylindricam formam ORXP retineret, manifestum est, quod subito cessante impetu aqua ut gravior aëre deorsùm descenderet labereturque, aut in loco intermedio Fistulæ, aut ad latera, prout undulatio partium aquæ eam promoveret, & sic semper à descensu gravioris aquæ figura tumida & convexa aëris ascendentis crearetur, numquàm verò sponte ab ipsa levitate aëris.

Cum verò instat : Si idcirco aër sursùm tendit, quia ab aqua deorsùm tendente extruditur in superiora, aqua potius pervaderet cuneatim aërem, quemadmodum aqua decidens extra Fistulam subiectum aërem perrumpit, non verò illum ambiens intra se recipit. Hic primò noto, quòd non semper aqua cadens aërem penetrat, nam multoties penetratur ab ipso aëre, quando nimirum scinditur in plures partes, ut

Respondetur
singulis
oppositio-
nibus Ad-
versarii.

(N 3)

con-

CAP. IV.

Positivam
levitatem
non dari.

contingit in pluvia, vel potiùs quando è Fenestra catino aqua projicitur.

Sic paritèr massa pulveris terrestris è Turris vertice projecta licèt in principio sit unita, nihilominùs ab aère dissipatur dispergiturque, idemque accidit in fumo ascendente per aërem. Secundò noto, quòd partes aëris, ut dictum est, sponte sua connoctuntur colliganturque inter se, & proinde intra aquam positæ omnes uniri debent, atque simul conglobatæ per aquam ascendunt, non secùs, ac partes aquæ intra aërem, vel oleum vicissim uniuntur conglobanturque. Et tunc solummodò ab invicem segregantur subdividunturque, quando medium fluidum vehementi & irregulari motu fluidum per ipsum ascendens, vel descendens perrumpit dividitque, seù quia non omnes partes prædicti fluidi excurrentis æquali impetu moventur, vel quia laterales partes fluidi ab asperitatibus & contactibus laterum Fistulæ retardantur, seù ab aliqua alia causa detinentur: nil igitur ex hoc pro levitate positiva acquiritur.

Subdit postea idem Author, quòd *aqua supernè retunderet aëris tumorem, & infornè illum, quasi Forcipe comprimens, constringeret ad figuram conoidem ejus partem infimam.* Respondetur hoc falsum esse, quia ut jam demonstratum est, nunquam figura aëris per aquam ascendentis acuminata in ejus infima parte effici posset, sed necessè est, ut ab impulsu factò ab aqua graviore ibidem excavetur ad modum Scutellæ, & propter occursum & obstaculum aquæ supremæ, dum aër fluidus ascendit, tumorem & convexitatem supernè acquirat.

Cùm verò idem Author subdit, quod *si casu copuletur particula aliqua aëris cum oleo per aquam ascendente, constat quòd hujusmodi aggregatum velociùs ascendit per aquam.* Non video quidnam ex hoc deduci possit pro levitate positiva, imò nego quod non possit reddi *Physica & solida ratio, cur velociùs moveatur conjunctum illud ex oleo & aère, quàm oleum solum.* Et postea: *neque aquam citius descendendo expellere quoque citius oleum sursum, cum nec major moles sit aqua supra oleum, quàm antea.* Primò ajo nil referre an moles aquæ sit major aut minor, respectu olei & aëris, sed sufficit ut gravitas specifica aquæ multò major sit, respectu aggregati ex aère & oleo, quàm respectu soli

lius

lius olei, itaque in casu nostro moles aquæ, sive magna, sive exigua, in Fistula potest comparari cum oleo tantum, vel cum aggregato ex oleo & aëre; modò ex Archimedis doctrina eadem aqua gravior est specie aggregato ex oleo & aëre, quàm oleo solitario, & quò major fuerit differentia gravitatum specificarum, tantò major, cæteris paribus, est velocitas mobilis in fluido, & hinc constat quòd ea, quæ adducta sunt, ut maximè absurda nedum inconvenientia non sunt, sed è contrà necessitate mechanica contingere debent. Postremæ oppositioni, ubi ait: *Nec denique dici potest conjunctum ex oleo & aëre esse aliquid levius, quàm aquæ alterum tantum in eadem mole, ideoque aquam illud magis in gravitate excedere, quàm oleum seorsum sumptum, & proinde citius illius locum occupare vellè; nam si non datur levitas & particula aëris, habet aliquid gravitatis potius ex illa, & oleo factum est corpus gravius, quàm est solum oleum.* Ethic nil aliud respondere possum, nisi quòd hujusmodi ratiocinia condonari possunt iis, qui in doctrina Archimedis minimè versati sunt. Assertur enim, ut absurdum, quòd aggregatum ex oleo & aëre gravior sit absolutè solo oleo, quod profectò non negatur, est enim verissimum, sed tamen animadvertendum est, quod licèt prædictum aggregatum ex oleo & aëre gravitate absoluta magis ponderet, quàm oleum per se sumptum, tamen si gravitas specifica consideretur; erit aggregatum ex oleo & aëre minùs grave, quàm oleum solum, quia nempe pondus aggregati ex oleo & aëre, minorem proportionem habet ad gravitatem molis aquæ ei æqualis, quàm pondus solius olei habeat ad gravitatem aquæ molis prædicto oleo æqualis; scilicèt si aggregati ex oleo & aëre gravitas subdupla fuerit pondere molis aquæ sibi æqualis, pondus olei solius majus erit medietate ponderis molis aquæ oleo æqualis, & hinc fit ut majori impetu fursùm per expressionem impellatur aggregatum ex oleo & aëre à superabundanti gravitate aquæ circumfusæ, quæ majori differentia specificam gravitatem ejus superat, quàm moveatur oleum fursùm extrusum à pondere minùs excedenti ejusdem aquæ ambientis. Et hoc quidem si ritè percipiatur, tollentur & evanescent omnes difficultates, quæ contra prædictam doctrinam afferri possunt.

Præterea, quæ jam dicta sunt, assert idem Author alia experimen-

rimen-

Positivam
levitatem
non dari.

Nova ar-
gumenta
eiusdem
Auctoris
pro levita-
te positiva.

rimenta, ex quibus putat evidentè deduci posse existentiam le-
vitatis positivæ, quia inquit : *Cylindrus ligneus è fundo aque
sursùm tanto impetu fertur, ut multoties exiliat totus supra
aquam, ille igitur saltus indicium est impetus ab intrinseca levi-
tate facti, quia aqua non potest illud ultrà trudere quam sit ipsi
opus ut locum inferiorem occupet, nisi ipsa sursùm prius feratur,
quod est contra ipsius gravitatem.*

PROPOSITIO LXXIX.

*Lignum in aqua ascendens saltu supra ejus libellam exilit ob
impetum acquisitum in præcedenti motu, licet per extrusio-
nem fiat.*

Pro responsione ponamus Cylindrum ligneum in fundo aquæ.
Dico, quòd si id moveatur sursùm ab intrinseca vi levitatis, vel
ab extrusione medii fluidi aquei, necessariò velocitas ejus, dum
ascendit, continenter augebitur, quia, dum sursùm ascendit in
quolibet temporis instanti, eadem virtus motiva, aut levitatis,
aut externi impulsus, quæ semper eadem, & ejusdem energiz
est, pariterque extrusio à medio fluido pariter efficitur ab eadem
virtute impulsiva, quæ est differentia, vel excessus ponderis aquæ
supra pondus ligni ascendentis, cùmque gradus velocitatum à
ligno acquisiti ob impulsiones ei illatas non subito extinguantur,
sed perseverent, ut dictum est, igitur subsequentes impulsiones
imprimuntur ei mobili non inerti, sed jam agitati à præceden-
tibus impressis velocitatibus, & proinde successivo incremento
augebitur gradus impetus ejusdem ligni ascendentis. Igitur mi-
rum non est, Cylindrum ligneum, quando jam acquisivit in-
signem gradum impetus à continuato impulsu, & pressione
aquæ circumfusæ, sive ab interna ejus levitate positiva, mi-
rum, inquam, non est si ab aqua profiliat, & sursùm extra
aquæ superficiem propellatur : non igitur signum necessarium
est saltus, & profilitio ligni ab aqua levitatis ejus positivæ,
quandoquidem prædictus saltus effici potest in utraque hypo-
thesi, scilicet sive admittatur, sive negetur levitas positiva.

Sed ut apertè inefficacia hujus argumenti percipiatur, possumus
iisdem

Lib. de vi
excuss.
cap. 9.

issidem ferè verbis ostendere falsum esse, quòd à levitate positiva lignum sursùm impellatur, ait enim *saltum dependere non posse ab extrusione aqua ambientis, quia aqua non potest illud ultra trudere, quam sit ipsi opus, ut locum inferiorem occupet.* Dicam ego eodem modo contra levitatem positivam, quod non deberet ejus levitas propellere lignum plùs, quàm requirit recta dispositio & constitutio naturalis, quia nempe (subjiciam) non potest levitas lignum ultra sublevare, quàm sit ipsi opus, ut locum superiorem in aqua occupet, cùm sit nempe levitas nulla alia de causa ligno communicata ab ipsa natura, nisi ut una pars ligni demersa subfidat, altera verò supra eam in aëre emineat, non verò ut lignum integrum extra aquam colloct in ipso nempe aëre. Igitur concedat Adversarius necesse est, non expulsum fuisse lignum sursùm à levitate positiva supra supremam aquæ libellam, & hinc planè conjiciet sui argumenti inefficiam.

Prosequitur deinde : *quando Cylindrus erat in fundo, non potest inveniri, quæ pars aqua illum sursùm trumat, non illa quæ in fundo, suppono enim perfectum Cylindrum Physicè, & fundum Vasis exactè planum adeò ut nulla sensibilis pars aqua interlabi possit, quamdiù Cylinder vi detinetur ibi.*

Et hinc apertè conjicio, non benè perceptum fuisse modum quomodò medium fluidum sursùm impellat extrudatque lignum minùs grave ipsa aqua, & idèò operæpretium erit apertè & distinctè hoc declarare.

PROPOSITIO LXXX.

Nisi Lignum & ambiens aqua collateralis motibus contrariis sursùm & deorsùm simul tempore moveri queant, numquam Lignum in aqua ascendet.

Sit Vas ABCD aqua plenum, in cujus fundo apponatur Prisma ligneum EFGB, hic adest aqua Ligno incumbens AEFH, atque aqua collateralis HFID, quæ comprimit subjectum aqueum Prisma FICG. Dico primò, quod superincumbens aqua AEFH nequaquam sursùm impellit subjectum Lignum, imò id comprimit: neque præterea superna collateralis aqua HFID prædictum

(O)

Lignum

TAB. IV.
Fig. 13.

CAP. IV.

Positivam
levitatem
non dari.

Lignum elevat, sed tantummodò æquilibratur cum collateralis aqua AEFFH. Tantummodò ad rem nostram facit aqua, quæ ad latus ipsius Ligni apponitur FGCI, & hæc non semper sublevare potest Lignum BF, nisi habuerit duas conditiones, primò ut aqua FC descendere deorsum valeat, secundò ut eodem tempore eadem aqua Lignum GE impellere sursum possit. At quando hujusmodi motus contrarii ob aliquod impedimentum fieri simul non possunt, omninò Lignum quiescet in fundo ipsius aquæ, quia nimirum locum non habet libræ aut siphonis operatio. Hoc autem sic perspicuum fiet: supponamus Basim lignei Prismatis BG perfectè & exquisitè tangere fundum Vasis BC, scilicet si ambæ superficies fuerint explanatæ & lævigatæ, tunc profectò aqua FC, licet gravior sit ipso Ligno minimè excurrere poterit deorsum; cum non adsit aditus inter Ligni Basim BG & fundum Putei: innititur igitur atque sustentatur majus pondus aquæ FC à soliditate fundi GC ejusdem Putei, quare necesse est ut eadem aqua collateralis FC omninò quiescat, & proindè Lignum EG non ascendet sursum, nec expelletur ab aqua collateralis quiescente, quapropter habebimus libram BC non quidem convertibilem circa centrum G, sed stabilem & firmam, cum in ea minimè contrarii motus descensus partis GC, & ascensus alterius radii BG fieri possint simul & semel, unde mirum non est Lignum GE de fundo Vasis non ascendere.

PROPOSITIO LXXXI.

Vis motiva elevans Lignum in aqua est majus pondus collateralis aquæ, quæ descendere possit, & præterea motu reflexo infirmam Ligni Basim sursum impellat.

TAB. V.
Fig. 2.

Præterea dico, quòd non sufficit ut aqua collateralis FC solummodò moveri deorsum possit, sed oportet præterea ut reflectatur sursum infra Lignum GE ad hoc, ut lignum è fundo Vasis ascendat, quod constat hac experientia: Perforetur fundum Vasis GC, tunc profectò aqua FG, & ei superincumbens FD profluat descendendo per apertum orificium GC, nec proindè Lignum GE sursum ascendet, sed necesse est obturato foramine GC,

GC, ut aqua fluere, & insinuari possit inter Prismatis Basim BG, & fundum Putei, & tunc ascendit Lignum, si nimirum concipiatur Putei fundum magis depressum ut est MK, & aqua FC profluens repleverit spatium BMLG, efficietur siphon DKMA, cujus una pars aquea HK gravior est reliqua parte AL, & proinde majore vim compressivam habebit aqua HK, quam aqua & Lignum AL, & propterea deprimetur descendendo aqua FGK, elevabiturque motu contrario aqua LB una cum Ligno intumbente; necessario igitur requiruntur hi duo motus contrarii descensus aquæ gravioris FK, & ascensus aquæ LB; ut Lignum elevari possit. Hinc colligitur, quod vis motiva, quæ impellit ligneum Prisma GE fursum, est profecto gravitas aquæ collateralis FC, sed quatenus moveri atque descendere potest, & præterea quatenus fursum impellere valet aquam BL, & huic impulsui cedere debet minor vis deficientis gravitatis Ligni EG, & hæc est legitima & adæquata causa, quare Lignum à majori impulsu aquæ collateralis prementis fursum impellitur ab aqua, quæ infra ejus Basim insinuatur.

His declaratis accedamus jam ad difficultates Adversarii, in quibus supponit, quod dum ligneus Cylindrus GE exquisito & immediato contactu fundo Vasis adhæret, ipsumque veluti exoscilatur, licet Vas repletum aqua fuerit, Lignum sponte sua, & vi ejus levitatis fursum ascendere deberet. Sed quid facies, si experimentum huic assertioni refragatur? Et procul dubio si experimentum ita se haberet, ut ab ipso refertur, scilicet si Cylindrus ligneus GE exquisitè tangens superficiem fundi Vasis BG complanatam, & levigatam, essetque vas aqua repletum, & nihilominus Lignum fursum ascenderet, necessario asserere teneremur, & confiteri, Lignum, non à principio extrinseco per extrusionem, sed à vi naturali levitatis ejus ascendere.

Experi-
mentum
falsum ad-
versarii
pro levita-
te positi-
va.

PROPOSITIO LXXXII.

Experimentis evincitur non ob defectum levitatis positivæ, sed quia extrusio à medio fluido graviori fieri non potest Lignum in aquæ fundo quiescere.

Verum quia Lignum EG in aqua demersum non ascendit è
(O 2) fundo

CAP. IV.

Positivam
levitatem
non dari.

fundo Vasis, cui adhæret, imo ibidem sistitur & quiescit, igitur non inest in Ligno causa imaginata, que levitas positiva vocatur. E contrà quotiescumque fieri & exerceri potest extrusio medii fluidi, idest quotiescumque fluidum gravius fluere potest, & insinuari infra Cylindrum ligneum, semper subsequitur effectus ascensus illius, at quando (ut in nostro casu accidit) aqua subingredi inter duas superficies Ligni & fundi Vasis non potest ob exquisitum contactum & congruentiam, tunc non sequitur effectus ascensus ejusdem Ligni, veluti in balance pondus centum librarum non sublevabit contra positum pondus unciale quotiescumque illud impeditur, ut nequeat deorsum deprimi, igitur vera causa ascensus Ligni in aqua est extrusio facta à medio fluido, non autem levitas positiva in Ligno inexistens.

TAB. V.
Fig. 3.

Porro hoc experti sumus in Academia Experimentalis Mediceæ. Posuimus Pilam ligneam G in fundo Vasis ABCD, quæ tangebatur orificium EF concavitatis hemisphæricæ EIF in fundo Vasis excavatæ, postea replevimus Vas hydrargyro usque ad summitatem AD, nec tamen lignea Pila G fundum reliquit ascendendo sursum; & notandum, quod prædicta Pila non arctè orificio Vasis adhærebat & colligabatur, sed potius facillimè digitis dimoveri contorquerique poterat, unde conjicitur, quàm debili nexu fundum aut orificium acuminatum EF tangebatur. Quia postea insignis Peripateticus suspicabatur, quod præcipua causa detinens ligneam Pilam demersam infra hydrargyrum in fundo Vasis erat timor & abominium vacui, quod effici debuisset in illo spatio quotiescumque Pila sursum ascenderet; propterea, ut petiit prædictus Philosophus perforavimus fundum Vasis IH, ut nimirum è parte subjecta aer succedere posset ad replendum vacuum, & sic levitas positiva ligni G absque vacui periculo commodè sursum ascendere posset; hæc præparatione facta, illa lignea Pila fundum non dereliquit, nec sursum ascendit; nec pariter ascendit postquam foramen H occlusum denuò fuit; & cavitas subjecta EIF, & suprema AED repleta hydrargyro fuit. Unde deducere possumus Pilam non à positiva levitate elevari, sed potius ab expressione ambientis fluidi quotiescumque excurrere potest absque impedimento infra superficiem ejusdem Pilæ.

Per-

Perpendamus tandem postrema verba ejusdem Authoris, qui ait: *Sed quid dicent Adversarii si in fundo Vasis esset foramen amplum, angustius tamen cylindro, & occlusum, quod eodem momento aperiretur quo manus elevat virgam? certe enim aqua effluere deorsum, & tamen cylindraceum lignum illud tenderet sursùm. Agnoscant ergò in ligno illo levitatem aliquam, quæ impetum producendo sursùm versùs priùs natura movet ac pellit aquam, & causa est ut aqua corpus fluidum ita illi cedat, ut subintraret in illius locum, ne detur vacuum, eamque non exercere gravitatem altu, sed superiores quidem aqua partes impelli à cylindro ligneo, & cedere illi locum digrediendo ad latera, ut locum illarum partium impleant, quæ infernè subintrant in locum cylindri.* Et hic nil aliud respondere possum nisi mirari confidentiam securitatemque, qua asseritur experientia non sicuti revera se habet, utque à quolibet comprobari potest, sed veluti præjudicata opinio eis persuaserat.

CAP. IV.

Positivam
levitatem
non dari.Aliud falsum
experimentum
ab eodem
Auctore
allatum.

Sitigitur Vas ABCD, in cujus fundo aperiatur amplum foramen BC, sit postea ligneus cylindrus FE, cujus Basis HE paulò amplior sit foramine Vasis, ut nimirum possit ipsum præcisè occludere, obstruereque simplici contactu; repleatur postea Vas aqua usque ad AD, supponit Adversarius, quòd cylindrus FE non possit in fundo Vasis detineri, nisi deorsum vi impellatur virga quadam ferrea ML; præterea ait, quòd si occluso infimo foramine BC, eodem momento temporis recludatur os infimum, removeaturque virga ML, fore ut aqua exeat per infimum os BC, & lignum FE ascendat sursùm, quod, subdit ipse, est argumentum certissimum levitatis positivæ ejusdem ligni. Et hic primò observo contra Adversarii assertionem, quòd si basis cylindri HE zona circularis præcisè tangat, & exosculetur perimetrum orificii putei BC, tunc non requiritur epistomium ut aqua è vase non effluat, neque requiritur impulsus virgæ LM, ut prohibeatur ascensus cylindri FE è fundo Vasis, sed ibidem quiescet, veluti si tenacitè colligatus esset ab illo contactu simplici. Imo, quod magis mirum, si infima zona basis HE ipsius cylindri lignei non perfectè congrueret, neque compleret undique tangendo orificium infimum BC, sed per rimulas, vel angulos aliquos aqua deorsum efflueret, tunc neque opus haberemus virga impellente ML ut lignum præ-

TAB. V.
Fig. 4.

CAP. IV.

Positivam
levitatem
non dari.

dictum in fundo Vasis retineretur, sed sponte sua ibidem quiesceret, imò si quis conaretur sursùm trahere prædictum cylindrum FE filo aliquo ML tunc nedùm ut ejus basim divelleret à contactu orificiï BC, sed etiam post ejus separationem à fundo per aliquod exiguum intervallum, aliqua renitentia persentiretur, & vis aliqua trahens requireretur, alias sponte sua lignum ipsum decideret denuò ad occludendum Vasis orificium BC. Hinc videat Adversarius quàm jure exclamet, cum ait: *Agnoscant ergò in ligno levitatem aliquam, &c.* quia cum experientia totum oppositum ostendat, jure possemus ei reddere verba sua: Agnoscat ergo in ligno nullam levitatem inesse.

PROPOSITIO LXXXIII.

Supra foramen in fundo Putei apertum exercetur compressio ponderis columnæ aqueæ usque ad supremam ejus libellam extensæ.

TAB. V.
Fig. 5.

Et profectò ii, qui versati sunt in hac doctrina hydrostatica Archimædea optimè norunt, quòd quotiescumque in prædicto Vase aqua pleno aperitur os in ejus fundo BC, tunc adest cylindrus aqueus IBCK, qui comprimit, & vim facit proprio pondere supra quodlibet corpus impediens exitum ac fluxum prædictæ aquæ, quod quilibet experiri facillè potest, si palma manus occludat infimum Vasis orificium BC, percipiet enim compressionem & impulsus tanta vi factum, quanta est gravitas cylindri aquei prædicti, & hoc experitur nedùm quando palma manus vetat omninò effluxum aquæ, quam si aliquantisper manus sublevetur, ut possit aqua effluere. Hoc præmissis

PROPOSITIO LXXXIV.

Ex prædicta experientia evidentè ostendetur lignum in aqua nullam positivam levitatem exercere.

TAB. V.
Fig. 6.

Supponamus cum Adversario (si possibile est) Cylindrum ligneum FE sub aqua demersum vim exercere, ac tendere sursùm intrinseca vi suæ levitatis dum aqua collateralis per rimulas infi-

infimas H & E effluit è Vase : Sit verò energia levitatis ligni (ut æquum est) certæ & determinatæ mensuræ, quæ exprimi poterit à pondere corporis P suspensi in libra MO radiorum æqualium; Huic vi levitatis adversatur contrario nisi pondus superincumbentis Cylindri aquei IFGK, quod paritèr intelligatur termino M ejusdem libræ suspensum. Quoniam vis levitatis Cylindri lignei FE in aqua demersi semper eadem est, nec potest unquam diminui, cum sit æqualis vi illius ponderis, quod sufficit ad prohibendum ascensum prædicto ligno FE (ut constat ex Archimede) & è contrà pondus incumbentis Cylindri aquei IKGF potest successivè diminui in infinitum, prout ejus altitudo IF diminuta fuerit, sublata nimirum aqua è Vase ABD; fiat igitur vis ponderis aquæ IG minor energia levitatis ligni FE, scilicèt minor sit pondere P, quia verò minor vis superari à majori debet, igitur necessariò pondus P deprimet radium libræ NO, superabitque resistantiam diminutæ aquæ IG suspensæ in altera libræ extremitate M, scilicèt lignum FE (quod tangere officium vasis HE supponebatur) fursùm ascendet in ipsa aqua vi majoris suæ levitatis, sed hoc est falsum, & contra sensus evidentiam, numquam enim prædictus Cylindrus ligneus fundum deferit, nec fursùm ascendit, si tamen semper officio BC insistat, nec incutiat ut ad latus fundi basis transferatur, ubi major ejus basis pars insistit fundo stabili Putei, vel Cylindrus ipse transversè flectatur. Igitur verum non est lignum FE exercere nè minimum gradum impetus levitatis.

CAP. IV.

Positivam
levitatem
non dari.De insi-
dent. flui-
do lib. 1.
Prop. 6.

PROPOSITIO LXXXV.

Aliter id ipsum demonstrare.

Isdem positis, intelligatur præterea quòd vis levitatis prædicti Ligni, scilicèt pondus P æqualis sit energiæ ponderis incumbentis Cylindri aquei IG, tunc quælibet minima vis addita ponderi P deberet elevare usque ad supremæ aquæ libellam cylindrum FE, quod similiter est falsum, debet enim superaddi ponderi P aliud pondus R æquale ponderi lignei Cylindri FE.

PRO-

PROPOSITIO LXXXVI.

Præterea alio modo idem confirmare.

Tandem (in eadem hypothefi) fit vis levitatis positivæ ligni
 TAB. V. FE minor vi ponderis superincumbentis Cylandri aquei IG; (&
 Fig. 6. majoris claritatis gratia) fupponamus pondus P æquale excessui
 Ibidem. gravitatis aquæ molis Cylandro FE æqualis fupra pondus Cy-
 landri lignei prædicti; quia ex Archimede lignum FE tanto im-
 petu in aqua tendit fursum quanta est vis gravitatis prædicti ex-
 cessus. Modò pondus Cylandri aquei IG majus est pondere P,
 fcilicet vi levitatis ligni FE, igitur prædicta levitas à pondere
 aquæ incumbentis fuperabitur utpotè à majori virtute, & pro-
 indè lignum detinebitur in fundo Vafis, nec afcendet. Si poftea
 eidem terminolibræ O fufpendatur aliud pondus Q, æquale ex-
 cessui ponderis aquæ IG fupra gravitatem P, patet quod ut fupe-
 retur impedimentum, quod reperit lignum FE, ipfumque afcen-
 dere vetat, fufficiet vis ponderis Q, quæ est differentia ponde-
 ris aquæ prementis IG, & levitatis ligni FE. Sed hoc est falſum,
 quandoquidem præter pondus Q requiritur etiam pondus R,
 æquale ponderi abſoluto Cylandri lignei FE, & infuper requiri-
 tur pondus P, quod unà cum Q æquantur ponderi aquæ IG.
 Quapropter adeò falſum est ligneum Cylandrum FE virtute pro-
 priæ levitatis vim fursum exercere in aqua, ut potiùs deorfum
 premat, ut corpus grave.

Et hæcenus comparavimus vires comprimentes gravitatis fuper-
 incumbentis Cylandri aquei IG, & levitatis Cylandri lignei FE,
 reſtat modò ut pariter comparemus velocitates prædictorum cor-
 porum, fcilicet videndum qua velocitate lignum FE fursum
 à vi levitatis impellatur refpectu contrariæ celeritatis, qua aqua
 ABD per infimum foramen BC effluit: eo propemodum modo,
 quo Piſces contra curſum alicujus fluentis fluminis moventur,
 fi enim Piſcis velociùs natat, quàm aqua contrario curſu currat,
 procùl dubio Piſcis refpectu fundi & Ripæ, & ſpatii mundani
 contra aquæ curſum revera excurreret aliquantisper, quòd fi præ-
 dictæ duæ contrariæ velocitates æquales fuerint, licet revera Piſcis
 agite-

agitur, commoveaturque semper in eodem situ mundani spatii persistet, si tandem velocitas Piscis minor fuerit celeritate contraria fluentis, licet piscis natet, & verè antèrius excurrat in aqua, nihilominus retrocedet respectu spatii mundani, sed cursu magis tardo & lento, quàm flumen movetur.

CAP. IV.
Positivam
levitatem
non dari.

PROPOSITIO LXXXVII.

Alia ratione positivam levitatem non dari ostenditur.

Itaque eodem modo in Vase ABC aqua pleno, & infernè perforato in B intelligantur demersi globuli aërei, sed perpendiculariter imminentes super infimum foramen B, scilicet intra Cylindrum aqueum DBE, qui ad modum Fluminis intra aquam Vasis repleti defluit egrediturque per foramen B. Et supponamus majori celeritate, scilicet dupla, aquam fluere à D usque ad B, quàm globus aëreus G moveatur sursùm translatus à naturali ejus levitate, ita ut, quando aqua prædicti Cylindri fluentis transit spatium GI, debeat aëreus globus G sursùm impelli, & transigere spatium æquale IH subduplum ipsius GI, eo quod medium fluidum, in quo globus aëreus G ascendit non est stabile, sed deorsùm defluit, non secus ac Flumen, igitur quando aqua spatium GI transfegerit, globus aëreus contrario cursu medietatem itineris IH perficiet, quaproptèr ex hisce duabus contrariis velocitatibus resultabit tertia quædam celeritas, quæ æqualis erit differentiæ prædictarum oppositarum celeritatum, & ideo aër G descendet duplo tardiùs aqua ambiente; Quòd verò hoc sit falsum, experientia ipsa docet, si nimirum aqua DE atro colore tingatur, vel disperso pulvere terrestri paulisper turbida reddatur, tunc procul dubio particulæ illæ arenosæ graves, aut ob exiguitatem in ipsa aqua dum quiescit non descendunt, vel lento motu deorsùm feruntur à vi majoris gravitatis earum. Igitur quando aqua deorsùm fluit, videtur impossibile, ut graviores particulæ arenosæ minori velocitate transferantur deorsùm, quàm aqua ipsa, in quade gunt, quare bulla aërea G, quæ ut levis sursùm ascendere supponitur, non posset pari velocitate simul cum particulis terreis aquæ turbidæ deorsùm descendere, sed hoc est falsum,

TAB. V.
Fig. 7.

(P)

cum

Positivam
levitatem
non dari.

cum absque ulla differentia velocitatis deorsum ferantur una cum aqua turbida Cylindri fluentis; igitur verum non est, quòd aër G moveatur sursum à vi naturalis levitatis ejus translatus, cum aliundè, quando revera aër G principium motivum levitatis in se haberet, non posset ullo pacto in aqua ipsum non exercere.

PROPOSITIO LXXXVIII.

Confirmatur aërem ab ambiente aqua per extrusionem sursum impelli.

Et contrà, quando Globus aëreus G nullam prorsus levitatem haberet, & solummodò per extrusionem factam à gravitate fluidi ambientis elevaretur, nullo pacto in tali casu posset aqua ab inferiori situ H sursum impellere aërem G, propterea quod aqua DB cogitur excurrere deorsum per Valis apertum foramen B, & ideò non potest motu reflexo sursum impellere aërem G. Igitur necesse est ut globus aëreus G deferatur à vi fluentis aquæ, ut ipsa experientia ostendit. Unde colligitur, quod nullum ex aductis & excogitatis experimentis usque adhuc evincere persuadereque potest existentiam levitatis positivæ, & è contrà, semper multò magis confirmatur, demonstraturque ejus non existentia, quapropter fatendum est, corpora, quæ levæ appellantur, sursum impelli per extrusionem à fluidis ambientibus gravioribus.

Sed coronidis loco afferam demonstrationem à me excogitatam, absolute non dari in natura positivam levitatem, utque commodius hoc efficiam primò nonnullas suppositiones sensui manifestas proponam & deinceps aliqua lemmata ex principiis mechanicis desumpta demonstrabo.

DEFINITIO I.

Et primò noto, quòd corpus sive simile, & homogenum, sive heterogenum, tunc vocatur existimaturque rarius specie, quàm aliud, quando sumptis æqualibus molibus eorundem illud minorem copiam materialis substantiæ corporeæ, & sensibilis comprehendit in eodem spatio, quàm istud, quod profectò
con-

concipi potest, si intelligatur minor copia materiei sensibilis in majori spatio corporis rarioris, extensa per interpositionem inanum spatiorum. Positivam levitatem non dari.

DEFINITIO II.

Si verò moles æquales, sive inæquales non considerentur, & raritas in una earum contenta major fuerit raritate alterius, tunc dicetur illa raritas absolute major reliqua, sive excessus raritatis extensivè in majori mole multiplicetur, sive intensivè in minori mole augeatur.

Sup. 8.

SUPPOSITIO VII.

Præterea suppono ex Aristotele, raritatem alicujus corporis multiplicari & augeri in infinitum posse, prout substantialis moles corporea, quæ in eodem spatio continebatur, successivè immittitur, & post diminutionem extenditur expanditurque ut repleat id ipsum spatium, quod prius à non imminuto corpore occupabatur.

SUPPOSITIO VIII.

Suppono præterea, quòd vis, quæ requiritur ad separanda duo corpora se mutuò tangentia immediato & exquisito contactu, (quod accidit quando eorum superficies sunt omninò similes, & optimè lævigatæ) non est infinita, sed determinata, quia nimirum sensus evidentia ostendit, quod si potentia motiva augeatur semper magis ac magis, ne dum corpora se mutuò tangentia separantur, & ab invicem divelluntur, sed etiam corpora illa, quæ continua censentur, ut est Columna Marmorea, vel Virga Metallica, tandè à vi trahente distrahitur evelliturque directo motu una pars ab altera, quæ tenaciori glutine vinculoque uniuntur, quàm illa duo corpora se mutuò tangentia, & simplici contactu unita.

PROPOSITIO LXXXIX.

Verum prædictam vim, quæ requiritur ad separanda duo corpora se mutuò tangentia, possibile est mediante libra mensurari hac ratione.

Sit Cylindrus CAB, cujus basis AB perfectissimè explanata

TAB. V.
Fig. 8.

(P 2)

&

CAP. IV. & lævigata congruat exosculeturque superficiem Pavimenti DE, pari diligentia complanata & lævigata, & cautionis gratia, ut tuti omnino simus aërem ambientem penetrare, ac ingredi non posse inter prædictas duas complanatas superficies, possent colligari tùm Cylindro, tùm Pavimento duæ laminæ vitreæ AB & DE, aut alterius substantiæ durissimæ, quæ instar Speculi explanatæ & levigatæ sint; postea comprimantur una super alteram intrâ aliquod fluidum visibile, veluti est aqua vel hydrargyrum, ut nimirum visu constet nihil omnino intercipi inter prædictas duas superficies, dum nimirum una earum trahitur, ut ab altera divellatur. Colligetur postea Cylindri extremitas C termino H trochleæ, vel libræ HK radiorum æqualium, cujus centrum I, & reliquo extremo K suspendatur pondus N æquale gravitati absolutæ Cylindri AC. Profectò manifestum est sensui non sufficere pondus N, ad separandum & divellendum Cylindrum AC à Pavimento DE, sed requiritur aliqua vis multo major illa, quæ reperiri assignariquæ poterit, non enim est in finita; igitur si addatur continenter pondus ponderi termino K tandem deveniemus ad pondus aliquod, ut est O, à quo Cylindrus CA directâ tractione divelli à Pavimento poterit. Quia verò duo pondera N & O directè divellunt Cylindrum AC, & hic resistit separationi duabus viribus, proprii scilicet ponderis, æqualis nempe ipsi N, & vi contactus, & repugnantia ad vacuum admittendum. Igitur remanens vis ponderis O æqualis erit, & aucta superabit vim connexionis duarum superficierum se mutuo exquiritè tangentium.

Sup. 8.

Non defuit tamen qui hunc progressum in dubium revocare ausus sit, & sic inutilem ac inefficacem universam demonstrationem subsequenter reddere, quæ in prædicta experimentalis operatione fundatur. Nucleus difficultatis talis est, non videri possibile Columnam AC unquam posse motu tam directo fursum trahi, nec libra, nec trochlea, ita ut non flectatur inclineturque, & hoc (inquiunt) nullo pacto humana diligentia assequi posse; imò asserere ausi sunt, quòd si Funis HC directè traheretur perpendiculariter nimirum ad planum horizontis, & ad basim DE, nunquam à quacumque vi divelli Columna posset, nec superari resistentia ad vacuum, quod profectò subsequeretur in actu violento

sepa;

separationis superficierum AB & DE. Si verò (ajunt) applicetur vis transversaliter, ita ut latus BC columnæ angulum constituat cum linea tractionis, tunc facile separari, ac divelli ab invicem poterunt prædictæ superficies.

CAP. IV.
Positivam
levitatem
non dari.

Hujusmodi cavillosa responsio condonari potest iis Philosophis, qui mathematices imperiti sunt.

PROPOSITIO XC.

Potest facili negotio præcisè innoscere resistantia illa absoluta & totalis, qua requiritur ad separationem illam directam, & ad horizonsem perpendicularem efficiendam ipsius Columnæ à fundo Vasis, quotiescumque constet quanta vis requiritur ad eam separandam impetu obliquo ab eodem solo.

Sit denuò Cylindrus AC, cujus basis AB lævigatissima, contactu perfecto superficiem Pavimenti DE pariter lævigatam tangat, & vis M transversali directione CM perpendiculari ad CB trahat terminum Columnæ C, & valeat hujusmodi potentia divellere superficiem AB ab ipso Pavimento, sitque prædicta potentia M æqualis ponderi R, & quam proportionem habet semissis diametri AB basis prædictæ Columnæ ad suam altitudinem BC, eandem habeat pondus R ad aliud pondus S; ostendendum modò est vim ponderis S æqualem esse totali resistantiæ contactus duarum prædictarum superficierum, seu potius æqualem esse vi, qua vacui resistantia superatur, vel potius pondus S sufficere ad divellendam Columnam à pavimento directæ tractione, scilicet detinendo & transferendo basim AB semper æquidistantem plano basis DE. Quia in actu separationis superficiei AB à pavimento debet punctum ejus B contingere, & inniti ipsi pavimento, & angulariter sublevari terminus oppositus A, unà cum tota basis superficie AB, efficiendo nimirum angulum cum pavimento plano DE; & hic observari debent loca ubi duæ vires applicantur, scilicet resistantia, & ejus quæ eam superat, & per quam directionem trahunt & vim exercent; & patet, quòd resistantia in omnibus punctis inferioris superficiei AB existit, suntque veluti totidem fibræ perpendiculariter erectæ ad planum sub-

TAB. V.
Fig. 9.

(P 3)

jectum,

jectum, quæ cum eo conjunguntur colliganturque; è contrâ vis movens M vectem CB adhibet circa centrum firmum B , & quia universa resistentia uniformiter distribuitur per totam basis superficiem AB , reducitur, & perindè resistit ac si in centro aggregati prædictarum fibrarum collocata esset, centrum verò omnium fibrarum prædictarum idem est ac centrum I , quod est centrum ejusdem basis; quapropter maximus conatus universæ resistentiæ ad divulsionem exercetur in centro I circuli AB . Habebimus igitur Vectem inflexum CBI , in quo vis movens M applicatur in C , resistentia verò applicatur in I , & fulcimentum, seu centrum revolutionis Vectis CBI est punctum B , quod fixum perseverat dum circa ipsum motus & revolutiones partium vectis fiunt; Quapropter, juxta leges Mechanices, resistentia totalis ad divulsionem & separationem superficiæ AB ab ipso pavimento ad vim moventem M eandem proportionem habebit; quam Vectis longitudo CB ad oppositam ejus portionem BI , scilicet habebit eandem proportionem, quam pondus S habet ad pondus R . Verùm pondus R æquale erat potentiæ M , igitur pondus S æquale erit resistentiæ absolutæ & totali, quam exercet superficies AB , quando divelli & separari debet à superficie pavimenti tractione directâ. Hinc deducitur quòd si pondus O Propositionis 89. divellit Columnam à pavimento directione & impetu transversali, & perpendiculari ad latus Columnæ, poterit nihilominus indagari resistentia absoluta & totalis contiguitatis, vel repugnantia ad vacuum earundem superficierum, eritque talis vis absoluta tanto major pondere O , quantò altitudo Columnæ CB major est semisse diametri AB , & sic si vis transversaliter Columnam divellens, æqualis esset ponderi trium librarum, v. g. & altitudo Columnæ CB decies major radio basis, tunc totalis resistentia prædictæ contiguitatis, seu repugnantia ad vacuum admittendum, æqualis erit potentiæ ponderis triginta librarum. Quapropter constat, quòd vis, quæ requiritur ad resistentiam contactus directè superandam, licet major ut plurimum sit, quam ea quæ actu exercetur, nihilominus finita, & determinata est, & facili negotio indagari, mensurarique potest. His declaratis, pergo ad demonstrandum, quòd

PROPOSITIO XCI.

Positivam
levitatem
non dari.

Dato quolibet corpore duro homogeneo, aliud illi æquale reperiri potest, cujus raritas absoluta ad illius raritatem majorem proportionem quolibet data ratione majoris inæqualitatis habeat.

Sit Cylindrus solidus ABC, & quælibet data ratio majoris inæqualitatis T ad V, & fiat RS major quàm T, reperiri debet Cylinder æqualis ABC, cujus raritas absoluta ad raritatem ABC sit ut RS ad V. Secetur portio Cylindrica AD, & RX proximè major quam V, & fiat Cylindrus solidus EF æqualis AD, cujus raritas in specie ad raritatem ipsius AC sit ut RX ad V; postea fiat alius Cylindrus, sive fluidus, sive solidus FG æqualis DB, ita ut illius raritas in specie ad raritatem ejusdem AC sit ut XS ad V. Igitur duæ antecedentes RX & XS ad V, scilicet RS ad V, eandem proportionem habebit quam raritas specifica aggregati ex EF & FG ad raritatem AC, suntquè moles EH & AC æquales, ergo eorum raritates absolutæ sunt proportionales specificis, scilicet se habent ut RS ad V. Quod erat, &c.

TAB. V.
Fig. 10.

PROPOSITIO XCII.

Cylindrum compositum ex duobus Cylindris inæqualitèr raris transformare in Cylindrum similiter excavatum, cujus pars continens homogenea, & æqualis sit uni illorum, pars verò excavata homogenea & æqualis sit reliquo.

Sit datus Cylindrus solidus AC, compositus ex duobus Cylindris AD, & DB inæqualitèr raris alium Cylindrum similiter excavatum æqualem & similem illi describere, cujus pars continens æqualis & homogenea sit ipsi AD, contenta verò æqualis, & homogenea sit ipsi DB, reperto centro Q cylindricæ figuræ AC jungantur rectæ AQ, BQ ad terminos lateris Cylindri AB, & fiat triangulum ENF simile & æquali ipsi AQB. Postea inter AB, & MB reperiantur duæ mediæ proportionales, quarum major sit PB (ut docuimus lib. 5. conic. Apoll. lemm. 7.) dein-

TAB. V.
Fig. 11.

CAP. IV. deinde in triangulo ENF ducatur IK parallela EF, & æqualis ipsi PB, & ducta RNS parallela ipsis EF & IK, revolvatur figura circa axim RS, ut fiant duo Cylindri concentrici EFGH & IKLO; intelligatur modò spatium internum IKLO repletum substantia homogenea ipsi Cylindro DB, & residuum ambiens EFGH expleatur ex eadem substantia corporea ipsius AD; & quia AB ad MB, sive Cylinder AC ad Cylindrum MC, vel Cylinder EG ad Cylindrum IL triplicatam proportionem habet lateris AB ad PB, vel EF ad IK; ergo Cylinder AC ad MC eandem proportionem habet; quam integer Cylindrus EG ad cavitatem cylindricam IL, & per conversionem rationis Cylinder AC ad Cylindrum AD se habet ut totus Cylindrus EG ad partem continentem EKG. Suntque Cylindri AC & EG æquales, cum sint similes, & similiter positi circa latera æqualia AB & EF, igitur Cylinder excavatus EKG æqualis est sibi homogeneo Cylindro AD, proindeque Cylinder IL æqualis & homogeneus erit ipsi MC, quod fuerat.

Vis compressivæ
extensivæ
augetur
multiplicata mole
corporis.

Intensivæ
verò dissipata, &
condensata materia.

Gravitas prædictæ
gravitatis
inensuratur à vi
contraria,
quæ depressionem
ejus prohibere
potest.

Hic non agitur de
velocitate
descensus,
sed de vi compressiva.

Vis fursùm
impellens,

His præhabitis noto, quòd cum agitur de facultate seu principio, quo corpora vim faciunt tendendo deorsùm, quærimus tantummodò gradum virtutis compressivæ eorum, quæ procul dubio à gravitate seu pondere eorum mensuratur, hoc verò duplici modò augeri posse constat, aut per multiplicationem ejusdem corporis, ut cum lignea Columna augetur mole, aut cum substantia corporea, & plena in eodem spatio disseminata & contenta magis stringitur, condensatur dissipaturque, & primum vocatur augmentum gravitatis extensivum, reliquum verò intensivum. Regula verò, qua mensurari potest gradus prædictæ gravitatis commodè desumitur à vi contraria, quæ depressionem ejus prohibere potest, & hic notandum est minimè nos sollicitos esse de velocitate motus, qua deorsùm eadem gravia feruntur sed tantummodò considerare vim, & conatum ponderis ejus, qui in libra à vi oppositi æquipondii præcisè mensuratur.

SUPPOSITIO IX.

Non secus quando agitur de vi & energia, qua corpora, quæ levia appellantur fursùm moveri nituntur, quæritur non veloci-

tas,

tas, sed vis, quæ fursùm impellit, quæ levitas appellari solet, & hæc quoque duplici modo augeri potest, aut extensivè, aut intensivè, scilicet aut multiplicando molem ejusdem corporis levis, ut sphaera aëris palmaris octies majorem levitatem habebit, quam sphaera ejusdem aëris semipalmaris, propterea quod vis illa levitatis tantundem multiplicatur, quantum massa ejus corporea extenditur, cum omnes partes ejusdem aëris æquè leves sint & æquè raræ, requiraturque vis contraria prohibens illius ascensum octies major quam in hujus aëris minori mole requiratur. Secundo modo augeri potest levitas expandendo & rarefaciendo substantiam corpoream & plenam, ut nimirum majus spatium occupet, & in hoc casu comparari debent spatia occupata, sive moles æquales inter se, & cum medio fluido in quo levitant, ut si fuerint duæ Pillæ æquales, una aquea, altera aërea intra mercurium demersæ, dicetur major levitas intensivè aëris respectu levitatis aquæ, & levitates eandem proportionem habebunt, quàm raritates molium æqualium aëris & aquæ in mercurio consideratæ habent. Et hoc evidentia sensus suadet, si enim intra hydrargyrum demergatur ampulla vitrea plumbo repleta, hujus quidem gradus levitatis mensuratur à vi contraria, quæ ascensum ejus in mercurio prohibere potest, sitque talis vis contraria pondus duarum unciarum superpositum, & intra mercurium fixè detinens natantem ampullam. Si postea plumbi uncia è cavitare ampullæ subtrahatur, patet quod tantum præcisè totius ampullæ raritas aucta erit, quantum diminuta fuit substantia corporea ponderosa intra ampullam ejusdem molis, & figuræ contenta, & tunc gradus levitatis præcisè augebitur una uncia, nam si velimus ascensum ejusdem ampullæ prohibere superponi debent non duæ ut prius, sed tres unciæ, postea si ampullæ raritas denuò augeatur detracta altera plumbi uncia, gradus quoque levitatis eadem mensura crescet ut nimirum requirantur quatuor unciæ ad prohibendum ejus ascensum è mercurio, idemque verificatur si ulterius pondus internum ampullæ diminuat; quare incrementa levitatis proportionalia sunt incrementis raritatis ejusdem corporis.

Hinc inferri licet, quòd si raritas non est causa effectiva, motus fursùm, seu levitatis, requiritur saltem raritas tanquam affectio necessaria, sine qua levitas minimè augeri potest, sed oportet

(Q)

Positivam
levitatem
non dari.

quæ levitas
vocatur,
augeri po-
tèst exten-
sivè multi-
plicato
eodem
corpore
levi.

Intensivè
verò rare-
faciendo
idem cor-
pus.

Incremen-
ta levita-
tum pro-
portiona-
lia sunt in-
crementis
raritatum
ejusdem
corporis
ejusdem-
que molis,
& mensu-
rantur à vi
ponderum
prohiben-
tium ele-
vationis.

Si raritas
non est
causa ef-
fectiva as-
census le-
vium, re-
quiritur
tamen ne-
cessario,

Positivam
levitatem
non dari.

ut raritates in aliquo medio fluido considerentur, non autem absolute & in vacuo.

PROPOSITIO XCIII.

Raperire modò possumus corpus, quod in dato fluido ascendat tanta vi sursum, quæ superet quancumque finitam vim.

TAB. VI.
Fig. 1.

Sit Vas ABC, repleaturque fluido M, quod sit aqua vel hydrargyrum, & sit quælibet vasta vis motiva R, debet reperiri corpus, quod in prædicto fluido innatet, atque ab ejus fundo sursum ascendat tanta vi & energia, ut seperet vim datam R, sumatur Cylindrus DE cujuscumque solidæ materiei consistentisque, earum tamen, quæ in prædicto fluido M innatant, & vis qua corpus DE ascendit è fundo fluidi M sit S: postea (ex duabus præcedentibus Propositionibus) reperiatur Cylindrus excavatus FG, cujus externa figura sit æqualis & similis ipsi DE, ita ut raritas absoluta ipsius FG ad raritatem alterius DE majorem proportionem habeat, quam R ad S, & quia (ex 9. Suppositione) impetus & energia, qua Cylindrus FG sursum fertur in dato fluido M ad eam vim, qua Cylindrus DE priori æqualis sursum fertur in eodem fluido eandem proportionem habet, quam raritas corporis FG ad raritatem alterius DE, habentque prædictæ raritates nedum absolute, sed etiam in medio fluido mercuriali consideratæ, majorem proportionem, quam R ad S; igitur vis & robur, quo Cylindrus FG sursum ascendit in fluido M ad eam vim, qua elevatur ibidem Cylindrus DE majorem proportionem habebit, quam R ad S; erat verò S vis, qua solidum DE sursum transferebatur in fluido M, ergò validitas & energia, qua ascendit Cylindrus FG in eodem fluido major erit quàm R, & hoc propositum fuerat.

Sed possumus facilius & breviori apparatu problema absolvere, si modo moles corporis innatantis intra aliud fluidum simpliciter augeatur multipliceturque.

SUPPOSITIO X.

Ut præcedens problema facilius effici possit, prius præmitti debet, quòd quando agitur de vi & energia levitatis, sensu constat

stat duas æquales moles ejusdem corporis homogenei , v. grat. ejusdem Ligni æquè leves esse, scilicèt exercere conatus impulsivos fursùm inter se æquales in eodem fluido, in aqua nempè, ita ut impelli deorsùm debeant ab æqualibus ponderibus ad hoc ut vetentur eorum ascensus, & fixè infra supremam aquæ libellam detineantur. Paritèr certum est inæquales moles ejusdem Ligni inæquales vires levitatum in aqua habere, & inæqualibus conatibus & viribus fursùm impellere; nam si ex Ligno majori secetur auferaturque una pars æqualis moli Ligni minoris, hæc cum sint æquè leves, molesque æquales habeant, ut nimirum prohiberi eorum ascensus non possint, nisi ab æqualibus ponderibus incumbentibus, videtur impossibile ut excessus ille Ligni majoris supra minorem (cùm sit ejusdem naturæ ligneæ proindeque levis) vim fursùm non exercent pro mensura suæ quantitatis, & proinde requirat vim contrariam alicujus ponderis incumbentis, ut ejus ascensus prohibeatur.

Positivam
levitatem
non dari.

PROPOSITIO XCIV.

Hoc supposito, demonstrabo quòd dua moles ejusdem levis corporis fursùm impellendo in eodem fluido exercent vires, quæ eandem proportionem habent, quam moles ipsæ.

In Vase FDE, aqua pleno, vel alio fluido, demergantur duæ inæquales moles ejusdem Ligni, quæ scilicèt æquè raræ sint specie, ut sunt ABC & HIK, sitque S levitas seu vis, qua Lignum ABC fursùm ascendit, atque R sit levitas alterius HIK. Dico quòd levitas S ad R eandem proportionem habet, quam ligneæ moles ABC ad molem HIK. Ponatur levitas aut vis elevans N, quæ habeat ad R quamlibet proportionem commensurabilem ex infinitis, quæ proponi possunt, pariterque fiat moles BM ex eodem Ligno constans, quæ ad HIK se habeat ut N ad R, manifestum est, quòd quotiescunque Lignum BM æquatur Ligno ABC, tunc paritèr vis levitatis N æqualis erit ipsi S (cò quòd moles æquales ejusdem Ligni fursùm æquali vi levitatis impellunt) & quotiescunque Ligni moles BM major fuerit, quàm ABC semper levitas N major erit levitate S, & quando

TAB. VI.
Fig. 2.

(Q 2)

Lignum

CAP. IV.

Positivam
levitatem
non dari.Lib. 3.
Prop. 24.Diversitas
figurarum
non alte-
rat præ-
dictam
proportio-
nalitatem.4. de Cælo.
Cap. 6.

Lignum BM minus fuerit quàm ABC, erit quoque levitas N minor quàm S, & habent BM, HIK, & N & R quamcumque proportionalitatem commensurabilem, igitur (ex nostro Euclide restituto) moles lignea ABC ad molem HIK eandem proportionem habebit quam vis levitatis S, qua nimirum ABC in aqua ascendit ad levitatem R, qua corpus HIK elevatur in eodem fluido, quòd fuerat &c.

Si quis fortè suspicaretur ex figurarum diversitate prædictorum corporum levium, licèt ejusdem consistentiæ homogeneæ sint, & eundem gradum raritatis habeant, alterari posse jam dictam proportionalitatem, monendus profectò est, quod præter Aristotelis assertum, ubi ait, quod *figura non sunt causa simpliciter ascensus vel descensus corporum in fluido, sed tantummodo tardioris vel celerioris motus*, id ipsum postea demonstratum fuit ex Mechanicis principiis à Ghetaldo & Galilæo. Attamen in casu nostro non requiruntur figuræ corporum ascendentium omninò diversæ & dissimiles inter se, quia æquè benè nostræ demonstrationi aptari possunt Cylindri æquè alti & inæqualium basium, sive contra, si bases æquales sint, altitudines sint inæquales. Hoc præmissò libet id ipsum problema alia ratione resolvere.

PROPOSITIO XCV.

Dato quocumque fluido, in quo corpus aliquod solidum innatare valeat, reperiri debet moles quam habere debet, ut in eodem fluido ascendere possit tanta vi, ut superet quamcumque finitam virtutem motivam.

TAB. VI.
Fig. 3.

Sit Vas FDE, impleaturque fluido M, aqua nimirum, aut quolibet alio consistenti fluido, Sumatur postea ligneus Cylinder ABC, vel quælibet alia materia, quæ in prædicto fluido innatet, sitque quælibet immensa, sed tamen finita vis R, debet reperiri moles & amplitudo, quam habere debet corpus aliud homogeneum ipsi ABC, ut tanta vi in fluido M ascendat, quæ major sit virtute motiva R. Immergatur in eodem fluido Cylinder ABC, ejusque levitas in fluido, seu vis, qua nititur in eo ascendere sit S. Postea fiat Cylinder HIK similis homogeneus, & ejusdem materiæ ac

est ABC, & tantæ vastitatis, ut ad eum moles ABC minorem proportionem habeat, quam S ad R, scilicet sit ut Sad V, quæ major erit quam R, & quia ejusdem substantiæ nempe Ligni factæ sunt duæ moles ABC & HIK; igitur (ex præcedenti) ut Cylindrus ABC ad HIK, ita se habet absolutalevitas illius S ad hujus levitatem, quæ erit V, & habet S ad R majorem proportionem, quàm moles ABC ad HIK, igitur levitas V, seu vis, qua solidum HIK ascendit in fluido M major est quacumque data vi finita R.

Positivam
levitatem
non dari.

PROPOSITIO XCVI.

Id ipsum problema effici posse methodo Archimedæa sic ostendemus.

Sumatur Lignum L, vel aliud corpus sibi homogeneum, quod innatare possit intra fluidum M, ponaturque quælibet vis finita ponderis P, atque ut pondus absolutum moles fluidi M, quæ æqualis sit ipsi L, ad pondus absolutum Ligni L, scilicet ut gravitas specifica fluidi M ad L, ita se habeat R ad S, postea fiat Cylindrus ACB ejusdem materiei L, ad cujus gravitatem absolutam pondus P minorem proportionem habeat, quàm differentia ipsarum R & Sad S. Tandem immergatur Cylindrus AC intra fluidum M, contentum in Vase FDE tantæ profunditatis, ut Cylindrus AC universè & perpendicularitèr ad Horizontem mergi possit, ut ejus basis non contingat fundum vasis FDE, atque supremus terminus C fluidi libellam contingat. Præterea applicari debet pondus P supra verticem Cylindri CA, ita ut pondus P immineat supra fluidi libellam, neque aliqua ejus portio demergatur. His præparatis, quia excessus ponderis R supra S ad ipsum pondus S majorem proportionem habet quam gravitas P ad pondus Cylindri ACB; ergò componendo, gravitas R ad S majorem proportionem habebit quàm duo pondera P & CAB, simul sumpta, ad pondus CAB; verùm gravitas molis fluidi M æqualis solido AC ad pondus absolutum ejusdem solidi AC habet eandem proportionem, quam R ad S, ergò moles fluidi M æqualis solido AC ad solidum id ipsum AC, seu illius pondus ad gravitatem hujus habebit majorem proportionem quàm pondera

TAB. VI.
Fig. 4.

(23)

CAP. IV.

Positivam
levitatem
non dari.De infi-
dent. humi-
do Lib. I.
Prop. 4.Eod.
Lib. I.
Prop. 6.

dera P & CAB, simul sumpta ad pondus AC, & proinde pondus absolutum molis fluidi M æqualis AC majus erit gravitate ipsius P unà cum pondere Cylindri AC. Verumtamen Archimedes demonstravit solidum innatans, tunc solummodò in fluido quiescere, quando ejus pondus absolutum æquale fuerit gravitati molis fluidi ambientis, quæ sit æqualis portioni ejusdem solidi intra ejusdem fluidi libellam demersi. Quapropter quando pondus absolutum prædicti solidi minus fuerit pondere prædicti fluidi ambientis æqualis portioni ejus demersæ; necessario solidum ipsum in fluido elevabitur ulteriusque ascendet, igitur Cylindrus AC unà cum superincumbente pondere P eique conjuncto & continuato non quiescet, sed fursùm ascendet, quapropter vis premens ponderis P non sufficit, nec habet tantam vim ut retineat solidum AC integrè infra fluidi M libellam demersum. Cùmque, ut Archimedes demonstravit, energia & vis, quæ solidum AC conatur, & vim facit ut fursùm ascendat in fluido M æqualis sit vi illius ponderis, quod si super id imponatur, potest id retinere infra fluidi libellam prohibereque ejus ascensum, igitur vis, quæ Cylindrus AC conatur fursùm ascendere in fluido M major est quacunque vi finita ponderis P, & hoc propositum fuerat.

P R O P O S I T I O X C V I I .

His præmissis, devenio jam ad Propositionem principalem quòd nimirum quodlibet corpus fursùm ascendens in dato aliquo fluido non elevatur sponte sua à principio nempe intrinseco levitatis impulsu.

TAB. VI.
Fig. 5.

Sit L quodlibet corpus eorum, quæ à Peripateticis vocantur à prædominio aërea, ut sunt ferè omnia Ligna, & alia innumera, & fluidum M in Vase FDI contentum, sitque prædictum fluidum, aut aqua, aut hydrargyrum; procùl dubio corpus L intra fluidum M demersum fursùm ascendet. Demonstrandum modò est id ipsum non spontaneo motu ab intrinseco principio levitatis ascendere. Si hoc enim verum non est, sit, si fieri potest, levitas corporis L naturalis causa, & virtus à qua spontaneo motu fursùm impellatur in fluido M. Et primò præparetur infima basis
AB

AB Cylindri homogenei ipsi L, ut nimirum ei uniatur ferrumineturque lamina aliqua vitrea vel metallica, quæ sit optimè explanata & lævigata, & ejusdem materiæ atque figuræ, & levitatis sit pavementum vel fundum Putei DE. Secundo loco, reperta jam sit mensura certa & determinata illius virtutis, quæ requiritur ad separandam & divellendam superficiem vitri AB ab immediato contactu cum fundo Putei DE, sive vis illa, quæ superare valet resistantiam prædictarum superficierum se tangentium ad vacuum admittendum; supponamusque hujusmodi vim esse æqualem ponderi G, atque reperitur Cylindrus AC ejusdem materiæ L, ita ut vis levitatis, qua conatur sursum moveri in fluido M una cum vitrea lamina AB major sit vi & energia ponderis G, sitque vis illa levitatis æqualis potentia H. Quapropter vis, qua solidum AC conatur & impetum facit ut sursum in dato fluido ascendat, major est illa vi & facultate, quæ requiritur ad separandam & divellendam basim AB à fundo Putei DE horizonti æquidistante. Dum igitur basis AB immediatè & exquisitè tangit fundum Putei DE, ut sibi mutuò congruant exosculenturque, repleatur universum Vas FE prædicto fluido M, quousque suprema fluidi libella ad summitatem C Cylindri AC demersi peringat. Et quia hic jam existunt, & operantur duæ vires contrariæ, una quidem H impellit sursum, estque virtus ejus levitatis, alia verò G, quæ huic resistit, & vim deorsum tendendo facit, estque energia contactus superficierum AB & DE, seu repugnantia ad vacuum admittendum, qua contrario nisi ascensus Cylindri AC resistit: Estque contraria vis H levitatis prædicti Cylindri major virtute G tenacitatis vel repugnantia ad vacuum, quæ impetum contrarium deorsum facit; igitur major vis levitatis H necessariò superare debet vim minorem G, & proinde distrahet divelletque Cylindrum AC à fundo Putei DE, atque post separationem id ipsum sursum ad superficiem fluidi M impellet transferetque; sed hoc est falsum, & contra sensus evidentiam, propterea quod nunquam contingit ut basis Columnæ AB separetur à contactu fundi Putei DE, licèt supponatur vim levitatis quocumque excessu vim contactus superare, igitur verum non est Cylindrum AC sursum impelli ab intrinseca & positiva facultate levitatis ejus, quod fuerat demonstrandum.

CAP. IV.
Positivam
levitatem
non dari.

Prop. 88.
& 89.

Prop. 93.
95 & 96.

PRO-

PROPOSITIO XCVIII.

Confirmatur eadem præcedens Propositio.

Et procùl dubio censerì non debet vera causa alicujus effectus illa qua posita, & non impedita ab excedente vi contraria, non ponitur nihilominùs, nec subsequitur effectus, sed posita levitate positiva in prædicta lignea Columna AC infra fluidum M demersa, & non impedita à virtute contraria contactus, aut à timore vacui (cò quòd ex constructione hæc multò minor fuerat virtute & energia levitatis) non subsequitur nihilominùs effectus ascensus Columnæ in prædicto fluido, igitur levitas positiva non est causa ascensus sursùm prædicti Ligni in fluido M.

Postquam ostensa fuit prædicta negativa propositio.

PROPOSITIO XCIX.

Demonstrabitur jam quod necessario admitti debet cum Platone & Archimede, quòd corpora omnia, que levia appellantur, sursùm ascendant ab extrusione fluidorum in quibus innant ob excessum gravitatis eorundem.

Quia illa est vera causa alicujus effectus naturalis, qua posita subsequitur effectus, & ablata pariter effectus tollitur, sed posita extrusione, facta à corpore fluido graviore, subsequitur effectus ascensus nimirùm solidi minùs gravis in eo demersi, & quotiescumque prædicta extrusio tollitur aut impeditur, aufertur quoque vetaturque ascensus prædicti corporis solidi; igitur necessariò prædicta extrusio graviore fluidi ambientis est vera & legitima causa ascensus eorum corporum, quæ levia appellantur; sic quia in hypothesi in Propositione 97 exposita extrusio aquæ vel hydrargyri tollitur & impeditur, cùm fluidum M interlabi, aut excurrere non possit infra basim AB prædictæ columnæ ob arctam connexionem contactus basis AB cum fundo Putei DE, licèt ambiens fluidum multò gravius sit prædicta columna lignea, & in tali casu columna sursùm in fluido non ascendit. E contrà quotiescumque extrusio fieri potest, scilicèt quoties fluidum M

excur-

TAB. VI.
Fig. 5.

excurrere potest infra basim AB ob concussionem, vel minimam dilatationem superficierum se tangentium, seu ob transitum per fissuram, aut foramen aliquod collaterale, tunc subsequitur effectus ascensus prædictæ columnæ; igitur necessariò extrusio, facta à graviori fluido M est vera causa sublimationis, & ascensus prædicti Ligni in fluido, quod fuerat ostendendum.

Causa hallucinationis de tegitur.

Et hic summopere animadvertendum est, hallucinationem pendere ex eo quòd tribuitur effectus non veræ causæ, sed alii imaginatæ, quoniam, quotiescumque lignum sursùm ascendit in aqua, semper verificatur id minùs gravitare, quàm moles aquæ ambientis ei æqualis, quæ si liberè fluere & excurrere potest infra ejus basim, scilicèt si exercere potest excessum sui ponderis, mirum non est elevare corpus minoris gravitatis, sicuti in libra videmus minus pondus à majori sublevari, quotiescumque tamen pondus majus liberè vim suam exercere potest, at si fuerit sustentatum, vel fulciatur à pavimento pondus minus elevare non poterit. Hujusmodi causa, quæ certa est, & necessariò operari debet juxtà Leges Mechanices, nunquam potest, nec debet excludi, ut acceptetur imaginata causa levitatis positivæ, quæ si adesset, suum effectum producere deberet in casu Propositionis 97. ubi nil prorsus operari ostensum est, tamquàm scilicèt si non esset.

Postquam igitur examinavimus & rejecimus rationes omnes Peripateticas contra Platonem, & alios antiquos pro assertione levitatis positivæ, pariterque inefficaces repertæ sunt omnes aliæ rationes, quæ pro confirmatione prædictæ sententiæ circumferuntur, cumque tandem methodo demonstrativa veritatem nostræ sententiæ confirmaverimus, possumus jam, absque jactantia, affirmare evicisse nullam levitatem positivam in natura dari virtute, cujus naturalia corpora conentur discedere à nostra Terra versùs superiores partes; sed è contra pronunciare possumus reperiri in omnibus corporibus sublunariis vim quandam universalem se mutuo complectendi, & globo terreno adhærendi mediante facultate descensiva, quæ gravitas appellatur, hæc, inquam, gravitas diversimodè participata à corporibus terram ambientibus efficit ut minùs gravia expulsa ex inferioribus locis à gravioribus illa sursùm eleventur, & sic corpora elementaria optima quidem constitutione æquilibrentur, & ad sua loca naturalia ad portentur, ut ibidem quiescant.

(R)

De

De aëris
gravitate
æquili-
brio, stru-
ctura, & vi
elateria
ejus.

De Structura, Gravitate, Equilibrio, & Vi Elateria Aëris.

CAPUT V.

4. de Czlo
Cap. 4.

IAm superiùs satis superque ostensum est aquam gravitate etiam in propria regione & in suo toto: præterea ostendimus nullam levitatem positivam reperiri in corporibus mixtis, in iis nempe, quæ à prædominio aërea vulgò appellantur, quod verò peculiari-ter Aër gravis sit, nedum Aristotel. apertè fatetur, cum ait: *Omnia Elementa gravitatem habere præter Ignem, pariterquè omnia levitatem habere præter Terram.* Hinc insert: *Terram igitur, & quæ Terra habent plurimum, ubique gravitatem habere est necessarium. Aquam autem ubique, præterquam in Terra, Aërem verò præterquam in Aqua & Terra. In sua enim regione omnia gravitatem habent præter Ignem, etiam Aër ipse. Signum autem est quia trahit plus inflans uter, quam vacuum.* Sed etiam demonstrari potest eodem modo, iisdemque rationibus, quas in præcedenti Capitulo adduximus, sicuti enim ibi consideravimus Ligna, Ampullas vitreas, & Vesicas aëre plenas per aquam ascendentes, demonstravimusque eas non vi levitatis, sed ab extrusione mediū fluidi fursū impelli, sic pariter, si loco Ligni aut Vesicæ ponatur Aër in fundo hydrargyri, vel aquæ, olei, vel spiritus Vini, non secūs ac prius factum est, ostendemus Aërem non sponte sua ascendere à vi levitatis translatum, sed à pressione gravioris mediū fluidi violenter fursū impellentis. Licet ergo negotium omninò confectum esse videatur, utile tamen erit id ipsum confirmare ex æquilibrio Aëris cum cæteris fluidis.

PROPOSITIO C.

Ex suspensione Mercurii in Instrumento Torricelliano suadetur Aërem, ut gravem, æquilibrium efficere cum Mercurio.

Et hac occasione considerabimus pulcherrimum profectò experimentum eorum, quæ hoc Seculo ad inventa sunt, hydrargy-
ri

ri nempè elevatio in Fiftula, quam primus omnium animadvertit doctiffimus Torricellius, estque experimentum hujusmodi: Sit Fiftula vitrea ABC, perforata tantummodò in ejus extremitate C, in A verò clausa, hæc verò Hydrargyro repleta usque ad summitatem C, pulpa indicis strictè claudatur invertaturque contrario situ, ut nimirum os ejus C inferiùs respiciat; sitque postea præparata Scutella DHE pariter Hydrargyro plena, demergatur infimum orificium C Fiftulæ unà cum digito occludente infrà supremam Hydrargyri libellam DE, tunc, sublato digito, Mercurius profluat ab orificio C quousque altitudo FB extantis Hydrargyri supra libellam DE sit pedum duorum & quadrantis, vel unius cubiti & quadrantis, nec ulterius Hydrargyrum gravissimum descendit semperque ad eandem altitudinem perseverat, licèt inclinetur Fiftula, scilicèt ducta recta FG parallela horizonti semper summitas Hydrargyri ad eandem horizontalem FG perveniet quomodocumque Fiftula inclinetur. Ipse Torricellius, Experimenti Inventor, sagacissimè causam quoque hujus effectus indagavit, animadvertit enim nos in infima profunditate Oceani Aërei demersos esse, & sicuti Maris Aqua undique fundum comprimit per lineas horizonti perpendiculares, seu directas versus centrum Telluris, sic quoque in Oceano aëreo nifus ejus gravitatis exercetur perpendicularitèr supra horizontis planum, unde concipi debent Cylin dri aërei perpendicularitèr superficiem Hydrargyri DE supremam comprimentes; quia verò eadem libella Mercurii DE comprimitur quoque in situ B à superficie basis B mercurialis Cylin dri FB efformatur veluti libra vel siphon, quæ nunquam quiescit, nisi æquilibrium momentorum efficiatur, scilicèt nisi momentum ponderis Cylin dri aërei superficiem DE comprimentis æquale fuerit momento ponderis Cylin dri mercurialis BF. Hujusmodi speculatio magno plausu à Viris Doctis excepta fuit, aliisque experimentis pariter comprobata, quia nimirum si loco Hydrargyri Aquam adhibeamus, vel aliud fluidum, tunc Aqua pura elevatur ad altitudinem pedum 32. vel cubitorum 17. proximè cujus pondus præcisè æquatur gravitati prædicti Cylin dri mercurialis BF unius cubiti & quadrantis (sumptis nimirum basibus æqualibus) & si fuerit Oleum altius quàm aqua pura elevatur, sed præcisè quantum exigit aquæ gra-

De aëris
gravitate
æquili-
brio, stru-
ctura, & vi
clateria
ejus.

TAB. VI.
Fig. 6.

De aëris
gravitate
æquili-
brio, (stru-
ctura, & vi
elateria
ejus.

vitas ei æqualis; idemque continget si fuerit aliquis spiritus, vel quilibet alius liquor; cum igitur in hisce omnibus Fistulis eleventur varii liquores, ita ut eorum partes elevatæ super infimam libellam semper ejusdem sint gravitatis, dicendum necessariò est, ab unica & eadem vi compressiva elevari, quæ semper ejusdem roboris sit: at nulla alia assignari potest præter pondus Cylindri aërei liquori in Scutella contento incumbentis. Igitur potest aër incumbens elevare prædictos liquores, hoc autem minimè effici posset absque eo quod in aëre æquilibrium efficeretur; sicuti in Maris Oceano ex eo quod omnes partes aquæ æquali nisu deorsum feruntur & premunt, fit ut ejus suprema libella sphaericè contornetur, sic paritèr suprema aëris superficies sphaericè tornata erit, ex eo quod partes ejus omnes æquali nisu deorsum gravitantes æquilibrium efficiunt.

PROPOSITIO CI.

Id ipsum clariùs confirmatur.

TAB. VI.
Fig. 7.

Quòd postea prædicta Mercurii elevatio in Fistula producatur ab aëris compressione supra Mercurium in Scutella contentum, confirmatur alia ratione, sed clariùs adhibito Instrumento à me excogitato, quod Academiæ Experimentalis Medicæ communicavi, ejusque Ichon habetur Figura 34. libri experimentorum ejusdem Academiæ, absque enim Scutella DE sufficit ut infima pars Fistulæ BC incurvetur, sursumque inflectatur, tunc quidem repleta ut priùs universa Fistula Mercurio, revolvatur ut ejus pars clausa A & longitudo fistulæ AFB perpendicularitèr ad horizontem emineat, tunc quidem ab orificio aperto G Hydrargyrum profluet, vel intra amplitudinem Ampullæ DG reducetur, quousque altitudo mercurialis Cylindri FB supra libellam BD fuerit unius cubiti & quadrantis, & tunc concipi debet Cylindrus aëreus DS usque ad supremam aëris superficiem S extensus, cujus pondus æquetur gravitati Cylindri mercurialis FB. Quod verò à compressione prædicti Cylindri aërei DS elevetur gravissimum Hydrargyrum FB, probatur ex eo, quod si augeatur impulsus & compressio supra superficiem Hydrargyri D, altiùs elevatur Mercurius in Fistula BFA. Sic si nova Fistula vel Instru-

mento

CAP. V.
De aëris
gravitate
æquili-
brio, stru-
ctura, & vi
elateria
ejus.

mento pneumatico Aër insuffletur, ut comprimat superficiem Hydrargyri D, elevatur quoque suprema superficies F Hydrargyri in Fistula clausa; & si è contrà embolo retracto, veluti exugatur aër impediaturque compressio ejus supra Mercurium D, spontè labetur Mercurius descendetque deorsùm versùs B. Præterea si supra Mercurium in D infundatur Aqua, quæ propagetur usque ad libellam GI, tunc quidem Mercurius quoque elevatur ab F usque ad H, & quod mirum est, elevatur Mercurius præcicè pro mensura ponderis Aquæ incumbentis GD, scilicèt altitudo GD erit quatuor deciès major quàm FH, quia talis reciprochè est proportio ponderis Mercurii ad Aquam. Si igitur in spatio inani nulla alia causa ulterioris elevationis Hydrargyri FH assignari potest, præter gravitatem aquæ collateralis GD, cum qua Mercurius FH æquilibrium efficit, quare negabimus reliquum Mercurii FB elevari à pondere aliquo premente superficiem D, quæ sit semper ejusdem roboris? cùmque nullum aliud corpus gravitans assignari possit præter Aërem, igitur necessariò ab hoc Mercurio elevatur.

Prætermisiss aliis Experimentis, excogitatis à Viris doctissimis in Italia, Gallia, & Anglia, de quibus fusè agitur in Libro Experimentorum nostræ Academiæ experimentalis Mediceæ; nè repetamus ea, quæ jam passum vulgata sunt, tantummodò recensabo & ad examen revocabo difficultates contra ratiocinium Torricellianum, & nostrum à doctissimo Viro allatas, cum ait: Dicebatur segmentum Mercurii IC sustineri à Cylindro aëris ejusdem basis, ita ut perfectum sit utrinque æquilibrium. Contra hanc sententiam nonnulla militant, si appendatur Fistula BD, postquàm subducto digito descendit Mercurius in IC statera fideli adhibita, & signetur pñderis ratio, ac deinde citrà Mercurii descensum eadem Fistula cum aequali quantitate Mercurii appendatur, eadem ratio ponderis invenientur paulò major, æqualem quantitatem Mercurii intelligo segmento IC; Et paulò infra subsequitur. Si Mercurius IC sustinetur à Cylindro exterioris aëris, igitur cum illo perfectum æquilibrium facit, igitur cum alio aequali pondere ad libram appenso aliud æquilibrium facere non potest. Supponemus enim Mercurium IC esse trium librarum, æquilibrium facit cum Cylindro aëris etiam trium librarum. Si autem

Difficultates contra nostram doctrinam.

TAB. VI.
Fig. 8.

(R 3)

aliud

CAP. V.

De aëris
gravitate
æquili-
brio, stru-
ctura, & vi
elateria
ejus.

aliud pondus trium librarum in altera lance appendatur, cum hoc Mercurius æquilibrium facere nequit, alioquin sex libris Mercurius æquilibraret, quod Legibus Statica repugnat.

PROPOSITIO CII.

Evidentissimo exemplo in aqua ostenditur, quod licet Mercurius in Fistula ab equipondio Aqua sustineatur, nihilominus vis elevans Fistulam sustinet, præterea Aqua incumbentis pondus æquale Mercurio.

TAB. VI.
Fig. 9.

Quia verò ratiocinium hoc à Viro doctissimo assertur ut convincens & evidens, conabor, amore veritatis, luculentè exponere ejus defectum, & claritatis gratia operationem evidentiorē in ipsa Aqua considerabo, similem omnino ei, quam præ manibus habemus. Sit Vas profundissimum RTVS aëre plenum, in cuius fundo ponatur Scutella DF Mercurio plena, sitque postea Fistula vitrea AC utrinque perforata & pervia, cujus infimipars C demergatur infra Mercurii libellam; postea repleatur Puteus Aqua, ut Vitri summitatem A non attingat, & remaneat Fistula exinanita ut prius tunc quidem sensu constat elevari Hydrargyrum in Fistula à C usque ad B, quousque mercurialis altitudo CB decima quarta pars sit Aquæ altitudinis HG. Hic jam quia effectus elevationis Mercurii usque ad B productus fuit ab Aqua de novo imposita, dubitandum non est ab ejus gravitate Mercurium elevatum fuisse, quod præterea confirmatur ex equipondio ipsius Cylindri Aquæ HG cum mercuriali Cylindro CB ejusdem basis; itaque in libra CEG, vel in siphone tunc quiescunt duo fluida, Mercurius nempe & Aqua, cum præcisè efficitur eorum æquilibrium; claudatur postea Fistula in B, interposita nimirum laminula non dissimili ei, quam in arundinibus observamus, à qua præcisè prohibeatur transitus fluidi per rimas laterales; postea impleatur reliqua pars Fistulæ AB Aqua, & tandē eadem vitrea Fistula termino I libræ IL radiorum æqualium suspendatur, atque ab opposito termino ejus L pendeat pondus M; æquale ponderi ipsius Vitri AC. Videndum modò est an à simplici pondere M sustineri possit vitrea Fistula AC, & patet

tet non sufficere, quia in siphone ACGH pondus Cylindri aquei HG æquatur præcisè ponderii Mercurii BC, cumque præterea Aqua, contenta in spatio Fistulæ AB, ferè æqualis sit Aquæ HG, ergò summa Aquæ AB, & Mercurii BC duplo gravior est, quam sit Cylindrus aqueus HG, ut nimirum si aqua HG fuerit unius libræ, erunt Mercurius CB & Aqua AB ferè duarum librarum (non considerato pondere ipsius Vitri AC,) ergò, ut fiat æquilibrium, debet addi ponderi M aliud pondus O, quod sit æquale ponderi aquæ AB, & tunc in infima libra CEG, seu siphone efficitur æquilibrium inter Cylindrum aqueum HG, & Mercurium CB, in suprema verò libra IL efficitur æquilibrium inter Fistulam vitream AC, unà cum Aqua AB ex unà parte, & ponderæ MO ex altera parte. Igitur quia revera Mercurius CB non sustinetur à potentia O sublevantem libram supremam, cum nimirum sustineatur à collateralis Aqua HG, est impossibile Fistulam vitream AC sustineri à solitario pondere M æquale gravitati ipsius Vitri, nisi insuper addatur alia potentia O, quæ sustineat Cylindrum aqueum AB æquè grave fere ac est Mercurius CB.

Si postea Fistula vitrea secetur in B, ejusque suprema portio BA tollatur amoveaturque, atque pondus M æquale sit gravitati Vitri decurtati CB, tunc quidem incumbit ac innititur Fistulæ Cylindrus aqueus BA, Fistulamque comprimit non secus ac prius, quando intra cavitatem Fistulæ AB continebatur.

PROPOSITIO CIII.

Licet Torricelliana Fistula à Mercurio in ea suspensa non gravetur, tamen manus cogitur sustinere pondus Cylindri aërei Fistula incumbens, quod æquatur ponderi inclusi Mercurii.

Id ipsum nostræ Fistulæ directæ in Aëre constitutæ adaptari potest, sitque illa AC duorum cubitorum, habeatque orificium C insignis exiguitatis, repleaturque Mercurio deorsumque invertatur in Aëre libero (non enim necesse est, ut os C intra Scutellam Mercurii plenam infundatur, quando valde strictum est os ejus C,)

TAB. VI.
Fig. 10.

CAP. V.

De aëris
gravitate
aquil-
bri-
o, stru-
ctura, & vi
elateria
ejus.

C,) tunc ab infimo orificio C Mercurius in Aëre profluat quousque altitudo CB fuerit unius cubiti & quadrantis proximè. Hic concipi debet Cylindrus aëreus SG usque ad supremam regionis Aëris superficiem extensus, qui reflexus per EC vim faciat contra pressionem Mercurii BC, eumque suspendat, & sic liberè concedo Adversario, quod Fistula AC nil prorsus ab incluso Mercurio BC gravatur, & sic de facto experimur applicata digiti pulpa ori infimo Fistulae; quod in parte intermedia pulpæ à Mercurio tacta nulla compressio, nec contusio neque gravitatio persentitur, quando præcisè Mercurii altitudo BC est unius cubiti & quadrantis ferè; quod si ejus altitudo supra CB augeatur, tunc solummodò percipitur in medio pulpæ digiti subjecti compressio gravitans juxta mensuram excessus Mercurii supra eum, qui altitudinem unius cubiti & quadrantis occupat, & si è contrà Mercurius deprimatur violentè infra debitam altitudinem BC, tunc nedum subjecta pulpa digiti non comprimitur, sed è contrà exugitur, ut efficiunt Cucurbitæ medicæ, & Hyrudines. Sed dicit Adversarius, si Mercurius BC nil gravitat nec comprimit digitum, quare requiritur vis, aut libræ, aut digiti subjecti, quæ nedum æquet pondus solius Vitri AC, sed præterea sustinere valeat duas libras v. g. quas pendit mercurius BC? Respondeo aëreum Cylindrum SA Fistulae vitreae incumbentem sua gravitate agere non minùs, quàm collateralis Cylindrus aëreus SG, cumque Vitrum CA non repellatur æquali actione contraria sursùm ab Aëre collateralis SG; quia hujus vis exercetur, & omnino expletur sustentando Mercurium BC; igitur necessario Vitrum CA comprimitur deorsùm à gravitate Aëris incumbentis SA, cujus pondus æquale est Mercurio BC, hinc fit vi ex præconcepta falsa opinione tribuamus compressionem Aëris SA nobis incertam alii causæ nempe gravitati ipsius Mercurii BC intra Fistulam contenti. Hoc profectò confirmatur ex eo, quod prædicta Fistula à digito sustentata exercet suam compressionem contra pulpæ digiti extremitatem, quæ à perimetro orificii Vitri tangitur & contunditur: non autem contra mediam pulpæ digiti partem, quæ ab ingenti pondere trium librarum Mercurii v. g. magis & evidentius comprimi deberet quàm graventur ambientes pulpæ digiti partes à perimetro orificii Vitri trium unciarum.

Hanc

Hanc evidentissimam demonstrationem conatur Adversarius refellere, ait enim, * hoc facile rejicitur, nempe aequalis Cylindrus Aëris incumbit basi suprema obstructa Fistula sive Mercurio, sive Aqua, sive Aëre Fistula plena sit, ut patet. Unde si quem haberet effectum, eundem semper haberet, sed hac instantia futilis est, quare in ea diutius minime habendum. Sit Fistula AC plena Aëre non Mercurio, sustenteturque infernè ejus orificium C à subjecta digiti pulpa, concedo; quod supernè digitus premitur à Columna Aëris SAC, pariterque comprimitur à Vitri Fistula AC, quidnam ex hoc deducit Adversarius? dicet, quod tantundem ponderis pateretur digitus subjectus, quando vitrea Fistula exinanita est, quàm si Mercurium BC contineret, scilicet si Fistula penderet duas uncias, & aëreus Cylindrus SA pendat tres libras exinanita Fistula æquè comprimeretur subjectus digitus à pondere totius Cylindri aërei SA trium librarum unà cum duabus uncis Vitri AC, cumque hoc sit falsum; Fistula enim exinanita duas uncias solummodò pendit, non ergo suprema Columna aërea SA Fistulam, & proinde digitum subjectum comprimit.

De aëris gravitate æquili-⁴ brio, structura, & vit clasteria ejus.

TAB. VI.
Fig. 10.

* Contra superius expositam doctrinam denuo Adversarius insurgit.

PROPOSITIO CIV.

Fistula exinanita, licet graveetur à Cylindro aëreo incumbente non minus, ac quando extante Mercurio repletur, debet tamen in primo casu subjectus digitus Vitri tantum pondus percipere, in secundo verò præterea à pondere aequali Mercurio suspensio gravabitur.

Huic difficultati respondetur, quod, ut multoties insinuatum est, nulla alia de causa fluida corpora circa Tellurem sphæricè contornantur, nisi propter eorum æquilibrium, scilicet quia omnes ejus partes æquali nisu vim faciunt tendendo deorsum, & postquam à soliditate Terræ subjectæ ejus progressus deorsum impeditur nisu reflexo, veluti in siphone vicissim se mutuo impellunt quoque partes fluidi, vel solidi elevatæ sursum, itaque in casu nostro, concipi debet nedum Columna aërea SAC, sed etiam alia ei æqualis aërea Columna SG, quæ infernè per EC reflecta-

TAB. VI.
Fig. 10.

(S)

tur,

CAP. V.
De aëris
gravitate
æquili-
brio, stru-
ctura, & vi
elateria
ejus.
Pr. 26. &
35.

tur, & fursùm impellat digitum sustentantem Vitrum æquali nisu, ac ipsa supernè comprimitur à Cylindro aëreo SAC; digitus ergo comprimitur à duabus æqualibus viribus inter se contrariis veluti forcipe, deorsùm quidem à pondere aëreo SAC, fursùm verò à vi pressionis aëris SG reflexi per EC, eodem ferè modò quo Urinatores pondus incumbentis aquæ non percipiunt, quia nimirùm æquali vi fursùm motu reflexo impelluntur ab aqua subiecta, ac gravantur ab aqua suprema descendente, ut superius ostensum fuit; igitur in casu nostro digitus sustinebit tantummodò gravitatem duarum unciarum Fistulæ vitreæ exinanitæ AC, quia nimirùm hic est excessus ponderis totius Columnæ aëreæ & vitreæ SAC supra aëream Columnam ei æqualem SGC: diversissimus ergo est casus Fistulæ vitreæ Mercurio stagnante repleta, quia nimirùm vis compressiva Columnæ aëreæ SG omninò expletur absumiturque elevando sustinendoque Mercurium BC, & sic remaneat aërea Columna SA (præter Vitrum) non sustentata à repulsione ejusdem aëris SG, & proindè sustineri debet à digito subiecto eo modo, quo supra exposuimus.

Quapropter convincens non est argumentum doctissimi Viri, ideoque remanent illibatæ rationes superius adductæ, quibus persuadetur Mercurium in fistula sustineri à pressione circumambientis aëris.

TAB. VI.
Fig. 8.

Tertium
argumen-
tum ejus-
dem Au-
thoris.

Transeamus jam ad examen tertiæ rationis ab eodem Virò Clarissimo adductæ, inquit enim: *Si segmentum IC mercurii ab aëris exterioris cylindro sustinetur, igitur cum cylindrus exterior eandem vim semper habeat æqualem, segmentum IC semper sustinet. Sed hoc experimento repugnat, nam si tantulum aëris, antequàm demittatur mercurius, in fistula relinquatur, mercurius descendet infra C; in C autem sustineri deberet si à cylindro aëris exterioris sustineretur, ut patet &c.*

Non latuit hujus argumenti Authorem responsio à Fautoribus contrariæ sententiæ allata, nimirùm illud tantulum aëris infra fistulam relictum post descensum mercurii liberiores nancisci campum, ac proindè cum ante compressus esset explicare sese, ac dilatare, & premere superficiem mercurii, unde hic infra C descendit. Sed instat dicendo, tantam aëris compressionem jam supra satis efficaciter ab ipso refutatam fuisse.

Sed

Sed an reverà jure refutata fuerit, posterius ostendemus, modò tantam aëris dilatationem argumento ab eadem experientia deducto retinebimus; intamen interea erit operæpretium exponere quomodò, & quando aër, intra mercurium in fistula relictus, explicetur dilateturque.

De aëris
gravitate
æquili-
brio, stru-
ctura, & vi
elastica
ejus.

PROPOSITIO CV.

Exponitur quare, & quando aër, relictus in fistula Torricelliana, altitudinem mercurii consuetam deprimere debeat; & simul traditur modus mensurandi maximam aëris dilatationem.

Ex Robervallii pulcherrima observatione illius vesicæ cyprinæ, quæ in vacuo fistulæ dilatatur, ego conjeci reperiri faciliè posse in eodem Torricelliano Instrumento maximam amplitudinem, ad quam aër non compressus à vi externa, & in sua libertate relictus dilatarique, quæ dilatio certum ac determinatum spatium in vacuo Torricelliano occuparet, quod nimirum sufficienter exciperet maximam ejusdem aëris expansionem. Hinc postea deducebam molem aëris, quæ præcisè spatium vacuum in Torricelliano Instrumento occuparet (quam molem mediocrem appellabimus) non posse deorsum impellere, & magis comprimere superficiem supremam mercurii stagnantis, ac proindè omnes moles aëris minores illa, & ideò minus spatium post totalem eorum dilatationem exigentes, non posse prædictam mercurii supremam superficiem deprimere, cum è contrà moles omnes aëris, excedentes supradictam mediocrem molem, & ideò exigentes amplius spatium, deprimere necessario supremam mercurii superficiem in fistula infra consuetam altitudinem unius cubiti & quadrantis.

Utque hæc experientia commodè exequi posset, efformavi fistulas vitreas sextam & septimam delineatas folio 43. libri experimentorum nostræ Academiæ Experimentalis Medicæ, sed postea faciliiori apparatu id ipsum consequi posse animadverti, mediante hoc instrumento, estque ejus artificium hujusmodi: Ampullæ vitreæ AB, cujus diameter proximè quatuor digitos adæquet, continetur prælonga fistula BC majore duorum cubitorum, quæ inflexa sit in ejus infimo loco CEF, atque in supremo

TAB. VII.
Fig. I.

CAP. V.

De aëris
gravitate
æquili-
brio, stru-
ctura, & vi
elateria
ejus.

loco ejus A, continuetur quoque stricta alia fistula AD, cujus extremum supremum orificium apertum D claudi possit post mercurii infusionem Suilla Vesica; postea terminus extremus altorius fistulæ FG uniatur cum altero extremo fistulæ incurvaræ appositis colligatisque portionibus Intestini Agnini, quæ ne rumpan- tur diffringanturque à nimio mercurii pondere, pariter operian- tur fistula vel digitali coriaceo, atque arcuè alligatis Intestinis & corio utrisque extremitatibus fistularum, poterit facile fistula FG inflecti sursum & deorsum post mercurii infusionem, erigantur- que perpendiculariter ad horizontem ambæ fistulæ DBC, & GF. His præparatis, per orificium D infundatur hydrargyrum quous- que duæ fistulæ BC, FG, & Ampulla AB, repleantur, relinqua- turque spatium supremæ fistulæ ID aëre plenum, arcuè postea claudatur supremum orificium D Suilla Vesica; tandem flectatur deorsum fistula collateralis FG, ab ejus supremo ore G profluens mercurius excipiat Vase MN, quousque infima mercurii li- bella sit LO, & suprema superficies ejusdem mercurii stagnantis sit H, relicto nempè spatio vacuo DABH, quia verò cylin- drus aëreus DI dilatatur explicaturque pro ejus genio in spatio vacuo ibidem relicto, sit ut possit aliquando post ejus dilata- tionem integrè & totalitè occupare spatium DABH, & tunc cum non possit ampliùs explicari sua virtute elatere non impellet deorsum superficiem hydrargyri H, & ideò summa altitudo mer- curii HO erit inalterata, scilicèt omnium maxima earum, quæ fieri possunt unius cubiti & quadrantis proximè, & tunc experien- tia constat, aërem DI, maximè dilatatum intra spatium DABH, occupare locum 180. majorem quam prius. Supposita hac cog- nitione ab experientia deducta denuò operatio repetatur, & constat quod omnes moles aëris, non excedentes spatium DI, non de- priment mediocrem mercurii elevationem OH; & è contrà om- nes aëris moles, excedentes DI, compriment mercurium, effi- cientque altitudinem OK minorem mensura consueta unius cu- biti & quadrantis proximè, & hoc profectò non fuisse à doctissi- mo Viro animadversum facile constat, non enim dixisset: *Sitan- tulum aëris, antequam demittatur mercurius, in fistula relin- quatur, mercurius descendet infra H, ubi sustineri debuerat, si ab aëris cylindro sustinebatur.* Reverà enim quælibet portiones
aëris

aëris minores spatio ID summam altitudinem mercurii in fistula non deprimunt, quia nimirum aëreus cylindrus ejusdem roboris æquali vi comprimit mercurium subjectum. At quando aëris moles major ID ibidem includitur, tunc virtute ejus elateria, ut postea dicemus, vim facit contra impulsu aëris externi, nempe cylindrus mercurii HO æquilibratus ab aëre externo impellitur sursum ab O versu H, ab aëre verò incluso intra Ampullam AB, dum conatur se dilatare, repellitur deorsum ab H versu O. Vis ergo aëris comprimentis mercurium stagnantem I. agit contra duas resistentias, scilicet contra pondus mercurii HO, & contra vim extinguiam aëris inclusi se dilatare conantis; igitur in hoc casu minor erit altitudo mercurii OK quam HO, licet producatur ab eadem aëris virtute premente; nil igitur ex hac tertia Adversarii ratione deducitur contra aëris pressionem, & æquilibrium cum mercurio incluso intra fistulam.

De aëris gravitate æquilibrio, figura, & vi elateria ejus.

Quarta ratio eadem ferè est cum prima, ad eamque reducitur, quinta verò pendet ex eo quod spatium supremum fistulæ post mercurii lapsum non vacuum, sed repletum esse ait ex materia quadam tenuissima, sed valdè tensa, de qua re suo loco disputabimus; interim incidenter noto ejus verba, dum ait: *tantam aëris compressionem sensui repugnare: cum inclinata fistula detumescat Vesica, antequam superficies mercurii ad illam perveniat.*

Quarta, & quinta ratio ejusdem Auctoris.

• PROPOSITIO CVI.

Vesica cyprina inflata Robervallii in summitate fistula Torricelliana non semper detumescit post hujus inclinationem, & ratio hujus effectus redditur.

Hoc profectò non semper accidit, præcipuè quando fistula capacitatem Ampullæ in summitate habet, in ea enim commodè aliqua aëris portio, quæ semper in fistulæ suprema parte remanet, aut ibidem colligitur reduciturque, postquam segregatur à mercurii substantia, per quam ascendunt innumera granula aërea, partim visibilia, partim inconspicua ob minutiæ, & hæc quidem ad summam mercurii superficiem ascendunt, & prout magis ad spatium vacuum appropinquantur, eo magis crescunt bullæ aërea, inflanturque, & tandem expanduntur, dissiliunt rumpunturque

(S 3)

in

De aëris
gravitate
æquili-
brio, sten-
dura, & vi
elateria
ejus.

in prædicto spatio vacuo, & hoc magis evidenter observatur, si suprema hydrargyri cylindri superficies exigua aquæ portione cōoperiatur, tunc granula aërea à mercurio ascendunt videri possunt in transitu per aquam transpicuam, quæ speciem representant ebullitionis cujusdam compositæ ex prædictis particulis aëreis inflatis, & velocissimè fursum excurrentibus. His positis, vesicula illa cyprina Robervallii inclinata fistula solet detumescere, antequam mercurius eam attingat, propterea quòd partes illæ aëreæ, quæ prius summè dilatatæ erant in amplo spatio inani in summitate fistulæ, postea restricto spatio ob mercurii ascensum denuò condensantur, & proinde mirum non est vesicam cyprinam ab aëre eam ambiente densiori, quàm sit aër intra vesicam contentus, compressionem pati debere, & proinde detumescere.

Quando verò subdit, quod aër intra fistulam immixtus, dum mercurius elevatus est ad prædictam altitudinem cubiti unius & quadrantis proximè, fursum fertur tanto impetu, ut supremum fistulæ fundum & basis diffingatur dissiliatque, & quia ab excessu exigui ponderis tantus impetus creari non potest, hinc deducit non posse à cylindro aëris ambiente, & ab ejus pondere ullo pacto impelli neque mercurius, neque aër in prædicta fistula.

PROPOSITIO CVII.

Aër in fistula Torricelliana adveniens nedum pondere, sed vi elastica, & impetu in motu acquisito diffingere fundum supremum fistula potest.

Huic difficultati occurro, considerando quòd mercurius in fistula fursum impellitur ab aëre externo non unica, sed triplici vi, ponderis nimirum, virtutis elasticæ ad modum machinæ, & impetus in motu acquisiti: sed præcipua & insignis actio in casu nostro impetui tribui debet. Quia postquam è fistula cum mercurio extante in aëre pendula effluit gutta aliqua mercurii subito cessat æquilibrium, & ideo majus pondus collateralis columnæ aëreæ potest fursum intra fistulam impellere molem minus ponderantis mercurii inclusi; & licet ab initio motus mercurii fursum sit tardus & debilis, tamen in progressu & continuatione præ-

prædicti motus, dum repetitis ictibus mercurius ab aëris pondere & vi ejus elastica continenter impellitur, novos gradus impetus & velocitatis creat, qui impetus sunt integri & ejusdem energiae, non enim à vacuo intra fistulam incluso debilitari possunt, veluti debilitantur impetus corporum per aërem excurrentium; prædicti verò gradus velocitatum simul coacervati, tandem vim illam ingentem componunt, quæ diffringere fundum vitreae fistulae potest; adde quod corpora gravissima, ut est hydrargyrum, validius suscipiunt retinentque vim impetus præconcepti, & hinc sequitur percussio ejus validissima in vitri fundum. Supradictum ratiocinium ab ipsa experientia confirmari videtur; si enim fistula prælonga subtili & gracili fundo clausa, & mercurio plena inverso ore infra mercurium in scutella stagnantem demersa, & inclinato situ detineatur, ut mercurius minus uno digito à supremo fundo distet, tunc suspensa fistula, aër adveniens fundum ejus non diffringit, at perpendiculari situ erecta fistula aër succedens ingenti impetu distantem à fundo mercurium propellit ut eum diffingat, quia nimirum in prolixiori motu plures gradus impetus creari & simul coacervari possunt.

CAP. V.
De aëris
gravitate
æquili-
brio, stru-
ctura, & vi
clauera
ejus.

De vi per-
cuss. cap.
22.

Postea subdit: *Cylindrus aëris exterioris, à quo (ut nonnulli volunt) mercurii extantis segmentum sustinetur, neque plus, neque minus potest sustinere, igitur si ferrum candens admoveatur segmento vacuo fistula, nulla est ratio cur superficies suprema mercurii subsidat. Subsidit tamen. Si verò Nix, vel trita Glacies admoveatur, mercurius attollitur.*

Sextum ar-
gumen-
tum.

PROPOSITIO CVIII.

Igneæ exhalationes corporeæ vehementissima agitatione tum per se, cum variè impellendo & torquendo particulas aëris in summitate Fistulae Torricellianæ relictas, facile possunt subsidentem mercurium æquilibratum deprimere.

Respondeo, quòd igneæ particulae nedùm se ipsas vehementer agitant commoventque, sed præterea aëreas quoque particulas in vitri summitate inclusas, ut dictum est, vehementissimè impellunt; porrò, quia quodlibet corpus æquilibratum potest à qua-
cumque

CAP. V.

De aëris
gravitate
æquili-
brio, stru-
ctura, & vi
elateria
ejus.

cumque exigua vi agitari, (ut demonstravimus in nostro Opere de vi percussionis) sitque prædictus mercurius in fistula æquilibratus cum æquiponderante cylindro aëreo externo, igitur necessariò ab intestina illa agitatione ignearum & aërearum particularum superficies mercurii percussa propelli potest, & ideò deprimi infra consuetam ejus altitudinem debet, è contrà adhibita Nive vel trita Glacie, spatium illud dum igne privatur, & deficit quoque agitatio, & revolutio nedum particularum ignis, sed etiam aëris contenti, propterea prævalere potest excessus gravitatis aëris ambientis supra mercurium in fistula elevatum.

Affert postea septimam rationem: *Si postquam mercurius subsedit vas infimum claudatur ut nulla rima supersit, per quam aër subeat, non tamen propterea mercurius subsedit, sed tunc non sustinetur à cylindro aëris, quia scilicet non est applicatus.*

Septima
instantia.

Huic argumento primus omnium respondit Clarissimus Torricellius in Epistola ad Clarissimum Michaëlem Angelum Riccium missa, quam humanissimè mihi communicavit anno 1658, eamque Florentiæ postea Serenissimo Principi Leopoldo tradidi, & inter Amicos evulgavi.

PROPOSITIO CIX.

Licet operculo impediatur aëris pressio supra mercurium stagnantem in scutella, tamen quia aër relictus ibidem remanet eodem modo pressus & constipatus ac prius, potest mercurium in fistula ad eandem altitudinem retinere.

Is habet, quod quando intercipitur prohibeturque commercium inter ambientem aërem & eum, qui immediatè superficiem stagnantis mercurii tangit, posito nimirum operculo, ut v.g. quando in fistula inflexa ABG mercurius elevatur usque ad altitudinem BF unius cubiti & quadrantis, relicto spatio inani AF, & posito quod prædicta mercurii sublimatio dependeat à compressione, quam cylindrus aëris SD usque ad supremam aëris superficiem extensus sua gravitate efficiat supra stagnantem mercurium D, sequitur, quod si occludatur orificium G ejusdem fistulæ, rema-

TAB. VI.
Fig. 7.

De aëris
gravitate
æquali-
brio, stru-
ctura, & vi
elateriæ
ejus.

remanebit portio aërea intercepta GD eodem modo compressa restrictaque ut prius, quia nimirum digitus, vel operculum retinet conservatque aërem in eadem positione & constrictione, quam prius ab incumbente aëre patiebatur. Eodem ferè modo, ac si loco aëris superponerentur mercurio plures cylindri lapidei, unus super alterum incumbens, tunc profectò infimus cylindrus comprimeret superficiem subjecti hydrargyri D, non tantum energia ponderis proprii, sed vi conflata ex gravitate omnium incumbentium cylindrorum, modò ablatis semotisque supremis omnibus columnis, si infimus cylindrus tantummodò tabula, vecte, aut quocumque alio retinaculo eadem vi fixè in eodem situ retineretur, patet quòd æquali energia comprimeret subjectam mercurii superficiem D ac prius premebatur à prælonga illa serie columnarum incumbentium; Et hic dicendum esset, quòd causa immediata impellens mercurium non est longa illa series columnarum SD, sed est infimus cylindrus GD, qui tanta vi comprimit subjectum mercurium, quanta est gravitas omnium columnarum SD; itaque gravitas omnium columnarum appellari potest causa productiva illius compressionis, quam facit infimus cylindrus GD mercurio immediatè contiguus, quia verò hujusmodi effectus remanet, quando clauditur orificium G, remouenturque columnæ supremæ, igitur æquali vi, & æquali mensura debet mercurius BF sublimari. Id ipsum dici debet de aëre SD, certum profectò est, dum orificium G est apertum, cylindrum aëreum GS usque ad aëris supremam superficiem extensum comprimere cylindrum aëreum GD tanta vi, quanta exigit energia gravitatis aëris SG; quando verò digito vel operculo impeditur contactus & compressio aëris supremi SG, remanet cylindrus aëreus GD eodem modo compressus restrictusque ac prius; igitur necessario eodem modo subjectum mercurium D premet proindeque ad eandem altitudinem BF eum sublevabit.

PROPOSITIO CX.

Id ipsum confirmatur in aqua.

Veritas hujus asserti alio experimento confirmatur: Demergatur in aliquo Puteo RV aqua pleno eadem fistula ABG cum mer-
(T) cu-

TAB. VII.
Fig. 2.

CAP. V.

De aëris
gravitate
æquili-
brio, stru-
ctura, & vi
clateria
ejus.

curio extante FB, videmus quod aliquantisper mercurius infra libellam D deprimitur à pondere incumbentis aquæ ND, quæ pariter altius mercurium in fistulam sublevat per spatium BH, ut nimirum excessus FH supra eam elevationem, quæ in libero aëre efficiebatur, sit pars decimaquarta altitudinis aquæ ND. In hoc rerum statu digito vel quolibet alio operculo claudatur fistulæ ostium G, hic jam cessat omnino actio & compressio ponderis cylindri aquei NG, & tamen mercurius in eodem signo fistulæ H perseverat, igitur eodem modo in aëre occluso ostio G perseverare & retineri debet mercurius sublevatus usque ad F mediatè quidem à pondere aëris qui prius incumbibat, sed modo immediate ab illa compressione & restrictione, quam produxerat pondus incumbentis aëris SG; unde constat quod mercurius in fistula elevari potest à pondere aëris ambientis, nec adducta difficultas hanc sententiam debilitat aut destruit.

Hoc ratio-
cinium
conatur
refellere
Adversar-
ius.

Subdit postea pro confirmatione sui ratiocinii: *Jam verò facile ostendo non sustineri seu suspendi in BF, eo quod aër interceptus inter operculum & superficiem ulteriori compressioni resistat, nempe si admoto dicto operculo, & extante mercurio in BF aperiat foramen in A, mercurius illic infra F descendit, idque notabili segmento, &c.*

Sibi ipsi postea opponit, dicendo quod mercurius deorsum impellitur duplici vi, propriæ scilicet gravitatis mercurii BF, & ponderis aëris per supremum foramen fluentis, quid mirum, si prævaleat interceptumque aërem ulterius comprimat, & mercurium infra F deprimat. Postea huic argumento respondet: *Dico non magis comprimi aëra interceptum inter D, & dictum operculum à mercurio FB, & cylindro aëris gravitantis per foramen A, quam remore operculo, & clauso foramine A ab eodem mercurio BF & eodem cylindro aëris exterioris, nam perinde est siue tota vis pressionis per lineam unicam incidat vel applicetur, siue subduplum per unam, & subduplum per oppositam. Unde (paucis interceptis concludit) perspicue deduco non ideo admoto scilicet operculo in G extare mercurium BF, & minimè subsidere, quia scilicet dictus aër interceptus comprimi ultra non potest, sed alia de causa, &c.*

Sed pace tanti Viri, ajo, verum non esse ejus assumptum, demon-
stra-

strabo enim quod clauso vitro in G, & aperto in A vis, qua comprimitur aër FB duplò validior est ea, qua comprimitur clauso vitro in A, & aperto in G, pro cuius intelligentia præmittenda est sequens.

CAP. V.
De aëris
gravitate
æquili-
brio, stru-
ctura, & vi
elateriæ
eius.

PROPOSITIO CXI.

Anulus vel Vesica aëre plena aequè ab unica & subdupla potentia comprimitur constringiturque, quàm à dupla seu à duabus potentiis illi aequalibus utrinque Anulum vel Vesicam constringentibus.

Sit ABC anulus calybeus, vel vesica aëre plena, & primò comprimatur à duabus potentiis contrariis, & inter se æqualibus P & E, seu G. Et quia unaquæque potentiarum P tunc præcisè æquilibratur resistenti, seu energiæ compressionis, quam patitur pars B, quando ambo post flexionem & motum quiescunt; ergo momentum potentiæ P æquale est momento resistentiæ, seu energiæ compressionis, quam patitur B, & fiunt nifus per eandem rectam perpendicularem ad horizontem, igitur absoluta potentia P æqualis est resistentiæ absolutæ, seu vi compressionis, quam patitur B. Pari ratione absoluta potentia E vel G æquatur resistentiæ, seu vi compressionis partis oppositæ C, unde deducitur duas potentias P & E, seu G simul sumptas æquales esse resistentiæ integræ, seu vi totali compressionis, quam patitur anulus vel vesica ABC.

TAB. VII.
Fig. 3.

Postea substituatur pavementum durum RS loco potentiæ flectentis E vel G, & solummodo supernè anulus vel vesica aërea comprimatur à potentia P, scilicet à semisse potentiarum P & E. Dico anulum vel vesicam aëream æquè constringi, ac priùs à duabus potentiis contrariis contundebatur. Quia pavementum stabile RS perinde reagit impediendo motum & descensum ponderis P, ipsumque in eodem situ quiete stabili permanere cogit, ac operatur manus subjecta E, vel pondus G mediante libra FE, ergo stabilitatis soli momentum æquatur momento, & potentiæ absolutæ ipsius E seu P, quare anulus seu aërea vesica BC comprimitur non à singulari, & subdupla potentia P, sed à duplici potentia,

TAB. VII.
Fig. 4.

(T 2)

CAP. V.

De aëris
gravitate
aquali-
bratio, stru-
ctura, & vi
elastica
q. 13.

tentia, tanquam à forcipe, vel prælo, nempe à P, & ab huic æquali resistentia pavimento RS. Igitur æquè comprimetur anulus vel vesica aërea solo innixa à singulari potentia P, ac si à duabus contrariis potentiis P & E, vel G constriingeretur.

COROLLARIUM.

Hinc patet, quòd si duæ potentiaæ æquales simul conjunctæ comprimant eundem supremum anuli terminum pavimento innixi, tunc momentum sive energia, qua anulus contunditur stringiturque duplex est ejus, qua ab iisdem potentiis oppositos terminos stringentibus comprimitur.

Quia, quotiescumque duæ potentiaæ inter se æquales P & G premunt supremum terminum B anuli BC, tunc solum stabile RS in E, cui innititur, idem præstat, & tanta energia operatur, ac si in E adesset potentia æqualis ambabus contrariis potentiis G & P: quare vis, qua stringitur anulus, æqualis est duplo potentiarum G & P. E contra, quando anulus stringitur ab iisdem potentiis G & P subdivisis, scilicet à potentia P in situ B, atque à potentia G in opposito ejus termino C, ut in præcedenti figura videre est, tunc vis, qua stringitur anulus, æqualis est præcisè duabus potentiis oppositis G & P; igitur, quando anulus solo innixus stringitur ab iisdem potentiis G & P, in B duplici energia constriungitur contunditurque, quam si ab iisdem duabus potentiis G & P subdivisis constriingeretur.

PROPOSITIO CXII.

In Torricelliana fistula mercurio extante, clauso orificio scutellæ, & aperta summitate fistulæ, aër in scutella interceptus inter mercurium & operculum à vi duplo validiori comprimitur, quàm illo aperto, & hoc clauso.

TAB. VII.
Fig. 5.

In fistula Torricelliana ACG aperta in G, & clausa in A, factò vacuo, more solito, remanente mercurio BF elevato supra libellam BD; patet ex ipsiusmet Adversarii hypothefi, quòd aër in scutella seu ampulla DG contentus stringitur, comprimiturque à duabus potentiis contrariis inter se æqualibus (cò quod æqui-

libran-

De aëris
gravitate
aquali-
bratio, stru-
ctura, & va-
clateria
ejus.

librantur) nempe à pondere mercurii extantis BF, & à pondere columnæ aëreæ GS. Si postea apposito operculo exactè claudatur orificium G, & aperiatur orificium in summitate fistulæ A, aër interceptus inter operculum G & mercurium D stringitur comprimiturque à mercurio BF, & à columna aërea FS æquali ipsi GS, tunc patet, quod potentia comprimentes mercurii FB, & aëris FS æquales sunt potentia ejusdem mercurii FB, & aëris SG. Jam dico, quod duplò validiori vi comprimitur aër DG, clauso orificio G, & aperta summitate A, quàm illo aperto, & hoc clauso. Quia obturato vitro in A, & aperto in G, ampulla aërea DG stringitur à duabus oppositis potentiis, à mercurio nempe FB, & ab aëris columna SG; ergo vis, qua aërea vesica DG stringitur, æqualis est duabus potentiis mercurii BF, & aëris SG, seu duplò ponderis mercurii BF. E contra, clauso orificio G, & aperto vitro in A, duæ potentia mercurii BF, & aëris SF comprimunt aëream vesicam DG in D, qui aër innititur fundo stabili, nempe operculo G; igitur, ex Corollario præcedentis Propositionis, vis, qua aër DG stringitur, æqualis est duplò potentiarum mercurii BF, & aëris SF, nempe quadruplò potentia mercurii BF; igitur dupla vi & energia constringitur aër DG, clauso orificio G, & aperto vitro in A, ac comprimebatur quando vitrum claudabatur in A, referabatur verò in G.

Ex r. parte
Prop. III.

Quod verò à majori vi compressiva, nempe dupla magis constringi condensarique debeat aër DG, & proinde mercurius deprimatur infra supremam elevationem F, mirum profecto non est, imò juxta ordinem naturæ, & necessitatem, qua operatur, debet mercurius in prædicto casu aliquantulum deprimi, ut exigit aëris natura, quæ dilatationi, & constrictioni obnoxia est. Hinc constat ab aëre compresso DG prohiberi descensum mercurii BF, quæ compressio facta fuit à cylindro aëreo incumbente SG ope ejus nativæ gravitatis.

Non est necesse ut hic repetam experimenta innumera, quæ passim obvia sunt, de quibus Robervallius, Mercennus, Pecquetus, Boile, Gassendus, & plures alii scripserunt, & tandem prodiit Liber Experimentorum nostræ Academiæ Experimentalis Medicæ; ex his enim evincitur, ab aëre ambiente mercurium in

(T 3)

fistula

CAP. V.
De aëris
gravitate
aquil-
bri-
o, stru-
ctura, & vi
elateria
ejus.

fistula sublevari, quandoquidem quotiescumque aër exsugitur, seu prohibetur ejus compressio super stagnantem mercurium, tunc deprimitur mercurius infra supremum signum in fistula, & si hoc fiat in spatio vacuo, scilicet in loco à quo aër exclusus sit, tunc quidem mercurius omnino deprimitur, & è contrà, adveniente aëre, subito mercurius in prædicta fistula elevatur; id ipsum accidit in aqua.

PROPOSITIO CXIII.

Suadetur aëris difformis gravitas ex inaequali mercurii elevatione in fistula, prout altitudo aëris major aut minor fuerit.

Præterea evidentissimum est, mercurium in prædicta fistula eò magis deprimi infra altitudinem unius cubiti & quadrantis, quò magis Instrumentum elevatur à plano subjeçto, sic Dominus Paschalius in Montibus Arvernix expertus est in radice Montis mercurii altitudinem fuisse pollicum 27. cum tribus lineis: translato instrumento ad altitudinem pedum 900. supra montis radicem, mercurii altitudo fuit solummodò pollicum 25, in cacumine verò Montis, ubi altitudo ab ejus radice erat pedum 3000, elevatio mercurii fuit pollicum 24. lin. 2; constat ergo nedùm minui compressionem, quando minuitur aëris altitudo, sed etiam evincitur difformitas gravitatis ipsius aëris; conjicitur enim, quòd aër habeat consistentiam veluti spongiosam, sitque veluti lanæ cumulus, cujus partes superiores, dum comprimunt infimas, reddunt aëris regionem difformiter gravem pro varia earum compressione & contipatione, & pro varia mistura particularum aquarum & terrarum.

Id ipsum postea observavimus Florentix in altissima Turri Palatii, in qua ascensis solummodò cubitis 50. supra infimam Plateam, & Palatii atrium depressus apparuit mercurius spatio unius gradus, scilicet decima parte unius digiti, at postea perducto instrumento ad altitudinem 100. cubitorum depressio mercurii minor fuit altero gradu evidenti & notabili defectu. Idemque postea observatum fuit in Montibus propè Florentiam, & ne suspicio subiret aëris supremi frigiditatem depressisse mercurium in fistula elegimus loca

loca & tempora commoda, scilicet calefacta à sole in Turris cacumine, & umbrosa in ejus radicibus, ut eorum temperies eadem esset, & hoc indicabatur adhibitis perfectissimis termometris, quæ ostendebant aërem in summitate Turris, aut eadem temperie, aut calidiori fervari, quem in radice Turris aut Montis; & ne suspicio subiret à concussione mercurii in fistula dum transferebatur sursum exclusis particulis minimis aëreis, debuisset postea mercurium aliquantisper deprimi, curavimus etiam obturato infimo fistulæ orificio, ne ulla concussio mercurii efficeretur, & postea in ipso descensu vidimus præcisè mercurium in iisdem locis elevatum fuisse ad easdem altitudines, ad quas in ascensu Montis vel Turris pervenerat, unde colligitur solummodò ab aëris variâ compressione mercurium suas altitudines variasse.

Ultimo loco animadvertimus non semper mercurium ad eandem præcisè altitudinem in fistula elevari, quæ aliqua ex parte pendet à temperie aëris calida & frigida, sed hæc quidem exigua est si vitrea fistula in vertice ejus supremo annexam ampullam vacuum amplam habeat; mirabilis profectò visa est variatio illa altitudinis, quæ procùl dubio à temperie calidi & frigidi aëris non dependet, cum perinde observata sit temporibus æstivis & hyemalibus, pariterque in Cubiculo ab igne excalefacto vel frigido, & habeo penès me observationes duorum annorum 1657. & 1658. prædictarum varietatum, in quibus singulis diebus adnotantur gradus caliditatis aëris ex termometro, an dies fuerit nebulosus, vel pluvius, aut serenus, & quinam Venti spirarint, quas feci monitu & jussu Sereniss. Ferdinandi Secundi M. Ducis Ætruriæ, naturalium operationum sagacissimi exploratoris: & tandem videtur ex pluribus observationibus simul collectis deduci posse, quòd multoties cum imminet aliqua diuturna & continuata pluvia in illa Regione, tunc mercurius in fistula per aliquos gradus supra consuetam altitudinem elevatur, è contrà, pluvia jam actu cadente mercurius in prædicta fistula deprimi solet, nec est exigua prædicta differentia, multoties enim Pisis observavi in diuturnis pluviosis tempestatibus variasse mercurii altitudinem per duodecim gradus, scilicet per latitudinem unius pollicis. Quia verò asservo penès me Exemplar Epistolæ, quam Serenissimo Principi Leopoldo modò Cardinali amplissimo anno 1657. scripsi circa hanc

CAP. V.

De aëris
gravitate
aquil-
bri-
o, stru-
ctura, & vi
elateria
ejus.

Altitud-
mercurii
in fistula
Torricel-
liana non
semper
eiusdem
mensuræ
est.

mate-

CAP. V.

De aëris
gravitate
æquili-
brio, stru-
ctura, &
vi elateria
ejus.

materiam, hinc afferam breviter ea, que tunc speculatus sum, quod nimirum fieri potest ob aëris pressionem supra mercurium stagnantem in fistula, ut ante pluviam aër multò magis gravitet & comprimat, quam in ipso pluvix descensu, quod, ut clariùs ostendam, præmittendum est.

PROPOSITIO CXIV.

In fistula Torricelliana intra Puteum demersa, si aqua à graviore superaddito fluido occupetur, mercurius in fistula altius sublevatur, at post illius delapsum denno mercurius deprimitur.

TAB. VII.

Fig. 6.

Sumpta fistula vitrea ABC flexa in B, & factò in ea vacuo, moresolito, mercurius elevetur usque ad F, demittatur postea fistula intra vas vitreum cylindricum DE maximæ altitudinis earum quæ excavari efformarique possunt, atque in ejus fundo E demittatur fistula cum stagnante mercurio ABC; postea repleatur cylindrus vitreus oleo, vel alio liquore leviori usque ad G, constat à novo pondere olei supra mercurium stagnantem C incumben-
tiselevari præterea mercurium ab F ad H, ut nimirum fiat æquilibrium inter mercurium HF, & oleum CG; postea si supra olei superficiem G innatet vas NO, quod arena, aqua, vel alio graviore fluido non omninò impleatur, procùl dubio à novo pondere NO altiùs mercurius elevabitur in fistula ab H usque ad M. His peractis revolvatur vas NO, ut nimirum arena, vel aqua fluere possit deorsum ad modum pluvix per spatium oleosum GC, & dum prædicta pluvia deorsum descendit, non deferet mercurius summitatem fistulæ M, at postquam arenosa, vel aquea pluvia fundum cylindri EK attingit, & proindè infra stagnantem libellam mercurii C deprimitur, tunc mercurius non ampliùs persistet in summitate fistulæ M, sed paulatim descendet versùs H, prout majori copia pluvia aquea, vel arenosa ad fundum vasis EK perducitur. Ratio hujus rei est, quia licet arena, vel aqua gravior oleo sit, & proindè comprimat mercurium stagnantem in C; eumque elevet usque ad M, nihilominùs quando arena, vel aqua fundum vasis EK attingit, comprimit ejus fundum, non verò superficiem
stag.

stagnantis mercurii C, & sic mercurius comprimitur tantummodò à cylindro oleoso GC.

De aëris
gravitate
æquili-
brio, stru-
ctura, & vi
elastica
ejus.

PROPOSITIO CXV.

Mercurius in fistula Torricelliana altius elevabitur, dum aër Nebulis pluviosis impregnatur, at postquam pluvia delapsa est, denudò mercurius in fistula deprimitur.

TAB. VII.

Fig. 6.

Ab hoc evidentissimo experimento problema nostrum solvi posse cenfeo, quandoquidem quid aliud sunt Nebulæ pluviosæ, scilicet aqua gravida, quàm aggregatum ex innumeris granulis minutissimis aqueis? & cum prædicta Nebula in altissimis aëris partibus innatat, vel lentissimo motu aquæ particulæ ejus descendunt, procul dubio suo pondere naturali augment aëris gravitatem, ideoque majori nisu globum terraqueum comprimunt, quam aër purus, & aqueis guttulis omninò privatus constringere eum possit: & ideo fistula mercurialis ABC in infimo prædicto aëre constituta comprimitur nedum à pondere superstantis aëris, sed præterea à pondere totius aquæ Nebulam supremam componentis: itaque per aliquod tempus, antequam pluvia descendat, fieri potest ut mercurius in fistula supremam illam altitudinem M pertingat, in eaque permaneat, & hoc nedum à Nebulis, sed à quacumque alia causa gravitante effici potest, si enim terrestris pulvis à Vento, vel alia commotione sursum impellatur, atque per aërem dissipetur spargaturque, tunc nemo dubitat aërem graviore nisu superficiem orbis terreque comprimere. Si postea à qualibet causa Nebula impellatur, ut nimirum terram attingat, scilicet Pluvia paulatim terram assequatur eamque humectet, tunc patet innumera aquæ granula terræ inniti, neque amplius aëris gravitatem, & compressionem augere, & quia à terra subiecta sustentantur, non possunt ut priùs suo naturali pondere comprimere superficiem infimam mercurii stagnantis, & propterea semper à minori pondere mercurius in C comprimitur, prout magis pluvia ad terram perducitur, & prout magis aër illo pondere alleviatur, & propterea superficies ejus in suprema fistulæ parte sensim deprimitur usque ad infimum situm F.

(V)

Li-

De aëris
gravitate
æquili-
brio, stru-
ctura, & vi
elastica
ejus.

Non ta-
men con-
versa regu-
la vera est,
nam ab
aliis causis
elevatio
mercurii
in fistula
variari po-
test.

Licet hoc verum sit, non tamen inde elici potest conversa regula generalis, ut nimirum, quotiescumque mercurius in fistula elevatur, debeat pluvia expectari, quandoquidem potest hujusmodi augmentum compressionis produci ab aliqua ingenti agitatione supremæ atmospheræ, & si fortè à particulis aqueis & terreis sublevatis major gravitas aëris producitur, fieri potest ut à violentia Ventorum alibi transportentur Nebulæ, & sic pluvia alibi translata non decidat in eo loco ubi originem habuit. Atque ex his omnibus concludi potest aërem revera suo pondere, & vi elastica comprimere mercurium in fistula contentum, eumque ad illam determinatam altitudinem elevare.

PROPOSITIO CXVI.

Aërem esse gravem experimentis aliorum comprobatur, & primam Merfennii experientiam ope ignis infidelem esse.

4. de Cælo
Cap. 4.

Sed multò magis patebit veritas prædictæ Propositionis adhibitis experimentis, à quibus immediatè & directè ostenditur aëris gravitas, & primò constat experientia relata ab Aristotele, ubi ait; utrem inflatum majorem gravitatem & pressionem exercere quàm vacuum hocque postea diligentissimè ab aliis comprobatum est, & summa facilitate perfici potest non quidem Folliis violenter insufflando utrem, sed levi plenitudine utre clauso, vel commodius pila lusoria aërea ad trutinam examinata, & postea funiculo circa utrem, vel pilam revoluta, violenterque constricto, tunc quidem ob aëris condensationem pondus utris aut pilæ manifestè ad trutinam augetur; præterea, ut docuit Galilæus, intra vitream lagenam violentè aër insufflari potest ut valdè condensetur, & tunc pondus prædictæ lagenæ sensibiliter augetur pro mensura aëris ibidem condensari, & hac experientia diligentissimè facta ingeniosissimus Antonius Oliva reperit, quòd gravitas molis aëris, quæ æqualis sit cubo aqueo unius libræ granum unum pendet; at Merfennus in Phænomenis pneumaticis ope ignis eandem experientiam fecit, sumpsit æolopilam æream, eamque vehementissimo igne calefecit, ut prorsus candesceret, & sic in balance perfectissima, quæ à semigrano flectebatur, examinavit pondus ejus.

Prop. 29.

ejusdem æolopilæ candentis, eamque reperit unicarum 4. drach. 6. & gran. 15. postea refrigerata æolopila ejus pondus præcedentem superavit gran. 4. & hinc elicit aërem inclusum in æolopila grana 4. ponderasse; porro pondus aëris illius ad æqualem aquæ molem ait reperisse in proportionem 1. ad 1356.

De aëris
gravitates
æquili-
brio, stru-
ctura, & vi
clateria
ejus.

Sed prædicta experientia multis nominibus infidelis est, primò quia corpora vehementer excalescèntia, in bilance suspensa, non ostendunt veram gravitatem eorum, sed diminutam, quia ut superius ostensum est, ignis diffusum ab æolopila candente valdè rarefacit aërem prædictam æolopilam ambientem, cumque aër ambiens simul cum pila unum corpus grave componat intra densiorem aërem suspensum, fit ut aggregatum prædictum minùs grave specie sit, quam prius, & proinde imminuitur gravitas aëreæ æolopilæ, non solum ob defectum aëris inclusi, sed etiam ob ejus ferventissimam caliditatem.

Cap. 4.
Prop. 61.

Rursus aër in æolopila à vehementissimo igne amplius expansusque, non potest dici verè rarefactus, quia nimirum copia ignis vehementissimè agitati, & circumvoluti intra æolopilæ cavitationem disgregat, ac separat particulas aliquas aëris ibidem relictas, itaque intercapedines, quæ separant aëris particulas, partim occupantur ab igne, partim ab inani spatio, dum igneæ particule motu velocissimo convertuntur, & vertigines complent, intercipiendi grandia spatia inania; undè malè hinc infertur raritas maxima ad quam aër ampliari potest.

PROPOSITIO CXVII.

Secunda Mersenni experientia, in Sclopeto pneumático facta, dubia quoque est.

Melior est secunda Mersenni experientia, dum in Bombarda, seu Sclopeto pneumático magno conatu immisit vastam aëris molem, quæ in exiguo spatio condensata fuit, atque pondus sexaginta granorum aëris inclusisse in cavitate catapultæ, quæ ab 8. uncii aquæ impleri poterat, hinc deducit aërem in Sclopeto immissum adeò condensari, ut quindecies spatium internum catapultæ expleat; proindeque tres digitos cubicos aëris ferè ponderare

(V 2)

CAP. V.

De aëris
gravitate
æquili-
brio, stru-
ctura, & vi
elateria
ejus.

derare granum unum. Sed ex tanto apparatu tandem Merfennus nil certi colligit, cùm afferat innumeras difficultates, & ingenuè fateatur, semper dubitari posse an intra catapultæ cavitatem unà cum aëre insuffletur particula aliqua oleaginosa vel aquea, quandoquidem epistomium emboli humectari debet in ejus superficie coriacea, ut omninò rimæ claudantur, ut regressus aëris prohibeatur.

Hicce omnibus difficultatibus perpenfis, plures modi invenienti aëris gravitatem in Academia Experimentalis Medicea excogitati fuerunt ab illis doctis Viris, hîc tamen referam aliquos ex multis à me ibidem propofitis.

PROPOSITIO CXVIII.

Novum Artificium ad explorandam aëris gravitatem exponitur.

TAB. VII.

Fig. 7.

Primò fumatur fistula vitrea ABCF, inflexa propè ejus extremum C, in summitate verò annexam habet vitream ampullam AB diametro 4. digitorum, habeatque duo orificia aperta in M & F, longitudo verò ejus BD major sit sesqui cubito. Vas prædictum hydrargyro impleatur per orificium M, obturato prius ostio infimo F, & postea denuò vesica suilla clauso supremo orificio M, ibidem alligari debet æneum filum gracilissimum MSN, & aperto infimo ostio F, facto vacuo more solito, descendet mercurii superficies usque ad L, postquam scilicet major pars ejus fluxerit ab infimo orificio F, remanseritque spatium ABL exinanitum, & tunc denuò duplici vesica suilla strictè alligata claudatur orificium F. Postea præparari debet vas profundum PQR aqua plenum usque ad summitatem PR, sitque ejus profunditas tanta, ut mergi possit universum instrumentum MAC, ut tamen ejus basis C putei fundum non attingat; demergatur fistula prædicta vitrea unà cum mercurio contento intra aquam; & si fortè os supremum vitri M non demergitur infra aquæ superficiem PR, exigui anuli ænei totidem uncia grana pendentes in C, & in summitate A apponantur, quousque universa machina vitrea fiat proximè minùs gravis specie quàm aqua, scilicet innatet, & emineat supra aqua libellam PR, pars aliqua SN prædicti fili ænei

ænei vitro annexi, & in S fiat æquilibrium & quies. Deinde in
 aëreaperiatur supremum os vitri M, ut spatium inane ABL aëre
 impleatur, remanebitque reliqua pars fistulæ plena hydrargyro,
 ut prius, propterea quod operculum in F impedit exitum mer-
 curio LCF. In hoc statu denuò eadem suilla vesica claudatur arcte-
 que ligetur vitri os supremum M; & tandem denuò demergatur
 fistula infra libellam aquæ PR. Et quia in hoc casu demergitur
 infra aquæ libellam moles conflata ex iisdem corporibus, scilicet
 ex vitro ACF, ex hydrargyro LCF, & ex iisdem vesicis & filis M
 & F, & solummodò de novo adest aër ABL, quo fistula prius
 carebat; igitur necessè est, ut pondus totius machinæ NACF
 majus sit quàm in priori statu, quando spatium ABL vacuum
 fuerat. Quapropter non poterit denuò sublevari fistula ad eandem
 altitudinem S, nisi gravitas ejus imminuatur; auferri igitur de-
 bent aliqua grana, seu anuli ænei è collo fistulæ AM, ut machina
 ad æquilibrium cum aqua redigatur, mergaturque denuò usque ad
 situm S; quot igitur grana tolluntur à fistulæ collo A, tot præ-
 cisè mensurabunt pondus aëris ABL intra fistulam inclusi.

De aëris
 gravitate
 æqui-
 brio, stru-
 ctura, &
 vi elastica
 ejus.

Multis modis postea indagari potest proportio ponderis aëris
 ad aquam, sed omnium facillimus & simplex erit, si in aëre per-
 fectissima balance ponderetur moles aquæ æqualis spatio ABL, &
 hic comparetur cum pondere jam invento aëris ejusdem molis
 ABL.

PROPOSITIO CXIX.

*Postea omisiss quàm plurimis thermostaticis à me inventis, afferam
 Instrumentum, quo pondus absolutum aëris in diversis locis
 elevatis ac depressis, & variè temperaturis reperiri potest.*

Fiant tres ampullæ, vel vesicæ vitreæ, vel æneæ, qualis est
 AB, habeantque collum supremum CA æneum perfectissimè con-
 tornatum, hoc autem viscosa aliqua materia, ac tenaci uniatur fer-
 rumineturque cum suprema ampullæ parte; habeat postea cana-
 lem, seu colli cavitatem turbinatam conicè, & perfectissimè lævi-
 gatam, huic verò cavitati adaptarii possit aliud operculum paritèr
 æneum & turbinatum, & exquisitissimè lævigatum, ut nimirum
 (V 3)

TAB. VII.
 Fig. 8.

nulla

De aëris
gravitate
æquili-
brio, stru-
ctura, & vi
elastica
ejus.

nulla rimula remaneat, & perfectissimè claudat orificium fistulæ C, ut prohibeat ingressum, aut exitum aquæ vel aëri; tandem appetur tenuissimum filum æneum CFE, divisum in particulas æquales seu gradus. Postea in fundo vasis D includantur granula exigua plumbi quousque universam ampullam CAB deprimant infra aquæ libellam PR, ita tamen, ut ampulla CB non pertingat ad fundum vasis Q, sed innatet, & secetur filum æneum CE à libella aquæ PR in aliquo ejus puncto intermedio F. His præparatis, debent tres prædictæ ampullæ temperari in eodem loco, & eodem vase aqueo, impleanturque aëre ejusdem cubuli ad radicem Turris, vel Montis positi, & in hisce omnibus notetur signum fili F, quod aquæ superficiem tangit, & adhibitis vulgaribus thermometris, notetur gradus caliditatis aëris Cubiculi, tum aquæ ejusdem vasis. Postea duæ ampullæ transportentur una ad summitem alicujus Turris vel Montis, reliqua reponatur medio loco inter summitem & radicem, seu basim ejus, & ibidem aperiantur, ut raritatem aëris montani acquirant (artificiosè aëre temperato, si opus fuerit, ut ad eundem caliditatis gradum reducantur, quem in Cubiculo habuerat;) postea denuò ampullæ claudantur, atque intra id ipsum Cubiculum asportentur, & ibidem intra aquam demersæ, apparebunt differentie à prima ampullarum demersione, aër enim supremæ Turris, ut minùs gravis altiùs elevabit filum æneum CE, ut nimirum supra aquæ libellam emineat portio major, quàm EF, & ex prædicta comparatione faciliè dignosci potest diversitas ponderis aëris, que in diversis elevationibus reperitur. Sic etiam reperiri poterunt differentie gravitatum aëris diversorum locorum, ac Urbium.

PROPOSITIO CXX.

Tutissimo & facillimo experimento elicitur specificam aqua ad aëris gravitatem se habere, ut 1175. cum 4. septimis ad 1.

TAB. VIII.

Fig. 1.

Sed præcipuus ac pulcherrimus modus reperiendi aëris gravitatem hic est, quem Academia Mediceæ experimentalis anno 1660. communicavi, unà cum ejus demonstratione, eumque ibidem ejusdem anni ætate ad praxim redegei: sumpsi plumbeam pilam cavam

cavam BC aëreplenam, & undiquæ clausam, hanc quidem perfectissima balance in aëre ponderavi, postea addito pondere F, à quo posset pila BC infra aquæ libellam demergi, paritèr ejus pondus præcisum in aqua reperi, alligata nimirum pila non funiculis, sed pluribus fetis equinis à quibus ejus gravitas in aqua non alteratur, saltem differentia sensibili; poterit ergò sumi additamentum ponderis F, ac si augetet crassitiem pilæ plumbeæ BC; sit ergo GE pondus totius pilæ BACL unà cum pondere adjuncto F in aëre trutinato; GH verò sit pondus ejusdem aggregati BALCF intra aquam examinatum; quia verò, ex Archimede, pondus corporis intra aquam demersi imminuitur pro quantitate ponderis molis aquæ, quæ æqualis sit integro corpori demerso; igitur differentia HE erit pondus molis aquæ PQ, quæ æqualis sit corpori demerso BALCF. Postea pilam plumbeam BC eodem modo clausam violenter malleo contudi, ut ad minus spatium BLC redigeretur; manifestum est constipatum restrictumque fuisse aërem inclusum, ut nimirum portio aëris A inclusa sit in eodem spatio, quod occupabat reliqua aëris portio L. Denuò igitur pilam plumbeam contusam BLCF ponderavi in aëre & in aqua, atque in aëre pondus ejus fuit GN majus, quàm GE; ejus verò pondus in aqua fuit GM, quapropter ponderum differentia MN erit gravitas molis aquæ RS, quæ æqualis sit corpori demerso BLCF, & secetur EO æqualis MN. Quia verò aër AL in ipsomet aëre ejusdem gravitatis nil gravitat ob æquilibrium, igitur pondus GE tribui debet plumbo BCF, cum verò pila contusa in aëre magis gravitet pro mensura nimirum GN, tunc quoque tota gravitas GE plumbo eidem tribui debet, at excessus gravitatis EN nullo pacto tribui potest portioni aëreæ L, quæ prius æquè rara erat cum suo ambiente, sed tribui debet portioni aëreæ A, quæ insinuata est in eodem spatio L, in quo reliqua pars aëris continebatur; Postea, quia HE est pondus molis aquæ PQ, quæ æqualis est moli BALCF, & EO est pondus molis aquæ RS æqualis integræ pilæ contusæ BLCF; igitur differentiale pondus HO pertinet ad aquam VX, nempe ad differentiam aquæ PQ supra RS, quæ æqualis est aëri A insinuato intra spatium L; igitur habemus duo corpora inter se æqualia mole nempe aqua VX, & aër A, horum autem pondera absoluta, ex Archimede, eandem pro-

De aëris
gravitate
æquili-
brio, stru-
ctura, & vi
elateriæ
ejus.

De insi-
dentibus
humido I.
l. pr. 7.

Ibidem.

pro-

CAP. V.

De aëris
gravitate
æquili-
brio, stru-
ctura, & vi
elastica
ejus.

proportionem habent, quam eorum gravitatis in specie; igitur pondus HO ad OM, five ad ei æquale EN, eandem proportionem habet, quam gravitas in specie ipsius aquæ ad gravitatem specificam aëris, reperta autem fuit EN gravitas molis aëris A ob confusionem insinuatam intra L, igitur necessarium pondus HO tribui debet aquæ moli VX. Si postea sumatur moles aquæ Y, ad quam aquæ moles VX eandem proportionem habeat, quam HO ad OM, patet eandem gravitatem habere aquam Y ac aër A. His demonstratis, referam jam experimentum factum in nostra Academia Experimentalis Mediceæ; pondus in aëre totius pilæ, & aëris BALCF fuit GE granorum 31616. pondus verò ejusdem in aqua fuit GH gran. 4272, eorum differentia HE fuit gran. 27344. Præterea pondus totius pilæ confusæ GN fuit granorum 31623. in aëre, in aqua verò fuit GM gran. 12508, ergo eorum differentia scilicet pondus MN vel EO fuit granorum 19115. pondus EN differentiale inter GE & GN fuit gran. 7. pondus verò differentiale HO erit granorum 8229. quare ex regula aurea ut pondus aëris granor. 7. ad pondus molis aquæ ei æqualis gran. 8229. ita se habet 1. ad 1175. cum 4. sept. itaque una particula aquæ æquè ponderabit, ac æstivi aëris particulæ 1175. cum 4. sept. quarum singulæ æquales sint mole ipsi aquæ.

Et in hac operatione facillima, quæ fallaciis, ac difficultatibus minimè obnoxia esse videtur, summo compendio nedum gravitas ipsius aëris, sed etiam proportio, quam habet ad aquæ gravitatem unica operatione elicitur.

PROPOSITIO CXXI.

Distantia inter maximam aëris constrictionem, & ejusdem maximam dilatationem est ut 1. ad 2000. ferè.

Prop. 125.

Tandem ex nostris experimentis deducitur maxima aëris dilatatio. Supposito enim quòd in catapulta pneumatica aër ad decimam spatii ejus partem redigatur, quia supra, ex nostro experimento, deduximus aërem rarefieri, ut spatium expleat centies & octuagies majus, quàm priùs, quia verò hic aër communis stringi condensarique potest violenter usque ad decimam ejus partem, vel

vel decimam quintam; igitur distantia inter maximam aëris densitatem, & amplissimam ejus expansionem, aut erit 1800. aut 2700. eadem proximè, quæ à Merfeno posita fuerat.

De aëris
gravitate
æquili-
brio, stru-
ctura, & vi
elastica
ejus.

PROPOSITIO CXXII.

Aër in naturali ejus constrictione, remota omni violentia, rarissimus est, & spatium occupat bis millies majus quam in statu maxima ejus violente constrictionis, quæ si removeatur, spontè & ingenti vi ad pristinam naturam raritatem redigiur.

Quia verò experientia constat aërem dilatari quidem sponte sua, & non sine impetu, & celeritate maxima, & è contrà, numquam sponte constringi condensarique videmus, sed semper hoc efficitur ab aliqua violentia externa, hinc cogimur asserere aërem habere virtutem quandam elasticam, qua nimirum quotiescumque violentiam constrictivam patitur, tunc quidem resilire vehementerque vibrare sese dilatando posse; hoc autem constat luculento experimento in ipsa catapultæ pneumaticæ, in qua aër magna vi inclusus in ejus cavitatem, postea amota valvula, tanta violentia fuit erumpitque, ut pilam plumbeam, seu telum impellat projiciatque, ut in magna distantia tabulam oppositam satis crassam disrumpat, atque terebret: hoc autem nulla ratione fieri posset, nisi aër haberet vim, & facultatem ingentem sese dilatandi, & amplius spatium occupandi. Cum igitur jam ex superius dictis innoverit ad quamnam maximam amplitudinem aër rarefieri dilatarique possit, pariterque ad quem gradum constipationis condensationisque comprimi valeat, & vidimus quòd eadem aëris moles, quæ in sua maxima condensatione fuit redacta occupabat minus quam bis millefimam partem spatii, quod in maxima sui dilatatione explebat, dicendum est aërem in sua naturali constitutione, id est remota omni violentia externa, amplissimum spatium exigere, & in tali quidem expansione conservari in suprema aëris regione, vel in spatio vacuo, at in regione infima aëris propè aquam & terram, tunc quidem variis modis comprimitur, cum à pondere aëris incumbentis, tum à pondere aquæ aut terræ in infimis cavitati-

(X)

bus,

CAP. V.
De aëris
gravitate
æquili-
brio, stru-
ctura, & vi
elastica
ejus.

bus, aut à quacunque alia vi motiva ad prædictam maximam consipationem redigitur. Sic videmus in instrumento Torricelliano aëris granula ad latera mercurii posita, dum sursum ascendant, quò magis ad mercurii summitatem accedunt, eò magis moles aëreorum granulorum augeri, quousque propè spatium inane supremum ingentes sphæras expleant: id ipsum immissa vesica cyprima propemodum exinanita intra mercurium observatur, & clariùs mercurio superposita aquæ portione conspicitur in eodem Instrumento, nam granula aërea intra aquam contenta, quæ hætenus ob sui exiguitatem inobservabilia & inconspicua fuerant, postea factò vacuo, scilicèt sublata incumbentis aëris compressione, subitò conspiciuntur sensim inflari augerique, ut efficiant ampullas grandes per aquam ascendentes, quæ ad confinium supremum ejus perductæ dissiliunt, evomuntque aëreas particulas intra prædictum spatium inane, cùm è contra, si dum actu elevantur ampullæ amplæ illæ aëreæ, denuò comprimantur aëreæ superne introducto momento conspicias aërem denuò ad strictissimum & inconspicuum spatium redigi; Non potest igitur negari, nisi negatis evidentissimis sensationibus, quod naturalis aëris constitutio, & dispositio sit illa amplissima & rarissima; & præterea quod quotiescumque à vi externa comprimitur constringiturque, nihilominus habeat quoque vim & energiam naturalem sese celerrimè dilatandi facta nimirum refilitione ad modum machinæ.

PROPOSITIO CXXIII.

Aër videtur compositus ex machinulis, quæ stringi quidem adhibita violentia possint, sed postea sponte resilere ad instar arcus valeant.

Hic jam quæri potest, qualis nam esse oporteat aëris structura ac forma, ut prædictas operationes efficere valeat. Et profectò si sensu, non verò phantasticis & chimericis hypothesibus philosophandum est, confiteri tenemur aërem componi ex machinis flexibilibus & resilientibus ad modum arcus, quia nimirum in hisce machinis prædictum symptoma observatur, scilicèt arcus, vel machinæ exigunt amplam illam extensionem, & si ab externa vi

De aëris
gravitates
æquili-
brio, æru-
dura, & vi
elaterii
ejus.

vi constringantur comprimanturque, tunc sponte sua resiliunt prioremque amplam situationem repetunt; si enim aëreæ particulae non essent machinae profecto percipi non posset quare, & quomodo post compressionem resilirent; nam postquam aëris particulae compressae sunt, loca non minora, sed sibi ipsis adaequata occupant, cum non possint corpora se mutuò penetrare, igitur in prædicta constrictione libenter persistere deberent, nec quærerent loca ampliora, quæ ab ipsis impleri occupariquæ non possent: deberet igitur ipsis assignari vis quædam motiva, quæ dissociaret separaretque aëris particulas à se invicem, hæc verò sensu & cognitione quadam animastica percipere deberent damnum, quod ad constipationem consequeretur, si enim noxam non perciperent, qua quæso ratione se excitarent ad operandum? Quanto rationabilis est eam structuram aëris particulis assignare, à qua necessitate cæca cogantur sese explicare, quotiescumque contra earum naturalem exigentiam constringuntur; hoc autem assequemur, si concipiamus aëream substantiam constari ex innumeris machinulis juxta se positis, & tunc quidem clarè percipiemus in prædicto aggregato virtutem illam elateriam reperiri posse, quia nimirum machinulae illae post compressionem sese conantur dilatare. Ut verò constet, me non subito nec oscitanter huic sententiae assensum præbuisse, referam quicquid in mentem venit circa aëris structuram.

PROPOSITIO CXXIV.

Si aëris minima particula essent con excavati magnetica virtute affecti, salvari possent Symptomata condensationis violentæ, & spontanea ejus ingentis rarefactionis.

Primo enim excogitavi Artificium, quo suppositis aëreis minimis particulis non flexilibus, posset nihilominus fieri prædicta aëris spontanea dilatio. Supponebam enim minimas aëris particulas esse conicas, sed excavatas: tunc quidem, cum vertex unius aërei coni possit intra cavitatem alterius insinuari, potest planè salvari illa compressio, quæ videtur incomprehensibilis aliquibus Philosophis, quia enim pars solida corporea, & plena præ-

(X 2)

dicto-

CAP. V.

De aëris
gravitate
æquili-
brio, stru-
ctura, & vi
elastica
ejus.

TAB. VII.

Fig. 9.

dictorum conorum potest esse nedum pars bis millesima, sed adhuc minor spatio inani intrapredictos conos contento, nil enim vetat corpus densum ac durum in gracilissimas laminas extendi posse, à quibus coni excavati efformentur. Sed hic jam nodus difficillimæ solutionis se offert, qua, inquam ratione postquam unus conus intrà alium insinuatus est, vim facit se ab eo separandi, procul dubio iis vis quædam motiva assignari debet, & hæc diversa non erit ab ea, quæ in aliis corporibus terrenis reperitur: concipiantur ergo conuli excavati aërei ABC, DCE, FGH, IHL; & sic alii innumeri eodem modo dispositi: animadverti postea, quòd in magnete, & in omnibus magneticis corporibus dantur duo poli, borealis nempe, & australis, & quotiescumque duo corpora magnetica super aquam innatantia ad sese propius accedunt, tunc quidem polo unius australi unitur connectiturque alterius corporis borealis polus, & si contingat ut aliter disponantur à violentia aliqua externa, sponte sua recedunt, & indebita constitutione situantur, tum respectu sui, cum respectu polii australis Orbis Terræ. Cogita jam conos excavatos ABC, FGH esse magneticos vel ferreos, virtute tamen magnetica affectos, ut nimirum omnes vertices A, & F sint poli boreales, partes verò australes sint bases BC, & GH, & quia bases predictæ sunt cavæ poli australes, præcisè existent in centris circulorum BC & GH. His positis, innatent jam predicti conuli, scilicet moveri lateraliter possint absque ullo impedimento, tunc quidem polus borealis F coni FGH, si conjungi debet juxta magneticas leges cum polo australi conuli ABC, necessario vertex F cum centro circuli basis BC conjungetur naturali instinctu, & ideo resistet externæ violentiæ, quæ hanc situationem perturbare conaretur. Adveniat jam alia vis externa, quæ violentè insinuet verticem F intra sinuosam cavitatem alterius versùs A, tunc quidem naturali nisu, cessante violentia externa, recedet vertex coni FGH ab interna illa positione, & denuò retrocedet quousque ejus vertex F conjungatur centro circuli basis BC. Et hæc inquam esset vis elastica, quæ in aëre reperitur, nec talis hypothesis ut impossibilis reprobari posset, cum revera & terra & corpora omnia terrena magneticam vim habere manifestum sit, in quibus predicta operatio necessario sequeretur, posita nimirum predictafiguratione

in

in particulis magneticis. Possent aliunde omnia alia phænomena, quæ in aëre observantur salvari ex prædicta hypothesi, igitur concedi ea deberet saltem ut possibilis.

De aëris
gravitate
æquili-
brio, stru-
ctura, & vi
elateria
ejus.

PROPOSITIO CXXV.

Melius aëris proprietates salvantur, si ejus minima particulae sint durae flexibiles, & resiliens ad modum machinae, habeantque figuram tubi, vel cylindri excavati, compositi ex laminis vel filis laevibus, aut ramosis oblique in se ipsos circumductis.

Hanc tamen hypothesim postea rejeci re accuratiùs considerata; supposui enim tubulos aliquos gracilissimos multis modis componi posse ex materia resiliente ad modum machinae. Primò supponi possunt tubuli conflati ex tenuissima laminula in se ipsam circumducta & continuata, quæ paritèr machina sit flexibilis, & post compressionem resilire valeat, ut contingit in arcu compresso. Hinc salvari potest maxima illa aëris condensatio, quam patitur à vi externa comprimente, quia nimirum perimetrum internum fistulae, licet semper ejusdem mensurae sit, tamen minorem capacitatem continentèr acquirit, quò magis comprimitur, scilicet quò magis à circulo recedit ejus basis, & ad figuram longiorem ellipticam redigitur. Alio modo componi possunt tubuli aërei, si nimirum concipiatur involucrum, factum ex lamina tenuissima, quæ quidem paritèr flexibilis sit, & ad modum arcus resilire valeat, hæc, inquam, multò magis comprimi potest, & ad minus spatium redigi, quam simplex tubus paulò ante expositus, quia nimirum internus ambitus adhuc constringi & imminui potest, ut nimirum perimeter basis minor fiat, repetitis nimirum convolutionibus prædicti involucri, & præterea, non minùs, quam antea potest lateralitèr comprimi, ut nimirum basis non circularis, sed elliptica fiat, & sic duplicata causa restrictionis multò magis minui poterit moles aëris constipati condensatique; Tertiò, si supponantur tubuli aërei compositi ex tenuissima virga ramosa, vel fascia oblique revoluta, & in se ipsam circumducta ad modum spiræ, relictis nimirum aliquibus interstitiis inter transversales

(X 3)

spi-

De aëris
gravitate
æquili-
brio, stru-
ctura, & vi
elateria
ejus.

spiras, tunc quidem multò faciliùs tubulus prædictus consti-
pari poterit tribus nominibus, & quia ambitus internus imminui-
tur, pariterque decurtatur altitudo fistulæ, & tandem ad figuram
compressam ellipticam redigitur, quare, si solida materia præ-
dicti tubuli seu spiræ, sit dura quidem, sed flexibilis, & apta
ad resiliendum ut machina, vel arcus chalibeus, eique naturali-
tèr competat ampla & dilatata figura, poterunt profecto constrin-
gi ab externa vi, at cessante violentia, sponte sua resiliunt, ad
prioremque statum dilatatum rarumque rediguntur, ut videmus
in iis serpentibus Puerorum ex tenuissimo æneo filo confectis,
scilicèt spiralitèr revolutis ad modum cochleæ, in iisque facta
compressione spatium eorum maximè imminuitur, at postmo-
dum raritatem suam denuò repetunt. Et hac quidem figura
assignata aëri facillè salvantur phænomena omnia, quæ in ipso
aëre observantur, de quibus sigillatim suis in locis peculia-
ritèr agemus.

*Nullam Attractionem, nec Vim Tractivam in
Natura dari.*

CAPUT VI.

CAP. VI.

Non dari
attractionem.

NIl frequentius apud Medicos, & Philosophos reperitur,
quàm nomen qualitatis, seu virtutis attractivæ, quæ licèt
magno fastu, & supercilio proferatur, nil profectò absurdius re-
peries, si attentè perpendas quid nomine attractionis intelligant.
Ajunt igitur manifestè constare in natura attractionem dari, ut
videre est in Magnete, qui ferrum ad se trahit, pariterque electri-
ca omnia corpora festucas exiguas magno impetu ad se adducunt,
sic paritèr calorem & dolorem in aliqua determinata parte anima-
lis excitatum, ut in manu v.g. vel crure, attrahere à partibus lon-
ginquis ne dùm sanguinem, sed etiam humores cæteros ajunt;
non secùs cucurbitulæ Medicæ folles, & alia instrumenta pneu-
matica, dum aërem exugunt, attrahunt quoque humores adnexos;
quia verò in hisce omnibus operationibus nullum organum cor-
poreum apparet à quo tractio effici valeat; hinc concludunt vim
& qualitatem attractivam incorpoream esse, habereque faculta-
tem

tem ad se attrahendi fluida corpora ambientia. Sed quis capiet à virtute incorporea naturali vi, & immediatè, absque organo corporeo, corpus aliquod moveri & trahi posse? quomodo enim quod incorporeum, & proindè indivisibile est applicare se potest, apprehendere, constringere, impellereque corpus extensionem habens, cum lumine naturæ constet nullam motionem, aut actionem Physicam absque contactu fieri posse, pariterque constet corpus ab incorporeo minimè tangi? Igitur necesse est ut attractio fiat, mediante aliquo instrumento corporeo.

Non dari
attractionem.

PROPOSITIO CXXVI.

Agens naturale, nisi moveatur, minimè trahere potest aliud corpus, quod præterea fune, vel uncino alligatum transferri debet.

Quia agens corporeum, quotiescumque sua vi motiva trahit aliud corpus, necessario agitari quodammodo; & moveri debet; si enim omninò iners & stabile agens supponatur, quomodò quæso aliud corpus contiguum agitabit, & è suo loco dimovebit? verùm quando agens motu locali agitur, tunc comprehendo, quòd corpus ei adnexus è regione positum expelli è suo loco debet, aliàs agens corpus non moveretur; & hoc constat quia duo corpora se mutuò penetrare non possunt: igitur si objectum corpus fluidum fuerit, saltem agitari debet lateralitèr, ut liberum transitum impellenti corpori concedat, & si fuerit durum ac consistens, integrum corpus objectum dimovebit id expellendo. Si verò corpus ambiens non antèriùs motui ejus objiciatur nec ipsum impediat, sed posticè ei adhæreat, tunc quidem, si alligetur fune vel uncino, alioque consimili corpore curvo, fieri potest, ut ad motum agentis etiam colligatum corpus subsequens transferatur. Et hoc quidem eadem ratione lumine naturæ deducta evincitur, quia instrumenti tractorii pars curva, quæ antèriùs impellitur ab agente, ob eandem impenetrabilitatem antèriùs impellitur, & ab ejus duritie & soliditate corpus posticè apprehensum transferitur; at si funis aut uncinus, vel quodlibet aliud organum curvum removeatur, non video, neque percipio quomodo, dum move-

Non dari
attractionem.

moveretur corpus anticum, trahere secum debeat corpus posticum nullo vinculo nec glutine sibi connexum.

Sed non defunt Philosophi, qui dicant: *equè facile concipi corpus tensum, dum sese reducit, aliud corpus, cui contiguum est, secum adducere, ac corpus compressum aliud corpus à se amovere, nec alio fune opus est ad hunc finem, cum enim juxta naturæ institutum omnia corpora sint paries universi, & partes, quæ totum aliquod componunt, conjunctæ esse debeant, alioquin paries non essent si seorsim esse possent, ideo unum corpus adheret alteri.*

PROPOSITIO CXXVII.

Primò, dico falsum esse equè facile corpus tensum, dum sese reducit, aliud corpus, cui contiguum est, secum adducere, ac corpus compressum aliud corpus à se amovere.

Quia necessitas hujus operationis patet ex eo, quòd corpus moveri non potest ad locum alterius corporis occupandum, nisi expellat illud ibi degens, cum duo corpora in eodem loco poni non possint; at quòd corpus, dum movetur, recedendo ab alterius corporis loco, trahere secum adhærendo debeat corpus posticè sibi contiguum, à cujus contactu conatur recedere, & cui non colligatur glutine, fune, aut alio vinculo, nedùm gratis asseritur, verum omninò impossibile videtur, & omnem captum superat. Cum verò ait; *naturæ institutum esse ut corpora mandata sint paries universi*, hoc planè ei conceditur, sed nego, quòd *partes, quæ totum componunt, conjunctæ esse debeant, & quòd alias partes non essent si seorsim esse possent*; nam partes exercitus discretæ sunt, & tamen totum exercitum componunt. Similiter plures lineolæ discretæ totam longitudinem palmarem componere possent, non secus ac si conjunctæ, directæ, vel tortuosæ essent. Et noto, quòd nomine conjunctionis hìc non intelligitur unio & connexio omninò firma, sed simplex contactus partium, qualis est ille, quo acervus arenæ, & granorum Tritici connectitur; nam aqua à contiguo aëre attracta, vel ab embolo eis non connectitur uniturque, sed tantum adhæret simplici contactu. Modò nemo est,

est, si serio, & bona fide loqui velit, qui non percipiat esse impossibile, ut grana Tritici subsequenter trahantur ab antecedentibus granis, eorumque motum imitentur à vi simplicis contactus absque ullo vinculo vel glutine, & procul dubio talis motus effici posset quando grana subsequenter ab aliqua vi motiva impellerentur, quæ aut spontaneo motu, cognitione prævia, ut animalia, aut cæca necessitate ut gravia, transportarentur, quæ omnia in nostro casu locum non habent.

Sed ne gratis prolata verba diutius infectemur, noto quòd Adversarii nunquam evincant dari in natura vim, seu qualitatem attractivam, nisi evidentia sensus, aut demonstratione ostendant, quòd corpora, quæ attrahi videntur, non moveantur à vi intrinseca spontaneo motu, neque impellantur ab externo aliquo corpore. Hoc autem cum nunquam præstiterint, profecto affirmare non possunt, dari in natura veram attractionem, proindeque licitum erit eorum assertionem negare.

E contrà, si nos ostenderimus, quòd aliqua corpora eorum, quæ attrahi videntur vi naturali, sponte moveantur, & accedant ad alia corpora, reliqua verò vi externa impellantur, planè profligata erit vis & qualitas attractiva è rerum natura.

PROPOSITIO CXXVIII.

Corpora, quæ attrahi videntur, aut sponte, aut à vi externa, impelluntur.

Et primò, quoad Ferrum & Magnetem pertinet, jam ostendimus (lib. de vi percuss.) ambo hæc corpora naturali vi spontaneo motu unum versùs alterum moveri, non secùs ac gravia sponte ad terram feruntur. In electricis verò jam ab aliis causa attractionis tradita est; constat enim experientia, quod nisi electrica corpora incalescant ope confricationis in aliquo panno factæ non attrahunt exiguas & leves eisque vicinas festucas, quæ proinde collocantur in quadam veluti atmosphæra ex fumosis & calidis exhalationibus composita ambiente corpus electricum, ex quo fit ut massa illa ex prædictis vaporibus & festucis composita levior sit aëre contiguo magis remoto, ideoque ab hoc massa illa fumosa exprimitur con-

(T)

strin-

Non dari
attractionem.

stringiturque undique versùs solidum corpus electricum, & consequentèr secum transportabit festucas.

In tubis pneumaticis & ctesibianis, nec non in cucurbitulis medicis, dicendum, quòd ad eas fluida, & mollia corpora feruntur non spontaneo motu, sed à vi externa impulsà, & hæc perfectò non est alia quàm simplex gravitas Oceani aërei orbem terraqueum ambientis, à quo aqua & corpora mollia subjecta comprimuntur exprimunturque, ut constat ex Doctrina hydrostatica superius exposita. Hinc fit ut sublevato embolo in tubo, vel rarefacto aëre interno cucurbitulæ pars fluida, & mollis subjecta minùs compressa ab ambiente aëre expelli sursùm debeat à parte magis pressa. Stultè ergo quis recurreret ad vim & qualitatem attractivam emboli, vel cucurbitulæ, ut aquam elevet, cùm adsit vera & necessaria causa hujus effectus, quæ est columna aërea aquam subjectam comprimens, à qua vi impulsiva aqua insinuat, exprimiturque intra tubum vel cucurbitam.

Cap. 12.

Si aëris
pressio
animalis
carnem in-
tra cucur-
bitulas
impelleret
dolor in
opposita
corporis
parte com-
pressa per-
cipi debe-
ret, non in
parte at-
tracta.

Sed hoc clariùs loco declarabitur; interim transeo ad difficultatem satis plausibilem, quæ contra hanc doctrinam afferri solet. Inquiunt enim, quando cucurbitulæ carnem attrahunt, vel fistula digiti pulpam intra eam insinuat, manifestè percipitur sensus dolorificus in parte illa carnis, aut digiti, quæ intra cucurbitulam, vel fistulam insinuat, nulla verò passio, aut noxa percipitur in reliqua parte corporis animalis, nec in postica digiti parte, sensus verò doloris à nihilo produci non potest, & è contrà causa activa compressionem efficiens sensationem dolorificam afferre deberet, igitur sensus doloris percipi deberet non in pulpa digiti, sed in opposito ungue, pariterque dolor non in scapulis, ubi cucurbita adhæret, sed in pectore percipi deberet, ubi reverà efficitur compressio & contusio ab extremo aëre ambiente, in ipsa verò pulpa carnis intra cucurbitam, vel fistulam insinuata nulla passio percipi deberet, cùm ibi deficiat causa illa, quæ sua violentia impellit & comprimit carnem.

Cap. 3.

Resolvitur
superior
difficul-
tas.

Pro hujus difficultatis solutione repetenda sunt aliqua priùs declarata, ubi scilicèt quærebatur quare Urinatores in profundo Maris ingentem gravitatem aquæ incumbentis non percipiunt, diximus hoc provenire ex eo, quòd partes aquæ fluidæ æquali nisu gravitatis comprimunt unde quaque corpus animalis demersum,

sum, nempe è parte suprema infima & collateralis, quia ibidem ostendimus, quòd impulsio, atque compressio in uno peculiari loco facta luxationem, rupturam, contusionemque efficere potest, & è contra, si eadem virtus compressiva multiplicetur, ut undique impellat, comprimatque corpus animalis, tunc ostendimus nedùm noxam doloremque non augeri, sed è contra nullam luxationem, neque contusionem, & proinde nullam passionem dolorificam procreari posse. Et hoc evidentissimum est ex superiùs demonstratis. Præterea diximus, quòd licet insignis luxatio & divisio continui ab universali illa compressione fluidi non subsequatur, non tamen negari potest constrictio quædam totius corporis, quæ quidem in profundo Oceani oportet ut sentiat, ob novitatem; at in aëre nullo pacto animal ab universali ejus compressione constrictioneque ullam passionem percipere debet ob assuetudinem, ab ipso enim ortu animalia semper eadem veste aërea ambiuntur constringunturque, proindeque nullam mutationem in ipso animali aëris compressio producit, & propterea censet à nulla vi ambiente constringi aut comprimi, igitur à prædicta vi compressiva carnes, vasa, & viscera patiuntur constrictionem quandam, quæ profectò nullo pacto percipi potest ab animalibus. Imò etiam constrictiones non perpetuæ, ut sunt illæ quæ fiunt à nostris vestimentis ob consuetudinem, passionem dolorificam minimè afferre solent.

Non dari
attractionem.

PROPOSITIO CXXIX.

Cessante in una parte aëris compressione, humores & molles carnes impelli debent intra cucurbitulam.

His præmissis animadvertendum est, quòd novus effectus flexionis aut divisionis continui, vel contusionis in animali duplici modo produci potest, aut quia supervenit nova causa impellens unicum animalis latus, aut quia deficit ibidem vis illa compressiva fluidi ambientis, quæ reliquas omnes animalis partes constringit comprimitque, & quæ hætenùs ob consuetudinem non percipiebatur. In primo casu mirum non est, effectum contusionis dolorisque tribui impellenti virtuti supervenienti; at in secundo casu

(T 2)

fal-

CAP. VI.

Non dari
attractionem.

fallacia oriri potest ex phantasia præjudicata, scilicet existimabitur defectum comprimentis fluidi in uno latere tractionem & suctionem procreare, quandoquidem nemo persuadebitur, quod opposita compressio facta à fluido ambiente, cujus actionem nunquam percepit ob assuetudinem, contusionem, aut impulsionem sanguinis, & carniū efficere unquam potuisset. Nec desunt exempla, quibus hoc confirmatur. Ponatur Rana infra aquam vel hydrargyrum demersa, constat eam undique stringi, veluti prælo, à fluido ambiente; si postea foramini collaterali vasis ranæ abdomen applicetur, ut exactè perimetrum foraminis contingat, tunc portio cutis ejus comprehensa à prædicto foramine inflari & turgere conspicietur, & veluti mammillam tumidam extra foramen ad partes aëris exporrigere, non quidem quia attrahitur ab aëre externo, sed quia exprimitur à pressione graviores fluidi ambientis: verum cum prædicta extuberantia creari non possit absque violenta transpositione & distractione partium in abdomine contentarum, scilicet intestinorum, membranarum, vasorum, & cutis, igitur hinc subsequetur passio dolorifica, quam Rana judicabit ab aëris externi attractione factam fuisse, nec unquam persuaderi posset à pondere aquæ, vel mercurii ambientis dependere. Non secus universalis illa aëris compressio continuata, & assidua quadam pressione contusioneque corpus universum animalis veluti prælum stringit, atque ob consuetudinem nullam noxam neque sensationem creat; cessante postea in aliqua peculiari corporis parte hujusmodi compressione, mirum non est si humores & carnes ob compressionem factam in reliquis locis animalis impellantur violentè intra cucurbitulam, ubi actio compressiva aëris deficit, & ibidem passio dolorifica sentiat.

PROPOSITIO CXXX.

Pluribus experimentis confirmatur, à pondere ambientis fluidi corpora mollia intra cucurbitulas & fistulas insinuari.

Quòd postea reverà caro intra cucurbitulam insinuetur à compressione externi aëris ambientis, potest pluribus experimentis comprobari. Sumatur vesica suilla, aëre plena, sed non valdè tensa;

sa, eique applicetur orificium cucurbitulæ paritèr aëre plenæ, ut nimirum perimetrum ejus oris tangat vesicæ pelliculam, postea vesica cum annexa cucurbitula infra aquam demergatur, videbis quò magis vesica ad fundum aquæ perducitur, eò magis portionem vesicæ intra cucurbitam contentam turgere inflarique, & intra cucurbitulæ cavitatem aliquantulum insinuari, perindè ac caro nostra turgens intra cucurbitulas immitti solet. Et multò evidentius hoc continget, si prædicta vesica aqua impleatur, & postmodum unà cum annexa cucurbitula infra hydrargyrum immittatur, videbis quòd tanta vi turgida pars vesicæ intrà cucurbitulam immittitur, ut requiratur violentia aliqua ad divellendam cucurbitulam ad ipsa vesica. Et hoc profectò tribui non potest virtuti attractivæ, quam nec cucurbitula, neque aër inclusus habet, sed manifestè hoc efficitur à pondere aquæ, vel mercurii ambientis, à quo vesica undique comprimitur, præterquàm in illo circello comprehenso à cucurbitulæ orificio, ibi enim aër inclusus in cucurbitula tantummodò vesicam tangit, & durities vitreæ cucurbitulæ veluti fornex impedit, ne aqua vel hydrargyrum ambiens subjectam vesicæ particulam comprimat contundatque.

Id ipsum hoc alio opportuniori experimento comprobari potest: in fistula vitrea utrinque aperta aëre plena infernè aptata digiti pulpa orificium ejus omninò claudatur, postea manus cum ei annexa & incumbente fistula immergatur intra aquam vel hydrargyrum, ita ut supremum fistulæ orificium extet supra mercurii aut aquæ libellam; tunc caro pulpæ digiti inflatur tumoremque insinuat rubicundum intra fistulam, percipiturque sensus quidam suctionis, & hic constat non adesse vim ullam attractivam, cùm aër intra fistulam supernè reclusam nullam attractionem faciat, & proindè concedendum est, à pondere ambientis aquæ, vel mercurii, comprimi manum atque digitum, & sic sanguinem exprimi insinuarique in illa parte digiti, quæ non stringitur nec comprimitur à pondere ambientis fluidi.

Idem observabitur, si homo ad insignem profunditatem aquæ demersus fistulam labiis comprehensam, & supremo aëri communicantem secum deferat, vel orificium fistulæ cuti manus aut brachii applicet; is certè videbit linguam, vel cutim intra fistulam

Non dari
attractionem.

lam parumper insinuari, & sensum suctionis patietur, ad instar ejus qui in cucurbitulis fieri solet.

Id ipsum experieris, si ingentem cucurbitulam abdomini applicatam tecum deferas in profundo Maris. Ex quibus omnibus constat, quod à compressione medii fluidi ambientis constringuntur partes omnes animalis, & proinde exprimi potest sanguis & caro mollis in ea cavitate cucurbitæ, in qua cutis caret compressione, cum aer cucurbitæ rarefactus ab igne, vel à suctione, aut emboli tractione sit imminutus, sit ut minimè comprimat cutim subjectam, ea validitate, qua reliquæ animalis partes ab ambiente aëre contunduntur.

Obijciunt
sensu percipi
tractionem in
parte corporis
contigua cucurbitulæ,
non vero pati
impulsu à
fluido in
reliquo corpore
factum.

Sed dices, sensu ipso percipitur tractio quædam in cucurbitulis, non verò percipimus impulsionem factam à fluido externo comprimente reliquas animalis partes à cucurbitula non tactas.

PROPOSITIO CXXXI.

In actione cucurbitulæ ex cutis distractione &ensione, sensus falso se percipere suadetur trahi cutim & sanguinem, cum verè tumor fiat à pressione ambientis aëris.

Nullus alius effectus percipitur in cucurbitulis medicis præterquam violenta quædam expressio, & intrusio carnis, & sanguinis intra cucurbitulæ cavitatem, à qua nimirum pellis vehementer inflatur & tumet, proindeque cutis distensa sensum doloris patitur. Hoc autem triplici modo fieri posse constat, aut quia funibus, & uncinis inconspicuis cutis, caro, & sanguis trahuntur intra cucurbitulam, aut quia spontaneo motu ad replendum vacuum ibidem accurrunt, vel quia ab extrinseca violentia pressionis aëris ibidem exprimuntur immittunturque. Primus modus videtur omnino absurdus, secundus rejicitur quoque, nam si reverà caro & sanguis sponte sua intra cucurbitulam migrant, ergo ibidem non attrahuntur violentè, proindeque est impossibile, ut facultas animalis percipiat sensum doloris ob violentiam, quam non patitur, & quæ non existit in natura. Et licet dici posset dolorem creari per accidens ob cutis & carnis distractionem, ex hoc ipso inferetur sensitivæ facultatis fallacia & deceptio, quilibet enim jura-

ret

ret sensu percipere tractionem violentam carnis, non verò motum ejus spontaneum intra cucurbitulam.

Non dari
attractionem.

Fatendum ergo est, tumorem carnis & sanguinis intra cucurbitulas produci non posse ab alia causa quàm à pressione aëris ambientis, quæ ex præmissis propositionibus necessario prædictum effectum creare debet, quatenus in particula illa carnis intra cucurbitulam inclusa deficit vis compressiva ambientis aëris; hæc verò cum minimè percipiatur, nec advertatur ob assuetudinem, mirum non est, novum effectum tumoris non tribui causæ ignotæ licet veræ, sed potius tribuatur ei causæ licet falsæ, quæ ibidem adesse sensibus constat, scilicet cucurbitulæ exinanitæ.

Neque novum est, intra viscera & partes animalis fieri tumores ex affluxu humorum, cum tamen non percipiamus an prædicti humores sponte, vel vi ibidem deferantur.

Transeo jam ad aliud argumentum adductum pro confirmatione attractionis: Sit DEF vas oblongum, mercurio plenum, sumaturque fistula vitrea utrinque aperta AB, & immergatur intra vas DF, quousque supremum ejus orificium A demergatur infra libellam mercurii E; tunc applicetur digiti pulpa supremo orificio fistulæ A, ut arctè claudatur. Jam si summitas fistulæ A unà cum claudente digito elevetur, percipitur manifesta attractio digiti pulpæ, quam suprema mercurii superficies tangit, hæc (inquiunt) violentia procùl dubio efficitur à pondere subjecti mercurii, cum reverà digitus & manus sustentare debeat pondus prædicti mercurii, non secùs, ac si uncino aliquo digito annecteretur, hinc deducitur quòd detur in rerum naturâ facultas & operatio attractiva, & si hoc verum est (inquiunt) quare in cucurbitulis similiter absque funibus aut uncinis non potest similis attractio fieri?

Aliud argumentum contra superius adductam doctrinam.

TAB. VIII.
Fig. 1.

PROPOSITIO CXXXII.

In fistula utrinque aperta, mercurio plena, digito supernè obturata, & infernè intra mercurium demersa, licet videamur percipere in digito sensum suctionis, & ponderis mercurii sustentati, tamen verè gravamur à cylindro aëreo supra unguem incumbente, & suctio pulpæ digiti à defectu pressionis aëris dependet.

Revera Mercurius pulpæ digiti connectitur in A, non vi aliqua attracti-

Non dari
attractionem.

TAB. VIII.

Fig: 2.

attractiva, sed à compressione aëris ambientis supra stagnans hydrargyrum E vasis subjecti; hoc autem confirmatur ex eo, quod si altius elevetur fistula, ut nimirum solitam altitudinem unius cubiti & quadrantis excedat, tunc quidem suprema mercurii superficies lenissimo motu absque ulla difficultate divellitur, separaturque à digiti pulpa suprema A, non igitur à vi attractiva mercurius digito annectebatur. Sed quares, unde ergo oritur sensus ille suctionis & tractionis, qui in prædicta pulpa digiti percipitur, & quomodo sustentat, atque percipit gravitatem mercurii subjecti? Respondeo, quod à pondere aëris manui, & digito incumbentis comprimuntur omnes partes digiti, excepta illa particula, quæ orificium vitri A attingit, & ab hac compressione exprimitur sanguis in tumore illo rubicundo pulpæ digiti, quæ in orificio vitri A insinuat, quando spatium inane ibidem creatur. Præterea adest pondus hydrargyri intra fistulam contenti, quod sustentatur à pressione cylindri aërei, dum comprimit mercurii superficiem stagnantis. Unde ex una parte habemus pondus cylindri aërei, orificium, & digitum in A comprimentis, pariterque adest pondus vitri AB, & mercurii in ipso contenti, ex altera verò parte adest gravitas alterius aërei cylindri prementis stagnantem superficiem E, & ab hoc suspenditur mercurius AB. Igitur à virtute manus sustentatur residuum ponderis ultra æquilibrium, scilicet pondus vitri AB unà cum pondere cylindri aërei orificio & digito A incumbentis, licet falsò persuadeatur se sustinere mercurium subjectum, eique adnexum.

Et profectò ab hac experientia evincitur, quod tractio illa, quæ in digito percipitur, non sit vera attractio facta ob vacui tumorem, quia dum fistula minus cubito cum quadrante elevatur, mercurius à digito non divellitur, & proinde spatium inane ibidem non intercipitur, unde nulla attractio fieri deberet, cum è contra maxima fieret quando ob mercurii descensum efficitur solita inanitas, & tamen hoc falsum est, cum in utroque casu ferè æquali vi digiti pulpa deorsum attrahi sentiat.

Proponitur pulcherrimum argumentum pro attractione.

Tandem examinari debet pulcherrima & ingeniosissima difficultas, quam carissimus Amicus Dionysius Guerrinus M.D. Ætrur. Castrensis Generalis Præfectus mihi discutiendam proposuit. Dicebat enim si in tubis pneumaticis, seu æsibiis, qui-

quibus aquam haurire solemus è Puteis, aqua elevatur, non quidem vera attractione, quatenus embolo elevato hauritur vel exugitur aqua subjecta, ut Pueri calamo intra aquam immisso restricto ore & anhelitu, & spiritu attracto aquam sursum elewant; sed hoc contingit, quia, dum embolus manu sursum trahitur, impellitur sursum quoque cylindrus aëreus embolo incumbens, & proindè prohibetur impediturque actio compressiva prædicti aërei cylindri supra aquam subjectam. Vis ergo & conatus manus embolum elevantis semper eidem resistentiæ opponitur, nempe suspendit elevatque eundem cylindrum aëreum supra embolum incumbentem, igitur semper eadem vis, idemque conatus manus requiritur ad sustinendum prædictum aëreum cylindrum, & ad prohibendam ejus compressionem supra aquam subjectam. Hinc inferebat, igitur sive in tubo ætelsibico supra libellam subjecti Putei aqua magis, vel minus elevetur semper eadem vi, & energia manus suspendere embolum, & consequenter aquam elevare poterimus, sed hoc est falsum, & contra experientiam, cum semper major vis & conatus requiratur, quo aqua ad majorem altitudinem in tubo pneumático elevatur; igitur falsum est, aquam elevari, propterea quòd suspenditur prohibeturque compressio cylindri aërei supra embolum prædicti Instrumenti. Cum è contrà, si revera vi attractiva à manu embolum trahente sublevatur aqua, manifestum est, quòd quò altius ascendit major aquæ copia, proindè gravior moles supra Putei libellam suspenditur elevaturque, mirum non est, majus pondus aquæ à majori vi sustentari elevari que debere, quam minor aquæ copia.

PROPOSITIO CXXXIII.

Necessitate mechanica in tubo pneumático requiritur major vis ad trahendum embolum cum adherente aqua ad altitudinem majorem, quam ad minorem secundum proportionem quam habent aqua sublevata pondera, vel momenta.

Ut verò huic difficultati perspicuè satisfaciamus, supponamus in Puteo, cujus superficies aquea BC, demergi tubum pneumaticum R B, qui facilitatis gratia continuari intelligatur cum

TAB. VIII.
Fig. 3.

(Z)

cum

Non dari
attractionem.

cum siphone inverſo BIKD; intelligaturque libra radiorum æqualium GH, cujus centrum N, & utrinque pendeant ab extremitatibus æqualia pondera E & F, & hæc contingant ſuperficiem aquæ BC, ita ut ambogravia F & E comprimant impellantque aquam ipſam deorſum, E quidem immediatè, F verò mediante embolo QB, habeantque figuram cylindricam, & ad modum emboli intra canales ſiphonis ſtriçtè & arcuè moveri ſuſſum ac deorſum poſſint, & ſupponamus embolum QB gravitate carere; adveniat poſtea externa vis, quæ ſuſtentet pondus F, ipſumque ſuſſum impellat, hæc proſectò non debet eſſe æqualis integro ponderi vaſto ipſius F, propterea quòd hoc æquilibratur ab æquipondio ipſius E, & proinde F nullam compressionem exercet, perinde ac ſi gravitate omninò careret, quare à quacunque exiliſſima vi ſuſpendi, & ſuſſum impelli poterit, ſitque talis vis ſuſpenſiva, una pars quarta ponderis ipſius F, igitur pondus quod F exercet, erit tres quartæ partes totius ponderis E, igitur non ampliùs fiet æquilibrium, ſed pondus E exercebit quadrantem totius ſui ponderis, & cum hoc comprimet ſubjectam aquam C, & proinde elevare poterit in oppoſito tubo ſiphonis aquæ molem BM, cujus pondus una quarta pars ſit ponderis E vel F. Poſtea denuò ſuperaddita cauſa externa ſuſſum F impellente & ſuſtentante, ut nimirum remaneat vis comprimens ipſius E imminuta, & æqualis medietati ponderis E. Maniſteſtum eſt magis æquilibrium ſuperare grave E, ſcilicèt ejus momentum erit æquale dimidio totius ejus ponderis E vel F, proindeque elevabit duplam aquæ molem in adverſo tubo uſque ad O, ut nimirum moles aquæ BO dupla ſit ipſius BM, & ſic ulterius adveniente nova vi ſuſtentante pondus F, ſemper magis diminuetur ipſius F compreſſio, & tantundem præciſè creſcet momentum ponderis E, & tantundem augebitur elevatio aquæ in tubo BR, quapropter conſtat quod à majori vi ſuſſum impellente pondus F, neceſſariò major moles aquæ in tubo pneumatico elevatur, & è converſo major moles aquæ in tubo pneumatico BR. elevata majorem vim ſuſtentantem & elevantem exigit. Intelligatur modò corpus FV eſſe aëreum cylindrum embolo AB incumbens, eumque deprimens ſupra aquæ libellam B (neglecta facilitatis gratia gravitate ipſius emboli) pariterque ſit corpus EX alter cylindrus

TAB. VIII.

Fig. 4.

lindrus aëreus superficiæ aquæ C incumbens; igitur quotiescunque duo pondera aërea FV & EX æqualia sunt, æquali vi subiectam aquam premunt, & in tali statu aqua B neque elevabitur, neque deprimetur, dum equè comprimitur à columnis aëreis FV & EX æquilibratis; at quando advenit quælibet exigua vis poterit sustentare aëreum cylindrum FV æquilibratum, & ideo non gravem, eumque fursùm impellere, & proinde prohibere ejus pressionem supra aquam B, & tunc tanta præcisè erit compressio, facta à cylindro aëreo EX supra subiectam aquam, quanta est vis, à qua cylindrus aëreus FV sustinetur sublevaturque, & tanta præcisè erit aquæ moles BS elevata in tubo pneumático; igitur quantum præcisè augetur gravitas ipsius aquæ BS sublevatæ, tantum præcisè augeri debet vis illa, qua cylindrus aëreus FV fursùm impellitur, sed tantundem augeri debet vis manus fursùm embolum trahentis, à quo paritèr aëreus cylindrus FV sustinetur impelliturque fursùm. Et hinc patet, quòd necessitate mechanica in tubo pneumático requiritur major vis ad trahendum embolum quando aqua sublevanda est ad majorem altitudinem, quam ad minorem. Modò quia superficies aquæ B premitur ab aqua BS (non considerato embolo) & ab aëre FV, & superficies aquæ C gravatur tantummodò à cylindro aëreo EX æquè gravi ac FV (eò quòd insignis atmosphæræ sublimitas est in causa, ut excessus altitudinis cylindri EX supra cylindri FV altitudinem sit omnino insensibilis, proindeque censeri possint aërei cylindri EX & FV æquè graves) ergo excessus gravitatis aquæ BS compensari debet à vi contraria manus A embolum AI trahentis. Sed animadvertendum est quòd vis manus embolum trahentis revera non elevat aquam BS, quia hæc æquilibratur à sibi æquali momento aëris EX, sed tantummodò manus sustentat prohibetque pressionem incumbentis aëris FV, æquilibrati cum EX, cujus pressionis momentum æquatur ponderi aquæ sublevatæ BS. Hinc fit ut præjudicio decepti putemus nos sustinere aquam subiectam, quando revera sustentamus aërem incumbentem FV æquilibratum ipsi EX.

Tandem cum altitudo aquæ BS ad 18. cubitos ferè pervenerit, licèt deinceps embolus majori vi altiùs trahatur, ne minimum quidem aqua ulterius sublevabitur, ex quo evincitur aquam non attrahi ab embolo, sed impelli à pondere cylindri aërei collatera-

(Z 2)

Non dari
attractionem.

Notandum
tamen,
quod vis
embolum
sublevans
non attrahit, nec
sustentat
aquam
subiectam
sibi quæ ad-
hærentem,
sed potius
sustinet aë-
reum cy-
lindrum
incumben-
tem.

lis,

lis, qui cum prædicta aquæ altitudine æquilibratur. Et hæc modo sufficiant pro everfione virtutis attractivæ.

De Natura & Causa fluiditatis.

CAPUT VII.

Postquam evicimus aquam & ærem, in eorummet regionibus ponderare, & gravitatem exercere, insuperque attractionem in natura non dari; poterit jam natura & vera causa fluiditatis eorum assignari.

Et primò more nostro definitionem fluiditatis afferemus desumptam ab aliqua insigni & evidenti passione ejus corporis, quod fluidum appellatur. Et profectò quotiescunque video, atque considero differentiam inter glaciem & aquam fluentem, observo in illa duritiem & consistentiam, qua ista caret, video enim immisso digito, quòd glacies non cedit, aqua verò fluida facillimè locum præstat submersioni, & ingressui digiti, perfecteque circa ipsum disponitur & adaptatur, ut undequaque cum contingat. Video insuper non posse angulum glaciei impelli, aut quomodo-libet loco moveri, quin tota massa glacialis simul moveatur, cum è contra in aqua fluida possit quælibet ejus particula impelli, circumvolui, aliisque modis agitari, quiescentibus tamen reliquis partibus ejus, vel saltem agitatis motu tardiori, vel non ad easdem partes facto. Postremò observo aquam fluidam perfectissimè explanari, & ad libellam horizonti æquidistantem reduci, quod minimè fieri posset, nisi partes ejus extremæ, superficialesque aquè à medio puncto telluris recederent.

Definitio
fluiditatis.

Ex hisce omnibus phenomenis colligi potest passio præcipua, ex qua reliquæ omnes dependent atque exprimuntur, eritque talis: corpus fluidum erit illud, cujus partium æquè ponderantium potest una à vi externa moveri non motis reliquis, vel diverso modo agitatis quàm duris corporibus competit. Quæ definitio parùm differt ab ea, quæ traditur ab Aristotele, ubi ait humidum esse, quod facillè termino alieno terminatur, & hoc accidit ex eo, quod possunt facillimè aliquæ partes moveri, non motis reliquis, vel diverso motu. Et hoc quidem, ut evidentissimum, non indiget ulteriori declaratione.

Re-

De gener.
& corrup.
lib. 2.
cap. 2.

Restat modò præcipua difficultas, an fluidum revera sit corpus continuum, an verò sit discretum, scilicet aggregatum ex innumeris particulis subdivisis, quales est acervus granorum, vel arenæ, & hoc erit operæ pretium accuratè examinare, idque præstabimus ostendendo quòd

PROPOSITIONE CXXXIV.

Corpus substantiale componi non potest ex punctis indivisibilibus, licet numero infinitis.

Quia puncta indivisibilia non videntur existere, neque in substantiali corpore assignari posse, nisi fictione, & mentis cogitatione, nec sunt partes, neque Elementa substantiam corpoream componentia, quod patet ex eo, quod punctum additum puncto bis, decies, millies &c. non facit majus, & nil puncta plura differre videntur ab unico puncto, quandoquidem, tam singulare punctum, quàm eorum multitudo nullum spatium quantum occupant, contra ac contingit in unitatibus, quæ simul conjunctæ creant magnitudinem numericam, ex quo proinde fit, ut unitates meritò partes, & Elementa numeri censeantur, non verò puncta ipsius substantiæ quantæ. Hinc infertur, quod sicut ex infinitis Cyfris numerus creari non potest, & ex infinitis non entibus nequit ens confici, sic ex infinitis non quantis, quæ nec partes nec Elementa quantitatis sunt, non potest quantum componi; suntque puncta indivisibilia non quanta, nec sunt partes aut Elementa componentia quantitatem; igitur ex infinitis punctis indivisibilibus substantia corporea, quæ quanta est componi crearique non poterit.

PROPOSITIO CXXXV.

Secundo loco ostendendum est, quòd partes quantæ actu infinitæ, & ejusdem mensura componunt extensionem infinitam.

Sint partes quantæ A, B, C, D, E, F, G, &c. actu infinitæ numero, & æquales inter se, dico eas extensionem infinitam componere. Sumatur quælibet quantitas finita cujuslibet vastitatis RS ejusdem generis cum particulis A, B, C, &c. profectò aut

TAB. VII.
Fig. 10.

(Z 3)

RS.

De natura
fluiditatis.

RS. Multiplex est ipſius A, ſcilicèt hæc illam metitur, vel non; & primò ponamus RS ab A menſurari, habebit ergo RS ad A eandem proportionem, quam aliquis numerus finitus ad unitatem, & ideò in infinita multitudine partium A, B, C, &c. ſumi poteſt multitudo partium, quæ major ſit numero partium ipſius RS, & prædicta major multitudo partium efficiat extensionem X; proculdubio X major erit ipſa RS, at aggregatum ex infinitis particulis A, B, C, &c. majorem extensionem creat quam prædicta multitudo finita X, ergo multò magis aggregatum ex infinitis particulis majorem extensionem efficit, quàm habeat RS, illa verò extenſio quæ major eſt quacunque quantitate finita, neceſſariò infinita erit, ergo aggregatum ex particulis quantis numero infinitis inter ſe æqualibus efficit extensionem infinitam.

TAB. VII.

Fig. 10.

Secundò, ſint A & RS inter ſe incommenſurabilia, patet ipſi RS addi poſſe portionem aliquam SV, ita ut RV multiplex ſit ipſius A, & tunc aggregatum ex infinitis particulis æqualibus A, B, C, &c. majorem extensionem efficiet quàm RV, ut mox oſtenſum fuit, & ideò multò majorem extensionem, quàm RS, creabit, proptereaque infinitam eſſe concludemus.

PROPOSITIO CXXXVI.

Partes quantæ actū infinitæ numero, & inter ſe inæquales componunt extensionem infinitam.

TAB. VII.

Fig. 11.

Sint partes AB, CD, EF, GH, IK, &c. numero infinitæ, & inter ſe inæquales, dico extensionem infinitam conflare, quia dantur omnes partes quantæ numero infinitæ, ergò datur earum minima, quæ ſit AB, & ex reliquis majoribus ſecentur portiones CL, EM, GN, &c. ſingulæ æquales minimæ AB; & quia particulæ infinitæ inæquales AB, CD, EF, &c. majorem extensionem componunt, quàm partes infinitæ diminutæ, inter ſe æquales AB, CL, EM, &c. & ex præcedenti, infinitæ particulæ quantæ ejusdem generis AB, CL, EM, &c. inter ſe æquales componunt extensionem infinitam, ergò multò magis infinitæ partes illis majores inæquales AB, CD, EF, &c. extensionem infinitam efficient, quod erat.

P R O.

PROPOSITIO CXXXVII.

Si ejusdem aggregati aliqua partes moveantur, ceteris quiescentibus, vel omnes inæqualibus moribus agitentur, qui tamen non comperant, nec aptari possint partibus corporis duri & consistentis, necessario illius aggregati partes erunt actu divisa.

Quæri modo debet signum, ex quo lumine naturæ evidentissimè dignoscere valeamus, an aliquod corpus actu divisum sit in plures partes, vel sit unum continuum, licet prædictæ partes ob exiguitatem, vel transparentiam earum sint inconspicuæ, & inobservabiles; hoc autem signum erit motus & quies, scilicet si constat quòd una pars A compositi movetur variis modis, dum reliquæ adjacentes partes B, H, E, CI, &c. in eodem situ quiescunt, certum erit partem illam agitatam A à reliquis discissam & discretam esse. At quando omnes partes ejusdem compositi moventur, videndum qua ratione evidentèr dignoscere possimus an prædictæ partes sint continuatæ & unitæ, vel ab invicem divisæ, & profectò non semper inæqualitas motuum indicat divisionem potius quàm continuitatem, nam in vertigine rotæ solidæ, & duræ earum particulæ, licet tenacitèr ei affixæ & connexæ sint, nihilominus moventur inæqualibus velocitatibus secundum proportionem, quam habent distantia à axi firmo ejusdem rotæ circumductæ; igitur in aliquo fluido revoluto, si orbes ab ejus particulis eodem tempore descripti majores fuerint, quo magis ab axe revolutionis recedunt, & secundum proportionem distantiarum, dubitare profectò possumus an particulæ prædicti fluidi sint continuatæ, an verò actu discretæ.

Hinc deducitur, quòd si in rotæ vertigine una ejus pars magis vel minùs, quàm priùs à centro recedat, vel celeriori, aut tardiori motu feratur, quàm competit distantia ejus ab axe, tunc necessariò talis particula erit à rota disjuncta & segregata. Ut in rota AEH revoluta circa centrum D, si ejus particulæ A, B, C eodem tempore describunt orbes AEH, BFI, CGL, eandem proportionem habentes quàm distantia à centro AD, BD, & CD, tunc distingui non potest an prædictæ particulæ sint discissæ ut arena, vel

TAB. VIII.
Fig. 5.

De natura
fluiditatis.

vel sint agglutinatae rotæ solidæ, propterea quòd id ipsum symptoma particulis durissimæ rotæ competit. Si verò circumducta rota particula A, relicto orbe AHE, excurrit per tangentem rectam AM, aut curvam spiralem AN evidentissimum signum erit particulam A non esse annexam & unitam, sed divisam à rota solida, quia continenter à centro D magis & magis removetur ut in N vel M.

Præterea, si particulae eandem à centro distantiam retinuerint, & eodem tempore, quo rota integram revolutionem BFB absolvit, alia particula A, vel majus, vel minus spatium, quàm circulum AEA perficit, scilicet percurrit arcum AEH, vel AEO, tunc evidentè constat particulam A non esse agglutinatam, sed divisam à rota solida.

TAB. VIII.
Fig. 6.

Similiter in motu directo aggregati AEH, si ejus particulae inæqualibus velocitatibus feruntur, scilicet dum A pertransit rectam lineam AB, alia pars E excurrit rectam lineam EC minorem quàm AB, & alia pars H excurrit spatium HD minùs quàm EC, evidentissimum signum erit tales particulas A, E, H divisas inter se esse.

Hinc generalissima regula elici potest, quòd quotiescumque aggregatum corporum movetur motu directo, & ejus partes inæqualibus velocitatibus feruntur, aut itinera non sunt æqui distantia. Vel si motu circulari circa centrum D agitur, omnes ejus particulae spiras ut AN describunt, vel si circulos pertranseant velocitates eorum proportionales non sunt distantis à centro: vel è contra semper tardiores sunt quò magis à centro recedunt, ut si particula C verè tardiori motu feratur quàm D, & adhuc B tardiori quàm C, & sic reliquæ omnes, procùl dubio ex qualibet ex prædictis inæqualitatibus evincitur particulas prædictum aggregatum componentes omninò inter se discretas & divisas esse, propterea quod hi motus non competunt, nec aptari possunt partibus corporis continui consistentis & duri.

PROPOSITIO CXXXVIII.

Fluidi corporis partes divise inter se esse debent.

His positis, animadverto quòd quotiescumque corpus aliquod
flui-

fluidum esse supponitur, necesse est, ut ejus partes actu divisæ inter se sint; quia fluidum habere debet naturalem conformationem dispositionem, & omnia requisita ut elicere possit illum motum, quem fluxionem vocamus, scilicet si una ejus pars moveri queat cæteris quiescentibus, vel si omnes moventur, percurrant motu directo inæqualia spatia, vel si circulariter ferantur, majorem vel minorem proportionem vertigines habeant, quam distantia à centro revolutionis; hæ enim motiones effici nequeunt, nisi partes fluidi actu inter se divisæ sint, ut mox ostensum fuit, igitur quotiescumque corpus aliquod fluidum esse supponitur, necessario partes ejus actu inter se divisæ erunt.

De natura
fluiditatis.

PROPOSITIO CXXXIX.

Fluidum non potest habere partes connexas unum continuum constituentes.

Præterea, si partes fluidi non essent divisæ actu, scilicet si aqua haberet omne ejus partes planè connexas, & conglutinatas unum continuum constituentes, atque hæ motu directo vel circulari moverentur intra fluidum sui generis, scilicet intrâ aquam stagnantem, cum ejus particulæ minimæ eandem invariabilem dispositionem, situationem, ac texturam retinere debeant, ac si partes aliqujus duri corporis, vel rotæ solidæ essent, procùl dubio eodem tempore describerent rectas lineas æquales, vel orbes inæquales, & crescentes in eadem proportionem, quam distantia à centro, seu axe firmo habent, nec aliter contingere aliquando posset. At quia constat non universam aquam Lacus directè æquali motu moveri vel converti unâ cum interna illa portione translata vel circumducta, sed videmus, quòd remotissimæ partes placidè omninò quiescunt, dum intermediæ excurrunt, vel rotantur velocissimo motu, nec à maxima velocitate internarum partium prædicti corporis, vel fluidæ rotæ immediatè transiit ad partes fluidi remotiores prorsus quiescentes, quæ officium vasis suppleant, sed ut videre est in aqua turbida, & in aëre fumoso transiit ordinato decremento ab aquæ partibus velocissimè directo motu agitata, vel revolutis perminis veloces gradatim, quousque ad extimas quiescentes

Ex pro.
137.

(Aa)

tes

De natura fluiditatis. tes perveniatur; non igitur aqua habere poterit partes connexas unum continuum constituentes. His præmissis devenio ad Propositionem principalem.

PROPOSITIO CXL.

Partes fluidum corpus primum componentes fluida non sunt.

Si enim hoc verum est, minimæ particulæ, ex quibus fluidum constat, sint semper fluidæ, si fieri potest, ergo dividendo corpus fluidum indefinenter, & infinite nunquam deveniemus ad minimam ejus particulam, quæ fluida non sit, sed semper fluida erit. Et quia fluidum eatenus motum, quem fluxionem vocamus, elicere potest, scilicet eatenus fluidum est quatenus ejus aliquæ partes moventur cæteris quiescentibus, vel diversis, & inæqualibus motibus agitantur ab iis, qui competunt duris, & continuis corporibus; ergo ad hoc, ut nulla particula corporis fluidi careat hac passione fluiditatis, oportet ut semper ei conveniat fluiditatis definitio, scilicet semper quælibet ejus pars moveri possit cæteris quiescentibus, vel inæqualibus motibus agitentur, quàm sint illi, qui duris & continuis corporibus competunt. Sed partes contiguæ ejusdem massæ non possunt partim moveri, partim quiescere, vel inæqualibus motibus agitari diverso modo, ac continuis corporibus competit, nisi inter se sint divisæ & discretæ; igitur nulla particula fluidi corporis quantumvis exigua assignari potest, quæ actu dissecta & subdivisa non sit in plures alias particulas; quapropter nunquam perveniri poterit ad finem enumerationis multitudinis partium ejus, & ideo talis multitudo major erit quocunque numero, scilicet major quacunque quantitate finita, ergo infinita erit; at infinitæ partes actu divisæ si essent quantæ sive inter se æquales, sive non, efficerent extensionem infinitam, ergo sphaera fluida palmaris esset infinitæ magnitudinis, quod est falsum, igitur non quantæ, sed indivisibilia puncta erunt; hoc verò est quoque impossibile, cum infinita puncta extensionem quantam nequeant componere: ergo falsum est, quòd minimæ particulæ, ex quibus fluidum constat, & in quas dividi potest, sint semper fluidæ, quod erat ostendendum.

Hinc

Hinc deducitur, quòd corpus fluidum componitur ex minimis particulis non fluidis. De natura fluiditatis.

PROPOSITIO CXLI.

Idem aliter demonstrare.

Si enim hoc verum non est, scilicèt si particulae aquam fluidam componentes semper fluidae sunt, igitur dividi semper poterit aqua successivè, & in infinitum in particulas, quae semper fluidae sint, hoc tamen primò repugnat ipsimet Aristoteli, qui negat contra Anaxagoram, posse quodlibet corpus naturale retinere eandem naturam si semper magis ac magis per continuam divisionem ad exiguas & minimas particulas reducatur; sic divisa animalis carne, devenietur tandem ad particulas, quae non amplius carnes sint; sic paritèr, ut habent ejus Expositores, in elementis facta consimili divisione successiva, tandem minutissimae particulae non amplius elementarem naturam retinebunt. Hinc igitur licet inferre quòd fluido aqueo in infinitum successivè diviso devenietur tandem ad particulas ejus, quae fluidae non sint, scilicèt cujus una particula non possit moveri, quiescentibus reliquis, & propterea omnes simul unico motu agitari poterunt, scilicèt consistentiam solidam habere necessè est.

Phyf.
Lib. 1.
Cap. 4.

Sed relicta Aristotelis, & Peripateticorum autoritate perpendamus rationis vim & energiam. Si verum est aquam fluidam quomodocumque divisam, & subdivisam semper fluiditatem retinere, igitur semper hisce postremis particulis fluidis definitio fluiditatis superiùs tradita competet, scilicèt aliqua minor particula ejusdem particulae moveri poterit quiescentibus collateralibus partibus. His positis, quia corpora omnia sublunaria innumeris poris & foraminulis pervia sunt, sequitur quòd aqua omnia corpora concreta penetraret, nam concipiamus quemlibet porum strictissimum in vase ligneo, vitreo, vel metallico, certum est quòd portio aquae foraminulo praedicto superposita cui adaequatur, dimensionem, & quantitatem habet aequalem amplitudini foraminis, & juxtà quantitatis naturam semper divisibilem poterunt concipi particulae centrales, & strictiores, quam sit amplitudo ejus-

(Aa 2)

CAP. VII.
De natura
fluiditatis.

ejusdem pori, quæ particula aquæ centrales cùm possint moveri quiescentibus collateralibus, ut superiùs exposita fluidi natura exigit, ergo necessariò per amplitudinem pori liberè excurrere poterunt, & proinde nullum vas reperietur, per quod aqua penetrare queat : & advertendum est, quòd à qualibet exigua vi motiva impelli & insinuari posset aqua per prædictas porositates, scilicèt à vi suæ propriæ gravitatis, sed à quacunque alia vi eam insufflante, vel impellente, ut posteriùs ostendemus, hoc autem est evidenter falsum, cùm aqua communis, aut spiritus vini subtilissimus vitri porositates penetrare non possit, licèt violenter impellatur, igitur falsum est, fluidum dividi posse in infinitum in partes semper fluidas ; quapropter necesse est, ut tandem dividendo perveniamus ad particulas aquæ, quæ non ampliùs fluidæ sint, scilicèt in quibus non valeat moveri una ejus minima particula quiescentibus collateralibus, proindeque illæ postremæ fluidi particulae erunt consistentes, quod erat ostendendum.

Quòd verò à valdè exigua vi impelli possit aqua per vitri porositates, patet ex eo, quòd videmus prælongam Trabem super aquam stagnantem positam transversè trahi posse à vi exigui capilli, igitur illa exigua vis motiva superare potest resistantiam tot partium aquæ, quot assignari possunt in prædicta amplitudine Trabis. Unde conjicitur, quòd vis, quæ requiritur ad impellendam parvam & acutam festucam natantem debeat esse ferè insensibilis ob ejus maximam minutiem, & tamen à tam minima vi movetur una aquæ particula non motis collateralibus, & propterea vis huic æqualis sufficiens est superare tenacitatem, qua aquæ particulae colligantur uniunturque ; erit igitur energia tenacitatis partium aquæ minimi & exigui roboris, & propterea superari poterit à pusilla vi impulsiva.

Nec obstat, quòd aqua communis non sit omninò sincera, & absque mixtura partium terrestrium, & solidarum, nam licèt hoc verum sit, nihilominùs negari non possunt partes puræ aquæ, quæ inter minutissima fragmenta terrestria intercedunt, & ex sui natura, cum sint fluide, possent quidem penetrare interstitia inter arenulas commixtas cum ipsamet aqua, imò earundem arenularum porositates pertransire valerent.

Nec præterea obstat, quòd porositates vitri, aut metalli
non

non sint directæ, sed miris modis contortæ, & anfractuosæ, nec semper ejusdem amplitudinis, nam nihilominus vetari & impediri non posset transitus fluentis aquæ, saltem tardiori motu, longioriquæ tempore, quàm si per porositates directas, & æquè latas pertransire debuisset. Hoc autem cum non contingat, scilicet aqua intra vas vitreum diù inclusa nunquam exudet, concedendum est, minimas ejus particulas non fluidas sed consistentes esse.

Quod verò pori cujuslibet vasis permeabiles omninò sint, nec viæ obturamentis impediuntur occludanturque, probari satis potest ex eo, quod per eos aliqua fluida penetrant, ut hydrargyrum per poros auri, aqua, oleum, & hydrargyrum quoque per poros ligni, & vasis fictilis, quare per eisdem reliqua omnia fluida necessariò pertransire & fluere deberent, saltèm tardiori motu, si verum est, quod nulla fluidi pars assignari potest, quæ paritèr fluida non sit; deberet igitur aer effluere è vase fictili & ligneo, quotiescumque violentèr immisus ibidem condensatur.

PROPOSITIO CXLII.

Ad fluidi constitutionem requiritur omnium partium divisio in minimas particulas; talis figuræ, ut una super alteram facile fluere possit, & omnes æqualem vim motivam gravitatis habeant.

Si modò philosophari velimus non juxtà hominum placita, sed secundum naturæ leges quatuor conditiones necessariæ esse videntur ad fluidi constitutionem. Primùm, ut sit corpus divisum, & subdivisum in exiguas & minimas particulas. Secundò, ut ejus figuræ ad orbicularem formam quam proximè accedant. Tertiò, ut harum superficies, vel sint perfectissimè lævigatæ ad modum Speculi, vel saltèm facillimè una super alteram excurrere & fluere possit. Et tandem oportet ut omnes habeant æqualem vim motivam qua deorsum tendant, scilicet sint æquè graves; Possent hæc omnia (licet rudi exemplo) non ineptè confirmari, sumptis pluribus globulis crystallinis, positisque in aliquo vase, primò, prædicti globuli ad figuram, vasis adaptantur, & si manus usque ad fundum vasis immittatur, tunc globuli prædicti locum cedunt, & ad latera excurrunt, præterea poterit moveri una, vel altera pila crystallina,

(Aa 3)

quies-

De natura
fluiditatis.

quiescentibus pilis collateralibus, vel parum motis; insuper post agitationem explanarentur prædicti globuli, non enim acervum, aut montem efficerent, veluti grana frumenti, aut arenæ, sed ob eorum lævitatem faciliè excurrerent descenderentque versùs infima loca, & sic suprema superficies explanaretur, & proximè horizonti æquidistantè disponderetur. Si postea prædictæ sphærulæ crystallinæ magis exiguæ & minutæ essent, tunc multò faciliùs prædictæ operationes efficerentur, & si tandè ad ineffabilem parvitatem redigerentur, non possent neque tactu neque visu percipi, sed apparentem continuitatem repræsentarent, ut contingit in minutissimo pulvere; & tunc quidem haberi possent effectus omnes fluiditatis, & tamen massa illa esset aggregatum ex innumeris globulis crystallinis duris & consistentibus.

Cartesius
putat præ-
cipuam
fluidi con-
ditionem
esse, ut o-
mnes ejus
partes in-
testino
motu agi-
tentur.

Sed auidax quædam sententia, quæ hisce temporibus viget, meretur ut aliquantisper in ejus examine immoremur; concedunt enim fluidum componi ex particulis divisissimis, exiguis, lævigatisque, sed ajunt palmariam ejus conditionem esse, ut particulæ, quibus constat, diversimodè agitentur, sive motus ille sit iis connatus, sive per subtiliorem quandam substantiam suo transitu ipsas quaqua-
versum volventem efficiatur.

Hoc pri-
mo pro-
bant ex
metallo-
rum fusio-
ne.

Duæ præcipuæ rationes afferuntur ad hujus sententiæ confirmationem, prima est, quia videmus in metallorum fusione ab ignis violentia minimas particulas metallicas verè agitari, idemque observatur in cera, & in reliquis aliis corporibus, quæ ab actione ignis fluida rediguntur, & profectò evidens est in aqua fervente quod per lebetis porositates igneæ exhalationes penetrantes efficiunt innumeras sphærulas velocissimo motu excurrentes per ipsam aquam, hinc suspicari licet ab illa vehemènti ebullitione fluxilitatem pendere, & licèt aliquando hujusmodi bullæ intra fluidum non conspiciantur, imò corpus fustum summè tranquillum & placidum conspiciatur, ut in plumbo fuso videre est, nihilominus quia moles plumbi à fusione valdè augetur, & insuper ab eo fumi egredientes non paucas plumbi partes transportant, manifestè evincitur fustum plumbum continuè agitari, ejusdemque partes variis modis contorqueri ac moveri.

Secundò
ex salium
fusionem in
aqua.

Secunda ratio desumitur ex fermentatione; si enim grana aliqua salis in fundo aquæ demergantur, aut quælibet alia materia

teria dissolubilis & fermentabilis, videmus, quòd citò universam aquam sapor & tinctura illius fermenti inficit & alterat, hoc autem minimè fieri posset, nisi particulæ salinæ transportarentur per universam aquam, quod absque agitatione partium ejusdemmet aquæ nullo modo fieri posset.

De natura
fluiditatis.

PROPOSITIO CXLIII.

Minutissima Corporum particula ab invicem divise leves & facile amovibiles, licet omnino quiescant, duritiem creare non possunt.

Et profectò posito, quòd corpus divisum sit in exiguas & minimas particulas, si prædictæ partes diversimodè revolutæ & agitæ fuerint, negari non potest, eas apparentiam fluidam repræsentare; sed non proinde oppositum verificatur, scilicet quòd quotiescumque deest agitatio, & motus minimarum partium alicujus aggregati, id ipsum sit corpus durum & consistens (ut apertè fatentur aliqui Recentiores) nam præcipua & propria passio corporis duri non est ea, quam Cartesius affert, scilicet quòd omnes ejus particulæ quiescant in eodem situ, in quo degunt; & ratio est, quia talis passio non convenit solummodò corporibus duris, cum arenæ particulæ quiescant, nec tamen cumulum solidum & durum efficiant. Ex eo igitur, quod videmus in corpore duro unam ejus partem moveri non posse, quiescentibus collateralibus, planè deducitur, quòd non sufficit simplex contactus partium immotarum, sed præterea necesse est, ut sint ad invicem connexæ & agglutinatæ ut firmitudinem & duritiem creare possint. Et sanè si reverà corpus subdivisum fuerit in minutissimas particulas rotundas, aut ad rotunditatem proximè accedentes, & careant omni scabritie, sintque omnes æquè graves, & in quiete constitutæ, tunc est impossibile, ut prædictum aggregatum durum & consistens sit, nec poterit sustineri, ut arena in acclivi, & montuosa elevatione, propterea quod particularum figuræ rotundæ & lævigatæ non possunt vetare excursus atque descensum partium earundem gravium, & proinde necesse est ut explanentur, nec una ejus pars majorem elevationem supra planitiem horizontis habere poterit, quàm alia; præ-

De natura
fluiditatis.Argumen-
tum con-
tra supe-
riorem
Doctri-
nam.

præterea quodlibet corpus consistens intra prædictum aggregatum demersum, si vim compressivam, seu gravitatem majorem habuerit, quam particula illæ subdivisæ, faciliè poterunt impelli ac elevari supra ejus libellam, & ob earum rotunditatem & lævitatem nullo negotio excurrere circa corpus demersum possunt, idque omni ex parte contingere, atque ad ejus figuram accommodari.

Sed videamus qua ratione ingeniosissimus Author neotericus hanc sententiam confirmare nitatur, quòd nimirum particula aquæ glacialis virtute simplicis earum quietis fluiditatem amittant; ait ipse: *multò facilius moveri posse corpus quodlibet in motu constitutum, quam si quiescens & stabile esset, quia in primo casu non est necesse, ut producat, vel creetur motus, cui corpus quodlibet ob naturalem suam inertiam resistit, sed tantummodo ut motus ipse hætenus existens, & vicens in eodem corpore dirigatur.*

PROPOSITIO CXLIV.

Motus & impetus non facilius imprimitur in corpus agatum, quàm quiescens, si tamen ejus quies fuerit amovibilis.

At ipse in hoc ei assentiri nullo modo possum, nam licet verum esset, quòd facilius impelli posset corpus in motu constitutum, quàm quiescens, non inde sequitur simplicem quietem partium fluidi duritiem ejus creare: nam videmus arenæ cumulum solummodo acquirere consistentiam & duritiem, quando glutine, vel arctissima unione, & angulorum mutua insinuatione connectuntur ejus grana, utin pavimento contingit, non verò quando arenæ particulae dissolutæ placidissima quiete se mutuò tangunt, igitur eodem modo aquæ particulae læves, dissolutæ, tranquillissima quiete se mutuò tangentes non efficient duram & rigidam connexionem glaciale. Præterea si corpus aliquod in quiete amovibili fuerit constitutum, scilicet si indifferens fuerit ad motum quemlibet, & ad quietem non difficilius novus motus ei imprimitur, quando quiescit, quàm quando actu movetur; hoc autem ostensum fuit in nostro Opere de Vi Percussionis: Imò si velimus philosophari juxta sensus evidentiam, multoties experi-

mur, quòd majori difficultate imprimitur novus motus in eo corpore, quod actualitèr movetur, quam si in quiete amovibili constitutum fuisset, & hoc constat hac ratione: quia aut motus, qui de novo imprimi debet, ab impellente vergit, ac tendit ad easdem partes, ad quas corpus mobile ferebatur, aut ad partes oppositas, vel transversè; & patet, quod in his multò difficiliùs imprimitur novus motus, quia præter inertiam corporis mobilis, debet quoque superari resistentia impetus motus contrarii, & sic videmus, quòd difficiliùs rejicimus, & repercutimus pilam advenientem, & nobis occurrentem motu contrario quàm si eadem pila omninò motu careret, & pavimento innixa quiesceret. Si postea motus corporis mobilis & moventis fiunt versùs easdem partes, atque velociori motu mobile quàm movens fertur, tunc patet adeò falsum esse faciliùs moveri posse corpus illud in motu velociori constitutum, quàm si quiesceret, ut è contrà in quiete ab illo impelli posset, at in fuga non posset à tardiore impulso urgeri; si verò gradus impetus moventis corporis major fuerit illo quo mobile ictum fugit, tunc difficiliùs, seu tardiùs illud movebitur, quàm si in quiete amovibili constitutum fuisset; nam in hoc casu percussio fieret ab integro gradu impetus impellentis corporis, in illo verò casu impulsio fieret à diminuto gradu velocitatis ejus, scilicèt ab excessu supra velocitatem fugientis corporis. Præterea in corporibus concretis non omninò duris, novus motus imprimi non potest in instanti, sed in tempore, ut alibi ostensum est, non contactu simplici, sed sociali motu moventis & mobilis, hoc autem faciliùs consequi potest in corpore aliquo quiescente amovibilitèr, quàm si agitetur directè vel transversè. Hinc colligitur falsum esse, quòd faciliùs impelli posset corpus agitatum, quàm quiescens, si modò quies fuerit amovibilis, ut dictum est. Et profectò quies illa particularum cujuslibet corporis firmi & duri non erit amovibilis, scilicèt illæ particulæ non sunt indifferentes ad motum, cum non à qualibet exigua & minima vi motiva moveri & divelli ab integra massa dura queant, sed requiritur insignis violentia, ut particulæ aquæ glaciæ à tota massa separentur; ex quo proinde inferre licet, quòd ut plurimùm figuræ prædictarum particularum durum corpus componentium, nec sunt regulares, nec lavigatæ, sed miris modis angulosæ, ramosæ, contortæ, & uncinatæ, & proinde

(Bb)

par.

De natura
fluiditatis.

partes ejus asperæ, & angulosæ sese contingentes, & vicissim una intra spatium alterius insinuata, possunt mutuo satis benè congruere, componereque quasi pavementum, & opus tessellatum, & sic non potest una particula ex toto aggregato divelli extrahique, non quidem propter ejus quietem, aut defectum motus, sed tantummodo quia ejus concatenata structura difficilè dissolvitur.

PROPOSITIO CXLV.

Commotio partium metalli, vel vitri, ab igne fusi per accidens in eis fluiditatem creat, quatenus scilicet earum figura angulosa ab invicem separantur, & ob ignis interpolationem possunt una super alteram fluere.

Et reverà quotiescumque perpendo, quanta copia & vehementia ignis requiritur, ut arena, vitrum, ferrum, aut aliud durum metallum, in formam fluidam redigatur, haud persuaderi possum, particulas minimas horum corporum post divisionem, ab igne factam, reduci posse ad figuras regulares lævigatas, & ad rotunditatem accedentes, sed puto maximè angulosas, asperas, & elongatas esse debere, & ideo difficillimè posse contorqueri revolvique inter contiguas sui generis particulas. In hisce duos effectus ignem producere mihi verisimile videtur, primò, quòd unamquamque partem dissociat, atque à reliqua separat per aliquod sensibile intervallum, hocque efficitur à transitu multiplicium, & vehementissimarum exhalationum, & particularum ignearum interfluentium, virtute cujus particulæ solidæ arenæ eodem modo ab invicem segregatæ disponuntur, ac pulvis terreus intra aquam infusus & dispersus, qui eam lutosam & cænosam reddit. Quòd verò arenæ, vel ferri fusi particulæ reverà per aliquod intervallum ab invicem discretæ & separatæ sint, evincitur ex eo, quòd moles ejusdem ferri, vel vitri fluentis, insignitèr augetur supra molem, quam idem corpus durum & consistens priùs habebat; ignis ergò copiosissimè & vehementissimè fluens inter particulas ferri vel vitri, idem propemodum præstat, ac rotulæ vel cylindri, super quorum rotunditatem lapides angulosi, & figuras irregulares habentes labuntur, vel usum præstat sebi, vel cujuslibet alterius corporis unctio-

si, ope cujus arenulæ asperrimæ lubricitatem acquirere possunt, & una particula super aliam facili negotio circumvolvi, agitari, ac dilabi potest, quod perindè est, ac si prædictæ particula vitri, aut ferri acquisivissent figuram lævem, rotundam, vel orbicularum æmulantem. Verum tamen est, quòd hujusmodi operatio effici nullo modo potest absque commotione, vertigine, & transpositione minimarum partium metalli vel vitri, sed non indè evincitur fluiditatem in tali casu absolutè dependere à prædicta commotione partium, nisi ex accidenti, quatenus non possunt segregari, & fluere particula asperæ, & angulosæ ferri, vel vitri absque superabundanti, & vehementi profluvio ignis, à quo demum particula ipse solidæ lubricitatem & motum acquirunt. Hoc autem bellè confirmatur ab experimento adducto à doctissimo Roberto Boile, quando Alabastrum pulverem ab igne ferventi fluxibilitatem acquisivisse ait, at postmodum quælibet particula ejusdem floris supra papyrum refrigerata reperiebatur aggeries arenularum minutissimarum, neque concretum, & solidum corpus efficiebat, ut in vitro & ferro, post fusionem refrigerato, videre est.

Hoc experimento comprobatur.

Sed ad majorem hujus doctrinæ evidentiam consideretur aggeries arenæ minutissimæ & aridæ, hæ quidem non excurrunt, neque lubricitatem habent, si postea immissa & intercepta aqua lutosam formam acquirat, tunc particula aquæ inter arenulas interceptæ nedum eas dissociant, sed veluti rotæ, vel cylindruli, aut materia aliqua unctuosæ commoditatem eis præstat, ut possint excurrere una particula arenæ super aliam contorqueri atque agitari, & tandem ob nativam gravitatem quælibet earum deorsum tendendo explanantur, & ad superficiem planam horizontalem rediguntur, quòd priùs absque aqua illa inter arenulas intercepta in cumulum satis acclivem sustinebatur; acquirit ergò massa illa arenosa unà cum aqua consistentiam fluidam, explanatur, & recipit figuram continentis vasis, non secùs, ac vitrum, & ferrum fufum efformatur, & paritèr ad instar globulorum crystallinorum, qui licèt sint aridi absque ullo fluido admixto, & omninò quiescant in vase aliquo, neque agitentur, omnes tamen jam dictas fluidi proprietates retinere videntur.

Et exemplo huius confirmatur.

PROPOSITIO CXLVI.

Requiritur vis motiva gravitatis in omnibus partibus fluidi, non ut fluiditatem constituat, sed ut explanare horizontaliter fluidum possit.

Verum tamen est, quòd illa præcipua conditio, & proprietas fluidi, qua explanatur, & æqualitèr jacet in plano horizontali, nullo pacto verificari potest, nisi in ipso fluido ponatur virtus aliqua motiva, qua si omninò careat, nullo pacto poterit aqua fluida explanari, & ad libellam horizontalem reduci. At hujusmodi virtus motiva longe diversa est ab ea, quæ exigitur à Cartesio, ejusque Sectatoribus, non enim est motiva virtus vaga & irregularis, quæ inordinatam agitationem sursùm & deorsùm, & transverse continuo fluxu efficiat, sed est tantummodò vis, atque impetus naturalis gravitatis, ope cujus particulæ omnes fluidi æquali nisu tendunt ac feruntur deorsùm; sic enim æquatis momentis efficitur æquilibrium partium ejusdem fluidi, unde subsequitur æqualis dispositio earum horizontalitèr; si enim hujusmodi gravitas in fluido deficeret, non posset virtute æquilibrii æqualitèr disponi, sed una ejus pars depressa, alia verò sublimis efficeret inæqualem & asperam superficiem externam ejus, compositam ex vallibus & montibus. Necessariò ergò fatendum est in hisce fluidis nostratibus vim motivam aliquam adesse, ut omnes æquali vi & impetu ad easdem partes, scilicèt deorsùm, tendant. Et profectò si ponerentur motus vagi, irregulares, & contrarii in eodem corpore fluido, ut Adversarii existimant, sequeretur destructio ejusdem hypothesis, nam cùm in eadem aqua v. grat. non possint omnes particulæ ejusdem aquæ ex conditò simul ad easdem partes ordinata seriè moveri, ut in progressu alicujus cohortis, vel ut in supplicationibus fieri solet, omninò necesse est, ut aliæ partes sursùm ascendant, aliquæ verò deorsùm ferantur, & proinde videtur impossibile atque incredibile, ut aliquando prædictæ partes motibus contrariis sibi mutuò non occurrant, & propterea se mutuò non impediant, & ad quietem non redigantur. Cumque absque illa vertigine & agitatione partium fluiditatem existere ne-

gent,

gent, imò duritiem creari affirmant. Sequitur ex eadem hypothesi (in qua commotiones partium aquæ ad fluidi constitutionem requiruntur) effici duritiem, & consistentiam, saltèm in illis particulis fluidi, in quibus quies creatur, quod præcisè destruit eorum hypothesim.

De natura
fluiditatis.

Insuper si vera est prædicta vis' motiva partium fluidi sursùm & deorsùm, illa profectò quanta erit, & certi, ac determinati gradus energix, quare non poterit superari à minima & exigua vi externa eam horizontalitèr impellente, qualis est vis tenuissimi capilli, quo Navim in aqua stagnante trahemus.

Restat modò postrema difficultas, quomodò nimirum aqua fluida, & quodlibet menstruum ex vegetabilibus, salibus, & mineralibus tincturas extrahunt, ac fermentatione quadam corpora illa dissolvunt, ac per universum fluidum spargunt diffundutque; & quia hujusmodi operatio absque agitatione aquæ, & fluidi fermentantis percipi non potest, hinc concludunt aquam, & fluidum quodlibet componi ex particulis miris, & variis modis agitatæ, à qua tandem partium agitatione fluxibilitatem creari putant.

PROPOSITIO CXLVII.

Experimenta fermentationum, & dissolutionis salium, licèt non omnia vera sint, non tamen evincunt fluiditatem semper à continua partium agitatione pendere.

Et hìc primò non negabo exhalationes igneas, & alia corpora semoventia excurrere, atque penetrare corpora omnia concreta, & ideò fluidorum partes commovere; sed non proindè confiteri cogimur fluiditatem à continua agitatione partium ejus pendere, quandoquidem non omnes experientiæ, quæ ab Adversariis afferuntur veræ sunt, & illæ, quæ veræ sunt non evincunt partes omnes ejusdem corporis fluidi perpetuò agitari atque commoveri, ita ut ne minima particula in aliquo angulo fluidi remaneat quiescens, & absque ulla agitatione, saltèm per aliquod breve tempus. Et primum, si granum salis solidum in fundo aquæ immergatur, verum non est, quòd citò universa aqua vasis salsedine imbibitur, nisi vasa sint ampla, & aqua sit agitata; si verò sumatur fistula

(B b 3)

vitrea

De natura
fluiditatis.

vitrea satis angusta, atque in ejus fundo sal apponatur, aqua verò placide & solertèr sali superponatur evitata, quantum fieri potest, agitatione, & commotione ejus, tunc aqua, quæ in summitate fistulæ reperitur, falsedine non afficitur, & hoc etiam à Boile experimento comprobatum fuit : unde conjicitur, quòd reverà aqua ob ejus æquilibrium facile potest commoveri, & sic, repetitis convolutionibus, sursùm & deorsùm secum transportare valet minutissimas salis particulas, & hoc citiùs consequitur, si agitatio vehemens fuerit facta, nimirùm ab impellente externo, vel ab ignis vehementia per vitri porositates penetrante, & per aquam ascendente ; tamen quando in fistula angusta & alta non æquè commodè & facile aqua agitari, vel semèl incepta agitatione, promoveri non potest, tunc salis particulæ non ascendunt usque ad supremam aquæ summitatem, quia nimirùm, licet aqua, æquilibrata à qualibet vi motiva, moveri & impelli possit, nihilominus quando agitatio non est vehemens & copiosa, citò extinguitur, cum reliqua moles aquæ suprema non impulsâ ob sui naturalem inertiam, & aliqualem viscositatem violentiæ motus aliquo pacto resistat, proindeque impressus motus in infimis aquæ particulis citò retardatur, extinguiturque à reliquis aquæ partibus in quiete constitutis, & hac de causa motus debilis in fundo factus propagari usque ad vasis summitatem non potest.

Fermenta-
tiones, &
extractio-
nes chymi-
cæ absque
motu flui-
di men-
strui fieri
nequeunt ;
at dubita-
tur an mo-
tus, qui in
fermenta-
tione ob-
servatur,
sit causa
vel effectus
fermenta-
tionis.

Insuper, quòd prædictæ fermentationes, & tincturæ extractionum chymicarum fieri non possint absque motu & agitatione fluidi menstrui, conceditur, ut certum & evidens, sed dubitatur contròvertiturque, an motus, qui in fermentatione observatur, sit causa vel effectus ejusdem fermentationis, scilicet an motus ille antecedenter sit proprius fluidi corporis, & fluiditatem constituat, sitque causa effectiva fermentationis, an è contra dissolutio salium, & reliquæ fermentationes ab alia causa longè diversa dependeant, à qua producatur veluti effectus motus ille, qui in fermentatione observatur. Modò si ostenderimus quòd simplex gravitas fluidi ratione quadam mechanica, & juxtà leges æquilibrii insinuare & impellere potest fluidi particulas intra porositates salium mineralium & vegetabilium, undè postea consequatur agitatio & ebullitio, quam in fermentatione conspiciamus, procul dubio non licebit ex hoc experimento inferre motum illum antecedenter fluido competere, & fluiditatem constituere.

PRO-

PROPOSITIO CXLVIII.

Commotio aqua, quæ in spongia madefactione contingit, non est propria ipsius aquæ, neque fluiditatem ejus constituit, sed est effectus dependens à gravitate ejusdem fluidi.

Immergamus prius in aquam frustum spongiæ, constat spongiæ substantiam continere innumeras porositates exiguas, & inter se communicantes ad instar fistularum exiguarum, quæ aut aëre replentur, aut omnino inanes sunt. Tunc nemo negabit, aquam proprio & naturali pondere insinuari debere intra spongiæ porositates, quia verò hoc exequi non potest absque motu, & agitatione ipsius aquæ, necesse est, ut ambientes partes fluidi contiguæ, & proximæ consequutivo quodam motu agitentur, dum illæ intra spongiæ porositates immittuntur, quæ commotiones inæquales & variæ esse debent, & ad diversas plagas tendentes, prout in spongiæ porositatibus supremis, infimis, & lateralibus aqua ingreditur; at quia semel aqua commota necessarîo impetum concipit, ergò necesse est, ut vis prædicti impetus impressi minimè otiosa sit, proindeque percussiones inferat tùm particulis solidis ipsius spongiæ, cùm etiam particulis aquæ contiguæ, quare non poterit extinguî omninò prædicta agitatio, nisi post aliquod tempus, postquàm scilicet ab impedimentis à glutine partium ejusdemmet aquæ illatis, impetus præconceptus extinguatur. Patet ergò, quòd agitatio aquæ, quæ in spongiæ madefactione contingit, non est propria ipsius aquæ, neque fluiditatem ejus constituit, sed potius est effectus dependens à vi gravitatis ejusdem fluidi, quatenus juxtà naturæ institutum, & hydrostaticæ leges insinuari debet intra spongiæ porositates, vel inanes, vel à leviori corpore aëreo occupatas.

PROPOSITIO CXLIX.

Commotio aqua ad instar ebullitionis, quæ in pumicis madefactione observatur, non est propria & constitutiva fluiditatis ejus, sed est effectus dependens à pondere ejusdem fluidi.

Immittatur postea intra aquam pumex, loco spongiæ, cujus porositates aëre refertæ sunt, tunc aqua, ut potè gravior aëre, intra præ-

De natura
fluiditatis.

prædictas porositates contento sensim in pumicis exterioribus foraminibus insinuari debet, & proinde aëreæ particulæ, quæ poros occupabant, expelli debent, & hæc, cum in fundo aquæ permanere nequeant, necesse est ut sursum per aquam ascendant expressæ à majori pondere ipsius aquæ; dum verò granula, seu ampullæ aëreæ, sursum feruntur, & ebullitionem quandam oculis repræsentant, fieri non potest, ut aqua, per quam transeunt, aliquo pacto non agitetur commoveaturque, tum exprimendo aërem, cum etiam cedendo locum aëri transituro. Habemus jam novam causam agitationis & commotionis ipsius aquæ præter prius expositam, quando nimirum aqua vi suæ gravitatis insinuabatur intra spongiæ poros; nam præterea dum aërei globuli expressi, & à pumice exclusi per aquam ascendunt, necessario aqua agitari quoque debet, igitur universa illa commotio, & veluti ebullitio aquæ habet causam efficientem, quæ est simplex aquæ gravitas, quare non licet inferre, quòd prædictus motus ebullitionis, qui in aqua post immersionem pumicis conspicitur, sit signum, & evincat motum illum proprium esse ipsius aquæ, & fluiditatem ejus constituere.

PROPOSITIO CL.

Aque commotio, à qua gleba dissolvitur dispergiturque per eam, non est propria & fluiditatis constitutiva, sed producitur à gravitate fluidi.

Si postea gleba arida intra aquam mergatur, quia inter pumicem, & glebam hoc discriminis intercedit, quòd parietes porulorum pumicis duri sunt consistentes, & inter se connexi & uniti; è contra, in gleba parietes pororum sunt valdè fragiles & dissolubiles; unde sequitur, quòd aquæ particulæ vi gravitatis intra poros glebæ insinuatæ nedùm expellant aërem ibi contentum, sed etiam areculas glebam constituentes, quæ tantummodò se tangunt, & nullo alio vinculo nec glutine necuntur, faciliè ab invicem dissociant dispergantque. Porro cum ad aquæ immersionem, & aëris expressionem, atque ascensum necessario motus & agitatio ipsius aquæ consequatur, hic verò motus absque imperu esse non possit, qui cum vim cujusvis ponderis finiti superet, ut demonstravimus, facile

In lib. de
vi percuss.

facile poterit exiguas illas arenulas dissolutas nedum lateraliter, sed etiam sursùm aliquantisper impellere, & hinc oritur turbida quædam nebula, quæ propè glebam demersam conspicitur diù perseverans. Ex universa hac naturali operatione nemo sanæ mentis eliciet aquæ particulas continuo & vago motu agitari naturali instinctu, & ab hoc principio produci glebæ dissolutionem, dispersionemque arenularum ejus, & feruoris, qui in aqua tunc temporis conspicitur, nam hæc omnia habent suam causam necessariam, nempe aquæ gravitatem, quæ potest & debet nedum expellere sursùm leves aëris particulas intra glebæ porositates contentas, sed etiam dissolvere & dispergere suo impetu pulverulentas glebæ particulas per ipsammet aquam.

De natura
fluiditatis.

PROPOSITIO CLI.

Major & velocior aquæ commotio, quæ in salium dissolutione observatur, non pendet ab intrinseco & naturali motu aquæ, sed à simplici ejus gravitate.

Cogitemus postea saltem esse glebam ab aqua dissolubilem, quæ constat ex suis minimis particulis figuratis, non undequaque se tangentibus, connexisque, & proinde salis gleba habet innumeros porulos, & canaliculos interspersos, qui ut plurimum non replentur, nec occupantur ab aëre, cum sint valdè exigui angustique, sed aut à materia valdè tenui, vel potius vacui omnino sunt. Constat aliundè, quod aqua facillimè sali unitur, connectitur, ejusque porositates penetrat, contra, ac in pumice, ligno, & aliis corporibus contingit, in quibus madefactio, & aquæ penetratio non fit, nisi longo tempore, & difficilè (sivè hoc pendeat ab aëre contento in horum porositatibus, sivè ab incongruentia pororum.) Ex hac, inquam, maxima facilitate, qua aqua salibus insinuatur, licet inferre, quod motu velociori accurrat ad occupanda illa salium foraminula, & ideò majori & vehementiori impetu dissolvat separetque particulas salium, easque vehementius quoque impellat unà cum reliqua ambiente aqua, quæ nedum consequutivo motu celerius agitur, sed etiam ab ascensu leviorum particularum, quæ in porulis salium continebantur, commoveretur.

(C c)

Non

De natura
fluiditatis.

Non est postea difficile à vehementiori impetu & motu ipsis aquæ minimas salis particulas ad loca remotiora dispergi atque transferri, quæ suo sapore æri ferè universam aquam valis ampli inficiant. Et hic quoque constat universam hanc operationem fermentativam non pendere ab intestina motione partium aquæ fluxibilitatis constitutiva, sed à simplici aquæ gravitate legibus mechanicis operante, ut dictum est.

Ex hac
Doctrina
sequi vi-
detur,
quod com-
pleta dis-
solutione
salis, ejus
particulæ,
ut graves
ad fundum
valis cade-
rent, & sic
aqua dul-
cis redde-
retur,
quod est
falsum.

Sed hic difficultas oritur, si verum esset, quod à vi gravitatis aqua intra poros salium insinuata impetum acquireret, & sic salia dissolveret, & feruorem crearet, ergò postquam semel completa esset dissolutio salis, & extinctus feruor ebullitioque redacta esset aqua sapida ad exactam tranquillitatem, non possent salis particule graviores specie ipsa aqua suspensæ retineri in ipsamet aqua, sed sponte sua saltem tardiori motu ad fundum valis deciderent, proindeque aqua suprema dulcis omnino remaneret, quod est falsum; igitur dicendum quod non ab impetu fermentationis dependente à vi gravitatis fluidi particule salis disperguntur, sed potius ab intestina & naturali partium aquæ agitatione, fluiditatemque ejus constituyente perpetuo novis ictibus & impulsibus salis particule retinentur natantes intra aquæ substantiam.

PROPOSITIO CLII.

Completa dissolutione salis particule ejus innatantes non suspenduntur ab intestina aqua commotione, sed ab ejus naturali glutine validius operante in superficieculis particularum salium.

Sed huic difficultati respondeo, non ab impetu aquæ agitate, sed ab alia longè diversa causa graviores particulas innatantes sustineri posse. Certum est, corporum particulas, quò tenuiores & minutiores sunt, eò tardius per fluida descendere, ut contingit in pulvere terrestri, in aëre vel aqua disperso, quia nimirum in hisce corpusculis exiguis eorum superficies externa semper magis ac magis crescit in respectu ad suam gravitatem, ut alibi declaravimus; quia verò mensura impedimenti fluidi externi augetur, prout prædicta superficies crescit, cum nullum corpus per fluidum mo-
veri

veri queat, quin successivè è loco anteriori fluidum ei contiguum expellat, quotiescumque vis impulsiva gravitatis minuitur pro molis diminutione, superficies verò in multo minori, scilicèt subduplicata, proportionè diminuitur, sequitur, ut fluidi impedimentum minus decrescendo, dum impetus gravitatis valdè minuitur, tandem ad æqualitatem & æquilibrium quam proximè accedant, & proindè hoc nomine particulæ minimæ fluido graviore motu semper tardiori in ipso descendant, quo magis eorum moles imminuitur.

De natura
fluiditatis.

Præterea quia experientia constat fluidi partes glutine aliquo necti inter se debere, ut postea fusè declarabitur, atque vis & energia prædicti glutinis sit certi ac determinati gradus, huic verò contraponitur energia gravitatis & velocitatis, quæ semper magis ac magis imminui potest, prout moles ejus subdividitur, hinc fit ut tandem ad eam exiguitatem vis gravitatis & impetus redigatur, ut æquari præcisè possit energiæ glutinis ipsius fluidi, proindeque una alteri prævalere nequeat, unde, æquatis viribus, factoque æquilibrium, necessariò particulæ illæ graves in ipso fluido innatantes in eodem situ quiescere debent. Hac ratione fieri potest, ut minimæ salis particulæ per aquam dispersæ & innatantes æquilibrari & quiescere in ipsa aqua possint, proindeque aqua semper falsedinem retinere valet.

PROPOSITIO CLIII.

Veherentissima aque ebullitio, quæ in dissolutione calcis apparet, pendet non ab intestino motu aquæ, sed ab ejus gravitate, dissolvente & exprimente igneas particulas, quæ in calce continebantur.

In calce postea intra aquam demersa alia nova causa feruoris oritur, quia in exiguis calcinati saxi porositatibus, in ejusque anfractibus includuntur innumeræ particulæ ignis ibidem insinuatæ à feruentissimo ardore Fornacis, cùmque aqua suo pondere & fluxibilitate particulas calcis dissolvendo vinculaque relaxando, apertis ostiis egressus concedatur igneis illis corpusculis, quæ postea expressa ab excedenti aquæ pondere velociori motu sursum

(Cc 2)

per

De natura
fluiditatis.

per aquam ascendunt, proindeque in transitu bullularum ignearum aquæ partes laterales celerius & vehementius agitantur.

PROPOSITIO CLIV.

Id ipsum verificatur in dissolutione Metallorum ab aqua fortis.

Id ipsum eadem ferè ratione producit aqua fortis vel regia in Metallis, dum enim intra illius porositates vi ponderis ejus insinuat, salibus, quibus aqua fortis referta est, velutitalis, ac scalpris abradit solidas aliquas Metalli particulas, simulque relaxat ostiola, egressumque concedit materiæ igneæ ibidem contentæ, quæ expressa ab insigni gravitate aquæ fortis velocissimo motu per eandem aquam sursum ascendit inclusa in ampullis exiguis & copiosissimis, quæ ebullitionem feruentem producant, unà cum ingenti aquæ agitatione; quæ omnia immeritò ab intestina partium aquæ fortis agitatione quisquam effici censeret, cum adsit necessaria & evidentissima causa, nempe simplex gravitas aquæ fortis, quæ est impossibile ut intra porositates inanes, aut à leviori corpore oppletas, non insinuetur, & proinde in ejus motu impetum non concipiat, cujus virtute exiguæ Metalli particule corrodantur, exprimaturque materia ignea in eo contenta, proindeque vehementius aqua agitur, & tandem à viejusdem impetus particule minimæ Metalli, licet aqua graviores sint, possunt hinc inde dispergi, transportarique, & extincto fervore à naturali partium aquæ viscositate retineri in media aqua possunt, quotiescumque vis resistentiæ aquæ æqualis sit exilissimo ponderi earundem particularum metallicarum.

Aliquæ
experien-
tiæ nostræ
sententiæ
refragari
videntur,
quibus in-
ferius fa-
tis facie-
mus.

Hic possent innumera phænomena afferri, quæ in prædictis dissolutionibus salium mineralium & vegetabilium observantur, ut nimirum cum calx, aut metallum non demergitur intra aquam; sed eminent, tangitque dumtaxat superficiem ejus externam, & nihilominus aqua ascendit sublevaturque penetrando salis & metalli porositates, & postea denuò descendendo disperguntur solidæ particule efficiuntque universam aquam sapidam, vel metallo imprægnatam; non minùs videmus aquam per fistulas tenuis-
simas,

simas, per spongiarum aquam contingentes supra ejus superficiem, ascendere. Unde quispiam dubitandi ansam arripere posset, non pendere has operationes à vi gravitatis, quæ naturæ ductu non fursùm, sed deorsùm impellere aquam fluidam potest.

Sed hoc non officit doctrinæ superiùs expositæ, nam in spongia, pumice, sale, calce, &c. intra aquam demersis necessariò vis gravitatis fluidi prædictas operationes efficit, hæ verò diversæ operationes paritèr producuntur ab eodem principio gravitatis, ut inferiùs ostendemus, patebitque necessitate quadam mechanica à gravitate, & momento aquæ fluidæ eam insinuari intra elevatas fistulas, vel intra spongiarum, & salium eminentes porositates. Unde elicere possumus, quòd ex prædicto motu fermentationis deduci non potest, quòd in fluido partes ejus perpetuò intestino motu agitentur, à qua commotione fluiditas efficiatur, & ab hac veluti à causa, dissolutiones salium metallorum, &c. non dependeant.

Deinde expendenda est præcipua figura particularum aquam componentium juxta Cartesii mentem. Putat enim prædictas particulas oblongas virgulas flexibiles & lubricas esse, uti sunt anguillæ, quæ variis modis contortæ se mutuo amplexentur, & component aggeriem nodosam, in qua variis modis complicatæ excurrunt, varièque flectuntur, & sic fluiditatem aquæ componere atque efficere. Et hinc rationem eliciunt, quare guttæ aquæ è supremis arborum ramis ac foliis pendentes non decidunt, sed tenaci quodam vinculo retinentur, hocque confirmare nituntur tali exemplo; multotiès è casei fragmento fursùm elevato, & ab ejus prona facie pendet aggeries plurimorum vermium, qui nedùm non decidunt deorsùm, sed componunt veluti quandam gibbositatem deorsùm pendentem, dum tamen prædicti vermes miris modis agitantur & inflectuntur.

Ex Cartesio aquæ particulæ sunt oblongæ, flexibiles, ut angulæ, perpetuò agitatz, & hinc guttas aquæ pendulas sustineri posse censent.

PROPOSITIO CLV.

Ostenditur absurditas talis positionis Cartesiana.

At si talis est aquæ natura, sequitur ut ejus particulæ sint animatæ, oportet enim ut percipiant & eligant motus & inflexiones, quæ necessariae sunt ad prædictum effectum producendum.

(C 63.)

Nam

CAP. VII.

De natura
fluiditatis.

Nam sicuti illi vermes necesse est ut partim insinuentur in supramas casei porositates, non directè, sed tortuosè capita inflectendo, ut nimirum efficiant hamos, vel uncinos, & è contrà infimæ partes vermium pendentes debent quoque inflecti, ut alios uncinos efforment, in quibus subsequentes vermes adrepant, debentque paritèr subsequentes vermes non secus incurvari, ut duplices uncinos componerent in ejus extremitatibus. Id ipsum efficere deberent anguillæ illæ aquam componentes. At quomodo perseverare posset aggeries prædictarum aquæ anguillarum, nisi prædictæ earum curvitates summa solertia & providentia fierent, & perseverarent, prout necessitas sustentationis ponderis earundem exigit. Et si non providentia, sed casu, ut consentaneum est, moventur, quomodo possent perpetuò agitari & inflecti, quin aliquando uncini illi dissoluti se mutuò non retinerent? videtur enim impossibile ut universa massa virgularum aquæ aliquando, saltem per breve tempus non dirigatur, vel saltem diverso modo flectatur, quàm opus est, ut continuata series hamorum vel uncinorum se vicissim sustentantium non efformetur, & sic fieri posset ut tota gutta aquæ pendens, aut aliqua ejus portio, solutis vinculis, directisque uncinis, deorsum laberetur, quod tamen est falsum. Tandem, si attentè consideretur structura animalium, optimè percipitur non posse vermem inflecti ac conservari in aliquo situ curvo absque vi & tractione musculorum, ut nimirum eorum fibræ decurrantur, relaxatis fibris contrapositi musculi. Hoc autem quàm sit durum, & incomprehensibile in particulis ipsius aquæ supponere unusquisque per se videt. Si igitur salvari potest aquæ fluiditas, & tenacitas illa, qua guttæ pendentes retinentur faciliori & evidenti positione, ut mox patebit, quis quæso præliget hanc violentam, difficilemque hypothesim? nulla igitur est necessitas ponendi formam & motionem partium aquæ tam absurdam incomprehensibilemque, ut facultates, & instrumenta eadem, vel analogiis, quæ in animalibus natura efformavit, ponantur.

PROPOSITIO CLVI.

Fluida aquea habere viscositatem aliquam, qua salvari non potest absque machinulis flexibilibus & resilientibus, à quibus aqua particula, veluti lanugine, ambiuntur.

Postremo loco dicendum est de alia fluidi passione, quæ in exiguis ejus partibus observatur, non autem in grandioribus; constat enim experientia, aquam, & cætera fluida, naturam quandam glutinosam & viscosam habere, quod quidem evincitur ex eo quod guttæ fluidæ suspensæ pendent è supremis ramis arborum, & si quis velit particulam ejusdem guttæ à reliqua ejus massa divellere, persentiet resistantiam aliquam, & cessante vi externa, denuò gutta sponte recolligitur; quòd verò prædicta operatio pendeat à glutine, constat ex eo, quòd si aquæ purissimæ addatur misceaturque succus, vel massa aliqua glutinosa, & viscosa, tunc quidem guttulæ pendentes ampliores fiunt, in fila tenuissima satis longa extenduntur, atque in membranas gracilissimas attenuantur quoties insufflato aëre efficiuntur bullæ ingentes, quas Pueri efformare solent. Sic videmus salivam viscosam, vel aquam cum albugine ovi, vel saponi admixtam extendi in tenuissima fila, & denuò recolligi, qui effectus procùl dubio illi viscositati admixtæ tribui debet. Si igitur tam insignis effectus producit à grandi copia glutinis, vel humoris viscosi, quis dubitabit eundem effectum, quando est minùs insignis, productum fuisse à minori copia ejusdem glutinis, & viscosi humoris? Sed nemo ferè dubitat in aqua, & in reliquis fluidis viscositatem, aut quid analogum glutini in existere, dubitatur solummodò de causa prædicti glutinis, cùm hæc possit esse externa, & interna, duo enim corpora uniri possunt, & resistere separationi, cùm à causa externa impelluntur unum versùs aliud, vel potiùs ab aliqua vi motiva qualis est illa, quæ in Magnete, & magneticis corporibus observatur. Sed hæc inferiùs resellentur; alii postea recurrunt ad figuras hamatas & uncinatas corporum gluten componentium. Sed meo judicio videntur hujusmodi curvitates, & uncinos per se minimè viscositatem efficere posse, quia postquam actu uncin, & hami illi dissoluti,

In lib. de
vi percuss.

luti, & disjuncti sunt, nullam vim haberent sese denuò recolligendi & uniendi; posset profectò hoc effici, si prædictæ hamatæ figuræ essent flexibiles & resilientes, ut machinæ, & arcus, qui postquam distracti sunt, vim habent se contrahendi. Quod verò particulæ fluidi machinæ naturam participant, confirmatur ex eo, quòd fluida, quæ rigida & dura reddi possunt, post refrigerationem flecti postea, & resilire, & dirigi sponte videmus, cum sumuntur graciles laminæ prædicti corporis in durati, ut patet in glacie, vitro, ferro, &c. Quòdque præterea verisimilis sit prædicta positio machinularum in fluidis, patet exemplo aëris, qui reverà componitur ex particulis resilientibus ad modum machinæ, ut superius ostensum est; igitur non erit impossibile, ut eandem naturam fluida densiora participant, scilicet consent ex iisdem machinulis, aliter tamen efformatis, quàm in aëre. Verum tamen est, quòd prædictæ machinulæ in aqua, & similibus fluidis, debent esse valde superficiales, veluti lanugo quædam tenuis & debilis investiens quodlibet aquæ minimum, scilicet concipi debet interna & individua quælibet aquæ particula solida, & dura, cujus figura sit octaedra, vel alterius similis figuræ; hæc, inquam, extrinsecè ambiri debet à tenuissima lanugine, quæ flecti & resilire possit ad modum machinæ. Sed oportet ut prædictæ machinulæ sint breves, contortæ, & exigui roboris, ut nimirum minimam & insensibilem vim habeant, nec possint impedimentum sensibile afferre fluxui interno earundem partium aquæ.

Proponuntur
difficultates
aliquæ circa
vim glutinis
fluidorum.

Sed circa vim prædicti glutinis fluidi nonnullæ difficultates occurrunt. Prima, quomodo & quare partes fluidi facile super se ipsas excurrere possint, difficile verò à tota massa fluida divelli segregarique valeant. Secunda, quare lamina solida, quæ insensibiliter magis vel minus gravis sit, quàm fluidum deorsum aut sursum ascendere possit in ipsomet fluido, ex quo deducunt nullam viscositatem in ipso fluido reperiri. Tertia, quare aliqua fluida non miscentur, imò fugiunt alia fluida, & solida corpora, uti aqua non miscetur cum aëre, neque cum oleo, neque cum hydrargyro, & quodlibet ex prædictis corporibus sejungitur, & refugit reliqua corpora, quæ sibi analoga non sint.

PROPOSITIO CLVII.

Quare partes fluidi super seipsas fluere possint, difficile verò à tota massa fluida pendula divelli disjungere queant, rationem reddere.

Quoad primam videtur machina ejus naturæ esse, ut tantò majorem energiam; aut resistantiam habeat, quantò à majori violentia distrahatur, ut constat experientia, si enim arcus calybeus violentissimè flectatur, vel dilatetur, videmus quòd semper magis ac magis resistit distractioni majori & validiori energia, quò magis explicatur vel inflectitur machina; sed quia partes aquæ connectuntur ad invicem superficie tenùs ob jam dictam lanuginem, fit, ut quotiescumque divellere tentamus unam aquæ partem ab alia, tunc prædictæ machinulæ lanuginem componentes inter se connexæ violenter distrahantur; & proindè majorem resistantiam habeant, quàm partes ejusdem aquæ, quæ simplici contactu solummodò uniuntur absque eo, quòd eorum machinulæ distractionem patiantur; unde fit ut minori tenacitate connectantur, & ideò ob flexilitatem extremarum partium dictæ lanuginis facile una aquæ pars super alteram moveri & fluere possit: quia vero actus & operatio ipsa divulsionis aquæ ab aqua secum involvit violentam machinularum aquæ distractionem, non item fluxus aquæ per aquam, hinc sequitur ut in distractione & divulsione resistantia percipiat, non verò in fluxu ejusdem aquæ super reliquas ejus partes. Similiter in gutta pendente particulæ minimæ aquæ superficiem ejus extrinsecam componentes, mutuò se connectunt vincunturque, connexis nempe machinulis, à quibus aquæ particulæ ambiuntur, veluti à lanugine quadam, ut dictum est; quia verò prædictæ partes externæ sustinent, nedùm pondus proprium, sed etiam gravitatem omnium partium internarum ejusdem guttæ, & proindè omnium maximè comprimuntur, fit ut prædictæ machinulæ externæ maximè distrahantur extendanturque, & sic efficiant veluti reticulum tenax & consistens, internæ verò partes guttulæ, quia minus pondus sustinent, immo sustinentur à reticulari prædicta superficie externa aquæ, & non universam ponderis vim

(D d)

pa-

De natura
fluiditatis.

patiuntur, uti externæ partes, ideò minùs, quàm externæ machinulæ distrahantur, & propterea debiliori tenacitate se mutud necunt, & hinc fit ut altera super alteram excurrere facillè possit, ut constat experientia, videmus enim internas guttulæ partes vago motu agitari fluereque.

PROPOSITIO CLVIII.

Ostenditur aquam vi glutinis parumper resistere penetrationi corporum solidorum per eam discurrentium.

Circa secundam dici potest, quòd reverà adfit pusilla aliqua resistentia, cum dura lamina fluidum penetrat, & confricat laterales partes ejus, quæ resistentia ob sui exiguitatem convinci non potest ab experimentis aliquorum. Et profectò si reverà nullam viscositatem fluidum haberet, nil omninò penetrationi alterius corporis resisteret, & ideò quodlibet corpus gravius specie quàm aqua in ea descenderet, & quodlibet minus grave specificè ascenderet sursum, neque excessus perimetri, aut superficiæ corporis demersi respectu gravitatis ejus posset omninò prohibere descensum, vel ascensum in aqua, sed solummodò tarditatem afferret, non autem quietem absolutam, ut fatentur Ghetaldus, Stevinus, & alii. Modò minutissima grana terrea, salium, metallorum, & non minùs particulæ minimæ corporum leviorum ligni, aëris, &c. licèt habeant excedentem & grandem superficiem, respectu pusillæ gravitatis eorum, non tamen possent omninò quiescere in medio aquæ, sed lentissimo motu ascenderent, vel descenderent, ut exigit excessus, vel defectus gravitatis specificæ corpusculorum demersorum à gravitate fluidi aquei; sed hoc est falsum, metalla enim, sales, & aër, in minutissima granula redacta, immobilitèr in medio aquæ quiescunt, & ibidem perseverant; igitur falsum est aquam glutine omnino privari, & nil prorsus penetrationi resistere; erit igitur aliquantisper aqua glutinosa, habebitque saltem aliquam pusillam, & superficialem viscositatem. Adde quòd partes intermediae fluidi cum sint æquilibratæ atque sustineantur exiguam compressionem creant, & proindè machinulæ superficiales particularum aquæ subjectæ non possunt valde distrahi vel constringi, & sic minimam vim resilientem exercere possunt.

Sed

Sed dices, si aquæ particulæ à prædicta lanugine ambiuntur, ^{De natura fluiditatis.} ergo aqua non minùs quàm aër condensari deberet, quod repugnat experientiæ. Respondeo, quòd prædicta lanugo valdè exigua est, respectu internæ soliditatis cujuslibet globuli aquei, & sic non negatur quòd aliquantisper aqua condensari conspicique possit, tamen ob inperceptibilem parvitatem sensum fugit.

PROPOSITIO CLIX.

Aquam condensari parumper ob cedentiam lanuginis ejus experimento probatur.

Et hoc satis concinnè confirmari posse videtur à præclaro experimento, factò in aula Serenissimi M. D. Hetrurix, is jussit (ut mihi relatum fuit) cavam pilam argenteam aqua repleri, atque exactissimè claudi, ac ferruminari, quæ postea gravi malleo contusa, priòrem sphaericitatem amisit, proindeque internum ejus spatium evidenti contractione diminutum fuit, cùm constet figurarum isoperimetrarum sphaeram esse omnium capacissimam, necesse ergo fuit ut moles aquæ, quæ priùs ingens spatium sphaericum replebat, aliquo pacto stringeretur angustareturque, tunc mirabile spectaculum se obtulit, nimirum undique pila argentea exsudare cepit effundendo exiguos globulos aqueos similes illis, qui in cute nostra, dum sudamus, apparere solent. Cassendus postea refert in simili pila contusa, postquam exiguum foramen aperuisset, longius aquam proficientem ejecisse. Ex his omnibus videtur elici posse aliquantisper aquam ante exsudationem, aut ejectionem condensatam fuisse.

Et licèt responderi posset, vas prædictum post contusionem violentè se distendisse, & dilatasse lateralitèr, & hac ratione capacitatem ejus auctam supplere potuisse constrictionem factam à contusione, & violentam distractionem illius laminæ argenteæ ad modum machinæ se restringendo facillè potuisse effluvium illud ad instar fonticuli, vel exsudationem per poros dilatatos efficere; nihilominùs videtur incredibile in illa violentissima compressione, facta in actu percussionis, aquam ne minimum condensatam fuisse, saltem per brevissimum tempus, quæ condensatio præclare salva-

(Dd 2)

tur

De natura fluiditatis. tur in nostra positione, quia scilicet particulae aquae durissimae ambiuntur, veluti à lanugine machinularum flexibilium, quae parumper possunt comprimi, condensationemque pati.

PROPOSITIO CLX.

Existentia lanuginis aquae ab experimento suadetur.

Ex eadem hypothefi texturae partium aquae & aëris reddi potest ratio alterius pulcherrimi experimenti. Si enim rotunda phiala vitrea per angustissimum ejus foramen aqua repleatur, tunc si ore inferius inverso ampulla revolvatur in aëre aqua non defluit, at si postea ampullae orificium vinum (rubrum commoditatis gratia) contingat in subjecto vase contentum, tunc videbis per id ipsum foramen aquam eodem tempore descendere, & simul vinum ascendere in tenuissima fila extenuatum; & profecto mirabile videtur, posse vinum per medietatem orificii transire, dum per reliquam medietatem aqua defluit, & hoc in aëre simili modo fieri non posse, licet majori excessu aquae gravitas aërem superet, quam gravitatem vini. At hoc (ni fallor) contingit ex eo, quod vinum aquae naturam participat, cum non sit vinum nisi pura aqua, cui immiscentur plures spiritus & tartara, & hac de causa facile particulae vini per aquam excurrere & fluere possunt; at non sic aër, qui ex grandioribus spiris componitur, & propterea mixturem cum aqua refugit, ejusque effluvium impedit, quatenus in fundo orificii guttula aquae pendens quasi reticulum suis villis violenter distractis efformat, & sic non facile possunt dissolvi disgregarique à grandioribus aëris spiris simul pariter inter se adnexis intricatisque, & hac de causa non potest aqua effluere eodem tempore quo aër per idem foraminulum ascendere non potest.

PROPOSITIO CLXI.

Eadem lanugo fluidi impedit miscellam fluidorum diversae naturae & consistentiae.

Ad tertiam dico, quod revera ob defectum analogiae non miscentur aliqua fluida inter se, neque aliqua solida corpora mada-

defaciunt; at prædicta analogia non consistit in similitudine, & symmetria pororum corporis fluidi, nam, ut deinceps dicemus, aqua per aquam penetrare & fluere potest, licet ejus pori sint, ob ejus exiguitatem, incapaces aquearum particularum; igitur vera causa (ut puto) quare aqua non miscetur oleo & aëri, est quia lanugo externa aquæ penetrare nequit oleum vel aërem, forsan quia machinulæ pilorum lanuginis aquæ offendunt facieculas, & lanugines partium olei vel aëris, à quibus flectuntur incurvanturque, & sic à vi machinæ resilientis nedum prohibetur penetratio prædictarum aquæ particularum, sed insuper ab invicem segregantur. In solidis verò corporibus si adsit incongruentia pororum, partes fluidi non madefaciunt solidum corpus, ut hydrargyrum lignum non madefaciet, si verò pori congruentes fuerint, tamdiu retardatur miscella, & madefactio, quamdiu non explicatur lanugo particularum aquæ, quæ in primo occurso inflexa fuerat. Causa verò & vis impulsiva, quæ impellit prædictas fluidi particulas intra solidi porositates, postea assignabitur.

De natura fluiditatis.

Causam inquirere spontaneæ elevationis exiguarum aquæ particularum supra aquæ libellam in ipso aëre.

CAPUT VIII.

Veritatem Archimedææ doctrinæ luculentè superiùs confirmavimus, quod scilicet omnia elementaria corpora, sive fluida, sive consistentia, gravitatem habent, eamque exercent etiam in propriis locis, unde deducitur impossibile esse ut aqua v. g. leges æquilibrîi transgrediatur, atque perturbet pulcherrimum atque admirabilem ordinem, dispositionemque partium universi; scilicet alterando, atque deformando figuram sphæricam, unde infertur, quòd aqua nullo pacto possit pendula sustineri in medio aëris per aliquod tempus, neque poterit elevari supra superficiem superam totius aquæ subjæctæ, efficiendo nimirum montuositates aqueas, vel sponte sua ascendendo per cavitates fistularum supra aquæ infimam libellam elevatarum. Et hoc nedum ipsa ratio persuadet, sed etiam sensus evidentia ostendit in grandioribus aquæ portionibus.

CAP. VIII.

Cur exiguæ aquæ guttæ supra libellam aquæ ascendunt.

(Dd 3)

E con:

Cur exiguæ aquæ guttæ supra libellam aquæ ascendunt.

In guttis exiguis perturbatur universalis regula, quæ fluida, ut graviora, explanari debent.

E contrâ, videmus in parvis guttulis aquæ, & reliquorum fluidorum universalem regulam prædictam minimè verificari; aquæ enim guttæ in foliis arborum non intra earum cavitates stagnantes quiescunt, explananturque, sed tumidæ elewantur ut monticuli, & sphericam figuram quodammodo affectare videntur. Similiter aliæ guttæ pendulæ sustinentur è supremis ramis arborum, neque à naturali earum gravitate deorsum impelluntur; imò si prædictæ guttulæ pendulæ à contactu digiti, vel festucæ deorsum levitèr trahantur, cessante vi externa, sponte sua aquea illa mammilla retrahitur sursum; similiter in fistulis tenuissimis, in spongiis, atque in filtris manifestè aqua sponte sua ascendit supra libellam aquæ subjectæ. Cùmque doctrina illa universalis æquilibrii in dubium revocari nequeat, necesse est ut aliæ novæ causæ, quæ in hisce guttulis fluidis operantur, efficiant prædictam effectuum diversitatem, quam dignoscere erit operæpretium.

Et primo loco inquirenda est causa, à qua guttæ fluidi sphericè contornari, elevari, suspendique possunt ad similitudinem monticuli. Et procul dubio fatendum est, aquæ guttulas, aut vi naturali, & intrinseca sponte sua uniri conglobarique, & sic efficere sphericulas illas aqueas, vel hoc à violentia aliqua externa effici; non desunt utriusque sententiæ Fautores. Aliqui enim affirmant ab aëre ambiente comprimi aqueas guttulas, vel pondere, vel vi elastica aëris, aut utroque modo eas undique constringendo, & constipando. Quia verò nunquam eadem guttæ aqueæ naturalem gravitatem amittunt, sed semper eam exercent; sit ut in exiguis guttulis minima earum gravitas superari possit à vi compressiva aëris. Cùm è contrâ in guttis amplioribus vis gravitatis superet ejusdem aëris vim compressivam, & proindè deprimantur explanenturque in cavitatibus terræ.

PROPOSITIO CLXII.

Aëris vis compressiva non est causa tumoris rotundi guttularum fluidi.

Hæc profecto sententia pluribus difficultatibus obnoxia esse videtur, quia, ut animadvertit Ingeniosissimus Portius Amicus noster,

noſter, viſ ejusdem aëris compreſſiva unius & ejusdem roboris & energiz eſſe debet, igitur ſemper eundem effectum producere valet, & proinde quotieſcunque ejus actio exercetur contra duas inæquales reſiſtentias, major & inſignior operatio efficietur in ſubjectum minùs reſiſtens, quàm in aliud. Conſiderentur modò duo fluida inæqualitèr gravia ſpecie, ſcilicèt hydrargyrum, & aqua communis, certum eſt guttam mercurii quatuordecies ponderoſiorem eſſe gutta aquea ejusdem molis, quia verò viſ aëris externa comprimens hæc duo fluida ſemper ejusdem roboris eſt, igitur non poterit conglobare, & ſphæricè contornare guttam mercurii æquè amplam, ac eſt alia gutta aquæ; cùm mercurius gravior, & ideo magis reſiſtens requirat majorem vim compreſſivam, quàm aqua minùs gravis; ergo gutta mercurii, quæ ab eadem energia aëris contornari debet una pars decimaquarta, oportet ut ſit amplitudinis guttæ aquæ paritèr ſphæricè conglobatæ; igitur eſt omninò impoſſibile ut aër efficiat ſphæriculam mercurialem grandiorẽ, quàm aqueam; at quia hoc conſtat experientia, guttæ enim mercurii, quæ ſupra tabulam planam ſphæricè contornantur, agitanturque, non minores eſſe videntur, quàm guttæ aqueæ, quæ ſupra Braſſicæ folia conglobari ſolent: Non erit igitur aëris viſ compreſſiva vera cauſa turbinationis aquæ, vel mercurii.

Cur exi-
guz aque
guttæ lu-
pra libel-
lam aque
aſcendant.

PROPOSITIO CLXIII.

Alia experientia id ipſum confirmare.

Præterea ſi energia gravitatis, aut viſ elæſtica aëris eſt illa, quæ guttas fluidi undique comprimendo eas ſphæricè tumefacit, igitur illæ guttæ, quæ ab aëre rariffimo, aut infinītè expoſito ambiuntur, minùs comprimi deberent, quàm ab aëre copioſo, & maximè condenſato; igitur in vaſe Torricelliano, factò vacuo, ubi nullæ, aut ſaltèm exiliſſimæ aëris particule reperiuntur, minùs elevari, & magis contuſæ eſſe deberent, aut valdè diminutos & exiguos globulos efficere deberent prædictæ aqueæ guttulæ à foliis Braſſicæ ſuſtentatæ, quàm illæ, quæ ab aëre valdè condenſato ope follium, vel inſtrumenti pneumatici in aliquo vaſe, quod tamen

Cur exi-
gutz aquæ
gutz su-
pra libel-
lam aquæ
ascendunt.

tamen falsissimum est, æquè enim tumidæ sphæricè suspendun-
tur, & ad eandem altitudinem & magnitudinem elewantur guttæ,
aqueæ in vacuo Torricelliano ab aëre rarissimo, quàm ab aëre
valdè denso & constipato, ut in Academia Experimentalis Mediceæ
experti sumus.

PROPOSITIO CLXIV.

*Ut partes Elementi aquæ sphæricè circa centrum terræ contor-
nentur, oportet ut vires motivæ earum versùs centrum non
sint semper inter se æquales, sed habeant eandem proportio-
nem quam earum distantia à centro.*

Ad hæc poterit evidenti demonstratione (ni fallor) evinci
aqueas guttas non conglobari sphæricè à vi externa aëris compres-
siva. Si enim perpendamus, quare universum aquæ elementum
circa centrum systematis elementaris sphæricè conglobatur, per-
cipiemus hoc effici quia partes aquæ habent vim se movendi di-
rectè versùs centrum terræ, estque talis vis motiva in eodem cor-
pore homogeneo aquæ non semper ejusdem gradus, nisi cùm
partes externæ à centro terræ æquè recedunt.

Sit ergo punctum E centrum globi terrequei, & supponamus
aquam ABCD inæqualitèr distare à centro E, scilicèt à vi exter-
na, v. g. sit elevatus mons aqueus MAK supra reliquam ejus su-
perficiem sphæricam BCD; & siquidem vis motiva deorsùm im-
pellens versùs centrum E esset ejusdem energię in aqua A, atque
in B, non posset deprimi suprema aqua A deorsùm, expellen-
do & superando resistentiam aquæ B vel D, quia nimirum po-
tentia æqualis in æqualem minimè agere potest. Necesse ergo
est ut aqua elevata MAK majorem vim compressivam habeat,
quam aqua B: estque hoc evidentissimum, quia moles aquæ EA,
quæ altior, copiosior, & ideò gravior est, superabit resistentiam
minùs elevatæ aquæ EB, & minoris molis; Igitur vera causa,
quare elementum aquæ circa centrum terræ sphæricè contorna-
tur, est, quia partes aquæ cum reliquis continuatæ magis à cen-
tro terræ elevatæ, majorem vim compressivam habent, quàm
aliæ partes minùs à prædicto centro recedentes,

PRO-

PROPOSITIO CLXV.

Cur exi-
gux aquæ
guttæ su-
pra libel-
lam aquæ
ascendant.

Si circa centrum orbis elementaris dua fluida sphaera concentrica collocentur, quarum exterior gravis sit, non verò interior, qua habeat montuositatem aliquam, compressio universalis fluidi ambientis non poterit montuositatem consenti fluidi contundere.

TAB. VIII
Fig. 7.

Supponamus modò mercurium ABCD non habere vim sese uniendo, scilicet non habere gravitatem, patet quòd si prædictum hydrargyrum poneretur circa centrum E totius regionis elementaris, sponte sua non efficeretur sphaericum, sed retineret eandem montuositatem MAK. Supponamus postea mercurium à sphaera aëris FGHI circumdari, & habeat prædictum fluidum ambiens gravitatem, & principium motivum versùs centrum ejus E, & proinde massa mercurialis ABCD undique comprimitur à fluido ambiente FGHI; sitque prædictum fluidum sibi homogœneum, scilicet sit uniformiter grave. Dico quod ambiens fluidum nulla ratione mercurium ABCD sphaericè contornabit; quia fluidum ambiens comprimit comprehensum fluidum præcisè, quantum exigit mensura gravitatis ejus; est verò gravitas fluidi FA ad gravitatem alterius partis BG ut altitudo, seu moles illius ad hujus molem (cum supponatur fluidum sibi ipsi homogœneum) & est moles fluidi FA minor, quàm GB, igitur fluidum FA minùs gravitat, & idèò minùs comprimit subjectum fluidum AE, quàm fluidum GB comprimat sibi subjectum fluidum EB; sed est impossibile ut minor vis compressiva fluidi ambientis FA impellat deorsùm, & contundat montuositatem fluidi MAK, quin expellatur fursùm humilior pars ejusdem fluidi EB; & hæc fursùm expelli nequit nisi cædat vis compressiva gravitatis totius fluidi GB, igitur deberet vis gravitatis major totius aquæ BG superari à potentia minoris gravitatis FA, quod est impossibile, ergò vis compressiva externa aëris, vel cujuslibet alterius fluidi, non potest efficere tumorem illum sphaericum, quem in guttis mercurii & aquæ observamus, quotiescunque prædictæ guttæ gravitate carerent, & in centro regionis elementaris collocatæ essent.

(Ee)

PRO-

Cur exi-
gux aquæ
guttæ su-
pra libel-
lam aquæ
ascendant.

PROPOSITIO CLXVI.

*Non posse guttulas fluidi sphericè conglobari ab universali ambi-
entis aëris compressione demonstratur.*

TAB. VIII.
Fig. 8.

Restat modò ut id ipsum ostendamus in guttis aqueis in superfi-
cie nostræ telluris existentibus. Gutta aquea ABCD suspensa sit
filo GA, ut pavementum VX non attingat, & supposito, quòd
ab Oceano aëreo RS undique gutta suspensa contundatur, & ve-
luti forcipe constringatur, nempe supernè à columnis aëreis GA,
lateralitèr à cylindris GH & SD, & infernè à columnis aëreis re-
flexis RVB & SXI. Dico ab aëreo Oceano minimè guttam ABCD
sphericè contornari. Quia guttæ aqueæ partes AHCD omni-
no carent vi motiva, qua ferantur versùs centrum ejusdem guttæ,
eo quòd pars ejus suprema A trahitur sursùm à filo GA, infi-
ma verò C tendit deorsum ut gravis, ideò duæ partes oppositæ
A & C à se invicem fugiunt, & proindè potius conantur à centro
guttæ recedere, quàm ad ipsum ferri, & cum eo uniri; partes ve-
rò collaterales H & D, sive vim gravitatis exerceant, sive non,
nunquam tamen horizontali motu versùs guttæ centrum naturali
instinctu tendent, ergò si concipiatur centrum guttæ ABCD, ac
si esset centrum systematis elementaris, partes guttæ censerì possent
non graves. His positis intelligatur superaddita, vel elevata emi-
nentia, seu mammilla aquea H in laterali loco guttæ, tunc aëreus
Oceanus RS nedum supernè superficiem A, sed etiam latera ejus
H, D, & infimas facieculas B, C æquali energia comprimeret,
tum ratione gravitatis, cum ratione virtutis elasticæ ejus. Habe-
mus igitur casum similem ei qui in precedenti propositione suppo-
nebatur, scilicèt gutta ABCD, cujus partes non nituntur uniri, nec
sponte ferri versùs centrum ejusdem guttæ, & ab aëre æqualibus
viribus undique comprimitur; quare est impossibile, ut mammilla
H contundatur, hoc enim, ut dictum est, exigit majorem vim
compressivam in H, quàm in D; non poterit ergo prædicta gut-
ta præcisè contornari, & acquirere tumorem sphericum.

Id ipsum verificari in guttulis aqueis pavimento innixis, patet ex
eo, quòd saltem collaterales partes ejus H & D carent vim moti-
va

va horizontali, qua ferantur versùs guttæ centrum, & tunc mam- Cur exi-
guz aquæ
guttæ su-
pra libel-
lam aquæ
ascendant.
milla H non poterit contundi ab aëre GH, cum ejus vis non sit
major vi compressiva aëris SD. Unde colligitur, quòd compressio
fluidi aërei RSXV nullo pacto globositatem guttularum aquæ
creat, quare fatendum, est ab alia longè diversa causa hoc provenire.

Videndum modò est, an à vi intrinseca, & naturalii mercurii,
vel aquæ prædictæ guttule suspendantur & tornentur.

PROPOSITIO CLXVII.

*Guttula fluida non possunt sponte à vi intrinseca, & naturali
tumorem & sphericitatem acquirere.*

Quia guttule fluidæ diversis in locis collocari efformarique pos-
sunt, hinc sequitur ut ejus particulæ componentes cogantur mo-
dò versùs unam plagam, modò versùs alteram tendere, ac pro-
moveri, prout centrum, aut suspensio guttulæ variis in locis
transferri ac situari potest, & tunc si sensu carent mirari profectò
subit à quo Nuntio monentur, eisque ostenditur, ubi gentium
guttule centrum existat, transportatumque sit, & quo sensu id
assequi valeant, & quo appetitu afficiantur, ut eum amplecti ve-
lint; poni ergo debet vis aliqua, quæ cæca necessitate transferat,
retineat, conglutinetque aqueas particulas circa centrum guttulæ
suspensæ; hæc autem vis motiva, cùm non sit determinata ad ali-
quam plagam, erit profectò vaga & incerta, quæ nihilominùs cer-
tum gradum impetus, & proindè æqualem vim se movendi sur-
sum, deorsum, & ad latera habebit, ergo hisce omnibus mo-
tionibus agitari deberent aquæ, vel mercurii particulæ in ipsis gut-
tis pendentibus & contornatis, & hoc quidem audacter aliqui Re-
centiores pronunciant, quorum sententia (ni fallor) non secus,
ac præcedens, facile refelli potest, quia si quælibet pars fluidi in
gutta æquali vi & energia movetur, semel alterata & perturbata
ejusdem guttule rotunditate, scilicet exporrecta aliqua mammilla
ex eodem fluido guttam componente, non posset pristinam spha-
ricitatem denuò acquirere, propterea quod pars illa magis à cen-
tro remota non posset centro guttule approximari, nisi expelleret
longius à centro reliquas partes in vallibus guttule existentes;

Prop. 163.

(E 2)

nec

Cur exi-
guae aquae
guttae su-
pra libel-
lam aquae
ascendunt.

neque hæc cedere locum possent, cum æqualem energiam ac vim habeant, ac illæ, quæ in summitate mammillæ degunt. Si verò considerentur motus contrarii & diversi, quatenus una portio ad infimum situm guttæ deprimitur, altera verò elevatur, aliæ lateraliter feruntur, tunc quidem quis capiet globosam & sphericam figuram fluidi partes irregulariter se moventes componere posse? Finge in hac aula pluviam copiosam granulorum frumenti cadentium, & simul infernè ab aliqua violentia grana delapsa repelli fursùm, & lateraliter; in hac (inquam) perpetua, & confusa agitatione, quomodò possent prædicta grana decidentia, & ascendentia sphericam figuram conflare, & non potius quamlibet aliam figuram irregularem, ut experientia constat?

Recurrere ad inflexionem particularum mercurii vel aquæ, quæ ad instar anguillarum conglobentur & uniantur, & sic guttulas pendentes & sphericas efficiant, videtur omninò absurdum, ut superius insinuavimus.

Ajunt ob defectum analogiæ aquam, vel mercurium intra ærem insinuari non posse, & ideo motu reflexo in se ipsis conglobantur.

Defectum analogiæ fluidorum aut à diversitate motuum aut ab incongruentia pororum pendere censent.

Tantummodò considerabimus ea, quæ ab aliis afferuntur, qui ajunt ob defectum analogiæ mercurii vel aquæ cum aëre ambiente fieri, ut hydrargyrum, vel aqua aërem effugiat, & aër aquam, & potius in se ipsam spontaneo motu conglobetur uniatque, non quidem à perceptione utilis electione spontanea, sed necessitate quadam, quæ cogat ut partes fluidæ se moventes, & perpetuò agitatae, dum in aëre moveri nequeunt, reflectantur intra se ipsas, & sic guttulas illas sphericas efforment. Assignant postea duas causas, à quibus fluidorum diversa, & heterogenea natura pendet: prima est motuum diversitas, scilicet quia particulae minimæ aquæ diverso modo agitantur, ac moventur particulae aëris ambientis, & hinc pendere ajunt quod aquæ particulae nequeant suam vim motivam exercere intra aërem, & propterea cogantur motu reflexo excurrere intra profunditatem ejusdem aquæ guttulæ, & ex hisce motibus reflexis sphericam figuram guttæ efformari ajunt. Secunda causa est pororum assimetria, inquiunt enim porositates aëris ejus figuræ esse, ut particulae aquæ nequaquam possint per incongruentes porositates aëris insinuari & excurrere. Undè guttula aquæ perinde ab aëre coercetur, ac si esset fornix marmoreus.

PROPOSITIO CLXVIII.

Cur exigua aquæ guttæ supra libellam aquæ ascendunt.

Ob motuum diversitatem aqua & aëris non possunt aqua guttula sphericè conglobari.

Et quoad motuum diversitatem pertinet, notandum est verum non esse, quod motus unius corporis omninò impediatur à motu diverso alterius, hoc enim contingit quando prædicti motus sunt inter se contrarii per eandem rectam lineam, & æqualibus viribus & velocitatibus facti; si enim non sint inter se contrarii, sed ambo ad easdem partes tendant, tunc non omnino impeditur motus alterius corporis; sed tantummodò alteratur quoad directionem, vel circa velocitatem; quia vero Adversarii supponunt motiones partium tum aquæ cùm aëris, vagas, & diversimodas sursùm, deorsùm, & lateraliter, erit omnino impossibile, ut semper motus particularum aquæ opponantur motionibus, quibus partes aëris agitantur; & si hoc verum est, oportet ut ex parte, & aliquando impediri possit motus partium aquæ ab aëre ambiente, sed frequentius, & ut plurimum nullum impedimentum motioni aquæ afferent, & tunc se mutuo penetrabunt, & ideo non unientur sphericè guttæ aqueæ, quod est falsum.

Præterea si aër valdè expansus & rarior est, quàm aqua, & tam infirmæ & debilis consistentiæ, ut facilè à quacumque exigua vi dissipari, & è suo loco dimoveri possit, verisimile est ut partes aquæ densiores & consistentes possint, dùm moventur, facilè aëreas particulas è suis locis expellere, & sic per ejus substantiam penetrare; quod profectò ab ipsa experientia confirmari videtur; nam videmus vapores aqueos, è Mari & Lacubus exhalantes, summa facilitate per aërem penetrare, cùm constet vapores nil aliud esse, quàm congeriem exilissimarum aquæ particularum, quæ motu placido & tranquillo ab aqua diffantur, tempore hyemali, absque adjumento ignis, aut alterius rapidæ violentiæ. Et profectò nunquam aër reperiri potest sincerus absque admistione minimarum aquæ partium, ut constat ex experimentis in nostra Academia experimentalis Mediceæ factis; igitur sicuti illæ minimæ aquæ particulæ vaporem componentes à diversâ aëris agitatione non

(E 3)

retar-

Cur exi-
guz aquæ
gutz su-
pra libel-
lam aquæ
ascendunt.

retardantur, nec impediuntur quin liberè, & impunè aërem penetrare possint, sic paritèr particulæ illæ guttæ pendulæ terebrare poterunt aëris ambientis consistentiam, & proindè aërearum partium diversæ motiones non impediunt effluvium, & motionem vagam partium aquæ. Imò si quis hoc negotium attentè perpendat, percipiet ab iisdem partibus aqueis potius impediri motiones ejus, quàm ab aëre externo; primò, quia sunt æquè consistentes & corpulentæ, & sic non possunt vicissim è suis locis dimoveri ac expelli: insupèr, cum earum motus sint vagi & inordinati, non possunt omnes ad easdem partes dirigi, & idèò una pars super aliam incidens motu contrario, vicissim sese in progressu impediunt. Ad hæc, ubi deest aër, deficiet prorsus causa impediens motiones particularum aquæ, proptereà quòd ubi aër non adest, neque ejus motus impedimentum asserre poterit agitationi partium aquæ; hoc autem contingit in vacuo Torricelliano, ubi nullo pacto impedirentur motiones earundem particularum aquæ, imò faciliùs per spatium ferè vacuum spargi dissiparique possent, & proindè non cogerentur motu reflexo intra easdem guttas regredi, agitari, constiparique, & idèò cessaret causa & necessitas, ob quam guttulæ aquæ in vacuo, vel in aëre rarissimo sphæricum tumorem acquirere deberent, & tamen hoc repugnat experientiæ, cum in prædicto vacuo guttulæ non minùs rotundæ, quàm in aëre aperto, torquentur.

PROPOSITIO CLXIX.

Incongruentia & angustia pororum aëris non posset impedire diffusionem particularum aquæ per aërem.

Si postea consideremus incongruentiam pororum, patet verùm non esse Adversariorum assertum, cum ajunt, idèò ab aëre impediri motiones partium aquæ, quia orificia pororum aëris strictiora sunt, quam ut per ea aquæ particulæ ingredi & fluere possint, nam hinc inferre liceret neque aqueas particulas per ipsammet aquam cieri & excurrere posse; facile enim percipitur, quòd in aqua porositates non possunt esse adeò amplæ, ut per eas intromitti possint particulæ ejusdemmet aquæ, sed debent esse multò minores, si-
cuti

cuti interstitia, quæ in acervo granorum Triticæ, vel Milii intercipiuntur, semper minora sunt, quam grana ejusdem Triticæ, vel Milii, aliàs, facta acervi concussione, se mutuo magis constringerent amplexarenturque granula prædicta, intromissis nempe granulis in eisdem amplis interstitiis. Hinc sequitur ut æquè difficile aquæ particulæ per ipsam aquam moveri agitarique possint, quàm per aërem, quia nempe æquè incommodus est progressus aquæ per aquam, ac per aërem; si verum est requiri porositates in fluido tantæ amplitudinis, ut capaces sint particularum aquæ ad hoc ut per prædictum fluidum moveri queant; cùmque aquæ angustæ porositates non impediant motum particularum aquæ per ipsam aquam; ergo pariter angustia pororum aëris non impediet motum partium aquæ per aërem.

Cur exitus aquæ gustæ supra libellam aquæ ascendunt.

PROPOSITIO CLXX.

Facile aquæ particule per aërem moveri possunt, non quia per ejus porositates insinuantur, sed quia aëreas particulas solutas & amovibiles expellere è suis locis possunt.

Hinc deducitur, quod vera causa, quare aqua facile per aquam penetrare & fluere potest, non sit amplitudo pororum ejus, sed quia partes ipsius aquæ facile expelli possunt è suis locis ut locum cedant particulis aqueis, quæ ibidem insinuari debent, & nisi anteriores aquæ particulæ è suis locis expellerentur, nequaquam alia partes ibidem succedere & fluere possent. Si igitur hoc verum est, percipimus, quod particulæ aquæ possunt quoque aërem penetrare, & per ejus profunditatem fluere, licet aër poros tam restrictos & angustos habeat, ut aquæ particulæ per eos ingredi nequeant, sufficit enim ut aëreæ particulæ possint è suis loculis expelli, ut ibidem aqueæ partes insinuari possint, eodem modo ac contingit in ipsa aqua. Quod autem hoc facilius in aëre effici valeat quam in aqua, patet ex eo, quod aëreæ particulæ magis raræ & expansæ, & ideo minus resistentes sunt quàm partes aqueæ; non erit igitur difficile ut partes aquæ ipso aëre solidiores è suis locis expellant particulas aëris, & sic facile per eas aqua moveatur. Adde quod experientia constat aqueas particulas perpetuo intra aërem insinuari, ut

Cur exi-
guz aquæ
gutta su-
pra libel-
lam aquæ
ascendant.

ut supra dictum est de vaporibus; & reverà nunquam reperiri po-
test aër omnino aridus, & absque ulla admixtione aquæ, sed est
veluti spongia quædam.

PROPOSITIO CLXXI.

*Licet ob defectum analogia motus partium aquæ impediretur ab
ambiente aëre, non proinde sphericè conglobari posset.*

Tandem dato quod aquæ particulae ob defectum analogiæ fu-
gerent ab aëre ambiente, & impedirentur tamquam à fornice, &
proinde motu reflexo excurrerent intra eandem aquam, non inde
sequitur quod sphericè guttae ipsæ efformari possent. Finge enim
in aliquo Lacu innumeros Pisciculos vel Anguillulas intra utrem
vel sacco rare & cedentis consistentiæ contineri, & æquè impe-
diri à pelle, vel sacco cedente & distrahibili, ac aquæ particulae ab
ipso aëre, quia videmus Pisciculos minimè sphericè conglobari;
sed in prædicta cavitate utris oblonga expatiari. Id ipsum contingere
deberet in aqueis particulis cœrcitis à reti aëreo, quæ licet
miris modis agitentur, nihilominus sphericam rotunditatem
acquirere non possent; & ratio est, quia, ut plura corpora fluida
spontè contormentur, oportet ut omnes tendant directè versùs
unum punctum intermedium, & præterea oportet ut vires mo-
tivæ non sint semper inter se æquales, sed majorem vim impulsivam
habeant, quò magis à prædicto centro distant; igitur ex his
omnibus licet concludere, quod neque defectus analogiæ, nec
diversitas motuum, neque incongruentia pororum aëris causa esse
poteest rotunditatis guttularum fluidarum.

Postquam rejecimus aliorum falsas sententias, restat modò ut
veram causam hujus effectus pro viribus detegamus; & primò
debet præmitti sequens propositio mechanica.

PROPOSITIO CLXXII.

Cur exi-
guae aquae
gutta su-
pra libel-
lam aquae
ascendant.

Si corpus angulosum innixum parietis verticalis asperitatibus sustineatur à potentia termino opposito, & horizontali ejusdem corporis applicata; potentia ad corporis pondus se habebit, ut distantia centri gravitatis ejus à fulcramento ad distantiam potentia ab eodem fulcramento.

Sit corpus D à pluribus angulis comprehensum, & paries verticalis AB, cujus superficies sit aspera & denticulata, in hujus loco B innitatur sustineaturque extremitas angulosa corporis D, ut nimirum minimè excurrere possit deorsum; suspendatur postea opposita ejus extremitas E ab aliqua potentia, tunc vis elevans in E minor erit pondere corporis D, & ad ejus gravitatem absolutam eandem proportionem habebit, quam distantia BD à centro gravitatis praedicti solidi usque ad parietem habet ad longitudinem EB totius saxi; quia corpus grave D suspenditur in medio vectis horizontalis EB à duabus potentiis, ab illa quam exercet potentia sustentans E, & ab asperitate parietis denticulati in B, ergò ex mechanicis potentia E ad resistantiam ponderis D eandem rationem habet, quam distantia DB ad totam vectis EB longitudinem.

TAF. VIII.
Fig. 9.

PROPOSITIO CLXXIII.

Isdem positis eadem potentia elevare aliàs poterit convertendo & rotando corpus polihedrum regulari simile innixum asperitatibus ejusdem verticalis parietis.

Sit corpus D angulosum, & regulari simile, ita ut centrum gravitatis ejus sit quoque centrum magnitudinis ejusdem. Dico quòd eadem potentia subdupla E poterit elevare corpus grave D ad quamlibet altitudinem parietis AC; quia cum solidum D sit regulare, & habeat figuram angulosam & denticulatam, ut in quolibet situ suae superficiei possit adnecti, & sustineri in subsequenti-
bus asperitatibus parietis denticulati CA, sequitur ut quomodo-
libet revolvatur corpus D, semper in subsequentibus eminentiis
(Ff) pa-

Cur exiguæ aquæ guttæ supra libellam aquæ ascendunt.

parietis asperis AB paritèr sustineatur fulciaturque, atque in eodem situ horizontali ab iisdem duabus potentiis corpus D sustinebitur, scilicèt à potentia E, & ab aliqua denticulari eminentia parietis AC; cùmque semper eadem proportio remaneat inter eorum distantias à contactu, scilicèt inter DB ad BE, igitur semper eadem vis E sustinere & impellere fursùm poterit eandem resistentiam corporis D; quapropter fiet continua vertigo solidi D nedùm circa ejus centrum, sed etiam rotando adhærendoque longitudini verticali BA, & proinde elevabitur ad quamcumque sublimitatem A.

PROPOSITIO CLXXIV.

Particula aquæ superficiales possunt rotando altius elevari parietis vasis adhærendo à vi ponderis aquæ collateralis impulse.

TAB. IX.
Fig. I.

Postea considero in vase XRSV in aquæ suprema parte laminam horizontalem conflatam ex minimis aquæ particulis A, B, D, tunc exiguum corpus A parietem firmum contingat in L, ob hujus asperitatem fulcietur, sustentabiturque terminus L granuli aquei A, reliqua verò portio ejus versùs C, cùm non adhæreat neque sustentetur ab ullo pariete, fulcietur, sustinebiturque à subjecta aqua FI, quæ non gravatur ab integro pondere totius aquei granuli A, sed ab ejus medietate, propterea quòd concurrat ad id sustentandum parietis scabrities L. Consideretur postea consequens minimum granulum aqueum B, quod à pariete remotum integram suam gravitatem exercet comprimendo subjectam aquam IE, & quia partium aquæ EIF, æqualitèr scilicèt horizontalitèr jacentium, IE magis premitur quàm FI, cùm illa duplum pondus, scilicèt integrum ipsius B sustineat, hæc verò semissem ponderis ipsius A, ergo pars FI minus pressa fursùm impellitur ab EI magis pressa, proindeque pars aquæ FI vim faciet fursùm impellendo terminum C granuli aquei A; quia verò ejus extremitas L foveolis asperis parietis adhæret, impeditur retineturque nè directò motu fursùm ferri queat, ergò necesse est, ut granulum A flectatur ad modum vectis circa firmum terminum L, cùmque tactus & adhæsiò in pariete renovetur continenter post flexionem fursùm termini C, non secùs ac in rotis dentatis contingit, pariterque renovetur semper

Coroll.
Pr. 10.

per causa ulterioris suspensionis granuli A, quæ est minor compressio subjectæ aquæ FI quam EI; igitur semper renovatur flexio vinctis CL sursùm, proindeque minutissimum granulum aquæ A motu vertiginoso, & repetito asperitatibus parietis LK adhærendo eo usque elevabitur, quousque fiat æquilibrium cum aqua collateralis.

Cur exitur aquæ gutta supra libellam aquæ ascendunt.

Videndum modò qua ratione possint salvari effectus omnes, qui in guttis exiguis observantur.

PROPOSITIO CLXXV.

Ratio affertur quare gutta aque pendula è superficie prona solidi corporis sustineantur.

Et primò consideretur gutta pendula ex superficie prona rami aliqujus Arboris, cujus figura videtur connoïdalis parabolica: reddi debet hîc causa efficiens & formalis hujus suspensionis; concipiantur externæ superficiales particulæ hujusmodi guttæ, quæ vicissim connexæ à suis machinulis aliquo pacto incurvatis ad modum arcus efficiant veluti linteum, vel saccum in ejus perimetro annexum summitati ligni duri & consistentis; partes verò intermediæ guttulæ sua gravitate naturali premunt & distrahunt linteum, vel rete superficiale, at quia energia machinularum non cedit vi pusillæ gravitatis guttulæ pendentès, fit ut æquatis momentis tota gutta suspensa hæreat.

PROPOSITIO CLXXVI.

Quare globuli fluidi pendentes è filo paritèr fluido sustineantur.

Secundo loco sit pila fluida pendula ex filo paritèr fluido, ut evidentius contingit in Saliva, & in aliis humoribus glutinosis; hîc jam concipi debent hinc inde à filo in orbem particulæ fluidi, quæ excurrendo deorsùm, ut graves ad infimum fili situm, ibi conglutinatis, concatenatisque externis particulis ope machinularum earum efformant veluti sacculum reticularem intra quem tanta molis fluidi contineri potest, ut ejus pondus non superet robur machinularum glutinis.

(Ff 2)

PRO-

Cur exi-
gua: aquæ
guttæ su-
pra libel-
lam aquæ
ascendant.

PROPOSITIO CLXXVII.

Et cur globulus fluidus pavimento innixus sustineatur.

Tertio, pila fluida innixa pavimento pariter sustinetur veluti à filo, seu virga perpendiculari ad planum subjectum, à quo sustentatur; à prædicta virga in orbem colligantur aliæ particulæ ejusdem fluidi, quæ in exigua basi fulciuntur à plano subjecto, quando ob ariditatem ejus, & incongruitatem pororum aqua non diffluit, nec ipsum humectat; in tali casu filum fluidum perpendiculare perinde agit, ac filum pendulum; sed guttæ figura differt aliquo pacto à præcedenti, non enim est spherica, nec oblonga ovalis, sed inferius dilatatur, & supernè acumen veluti conoidale acquirit.

PROPOSITIO CLXXVIII.

Declaratur quomodo & quousque ex novo affluxu guttula augentur, & quare post violentam fluidi tractionem denuò sponte sua recolliguntur.

In primo & secundo casu ex affluxu novi fluidi augeri potest moles guttæ pendulæ, ut ejus pondus majus sit, quàm ut à vigluti-
nis sustineri queat, & tunc elongatur infernè, & tandem disrumpitur & decedit, at pars residua oblonga recolligitur fursùm, efficitque novam exiguam globositatem; causa verò hujus recollectionis, & ascensus fursùm hæc est, quia à pondere, & à motu ingentis guttulæ decidentis machinulæ residuarum partium fluidi violentè distractæ spontè sua aptæ natæ sunt, denuò sese recolligere, reduci que ad naturalem situm, sicut contingit in arcu, & in qualibet machina, quæ post violentam distractionem extensionemque, denuò se flectit reducitque ad pristinum situm, cùmque in hac universali actione machinularum filum fluidum componentium subsequatur motus regressus fursùm, nec motus fieri possit absque impetu, igitur ab hoc prædictæ fluidi particulæ impelluntur altius quàm exigit naturalis earum gravitas, & hinc sequitur

tur ut denuò postea affluentibus circumcirca fluidi particulis, denuò gutta rotunda efformetur.

Cur exigæ aquæ guttæ supra libellam aquæ ascendunt.

In tertio casu Propositionis præcedentis augeri potest gutta duplici modo, & ex concursu novi fluidi supernè sensim additi, quousque vis glutinis sufficiat, ut pondus guttæ sustinere valeat, nè decadat, sed dum augetur, lateralitèr crescit, ampliaturque, & sic gutta amittit pristinam globositatem.

PROPOSITIO CLXXIX.

Quare dua gutta homogenea sese tangentes colliguntur unamque.

Sed dignior inquisitione est recollectio duarum guttularum, quoties lateralitèr se mutuò tangant, ex quibus componitur unica gutta rotunda. Ratio est, quia partes ejusdem fluidi homogenei facillimè excurrunt supra, & intra se ipsas, dum propter soli ariditatem, quando ipsum humectare & madefacere non possunt ob pororum incongruentiam, oportet ut omnes simul insistant super filum fluidum, vel super axim perpendicularitèr plano subjecto insistentem, & sic in orbem, ut priùs dictum est, axi connectuntur, & globum integrum efformant, magis tamen contusum & depresum quàm antea.

Sed dices, quænam est vis motiva, quæ impellit partes duarum guttularum se tangentium, ut fursùm ascendant in summitate guttulæ amplioris ex eis compositæ? Respondeo, quòd hoc pender ex vi compressiva collateralium partium, quæ cum non possint plano subjecto uniri, & à vi glutinis superatur pondus partium ejusdem fluidi, sequitur ut ratione vectis particulæ intermediæ eleventur. Universa hæc operatio sic perficitur: primò, duo globi mercurii ABCD, & EBFG innixi pavimento VX in locis C & F, se tangant lateraliter in B. Hinc patet, quòd partes fluidæ BC & BF facillè intra se ipsas excurrendo se mutuò amplecti possunt, & excludere aërem intermedium BCF initio facto à contactu B versùs C & F. Id ipsum accidit in supremis partibus AB & EB, unde efformabitur figura quasi sphaeroidalis & ovalis HIKL, quæ postea magis rotunda reddetur, sed aliquo pacto contusa & compressa remanebit, propterea quòd circa axim HK ad pla-

TAB. IX.
Fig. 2.

(Ff 3)

num

Cur enim num subjectum VX perpendicularem alligantur in orbem partes
 gux aquar inæqualium momentorum, quia nempe inæqualiter, scilicet ma-
 gutta su- inæqualiter, quia nempe inæqualiter, scilicet ma-
 pra lib- gis distant ab axi HK partes laterales I & L quàm anterior & po-
 lam aquar sterior, & ideo juxta leges mechanice partes minùs pressæ à magis
 ascendunt. compressis expelli debent longiùs ab axi.

Præterea ex dictis, ratione vectis partes fluidi I & L remotio-
 Prop. 173. res ab axe HK fursùm impellent eas, quæ eidem axi proximæ sunt,
 ac proinde elevabitur fluida eminentia OMN, & consequentèr
 latera I & L constringentur ut in P & R.

PROPOSITIO CLXXX.

*Quare filum cere alacca, vitri, aut metalli liquefacti à flamma
 candele insufflata ope fistule dum liquefcit recolligitur pilam
 rotundam efformans & augens.*

Ratio hujus effectus est, quia, dum à copioso & vehementi
 igne particule vitri disgregantur, non tamen omninò, neque se-
 cundùm totum, nam unicam massam inflatam & fluidam compo-
 nunt, & ideo ex parte sese tangunt, ergo cum habeant gluten,
 scilicet habeant machinas flexiles & resilientes, fit ut à prædicta
 ignis penetratione violentèr distrahantur machinule illæ, ut toti-
 dem arcus, & ideo pro eorum ingenio vim habent se recolligendi,
 & se uniendi cum reliquis partibus sili liquefacti, à quibus distra-
 ctæ fuerant: cumque adveniant duæ aliæ causæ accidentales, qua-
 rum una est durities, aut minor fluxibilitas perimetri, aut super-
 ficiei ejus externæ, respectu partium intermediarum magis fluida-
 rum, unde efficitur veluti epidermis, & sacculus consistentior;
 altera causa est inflatio, quam efficit ignis vehementissimè agi-
 tans internas vitri partes fluidiores, quæ cum circumduntur am-
 bianturque à perimetro, & superficie duriori & tenaciori, veluti
 à sacculo, fit ut à vi glutinis, dum conantur se recolligere partes
 prædicti fluidi, tota massa fusa & inflata retrahatur recolligatur-
 que versùs filum, & sic efformetur globulus, & eadem ratione
 augeatur ejus diameter, at dum augetur pila, crescente pondere,
 amittit priorem illam formam orbicularem, & efficitur gutta ob-
 longa deorsùm tendens; modo quia vis glutinis, seu energia ma-
 chinu-

chinularum est causa retractionis particularum fusarum, hoc dum superat vim exigui ponderis prædictæ guttulæ facillè poterit ipsam movere, & retrahere sive fursùm, sive lateralitèr.

Cut exi-
gux aquæ
guttx su-
pra libel-
lam aquæ
ascendunt.

PROPOSITIO CLXXXI.

Declaratur quemadmodum lamina gracilis aqua gravior specie foveam efficit in aqua dum innatat, & quare monticuli illi aquei non decidunt.

Pro clariori ejusdem problematis intelligentia inquirenda est ratio alterius effectus, qui in fluidis observatur: in vase BCEI, aqua pleno, applicetur gracilissima lamina ænea FG horizontalitèr, hæc quidem, si arida fuerit, licèt gravior specie sit ipsa aqua, non omninò demergetur, nec ad fundum vasis feretur, sed descendet infra supremam libellam aquæ IB, ibique innatabit efficiendo argines aqueos tumidos & elevatos GAB & IF, qui non secus, ac si essent parietes, impediunt effluxum supremæ aquæ AB, ut nequeat descendere in profunda fovea IFGA genita à depressione ejusdem laminæ: & hic animadvertendum est cavitatem, seu puteum IFGA effici tunc solummodò, quando excurrit ad prædictum spatium replendum aliquod fluidum levius, sed non homogeneum ipsi aquæ veluti est aër, vel vacuum Torricellianum: at adveniente aqua, vel fluido aqueæ naturam participant, ut est vinum, tunc margines aquei GAB & IF non persistent, sed disrumpentur, & deorsùm dilapsi foveam replebunt. Præterea notandum est, fieri non posse ut argines prædicti aquei cujuscumque altitudinis persistent, si enim quartam partem latitudinis digiti auricularis superavint, subitò deorsùm præcipitantur. Ratio quæ assignari solet, hujus effectus, aut est compressio aëris, multoties à nobis rejecta, aut quia, veluti in acervo granorum Triticii vel arenæ contingit, efficitur montuositas quædam declivis, quia nimirum supremæ partes fulciuntur ab inferioribus, ut arginem inclinatum efforment, qui non potest elevari ultra angulum semirectum, aliàs subitò grana ipsa deciderent deorsùm: concipiunt ergo minima aquam componentia esse minutissima quædam granula, & proinde ad instar arenæ efformare posse

TAB. IX.
Fig. 3.

Cur exiguæ aquæ guttæ supra libellam aquæ ascendant.

posse arginem prædictum. Sed hoc non videtur sufficiens duplici de causa; primò, quia argines aquei non eleuantur ad quamlibet altitudinem, ut contingit in acervo granorum Tritici, licet enim angulus inclinationis arginis aquei, scilicet complementum anguli AGE, minor sit semisse unius anguli recti, non potest altitudo prædicti arginis elevari ultra altitudinem quadrantis latitudinis digiti auricularis, cum oppositum observetur in acervo granorum Tritici. Præterea argines aquei BAG & FI sunt curvi & gibbi, & in infima ejus parte G angulus inclinationis major esse solet semirecto, igitur requiritur aliqua alia causa præter fulcimentum particularum minimarum, quod in arena & in acervo granorum Tritici contingit. Hoc egregiè est nostra hypothese salvarur; dum enim lamina FG descendit infra supremam aquæ libellam IB, particulæ extimæ superficiæ aquæ CAG & IF, quæ mutuò inter se connectebantur, ob jam dictam lanuginem flexibilem & resilientem, postea distrahuntur machinulæ, & idèò fortius ad invicem vinciuntur, & proindè efformant veluti pleuram, seu reticulum, à quo retineri & impediri possunt partes aquæ prædicti monticuli GAB, sed non licet prædictam montuositatem ad quamcunque altitudinem elevare, propterea quòd resistentia machinularum ipsius aquæ exigui roboris est, & proindè tamdiù perseverabit, quamdiù pusillam vim gravitatis superat, quæ naturali instinctu deorsum tendere debet obliquo & inclinato itinere, & idèò ejus momentum mensuratur à perpendiculari altitudine supra planum FG, quæ valdè exigua est ut diximus.

PROPOSITIO CLXXXII.

Vis impellens & retinens argines aqueos, elevatos supra aquæ libellam, non est propria ipsius aquæ neque aëris, sed est gravitas ejusdem aquæ collateralis legibus mechanicis operando.

TAB. IX.
Fig: 4.

Debemus modo rationem afferre alterius phænomeni difficilioris: sit vas aqua plenum RDEI, in quo immergatur quodlibet corpus solidum & durum FGK, quod sit aridum, & non ungatur sebo, vel alia simili unctuosa materia, hujus verò corporis remaneat una pars FK eminens supra aquæ libellam, vel eminens paries

paries ejusdem vasis, tunc constat experientia, quòd aqua non per-
 sistit in infima ejus libella horizontali AK, sed repit ascenditque
 per superficiem elevatam KG, efformando prisma aequum trian-
 gulare, cujus sectio est BGK, ibidemque retinetur suspenditurque
 mons prædictus aqueus, non secus ac si à pariete curvo BG impe-
 diretur ejus fluxus deorsum versum aquam subjectam AB. Quia
 verò aqua non amittit naturalem ejus gravitatem, assignari de-
 bet causa, à qua suspensa retinetur, & quæ vis ipsam fursum prius
 impulit. Hæc profectò aut propria & naturalis est ipsius aquæ, ut
 nimirum sponte sua fursum ascendat, ibidemque retineatur, aut hoc
 fit ab aliqua causa violenta externa. Quòd verò non sit vis propria
 & nativa ipsius aquæ, patet ex superius dictis, quia nimirum sem-
 per aqua gravis est, exercetque suam vim compressivam versùs
 centrum telluris, ut sensus evidentia constat.

Cur exi-
 guæ aquæ
 gutta su-
 pra libel-
 lam aquæ
 ascendunt.

Alii postea recurrunt ad aëris vim compressivam; ajunt enim
 aërem contiguum interno vasis parieti GK minori energia sub-
 jectam aquam K comprimere, quam aër HB à pariete remotus
 premat subjectam aquam B, propterea quòd illa quodammodo ab
 asperitatibus parietis retinetur ac impeditur, ne libero conatu &
 fluxu premere queat aquam subjectam K, cum hæc universam suam
 gravitatis & virtutis elasticæ energiam liberè exercere possit; hoc
 autem falsum esse sic ostendimus; ablata aqua, repleatur vas hy-
 drargyro, quia ex hypothesi Adversarii aër FKG parieti vasis
 contiguus, minori vi comprimit subjectum mercurium K, quam
 aër HB ab eodem pariete magis remotus premat subjectum mer-
 curium B, & præterea mercurius K vel æquilibratur cum mercurio
 B, vel minori momento premit subjectum fluidum quam id ipsum
 B, eò quòd ille à parietis asperitatibus impeditur, hic verò liberè
 premit. Igitur hic quoque elevari deberet mons mercurialis versùs
 parietem, ut in aqua contingit, quod est falsum, & repugnat expe-
 rientiæ; potius enim deprimitur in foveam BGK, non ergo ab
 illa inæquali aëris pressione aqueus monticulus versùs parietem va-
 sis elevatur. Et licet responderi posset, quòd causa hujus diversæ
 operationis pendeat à defectu analogiæ mercurii, & parietis vasis,
 ob quem ille refugit hujus contactum; non tamen in dubium re-
 vocatur ab Adversariis inæqualis illa aëris pressio supra mer-
 curium, quare in tali casu operatur vis illa, qua mercurius
 à vasis superficie interna separatur unà cum inæquali vi com-
 press.

TAB. IX.
 FIG. 5.

(Gg)

Cur exi-
gua: aquæ
gutta: su-
pra libel-
lam aquæ
ascendant.

pressiva aëris, idèò in duobus vasis cylindricis angustis RST & VXZ sit amplitudo, seu basis ST major quàm XZ, in eisquæ hydrargyrum infundatur usquæ ad B & E.

TAB. IX.
Fig. 6.

Et quia non potest mercurii suprema portio à superficie interna fistulæ separari, nisi suspendatur efficiendo tumidum monticulum. Verùm minus gravis mercurii moles in strictiori fistula contenti faciliùs suspenditur, quàm gravior moles ejusdem latioris fistulam occupans; ergo faciliùs mercurius ab interna strictioris fistulæ superficie separatur, quàm ab interna latioris fistulæ superficie, & proinde altiùs, vel saltem non minùs altè separari deberet mercurii monticulus GF quàm CA. Postea aër perimetris internis utriusquæ fistulæ adhærens æquè impeditur, & propterea æquè aëris pressiones debilitatæ viribus æqualibus subjectum mercurium comprimere debent; at intermediæ partes aëris; versùs axes cylindrorum existentes, inæquales vires compressivas habebunt, eò quòd inæqualiter à superficiebus internis vasorum recedunt, quare aër incumbens mercurio in A majori vi eum comprimet ac contundet, quàm aër incumbens mercurio in G, igitur validiori vi retundetur monticulus tumidus BAD quàm EGL, & ideo altior erit monticulus mercurii EGL quàm BAD; sed hoc est falsum, multò enim major est altitudo CA quàm FG, ergo aëris vis compressiva nullam inæqualitatem fortitur, vel non talis est ut tam insignes varietates producere valeat, scilicèt non elevarentur argines illi aquei æquè ab aëre compressi, ac reliqua aquæ superficies horizontalis. Præterea in vacuo Torricelliano aër ibi non existens non posset elevare argines aqueos parietibus fistulæ adhærentes; vel, si ibidem remanet, minima aëris portio valdè expansa & rara erit, & idèò (ex Prop. 105.) ejus pondus & vis compressiva minor erit nempè centesima & octuagesima pars ponderis aëris externi ejusdem molis: igitur illa non poterit supra aquæ libellam elevare idem pondus arginis aquei, quòd in aëre aperto ab hujus ingenti pondere suspendebatur: cùmque hoc sit falsum, æquè enim arginis aquei in prædicto vacuo sublimantur ac in aëre aperto, igitur non ab aëre ibidem non existente, vel rarissimo argines prædicti suspenduntur.

Alii postea recurrunt ad scabritiem & asperitatem parietis, à qua impeditur descensus, suspendunturque particulæ aquæ; sed hoc

hoc minimè sufficere videtur, nam ad summum dicta scabrities commoda esset, & apta ad retinendam aquam, postquam semel elevata fuisset ad illam altitudinem, quatenus ab asperitatibus, veluti uncinis impediretur defluxus aquæ deorsum, at non possent aquam sublevare, cum scabrities vim motivam non habeat; & sanè asperitates pedum non adjuvarent, sed potius impedirent aquæ elevationem in prædictis arginibus duplici nomine; primò, quia eadem parietis scabrositates, quæ vim habent prohibendi descensum aquæ, impediunt quoque ejus ascensum; præterea multò magis & majori vi ascensus aquæ impediri deberet quàm ejus descensus, quia in ascensu aqua præter resistantiam asperitatis parietis superare debet impedimentum & reluctantiam propriæ gravitatis, cum è contra in descensu ab hac adjuvetur; igitur scabrities parietis non potest esse causa elevationis aquæ in prædictis arginibus.

Cur exiguæ aquæ guttæ supra libellam aquæ ascendunt.

Debet modo assignari virtus motiva, quæ elevat, & sustinet aquam supra propriam libellam usque ad summitatem arginis, & hanc demonstrabo esse simplicem aquæ gravitatem. Quia aquæ particulae adhærentes parieti vasis insinuant ramos suarum machinularum intra porositates, & foveolas parietis, à cujus eminentiis & asperitatibus fulciuntur extremitates particularum aquæ, quarum oppositi termini sustinentur à subiecta collateralis aqua, propterea efficiuntur veluti totidem vectes convertibiles circa eorum fulcimenta parieti annexa. Hinc fit ut prædictæ aquæ particulae exiguam vim compressivam exerçant, & minori momento subiectam aquam comprimant, cum partes aquæ collateralis liberè permendo supra aquam subiectam integram suam vim, & momentum exerçant, igitur ex Prop. 174. partes minùs pressæ fursùm impelli debent à partibus magis compressis: & licèt illæ retineantur & impediuntur ne motu sibi ipsi æquidistanti ferri fursùm queant, tamen eadem impedimenta asperitatum parietis præclare adjuvant flexionem & turbinationem earundem aquæ particularum, igitur à vi motiva gravitatis majoris aquæ collateralis flecti, rotari, & impelli fursùm possunt parieti adhærendo eadem aquæ particulae; dum verò efficitur prædicta elevatio, summitates guttularum revolutarum eminentiores redduntur quàm aliæ particulae parieti adhærentes, igitur tunc prædictæ particulae jam elevatæ naturali instinctu excurrent versùs parietem, cui suis villis

(Gg 2)

villis

Cur exiguæ aquæ guttæ supra libellam aquæ ascendunt.

Declivitas prædictæ aquæ montis pendet ex inæqualitate virtutis motiva.

villis adhærebunt, ex qua adhæfione momentum ejus gravitatis de novo imminuetur, & ideo renovabitur causa ulterioris ejus elevationis à compressione laterali aquæ suo momento non imminuto comprimentis, & hinc sequitur continuatio prædicti ascensus rotando & adhærendo parieti, quousque efficiatur æquilibrium cum prædicta aqua collateraliter liberè premente.

Et hic notandum est, quòd vis prædictæ adhæfionis aquæ non est æqualis in omnibus partibus prædictæ montuositatis, sed omnium maxima est illa, quæ retinet minimas aquæ particulas immediatè parietem tangentes, quæ non secùs, ac si essent clavi vel uncini, tenaci nexu ibidem insinuantur, & minima erit vis illa, quæ retinet remotissimas & postremas particulas dictæ montuositatis aquæ, aliarum verò partium illæ, quæ parieti viciniore sunt, majori tenacitate suspendentur, quam aliæ partes aquæ à prædicto pariete magis remotæ. Et hinc oritur declivitas illa montis aquæ pendentis.

Proposuntur observationes ascensus aquæ in fistulis gracilissimis.

TAB. IX.
Fig. 7.

Hic jam resolvere possumus aliud problema valdè agitatum, unde nimirum proveniat, quòd aqua in fistulis tenuissimis utrinque apertis fursùm ascendat. Et primo loco phænomena, quæ in hac operatione observantur, recenseri debent.

Postquam gracilissima fistula EH contingit aquæ superficiem RV in H, videmus, quòd subito aqua sensim ascendere incipit ad notabilem altitudinem HK ejusdem cavitatis supra aquæ subjectæ libellam RV. Si verò prædicta cavitas priùs humectata, & madefacta fuerit, & denuò exinanita, subito post contactum multò altius, & celerius usque ad G aqua perpendicularitèr elevatur, ac ascendebat in priori casu, quando interna fistulæ cavitas arida erat. Præterea si post aquæ exuctionem transferatur fistula AB ab aqua ad ærem, non secùs in ea perpendicularitèr erecta fixè retinetur eadem aquæ moles in eodem situ & altitudine CD, quàm priùs habebat. Insuper si eadem exigua fistula interiùs madida, sed exinanita contingat parvulam guttulam aquæ F in palma manus elevatum, si immediatè post guttæ contactum fistula citò elevetur, tunc videmus aquam exuctam non quiescere in infimo fistulæ situ B, sed ulteriùs paulisper fursùm promoveri excurrereque, succedente aëre in ejus infima parte,

PROPOSITIO CLXXXIII.

Cut exi-
gat aquæ
gutta lu-
pra libel-
lam aquæ
ascendunt.

Aqua in fistulis non ascendit sponte sua à vi motiva particularum ejus impulsæ, neque insinuat, retineturque ibidem ab æquilibrio aëris, aut ab internis canaliculi asperitatibus.

Relatis observationibus, inquirendum est an prædicta phænomena salvari possint ex nostris, vel ex aliorum Authorum principiis. Et primò, si aqua sponte sua ascendit intra fistulæ cavitatem à vi particularum ejus se moventium, igitur aut gravitate omninò carent, aut in tali casu eam non exercent (quod ulterò aliqui Authores concedunt) si inquam hoc verum est, impossibile esset ut aqua in fistula immissa perpendiculariter erecta exerceret ullam vim compressivam deorsum, & idè si fistula infernè prolongaretur, nullo pacto aqua ibidem deorsum descenderet, quod tamen experientiæ refragatur, nam eadem fistula cum aqua contenta in aëre translata, & perpendiculariter ad horizontem erecta, si inverso situ disponatur, ut pars ejus supina A fiat prona, aut ei alia fistula infernè adnectatur, aqua in ea contenta teleri motu descendit, si madida fuerit, quousque prope infimum orificium perducatur; igitur falsum est aquæ in fistula contentæ particulas gravitate privari, proindeque sponte sua intra suam ascendere. Cum verò ajunt causam prædicti ascensus aquæ pendere ex eo quòd ejus particulæ naturali instinctu feruntur versùs fluidum aquicum, vel aquæ analogum, contentum in vitri internis porositatibus, nec à gravitate, quam negant, impediri possunt: si hoc, inquam, verum esset, madefacta universa fistulæ interna cavitare, & postea exinanita, atque immerfo orificio infra aquæ subjæctæ libellam elevari semper altius deberet aqua usque ad fistulæ supremum orificium, quod tamen est falsum, non ergo sponte sua aqua intra fistulam elevatur.

Alii postea ajunt quòd, dum fistula AB tangit aquam vasis RSV, vel guttulam suspenfam F, tunc aër ambiens suo pondere, & vi elastica comprimit infernè partem aquæ F extra fistulam existentem, eaque impellit versùs orificium B, supernè verò aër penetrando cavitatem fistulæ, AB contrariò nisu repellit summitem aquæ F intra ori-

TAB. IX.
Fig. 7.

Cur exi-
guz aquæ
guttur su-
pra libel-
lam aquæ
ascendant.

orificium B insinuatam: quia verò fieri non potest ut contactus & asperitates internæ fistulæ non impediant descensum, & nifum compressivum aëris, sit ut minori momento aër per fistulæ canaliculum pertransiens premat aquæ summitatem F, quàm liber aër externus à nullo impedimento debilitatus; igitur aqua F à validiori vi impulsiva aëris externi impelli fursùm debet, & insinuari intra fistulam à B ad C, quousque minor vis aëris per AC transeuntis unà cum pondere aquæ CB æquibrentur momento totali aëris externi, quapropter excessus momenti totalis aëris non impediti supra momentum aëris debilitati æqualis est ponderi aquæ CD.

Debemus modò falsitatem hujus sententiæ ostendere. Revolvatur fistula AB unà cum aqua contenta CD inverso situ, ut supina ejus pars A fiat prona, tunc aër infernè per prolixum canaliculum AC immissus non secus ac priùs impeditur à contactibus & asperitatibus internis vitri, & ideo eodem debiliore & imminuto momento pellit aquam CD fursùm, impeditque ejus descensum. E contrà, aër supernè nil ferè impeditus premit deorsùm aquam D orificio B penè contiguam, igitur non secus ac priùs aër totali momento ejus deorsùm impellit aquam DC: ab hoc verò momento non subtrahitur, immò ei additur pondus aquæ DC, igitur momentum, quo aqua DC impellitur deorsùm majori excessu, nempè duplò superat vim, qua fursùm repellitur, scilicèt æqualis est duplo ponderis aquæ DC, sed priùs medietas prædicti excessus, non obstante fistulæ interna ariditate, aquam fursùm celeri motu elevaverat, igitur multò celerius, & faciliùs in secundo casu à duplici excessu virtutis motivæ deprimi aqua DC deorsùm deberet per aridum canalem CA, sed hoc est falsum, nam aqua DC quiescit, aut tardissimo motu descendit versùs A, ergò non elevatur aqua in fistula ob inæqualis aëris impulsiones.

Tandem, quod interna vitri scabrities non impellat illam aquæ exiguam molem, satis apertè confirmatur iisdem rationibus adductis in fine Propositionis 183. Igitur &c.

PROPOSITIO CLXXXIV.

*Quare aqua ab ima fistula parte in aëre constituta non defluit
rationem reddere.*

Cur ex-
guz aque
gutz su-
pra libel-
lam aque
ascendant.

Modò remanet difficultas, quare scilicèt in infimo fistulæ con-
finio in aëre constitutæ impeditur aquæ defluxus; & licet videat-
ur hoc à contactu aëris fieri, nihilominùs ex nostris principiis
dici potest, quod in infimo fistulæ orificio machinulæ lanuginis
particularum aquæ inter se connexæ distrahuntur, & ideo tena-
ciori resistentia vinciuntur, & efficiunt veluti rete adhærens ex-
tremo fistulæ, & quia vis prædictarum machinularum violenter
distrahtarum major est vi ponderis exigui aquæ intra fistulam con-
tentæ, hinc sequitur aquæ quies, eodem prorsus modo, ac su-
stinentur guttæ aquæ è ramis arborum pendentes.

PROPOSITIO CLXXXV.

*Restat modò causa motiva, à qua sursum impellitur aqua in
fistulis.*

Quæ meo judicio ex theoria nuper exposita pendet, quia nem-
pe in cavitatibus subtilium fistularum internus aquæ contactus
grandis est & amplus, respectu illius aquæ moleculæ ibidem exi-
stentis, ergo subito ac infimum fistulæ orificium attingit aquam
efficitur in ejus interno, & cavo perimetro efficacissimus conta-
ctus, à cujus adhæensione fulciri sustinerique potest majus pondus,
quàm habet pusilla aquæ particula insinuata, & ideo gradus præ-
dictæ virtutis suspensivæ & adhæSIONIS exercetur in aqua subiecta,
& proinde ea reddetur aliquo pacto levis seu minùs ponderosa,
quàm sit aqua collateralis libere premens. Et quia minimæ aquæ
particulæ porositatibus & asperitatibus internis fistulæ innixæ effi-
ciuntur operanturque ut totidem vectes, quæ flecti possunt, & in-
ternè rotari, necesse est ut partes aquæ collaterales magis com-
pressæ à totali energia sui ponderis vim faciant, impellendo sur-
sum particulas illas aquæ, quæ minùs comprimuntur à vectibus
supra-

Ex Prop.
174.

Prop. 181.

Cur exi-
guz aquæ
guttur su-
pra libel-
lam aquæ
ascendunt.

supradictis, & ideo rotando excurrere possunt interiùs efformando tumorem, vel monticulum aqueum, qui excurrendo lateralitèr altioribus fistulæ porositatibus insinuabitur, adhærebitque, & ideo denuò imminuetur ejus vis compressiva, renovabiturque causa ulterioris suspensionis, & proindè altiùs aqua intra fistulam impelletur, & sic de novo eminentioribus lateribus adhærendo successivè altiùs impelletur, quousque ad supremam & maximam illam altitudinem aqua perducta, in qua æquilibrium cum aqua collateralis liberè premente efficiatur, tunc quidem quies ejus subsequetur, nec ulteriùs elevari poterit.

PROPOSITIO CLXXXVI.

Nova phenomena ex eadem nostra theoria salvantur, & rejiciuntur vis aëris ab hac operatione.

TAB. IX.
Fig: 8.

Sed pro clariori hujus rei intelligentia phænomenon nupèr à me observatum in medium adducam, sit fistula stricta vitrea AB; hæc quidem arida perpendicularitèr aquam contingens eam elevet per spatium BF; si verò internè fistula priùs humectata fuerit, & deindè exinanita, in contactu aquæ subjectæ altiùs elevatur per spatium BE; si postea eadem fistula profundius demergatur infra aquam, vel inclinetur, aqua exucta majus spatium BC occupabit. His positis, transportetur integra fistula unà cum aqua contenta ab aqua ad aërem, perpendicularitèr tamen erecta ad planum horizontis, tunc effluere cunctanter conspicitur ab infimo orificio B guttula quedam, quæ sensim colligitur tumescitque; & hoc contingit quando valdè excedens est altitudo aquæ BC, at si non nimia fuerit, quiescet in situ perpendiculari absque eo, quòd ex orificio B defluat nova aquæ gutta. Modò dum aqua supra terminum E versùs C perseverat orificium fistulæ B contingat aquam vasis, vel guttulam D suspensam à palma manus, vel adhærentem externæ & extremæ parti ipsius fistulæ B, videbis aquam BC deprimi deorsum usque ad E, ubi nimirum consistebat aqua exucta è vase, quando interna cavitas humectata fuerat; è contrà, si altitudo aquæ internæ valde diminuta fuerit, ut BG, tunc quidem in contactu guttulæ inferioris augetur ejus altitudo, exugendo nimirum aquam ipsius guttulæ D.

Ratio

Ratio hujus admirandi effectus videtur pendere ex legibus æquilibrium aquæ externæ & internæ. Primò, quando gutta pendula D adhæret infimo fistulæ orificio, concipere debemus superficiem externam prædictæ guttulæ pendentis esse veluti sacculum, vel bursam compositam ex machinulis aquæis variè contextis, incurvatis, & distractis à pondere totius aquæ prementis, ut alibi dictum est, internæ verò partes ejusdem guttulæ, ob earum lubricitatem, liberè fluere possunt intra alias aquæ particulas, orificium vasis explentes. Hinc fit ut illæ, exercendo liberè earum momentum gravitatis, prevaleant energiæ compressivæ diminutæ ac debilitatæ particularum aquæ GB intra cavitatem vitri adhærentium, & sic sursùm impellantur à G usque ad F, vel si cavitas madida fuerit usque ad E, nempe quousque fiat momentorum æquilibrium; è contrà, momentum altioris aquæ BC majus erit eo, quo aqua vasis subjecta, vel intra guttulam D contenta liberè premit, proindeque illa descendet in fistulà à summitate C usque ad E, ubi nimirum eorum momenta adæquantur. Sed in priori casu forsitan facilè suspicabitur à compressione aëris sursùm impelli guttulam infimam à G usque ad E, cujus inditium esse potest, quòd tota guttula D exugitur à fistulà, imò ulteriùs promovetur aëre succedente, & sic videtur, quòd non ab aqua externa, quæ ibidem non existit, & proinde operari nequit, sed ab aëre impellitur. Sed responderi potest quod à vi impetus, quo aqua in fistulà ascendit prosequi & continuari aliquantisper potest ascensus postremæ particulæ guttæ ipsius D, quatenus à glutine machinularum aquæ connectuntur postremæ illæ guttulæ partes cum præcedentibus, & ab impetu earum partium, quæ actu in fistulà moventur sursùm, trahantur ulteriùs, & consequenter aër postea succedat in spatio infimo fistulæ inani ab aqua derelicto.

Cur ex-
gna aquæ
gutta lu-
pra libel-
lam aquæ
ascendunt.

PROPOSITIO CLXXXVII.

Aqua in fistula magis demersa non debet altius elevari quàm in ea qua aquam aut aërem tangit.

Sed procedamus ad præcipuam difficultatem, ex cujus solutione reliquis omnibus satis fiet. Sit vas RSV aqua plenum, (H h).

TAB. IX.
Fig. 9.

fuman-

CAP. VIII

Cur exi-
gat aquæ
gutta su-
pra libel-
lam aquæ
ascendant.

sumanturque duæ fistulæ æquales, & æquè amplis cavitatibus perforatæ, utrinque apertæ, una quidem AB profundius demergatur infra aquæ libellam RV; reliqua verò EH tantummodò superficiei aquæ RV contingat, & ambo perpendicularitèr insistant supremo plano aquæ RV. Si ergo verum est, quòd aqua collateralis magis compressa à totali ejus momento, qualis est cylindrus aqueus FI, comparatus cum aqua BC, quæ minus comprimit subjectam aquam, eò quòd suspenditur sustentaturque ab internis vitri asperitatibus, redditurque aqua CB veluti virga lignea, respectu aquæ collateralis FI; ergo quò profundius demergitur fistula longior est virgula minùs gravis aquea BC, & ideò, ex demonstratis, validiori vi fursùm impelletur ab aqua collateralis FI, quàm impellatur fursùm exiguus cylindrus aquæ H, qui sustinetur, & comparatur cum aqua superficiali RV.

Prop. 95.

TAB. IX.

Fig. 9.

Sed respondetur, quòd aqua CB non redditur levior ob internum contactum fistulæ, nam interna fistulæ superficies, cùm sit madida, nihil, aut parum impedit vim gravitatis aquæ contentæ intra fistulam BC, & hoc experitur cùm in aëre transfertur fistula, tunc enim aqua intra cavitatem ejus madidam liberè movetur descenditque; præcipuum verò impedimentum in extremo orificio fistulæ B experitur, non intra aquam, sed postquam aërem attingit; non quidem à vi elastica, vel pondere ejusdem aëris, sed quia tunc in aqua ad confinium B perducta efficitur rete superius expositum, quatenùs particula infernæ illius aquæ vicissim connexæ, dum pendent à vi propriæ gravitatis distractæ, earum machinulæ paritèr majorem violentiam patiuntur, & ideò majori vi vicissim connectuntur, & sic resistere violentiæ pressionis aquæ possunt; at in casu nostro existente orificio B demerso infra aquam, non potest effici rete illud robustum aptum ad sustinendam aquam incumbentem, quia non distrahuntur machinulæ aquæ B existentes & contingentes internam aquam vasis RSV: hinc fit ut facilè una aquæ pars super aliam sibi contiguam excurrere valeat, & hinc deducitur ratio quare in fistula EH unà cum aqua HK excedente consuetam altitudinem, si tota in aëre constituta fuerit, altius prædictam aquam sustinebit, quàm si aquæ libellam RV tetigerit, tunc enim descendit à K ad G, & HG altior erit quàm DC, scilicet quando fistula profundius mergitur, ut in B; quia nimirum,

rum, dum in aëre extabat, efficiebatur rete prædictum, cum verò aquam subjectam contingit, tum connexio illa tenax facile solvitur diffluitque, & sic non amplius sustinere tantum pondus incumbens potest.

Cur exiguæ aquæ guttæ supra libellam aquæ ascendant.

Id ipsum præterea confirmatur, quia in contactu aquæ in H suspenditur circa fistulam externè monticulus quidam aqueus supra libellam R V, quod consequenter suadet aquam à vi contactus vitii externi suspendi nisu contrario ejus, qui à gravitate aquæ exercetur, & proinde aqua prædicto monticulo subjecta & annexa levior redditur, igitur aqua infra orificium subjectum fistulæ ob prædictam suspensionem minùs gravis facta, necesse est, ut elevetur ab integro momento collateralis aquæ liberè prementis, & sic insinuetur intra cavitatem fistulæ supra aquæ subjectæ libellam quousque fiat momentorum æquilibrium.

Ex hac theoria facile resolvuntur circumstantiæ, quæ in operationibus prædictarum fistularum observantur, & simul magis confirmatur doctrina superiùs exposita.

PROPOSITIO. CLXXXVIII.

In fistulis strictioribus altius aqua elevari debet, quàm in latioribus, & in fistulis equalibus, sed inæqualiter ad aquæ superficiem inclinatis aqua ad eandem altitudinem elevatur.

Et primo loco percipitur quare in fistulis latioribus aqua ad minorem altitudinem elevatur, quàm in subtilissimis & angustissimis canalibus: & est, quia adhærentia & connexio aquæ parietibus internis canalium majorem proportionem ad molem aquæ insinuatæ extensivè & intensivè in canaliculis subtilissimis habet quàm in amplis, & capacioribus. Et quoad extensionem pertinet, quia vis adhærensionis mensuratur à contactibus, & ideo à superficie interna canaliculorum; è contrà, resistentia mensuratur à pondere cylindri aquei contenti in iisdem canaliculis, estque proportio cylindrorum aqueorum ejusdem altitudinis duplicata ejus rationis, quam habent eorum perimetri interni, igitur quanto magis crescit interna canalis amplitudo, tantò magis minuitur adhærentia, & augetur resistentia ponderis ipsius aquæ contentæ. Imminui-

(Hh 2)

minui-

Cur exi-
guæ aquæ
guttur su-
pra libel-
lam aquæ
ascendant.

In fine
Prop. 182.

minuitur postea gradus intensivus internæ adhæSIONIS, propterea quod, ut dictum est supra, non est æquæ valida facultas & energia adhæSIONIS aquæ, & connexionis cum parietibus internis in univërso illo argine montuoso, sed est minus efficax, quantò magis ab internis parietibus removeretur. Modò in fistulis amplioribus aqua contenta versùs axim cavitatis ejus magis recedit à superficie interna fistulæ dilatatæ, quàm in fistula strictiori, & ideo in illa debiliùs aqua sustinebitur suspendeturque, & quantò minor est vis sustinens & elevans, respectu ponderis fluidi contenti, tantò debet imminui sublimitas ejus elevationis, ubi præcisè efficitur æquilibrium superius positum.

Similitèr in eodem canaliculo ad horizontem inclinato longiori spatio elevabitur aqua, quàm si perpendicularitèr horizonti insisteret, quia nimirum sublimitas verticalis in utroque casu eadem esse debet, cum in situ inclinato momentum aquæ prementis mensureretur non ab universa longitudine, aut pondere absoluto cylindri aquei sublevati, sed ab ejus verticali elevatione, & propterea tantundem præcisè impelleretur ab eadem causa elevante non alterata, scilicèt à pondere absoluto aquæ collateralis liberè prementis.

Quare
prædictæ
operatio-
nes non
contingant
nisi fistulæ
sint utrin-
que aper-
tæ.

Et hæc omnia contingere debent quotiescumque canaliculus supernè non clauditur; Si enim obstructus fuisset aër idem internè comprehensus impediret aquæ ascensum, quia non posset aqua insinuari absque eo quod contentus aër stringeretur condensareturque, cumque aër condensari constiparique nequeat, nisi à nova causa violentèr eum condensante, cui aër sua vi elastica resistit, igitur si aqua intra prædictam fistulam ingrederetur, constingere aërem internum deberet, & propterea idem aër sua vi elastica impediret prædictum ingressum.

De corpusculorum innatantium mutuo amplexu, atque fuga.

CAPUT IX.

CAP. IX.
De corpus-
culorum
innatan-
tium mu-
tuo am-
plexu, at-
que fuga.

SUNT ferè triginta duo anni, cum ego experiri volui an filamenta ferrea super aquam innatantia in diversis ad meridianam inclinationibus elongata retinerent eandem posituram, ad eandemque situationem directionemque redigerentur, in qua fabrefacta fue-

fuerant, ut Guglielmus Gilbertus ait, & dum hoc attentius observarem, mirabile spectaculum sese obtulit hæcenus non animadvertum, quod nimirum aliquæ extremitates natantium corporum avido cursu se uniebant, amplectebanturque, aliæ verò segregabantur, non secus ac in Magnete & ferro contingit: igitur ab hac novitate excitatus id ipsum comprobavi adhibitis aliis corpusculis, festucis, foliis arborum, & innumeris aliis corporibus; cumque ego summo opere optarem causam prædicti effectus percipere, post innumera experimenta, animadverti huiusmodi operationes contrarias dependere ab aqueis arginibus circa corpora natantia adjacentia, aliquando eminentibus, aliquando depressis. Sumpsi duas laminulas æreas, papyro graciliores, quales sunt V & X, & in earum punctis intermediis C & L apposui duas festucas CD & LM, ibidemque cera eas ferruminavi perpendiculariter erectas ad plana laminularum, apposui postea laminas supra aquam vasis FRSO horizontali applicatione, quæ infra aquæ libellam innatando deprimebantur, efficiebantque circumcirca argines aqueos EA, GB, nec non IN, KO; postea efformavi duas assulas ligneas Y & Z, quarum altitudines semidigitum ferè æquabant, iisdem quoque festucas perpendiculariter adaptavi, positisque super aquam erigebantur circà earum perimetrum montuositates quædam declives, ut EA, GB supra universalem aquæ libellam FHO. His præparatis, solertèr digitis impulsi summitatem D festucæ appropinquantando laminulam V versus X, eamque firmitèr retinendo antequam ad contactum alterius laminæ V perveniret, eratque distantia inter laminas minor latitudine unius digiti, tunc primò vidi sponte sua duas laminas V, & X sese movere una versùs alteram, & licèt mediocri violentia digitis retinerentur, impedireturque accessus earum, postea non minùs, quàm priùs veloci cursu se mutuo amplectebantur, sed in ipso actu conjunctionis earum omninò explanabatur monticulus GHN aquæ, quo priùs segregabantur, postea me converti ad assulas ligneas, Y & Z, quæ paritèr immobiles & inertes erant, quando ab invicem distabant spatio majori, quàm digitali, sed magis appropinquata una versùs alteram, subito assulæ excurrerant ad sese amplectendum, & hìc accidit operatio diversa à præcedenti, nam duæ montuositates elevatæ GB & IN nedùm non se explanarunt, nec redegerunt ad

De corpusculorum innatantium mutuo amplexu, atque fuga.

Historia accessus, & recessus corporum innatantium cum omnibus suis circumstantiis illustratur.

TAB. IX.
Fig. 10.

TAB. IX.
Fig. 11.

(Hb 3)

aqueæ

De cor-
pusculo-
rum inna-
tantium
mutuo
amplexu
atque su-
ga.

TAB. IX.
Fig. 12.

aquæ subjectæ libellam FH descendendo, sed è contrà spatium intermedium, & cavitas BHI omninò repleta est usque ad supremum culmen BI. Tandem conjunxi laminam æream V cum afflicula Z, & vidi, quod quotiescumque approximabantur ad distantiam digito minorem, nedùm se mutuo non amplectebantur, sed è contra una rapidè ab altera effugiebat, segregabaturque quasi abominaretur conspectum & viciniam illius. Quapropter experientia constat, quòd accessio, approximatio, & amplexus laminularum tunc solummodò accidit, quando argines aquei similes sunt inter se, scilicèt quando ambo sunt elevati, vel uterque depressus est infra aquæ vasis libellam; sed quando argines aquei sunt contrario ordine dispositi, unus quidem depressus, alter verò elevatus supra aquæ libellam, tunc efficitur assularum separatio & fuga. Et in omnibus prædictis operationibus experitur, quod si una prædictarum laminularum fixè & in quiete retineatur, seu potius in orificio vasis existat, reliqua laminula libera, & non retenta, aut accedet, aut fugiet contactum alterius laminæ immobilis; cum verò ambo liberè in fluido innatant, tunc motus est communis in utroque corpore; cum hac tamen differentia, quòd corpus minùs amplum, & minùs ponderosum velociori motu, aut accedit, aut refugit à reliquo, cum è contrà agitatio amplioris laminæ tardissimo & languido motu fiat. Et hæc est vera & accurata historia hujus admirandi effectus; non igitur miror veram causam hujus effectus adductam non fuisse, cum non constabat neque perfectè innotuerat historia hujus operationis, quæ tantummodò clarè & evidentè observari potest mediantibus supràdictis laminulis à me excogitatis.

Hanc experientiam Amicis communicavi, quorum quamplurimi adhuc vivunt, tum in Sicilia, tum Romæ. Postèa anno 1655 Florentiæ Serenissimo Ferdinando Magno Duci, & Principi Cosmo Hetruriæ, ac Mæcenati Optimo, sapientissimoque Leopoldo Cardinali Mediceo, qui humanissimè nuperis suis Literis hujus meæ ostensionis & ratiocinii, à me tunc temporis adducti, se optimè recordari scripsit. Instituta postea Experimentalis Academia Medicea publicè Sociis illis doctissimis eandem experientiam ostendi, & innumeris præclaris Viris variarum Nationum, quibus præcipiente Serenissimo Cardinali offerebatur spectaculum selectiorum experimentorum prædictæ Academix.

Præ-

Præter jam dictas novitates aliam postea observavi à causa longè diversa pendentem, pro cujus intelligentia recenseri priùs debet effectus satis vulgatus duarum laminularum ex vitro exquisitè explanato & lævigato, quæ sibi mutuo congruunt atque exosculantur, amplexanturque tanta tenacitate, ut si suprema horizonti parallela sursùm elevetur, pariter succedit trahiturque alia lamina contigua inferior, sustineturque pendula, non secus ac si esset superiori connexa conglutinataque, quod si suprema vitrea laminula paulisper ad planum horizontis inclinetur, tunc subitò inferior laminula excurrat versùs partem declivem plani superioris absque eo quod à suprema lamina divellatur, sed semper illi adhærendo descendet impulsâ ab instinctu naturali, quo gravia conantur semper magis ad centrum gravium accedere eo modo, quo possunt, scilicet via inclinata, cum directâ & perpendicularis fuerit impedita.

De corporum
sculorum
innatan-
tium mu-
tuo am-
plexu at-
que fuga

PROPOSITIO CLXXXIX.

Si dua aqua guttula mobiles se mutuo tangant lateraliter, hæ non quiescent, sed lateraliter excurrent quousque vertices earum in eadem recta perpendiculari ad horizontem extiterint.

Hoc supposito, sint duæ guttulæ aquæ ABC, una pendula ex lamina horizontali AC, suspensa filo DE, & alia FGH elevata supra assulam LM innatantem super aquam RS, tunc si vertex B superioris guttulæ continget summitatem G guttulæ inferioris, duæ guttularum superficies horizonti æquidistantes G & B sibi mutuo congruent, & proindè nulla ratio suadet ut guttulæ ipsæ, & consequentè assiculæ lateralitèr moveantur, cum earum neutra vim motivam habeat horizontalem, propterea quòd si moverentur horizonti æquidistanter non magis, quam priùs centro gravium approximarentur, neque mos est naturæ frustrâ operari.

TAB. IX.
Fig. 13.

Fiat deindè contactus guttularum lateralis, scilicet superficies sinistra AB, supremæ pendulæ guttulæ tangat superficiem dextram GH inferioris guttulæ, tunc efficietur contactus, & superficie-
rum congruentia, non in unico puncto, sicuti configuratio earum tumida & convexa requireret, sed in satis sensibili spatio, ve-
luti

De corporum
sculorum
innatan-
cium mu-
tuo am-
plexu at-
que fuga.

luti est IK, & hic efficitur adhæsiō & congruentia inter duas aquas partes non minori tenacitate, quam duæ laminæ vitreæ superius expositæ sese mutuò neciebantur, itaque difficile divelluntur prædictæ aquæ una ab altera, sed facillimè potest una superficies super alteram excurrere, ut aquæ fluxibilitas requirit; igitur quia prædictæ guttulæ efficiunt contactum IK obliquum & declivem versus centrum telluris, necesse est ut guttula inferior gravis FGH exerceat nativam suam vim descensivam eo modo quo potest, & ideò dilabetur fluetque deorsum semper tamen superiori guttulæ adhærendo, & hoc eò usque fiet, quousque ad infimum situm declivitatis AB perveniat: non potest verò deorsum illa fluere dilabique absque eo, quod ejus vertex G versus culmen B approximetur; neque hujusmodi approximatio fieri potest absque eo, quod lamina subjecta LM innatando lateralitèr moveatur versus S, & suprema lamina AC excurrat aliquantisper versus R; igitur necesse est ut ambæ laminæ moveantur lateralitèr, & proprius ad sese accedant, & tunc præcisè quiescent, nec ulterius se promovebunt, quando præcisè obliquitas descensus terminatur; scilicet quando vertex G inferioris guttulæ præcisè congruit adhæretque extremitati B guttulæ supremæ, & tunc prædicti vertices aliquo pacto explanantur, efficiunturque horizonti æquidistantes, quod efficitur mediante unione notabilis superficiæ in utraque guttula, unde sequitur effectus quietis superius expositus.

Transio jam ad alia experimenta difficiliora, pro quorum declaratione præmitti debent aliqua lemmata tum ex hydrostaticis, cum ex mechanicis.

PROPOSITIO CXI.

Corpus molle vel fluidum intra aliud gravius fluidum demersum, nedum ab hoc sursum exprimitur, sed etiam laterali motu ejus partes stringuntur.

Constat ex Coroll. Prop. 10. fluidi naturam consistentis talem esse ut partium ejus inferiorum æquabiliter dispositarum, scilicet horizontaliter inter se connexarum partes illæ, quæ sunt magis præf.

pressæ, impellant ac sublevent alias partes collaterales fursùm, si fuerint minùs compressæ. Sed oportere ait Archimedes, ut conatus & impulsus fluidi prementis fiant per lineas ad horizontem perpendiculares. Hoc profectò verissimum est, quotiescunque innatet intra aquam prisma aliquod consistens & durum; At si in vase BCEI aqua pleno intra spatium AIFG collocatur non prisma ligneum, sed aliud corpus molle vel fluidum cedens minùs grave specie, quàm sit aqua collateralis, tunc nedùm fluidi IG fursùm perpendicularitèr impelletur superficies FG versùs IA, sed præterea latus ejus AG propelletur constrigeturque versùs IF, ita ut eodem tempore, fluidum minùs grave IG simul ascendat perpendicularitèr versùs IA, & lateralitèr quoque ab AG versùs IF transporteretur. Hinc colligitur, quod aqua, seù quodlibet fluidum BG, gravius specie quàm corpus IG, nedùm vim facit premendo perpendicularitèr, sed etiam vim exercet lateralitèr, non quidem per horizontales lineas BA & HG, sed per lineas inclinatas BK & LG, & hoc suppleri Archimædeo assumpto debere censeo, cum instinctu naturæ corpora omnia gravia descendere conentur versùs terræ centrum, quibuscunque modis hoc ab eis consequi possit, nedùm itinere perpendiculari ad horizontem, sed etiam inclinato.

De corpusculorum innatantium mutuo amplexu atque fuga.

De insidentibus humido lib. 1.

TAB. IX.
Fig. 11.

Hoc posito, si in eodem vase existente aqua in spatio ABHG intelligatur collaterale prisma AGFI ab aëre repleri, vel à quolibet alio fluido minùs gravi specie, quàm sit ipsa aqua, tunc paries aqueus AG nullo pacto sustinebitur in eodem situ erectus, sed dilabetur fluatque è supremo loco A versùs infimum F, neque oppositum unquam contingere posset, ut, scilicèt perseverante pariete aqueo AG, erecto descenderet infra libellam GH, & deinde motu reflexo fursùm perpendicularitèr aquæ infimam libellam FG versùs IA propelleret perpendiculari motu, profectò hoc contingeret si inter aquam & aërem adesset paries ligneus, à quo impediretur effluvium aquæ intra soveam AF; at nullo pariete interposito videtur omninò impossibile ut aqua non defluat motu inclinato ad replendam cavitatem aëream AF. Hocque confirmatur evidenti experientia; fiat bursa coriacea parallele pipeda fursùm aperta ad instar putei, & dilatatis quatuor ejus angulis digitis vel virgis, immergatur bursa aëre plena intra aquam; videbis, quod nedùm basis & fundum, sed etiam quatuor facies collaterales

(Ii)

terales

De corporum
innatanti-
um mutuo am-
plexu atque
fuga.

terales bursæ incurvantur convexè versùs intermedium axim ejusdem putei, & si simul digiti, aut virgulæ educantur, nec ampliùs vim exerçant, nedùm basis & fundum putei ascendet sursùm, sed etiam ejus parietes collaterales sese constringent, & ad sese invicem accedent, quod est evidentissimum signum, aquam nedùm vim facere sursùm perpendicularitèr aërem expellendo, sed etiam lateralitèr conari excurrere per lineas obliquas, constringendo laterales parietes prædicti putei coriacei. Hinc inferre licèt, quòd si magis flexibiles & cedentes fiant parietes prædicti putei, semperque magis attenuentur, quousque fiant indivisibiles, qualis profectò est paries distinguens aquam ab aëre, tunc id ipsum continget, scilicèt aqua defluet motu transversali obliquo intra cavitatem aëream AF.

Si postea loco aëris repleatur eadem fovea AIFG alio fluido minus gravi specie, quàm sit ipsa aqua BG, v. g. repleatur oleo, dubitandum non est id ipsum contingere, scilicèt nedùm basis FG perpendicularitèr sursùm elevabitur, sed etiam paries AG, seu confinium aquæ communis & olei motu transversali impelletur versùs IF.

PROPOSITIO CXCI.

Si una pars ejusdem aqua majori momento subiectum fluidum compresseris, quàm alia ejus pars collateralis, hac transversali motu ab illa impelletur, secum transportando corpuscula super eam innatantia.

TAB. IX.
Fig. 15.

Et hìc notandum est non debere semper fluidum in spatio AF contentum rarius & distrahilius esse, quàm sit fluidum AH. Sed etiam si fuerit massa aquea ejusdem consistentiæ, ac est BG, dummodò pondus seu momentum fluidi BG majus sit gravitate alterius fluidi AF, impelletur quoque superficies AG (à qua fluida separantur) transversali motu versùs IF, quod confirmari potest ab experientia hac ratione: inficiatur aqua ABHG atramento, vel quolibet alio liquore colorata, remanente collateralia aqua AF transpica; superponatur postea prisma ligneum X, à quo libella aquæ AB comprimatur, tunc, dum prisma ligneum descendit, ab

ab ejus pondere comprimitur aqua subjecta, & sic impellitur aqua denigrata nedùm infra libellam GH, sed etiam laterali motu penetrando parietem AG, transvertitur misceturque cum aqua limpida AGFI; licet ergo ambæ aquæ ejusdem consistentiæ sint, & ejusdem raritatis, potest nihilominus ab excessu ponderis superadditi prismatis X impelli lateralitèr confinium, quo distinguuntur prædictæ aquæ, hocque confirmatur, quia infimum solum GH aquæ non permit imaginariam libram FH sua consistentia vel duritiæ, sed pondere aut momento ejus, & ideò non secus à pondere X augetur gravitas aquæ, ac si fluidum BG esset hydrargyrum, unde in utroque casu impelleretur paries, seu confinium fluidorum AG versùs IF.

De corpusculorum innatantium mutuo amplexu atque fuga.

Et siquidem supra terminum A prædictæ aquæ GB majus momentum habentis innatet festuca, vel quodlibet corpusculum ligneum Z, necesse est, ut id ipsum laterali motu asportetur aliquantum quoque ab ipsa aqua subjecta ab A versùs I, cum non possit aqua BG moveri lateralitèr versùs IF absque eo quòd secum transportet suam supremam superficiem AB, nec aliquando hæc transferri potest versùs I absque eò, quòd corpusculum incumbens & innatans Z secum quoque deferat.

PROPOSITIO CXCI.

Si partes ejusdem fluidi continuatæ horizontalitèr ab æqualibus ponderibus vel momentis presse fuerint, omninò quiescent, & e converso. Et si postea momentum comprimens unam partem fluidi imminuatur hæc laterali motu è suo loco dimovebitur.

In vase ABCD partes aquæ EI, & HC contiguæ, & horizontalitèr jacentes premantur à corporibus fluidis, vel solidis æqualium momentorum AH & GF, partes subjectæ aquæ EI, HC quiescent in eodem situ horizontali, quia libra fluida EF æquè pressa necessariò quiescet. Si verò partes horizontalitèr jacentes, & contiguæ EI, & IF quiescant in eodem situ horizontali EF intra vas ABCD; dico, quòd pondera absoluta, vel momenta fluidorum vel solidorum corporum GE & GF perpendicularitèr

(Ii 2)

TAB. X.
Fig. 1.

in-

De corporum
sculorum
innata-
rium mu-
tuo am-
plexu, at-
que fuga.

incumbentium erunt æqualia inter se. Quia in libra horizontali EF, seu in syphone AID, cum fiat quies libræ, efficietur æquilibrium corporum libram prementium, & propterea necesse est ut pondus EG, aut ejus momentum æquale sit ponderi aut momento alterius corporis GF.

Si postea una pars fluidi subiecti BH horizontaliter continuata cum collateraliter ejus parte HC, primò comprimatur à pondere absoluto GE, vel momento æquali ipsi GF, & postea prædictum pondus GE, seu momentum aliquo pacto imminuatur, est impossibile ut aqua subiecta BH consistat in eodem situ horizontali, & in eadem quiete quam priùs habebat, sed necessario cedit energix majoris ponderis DH, vel momenti compressivi, & sic è suo loco dimovebitur expelleturque.

PROPOSITIO CXCIIL.

Si duo aquei montes, seu argines elevati supra aqua libellam eandem sublimitatem habuerint, acclivior & magis erectus majori momento subiectam aquam comprimet quàm reliquus.

TAB. X.
Fig. 2.

In vase aqua pleno RSTV si fuerint elevati duo montes aquei triangulares ADC, & ABC, adhærentes parieti AC, & aëri externo AB & AD, dico, quòd aqueus mons ADC acclivior, & magis erectus majori momento premit aquam subiectam CDGF, quàm reliquus mons aqueus ABC minùs erectus comprimat subiectam aquam BCFE; quoniam aqua montuosa ACD moveri non potest descendendo perpendiculariter versùs basim DC, & multò minùs lateraliter ferri potest versùs parietem AC, propterea quod aqua corporea neque interpositam aquam versùs fundum DC, neque parietem AC penetrare potest: necesse ergo est ut aqua deorsùm fluere nitatur versùs confinium aëreum AD, & quia partes omnes laminæ aqueæ pendentis AD fulciuntur ab alio interiori plano aqueo parallelo ipsi AD, & ab hoc impeditur earum motus perpendicularis ad horizontem; igitur in situ inclinato AD collocatæ sunt, & per hoc nituntur deorsùm tendere; idemque dicendum est de reliquis aqueis laminis ipsi AD æquidistantibus,
igitur

igitur impetus & momentum, quo prædicta aqua vim facit, nititurque ferri deorsum, non potest esse diversum ab eo momento, quod in tali plano inclinato exerceri potest. Quapropter prædictum momentum aquæ descendens in prædictis monticulis minus erit suo proprio pondere absoluto & totali, & ad ideandem proportionem habebit, quam sublimitas CA ad plani AD inclinati longitudinem. Eadem ratione momentum montis aquei BAC ad ejus pondus absolutum eandem proportionem habebit quam CA ad AB. Quare (ut ab aliis demonstratum est) momentum, quo mons aqueus ADC premit impellitque aquam subjectam ad momentum quod exercet mons aqueus ABC, habebit eandem proportionem quam longitudo plani inclinati BA ad longitudinem alterius plani DA.

De corporum innatantium mutuo amplexu, atque fuga.

Ex mechanicis.

PROPOSITIO CXCV.

In qualibet lamina, super aquam innatante, quilibet ejus sector aequali momento subjectam aquam contiguam & equaliter jacentem premit, ac portio anuli montuosi collateralis aqua prædictum sectorem complens.

In vase aqua pleno KVZG innatet subtilis & rotunda lamina ABCD, quæ aut deprimetur infra libellam KG, excavando foveam comprehensam ab anulo montuoso aquæ depressæ MKBQGC, vel eminebit supra eandem libellam, secum trahendo montem anularem aqueum elevatum supra eandem libellam, sitque punctum 4 centrum gravitatis laminæ. Dico, quod nedum momentum quo lamina premit subjectam aquam æquale est momento, quo mons anularis aqueus subjectam aquam comprimit, verum quilibet sector laminæ 4 DCE æquali momento subjectam aquam premit, ac portio anuli EDCQGF, quæ in directum ponitur sectori prædicto. In utroque casu à centro gravitatis laminæ AC ducatur rectæ 4 6, & plana perpendicularia ad horizontem extendantur, manifestum est, quod lamina AC super aquam innatans exercet suum momentum compressivum in centro gravitatis ejus 4, & anulus aqueus montuosus MKBQGC exercet suum momentum compressivum undique circa

TAB. X.
Fig. 3.

(Ii 3)

eandem

De cor-
pusculo-
rum inna-
tantium
matuo
amplexit
aque fu-
g^a.

Prop. 192.

eandem laminam : hæc verò cum in eodem situ innatando quiescat, necesse est, ut æquali momento subjectam aquam BOPC pre-
mat, ac anulus montuosus MKBQGC comprimit aquam sub-
jectam contiguam, & æqualiter cum illa, & immobiliter jacentem
MOPQ; sed quia omnes partes aquæ subjectæ circa axim 46 po-
sitæ comprimuntur ab omnibus partibus, tam laminæ, quàm
anuli aquei perpendiculariter eis incumbentibus, ergo in omni-
bus semidiametris physicis, seu sectoribus 4CQF partes aquæ
subjectæ premuntur à sibi incumbentibus sectoribus laminæ, &
anuli aquei; verùm quia non quælibet partes sectorum aquæ sub-
jectæ libram constituunt, sed illæ tantum, quæ contiguæ in di-
rectum, & in eodem horizontali plano æqualiter jacent à centro
gravitatis 4 in directum eductæ, igitur comparari debent inter
se partes aquæ sub eodem sectore 4CQF existentes, quæ officium
libræ expleant, hæc verò cum in eodem situ innatando quiescant,
necesse est ut pars laminæ 4DEC æquali momento premat sub-
jectum sectorem aqueum 4CP6, ac pars anuli aquei CGFQ
comprimit subjectum residuum CQZP ejusdem sectoris. Et
idem dicendum est de reliquis, quare patet

PROPOSITIONE CXCV.

*Si aliquis sector lamina super aquam innatantis majori momento
subjectam aquam compresserit, quàm portio anuli montuosi
aqua collateralis eandem aquam illi contiguam in directum, &
æqualiter jacentem presserit : lamina transversè movebitur
versus partem aquæ minùs compressam. Si verò lamina sector
minori momento subjectam aquam quàm portio collateralis
anuli aquei illam compresserit, lamina ipsa laterali motu rece-
det à parte aqua magis compressa.*

1 AB. X.
Fig. 4.

In eadem figura iisdem positis 4DCE sector laminæ majori
momento comprimat subjectam aquam 4P, quàm portio
EDCQGF anuli montuosi aquæ premit contiguam in directum,
& æqualiter jacentem aquam PQ. Dico totam laminam AC trans-
versali motu ferri debere versùs QZ. Quia sector 4QF libram
constituit, & partes 4P, & CZ ejusdem sectoris aquei 4QZ 6
sunt

sunt contiguæ in directum, & æqualitèr, scilicèt horizontalitèr jacentes, & pars aquæ 4 P magis comprimitur à majori momento superstantis sectoris laminæ 4 DCE, quam pars aquæ ZC premat-
 tur ab incumbente aqueo sectore EDCQGF, ergo pars, aquæ 4 P gravior specie effecta erit, quàm pars aquæ ZC, hæc verò habent terminum, seu confinium erectum CP fluidum & cedens à quo prædictæ aquæ separantur, ergo necesse est ut aqua 4P expellat minùs gravem, seu minus compressam aquam ZC è suo loco, eam nimirum urgendo nedùm sursum, sed etiam lateralitèr à CP versus QZ: sed quia non potest impelli, & ejici lateralitèr aqua ZC absque eo quòd moveatur quoque lateralitèr aqua 4P versus QZ, secum asportando incumbentem laminam 4 DCE, igitur necesse est, ut sector laminæ 4 DCE moveatur versus Q: cum-
 que idem sector laminæ 4 DCE non possit moveri versus Q, absque eo quòd secum transferat residuum laminæ A 4 B ei conexum & unitum, & hoc residuum est indifferens ad motum transversalem, proptèr ejus æquilibrium cum residuo anuli aquei mon-
 tuosi, & propterea nil resistet tractioni horizontali; igitur à vi trahente sectorem 4 CDE transportabitur quo; transversali motu universa lamina AC versus Q.

Simili modo ostendetur, quòd si sector laminæ 4 CDE minori momento comprimit subjectam aquam 4P, quàm portio mon-
 tuosi anuli CEDGQF premit subjectam aquam CZ, tunc lamina AC transversali motu recedere debet à QZ, quod erat, &c.

PROPOSITIO CXCVI.

Dua laminule, quæ efficiunt proximos argines aqueos, depressos infra supremam aqua libellam in determinata quadam distantia, debent spontè moveri, & ad invicem approximari.

Sit vas aqua plenum KVNL, & in ejus suprema superficie ap-
 plicentur duæ laminæ æræ gracilissimæ rotundæ AC, & EH se-
 cundum latum, quarum centra gravitatum sint 4 & 7. Hæ pro-
 fectò descendant infra aquæ supremam libellam KL, & innatan-
 do efformabunt argines depressos KA, GD, & GE, IL, po-
 nanturque prædictæ laminulæ in tanta distantia inter se, ut ter-
 minus

TAB. X.
Fig: 5.

De corporum
innatantium
mutuo am-
plexu at-
que fuga.

minus supremus arginum conterminalium DG, & EG præcisè pertingat ad planum supremum aquæ KL in ipso puncto G; tunc experientia constat quod in hac distantia, & in omnibus aliis eadem majoribus non moventur prædictæ laminulæ, nec ad sese propius accedunt, sed quiescunt æquilibratæ unaquæque in eo situ, quem priùs habebat. Postea si prædictæ duæ laminulæ non fuerint aquè crassæ, & proinde inæqualitèr deprimerentur, tunc per basim laminæ magis depressæ, quæ sit BC producatur planum horizontale MN, & ei innitetur, vel reliqua lamina EH, vel saltem compositum ex prædicta lamina, & ex prismate aliquo aquæ subjectæ: educatur tandem recta GQ perpendicularis ad horizontem, secans in Q planum subjectum MN; & quoniam super idem planum horizontale MN aquæ subjectæ vim exercet premendo nedùm lamina AC, sed etiam anulus montuosus aquæ depressus, qui laminam circumdat BKMCGQ, & sunt partes aquæ subjectæ MO, BP, & PQ continuatæ, & aquè dispositæ, atque in eodem situ horizontali fixæ quiescunt; igitur necessariò æqualia sunt inter se pondera absoluta, vel momenta, quibus corpora superposita vim exercent premendo, scilicet momentum anuli aquei BKMCGQ, & momentum laminæ AC æqualia sunt inter se, & momentum sectoris 4 DC æquale est momento aquæ CGQ contigua; eadem ratione reliqua lamina EH, & anulus montuosus aquæ FGQHLN, nec non eorum partes correspondentes sectorum habebunt pondera absoluta, aut momenta æqualia inter se; & hoc deducitur ex eo quod prædictæ laminæ, & montes aquei collaterales innixi horizontali superficie continuatæ MN ibidem quiescunt, absque eo quod moveantur fursùm, deorsùm, vel lateraliter.

TAB. X.
Fig. 6.

Approximetur postea lamina EH reliquæ laminæ AC; manifestum est, quod duo argines contigui non efficiunt ut priùs unicam obtulissimam curvitatem DGE, cujus vertex G ad supremam aquæ libellam KL pertingebat, sed efficient montem aqueum minorem, & magis depressum, cum eorum curvitates DG & ES in aliquo puncto T infra supremam libellam KL posito se mutuò fecerint; & hoc constat ex eo, quod prædicti duo montes aquei declives sunt, extendunturque infra summitatem communem G tumoris convexi ejus. Insuper quia non possunt partes aquæ fluidæ efficere verticem acutum & angularem, necesse est ut excurrando deor-

deorsum efficiant summitatem T aliquo pacto convexam & tornatam ad similitudinem parabolæ; & ideo superficies DT erit minus acclivis quam prius; extensa postea recta TY perpendiculari ad MN, quam secet in Y, & fundum vasis in Z; quia momentum portionis sectoris aquei CTY minus est momento totius aquæ GCQ, non quidem propter diminutam ejus molem, sed quia altitudo ipsius TY ejusque acclivitas minor effecta est, quam GQ (& hoc constat ex Elementis hydrostaticis, & ex Prop. 196.) & erat momentum portionis anuli aquei non imminuti, sed integri, & altioris CGQ æquale momento sectoris laminæ 4 CD, igitur momentum portionis anuli aquei depressioris CTY minus erit momento sectoris laminæ 4 DG, & ambo comprimunt partes aquæ subjectæ 4 P & CZ æquæ dispositas, & in directum continuatas, scilicet supra eandem horizontalem libellam 4 CY; igitur necesse est, ut laminula innatans AC moveatur versus Y; eodem ratiocinio ostendimus reliquam laminam EH debere pariter transportari versus Y ab agitatione aquæ subjectæ X 7 magis pressæ, quam sit collateralis aqua FZ; quapropter duæ laminulæ AC, & FI quotiescunque eorum argines aquei depressi se mutuò secant infra supremam aquæ libellam KL, necessario moveri debent accedendo una versus alteram. Postea quia quanto magis predictæ laminulæ sibi ipsi approximantur, tantò magis diminuitur altitudo interpositi montis aquei CTF, ergo crescit necessitas sese approximandi majori celeritate & violentia, & hoc erat demonstrandum.

Prop. 195.

PROPOSITIO CXCVII.

Possset id ipsum demonstrari alia ratione.

Hisdem positis, quia aggregatum ex duabus laminis AC & EH innatantibus, & depressis infra aquæ libellam KL cum suis arginibus, efformant veluti vas in superficie aquæ, quale est KTL excavatum in loco intermedio T, & quia naturali instinctu aqua, & omnia innatantia corpora moventur descendendo è supremis partibus versus subjectas & depressas; igitur est impossibile ut aqua in summitatibus K & L suspensa, & magis quam reliquæ partes elevatae, non defluat versus inferiorem situm T, ne-

TAB. X.
Fig. 6.

(Kk)

ne-

De corporum
sculorum
innatantium
mutuo amplexu
atque
fuga.

nequeunt verò supremæ aquæ partes K, & L transferri versùs T absque eo quod laminulæ AC & EH ad sese propius accedant, propterea quod gluten ipsius aquæ necessario sustinet montuositates aqueas unius certæ curvitatæ, & figuræ circa duas laminas, neque illæ sustineri possunt, nec moveri absque laminis annexis, igitur, dum aquæ montuositates K & L excurrunt versùs T, necessario laminæ ad invicem approximantur quousque se contingant.

PROPOSITIO CXCVIII.

Corpora innatantia, quæ efficiunt duos argines aqueos conterminales sublevatos supra libellam aquæ supremam, debent in certa distantia ad invicem approximari.

TAB. X.
Fig. 7.

In eodem vase applicentur basēs planæ & rotundæ duarum assularum lignearum AC & EH, seu cujuslibet alterius materiei, quæ non omninò infra aquæ supremam libellam immergatur, quarum centra gravitatum sint puncta 4 & 7, & aqua adhærendo porositatibus & asperitatibus earum efficiat argines elevatos, montuososque KAGD, & GEIL, ponanturque prædictæ assulæ in tanta distantia inter se, ut infimus terminus duarum declivitarum DG, EG, aquæ pendenti præcisè pertingat ad aquæ supremam libellam KL in puncto G. Et in hac profectò distantia sicuti in reliquis omnibus majoribus, quàm DE experientia docente non moventur prædictæ assulæ, nec sibi mutuò approximantur, sed in tranquillissima quiete persistunt innatando; & facta eadem constructione, ostendetur, ut prius, quòd momentum sectoris 4 CD æquale est momento portionis anuli aquei DCQG.

TAB. X.
Fig. 8.

Approximetur postea assula EH reliquæ AC, profectò duo argines elevati conterminales non efficiunt unam & eandem curvatem extensam, ut nimirum eorum terminus G attingat libellam aquæ KL, ut in priori casu, sed connexis & adhærentibus acclivitatibus monticulorum se mutuò secabunt earum curvæ superficies DG, & ES in T, & educatur recta TY perpendicularis ad MN eam secans in Y & fundum vasis in Z. Postea quia momentum portionis sectoris aquei CDTY minus est momento aquæ CDGQ duplici nomine, primo quia asperitas superficiei ligni & aquæ gluten
tan-

tantam vim habent, ut sustinere possint suspendereque supra aquæ libellam totam molem aqueam DGS, igitur eadem vis asperitatis parietis ligni & glutinis aquæ majoris energiæ est, quàm sit diminuta resistentia aquæ suspensæ DTS, cùmque talis excessus virtutis suspensivæ otiosus esse nequeat, procul dubio fortius suspendet, & alleviabit aquam subjectam, & idèd momentum compressivum aquæ, CDTY minus erit momento aquæ CDGQ. Præterea declivitas DT etiam imminuta est in respectu ad maximam præcipitem declivitatem DG, eò quod prædictæ superficies pendentæ aquæ contrariis inclinationibus efformare angulum acutum in infimo situ T non possunt, sed necessariò curvitatem aliquam concavam efficiunt; erat verò momentum portionis anuli aquei non imminuti, CDGQ æquale momento sectoris assulæ lignæ 4CD, igitur momentum portionis anuli aquei diminuti CDTY minus erit momento sectoris assulæ lignæ 4CD, & ambo comprimunt partes aquæ subjectæ C6, & CZ æquè dispositas, & in directum continuatas, scilicèt supra eandem libellam horizontalem BCY, igitur lamina innatans AC approximabitur termino Y. Eadem ratione reliqua assulæ lignæ EH transportabitur versùs YT ab aqua subjecta RF magis pressa, quàm collateralis aqua FZ, quapropter duæ assulæ lignæ AC, & EG necessariò ad sese accedent, & semper majori, & celeriori impetu, quò magis stringuntur conjungunturque, quia semper magis momentum aquæ interceptæ imminuitur; quod erat demonstrandum.

Prop. 193.

Prop. 195.

PROPOSITIO CXCIX.

Tertio loco, si duo corpora innatantia efficiant duos argines aqueos conterminales, aliter depressus, reliquus verò supra ejusdem libellam elevatus: hac sibi ipsis approximata non unientur, sed motibus contrariis unum ab altero fugiet.

In eodem vase KVNL innatent duæ laminæ AC ænea, & EH lignæ, quarum centra gravitatum 4 & 7, illa deprimitur efficietque argines depressos KA, DG, hæc verò sustinebit argines elevatos EG & IL supra eandem aquæ libellam KL; & siquidem prædicta duo innatantia corpora in tanta distantia inter se removeant-

(K k 2)

TAB. X.
Fig: 9.

De corporum
sculorum
innatan-
rium mu-
tuo am-
plexu at-
que fuga.

veantur, ut terminus G conterminalium arginum DG & GE; scilicet summitas illius, & alterius infimus terminus pertingant præcisè unianturque in eadem libella aquæ KL, ut nimirum figuræ curvæ earum in G planitiem horizontalem constituent, tunc constat experientiâ, quod in hac distantia, & in reliquis omnibus majoribus ipsa DF omnino quiescunt prædicta duo corpora innatantia in eodem situ æquilibrata, facta eadem constructione, ostendetur ut prius (ex Pr. 196.) quod momentum sectoris 4 CE æquale est momento portionis anuli aquei DCQG.

TAB. X.
Fig. 10.

Accedant postea ad sese lamina AC, & assula EH, procùl duobio terminus communis duorum conterminalium arginum non habebit figuram planam horizonti parallelam constitutam in eadem aquæ libella KL, ut prius, quando nullam declivitatem in puncto G habebant, sed necesse est ut efficiant montuosam elevationem ETD valde declivem, quæ secabit planum KL in T; & hoc patet, quia post laminarum approximationem oportet, ut supremus terminus G infimæ declivitatis DG insinuetur versus E, & recedat ab infimo termino S supremæ acclivitatis SE, in quo conjungebantur, & S, G in eodem plano libellæ KL, existunt; ergo G infra ES penetrando termino E atque S termino D approximantur, & ideò tota superficies 3 G cadet infra superficiem S 2 E, & punctum 3 cadet infra T, & punctum 2 supra id ipsum; cum igitur declivitas aquæ E 2 in aëre suspensa hæere nequeat, necesse est, ut aucta declivitate uniatur cum infima acclivitate D 3, & ideò necesse est, ut superficies composita montis ETD sit multò magis erecta & acclivis quam prius; & ducta perpendiculari TY supra MN, eam fecet in Y & valis fundum in Z: & quia momentum portionis aquei anuli CDTY majus est momento ejusdem sectoris aquei anuli non imminuti CDGQ (non quidem ratione molis, cum hæc nec juvet in hoc negotio, nec noceat, ut dictum est, sed quia ejus montuosa superficies DTE facta est declivior, & magis ad perpendicularem accedens, quàm prius;) erat verò momentum integræ portionis anuli aquei CDGQ æquale momento sectoris laminæ 4 CD, igitur momentum portionis anuli aquei magis declivis CDTY erit majus momento sectoris laminæ 4 CD, & premunt ambo partes aquæ subjectas 4 P & CZ continuatas & æqualiter dispositas supra id ipsum planum horizontale MBCY, quæ

prop.

propter (ex demonstratis) prædicta lamina AC discedet, removebiturque ab YZ. Eadem ratione reliqua assula EH removeri debet, fugereque à vicinia YZ, cum expelli debeat lateralitèr aqua subiecta RF unà cum insistente lamina, propterea quod à magis pressa aqua FZ expelli debet; Patet igitur duo corpora AC & EH segregari debere, & unum ab altero fugere quotiescumque duo eorum argines contrarii aquei mutuò connectuntur, quod erat demonstrandum.

De corpuseculo-
rum inca-
tantium
mutuo
amplexu
atque fu-
ga.

Licet ob facilitatem & perspicuitatem demonstrationis adducta sint exempla corporum, in quibus argines ejusdem figuræ sint in ambitu ejusdem corporis innantis, nihilominus fieri potest, ut circa unum latum ejusdem laminæ aqua elevetur supra ejus communem libellam, in altera verò parte deprimatur efficiendo cavam montuositatem, hocque in lamina metallica fieri potest, inflectendo paulisper angulum ejus: id ipsum in quolibet alio corpore innatante consequi potest, etiam ligneo, si unus ejus paries sit madefactus, reliquus verò aridus, quod etiam effici potest, si ungatur sebo, vel aliqua alia simili pinguedine una ejus facies, & tunc prohiberi solet ascensus, & adhaerentia aquæ supra ejus libellam; & in tali casu contingit ut idem corpus ex una parte trahatur, ex altera verò expellatur ab alio corpore innatante, scilicet quando argines similes sunt, aut ambo depressi, aut ambo elevati, tunc efficitur accessus, sed quando argines sunt contrario ordine situati, sequitur discessus & fuga unius ab altero, & hæc omnia pendent ex eadem demonstratione.

In uno,
eodemque
corpore
innatante
fieri pos-
sunt argi-
nes con-
trarii.

PROPOSITIO CC.

Sed antequam ulterius procedamus, incidentèr animadverto altitudinem foveæ in aqua genita à descensu lamina gravioris specie ipsa aqua, ad crassitiem lamina demersæ proportionem minorem habere quàm gravitas specifica ipsius lamina habet ad gravitatem aquæ in specie.

In vase KVZG aqua pleno innatet lamina ænea æquè crassa ABCD, quæ efficiat in aqua foveam KBCG, cujus altitudo SC & RB, dico SC ad DC minorem proportionem habere quam

TAB. X.
Fig. 11.

(Kk 3)

quam

De corporum
sculorum
innatan-
tium mu-
tuo am-
plexu atque
fuga.

quam gravitas in specie ipsius laminæ AC habet ad aquæ gravitatem, quia ex hydrostaticis moles aquæ æqualis spatio GKBC æquè ponderat, ac lamina AC unà cum aëre GKAD (qui ob insensibilem ejus gravitatem negligi potest) & pondus absolutum laminæ AC ad absolutam gravitatem aquæ ejusdem molis AC eandem proportionem habet quam gravitas specifica laminæ AC ad specificam gravitatem aquæ, ergo gravitas laminæ ad aquæ gravitatem in specie eandem proportionem habet, quam pondus molis aquæ GKBC absolutæ ad pondus molis aquæ AC, seu proportionem, quam habet moles GKBC ad molem AC: est verò prisma RBCS minus solido inæqualium basium GKBC, ergo prisma RBCS ad AC seu altitudo SC ad DC minorem proportionem habet, quam laminæ AC gravitas in specie ad aquæ gravitatem. Itaque vulgata propositio vera esset, si spatium cavitatis ab aëre repletum haberet parietes AK & DG directos, & perpendiculares ad horizontem, scilicet si basis KG æqualis foret ipsi AD; at quia ob curvatem insignem superficierum AK & DG, semper altitudo CS ad crassitiem laminæ DC minorem proportionem habet quam gravitas specifica solidi AC ad eam, quam habet aqua. Et hujusmodi proportio semper magis ac magis imminuitur, quò magis constringitur basis laminæ AC, ita ut posito quòd lamina aurea AC sit vigesies gravior specie ipsa aqua, potest adeò imminui basis ejus AD ut altitudo arginum SD minor sit quàm CD, cum tamen debuerat esse SD ad DC ut 19 ad 1, propterea quod anuli triangularis SDG crassities SG semper est ejusdem mensuræ, potest adeò constringi circulus basis AD interceptus, ut valde excedat prædictum circulum & cylindrum interceptum, ut faciliè ostendi posset.

PROPOSITIO CCI.

Pondus molis aquæ, æqualis portioni innatantis corporis infra aqua libellam demersi, non est præcisè æquale ponderi totius innatantis corporis.

Secundo loco operæpretium erit innuere quod ex prædictis montuositatibus fluidi elevatis aut depressis miris modis alterantur
Pro-

Propositiones illæ, quæ in hydrostaticis demonstratæ sunt; quando enim efficiuntur argines elevati; tunc moles aquæ æqualis spatio corporis innatantis infra aquæ libellam demersi non est ejusdem ponderis, ac est corpus ipsum innatans, quandoquidem argines illi aquei undique elevati graves quoque sunt, & suspenduntur ob adhærentiam, & connexionem cum asperitatibus externis ejusdem innatantis corporis, at quia à prædicto pondere adjuncto arginum gravius absolutè redditur corpus prædictum, & ideò multò magis deprimitur, quàm si à prædicto anulo montuoso aquæ non gravaretur; hujusmodi verò excessus insignis esse potest, si enim tabula grandis metallica supra hydrargyrum innataret, montuositates illæ adhærentes nedùm pondus unciarum, sed etiam aliquarum librarum excederet. Et hîc animadvertendum est, quòd mensura demersionis sumi non debet ab illis supremis terminis, quos attingunt argines aquei elevati, cùm hoc sit manifestè falsum.

De corporum
sculorum
innatanti-
um mu-
tuo am-
plexu at-
que fuga.

PROPOSITIO CCII.

Nostri Instrumenta hydrostatica non indicant præcisè fluidorum specificas gravitates.

Præterea adnotari quoque debet error communis, quem committere solemus, dum gravitates liquidorum explorare volumus instrumentis in nostra Academia experimentalis Mediceæ excogitatis: usurpari enim solet phiala aliqua, cujus alvus partim arena, partim aëre expletur, eique adnectitur supernè filum vitreum gracilissimum distinctum, ac designatum particulis æqualibus, quas gradus vocare solemus, & prout magis vel minùs deprimitur collum phialæ, seu filum, pronunciamus fluidum minùs vel magis gravitare. Sed quia aqua adhærens prædicto collo fistulæ nunquam explanatè eum secat, sed semper aut deprimitur in foveolam jam dictam, vel elevatur efficiendo undique montuositatem aqueam; hinc sit ut prædicta aqua elevata vel deficiens alteret mensuram præcisam gravitatis fluidi, propterea quòd magis aut minùs, quàm opus est, deprimit collum prædictæ fistulæ, & sic mensuram alteratam & fallacem designat, quæ tandem cùm in aqua unum vel alterum granum excedere queat, in mercurio verò multò magis, non pos-

De corporum
sculorum
innatum
tuum mu-
tuo am-
plexu, at-
que fuga.

possunt absque erroris suspitione usurpari cum agitur de examine ponderum exiguorum.

Ex dictis colligitur quod fistula vitrea libellatoria (quam hydrostaticam libellam nonnulli vocant) nonnullis difficultatibus ac fallaciis obnoxia sit. Primò, quia si fistulæ vitreæ erectæ perpendicularitèr ad planum horizontis non fuerint præcisè æquè amplæ, procul dubio argines aqueos internos inæquales efficient, ideoque planum per summitates arginum aqueorum extensum non erit horizonti æquidistans. Id ipsum continget si prædictæ duæ fistulæ erectæ fuerint æquales inter se, at non sint omninò sordibus unctuosius purgatæ & tersæ, cùm pinguedo illa prohibeat arginis aquei elevationem magis, aut minùs pro copia aut defectu prædictæ pinguedinis. Præterea si una fistularum fuerit internè arida, reliqua verò madefacta, argines quoque aquei in madida fistula eleuantur, non verò in arida.

Alio insuper nomine fallax est prædictum instrumentum, cùm enim aqua nunquam pura & sincera haberi possit, sit ut nisi bullulæ aëreæ, quibus nunquam aqua spoliatur, æquè distributæ sint in utraque fistula, erunt moleculæ illæ aqueæ inæqualitèr graves specie, & ideo earum summitates habebunt inæquales elevationes, proindeque non ostendent exactam libellam horizontalem. Id ipsum continget quotiescunque fistulæ prædictæ non fuerint ab eodem gradu caliditatis rarefactæ, nempe si una à solaribus radiis illustretur, reliqua verò in loco umbroso, aut magis frigido degat; non secùs si sordes terreæ, aut sales inæqualitèr distributi fuerint in utroque canaliculo, nunquam præcisè organum prædictum veram horizontalem libellam indicabit. At si loco aquæ mercurium in prædicta fistula incluserimus, non effugiemus omnes difficultates, nec in summa certi esse possumus nunquam in operationibus errasse quanta est fili alicujus tenuis crassities; proinde conducit laboriosam hanc machinam relinquere, & more antiquo regulis normalibus cum funependulo libellam horizontalem exquirere. Sed de his hæcenus.

De Aequitemporanea naturali velocitate gravium corporum.

De aequitemporanea naturali velocitate gravium.

CAPUT X.

Quia in quolibet motu intra fluidum facto resistentia exercetur, & proinde debilitatur gradus impetus naturalis, quo mobile ferri deberet, sequitur quod gradus velocitatum non impediti, scilicet in vacuo, qui naturaliter competunt corporibus gravibus, necessariò celeriores & vehementiores sint iis, qui in mediis fluidis exercentur: sed non proinde infinitæ velocitatis & impetus erunt, habebunt enim certum & determinatum gradum velocitatis à natura ipsis assignatum, non verò instantaneum. Huic verò sententiæ refragatur celebris illa Aristotelis demonstratio, ubi contendit, quod motus in vacuo fieri deberet non in tempore, sed in instanti. Erit igitur operæpretium ad examen vocare tale Aristotelicum ratiocinium, quod pendet ex hujusmodi suppositione.

4. phys. cap. 8.

Quod quotiescunque idem mobile fertur per duo media fluida, tunc eorum densitates, seu resistentiæ proportionales reciproce sunt ejusdem mobilis velocitatibus, quas in prædictis fluidis exercet. Itaque posito, quod pila ferrea verb. gr. una & eadem vi motiva ex sui natura feratur per aquam & per aërem, si densitas & resistentia ad divisionem aquæ centies major esset resistentia ipsius aëris, assumit Philosophus moveri pilam ferream per aërem velocitate centies majori, quàm per aquam fertur, scilicet si motus fiant temporibus æqualibus, per aërem excurrere spatium centuplum, quàm per aquam, & si spatia exacta æqualia fuerint, tempus motionis per aquam centuplo prolixius & tardius esse, quàm per aërem.

Ejusdem mobilis velocitates reciproce proportionales sunt densitatibus fluidorum, in quibus movetur. Ex Arist. ibidem.

Hoc principio supposito, probat Philosophus velocitatem cujuslibet mobilis in vacuo esse immensam & instantaneam. Et profectò optimus esset ejus progressus, si prædictum principium à Philosopho assumptum esset firmum & stabile, sed jam Clariss. Galileus falsum esse evidentissimè demonstravit in nova ejus scientia mechanica dialogo primo.

Ibidem.

(L I)

PRO-

De æqui-
tempora-
nea natu-
rali velo-
citate gra-
vium.

PROPOSITIO CCIII.

Modo nova demonstratione nostra ostendemus, quòd in duobus mediis fluidis inæqualiter densis, & resistentibus velocitates ejusdem corporis gravis possunt habere majorem, eandem, & minorem proportionem reciprocā, quam habent crassities eorundem fluidorum, si tamen grave in utroque fluido descendat.

TAB. XI.

Fig: 1.

In vase CF sit fluidum M, cujus densitas, crassities, vel resistentia ad distractionem erit certæ ac determinatæ mensuræ, sit illa S, atque in vase CG ponatur aliud fluidum N, cujus crassities & resistentia R sit major quàm S. Præterea idem mobile A, quod in utroque fluido M & N descendere valeat, eodem tempore T percurrat spatium CD fluidi M, spatium verò CE alterius fluidi N; & quia vis motiva ejusdem mobilis A unica est, & certi ac determinati gradus, propterea impetus & velocitas naturalis ejusdem gravis A semper est eadem & ejusdem gradus, si omnino removeri possent impedimenta, quæ à medii resistentia afferuntur, cum nulla alia de causa alteretur varieturque velocitas ejusdem gravis A in diversis fluidis M, N, nisi quia prædicta fluida diversimodè resistunt & alterant naturalem impetum & motum ejusdem mobilis. Supponamus igitur, quod gradus absolutus velocitatis gravis A non retardatus, neque impeditus à crassitie alicujus medii fluidi sit tantæ energiæ ut tempore T excurrere possit prolixius spatium CL; quare retardatio profecta à crassitie fluidi M impediēte ejus motum sit DL, sed à majori crassitie R alterius fluidi N retardetur subtrahaturque ab integro & naturali ejus fluxu spatium EL majus quam DL. Modò si retardatio DE facta à densitate S fluidi M minor fuerit spatio CE exacto in fluido N minori velocitate; dico quod corporis A major velocitas in fluido M ad minorem velocitatem, quam exercet in fluido N, minorem proportionem habebit, quàm resistentia seu crassities R ad resistentiam S: si verò DL æqualis fuerit CE proportionalia erunt; & tandem si DL major fuerit quam CE, tunc velocitas, quam exercet A in M ad velocitatem, quam exercet in N, majorem proportionem habebit quàm crassities R ad S.

Po:

Ponamus primò DL minorem esse quàm CE, quia eadem ED ad majorem CE habet minorem proportionem quàm ad minorem DL, igitur componendo DC ad CE minorem proportionem habebit, quàm EL ad LD, sed ut DC ad CE, ita se habet velocitas ipsius A in fluido M ad velocitatem ejusdem in fluido N, (propterea quòd velocitates eodem tempore T exactè proportionales sunt spatiis excursis:) & similiter impedimentum & retardatio, quam affert crassities R fluidi N motui corporis A ad eam retardationem, quam ei affert crassities S fluidi M, eodem tempore T se habet ut spatium EL ad spatium DL, quæ sunt retardationes factæ in iisdem fluidis, igitur velocitas corporis A in fluido M ad ejusdem velocitatem in fluido N habebit minorem proportionem, quam crassities & resistentia fluidi N ad crassitiem alterius fluidi M.

De æquitemporanea naturali velocitate gravium.

Ponatur postea DL æqualis CE, habebit ED ad duas æquales eandem proportionem, & componendo DC ad CE erit ut EL ad LD, & idè ut crassities R ad S, ita erit velocitas corporis A in M ad velocitatem ejusdem in fluido N.

Tandem, ponatur DL major quam CE, sequitur quod DC ad CE majorem proportionem habet quam EL ad LD, & idè velocitas ipsius A in M ad eam, quam habet in N majorem proportionem habebit, quàm R ad S, scilicèt, quàm crassities fluidi N ad crassitiem fluidi M.

COROLLARIUM.

Hinc sequitur verum non esse quòd velocitates ejusdem corporis gravis in duobus mediis fluidis semper reciprocè proportionales sint resistentiis eorundem fluidorum.

Si enim ex. gr. supponamus globum aureum descendere in spatio inani, ablatis omnibus impedimentis medii absoluta & inalterata ejus velocitate naturali, ut nimirum tempore unius minuti secundi horarii percurrat altitudinem 100. cubitorum, tunc si in aqua v. g. eodem tempore descendendo pertranseat spatium nonaginta cubitorum in hydrargyro verò 30. cubitos, ut nimirum velocitas ejus in aqua tripla sit velocitatis, quàm in hydrargyro exercet, tunc calculus ostendit crassitiem hydrargyri non triplam, sed septuplam esse crassitiei ipsius aquæ.

Exemplis id ipsum comprobatur.

(Ll 2)

Sump-

De æqui-
tempora-
nea natu-
rali velo-
citate gra-
vium.

Sumptis postea aliis duobus mediis fluidis magis differentibus, ut nimirum in rariori percurrat eodem tempore 80. cubitos, in densiori verò 20, tunc præcisè eandem quadruplam proportionem habebunt densitates fluidorum, quam habent velocitates. Postremo in aliis fluidis minùs differentibus, si velocitates habuerint proportionem duplam, eorum resistentiæ triplam proportionem habebunt. Undè evidentèr evincitur, falsam esse Aristotelicam suppositionem, & proinde non sequitur velocitatem cujuslibet corporis gravis in spatio inani esse instantaneam. Et profectò si motus naturam perpendamus, quæ sine transitu locali successivo percipi non potest, planè percipimus non posse corpus finitum in instanti ab uno ad alium locum migrare, esset enim simul in termino à quo & ad quem, sui motus, & sic occuparet spatium majus se ipso, & præterea tolleretur omninò conceptus *successiva migrationis* ab uno ad alium locum, unde concludendum est, quodlibet corpus finitum à finita virtute motiva impulsus, licèt omninò removeantur medii fluidi impedimenta, oportere, ut spatium quantum in tempore aliquo determinato percurrat. Sed hoc fusiùs & accuratius infra ostendetur.

Inquirendum modò est, an omnia corpora naturalia æqualibus velocitatibus, an verò inæqualibus moveri debeant in eodem inani spatio. Et primo intuitu videtur incredibile & absurdum æquè velocia esse debere, cùm in lationibus naturalium corporum habenda præcipuè ratio sit facultatum motus efficientium, quæ procul dubio à viribus gravitatum eorundem corporum pendent, atque hæ planè inæquales esse videntur, & propterea impetus & velocitates, ab eis pendentes, erunt quoque inter se inæquales. Hoc ab Aristotele passim in Phys. & de Cæl. asseritur; erit igitur operæpretium absurditatem ejus Propositionis evincere; ait ergo, gravia secundum proportionem, quam gravitates habent, moveri, pariterque levia corpora, velocitates ipsis levitatibus proportionales habere, & quod magis mirere, ait hoc observari, ac sensibus patere, habet enim, si fuerint duæ moles inæquales ejusdem corporis, nempe aeris, ascendent quidem fursùm inæqualibus velocitatibus, & secundum proportionem, quam habent earum magnitudines ea prorsus ratione (inquit ipse) qua videmus duas moles inæquales terræ (si cætera sunt paria) majorem descendere velociùs quam

De Cæl.
lib. I. c. 6.

EX Aristor.
gravia de-
scendunt
& levia
ascendunt
velocitati-
bus ean-
dem pro-
portionem
habenti-
bus quam
gravitates,
vel levita-
tes.

quàm minorem, secundùm proportionem, quam magnitudines habent. Hoc autem omninò falsum est, ut sensuum evidentia constat. Si enim duæ pilæ ferreæ inæquales fuerint, una scilicet centum unciarum, altera unius (sic enim convenientia, & paritas servatur in figuris sphaericis, similibus, atque in uniformi & homogenea materiae densitate) & hujusmodi pilæ demittantur à supremo termino ejusdem altitudinis centum cubitorum, ut portio velocitatum eadem sit, quam gravitates, seu magnitudines habent, oportet ut postquam pila major pertransivit totam altitudinem centum cubitorum, reliqua pila unius unciae unicum tantummodò cubitum prætergressa sit, & proindè adhuc sublimis persistat remota à terræ superficie nonaginta novem cubitis, quando jam reliqua ad terram pervenerat, & hoc est, quod Aristoteles ait, apparere, se videri, quod tamen omninò experientiæ refragatur, sensus enim satis exiguam differentiam inter descensus prædictorum corporum ostendit. Id ipsum in duobus corporibus non homogeneis nec similaribus observatur, quæ scilicet habeant diversas gravitates in specie, veluti essent duæ pilæ æquales magnitudine, una quidem lignea, altera verò ferrea, hæ verò licet similes & æquales figuras habeant, non perindè earum velocitates in descensu eandem proportionem, quam earum pondera habent, ut Aristoteles censuit, sed ferè æquali velocitate descendunt.

Sed non erit à nostro instituto alienum ostendere defectum Aristotelici ratiocinii, & præcipuam causam ejus hallucinationis indicare. Ait enim, quod motus descensus pendet à vi gravitatis, tanquàm à causa efficiente, quare inæquales gravitates debere quoque inæquales velocitates locales efficere.

PROPOSITIO CCIV.

Pondera inæqualia non produciunt inæquales velocitates, sed unam & eandem.

Hoc constat ex dictis in nostro Libro de Vi Percussionis. Quia duorum corporum velocitates non mensurantur ab ipsis ponderibus, ut nimirum eorum velocitates proportionales sint ponderibus, quandoquidem corpora, quorum gravitates valdè in-

(Ll 3)

De æquib.
tempora-
nea natu-
rali velo-
citate gra-
vium.

Phys. lib.
4. cap. 8.

Quod ex-
perientia
reproba-
tur.

De æqui-
tempora-
nea natu-
rali velo-
citate gra-
vium.

ter se differunt, possunt una & eadem velocitate descendere, propterea quod minimæ particulæ materiales corporeæ æquæ graves supponendæ sunt, & hæ sibi ipsis superadditæ minimè augere velocitatem possunt, cum una alteram impellere nequeat, tum quia omnes habent æquales vires motivas, cum etiam quia vis æqualis in ei æqualem agere non potest, & ided eam non promovebit, proindeque velocitas non augebitur, sicuti decem Canes Venatici æquæ veloces inter se connexi & simul currentes, non percurrent majus spatium, quàm unus eorum eodem tempore, quare licet moles corporea augeatur, & tantundem pondus crescat multipliceturque, non proinde vis motiva intensivè augeatur, sed tantummodò extensivè, quatenus expanditur uniformi distributione in omnes materiæ gravis particulas, & sic velocitatem augere nequeunt.

Præterea adeo falsum est velocitates descensuum proportionales esse ponderibus corporum inæqualium, ut ex hac hypothesi evidenter concludatur corpus magis grave tardius descendere quam minus grave.

Hoc elegantissimè demonstratum fuit à Galileo in nova scientia mechanica Dialogo primo.

Novæ rationes pro Aristotele adducuntur.

- I. Sed licet ea, quæ huc usque dicta sunt, evidentissimè suadeant non habere velocitates corporum descendantium eandem proportionem, quam habent gravitates eorum, adest tamen Vir Clarissimus, qui sententiam peripateticam sustinere conatur. Ait enim, *raturum esse virtutem gravitatis efficientem causam esse descensus corporum gravium, & quia impossibile est ut motus descensus absque aliqua velocitate fiat, igitur eadem gravitas, qua descensus producit, erit quoque causa effectiva illius velocitatis, qua naturali ejus descensui competit, cumque gradus gravitatis non sit unicus, sed augeri & diminui in infinitum possit, igitur est impossibile ut gradus gravitatis summopere diversi inter se & inæquales eundem effectum producant, scilicet eandem præcisè velocitatem, neque videntur negari posse prima principia notissima, qua suadent omnium virtutum & facultatum, qua effectus aliquos producere possunt, illam, qua majorem vim habet, majorem effectum producere; subsequitur postea:*

- II. *Constat experientia ponderis in altera statere lance positi, illam,*

Lam, qua ex adverso est, celerius attollere, quam si inaequalitas minor foret; aut Verò celerius circumagi, ubi pondus gravius machine illud vertendi appenditur: Horologii quoque cursum simili ponderis adjectione citatiorem fieri.

Ait quod ab experientia non docemur brevitatem undulationis in pendulo leviori à solo medio, non autem à gravitatis defectu provenire, neque solida hujus assertionis ratio afferri potest.

Quia facilis à graviore corpore vinci potest medii resistentia, ait, fore ut celerior ille graviore corporis descensum à majori ejusdem gravitate oriatur.

Tandem Aristotelis argumentum validissimum esse probat, nam cum gravitas in certa aliqua proportionem resistentiam medii superet, sequitur proportionem inter gravitatem & medium absque fine multiplicari posse, quare si supponatur corpus aliquod per spatium imaginarium in certo velocitatis gradu, impellente gravitate descendere, poterit utique dari corpus, cui tales sit respectus medii realis proportio, ut pari illud velocitate transcurrat: infinita tamen erit distantia inter resistentiam medii realis huius corpori collati, & resistentiam spatii imaginarii comparatum altero, quod ille equali in eo velocitate moveri supponitur. Id verò absurdissimum esse quilibet statim pronuntiabit.

Versa igitur argumenti formula: quia resistentia medii gravitatem nonnihil retardat celeriusque fertur grave ubi minus illi resistitur, cum nulla sit inter medium (plenum supple) spatiumque vacuum proportio, sequetur necessario neque ullam fore inter tempus, in quo corpus grave determinatam medii quantitatem emittitur, & tempus in quo tantundem spatii vacui transcurrit, quare spatium illud vacuum in momento conficietur.

Ad primam ergo difficultatem respondeo breviter, verum non esse quod effectus majoris velocitatis dependeat tanquam à causa efficiente à virtute majoris gravitatis in ipso actu descensus. Quia ut ostendimus Prop. 20, 21 & 204. partes æquales ejusdem gravitatis ex sui natura eadem velocitate fluere deorsum debent, & ideo superior pari velocitate comprimere nitetur inferiorem, qua hæc ictum fugit, & proinde gravitas superioris non augebit vim compressivam, seu gravitatem inferioris; perinde ergo operatur pondus

De æquitate temporanea naturali velocitate gravium.

III.

IV.

V.

VI.

Respondetur primæ difficultati ex superiori adductus.

De æqui-
tempo-
ra-natū-
rali velo-
citate gra-
vium.

ad unius partis, ac si æquale esset ponderi aggregati omnium partium, ex quo fit ut in motu descensus quælibet corpora inæqualia æquè gravia censeantur possint; ideoque non descendant in æqualibus velocitatibus, neque novum est vim & energiam decem hominum sustinere posse majus pondus, nempe decuplum, quam unus eorum, sed non inde sequitur, quod prædicti homines currere possint bajulando eadem pondera velocitate decies majori, quam unus eorum tantum, itaque licet velocitas cursus dependeat à vi & energia prædictorum hominum, non proinde velocitas augetur multiplicaturque prout homines prædicti multiplicantur. Unde patet infirmitas primæ objectionis.

Responde-
tur secun-
dæ.

Ad secundam noto, nos querere an duo corpora gravia, dum naturali, libero, & non impedito motu feruntur, inæqualibus velocitatibus descendant, scilicet in eadem proportionem, quam gravitates habent, ergo præ, & contra logices præcepta Adversarius permutat subjectum problematis, cum nempe assumit non duo mobilia gravia, sed unum, & in eo querit motus partium in suo toto, quæ nequeunt libero & non impedito motu descendere nisi ex parte; talis profectò naturæ sunt duo pondera suspensa, vel annexa in libra, rota, & veru, quæ componunt unum mobile in centro gravitatis communis vim exercens; nec libero motu descendere valent, cum cogantur vertiginoso motu circa fulcimentum ejus agitari contrariis rotationibus. In iis planè concedimus pondera inæqualia diversimodè operari ob libræ naturam, quam non videtur prædictus Author benè percepisse. Oportet ergo ut sumamus duos globos ferreos inæquales solutos se paratosque, qui in aëre demittantur, ut liberè, & absque impedimento descendere possint per rectas lineas ad centrum terræ tendentes, cumque in hac experientia velocitates descensuum ferè æquales sint, licet pondera descendantia sint valdè inter se inæqualia, facile suademur quod ab aliqua circumstantia in bilancibus, rotis, & veru impeditur, & perturbatur effectus ille, qui in simplicissima operatione observatur, quod fusi in sequenti Capite declarabitur.

Responde-
tur tertiæ.

Ad tertiam nego Galileum deduxisse gravia inæqualia descendere velocitatibus æqualibus debere ex hac experientia, quod funependula æquè longa & inæqualiter ponderosa efficiunt undulationes æquitemporaneas; non enim ex hac operatione, quæ diffi-

ci-

De æquitemporanea naturali velocitate gravium.

cilioris indagationis est, sed ex libero descensu duorum inæqualium ponderum falsitatem Peripatetici pronuntiati evidentissimè comprobavit. Sed interim ajo, quod retardatio vibrationis levioris funependuli producit ab impedimento & obstaculo aëris, non autem à defectu ponderis ejus. Si enim suspendantur ex filis æquè longis duæ pilæ, una plumbea, altera verò lignea, quarum quælibet unam unciam pendat, tunc si æquè à perpendiculari removeantur, efficient vibrationes æquitemporaneas, at continentèr undulationes lignæ pilæ breviores fiunt, dùm breviora spatia hinc inde, & diminuta percurrit, hinc verò constat tarditatem ligni non à defectu ponderis, cum unius quoque uncia sit, sed ab amplitudine molis ejus, quatenus sua dilatata superficie cogitur expellere ampliorem aëris molem è suo loco, quem evidentissimum est resistere expulsiōi, ut flabello, & aliis innumeris modis experimur. Sed præterea suademur, quod non à pondere aucto celeritas ejus motus in fluido augeatur; si enim supponamus ingens Navigium æquè velocitèr per Maris superficiem excurrere, ac Linter, manifestum est ea nullam gravitatem exercere transversaliter, dum in aqua innatant. Adveniat postea impedimentum externum, v. g. plures homines suis viribus conentur impedire & firmare cursum prædictorum inæqualium Navigiorum, procùl dubio energia unius hominis tantum sistere & obfirmare poterit Lintrem, cum è contra Navis illa ingens æquè velox, ac Navicula non possit impediri, neque velocitas ejus omninò extinguī ab ingenti conatu & repulso centum hominum: causa hujus diversitatis ostensa fuit in nostro opere de Vi Percuss., pendetque ab energia virtutis motivæ expansæ per universam molem Navigii prægrandis, quæ tam multiplex est virtutis motivæ Naviculæ, quanto illius moles superat hujus molem, & ideo vis percussiva, à majori vi motiva pendens, multò major esse debet, quàm illa, quæ à minori virtute motiva producit; nec mirum est ad extinguendam majorem vim motivam exigī validiorem vim resistentem; hinc fit ut virtus unius hominis impedire & extinguere possit vim pusillam Lintrem moventem, non verò vastam vim motivam Navigii eodem prorsus modò inpendulis pila lignea, aut minoris ponderis, licet æquè velocitèr moveatur, ac pila gravis plumbea, illa tamen à minori vi motiva transvertitur, cui aëris inertia & corpulentia potest ejus impetum debilitare & extin-

(Am)

gue.

De æqui-
tempora-
nea natu-
rali veloci-
tate gra-
vium.

guere, sed non potest æquali resistentia impedire energiam majoris virtutis motivæ gravioris pilæ plumbeæ.

Ad quartam responderi potest, falsum esse à majori gravitate meliùs & faciliùs vinci & superari medii fluidi resistentiam: nam duo funependula æqualia, & inæqualitèr gravia, dum oscillationes suas conficiunt, nullam prorsus gravitatem exercent, perindè ac si gravia non essent, propterea quod æquilibrantur à tenacitatibus funiculorum clavibus affixorum. Similitèr libræ ferreæ Horologiorum, dum convertuntur horizontalitèr, gravitate carent, seù eam non exercent, sic quoque inæqualia Navigia innatantia, dum horizontalitèr moventur, non agunt gravitate, quæ ab aqua æquilibratur, & tandem pilæ plumbeæ & ligneæ fursùm perpendicularitèr projectæ, dum occurrunt & percutiunt supremum fluidum, vel corpora suspensa, planè non agunt gravitate, quæ non fursùm, sed deorsùm operari & impellere valet; & tamen in iis omnibus, quæ densiora sunt, aut copiosiori substantia materiali donantur magis & faciliùs medii fluidi, & obstaculorum impedimenta superant. Non igitur à gravitate, quatenus talis est, medii fluidi resistentia superatur, sed ab alia causa longè diversa.

Sed ponamus à majori vi motiva graviorum corporum magis & faciliùs medii fluidi resistentiam superari, non indè sequetur, magis gravia celeriores motum descensus producere nisi ex accidenti, nam si revera efficiens causa velocitatis esset gravitas, necessariò effectus velocitatum proportionales essent suis causis, scilicèt gravitatibus, uti Adversarius cum Aristotele sustinere tenetur. Hoc autem falsum esse manifestum est; nam duæ pilæ æquales, una aurea, altera marmorea, quæ in fluidis crassioribus feruntur velocitatibus notabili excessu inter se differentibus, in aëre postea æquè veloces esse videntur; igitur illa insignis differentia velocitatum ab impedimento medii fluidi crassioris dependet non ab inæqualibus gravitatibus, quæ æquè veloces in aëre esse videntur.

Sed pro clariori hujus rei evidentia supponamus validum Equum æquali velocitate currere, ac Canis aliquis venaticus, submergantur postea omninò ambo infra aquam, vel infra lutum, procul dubio major vis & robur Equi minùs impediri poterit à densitate aquæ vel luti, quàm Canis exigua vis impediatur, & propterea Equus demersus velociùs agitari, moveri, & currere poterit quàm Canis; licèt ergo

ergo medium lutosum debilem Canem magis impediatur, quàm robustum Equum, non tamen licet inferre quòd major vis motiva Equi celeriores motum producat in aëre, ablato impedimento luti, quàm Canis, cum æquè veloces supponantur.

De æquilibrium temporanea naturali velocitate gravium.

Demum notari debet quàm diversa sit constitutio duorum corporum gravium inæqualium in medio fluido magis aut minus denso & impediante, quàm in spatio prorsus inani; nam ibi, ut dictum est, grave unà cum medio fluido, in quo immergitur, libram quandam, seu siphonem constituit, & ideo prout efficitur æquilibrium vel mobile, superat vel deficit, à gravitate fluidi ambientis effici potest quies, aut ascensus, vel descensus; at in medio prorsus inani, ubi impedimentum æquilibrîi prorsus tollitur, non poterit ulla ratione unica illa naturalis velocitas corporis mobilis alterari retardarique.

Pr. 9. & 10.

Ad quintum argumentum nego primo loco, reperiri ullum corpus posse, quod in aliquo medio fluido pleno, licet tenuissimo & rarissimo, possit tanta velocitate moveri, quanta est illa, quam aliud corpus in vacuo habere possit; nam universè omnia corpora terrena æquè velocia sunt in spatio inani, ablatis omnibus impedimentis, ut mox ostendemus, igitur quodlibet eorum in medio pleno constitutum tardiori motu descendet, quàm quodlibet aliud in medio inani, tantum præcisè, quantum medium prædictum fluidum sua densitate impedit ejus naturalem motum, ergò non poterit reperiri aliud corpus, quod in vacuo æquali tarditate feratur, ac illud in pleno excurreret; neque hoc incredibile alicui videri potest, nisi iis, qui à falsa persuasionem præoccupati censent corpora inæqualia in vacuo inæqualibus velocitatibus moveri debere, quod falsum esse demonstrabitur.

Quinque respondetur.

Ad sextum, similiter Adversarii hallucinatio pendet ex falsa suppositione, quòd velocitates ejusdem mobilis habeant proportionem contrario respondentem resistentiis mediorum fluidorum, verum est majorem medii resistentiam magis velocitatem ejusdem gravis retardare, sed non tamen proportionaliter hujusmodi retardatio efficitur, ut supra demonstravimus; & hic mirari licet, quòd Adversarius, neglecta Galilei demonstratione, tantummodò assert novae difficultates, qui tamen tenebatur demonstrationem adductam redarguere, & ejus paralogsimum indicare, quod non præstitit.

Sexto argumento respondetur.

(Mm 2)

Ad

De æqui-
tempora-
nea natu-
rali velo-
citate gra-
vium.

Ad argumentum verò dico quòd supponendo plenum densius magis velocitatem mobilis retardare, quàm plenum rarum, pariterque posito, plenum ad vacuum nullam proportionem habere, non inde sequitur velocitatem, quam saxum in vacuo exercet, esse infinitè majorem illo impetu, quo in aqua moveretur, neque hanc velocitatem esse illa infinitè tardiores, posset enim habere proportionem finitam, propterea quod distantia inter resistantiam pleni, & nullam vacui resistantiam non est quid infinitum, sed mensuratur ab entitate finita pleni resistantis, qua supra nihilum, seu supra vacuum eminet, eodem modo, ac id, quod linea palmaris nihilum superat, vel supra id eminet, nil aliud planè est, quàm entitas finita ejusdem lineæ palmaris.

PROPOSITIO CCV.

Hoc posito, ostendemus velocitatem cujuslibet corporis gravis in vacuo esse finitam, & in tempore absoluti.

TAB. X.
Fig: II.

Si enim fieri potest mobile A in vacuo infinita velocitate BC moveatur, & quia non alia de causa in aëre corpus A tardiùs movetur, nisi quia aër pro mensura ejusdensitatis impedit, & retardat eam velocitatem, quam aptum natum est exercere idem corpus A, remotis omnibus impedimentis; estque aëris densitas finita, ideoque resistantia & retardatio erit quid finitum; sit illa BE, ergo ab absoluta & totali velocitate BC, ablata retardatione BE, remanebit velocitas EC, qua per aërem movebitur corpus prædictum; sed ab infinita velocitate BC, ablata finita velocitate retardationis BE, remanebit adhuc infinita velocitas EC, quare corpus A in aëre movebitur infinita velocitate EC, quod est absurdum; constat enim per aërem velocitate finita & temporanea moveri: quapropter in vacuo non movebitur infinita, seu instantanea velocitate, quod fuerat ostendendum.

PROPOSITIO CCVI.

Idem aliter confirmatur.

Et profectò cum hic non agatur de vacuo & pleno, quatenus vacuum & plenum sunt, sed quatenus motum impediunt; propterea

terea respectus seu proportio inter plenum & vacuum consideratur in ordine ad impedimentum, quatenus privatio & carentia impedimenti ipsius vacui nullam proportionem habet ad verum & reale impedimentum à medio pleno productum, sicuti inter nihilum & ens nulla datur proportio.

De æquitemporanea naturali velocitate gravium.

Videamus modò an velocitas ejusdem mobilis tantopere variari debeat in vacuo & in pleno, ut resultantes velocitates debeant infinitè inter se distare ac differre, quemadmodum carentia impedimenti, seu nihilum ad impedimentum ipsum reale nullam proportionem habet. Et procùl dubio quoad carentiam & privationem impedimenti pertinet, perindè est si mobile in vacuo feratur, ac si in aliquo fluido, quod ejus motum nil prorsus impediat nec retardet, & velocitatem ejus non imminuat præcisè, ut vacuum nil ei obsistit; hoc autem præstat æripse motus, & à vento agitatus ad easdem partes, versùs quas mobile fertur, qui præterea tanta velocitate ad easdem partes fugiat, quanta ab ipso mobile persequitur; tunc quidem, ut dictum est, nil prorsus ab aère fluente, seu vento illo secundo impeditur vel retardatur fluxus prædicti mobilis, & perindè se habet, ac si in vacuo moveretur.

Modò quia impedimentum reale, quod infert aër quiescens sua densitate motui ejusdem corporis ad nullum, seu ad privationem impedimenti aëris fluentis, seu venti secundi, (qui indiminutam ejus velocitatem non minùs ac vacuum excurrere finit) habebit eandem proportionem infinitam, seu eundem defectum proportionis, quam habet plenum ad vacuum (ex assumpto Peripatetico) ergo velocitas finita, & temporanea ejusdem mobilis in aère quiescente nullam quoque proportionem habebit ad velocitatem ejus in aère à vento secundo agitato, ideoque in ipso infinita & instantanea velocitate moveretur, quod est falsum, & contra experientiam. Hinc sequitur, quòd idem mobile, quod in aère stagnante quatuor gradibus velocitatis ferebatur, in vacuo postea, ubi nullum impedimentum ad est, non movebitur infinitè velociùs, & in instanti. Et ratio est, quia impedimentum mediù fluidi retardans mobilis velocitatem non habet infinitam energiam, sed est certi ac finiti roboris, & ideo infinitatem impetus, quam in vacuo exercere deberet, minimè destruere posset, nam eadem vis & energia infi-

De æqui-
tempora-
nea natu-
rali velo-
citate gra-
vium.

nita requiritur, ut quantitas finita in infinitum extendatur, ac è contrà requiritur ut linea verè infinita adeò decurratur, ut extensionem finitam acquirat; in utroque enim casu transitus & intercapedo infinita est, & propterea exigit infinitam virtutem.

Præterea eadem infinita intercapedo & carentia proportionis reperitur inter totale motus impedimentum, scilicet inter quietem, quam affert aqua descensui ligni, & impedimentum quod eidem affert ær quiescens, in quo aliquo gradu velocitatis movetur; quia verò quam proportionem habent velocitates ex adversario, eandem reciproce habere debent densitates mediorum fluidorum; distat verò inter infinitè quies à motu, igitur infinitè quoque distare deberent inter se reciproce densitates fluidorum, & proinde aqua infinitè densior aëre esset, sic enim nullam proportionem eorum densitates haberent, quod est omnino absurdum; ex quibus omnibus deducitur falsum esse Adversarii ratiocinium.

Postquam ostendimus naturalia corpora in vacuo moveri, non in instanti, sed in tempore debere, & præterea corpora inæqualitèr gravia non moveri secundum proportionem, quam habent eorum gravitates, debemus postremo loco ostendere, quod si omnia impedimenta, quæ dependent à medio fluido, in motionibus corporum gravium tolli possent, quod in spatio inani verificari posset, tunc planè omnia corpora inæqualitèr gravia specie & mole, quibuscunque figuris prædita, eodem tempore per idem spatium descendere deberent. Hanc admirabilem propositionem Galileus omnium primus protulit Dialogo primo de motu locali, & in suis Postillis nondum Typis excusis, eam tamen non demonstravit, sed conjecturis & probabilibus tantummodò rationibus confirmare conatus est; quia verò hujusmodi propositio usum habet in hac physices parte, quam præ manibus habemus; propterea operæ pretium duxi firmis demonstrationibus eam confirmare; ut autem hoc clarè, & perspicuè ostendi possit, præmitti & memorari debent aliqua principia lumine naturæ nota, quorum primum erit.

Repetun-
tur, &
præmit-
tuntur ali-
qua prin-
cipia nota,
aut alibi
ostensa.

Cui libet corpori gravi tributum ac assignatum fuisse ab ipsa natura gradum & periodum determinatum, præfixum ac invariabilem velocitatis, quo descendere deorsum valeat, quia nimirum principia & causæ motuum naturalium in iisdem corporibus eadem

De æqui-
tempora-
nea natu-
rali velo-
citate gra-
vium.

eædem omninò sunt, quæ suos effectus producere valent, qui non erunt vagi & indeterminati cum natura certa necessitate operetur, ergo fieri non potest, ut idem corpus ex sui natura, ablatis omnibus externis impedimentis, possit modò celerius, modò tardius, absque ulla regula per idem spatium eodemque tempore moveri, sed semper constanti ac invariabili progressu uniformiter accelerato migrabit.

I.

Motus ejusdem corporis gravis à consistentia medii fluidi impeditur & retardatur, prout resistantia major vel minor fuerit, contingit tamen ex accidenti, ut figura varia ejusdem corporis gravis majus aut minus impedimentum patiatur ab eodem fluido: constat enim experientia, quod aër & aqua magis obstitunt impediuntque transitum figuræ dilatatæ alicujus laminæ, minùs verò refragantur migrationi corporis acuminati.

II.

Hinc deducitur, quòd figura acuminata ejusdem corporis gravis omninò inutilis est, nec motum ejus facilem reddit, quando motus fieri debet in spatio prorsùs inani, non verò in medio fluido quiescente; propterea quòd vis motiva ejus naturalis nullam medii resistantiam superare debet, scilicèt neque medii fluidi quiescentis ibi non existentis inertiam aut gravitatem, contiguitatem, aut gluten superare debet, scilicèt quando nihil ei obstitit, nec ejus impetum aut progressum impedire & retardare potest.

III.

E contrà figura obtusa & ampla ejusdem corporis gravis nihil nocet, nec planè retardare potest motum ejusdem corporis gravis in vacuo, quia nimirum nihil ei resistit, neque enim inertiam medii fluidi quiescentis ibi non existentis superare debet, id è suo loco expellendo, neque ejus gravitatem, contiguitatem, aut gluten sua vi motiva vincere debet.

IV.

Cùm velocitates gravium cadentium non sint æquabiles, sed uniformiter acceleratæ, ideò, quando comparantur inter se gradus velocitatum duorum corporum descendantium, intelligi semper debent gradus initiales, scilicèt illi, qui ab eodem termino quietis temporibus æqualibus exercentur, & uniformi progressu crescunt.

V.

His præmissis demonstrari possunt sequentes Propositiones.

PRO-

De æqui-
tempora-
nea natu-
rali velo-
citate gra-
vium.

PROPOSITIO CCVII.

Corpora homogenea, commensurabilem proportionem habentia, æquè velociter descendant, ablati omnibus impedimentis.

TAB. XI.
Fig. 2.

De vi per-
cuss. c. 5.
axio. I.
ejusque
corollario.

Sint quælibet duo corpora homogenea A & B, quæ habeant quamcumque commensurabilem proportionem. Dico, quod ex sui natura, ablati omnibus impedimentis, hæc duo corpora æquali velocitate descendant, nempe eodem tempore T percurrent duo spatia D & E inter se æqualia. Reperiat corpus C homogeneum ipsis A & B, quod communis mensura sit eorum; hoc verò tempore T descendat spatium F; & quia duorum corporum similia-rium A multiplex est ipsius C, ergo æquè velocia erunt, nempe spatia D & F eodem tempore T exacta æqualia sunt inter se. Eadem ratione duo spatia E & F transacta eodem tempore T ab homogeneis corporibus B & C multiplicem proportionem habentibus, æqualia erunt inter se; unde sequitur quod duo spatia D & E excurfa eodem tempore T ab homogeneis corporibus A & B æqualia sint inter se, cum æquentur uni tertio F. Quare patet propositum.

PROPOSITIO CCVIII.

Qualibet corpora homogenea inter se inæqualia ex sui natura æquè velocia sunt.

TAB. XI.
Fig. 3.

Sint duo quælibet corpora homogenea A & B, quorum A majus sit quàm B; dico æquali velocitate descendere, ablati tamen omnibus impedimentis. Si enim hoc verum non est, majus corpus A descendat celerius, vel tardius, quàm B; & primò, si fieri potest, majus corpus A celeriori motu feratur, scilicet eodem tempore T, percurrat A majus spatium C, verum B pertranseat spatium minus E; sumatur aliud corpus G homogeneum ipsi A vel B, quod majus sit ipso A, sed commensurabilem proportionem habeat ipsi B, scilicet ejus partes sit. Erunt igitur (ex præced. Prop.) corpora G & B æquè velocia, scilicet eodem tempore T corpus G percurrat id ipsum spatium E, quod pertranseat corpus

pus B; est verò G majus quàm A, & ei homogeneous, ergo majus corpus G tardiori motu descendit, quàm corpus minus A, scilicet eodem tempore T corpus majus G pertransit minus spatium E, atque A percurrit spatium majus G, quod est contra hypothefim, debebat enim majus corpus celeriori motu ferri quàm minus, igitur falsa est positio.

De æquitemporanea naturali velocitate gravium.

Secundò, si fieri potest, eodem tempore T percurrat A minus spatium D, quàm F tranfactum à minori corpore B; & sumatur tertium corpus G homogeneous ipsis A & B, sed majus quàm A, quod partes sit ipsis B; patet corpora B, G æquè velocia esse, igitur eodem tempore T majus corpus G percurrit majus spatium F, dùm minus corpus A pertransit minus spatium D, quod est absurdum, & contra hypothefim; debuerat enim majus corpus minus spatium, seu tardiori velocitate excurrere. Quare corpus majus A, neque celerius, neque tardiùs descendet, quàm B, proindeque eadem velocitate feretur; quod erat &c.

PROPOSITIO CCIX.

Duo corpora heterogenea æquè gravia comprehensa ab æqualibus perimetris figurarum similium & æqualium; in eodem medio fluido æquè velocitèr descendant, si in ipso motu similiter disposita fuerint; idemque in vacuo continget.

Sint duo corpora heterogenea A & B æquè gravia, comprehendanturque ambo ab æqualibus superficiebus sphæricis, ut nimirum pila A sit lignea, & plena, altera verò B sit phiala vitrea, cujus pars extrema CD solida sit, comprehensa à duabus sphæricis figuris, pars verò intestina B sit excavata, & ab aëre repleta, dico, quod hæc duo corpora in eodem medio fluido aëreo v.g. æquali velocitate descendant.

TAB. XI.
Fig. 4.

Quoniam, ut dictum est cap. 2. hujus Operis, corpus, quod in fluido movetur, libram vel siphonem constituit cum ambiente fluido, cujus moles æqualis sit solido demerso; igitur sphæralis lignea A, & vitrum cavum B constituunt æquales libras in eodem fluido, propterea quod eorum moles æquales sunt, & ab æqualibus & similibus sphæricis figuris comprehenduntur estque excessus ponderis ligni A supra pondus fluidi ambientis æqualis

(Nn)

ex.

De æqui-
tempora-
nea natu-
rali velo-
citate gra-
vium.

excessui ponderis vitreæ phialæ B supra pondus ejusdem ambientis fluidi, cujus moles sibi ipsi æqualis est, igitur eodem excessu pondus ligni A, atque vitri B, superant pondus ambientis fluidi ejusdem molis, & proinde duo corpora A & B, æquè ponderantia, in eodem fluido, in quo feruntur, sunt; sed virtutes motivæ, quibus corpora A & B deorsum feruntur, nil aliud esse censentur ab Adversariis quàm energiæ ponderum eorum; ergo corpora A & B in eodem fluido habent æquales vires motivas, hæ verò ab eodem fluido æquè impediuntur, propter similitudinem & æqualitatem figurarum, igitur eorum effectus, scilicet velocitates, quibus deorsum feruntur, æquales prorsus inter se erunt.

In vacuo verò, quoniam duo corpora A & B comprehenduntur ab externis sphericis figuris similibus, & æqualibus, & supponuntur æquè gravia, igitur partes materiales, nempe eorum moles corporeæ, æquales sunt inter se, & proinde (ex Propos. 15. de Vi Percuss.) vires motivæ tam ligni A, quàm vitri excavati B, æquales erunt inter se, quia verò à vacuo, seu à nihilo prædictæ æquales virtutes motivæ non impediuntur, igitur effectus ab eis dependentes, nempe velocitatis eorum, æquales erunt inter se.

PROPOSITIO CCX.

Idem corpus grave, quancumque figuram habuerit, descendens in spatio vacuo eadem prorsus velocitate.

TAB. XI.

Fig. 5.

Sumatur idem corpus grave, scilicet massa ferrea unius libræ v. g. habeatque primò figuram pyramidalem vel conicam, cujus vertex in A, dum movetur, basim præcedat, in B verò ejus basis anteferatur; postea cylindricæ prolixæ longitudinis, & exiguæ basis, ut est C, vel basis dilatata, ut est D, efformetur: tandem eadem massa ferrea tornata sphaerulam, E efficiat, vel amplam sphaeram excavatam, aut armillarem F. Ostendendum est idem grave A, B, C, &c. in vacuo semper eadem velocitate descendere, scilicet æqualibus temporibus æqualia spatia pertransire. Quoniam virtus premens gravitatis causa est ejus motus deorsum, porro motus concipi non potest, quin aliqua velocitate fiat, scilicet

cet tempore determinato spatium certum percurrat, ubi verò una & eadem causa perseverat non variata, nec immutata, necesse est ut idem effectus, descensus nimirum nil prorsus variatus alteratusque subsequatur, ut nimirum cum certa & determinata velocitate fiat, igitur idem grave A, B, C, &c. unico & determinato gradu velocitatis moveri debet, quem scilicet determinato ejus ponderi, ac consistentiæ natura assignavit; nec figuræ varietas A, B, C &c. auget, aut diminuit ejus molem quantitatemque corpoream, & proinde pondus ejus non variat, nec alterat, igitur prædictæ diversæ figuræ ex sui natura non augent, nec minuunt effectum ejusdem prementis virtutis, qui quidem effectus est una & determinata velocitas. Videamus modò an figuræ varietas, licet gravitatem non variet, possit aliquo pacto impetum & celeritatem ejus alterare; & profectò hoc videtur impossibile, quia figuræ acuminatæ A, C, E in vacuo nil juvant, nec earum motum facilem celerioremq; reddunt, quandoquidem ibi nihil penetrari aut removeri è suo loco debet: pariterque figuræ amplæ ac dilatatæ B, D, & F nullum impedimentum ac remoram motu earum in vacuo afferunt, quia nimirum ibidem nil prorsus obstitit; igitur quælibet figura, sive acuminata, sive dilatata æquè commoda erit in vacuo, nec poterit alterare velocitatem, quæ eidem corpori gravi naturaliter competit. Quapropter idem grave quomodolibet figuratum eadem velocitate in vacuo descendet, quod fuerat. Aliter idem ostendetur. Quoniam corpora homogenea & æqualia, sed diversimodè figurata continent particulas homogeneas inter se æquales, & æquè veloces ex sui natura, ergo si ob figuras diversas inæqualibus velocitatibus descendunt integra corpora æqualia inter se, nec ab aliquo impedimento procùl dubio dependet, scilicet ab externo corpore fluido, in quo moveatur, vel ipsemet particulæ figuras varias componentes mutuò se impediunt in eorum descensu, sed neutro modo transitus impediri possunt, nam in vacuo non ad est fluidum impediens, & particulæ universam massam componentes, cum æquè veloces ex sui natura sint, non possunt sese mutuò retardare, neque accelerare, & proinde aggregata ipsa una & eadem velocitate deorsum ferentur in vacuo, quod fuerat ostendendum. Transfeo modò ad aliam Propositionem.

De æquitemporaneis naturalibus velocitatibus gravium.

De æqui-
tempora-
nea natu-
rali velo-
citate gra-
vium.

PROPOSITIO CCXI.

Si duo corpora æquè gravia absolutè moles inæquales habuerint, in vacuo æquè velociter descendant.

TAB. XI.
Fig: 6.

Sint duo corpora A & B æquè gravia absolutè, & moles ipsius B major sit mole alterius A, scilicèt sit massa plumbea A unius libræ, B verò sit lignea ejusdem ponderis, & proindè moles B major erit quam A; dico, quod hujusmodi corpora A & B in vacuo eadem velocitate descendant. Sumatur moles corporea E, quæ æquè gravis & homogenea sit ipsi A, scilicèt sit quoque plumbea, & ex ea fiat figura uniformiter excavata, ita ut externa ejus superficies sit omninò similis, & æqualis figuræ externæ ipsius B; quoniam substantia corporea plena ipsius E, nedum homogenea, sed prorsus æqualis est ipsi A, scilicèt unius libræ, erunt duo corpora A & E æqualia inter se, & æquè gravia, licèt diversas & inæquales figuras habeant, igitur A & E in vacuo æquali velocitate descendant. Postea quia duorum corporum B & E pondera absoluta æquantur ponderi ejusdem A, igitur illa æqualia sunt inter se gravitate absoluta, & à similibus, æqualibus, & similiter positis figuris comprehenduntur, ergo æqualibus velocitatibus, cum in pleno fluido, tum in vacuo, descendant, quare A & B æquè velocia ipsi E erunt, & ideò inter se.

PRO. 210.

PROP. 209.

PROPOSITIO CCXII.

Qualibet duo corpora inæqualiter gravia in vacuo æquè velociter descendant.

TAB. XI.
Fig: 7.

Sint duo corpora A & B, quorum A gravius sit quam B; moles verò ipsius A ponatur, vel major, aut æqualis, vel minor mole alterius B, scilicèt sint prædicta corpora ejusdem gravitatis specificæ, vel non, dummodò eorum pondera absoluta inæqualia sint. Dico in vacuo æquè velocia esse. Si hoc vero non est, descendet gravius corpus A celerius vel tardiùs, quam B; & primò, si fieri potest, moveatur gravius corpus A in vacuo majori celerita-

te,

te, quàm B, scilicet eodem tempore G pertranseat grave A majus spatium CD, corpus verò B minus ponderans, percurrat spatium CE minùs, quàm CD, concipiantur postea duo corpora A & B simul colligata, aut conjuncta, ut nimirum unum sine altero moveri nequeat, & sic connexa percurrant eodem tempore G spatium CF, quoniam tùm corpus A cùm B habent gradus certos ac determinatos velocitatum sibi à natura assignatos, qui per se omnino invariabiles sunt, nisi ab aliqua externa causa superveniente alterentur, & ex hypothefi gradus naturalis velocitatis ipsius A major est ea, quæ competit ipsi B; igitur validior & vehementior gradus velocitatis ipsius A promovebit urgebitque tardigradum mobile B, quod proindè cogatur celerius excurrere, quàm per se, & absque illa violentia latum fuisset. E contra, corpus tardius B remoram afferet velociori corpori A, quod proindè tardius in prædicto tempore movebitur; quapropter duo gravia A & B simul connexa, scilicet amborum aggregatum percurreret descendendo eodem tempore G spatium CF, minus quidem, quàm CD, sed majus, quàm CE, estque aggregatum ex A & B gravius, quam corpus A solitarium, igitur gravius corpus, nempe aggregatum ex A & B, percurreret eodem tempore G spatium CF minus quidem, quàm CD transactum à solitario corpore A minùs gravi, quod repugnat hypothefi; gravius enim in vacuo descendere debuerat velociori motu, quàm minùs grave. Non ergo fieri potest ut corpus gravius in vacuo celerius, quàm minùs grave feratur.

De æquità-
tempora-
nea natu-
rali velo-
citate gra-
vium.

De vi per-
cuss. cap. 5.
axio. 3.

Secundo loco sit gravius corpus A, si fieri potest, minùs velox, quam B, scilicet A percurrat minus spatium CE, sed B majus spatium CD eodem tempore G; & sicuti antea dictum est, duo corpora A & B simul connexa velociora erunt pigriore corpore A, & ideò corpus gravius, scilicet aggregatum ex A & B velocius descendet, quàm minùs grave A, quod rursus hypothefi repugnat, non igitur est possibile, ut corpus magis ponderosum in vacuo citius aut tardius descendat, quàm minùs grave; quare necesse est, ut ambo æquali velocitate in vacuo ferantur, quod fuerat demonstrandum.

Ibidem.

De æqui-
tempora-
nea natu-
rali veloci-
tate gra-
vium.

PROPOSITIO CCXIII.

Id ipsum aliter demonstrabitur.

TAB. XI.
Fig. 8.

Prop. 211.

Prop. 209.
& 210.

Sit corpus BC gravius quàm A; dico in vacuo eadem velocitate ambo descensura. Refecetur ex ponderosiori BC portio aliqua B æquè ponderans ac A, igitur licèt æquiponderantia corpora B & A inæquales moles habebant æquè velocia erunt in vacuo; præterea quia universum corpus BC, ejusque portio B sunt similia, & ejusdem gravitatis specificæ, & solummodò moles inæquales habent, scilicèt eorum absoluta pondera inæqualia sunt; igitur, ablati omnibus impedimentis, scilicèt in vacuo, eadem velocitate descendet integrum corpus BC atque ejus portio B: ostensa autem priùs fuere duo corpora A & B in vacuo æquè velocia, igitur corpus BC, atque A, erunt quoque in vacuo æquè velocia, quod erat demonstrandum.

Ex hisce Propositionibus deducitur, quod omnia corpora gravia, quomocumque inter se differant pondere, magnitudine, & figura, apta nata sunt ex sui natura deorsùm descendere pari velocitate, & hoc procùl dubio contingeret, quando nil prorsùs à medio fluido impedirentur, quod solummodò verificari posset in spatio prorsùs inani, ubi si festuca, vel pluma, & ingens massa ferrea ab eodem termino descensum inchoarent, semper pari passu, & æquabili motu excurrerent, neque aliquando ferrum festucam anticiparet. Propositio profectò admirabilis, quæ paradoxum censerì potuerat, cùm primùm à Galileo conjecturalibus tantummodò rationibus prolata fuit, quæ modò cum evidentia geometrica demonstrata fuerit, nullam ansam dubitandi relinquit.

Qua ratione motus gravium à mediis fluidis plenis inæqualitèr veloces reddantur.

CAPUT XI.

Postquam ostensum est, corpora omnia gravia ex sui natura æquè velocia esse, restat modò ut inquiramus quomodò, & quare

quare gravia, quæ in mediis fluidis moventur, habent velocitates inæquales; hanc physices & mechanices partem hæctenus desideratam pro viribus supplere tentabimus.

Gravia
in fluido
velocitati-
bus inæ-
qualibus
ferri debe-
re.

PROPOSITIO CCXIV.

Fluida homogenea è fistulis aequè latis, & perpendicularitèr erectis ad horizontem, fluunt velocitatibus in subduplicata proportionè longitudinum fistularum, si tamen semper fistula repleta sint eodem fluido.

Et priùs necesse est observare, atque examinare, qua ratione, & quibus velocitatibus fluida in fistulis, seu siphonibus moveantur. Si enim sumantur duæ fistulæ, quarum cavitates & orificia æqualia sint, & in ambabus continenter repletis fluidum idem exeat aqua v.g. dum fistulæ erectæ ad planum horizontale sunt, in quo orificia existunt; tunc ex utroque orificio defluunt aquæ moles, temporibus æqualibus, non in eadem proportionè, quam habent altitudines, ut experientia docet, sed in subduplicata, nempe si altitudo longioris fistulæ quadrupla fuerit altitudinis alterius, tunc velocitas, qua aqua defluit ab orificio longioris, non est quadrupla, sed dupla tantummodò ejus velocitatis, qua aqua egreditur ex infimo brevioris fistulæ orificio. Hinc deducitur, quod prædicta fluida in fistulis erectis inæqualium longitudinum, eandem prorsùs naturam habent, quam funependula, quorum proprietates alibi exposuimus.

PROPOSITIO CCXV.

Fluxus aqua intra fistulam velocior est circa axim, quam propè internam cavam superficiem ejus.

Sed antequam ulteriùs procedamus, animadvertendum est, quod aqua velociùs fluit deorsum in medio cavitatis fistulæ, seu circa ejus axim, quàm versùs superficiem ejus cavam; propterea quod, ut supra dictum est, gluten ipsius aquæ, quæ superfici ei asperæ internæ fistulæ adhæret magis retardat descensum & fluxum aquæ, quam

Gravia in
fluidis ve-
locitati-
bus in-
æqualibus
ferti de-
bere.

quàm in intermedia parte cavitatis fistulæ, ubi insensibili tenacitate aquæ particulæ vicissim impediuntur, & hoc evincitur duplici experimento; primò, quia in supremo strictæ fistulæ orificio excavatur ejus superficies ad modum scutellæ, è contra in egressu fluidi superficies aquæ ad modum conoidis, seu monticuli turgidi decorum exporrigitur, quod minimè fieri posset, nisi partes aquæ intermedie faciliùs fluerent, quàm partes collaterales internæ superficiei fistulæ proximæ, & adhærentes, quæ ut diximus, à stabilitibus asperitatibus fistulæ retinentur aliquo pacto, & suspenduntur, ideoque impeditur fluxus earum.

PROPOSITIO CCXVI.

Quare aqua post egressum è fistula in aëre subiecto non dissipatur, sed sensim restringitur quousque disrumpatur rationem reddere.

Postquam fluidum ab infimo orificio fistulæ in aëre liberè effluere incipit, concipi debet, quod quælibet superficies, seu laminula prædicti fluidi perducitur ad aërem liberum eo gradu velocitatis, qui dependet à longitudine prædictæ fistulæ, seu penduli, idemque dicendum est de reliquis omnibus subsequenter aquæ laminulis, cum ad aëris confinium perducuntur; deberet ergo integra laminula aquæ egressa divelli separarique à superficie alterius aquæ laminulæ, quæ eam subsequitur, & secundo loco è fistula egreditur in aëre libero; ratio est, quia prima laminula dum excurrit pertransitque in aëre spatium æquale crassitie ejus in dato aliquo tempore, necessariò gradum aliquem velocitatis majorem acquirit, correspondentem motui & tempori prædicto; sed in simili constitutione secunda aquæ laminula in egressu è fistula caret illo gradu velocitatis, quem acquisivit prima laminula, igitur in secundo tempore illi æquale prior laminula percurreret spatium triplum ejus, quod priùs pertransierat, & ejus quod secunda laminula excurrere debet, quia nimirum in secundo illo tempore moveretur duplo vehementiori gradu velocitatis, quàm subsequens laminula descendit; sed ab initio prædictæ duæ laminulæ contiguae inter se erant, igitur in secundo tempore divelli ac separari ab invicem

tem deberent; quod cum non contingat, procùl dubio ad erit aliqua causa, à qua colligatae retinentur; & hæc profectò erit gluten, & viscositas illa exigua superius declarata, qua partes ejusdem fluidi ad invicem adhærent & vinciuntur. Cum verò prædictæ partes aquæ effluxæ à fistula inæqualibus velocitatibus moveantur, & nihilominus non possint ab invicem divelli separarique, sequitur illa attenuatio & gracilitas, quæ in aqua post egressum fistulæ observatur, & propterea prædicta aqua magis & magis acuminatur, gracilescitque. Sed hic jam reddi debet ratio, quare in progressu prædicta aqua fluens, postquam ad aliquam exiguam gracilitatem redacta est, postea disrumpitur in plures partes & guttulas; & hic dicendum est, quod vis & energia prædicti glutinis, cum sit exigua, non potest tandem resistere vehementiæ velocitatis continuò auctæ in ipso aquæ descensu, & hæc proinde poterit disrumpere unionem illam aquæ, qua priùs ferebatur, eo in loco ubi gluten ab aliqua causa externa debilitatum fuerit, aut cursus velocitas variatur, retardaturque ab externo impedimento.

Quia verò ad rem nostram nil confert motus aquæ fluentis in aëre extra fistulam, propterea relicta hac digressionem, reliqua symptomata aquæ fluentis in fistulis declarari debent.

PROPOSITIO CCXVII.

E fistulis inæqualiter amplis, & æquè altis, quarum infima ostiola horizontalia aequalia sint, æquè velociter aqua moles aquales effluunt.

Et primò animadvertendum est, quòd in prædictis fistulis orificia infima perpendicularia ad directionem fluxus liquoris è fistula egredientis tantummodò consideranda veniunt, & nil refert an internæ cavitates ampliores sint orificiis ipsis (non enim hic agimus de fistulis infernè dilatatis ad instar coni;) quandoquidem ratio haberi debet illius portionis aquæ, quæ deorsum fluit, non verò illius, quæ in quiete consistit, ut v. g. si fuerit fistula aliqua vitrea ad horizontem perpendicularis, & puteus æquè altus, in cujus fundo aperiatur foramen prorsus æquale infimo fistulæ foramini, tunc aqua ab orificio putei profluit eadem ferè

(O o)

ve-

Gravia in
fluido ve-
locitati-
bus inæ-
qualibus
ferri debe-
re.

Gravia in
fluido ve-
locitati-
bus inæ-
qualibus
ferri debe-
re.

velocitate, & æquali mole, ac ex illa fistula vitrea æquè plena egreditur, propterea quòd in aqua putei concipi debet fistula perpendiculariter horizonti erecta ab infimo foramine usque ad summitatem aquæ, & solummodò prædicta aqua in fistula imaginaria contenta fluit, reliqua verò collateralis innititur sustentaturque à fundo impenetrabili, & firmo ipsius putei, à quo aquæ fluxus perpendicularis impeditur, & ideo perindè aqua excurrit perpendicularitèr, ac si in fistula vitrea contineretur. Verum tamen est, quòd superficies dura interna fistulæ vitreæ magis suis asperitatibus impedit effluvium aquæ, quàm parietes aquei in imaginaria illa fistula putei, & hæc est ratio quare in angustissimis fistulis & canalibus tenuissimis aqua nedùm tardè defluit, sed aliquando omninò ejus motus & casus impeditur, ut superiùs declaravimus.

PROPOSITIO CCXVIII.

In eisdem fistulis inæqualitèr ad horizontem inclinatis velocitates aqua fluentis subduplicatam proportionem habent, non longitudinum, sed sublimitatum perpendicularium earum.

Postea si eædem duæ fistulæ inæqualitèr ad horizontem fuerint inclinatæ, fluxus ejusdem fluidi in eis fient velocitatibus subduplicatè proportionalibus, non quidem longitudinibus earum, sed verticalibus altitudinibus; propterea quod demonstrarunt Galileus, & Torricellius, quòd si idem mobile feratur per planum inclinatum, & verticale, ita ut ambo eandem elevationem habeant, si tamen initium utriusque motus à quiete fiat, in fine utriusque descensus, acquireret mobile eundem gradum velocitatis. Hinc constat, quòd in duabus fistulis, inæqualitèr ad horizontem inclinatis, velocitates, quibus idem fluidum ab infimis orificiis egreditur, correspondere quidem debeant, non longitudinibus fistularum, sed earum elevationibus.

Galil. de
motu gra-
vium de-
scend. lib.
2. scol. pr.
2. & Tor.
lib. 1.
prop. 5.

PROPOSITIO CCXIX.

Gravia
in fluido
velocitati-
bus inæ-
qualibus
ferri debe-
re.

Velocitates, quibus aqua egreditur ab infimis fistularum orificiis, illæ eadem sunt, quibus eadem aqua intra cavitates canalium movetur.

Quia semper æqualibus temporibus æquales aquæ moles ab infimo ejusdem fistulæ orificio egrediuntur, & propterea una & eadem velocitate determinata ab ejus summa altitudine aqua fluit, (si tamen semper fistula repleta supponatur;) ergo æqualibus temporibus tanta aquæ moles supernè infunditur, quantà inferiùs ab eadem fistula egreditur, quare in progressu motus intra fistulam eadem velocitatem aqua excurrit, quæ infernè egreditur, cùmque hæc velocitas ab altitudine casus, seu longitudine penduli, vel fistulæ determinetur, igitur velocitas aquæ intra canalem fistulæ semper eundem gradum habet, æqualem, scilicet ei, qui fistulæ longitudini competit. Postea, ut subsequentes Propositiones demonstrari commodiùs possint; Primò supponendum est ut evidens, quòd ab eodem fistulæ orificio, perpendicularitèr tamen erecto ad directionem aquæ fluentis, duæ moles æquales aquæ æqualibus temporibus egressæ necessariò æqualibus velocitatibus egredi debent; & è converso si velocitates æquales fuerint, paritèr moles aquæ æqualibus temporibus effluxæ erunt quoque inter se æquales. Unde colligitur, quòd velocitate dupla eodem tempore paritèr dupla moles aquæ ab æquali foramine egreditur, idemque dicendum est de qualibet æquè multiplici proportionem: paritèrque si velocitas partes fuerit alterius velocitatis, paritèr moles aquæ ab æqualibus foraminibus eodem tempore egredientes eandem proportionem commensurabilem habebunt, quam habent earum velocitates.

Supp. 1.

Supp. 2.

Non secùs si ab eodem foramine eadem velocitate egrediantur duæ moles aquæ æquales, tempora quoque effluxuum erunt inter se æqualia, & è converso. Idemque dicendum est si tempora atque moles aquæ eadem velocitate dilapsæ habuerint quamlibet proportionem æquè multiplicem, vel earundem partium. His præmissis.

(O o 2)

PRO-

PROPOSITIO CCXX.

Gravia in
fluidis ve-
locitati-
bus inæ-
qualibus
ferri de-
bere.

Si ex æqualibus fistularum orificiis temporibus æqualibus duæ aquæ moles defluant inæqualibus velocitatibus, erunt aquæ moles proportionales velocitatibus.

TAB. XII.
Fig. 1.

Ex præce-
denti pri-
ma suppo-
sitione.

Nostr.
T. I. resti-
tuo lib. 3.
Prop. 13.

Sint fistulæ AB, & CD, quarum orificia infima B & D sint æqualia, & eorum plana non sit obliquè inclinata ad directionem motus, quo aqua ab eis defluit, sed eisdem directionibus perpendiculares sint, (& hoc intelligatur in omnibus subsequentibus Propositionibus,) defluat postea moles aquæ R ex AB velocitate M tempore T, & eodem tempore minor moles aquæ S decidat ex CD velocitate N. Ostendendum est, molem aquæ R ad S eandem proportionem habere, quam velocitas M ad N. Sumantur alia velocitas H, & altera moles aquæ O, hac lege, ut H ipsius N, nec non O alterius S quælibet & eadem partes sint. Patet, quòd eodem tempore T ex foramine æquali ipsi B velocitate H fluat moles aquæ O, dum ex D velocitate N fuit aquæ moles S; & siquidem velocitas H æquales est velocitati M, egredientur eodem tempore ex B prædictis duabus velocitatibus H & M duæ æquales moles aquæ O & R; si verò moles O fluat eodem tempore velocitate H majori quam M, erit quoque aqua O major quàm R, & si velocitas H minor fuerit quàm M, erit etiam moles aquæ O minor quàm R, cum eodem tempore ex foramine B fluant; quia verò sunt quatuor quantitates M, N, R, S, & sumuntur duæ aliæ quantitates H & O, habentes quamlibet & eandem commensurabilem proportionem consequentibus N & S; suntque unà æquales, vel unà majores, aut minores antecedentibus ordinatæ, igitur M ad N eandem proportionem habebit, quam R ad S.

PROPOSITIO CCXXI.

Gravia in
fluidis ve-
locitati-
bus in-
æqualibus
ferri de-
bere.

*Ex eisdem fistulis temporibus aequalibus fluent aquæ moles sub-
duplicatam proportionem habentes altitudinum earum.*

Sint duæ inæquales fistulæ AB major, & CD minor perpen- TAB. XII.
dicularitèr ad horizontem erectæ, eorum foramina infima B & Fig. 2.
D æqualia sint inter se, & semper fistularum plenitudine perse-
verante, eodem tempore T egrediatur ex foramine B moles
aquæ R, at ex foramine D alia moles aquæ S, & secetur altitu-
do EB media proportionalis inter altitudines AB, & CD;
patet AB ad EB proportionem subduplicatam habere ejus,
quam habet AB ad CD; dico, quòd moles aquæ R ad mo-
lem S eodem tempore T dilapsam eandem proportionem habe-
bit, quam altitudo AB habet ad BE. Sit M velocitas, quæ com-
perit longitudini fistulæ AB, & sit N velocitas fistulæ CD; Pro. 274.
quoniam velocitas M aquæ fluentis per orificium B, plenitudine
ejus perseverante, ad velocitatem N aquæ fluentis per orificium
D, æquale ipsi B, subduplicata est ejus, quam habent fistula-
rum altitudines AB & CD, ideoque velocitas M ad N erit ut
AB ad BE, sed moles aquæ fluentes eodem tempore per orifi-
cia æqualia B, D eandem proportionem habent, quàm eorum
velocitates, ergo moles aquæ effluxa R, ad molem S, eodem Prop. 220.
tempore T, eandem proportionem habebit, quam altitudo AB
ad EB, quod fuerat ostendendum.

PROPOSITIO CCXXII.

*Ab eadem fistula duæ moles aquæ inæquales egressæ eandem pro-
portionem habent, quam tempora excursuum.*

1014
1015

Ab orificio B ejusdem fistulæ AB egrediatur moles aquæ R TAB. XI.
tempore T, moles verò aquæ S tempore V; dico molem R ad Fig. 9.
S eandem proportionem habere, quam tempus T ad V, quia, per-
severante eadem altitudine fistulæ AB, ab orificio ejus B æquè am-
plo unà & eadem velocitate M aqua semper fluere debet, & Ibidem;
(O o 3.) sumpt-

Gravia in
fluido ve-
locitati-
bus inæ-
qualibus
ferri de-
bere.

sumptis, ut antea, H & O, quæ eædem, & quælibet partes sint temporis V, & molis aquæ S, concludetur, quod ut tempus T ad V, ita erit moles aquæ R ad S.

PROPOSITIO CCXXIII.

Si duæ fistulæ inæqualiter alta habuerint orificia aequalia, atque ex eis egrediantur moles aquæ æquales, tempora effluxuum habebunt subduplicatam proportionem reciprocam altitudinum fistularum.

TAB: XII
Fig. 3.

Sit altitudo fistulæ AB major quàm CD, & eorum orificia B, D æqualia, & ex B egrediatur moles aquæ R tempore T, ex D verò profluat moles aquæ S æqualis ipsi R tempore V, & ut priùs, sit BE media proportionalis inter AB & CD; dico tempus V ad T eandem proportionem habere quàm EB ad CD, sit moles aquæ X

Prop. 221.

illa, quæ defluit ab orificio D eodem tempore T, igitur ut moles aquæ R ad X, ita erit altitudo EB ad CD; postea quia ab eodem orificio D fistulæ CD exeunt duæ moles aquæ X & S temporibus

Prop. 222.

T & V, igitur ut tempus V ad T, ita se habet moles aquæ S ad X: sunt verò moles aquæ R & S ex hypothesi æquales, igitur ad eandem molem X eandem proportionem habent; est verò EB ad CD ut R ad X, atque V ad T ut S ad X; igitur altitudo EB ad CD eandem proportionem habebit, quàm tempus V ad T.

PROPOSITIO CCXXIV.

Duæ moles aquæ eodem tempore egredientes ex orificiis inæqualibus fistularum æqualium altitudinum, æqualibus velocitatibus fluent; at earum moles eandem proportionem habebant, quàm orificia.

TAB: XII.
Fig. 4.

Sint duæ fistulæ AB & CD ejusdem altitudinis, sed orificium infimum B minus sit alterius orificio D, atque eodem tempore T fluat ex B moles aquæ R, ex D verò ruat moles aquæ S; dico eas paribus velocitatibus per fistulas excurrere, at moles aquæ R ad S eandem proportionem habere, quàm amplitudo foraminis B ad spa-

spatium foraminis D. Quia ob altitudines æquales fistularum AB & CD fluxus aquæ æquales velocitates habent; moles verò earum æqualibus velocitatibus, & eodem tempore per orificia inæqualia B & D fluunt; igitur, ut amplitudo foraminis B ad amplitudinem D, ita se habet moles aquæ R ad molem S.

Gravia in fluido velocitatibus inæqualibus ferri debere.

His præmissis, ut velocitates, quibus corpora ejusdem gravitatis specificæ ascendunt vel descendunt in fluido, dignoscere valeamus, primo loco accuratius inquirenda est structura, & mechanica operatio siphonis & libræ, quam solidum cum fluido collaterali, in quo ascendit vel descendit, constituit.

Castell. de mensura aquæ currentis l. 1. axiom. 4.

PROPOSITIO CCXXV.

Cylindrus solidus cum aequali mole aquæ ambientis libram circumlarem & siphonem tubicum constituit, cujus orificium æquale est basi cylindri solidi, & libræ fulcimentum est terminus circularis fluidum à solido separans, quæ motibus contrariis agitantur.

Et procedendo ad libræ seu siphonis in corporibus natantibus structuram, intelligatur vas amplum aqua plenum RSTX, in eoque demergatur corpus solidum & consistens (cylindricum facilitatis gratia) ABCD, quod minus grave sit in specie ipsa aqua; & quia prædictum solidum non potest sursùm elevari, nisi prius incumbens aqua AKLD è suo loco expellatur, & infernè recurrat ad replendum locum BC, à prædicto solido derelictum, igitur undique per omnia ejuslatera AB & DC aqua ambiens deorsùm fluere debet, & propterea efficitur non unicus siphon, sed innumeri, vel potius efficitur siphon rotundus, cujus pars externa aquea AFCH rubum excavatum constituit, pars verò interna solida AB CD est reliqua siphonis pars, quæ sursùm ascendit, dum aqua per tubicum siphonem deorsùm fluit. Et licet pateat sensu, in vasis amplis non totam aquam collateralem descendere, dum lignum elevatur, sed tantummodò partem aliquam ejus exiguam adhærentem ambientemque cylindrum AC, quod apertè dignoscitur in aqua turbida, ita ut reliqua aqua quiescens officium vasis suppleat, non tamen evidens est tubum aqueum AFCH, siphonem constituen-

TAB. XII.
Fig. 5.

Gravis in
fluido ve-
locitati-
bus inx-
qualibus
ferri de-
bere.

tuentem, præcisè æqualem esse ligneo cylindro AC; ideò hoc ratione suadere conabimur. Quia tantundem solidum AC sursum ascendit, quanta est moles aquæ, quæ è supremo loco expellitur, & quanta est illa, quæ infernè decurrit ad replendum spatium derelictum, scilicèt dum lignum ab AD usque ad KL movetur, expellit è supremo loco cylindrum aqueum AKLD, hæc verò aqua antecedentem urgendo fertur ad replendum spatium derelictum à basi BC, non secùs ac in rota solida, vel in siphone circulari contingit. At aqua AKLD discedit è supremo loco certa ac determinata velocitate, ea scilicèt, qua cylindrus AC ascendit: ergò quando eadem aqua transportatur lateralitèr deorsum ab AG versùs FB, non videtur ferri debere minori aut majori velocitate, quam priùs conceperat possidebatque in suo discessu è supremo loco KD, cum non impediatur nec impellatur à collateralis aqua vasis æquilibrata, neque à subiecta, quæ sponte sua virtutè excessus sui momenti in ipso siphone defluit. Si igitur eodem tempore fluidum & solidum æqualia spatia percurrunt in siphone, illud sursum ascendendo, hoc verò deorsum descendendo, erunt profectò æqualia inter se, hoc enim minimè verificari posset, nisi siphonis canales essent æquales. & æquè ampli, unde deducitur, quod orificia siphonum, solidi nempè & fluidi, scilicèt amplitudine aquæ fluentis sit æqualis amplitudini solidi elevati.

Ut verò fulcimentum prædicti siphonis reperiatur, concipi debet radius physicus aquæ excurrentis, & cylindri solidi FE, & in loco ejus intermedio B distinguens aquam à ligno cadet fulcimentum prædictæ libræ, quia scilicèt super bases æquales BE & FB insunt moles æquales ligni nempè BEQA, & aquæ FBAG, quæ æqualibus motibus inter se contrariis moventur, tantundem enim solidum ascendit, quantum aqua collateralis deprimitur: & siquidem solidum ejusdem gravitatis specificæ ac aqua fuerit, tunc perindè est ac si portio aquea FBAG esset ejusdem substantiæ ac lignum BEQA, vel è contra lignum esset aqua, & tunc patet, quod centrum gravitatis aggregati ex ligno & aqua collateralis ei æquali insistet præcisè perpendicularitèr super libræ centrum, seu fulcimentum B, & ideò nulla ratio suadet, quod prædictum æquilibrium alteretur, & proindè neque lignum ascendet, neque aqua deprimitur, vel è contrà, sed in eodem situ intra fluidum fixè per-

persistat. Si verò lignum minùs grave specie fuerit, quam aqua <sup>Gravia in fluido veloci-
tati-
bus in-
qualibus
ferri de-
bet.</sup> collateralis, tunc patet, quod centrum communis gravitatis solidi & fluidi non insistet, ut priùs, perpendicularitèr supra fulcimentum B libræ subiectæ, sed cadet ultra ipsum versùs F, & tunc juxtà naturam penduli libram FE flectetur, vel potiùs in siphone aqua descendet, & lignum elevabitur.

Id quod dictum est de radio physico, seu sectore FE, dicendum est de reliquis omnibus partibus, tùm aquæ ambientis, cùm cylindri lignei, undè constituuntur innumeræ libræ, seu potiùs libra superficialis, cujus fulcimentum est circuli periphæria radio EB descripta.

Et hoc semper verum esse videtur in vasis amplis, si tamen solida ascendunt figuram oblongam, & æquè crassam habuerint, scilicet si fuerint prismata vel cylindri, in figuris verò conicis, vel incurvatis, varietas aliqua reperitur, ut inferiùs patebit.

PROPOSITIO CCXXVI.

E contra, in vasis valdè restrictis & angustis amplitudo siphonis aquei solidum ambientis & deorsum fluentis minor esse debet basi ejusdem solidi, sed contrario ordine respondere debent suis velocitatibus.

Pro cujus intelligentia supponatur fistula, seu strictum vas vitreum cylindricum RSTX, aqua plenum, & in eo immergatur ligneus cylindrus ABCD, cujus basis semidiametri QA quadratum majus sit rectangulo KDL, tunc enim constat, quod basis circulus AD major est zona circulari KLDA, & propterea amplitudo siphonis aquæ fluentis minor erit amplitudine cylindri solidi ascendentis; quia verò tantundem cylindrus solidus in aqua ascendit quanta est moles aquæ AGHD è supremo loco expulsa, igitur ut summitas cylindri AD perpendiculari motu feratur ad locum GH, oportet ut cylindrus aqueus AGHD è suo loco expellatur, cujus basis æqualis est ipsi AD; ut verò prædicta aqua superna deorsum feratur oportet, ut per angustias laterales excurrat, & eodem tempore, quo aqua AGHD è supremo loco expellitur, occupabit

(P p)

col-

TAB. XII:
Fig. 6.

Gravia in
fluido ve-
locitati-
bus inæ-
qualibus
ferri de-
bere.

Internæ fi-
stulæ aspe-
ritates
motum cy-
lindri re-
tardare
possunt.

collaterale spatium cylindricum excavatum AKOPLD, cumque prædictus tubus aqueus æqualis sit prædicto cylindro aqueo AG HD, oportet ut eorum bases reciproce altitudinibus proportionales sint; quam ergo proportionem habet basis tubi aquei KLDA ad basim AD cylindri aquei AH, eandem habebit hujus altitudo AG ad illius altitudinem KO, scilicet eandem proportionem habebit ascensus, seu velocitas cylindri lignei AC ad fluxum, quo deorsum descendit aqua in siphone tubico. Patet ergo, quod angustia vasis talis esse potest, ut velocitas fluxus aquæ deorsum centies & millies major sit celeritate, qua cylinder solidus ascendit. Ex quo proinde sequitur, quod si velocitas fluxus aquæ deorsum determinatur ab altitudine siphonis AB, scilicet si prædicta velocitas est unius & determinati gradus, ut consentaneum est, oportet ut tanto tardiori motu ligneus cylindrus in aqua ascendat, & hoc bellè ab ipsa experientia confirmatur. Sed præterea videtur quoque ab alia causa velocitatem ligni ascenditis retardari debere, nempe ab asperitatibus internæ superficiei vasis, quatenus aquæ particulæ non omnino glutine privatæ, ut dictum est, non facile per prædictas angustias & asperitates fluere possunt, & proinde multò magis ligni ascensum retardare valent.

His præmissis inquirendæ modò sunt velocitates, quibus cylindri inæquales in aqua ascendunt.

Et primo loco philosophicus candor exigit, ut fatear me non primùm hasce speculationes animadvertisse, sed monitum & excitatum fuisse ab Amico Antonio Oliva, Viro profectò perspicacissimi & ignei ingenii, is enim in Academia Experimentalis Mediceæ nonnulla experimenta ad hanc rem attinentia protulit, quibus confirmare conabatur, quod velocitates corporum in fluido descendentium vel ascendendum eandem proportionem habent, quam eorum altitudines; verum fundamenta & ratiocinia, quibus ejus opinio fulciretur, hætenus mihi ignota & recondita sunt, propterea non verebor novas has speculationes, quæ meæ omnino sunt edere, & Doctiorum judicio exponere.

PROPOSITIO CCXXVII.

Gravia in
fluidis ve-
locitati-
bus inæ-
qualibus
ferri de-
bere.

Si fuerint duo cylindri homogenei in aqua demersi æqualium basium, & inæqualium altitudinum, semperque eorum latera perpendicularia sint ad horizontem, tempora, quibus æqualia spatia ascendendo vel descendendo percurrunt, eandem proportionem reciprocam habebunt, quam sub duplicata ratio altitudinum fuerit.

Sint ergo duo cylindri homogenei primò aqua leviores ABC & DEF, scilicet ex eodem ligno facti, quorum basis BC & EF æquales sint, altitudo vero AB major sit quàm DE, & inter AB & DE fiat media proportionalis GB, sintque vasa ampla, & semper cylindri infra aquam demersi retineant eorum latera perpendicularitèr ad horizontem erecta, (& hoc in sequentibus quoque supponatur) si spatia æqualia X & Z sursùm ascendendo percurrerint AC quidem tempore T, & DF tempore V; dico tempus V ad T esse ut AB ad GB; quia per æqualia spatia X & Z in aqua elevantur solida AC & DF, ergo suis æqualibus basibus expellunt è locis supremis æquales cylindros aqueos, & hæ æquales aquæ moles deorsùm infra per siphones tubicos excavatos æquè crassos, scilicet æqualium basium, propterea quod bases BC & EF æquales sunt inter se, igitur ex siphonibus tubicis inæqualium altitudinum habentibus orificia, seu bases æquales defluunt duæ aquæ moles inter se æquales, sed natura prædictorum siphonum exigit, ut tempus V, quo data moles aquæ profluit ab orificio infimo siphonis ambientis cylindrum DF ad tempus T, quo moles aquæ illi æqualis defluit ex æquali orificio siphonis ambientis cylindrum AC, eandem proportionem habeat, quam altitudo GB ad DE, & in prædictis temporibus tantundem elevantur cylindri, quantæ sunt moles aquæ ex utrisque siphonibus effluxæ: igitur tempus V, quo solidum DF elevatur ad tempus T sublimationis solidi AC, eandem proportionem habebit, quam altitudo GC ad altitudinem DE.

TAB. XII.
Fig. 8.

Prop. 223.

Secundò sint iidem cylindri aqua graviores; similiter æquales aquæ moles sursùm fluunt per siphones tubicos æquè crassos, & descendunt cylindri AC & DF; ergo (ex Prop. 223.) tempus V ad tempus T erit ut altitudo GB ad DE, quod erat &c.

(Pp 2)

P R O -

Gravia in
fluido ve-
locitati-
bus inæ-
qualibus
ferri de-
bere.

PROPOSITIO CCXXVIII.

Isdem datis, si ascensus, vel descensus fiant æqualibus temporibus, spatia ab eis exacta habebant subduplicatam proportionem altitudinum.

TAB. XII.
Fig. 7.

Eodem tempore T primo solidum AC ascendendo percurrat spatium X, atque solidum DF pertranseat spatium Z; dico, quod spatium X ad Z eandem proportionem habebit, quam GB ad DE; quia eodem tempore T per orificium siphonis ambientis cylindrum AC, cujus foramen æquale est basi BC, defluit cylindrus aqueus, cujus basis æqualis est ipsi BC, altitudo verò X, quantum scilicet ascendit prædictus cylindrus, atque tempore T per siphonem ambientem cylindrum DF, cujus foramen æquale est EF, seu BC, defluit cylindrus aqueus sub eadem basi & altitudine Z contentus; igitur moles aquæ defluxa ex priori cylindro altiori ad molem aquæ egressam ex minori cylindro, scilicet altitudo X ad Z subduplicatam proportionem habebit altitudinis AB ad DE, & proinde spatium X ascensus cylindri AC ad spatium Z elevationis cylindri DF eodem tempore T eandem proportionem habet, quam altitudo GB ad DE; quod erat &c.

Secundò sint cylindri AC, DF aqua graviores; ostendetur (ex Prop. 221.) quod descensus X ad descensum Z, eodem tempore T factum, est sicuti altitudo GB ad DE, & hoc erat, &c.

PROPOSITIO CCXXIX.

Postea si duo conii homogenei bases æquales & inæquales altitudines habuerint, & verticibus sursum vergentibus, ita ut axes eorum semper inter se æquidistantes sint, & infra aquam existentibus percurrant ascendendo vel descendendo spatia æqualia; tempora contrario ordine respondebunt subduplicata proportioni altitudinum.

TAB. XIII
Fig. 1.

Sint duo conii ejusdem materiei ABC, DEF, sed primò aqua leviores, eorum bases BC & EF æquales sint, altitudo verò illius major sit hujus altitudine, inter quas ponatur GB media propor-

portionalis; tendant verò ambo fursùm præcedendo vertices A & D, ut eorum axes paralleli sint, percurrantque ascendendo spatia æqualia AH & DN, nempe ABC tempore T, at DEF tempore V; dico tempus V ad tempus T esse ut GB ad DE; quia æqualia spatia percurrunt fursùm ascendendo solida ABC, DEF, ergo suis basibus æqualibus derelinquunt spatia æqualia, & æquè alta IBCK & OEFP, & ibidem fluere debent æquales aquæ moles cono ambientes, quæ è supremis locis expelli debent, excurrunt verò prædictæ aquæ moles per siphones, non quidem ad horizontem perpendiculares, sed inclinatos, prout superficies conorum inclinantur, habentque siphonis orificia ferè æqualia ILOM, & eorum altitudines inæquales, ergo duæ moles aquæ æquales defluunt temporibus reciproce proportionalibus subduplicatæ rationi altitudinum; quare tempus V, quo solidum DEF ascendit spatium DN ad tempus T, quo solidum ABC percurrit spatium AH æquale ipsi DN, eandem proportionem habebit, quam altitudo GB ad altitudinem DE.

Prop. 223.

Isdem positis, si ascensus fiant æqualibus temporibus (semper tamen infra aquæ libellam,) spatia ab eis exacta habebunt subduplicatam proportionem altitudinum.

Hoc profectò facillè ostendetur eadem methodo superiùs exposita. Idemque concludetur in conorum descensu.

PROPOSITIO CCXXX.

Isdem datis, si tantummodo conorum bases præcedant, & fursùm respiciant, & æquidistantes horizonti, & supremæ aquæ libella; idem prorsus concludetur.

Nam semper aqua è superno loco expelli debet ad occupanda infima spatia à conis derelicta, neque hoc fieri potest absque eo, quòd aqua circumcirca per siphones rotundos, cavos, inclinatosque defluat, & quia celeritates fluxus aquæ in prædictis siphonibus determinant velocitates ascensuum; hinc sequitur ut motus fursùm conorum legibus siphonum subjiciantur, scilicet ascensus conorum eodem tempore facti subduplicatam proportionem habeant altitudinum eorum,

(Pp 3)

PRO-

PROPOSITIO CCXXXI.

Gravia
in fluido
velocitati-
bus in-
qualibus
ferri debe-
re.

*Eorundem conorum æquè altorum si unius vertex, & alterius
basis fursùm ambo, vel deorsùm respiciant; parum celerius
feretur is, qui mucrone præcedente fertur.*

Comparari modò debent inter se duo conì æquales, similes & homogenei, aqua leviores, vel graviore, sed contrario ordine dispositi, scilicet si unius basis deorsùm respiciat, alterius basis fursùm vergat, sed ambo horizonti æquidistantes, atque temporibus æqualibus semper infra aquæ libellam ascendendo, vel descendendo, ferantur; aliquantum celerius movebitur is, qui vertice præcedente movetur; quia licet expulsio supremæ aquæ efficiatur ab excessu ponderis aquæ siphonis supra pondus ligni ascendentis, & ab illius motu, cui veluti appendix sublequitur aquæ supernæ migratio, nihilominus illa moveri debet, ergo si ejus motus impedimentum patietur, consequenter retardabitur ascensus ligni: modo negari non potest resistentia pendens ab ampla translatione & distractione lanuginis partium aquæ, & à confricatione cum asperitatibus ligni ascendentis; hæc profectò magis retardare posse videtur basim conì fursùm vergentem, quàm ejus apicem, & hac de causa verisimile videtur, ut celerius conus fursùm feratur, quando ejus vertex fursùm respicit, quàm si inverso ordine disponatur, idemque in descensu ostendetur.

Id quod dictum est de conis, verificatur etiam de quibuslibet aliis figuris curvis, habentibus bases planas & æquales, dummodò moles eandem proportionem habeant, quam earum altitudines, ut si una esset hemisphærium, reliqua verò semisphæroidalem figuram æmularetur; tunc quoque si materiæ fuerint homogeneæ, & aqua leviores, intra ipsam ascendunt velocitatibus, ferè in subduplicata proportionem altitudinum earundem, ut faciliè ex dictis colligi potest.

PROPOSITIO CCXXXII.

Si cylindri partim in aqua, partim in aëre existentes, fursùm vel deorsùm excurrerint; prædictæ proportionēs velocitatum valdè alterantur.

Et hætenùs consideravimus ascensus vel descensus corporum;
dum

dum eorum motus omninò sunt intra aquam, at quam primùm supremam libellam attingunt, tunc progressus velocitatum valdè alterantur, debilitanturque; & ratio est, quia, quando aliqua pars ligni supra aquæ libellam eminet, tunc non comparantur amplius inter se duæ moles æquales aquæ & ligni, nec perseverat siphon integer, ut prius, sed aliam longè diversam naturam sortitur, illius, inquam, cujus ex una parte fluidum eminens continenter descendit quousque ad æquilibrium perducatur, & in hoc casu centrum communis gravitatis semper magis ac magis ad libræ fulcrum accedit motu illo curvo, ut dictum est; & tunc propemodum cessat motus, cum centrum communis gravitatis ligni & fluidi non amplius descendere valet, quia nempe ad ipsum fulcrum libræ perductum est.

Cap. 2.
Prop. 4 &
11.

Sed hoc verum est de æquilibrio, & de vi motiva, qua corpus in aqua ascendit vel descendit, non verò de celeritate motus ejus, non enim motus ejus retardatur omninò, sed solummodò non augetur eodem progressu, quo dum infra aquam positum, ferebatur. Et hoc pender ab impetu acquisito in præcedenti motu, qui impetus perseverans ex sui natura suum effectum velocitatis producit, licet causa impulsiva non perseveret ejusdem gradus, sed continenter debilitetur; & hæc est ratio quare lignum ascendens non quiescit præcisè in eo situ, in quo æquilibratur cum aqua collateraliter, sed altius ab impetu præconcepto impellitur, & inde deorsum decidendo repetitis aliquibus vibrationibus, tandem in situ æquilibrii quiescit.

Et hic patet quo sensu intelligi debeat Propositio Archimedeæ, quæ habet, quod tanta vi leve corpus infra medium fluidum demersum sursùm ascendat, quantum est pondus, quo fluidum æquale ipsi solido id ipsum superat. Hoc profectò verum est non de motu atque celeritate, qua lignum ex. gr. sursùm ascendit, sed de energia, qua lignum in statu quietis sursùm nititur ascendere, scilicet si impediatur ejus motus, ut in bilanci contingit, tunc quidem propositio verificatur, non verò in actu motionis ejus, nam tunc impetus, quo sursùm ascendit, auctus à præcedenti motu, superabit quamcumque immensam vim compressivam cujuslibet vastissimi ponderis incumbentis, ut in nostro Opere de Vi Percuss. ostensum est.

Incidenter
verus sensus
Archimedis
declatur.

De insiden
humido
lib. 1. Pr.
6.

Præ-

Gravia in
fluidis ve-
locitati-
bus inæ-
qualibus
ferri debe-
re.

Idem pr. 5.

Præterea altera Archimedis Propositio, quod nimirum moleſ fluidi æqualis ſolidi natantis parti demerſæ æquè ponderet, ac ſolidum ipſum, vera eſt, niſi hypotheſis varietur, oportet enim ex vi hypotheſis ut ſolidum innatet ſupra unum fluidum, nam, ſi omninò ſit demerſum intra rarius, & innatet ſupra aliud denſius fluidum, propoſitio alteratur, ut docuit Præceptor meus Benedi-ctus Caſtellus, qui demonſtravit, quod ferrum ſupra mercurium natans, ſi aqua quoque coöperietur, tunc quidem altiùs elevabitur, quàm priùs; propterea quod pondus aquæ collateralis auget magis hydrargyri compreſſionem, quàm ferri pondus augeat, proinde-que ferrum aliquantiſper altiùs elevat.

Sed præterea animadverti, quod alia de cauſa prædictum æqui-librium alterari poteſt, nempe ex eo, quod aquæ libella circa ſoli-dum in ea natans, nunquam præciſè explanatur, ut docuimus Cap. 9. Prop. 205.

Porro, ut aſcenſus vel deſcenſus cylindrorum inæqualium baſium ſymptomata exponamus, aliquæ Propoſitiones præmittet debent.

PROPOSITIO CCXXXIII.

Si duo pondera inæqualia ſuſpendeduntur in extremitatibus duarum librarum inæqualium, ſed æqualium radiorum, velocitates re-volutionum earum ſubduplicatam proportionem habebunt ra-diorum.

TAB. XIII
(Fig. 2.)

Sint duæ libræ inæquales CD & FG, quarum centra biſariam eas ſecantia ſint E & H, & idem majus pondus A ſuſpendatur primò in C, ſecundò in F, minus verò pondus B pendeat nedum ex D, ſed etiam ex G; & ut A ad B, ita fiat DI ad IC, nec non GL ad LF, erunt I & L centra gravitatum librarum, fiat poſtea HN media proportionalis inter HL & EI; pariterque ponatur HO media proportionalis inter HG & ED; patet HG ad HO ſubduplicatam proportionem habere radii HG ad ED; dico velocitatem revo-lutionis libræ FG ad velocitatem vertiginis libræ CD eandem pro-portionem habere, quàm HG ad HO; quia ut A ad B, ita erat GL ad LF, atque DI ad IC, ergo componendo GF ad FL, erit ut DC ad CI, & antecedentium ſemiſſes HF ad FL, atque EC ad CI proportionales erunt, & per converſionem rationis HF ad HL erit

erit ut CE ad EI, & permutando FH ad CE, seu HG ad ED, erit ut LH ad IE, & earum subduplicatæ proportionales eadem quoque erunt, nimirum HG ad HO, ut HL ad HN; postea quia duo pondera A & B exercent eorum vim in centrīs gravitatum librarum L & I, & suspenduntur ex punctis H & E, ergo efficiunt duo funependula HL & EI, quæ conantur descendere per arcus LM, IK, sed pendulorum velocitates subduplicatam proportionem habent longitudinum eorum, igitur velocitas descensus libræ FG ad velocitatem descensus libræ CD eandem proportionem habebit, quam LH ad HN, seu quam habet HG ad HO, quod erat primum.

Gravia in fluido velocitatibus inæqualibus ferri debere.

Cap. 2.
Prop. 1.

PROPOSITIO CCXXXIV.

Si duo siphones ex directis aquæ altis & contiguīs fistulis composti fuerint, & in unoquoque eorum duæ collaterales fistule æquales sint inter se, atque in sinistris siphonum fistulis ponantur duo fluidi cylindrici aquæ alti, leviores vel graviore aqua, residua verò siphonum capacitates aqua repleantur; aliquantulum tardius feretur cylinder in siphone latiori, quàm in strictiori.

Sint duo siphones ABCD capaciores quàm PQRS aquæ alti, quorum fistulæ unius AB & CD sint æquales & contiguæ, pariterque duæ fistulæ PQ & SF sint æquales contiguæque, ponanturque primo duæ olei portiones EF & KY æquæ altæ, & proinde latitudinibus fistularum proportionales, reliquæ verò siphonum capacitates aqua repleantur; dico, quod oleum EF parum tardius ascendet, quàm KY. Secentur è regione, & in eisdem planis horizontalibus duæ aquæ portiones FM & YO, quæ æquales erunt olei portionibus EF & KY, & eorum centra gravitatum conjungantur à rectis GH & TV, quæ bifariam sectæ erunt in I & X, atque ut pondus olei EF ad pondus aquæ FM, velut pondus olei KY ad aquæ pondus YO, ita fiat HL ad LG, nec non VZ ad ZT; patet perinde operari ac premere prædicta fluida, ac si in libris radiorum æqualium HG & TV suspensa fuissent, pariterque constet, vim exercere in eorum centrīs gravitatum I. & Z, quæ proportionaliter libras dividunt, & ideo in majori libra GH penduli longitudine IL major erit longitudine penduli XZ, quare impetus descen-

TAB. XIII
Fig. 3.

(Q 9)

fus

Gravia in
fluido ve-
locitati-
bus in-
æqualibus
ferri de-
bere.

Prop. 233.

sus libræ, & elevatio olei EF majori velocitate fiet, quàm flexio alterius libræ cum oleo KY, scilicet in subduplicata proportionem pendulorum; sed quia hoc experientiæ repugnat, fatendum est ab aliquo impedimento retardari ascensum olei EF, & profectò nedum ratio habenda est ponderum EF, FM, nec non KY, YO, quia hæc corpora in libra appensa moveri non possunt, quin etiam motu transversali fluidum infimum, ac supremum in siftilis contentum impellant quoque motu transversali: igitur videndum quoque est, quibus velocitatibus aqua transversaliter in utroque siphone impulsam moveri debeat; & primo quia spatium transversale AD ad spatium PS duplicatam proportionem habet ejus, quam vis motiva penduli IL ad vim motivam penduli XZ, ergo hoc nomine retardatur velocitas ascensus fluidi EF: præterea transversalis fluxus aquæ in siphone impeditur, quia non potest oleum EF ascendere usque ad 6, 7, nisi incumbens aqua E 7 sursum expellatur, colloceturque in spatio 6 N, & hinc aqua expulsa reponatur in loco AN, & hinc exclusa aqua situationem acquirat ND, & hæc in N 8 transferatur, ita ut omnes partes aquæ AND simul tempore motu successivo amplitudinem vasis excurrant: hujusmodi verò transitus fieri non potest absque eo, quòd machinulæ particularum fluidi non incidant in asperitates superficiei vasis, vel fluidi quiescentis, unde subsequitur confrictio & percussio partium fluidi per totam longitudinem canalisi AD; & hac de causa impetus fluentis aquæ transversali motu retardatur extensivè & intensivè; & quoad extensionem pertinet, patet quòd quam proportionem habet superficies interna vasis AD ad superficiem PS, eandem habebit impedimentum retardans impetum fluidi AND ad impedimentum impetus fluidi P 3 S, & habet AD ad PS duplicatam proportionem ejus, quam habet impetus aquæ fluentis AND ad impetum fluentis aquæ P 3 S. Verùm quoad intensiorem, patet quod machinulæ ambientes particulas fluidorum magis flectuntur, & vehementius distrahuntur, quando majori vi intra alias densas vel fluidas particulas agitantur, & propterea multò magis eorum impetus retardatur; Hinc fit ut major naturalis vis motiva libræ GH, & ideo impetus aquæ fluentis AND, magis & intensivè retardetur quàm naturalis languidior impetus aquæ P 3 S, & propterea oleum EF nedum celerius non ascendet, quàm oleum KY, sed præterea necesse est

est (ut docet experientia) ut aliquantisper tardius, quàm illud elevetur, idem de mercurii descensu concludetur. His declaratis, devenio ad Propositionem principalem.

Gravia in fluido velocitatibus inæqualibus ferri debent.

PROPOSITIO CCXXXV.

Si fuerint duo cylindri homogenei, æquè alti, quorum bases inæquales, cylinder strictior aliquantum celerius ascendet, vel descendet, quàm latior.

Sint duo cylindri homogenei, primò aqua leviores ABC & DEF, quorum altitudines AB, DE æquales sint, basis verò BC major sit quàm EF, & semper infra aquam demersi in vasis amplis ascendendo percurrant spatia æqualia X & Z, AC quidem tempore T, & DF tempore V: dico, quòd tempus T parum majus erit quàm V; quia, dum in aqua elevantur solida AC & DF; constituunt cum ambiente contigua aqua duos siphones excavatos, æquè altos, quorum fistulæ inæquales sunt, nam crassities fluentis aquæ circa cylindrum AC æqualis est basi cylindri BC, pariterque crassities fluentis aquæ circa cylindrum DF æqualis est crassitie EF: erunt igitur duo siphones ex directis, æquè altis, & contiguis fistulis compositi, & in unoquoque eorum duæ collaterales fistulæ æquales sunt, atque duæ internæ siphonum fistulæ occupantur à cylindris AC & DF homogeneis, & aqua levioribus, & æquè altis, ergo parum tardius ascendet crassior cylinder AC quàm DF, supponuntur autem ascendisse spatia æqualia X & Z temporibus T & V; igitur tempus T majus erit tempore V; si verò ascensus fiant æqualibus temporibus, spatium ascensus latioris cylindri minus erit spatio transacto à cylindro strictiori. Quia, cum parum tardius ascendat cylinder AC quàm DF, ergo æqualibus temporibus T & V percurrat AC minus spatium X, dum DF majus spatium Z pertransit. Secundò, sint iidem cylindri aqua graviores, patet non minus siphones constitui, ut in Pr. 234. dictum est, quare eodem modo concludetur, quòd cylinder strictior parum celerius descendet quàm latior, quod erat &c. Non secus in ascensu vel descensu prædictorum cylindrorum non facile determinari potest mensura excessus velocitatis cylindri DF supra velocitatem cylindri AC, quare recurrendum est ad experientiam, in qua revera observatur excessus minimus velocitatis in cylindro

TAB. XIV.
Fig: 1-

Prop. 225.

Prop. 234.

Gravia in
fluidis ve-
locitati-
bus in-
qualibus
ferri de-
bere.

dro DF supra velocitatem alterius cylindri AC; sed procul dubio velocitas cylindri DF minorem, quam subduplicatam proportionem habere videtur ad velocitatem alterius cylindri AC ejus quam habet basis BC ad basim EF.

PROPOSITIO CCXXXVI.

Si duo qualibet solida homogenea, & à similibus figuris comprehensa, similiterque posita fuerint, dum in aqua feruntur, majus celerius ascendet vel descendet, quam minus, sed in minori proportionem quam subduplicata altitudinum.

TAB. XIV.
Fig. 2.

Sint duo solida homogenea primò aqua leviora AC & DF, quorum figuræ similes sint inter se, & in vasis amplis semper infra aquam demersa similiter posita sint, dum ascendunt per spatia, primo æqualia X & Z, scilicet dum sursum feruntur, semper axes eorum sint paralleli, & æquè inclinati ad planum horizontis, atque AC tempore T pertranseat spatium X & DF tempore V percurrat spatium Z, & fiat IB media proportionalis inter altitudines AB & DE. Dico tempus T minus esse tempore V, sed tempus V ad T minorem proportionem habere, quam IB habet ad DE; fiat vel intelligatur figura GBC æquè alta ac est DEF, ejusdemque materiei habens eandem basim BC, hac lege ut moles ABC ad GBC eandem proportionem habeat, quam altitudo AB ad GB, sitque Y tempus, quo GBC sursum infra aquam ascendendo percurrit idem spatium X, quoniam sunt duo solida homogenea ABC & GBC eandem basim BC habentia, quorum moles eandem proportionem habent, quam altitudo AB ad GB, seu ad DE, & similiter posita sunt dum ascendunt per spatia æqualia X, X; igitur tempus T, quo ABC pertransit spatium X ad tempus Y, quo GBC id ipsum spatium percurrit, eandem proportionem habet, quam DE ad IB. Postea quia sunt duo alia solida homogenea æquè alta GBC & DEF, quorum bases planæ BC & EF eandem proportionem habent, quam moles eorum, ergo tempora Y & V, quibus in eodem fluido aqueo ascendendo percurrunt spatia æqualia X & Z parum inter se differunt, eritque tempus V minus quam Y, sed majorem proportionem ad ipsum habet, quam DE ad IB, ac proinde tempus V majus erit quam T, & ideo celerius ascendet ABC, quam DEF, sed in minori proportionem, quam habet IB ad DE, idemque concludetur in descensu, quod erat &c.

P R O-

PROPOSITIO CCXXXVII.

Gravia in
fluido ve-
locitati-
bus inæ-
qualibus
ferri debe-
re.

Isdem positis, si ascensus vel descensus fiant equalibus temporibus, spatium exactum à majori solido majus erit spatio transacto à solido minori, sed ad ipsum habebit minorem proportionem, quàm sit subduplicata altitudo.

Ascendat primò solidum ABC spatium X tempore T, atque DEF percurrat spatium Z eodem tempore T. Dico spatium X majus esse quàm Z, sed minorem proportionem ad ipsum habere, quàm sit subduplicata altitudinis AB ad DE; quia velocitates solidorum ABC & DEF eandem proportionem habent, quam spatia X & Z eodem tempore exacta, ergo patet propositum.

TAB. XIII
Fig: 4.

Non exiguum tempus insumpsi, ut experimentis expenderem superiorem theoriam, sed exactam præcisionem, nulla diligentia aut labore adhibito, assequi potui, hocque pendet ex quampulcherrimis difficultatibus, si enim cylindrorum in fistulis vitreis aqua plenis ascensus vel descensus observentur, tunc varietates insignes contingunt, quæ procùl dubio producuntur à vario contactu, vel ab inæquali distantia cylindrorum à superficie interna vitri, quæ liberè aquam interceptam fluere non sinit. Si postea vasa ampla usurpentur, tunc, licèt infimæ partes cylindrorum plumbo, vel alio pondere, graviore reddantur juxtà proportionem altitudinum earundem, nunquam tamen evitari potest cylindrorum agitatio, & oscillatio lateralis, dum ascendunt, vel descendunt, neque eorum axes omninò simili positione moveri possunt, & hinc enormes varietates oriuntur; officit quoque agitatio partium ejusdem aquæ, quæ evitari nequit, dum manus infra aquam immerfæ emittere cylindros debent. Hisce difficultatibus territus, ut quam maximè obstacula effugerem, elegi sphæricas ex eodem ligno, aut ex plumbo confectas, in quibus ob similitudinem figurarum in qualibet earum circumvolutione oscillationes non impediunt, quin semper simili positione pilæ ascendant vel descendant, & tunc ex repetitis Experimentis constat, quod velocitates earum revera inæquales sunt, celeriorique motu major pile fertur, quàm minor, sed in minori proportionem, quàm sit subduplicata altitudinum, ut nostra theoria suadere videtur.

Quia difficultes hæc in cylindris experiri possunt, sed facilius, & tutius in sphaëris in his nostra sententia comprobatur.

(Q 9 3)

Et

Gravia in
fluidis ve-
locitati-
bus inæ-
qualibus
ferri debe-
re.

In valde
raris flui-
dis varie-
tates ali-
quæ con-
tingunt.

Et hæc profectò valent in fluidis consistentibus, & non valde condensabilibus, ut est aqua, hydrargyrum oleum, & alia similia, sed in aëre rarissimo, qui ex machinulis grandioribus, & valde compressibilibus constat, nonnullæ irregularitates contingunt in motionibus corporum per eum ascendentium, vel descendentium; & hoc non fit eadem regula, scilicet non eodem modo varietur motus solidorum in principio ascensus vel descensus, ac in progressu & continuatione proluxa eorundem motuum, ut suo loco declarabitur. Postquam comparavimus velocitates, quibus homogenea corpora ascendant vel descendant in fluidis, expendere ultimo loco debemus velocitates corporum inter se heterogeneorum, quæ contingunt in eodem, vel diversis fluidis; hæc verò requirunt lemmata aliqua mechanica, quorum primum erit.

PROPOSITIO CCXXXVI.

Si in libra radiorum equalium duo pondera inæqualia suspendantur, summa inæqualium ponderum ad eorum differentiam eandem proportionem habebit, quam libra radius ad pendulum, quod constituit eadem libra.

TAB. XIII
fig. 5.

A terminis ejusdem libræ AB suspensæ in puncto ejus intermedio C pendeant pondera inæqualia D majus, & E minus, sitque F centrum gravitatis libræ cum ponderibus appensis, patet CF esse longitudinem penduli. Dico D plus, E ad D minus E eandem proportionem habere, quam libræ radius AC ad penduli longitudinem CF, quia F est centrum gravitatis libræ cum ponderibus suspensis D & E, ergo D ad E eandem proportionem habet (ex mechanicis) quàm BF ad FA, & componendo D plus E ad E, pariterque duplum summæ D & E ad duplum E eandem proportionem habebit, quàm BA ad AF, igitur antecedentium semisses ad consequentes eandem proportionem habebunt, scilicet D plus E ad duplum E erit ut semi BA, seu CA ad AF, & per conversionem rationis D plus E ad D minus E eandem proportionem habebit quàm CA ad CF, quod erat, &c.

PRO-

PROPOSITIO CCXXXIX.

Gravia
in fluido
velocitati-
bus inæ-
qualibus
ferri debe-
re.

*Si à terminis duarum librarum equalium, & equalium radio-
rum duo pondera equalia pendeant, sed oppositis minora, pen-
dulum prioris libra ad pendulum posterioris proportionem com-
positam habebit ex ratione differentia priorum ponderum ad
eorum summam, & ex ratione summa posteriorum ad differ-
rentiam eorundem ponderum.*

Sint duæ libræ æquales AB & NO bifariam sectæ in fulcimen-
tis C & K, atque ex A pendeat majus pondus D, ex N verò mi-
nus pondus G, atque in B & O suspendantur duo pondera æqualia
E & M, quorum singula minora sint quàm D vel G; reperian-
turque duo earum centra gravitatum F & H; dico pendulum CF
ad KH proportionem compositam habere ex ratione ponderis
D minus E ad D plus E, & ex ratione G plus M ad G minus M;
quoniam AC ad CF est ut D plus E ad D minus E (ex præcedenti)
ergo invertendo FC ad CA, seu ad ei æqualem KN eandem pro-
portionem habet quam D minus E ad D plus E, & NK ad KH ean-
dem proportionem habet, quam G plus M ad G minus M; habet
verò FC ad HK proportionem compositam ex ratione FC ad CA,
seu ad NK, & ex ratione KN ad KH, ergo FC ad KH compo-
sitam proportionem habebit ex iisdem proportionibus D minus E
ad D plus E, & ex G plus M ad G minus M.

TAB. XIII
Fig. 6.

PROPOSITIO CCXL.

*In iisdem trutinis datis quatuor ponderibus in illis suspensis, re-
perire proportionem velocitatum, quibus libra revolvuntur.*

In eadem figura sint data pondera inæqualia D & G, nec non præ-
cognita sint pondera æqualia E & M, quæ minora prioribus sint:
reperiri debet proportio velocitatum, quibus prædictæ libræ re-
volvuntur; fiat CI media proportionalis inter CF & KH; quia
duo pondera D & E suam vim compressivam exercent in F centro
gravitatis communis eorundem ponderum, ergo ea velocitate
flectetur libra AB circa centrum fixum C, quæ competit longi-
tudine

TAB. XIV.
Fig. 3.

Gravia in
fluido ve-
locitati-
bus inæ-
qualibus
ferri de-
bere.

Lib. no-
stro de vi
percussio-
nis Pr. 92.

Prop. 235.

tudine penduli CF; eadem ratione ea velocitate flectetur libra NO cum ponderibus G, M circa centrum K, quæ competit longitudini penduli KH; & quia velocitas penduli CF ad velocitatem penduli KH eandem rationem habet quam CF ad CI; & CF ad KH compositam proportionem habet ex ratione differentiarum ponderum D & E ad eorum summam, & ex ratione summæ ponderum G, M ad eorum differentiam, ergo reperire debemus subduplicatam proportionem prædictæ compositæ proportionis, ut quæsito satisfaciamus. Fiat modò summa ponderum D & E ad R, ut summa ponderum G & M ad eorundem differentiam; & quia proportio FC ad KH componitur ex proportionibus D minus E ad D plus E, & ex ratione G plus M ad G minus M, seu ex ratione D plus E ad R, ergo FC ad KH eandem rationem habet quam D minus E ad R, & reperta S media proportionali inter D minus E, & R erit FC ad CI, ut D minus E ad S, quare factum est, quod propositum fuerat.

PROPOSITIO CCXLI.

Datis duobus solidis æqualibus ejusdemque figuræ, sed inæqualium gravitatum, præcognitarum, & dato quoque pondere molis fluidi levioris æqualis solidis demersis: reperire proportionem velocitatum quibus descendunt in eodem fluido.

TAB: XIII
Fig. 7.

Cap. 2.
Prop. 10.

Sint duæ moles solidæ æquales ejusdemque figuræ AC & GI, sed inæqualiter graves, v. g. AC sit aurum, GI verò stannum, & facilitatis gratia intelligantur esse parallelepipeda æquæ alta, & æqualium basium, & ambo in aqua EHLX demersa comparentur cum æqualibus, similibusque parallelepipedis aqueis collateralibus DF & KM, cum quibus siphones constituere intelligantur, tunc recta NO conjungens centra gravitatum auri AC, & aquæ DF libram constituet, quæ bifariam secta erit in centro, seu fulcimento P, propter æqualitatem & similitudinem prædictorum corporum AC, DF ab eisdem planis horizontalibus comprehensorum, ejusdemque libræ centrum gravitatis sit T, unde patet, quod PT est longitudo penduli, à quo oritur impetus descensus auri in aqua. Non secus stannum GI, & aqua KM ei æqualis constituent libram QR radorum æqualium, cujus centrum gravitatis sit V, unde SV erit longitudo penduli, quod determinat impetum descensus stanni in aqua;

aqua; & quia quatuor parallelepipedæ AC, DF, GI, KM æqualia sunt inter se, æquæ alta, super æqualibus basibus, ergo duæ libræ NO & QR æquales sunt, & radiorum æqualium, atque in eorum terminis N & Q suspenduntur duo in æqualia pondera aurum scilicet AC, & stannum GI, atque inter terminis O, R suspenduntur duo alia pondera æqualia inter se, sed prioribus leviora, scilicet duæ aquæ moles DF & KM, & cognita supponuntur quatuor prædicta pondera; modò ut summa ponderum GI & KM ad eorum differentiam, ita fiat summa ponderum AC & DF ad pondus Z, reperiaturque pondus Y medium proportionale inter differentiam ponderum AC, DF, & pondus Z; tunc patet, quod impetus, quo libra NO flecti debet ad impetum, quo revolvitur libra QR, eandem proportionem habebit, quam differentia ponderum AC & DF ad pondus Y; & quia prædicta corpora constituunt siphones æquæ altos, & æquæ amplos, propterea quod prædicta corpora æqualia, & similia sunt inter se, ergo nulla alia de causa velocitas in prædictis siphonibus variari potest, præterquam à natura ipsorum pendulorum PT, & SV; quare manifestum est, quod velocitas descensus auri AC in aqua ad velocitatem descensus stanni GI in eadem aqua eandem proportionem habebit, quam differentia ponderum AC, DF ad pondus Y, & hoc erat quæsitum.

Gravia in fluido velocitatis inæqualibus ferri debere.

Prop. 24^o.

Ex pr. 227ⁱ & 228.

Et hinc patet necessitas, quare solida æqualia mole, sed inæqualiter gravia, licet æquæ velocia ex sui natura sint (scilicet in vacuo) debent tamen inæqualibus velocitatibus in mediis fluidis descendere,

PROPOSITIO CCXLII.

Præterea idem solidum in medio fluido rariori & minus ponderoso citius descendet, quam in graviori fluido, si tamen utroque fluido solidum gravius specie fuerit.

Sint duo fluida DF gravius, & KM levius, & in utroque immergatur idem solidum AC, utroque fluido gravius; dico, quod AC velocius descendet in KM, quam in DF; sint, ut prius, moles & figuræ parallelepipedæ æquales, & horizontaliter dispositæ cum æqualibus fluidorum parallelepipedis. Quia, ut dictum est, constituuntur duo siphones, & duæ libræ æquales, & radiorum æqualium NO & QR, quarum centra gravitatum T & V; & summa

TAB. XIII
Fig. 8.

Prop. 24ⁱ.

Prop. 23⁸.

(Rr)

pon.

Gravia in
fluido ve-
locitati-
bus inæ-
qualibus
ferri de-
bere.

ponderum AC & DF ad horum differentiam eandem proportio-
nem habet quàm radius libræ PN ad penduli longitudinem PT;
idemque dicendum in reliqua libræ QR; & eidem ponderi AC ad-
ditis & ablatis inæqualibus ponderibus DF & KM, erit summa
ejusdem ponderis AC, & gravioris fluidi DF major quam sum-
ma ponderis AC, & levioris KM, at differentia, seu excessus pon-
deris AC supra DF minor erit differentia ponderum AC & KM,
ergo major summa ponderum AC & DF ad minorem summam
ponderum AC & KM majorem proportionem habebit, quam
minor differentia ponderum AC & KM; & permutando summa
ponderum AC & DF ad eorum differentiam, seu libræ radius
PN ad penduli longitudinem PT majorem proportionem habet,
quam summa ponderum AC & KM ad eorum differentiam, seu
quam libræ radius SQ ad pendulum SV, suntque librarum æqua-
lium radii PN, SQ æquales inter se, igitur pendulum SV majoi-
ris longitudinis est, quàm PT, & ideo celerius descendet AC in
rariori fluido KM, quam in graviore DF.

De vi per-
cussionis
Pr. 92.

Et hinc pariter potest reperiri proportio velocitatum ejusdem so-
lidi in duobus fluidis inæqualiter gravibus.

PROPOSITIO CCXLIII.

*Duo solida aequalia, & inæqualiter gravia, si specie graviora
fluidis fuerint, majori inæqualitate in medio fluido densiori,
quàm in rariore, & minus gravi fluido descendant.*

Quod brevitate gratia ex ipso calculo colligemus. Ex tabulis
Doctissimi Marini Ghetaldi, atque accuratissimi P. Pétiiti habentur
proportiones gravitatum specificarum plurimum metallorum, res-
pectu aquæ; si enim sumantur tres moles æquales auri, stanni,
& aquæ, qualium partium pondus auri fuerit 100. pondus stanni
erit 39 proximè, & pondus aquæ erit 5 cum triente. Verùm, ex
nostra Inventione in Academia Experimentalis Mediceæ explora-
vimus proportionem ponderis specifici aquæ ad aërem, quæ fuit
ut 1175 ad 1 proximè, igitur qualium partium alicujus sphaeræ
aëris pondus est unius grani, erit pondus pilæ aquæ ejusdem mo-
lis 1175 granorum, quare pila stannea ejusdem mensuræ erit 8592
granorum, atque pila aurea ejusdem diametri erit 21406 granorum.

His

His positis, facto calculo, ut ante præmissa Propositio perscribit, reperitur proportio velocitatum auri & stanni in aqua ut 10 ad 9 proximè; sed in aëre, si velocitas auri fuerit 21405, erit velocitas stanni 21404 ferè; & hinc patet quare in aëre corpora inæqualiter gravia, ut aurum & stannum uniformi & æquali ferè velocitate descendunt, in aqua verò insigni excessu velocitas auri superat stanni celeritatem in descensu.

Sed hic summopere animadvertendum est, quod superius exposita theoria verificatur in parvis altitudinibus, & in principiis descensuum, non verò in prolixiori motu, propterea quod, ut mox declarabimus, ab alia nova causa valdè alterantur prædictæ proportionales velocitatum gravium descendendum, pro cuius intelligentia præmittuntur hæc.

PROPOSITIO CCXLIV.

Motus descensus cujuslibet gravis in fluido successivè retardatur, & incrementa velocitatis ejus tandem ad æquabilitatem reduci debent.

Sit vas NX omninò vacuum, & NZ sit repletum aliquo fluido aëreo v. g., & intelligantur particulae temporis inter se æquales AB, BD, DG, GK, KN, & in primo tempore AB grave descendens in vacuo acquirat gradum impetus BC, in sequenti verò tempore BD, præter gradum DE æqualem BC, quem in priori tempore acquisierat, & in eo conservatur, acquireret quoque novum gradum impetus EF æqualem priori BC, pariterque in tertio tempore prioribus æquali DG, præter impetum GH, ab eo acquisitum in tempore præcedenti AD, acquireret novum gradum impetus HI, æqualem prioribus EF, vel BC; tandem, in tempore GK, præter gradum KL, quem prius acquisierat, denuò ei superadditur novus gradus impetus LM æqualis priori BC; & hoc procul dubio contingit, ablatis omnibus impedimentis, in vase NX: at si motus solidi supponatur in medio fluido NZ fieri, ibi duplici nomine gradus velocitatum acquirendi debilitari debent, primò propter percussionem, quam mobile corpori fluido inferre debet, secundò propter resistentiam

TAB. XII.
Fig: 9.

(Rr 2)

ma-

Gravia in
fluido ve-
locitati-
bus inæ-
qualibus
ferri de-
bere.

machinularum, seu glutinis ejusdem fluidi; necesse ergo est, ut quilibet horum graduum impetus utpotè BC non perpetuò conservetur integer & illibatus, sed post certum tempus, puta AG, & continuata fluidi resistentia sensim retardante tandem extinguitur, subsequens verò gradus impetus, acquisitus eF, eadem ratione extinguetur tempore BK, æquali priori AG: in hisce verò æqualibus temporibus acquirit mobile æquales gradus velocitatum, & ab his subtrahi debent priores illi gradus velocitatum BC, & eF inter se æquales jam extincti, ut dictum est, ergo residui gradus velocitatum Gi, & mM æquales erunt inter se: & sic semper contingit in subsequenti tempore; quando verò perseverat idem gradus impetus in mobile, tunc motus ejus æqualis esse debet, scilicet temporibus æqualibus percurrat spatia æqualia, igitur augmentum impetus in mobile in progressu solius temporis AG augeri potest, licet non uniformi incremento, & post tempus AG impetus non amplius crescit, & grave motu æquabili fertur, quod erat &c.

PROPOSITIO CCXLV.

Si duo corpora equalia, & inæqualiter gravia, per fluidum descendant prius ad æquabilitatem reducetur levius corpus quàm gravius.

TAB. XIV.
Fig. 4-

Prop. 223.

De vi per-
cuss. Prop.
27.

Ibid. ex
Pr. 19. &
ex Cap. 18.

Sint duæ moles inter se æquales, & inæqualiter graves, ejusdemque figuræ, sphaericæ nempe, A gravior quàm B, hæc verò ex sui natura, scilicet in vacuo una & eadem velocitate ferri debent, quæ sit V; sed duo corpora A & B inæquali energia medium fluidum RSTX percutiunt impelluntque secundum proportionem, quam habet vis percussiva composita ex vi impetus V, & ex majori materia, seu massa corporea, contenta in graviore corpore A ad vim percussivam, compositam ex impetu V, & ex minori materiali substantia in B contenta; debiliior verò vis percussiva ab eadem consistentia & glutine ejusdem fluidi RT citius debilitatur extinguiturque quàm magis valida vis percussiva; igitur energia percussiva solidi B citius ad æquabilitatem reducetur, quàm major vis percussiva corporis A.

PRO-

PROPOSITIO CCXLVI.

Gravia in
fluido ve-
locitati-
bus in-
æqualibus
ferri de-
bent.

Si comparentur velocitates corporum æqualium, & inæqualiter gravium propè principium descensus in fluido, minori inæqualitate feruntur, quam in progressu, & continuatione motus.

Sint eadem corpora æqualia, & inæqualiter gravia A & B; procul dubio ambo per aliquod tempus moventur accelerato motu, nempe eorum velocitates successivè augentur, & postea ad æqualitatem reducuntur: in illo ergo exiguo tempore, in quo ambo-
rum velocitates à quiete successivè crescunt, si progressus incrementorum non differant insigni inæqualitate, ferè eadem velocitate descendunt, scilicet percurrent temporibus æqualibus penè spatia æqualia; at quia levioris corporis B impetus facilius & magis debilitatur retunditurque, quam impetus gravioris A, igitur propè initium motus exigua differentia velocitatum reperitur, non sic in progressu motus, nam postquam levius corpus B ad æqualitatem redigitur, continuatur adhuc incrementum impetus in graviori solido A; totum ergo id, quod augetur gradus impetus ipsius A, creat notabilem excessum supra illum gradum debilem corporis B eodem & uniformi gradu impetus excurrentis, quare necesse est, ut propè initium motus parùm differant velocitates gravium A & B, scilicet si sint secundum proportionem superius ex-

Prop. 243.
& 244.

Prop. 245.

Prop. 242.
& 243.

positas, & postea in progressu motus multo magis inter se differant; quod profecto evincitur ex eo, quòd si prædicta insignis inæqualitas velocitatum, quæ in progressu motuum eorum observatur, esset propria & naturalis horum corporum semper in eodem fluido in eadem proportionem fieri deberet, scilicet in quibuslibet temporibus æqualibus moveri deberent proportionalibus velocitatibus, & sic medulla Sambuci v. g., quæ in decem minutis secundis horariis pertransit semissem itineris exacti à pila marmorea, ut refert Merfennus, etiam in uno minuto secundo illa medietatem spatii hujus pertransiret, quod evidentè falsum est.

Responde-
tur experi-
mento
Merfenni,
& aliorum.
Hydraul.
fol. 116.

Hinc resolvere possumus difficultatem, ab experimento Merfenni desumptam; is enim sumpsit duas pilas æquales, unam plumbeam, alteram argillaceam, & in profunditate trium pedum aquæ insumpsit plumbum unum minutum secundum, argillacea verò quin-

(R r 3)

que

Gravia in
fluído ve-
locitati-
bus inæ-
qualibus
ferri debe-
re.

que minuta secunda, noster verò calculus minorem inæqualitatem efficit, dum enim pila plumbea descendit spatium aliquod in uno minuto secundo, argillacea insumere debet duo minuta secunda tantum, quæ varietas pendere videtur ex eo, quod velocitates fuerunt à Merfeno observatæ in valdè prolixo spatio, ubi medii consistentia, & gluten valdè alterant, & augment inæqualitates velocitatum, quæ si propè initium motus observatæ fuissent, procul dubio non habuissent quintuplam, sed tantummodò duplam proportionem.

Hinc quoque deducitur imperitia eorum, qui, dum experiri volunt, an corpora inæqualiter gravia descendant inæqualibus velocitatibus, putant hoc fieri debere non in exiguis, sed in prolixis descensibus, & ideò observant inæqualitates velocitatum corporum in aëre descendentium ab altissimis turribus, ubi velocitates plumbi & argillæ valdè differunt inter se, cum tamen in brevioribus altitudinibus nullo sensu distingui possint eorum inæqualitates, cum ambo eodem tempore ferri videantur. Et antequam ulterius procedamus, afferemus duas experientias contra negantes motum acceleratum solidorum corporum intra aquam; & primò in descensu pilam plumbeam seta equina suspendi, habentem infernè acum infixam, eamque demisi intra aquam in diversis altitudinibus à fundo cera incrustato, tunc vidi acum profundius ceram penetrare, quò à sublimiori altitudine pila decidebat. In ascensu verò sumpsi levissimum calamus anserinum, ejusque infimum orificium frusto plumbi perfectè obturavi, atque bacillo demersi calamus directè infra aquam, in majori tamen profunditate, quàm ejus naturalis gravitas exigebat, tunc, amoto bacillo, calamus directè, & perpendicularitèr horizonti ascendendo extra aquam profiliit; notavi ergo altitudinem saltus, postea profundius calamus infra aquam depressi, & notavi, remoto bacillo, semper prolixiorem saltum supra aquam calamus effecisse, prout à majori profunditate ejus ascensus initium sumebat; modò quia non alia de causa calamus supra aquam posiliebat, quam ob impetum acquisitum ab ipso in ascensu per aquæ profunditatem, patet quod saltus altior produci debuit à vehementiori velocitate ejusdem calami acquisita in ejus ascensu prolixiori.

De Vacui Necessitate.

De vacui
necessi-
tate.

CAPUT XII.

PRæclare mihi Aristoteles dixisse videtur, Physicum de vacuo agere debere, quia nempè nedùm scitu jucundum est, an detur, & quomodo, & quid sit vacuum, sed etiam utilis est huiusmodi cognitio, ut intelligantur innumeræ naturales operationes, & ut percipiatur quomodo fiant motus, nedùm quos in vacuo fieri posse supposuimus, sed etiam eos, qui in fluido fiunt.

Ut verò methodicè procedamus, primò declarandum est, quid nomine vacui & inanis intelligamus, secundò, quot modis usurpari & concedi possit, tertio, examinabimus ratiocinia, & argumenta eorum, qui vacuum è rerum natura omninò tollunt, & tandem, propriam sententiam pro viribus confirmare nitemur.

PROPOSITIO CCXLVII.

Si vacuum spatium ponatur entitas extensa & incorporea, debet concedi infinita aeterna, & increata.

Evidentissima profectò est nedùm existentia naturæ corporeæ, sed etiam præcipua ejus affectio in definitione tradita. Dicimus enim corpus esse substantiam triplicem extensionem, seu dimensionem habentem, & spatium, quod à prædicto corpore occupatur plenum vocare solemus, hoc porrò præjudicium pendet ex eo, quod in interna alicujus vasis capacitate poni potest modò terra, modò aqua, aut aliud corpus fluidum, sive densum, & dicimus prædictam capacitatem vasis repleri modò ab uno, modo ab altero corporum prædictorum. Hinc concipimus capacitatem illam vasis esse quid distinctum, & diversum à corporibus id continenter replentibus.

Item ex præconcepta pleni natura & affectione statim percipimus vacui seu inanis naturam in eo consistere, ut prædicta vasis capacitas careat omninò corpore quolibet à quo repleri poterat. Hoc verò vacuum duplici modo concipi potest, aut enim supponitur entitas quædam incorporea, non tamen indivisibilis, sed extensa,
&

De vacui
necessitate

& occupans triplici dimensione universam vasis prædicti capacitatem. Alio modo concipi potest ut mera privatio corporum, & absolute nihilum. Priori modo conceditur à Pythagoricis, Democrito, Epicuro, & ab aliis, ratio verò, quæ hanc sententiam suadere & confirmare videtur, est, quia capacitas illa vasis per se sumpta, à qua sive re ipsa, sive mente removeatur corpus, id ipsum replens & occupans, retinere quoque videtur easdem dimensiones, seu potius æquales dimensionibus corporis id replentis, & sic verificari ajunt corporeas dimensiones præcisè congruere spatii illius dimensionibus; quia verò concipere se non posse proferuntur capacitatem illam, seu spatium dimensionibus omnino privatum, propterea ipsum entitatem aliquam habere, licet incorpoream, concedunt; consequenter admittunt nedum spatiola illa à particulis corporum comprehensa, sed etiam integra spatia separata extra hunc mundum sensibilem. Sed animadversione dignum est, prædictum spatium inane separatum admitti debere undique infinitè expansum & extensum, quia non est major ratio quare propè extimam mundi corpoream superficiem concedatur, & non ulterius in locis magis ac magis à prædicta mundi superficie separatis distantibusque. Præterea concedenda quoque est hujusmodi natura, seu entitas incorporea spatialis nedum infinita, sed etiam increata, & æterna; quandoquidem ante mundi creationem existebant prædictæ dimensiones spatiales, scilicet olim adhuc existebat longitudo, latitudo, & profunditas incorporea, quod quidem libentissimè absque ulla repugnantia Antiqui concedebant, unà cum totius mundi existentia ab æterno; hoc verò mirum quantum orthodoxos hujus sententiæ Assertores torqueat, cum cogantur sustinere entitatem realem, qualis est illa spatialis, nedum infinitè extensam, sed etiam ab æterno præexistentem, & independentem à Deo Creatore. Ideò alii cautiore non verentur concedere entitatem illam spatialem, nedum finitam, sed etiam à Deo ab initio mundi creatam. Iis verò opponi solet, quod ultra confinium mundi, ejusque spatii incorporei, & ante mundum conditum removeri nequit conceptus extensionis incorporeæ intra & extra situm, in quo modò mundus cum ejus spatio conditus est, cumque prædictæ dimensiones non esse nihilum fateantur, igitur necessariò admitti debet ante mundum conditum ab æterno,

æterno, & extra mundum sensibilem ubique eadem entitas spatialis. Ex quo proinde fit, ut spatium inane nullo modo admittendum sit, vel si concedatur, nullam entitatem incorpoream habere fatendum est. Eatenus igitur admitti vacuum poterit, quatenus absoluta privatio & nihilum conceditur. Et in hoc sensu, an revera admitti possit & debeat in natura, videbimus.

Et primò examinari debent rationes Aristotelis contra vacui positionem, & pro plenæ existentia, quæ habentur 4 Physic. cap. 6. 7 & 8.

PROPOSITIO CCXLVIII.

Solvuntur argumenta Aristotelis, contra vacuum adducta.

Contra Antiquos, qui ponebant vacuum, ut corporum motus in natura fieri possent, ait Arist. *Etiam si nullum sit spatium separabile præter corpora, quæ moventur, motus fieri poterit, quod in continuorum sicut & humidorum conversionibus patet.*

At hujusmodi instantia videtur nedum insufficiens, sed etiam nullius roboris, quia licet in motu circulari Rotæ solidæ non appareat necessitas vacui, nihilominus præcipua difficultas est, non de motu circulari, sed de motu directo, vel per lineas curvas irregulares in fluido, in quo sensu non constat, neque demonstratur partes fluidi excurrere intra alias posse, absque eo quod mutuò sese confricent, invertantur, & inter se innumeras exiguas vacuitates admittant. Imo in postrema parte hujus Capituli ostendemus necessariam esse vacui admissionem ad hoc, ut fluidum vel densum corpus per fluidum moveri queat; sed modò satis est ostendisse non esse evidens, nec demonstratum fuisse, quod in motu facto in fluidis vacuum necessario non exigatur.

Secundò, *Vacuum non est causa motus, sed Natura, ergo vacuum non datur.* Cui responderi potest, neminem, nisi planè delirum ac stolidum, somniasse vacuum, scilicet nihilum, causam positivam efficientem motus esse. Dixerunt certè Antiqui motum produci à natura, sive à qualibet causa externa impulsiva, sed requiri vacuum veluti locum in quo motus fieri possit, igitur Aristotelis argumentum nil officit vacui Assertoribus.

Tertiò ait: quod *accidit dicentibus vacuum esse necessarium*, Cap. 8.

(Sf)

ut

De vacui
necessita-
te. *ut motus sit contrarium potius, nam, dato vacuo, nil in eo mo-
veri posset, quia non est quo magis, aut minus moveatur, quod
namque vacuum est, caret omni differentia, scilicet non habet
fursum, neque deorsum, nec ante, nec retro, &c. Cui respon-
deri potest, quod motus, quatenus talis est, dicit solummodò
migrationem & transitum, qui fieri potest nedum in fluido, sed
etiam in spatio inani, per quamlibet directionem, quam impressa
vis motiva designaverit, ergo licet in vacuo directiones infinitæ in
eo designabiles non sint determinatæ, nec habeant nomina propria,
non proinde sequitur, non posse in eo designari, & sic effici motus
per quacumque directionem.*

Quartò sic ait, *moventur projecta ex eo, quod, quando non
tanguntur, tunc ob anthiprestasim, aut quia pulsus aër motu pel-
lit celeriori, quam sit ea latio pulsus, at in vacuo nihil horum esse
potest, neque sit ut quicquam feratur nisi ut quod vehitur. Ut
pateat inefficacia argumenti Aristotelis, concedatur, quod in va-
cuo ob carentiam medii fluidi projectio fieri non possit, non inde
sequitur vacuum minimè dari posse, nam remaneret solummodò
motus naturalis in vacuo, & hic unà cum projectio in pleno fluido
fieri posset, neque Aristot. ostendit hoc esse absurdum. Omitto
falsissimum esse projecta moveri à medio fluido, postquam à pro-
jiciente deferuntur, sed à vi motiva ipsis communicata promoveri,
unde sequitur, quòd benè in spatio vacuo projectio fieri posset mul-
tò melius quàm in spatio pleno fluido, cum vis motiva projecto
impressa nullo pacto impediatur ab inani spatio, sicuti à medio flu-
ido summopere impeditur retardaturque.*

De vi per-
cuss. cap.
3 & 4.

Quintò, *nemo dicere potest propter quid quod movetur stabit
alicubi, cur enim magis hic quam alibi; quare aut quiescat, aut
in infinitum feratur necesse est, si non potentius quidpiam impe-
dierit.* Responderi potest optimè, procedere argumentum ex eo,
quod non datur causa nec ratio, quare impetus, semel impressus,
mobili retardetur extingaturque, & sic sequitur, quod nullibi
stabit, aut quiescet, sed in infinitum movebitur in vacuo, nisi
aliud corpus externum motum ejus impediat. Nec video quid in-
commodi ex hoc sequatur, ut proinde hac de causa spatium vacuum
negari debeat.

Sextò: *In vacuo propterea corpora ferri censentur, quia cedit;*
at

at vacuum omni ex parte cedit, quare ad omnem partem feretur.

De vacui
necessitate.

Si hæc ratio valeret, procul dubio, quia aqua maris æquali facilitate cedit virtuti motivæ piscis omni ex parte, hinc inferre liceret, ergo piscis fertur eodem tempore ad omnem partem, scilicet fursum, deorsum, ante, retro, ad dextram, sinistram, &c. Legitima igitur illatio est, quod ex eo quod spatium omni ex parte cedit liberum est ut mobile per unamquamlibet directionem feratur per eam, scilicet per quam impellitur ab ejus vi motiva, & sic nil incommodi sequitur, proindeque vacuum non tollitur. Reliquis Aristot. rationibus partim Cap. 10. satisfacimus, partim verò inferius respondebimus.

Interim libet mirari, quomodo ex hujus farinæ argumentis tam fixè persuasi sint Aristotelis Sectatores, ut eorum nonnulli ausi sint asserere Deum O.M. sua infinita virtute non posse in rerum natura spatium aliquod vacuum coacervare.

Sed procedamus ad argumentum, quod in ore omnium Recentiorum versatur, ex quo evidentissimè patere ajunt, vacuum non dari in rerum natura, hoc desumitur ab innumeris experimentis, quibus constat, multa corpora moveri contra propriam & naturalem inclinationem ad impediendum vacuum, & quando non adest corpus, quod accurrere possit ad replendam scissuram sive spatium, quod inane remanere deberet, tunc adhibita quacumque vi externa prædicta dissolutio & scissura vacua creari non potest.

Vulgaria
experimenta
naturam
vacuum
ab-
horre-
re probantia.

Et primò, si folium tabellæ comprimantur, aut diabetis, seu syringæ embolum usque ad fundum impellatur, tunc retrahi non poterunt, clauso infimo orificio, vel aqua subiecta & contigua contra ejus naturam ascendet, ne interceptum spatium inane remaneat.

Id ipsum contingit in antiis, & machinis ætesibianis, quæ vulgò Trombæ spirituales vocantur, in iis paritèr attracto embolo simul aqua subiecta sublevatur.

Secundò, in clespydra irrigatoria aqua oppleta, & obturato superno ore, non defluit aqua per infima aperta foraminula, ob vacui timorem, quod intra cavitatem vasis remanere deberet.

Tertiò, paritèr cucurbitula medica si flamma, vel alio modo aër excludatur, carnibusque applicetur, caro ipsa, & sanguis accurrunt ad replendum illud spatium.

Ex hisce & aliis hujus generis experimentis, putant evidentissimè

(Sf 2)

mè

De vacui
necessita-
te.

mè comprobati, naturam vacuum abhorrere, & tantummodò solliciti sunt de causa illius motus, quo partes universi acurrunt ad impediendum vacuum; & in hoc mirum quantum cruciantur, alii enim ajunt, Deum immediatè, alii Naturam impellere corpora gravia contra eorum insitam virtutem ad impediendum vacuum; alii postea ajunt partes universi præter propriam vim nativam habere novam facultatem movendi se, quoties occasio exigit, propter bonum universi, scilicet aqua habet insitum principium gravitatis, quo perpetuò operatur premendo & descendendo deorsum, at quotiescunque necessitas urget, ut nimirum contingat periculum scissuræ, & plagæ vacuæ in universo, tunc quidem alia nova virtus pariter aquæ insita eam sursum impellit ad hoc, ut malo universali medeat.

PROPOSITIO CCXLIX.

Causa impellens gravia sursum, ad replendum vacuum, non est Divina facultas, neque intrinseca vis animastica, vel naturalis eorundem corporum.

Si actio immediata Dei admittatur in hoc casu, erit procul dubio operatio miraculosa non naturalis, nam omnes naturales actiones, licet Divinum universalem concursum exigant, nihilominus exercentur Physicis ac naturalibus Instrumentis ac Organis; si verò prædicta nova virtus omnibus corporibus naturalibus insita censeatur, erit profectò facultas non dissimilis ei, quæ in Animalibus reperitur, quandoquidem tanta prudentia Medicinam asserre malo universi concipi non potest absque eo, quòd aqua v. g. percipiat, & sentiat malum illud, & deindè moveatur coneturque illud impedire; in hoc enim differunt operationes naturales ab Animasticis, quod illæ cæca quadam necessitate perpetuò & incessantè fiunt, non verò quando necessitas exigit, ut compressio & motus deorsum gravium semper exercetur, nec quando ignis v. g. aquam destruere conatur, quia urget necessitas, aqua unquam aufugit, & periculum evitare conatur: & in summa non potest excogitari modus quomodo aqua tunc solummodo obliviscatur propriæ naturæ, & sursum ascendat quando periculum imminet, ne vacuum detur, quod nec aqua percipit, nec habet Organa aut Instru-

Instrumenta, apta ad exerendam hanc novam operationem, in illo casu tantùm necessitatis, & toto reliquo tempore id non curet, & suam propriam gravitatem exerceat.

De vacui
necessita-
te.

PROPOSITIO CCL.

Ostenditur fallacia argumenti insinuantis naturam vacuum abhorre.

Videndum modò est, in quonam consistat defectus ratiocinii Peripatetici, cùm ajunt, se videre semper corpora naturalia currere ad impediendum vacuum, etiamsi oporteat, contra eorum naturam moveri, ergo vacuum ab ipsa natura abhorretur. Non negatur id, quod sensibus patet, nempe aquam ascendere quotiescunque spatium supremum exinanitur, sed negatur aquam sponte sua sursùm ascendere propter illum finem, scilicet ut vacuum impediat: & profectò nunquam certi esse possumus, an aqua sponte sursùm feratur in illo casu necessitatis, nisi constet tunc eam ab alia causa externa non impelli sursùm, hoc autem Peripatetici nunquam probarunt: & si reverà aqua in tali casu impelleretur ab aliqua causa physica sursùm, tunc non per se, sed per accidens accurret ad replendam illam inanitatem, per se verò moveretur ob necessitatem violentiæ & impulsus, quem ei infert causa impellens.

Quod ut clariùs percipiatur, in balance apponantur duo pondera inæqualia, & minori ponderi superponatur palma manus, à qua flexio libræ prohibeatur, procul dubio sensim sublevata manu minus pondus pariter sublevabitur manui adhærendo; tunc si ex eo quod minus pondus ascendere videtur, quis inferret propter bonum universi id ipsum grave oblivisci propriæ naturæ, & sursum currere ad replendum spatium, pravè profectò, & perversè ratiocinaretur, propterea quòd ascensus producit à causa physica & necessaria, nempe à majori pondere contrapósito; sive modò majus pondus in prædicta balance obvolatum esse, tunc si aliundè constet evidentèr ibi operari majus pondus, licet inconspicuum sit, nonne ridiculum esset confugere ad miracula, & ad machinas, tribuendo sensum & perceptionem prudentem minori ponderi sublevato, ut velit medicinam asferre imminenti malo universi;

(Sf 3)

igi-

De vacui
necessita-
te.

igitur tota vasta moles horum argumentorum in nihilum abibit, si ostenderimus aquam, & cætera gravia, quando ascendunt ad replendum vacuum verè & realitèr impelli in bilance, vel siphone, à majori pondere contrapósito, quod semper adest, & operatur in tali casu, & sic ascensus, cum habeat causam necessariam, non poterit tribui prudenti illi cognitioni, seu potius chimærica.

PROPOSITIO CCLI.

In siphone inverso retracto embolo aqua ascendit non spontè, sed impulsà à majori pondere, vel momento aquæ alterius brachii siphonis.

TAB. XIV.
Fig. 5.

Cor.
Pro. 10.

Utque hoc, quanta fieri potest perspicuitate, ostendamus, intelligatur siphon ABCD aqua repletus, cujus crura AB & DC perpendicularitèr ad horizontem erecta sint, tunc embolum, cum suo assario EFG, & cum fistula DC syringam compleat, & immisso embolo intra fistulam quousque ejus basis FG fundum fistulæ Cattingat, tunc patet, quòd aqua BC officium bilancis supplet, in cujus extremo B superponitur moles aquæ gravis AB, alteri verò extremitati C exigua aquæ laminula FC imminet, & proindè si reliqua ejus portio FD usque ad horizontalem AD, esset vel aère repleta, vel omninò exinanita & vacua, procul dubio aqua FC fursùm ascenderet versùs D, non quidem sponte sua, sed impulsà à majori contrapósito pondere aquæ AB; propterea quod in libra imaginaria fluida BC pars B, magis pressa à majori pondere imminentis aquæ AB, expellere fursùm debet minùs gravem aquæ molem FC, quousque ad æquilibrium in plano horizontali AD perducatur; his præmissis, retrahatur embolum EFG fursùm, ut nimirum ejus basis FG perducatur ad summitatem fistulæ D, ita tamen, ut perfectè assarium FG contingat internam fistulæ superficiem, ut ne rimula quidem remaneat, per quam aëri supremo ingressus pateat; tunc in spatio FD, neque aër, neque aliud corpus remaneret, dum contrapósita fistula AB est plena aquæ, & hæc procul dubio sua naturali gravitate impellet fursùm aquam ab F usque ad D, nulla alia de causa, nisi quia in bilance BC majus pondus aquæ AB impellere fursùm debet contrapósitum minus pondus. Modò in hac operatione nonne stultè ratio-

rationocinaretur is, qui diceret aquam FC ascendere sursum, ad occupandum spatium FD, contra inclinationem naturalem suæ gravitatis, ad hoc, ut repleat prædictum spatium, ne inane admittatur in natura? & ratio est, quia non potest in dubium revocari causa physica & realis, quæ author est hujus operationis, nempe majus pondus contrapositæ aquæ AB, quæ in siphone & bilance necessitate mechanica apta nata est impellere sursum aquam FC usque ad D.

De vacui
necessitate

PROPOSITIO CCLII.

Si in syringa intra puteum demersa embolum ab ejus fundo sursum retrahatur, aqua subiecta ascendet, non quidem ob momentum vacui, sed necessitate mechanica à pondere columnæ aquæ collateralis impulsæ.

Si postea non usurpetur siphon solidus ABCD, sed tantummodo ænea syringa EDC, & hæc intra puteum RSTV perpendiculariter ad horizontem, ore deorsum vergente, immittatur, quousque infimum ejus orificium C, propè fundum putei perducatur, tunc quia aqua intra cavitatem syringæ CF non potest elevari, nisi aqua collateralis IB descendat ad replendum spatium subiectum ab aqua FC relictum; nec fieri potest, ut illa portio aquæ collateralis fundo syringæ proxima IB deprimatur, quin subsequentes partes ei perpendiculariter imminentes AI consequutivo motu omnes una post aliam deprimantur, quousque ad supremam libellam aquæ RV perveniatur: itaque in hoc casu adsunt veluti duæ columnæ, una aquea AIB, quæ deorsum premit ac fertur, reliqua verò est portio aquæ CF unà cum embolo FE, & aqua imminente EH, quæ contrario motu sursum supponitur ferri; ambæ verò prædictæ columnæ innituntur, sustentanturque ab infima lamina aquea BC, quæ officium libræ supplet; & siquidem momenta, quibus extremitates fluidæ libræ BC premuntur à prædictis columnis AB & HC, fuerint inter se æqualia, tunc procul dubio fiet æquilibrium & quies, nec una earum à reliqua columnasursum expelletur; at si è fundo syringæ embolum EFG retrahatur sursum usque ad D, procul dubio necessitate mechanica aqua subiecta CF sursum per syringæ cavitatem ascendet, sem-

TAB. XIV.
Fig. 6.

per

De vacui
necessitate

per affario FG adhærendo, non quidem ob vacui metum, sed quia impellitur à contrapofito majori pondere columnæ aqueæ AB.

PROPOSITIO CCLIII.

Isdem pofitis, fi præterea infimum fyinga orificium infra mercurium in catino contentum mergatur, retracto embolo mercurius afcendet non ob vacui metum, fed impulfus à pondere columnæ aqueæ collateralis.

TAB. XIV.
Fig: 7.

Si deinde in fundo putei RSTV ponatur catinum MNO hydragyro plenum, infra cujus libellam MO orificium infimum C fyingæ immittatur, tunc paritèr retracto embolo EFG mercurius in fyinga CD afcendet, non quidem fponde ad replendum vacuum, fed impulfus à majori pondere columnæ aqueæ AB, & eò ufque mercurii elevatio perfeverabit, quoufque fiat æquilibrium inter momentum aquæ & mercurium, fcilicèt fi altitudo columnæ aqueæ AB fuerit 18 cubitorum, oportet, ut altitudo æquè amplæ columnæ mercurii fit cubitorum duorum, & femis proximè, & hæc eft fumma altitudo, ad quam mercurius in prædicta fyinga elevari poteft, at fi ulterius vi manus embolum fublevetur, perfiftet tamen perfeverabitque mercurius in priorii illa altitudine, & potius fpatium exinanitum, ideft abfque mercurio, & abfque aqua, & aëre relinquet, quàm mercurius pilum fublevetur: & hinc nedum deducitur, quod mercurius afcendit quatenus & quoufque impellitur ab oppofito pondere fluidi AB, fed præterea conftat, quod non afcendit fponde ad replendum fpatium privatum, feu vacuum mercurio, cùm prædictum limitem cubitorum duorum & femis non prætergrediatur, nec follicitus fit, quod fuperius fpatium mercurio vacuum remaneat.

PROPOSITIO CCLIV.

In omnibus experimentis Adverfariorum oftenditur violentèr impelli fluidum fursum, & per accidens accurrere ad replendum vacuum.

Id quod diximus de aqua, verificari quoque in aëre fatis fuperque conftat ex fuperiùs dictis. Propterea quod aër non minus quàm aqua

aqua gravis est, & in suamet regione pondus & gravitatem exercet supra fluida corpora subiecta; proindeque in aëre non minus quàm in aqua libra & siphon exercentur, in quo æquilibrium effici potest; quare retracto embolo in syringa aqua subiecta non attrahitur, neque fugitur, neque ipsa sponte elevatur assario adhærendo, ob vacui metum, sed quia à majori pondere columnæ aëreæ infimo fluido incumbentis eumque prementis, necessitate mechanica, aqua intra syringam insinuat, & per accidens contingit, ut aqua accurrere videatur ad replendum spatium inane. Idemque prorsus dicendum est de antliis, ac machinis Ctesibianis, & de medicis cucurbitulis, ut Cap. 6. satis superque declaravimus.

Quòd verò tabellæ follium post compressionem obturato foramine difficile distrahantur, & sic duæ laminæ vitreæ se tangentes, non inde sequitur timor, & abominium vacui, nam hoc contingit ex eo, quòd gravitas aëris ambientis, premendo subiectam partem fluidi, quæ libram constituit, non permittit, ut tabellæ facillè distrahantur, nam in earum separatione creari debet spatium inane, & idè minoris ponderis quàm sit illud, quo columna fluidi collateralis premit subiectam libram fluidam, & proinde infima tabella impellitur sursùm versùs supream, ut ei adhæreat. Non tamen prædicta adhæsiō & unio tabellarum est immensæ energiæ, ut inexperti Peripatetici censent, præcisè enim æquat vim ponderis columnæ fluidæ collateralis sua pressione infimam tabellam sublevantis, & tunc si majori vi, quàm sit prædictum pondus fluidæ columnæ, urgeas retrahendo tabellas, procul dubio ab invicem separantur, ut experientia docet.

Ostenfa nullitate præcipuorum argumentorum, quæ à Peripateticis afferri solent contra vacui existentiam, debet tandem ad examen revocari argumentum valdè exaggeratum ab aliquibus Recentioribus, quòd tamen antiquitus levissimè Aristoteles innuebat, & saniores Peripatetici non valdè ipsum exaggerarunt, forsitan existimantes non esse tanti roboris, ut comparari possit rationibus superius adductis. Dixerat Aristoteles cubum intra aquam immisissum expellere sibi æqualem molem aquæ ab eo loco, in quo cubus reponi debet, in vacuo autem id non contingere, proindeque spatium vacuum non dari, quandoquidem trinam dimensionem haberet, ideoque corpus esset, & sic penetraretur à corpore ipsius cubi, quod est impossibile. Hanc ratiunculam in angulo physi-

Argumen-
tum Arist.
& Cartesii
contra va-
cuum.

4. Phys.
Cap. 8.

ces

(T)

De vacui
necessita-
te.

ces Aristotelis repositam ad auras revocavit Renatus Cartesius, ejusque Asscclæ. Inquiunt enim corpus esse rem extensam, scilicet præditam longitudine, latitudine, & profunditate, unde, ubicunque ponitur extensio, necessariò corpus substantiale admitti debere: hinc sequitur nullo pacto concedi posse spatium nudatum privatumque corpore substantiali, cum dari non possit extensio separata à corporibus physicis, & ideò ajunt, quòd quicunque spatium vacuum admittit, necessariò in eodem vacuo concessorem, seu substantiam extensam, scilicet corpus, concedat necesse est, propterea adeò verum est vacuum esse impossibile, ut is, qui ipsum admittit eodem spiritu id ipsum neget. Hoc porro argumentum tantæ energiæ, & tanti roboris esse prædicti Auctores censent, ut mirentur, misereanturque debilitatem intellectus eorum, qui huic argumento non acquiescunt, & manus non dant.

PROPOSITIO CCLV.

Dimensiones, quæ spatio vacuo tribuuntur, non sunt reales, sed mera negationes, & privationes.

Huic objectioni responderi posse mihi videtur, quod illæ, quæ dimensiones vocantur, in vacuo non sunt, neque reales, neque positivæ, sed meræ privationes, & negationes, scilicet deficit in tali loco tanta longitudo, tanta latitudo, & tanta profunditas, quandoquidem ibidem deficit corpus, quod rem seu substantiam extensam esse definitum est: paritèr falsum est prædictum vacuum mensurari posse, cum nihilum nullam dimensionem mensurabilem habeat, sed tantummodò intellectus noster fictione quadam, & fallaci imaginatione applicat, tribuitque conceptum plenitudinis ipsi vacuo, scilicet applicat conceptum, & imaginationem dimensionum eorumque mensuram, ubi revera deficit prædicta mensura; ex quo deducitur esse merum figmentum, & meram deceptionem, & fallaciam intellectus, qui nullo pacto spoliari potest idea, & conceptu plenitudinis, & corporis, & quantumcunque nitatur eam removere, semper in ejus idea, & imaginatione versatur phantasia, & imago entitatis cujusdam omni ex parte extensæ. Quod porro necessarium esse videtur, nam cum nihil in intellectu concipi, aut existere possit, quod prius à sensibus non haustum sit; sensus verò non nisi res undequaque extensas, & corporeas ab ipso

De vacui
necessita-
te.

ipso ortu per totam ætatem percipiat; hinc est quòd nunquam intellectus quantumcunque nitatur, ideam, seu imaginem incorpoream, & dimensionibus carentem sibi effingere queat; quia nimirum, quando per illationem quandam nititur ab imagine, & phantasia corporea progredi ad ideam incorporei & vacui, tunc conatur eam quodammodò extenuare, expandere, ac rarefacere, ut sic per gradus ad conceptum vacui incorporei perveniat; at hoc nunquam assequi potest, quia semper ejus conceptus sistitur in aliqua imagine, seu phantasia nebulæ, seu auræ rarissimæ, & valdè expansæ, nunquam autem ultra limites extensionis corporeæ transcendere valet: & hinc fit ut quotiescunque substantiam quandam spiritualement, veluti Anima est, vel Angelus, contemplari conamur; tunc quidem perpetuo menti obversetur phantasia quædam tenuissimæ auræ, aut alterius similis rei, quæ limites corporeos nunquam progreditur. Nec solummodò in hoc percipitur humanæ imaginationis imbecillitas, sed etiam in comprehensione infiniti, & indivisibilis. Itaque quando vacuum cogitamus id quod verè concipimus absque hallucinatione, est, quod si spatium vacuum esset plenum, haberet profectò tantam dimensionem longitudinis, latitudinis, atque profunditatis, & hoc patet ex eo, quòd non potest concipi mensura spatii alicujus vacui absque eo, quòd intellectus ibidem concipiat, vel filum, vel virgam, vel rem aliquam corpoream, quæ, quatenus corpus est, habet veram dimensionem; at si loquamur de vacuo, quatenus tale est, in eo prorsus negari debent, & tolli omnes dimensiones, persuaderique debemus prædictum spatium inane carere, seu non habere longitudinem viginti cubitorum v. g. scilicèt esse prorsus nihilum.

Neque novum est in physicis ac mathematicis, considerare naturas & proprietates quantitatum, & numerorum defectivorum, qui vulgò vocantur minus nihilo; hos profectò nedum mensurari, sed etiam dividi & multiplicari posse certum est, nihilominus constat, meras privationes & negationes esse, nec ullam entitatem habere.

Præterea vulgatum est, quòd dimensiones puræ, & absque subiecto, nullam existentiam in natura habent, nisi in imaginatione & phantasia nostra, sed tantummodò reperiuntur in natura res extensæ, scilicèt substantiæ corporeæ; quapropter in vacuo, ubi opo intellectus, vel à potentia Divina, tollitur corpus, scilicèt res extensa remanere non possunt extensiones illæ, scilicèt longitudo, lati-

rudo, & profunditas, sed solummodò privatio & negatio earundem, quæ tolluntur unà cum re extensa, nempe cum corpore.

PROPOSITIO CCLVI.

Dimensiones spatii separati, quæ extra mundum concipienda sunt, mera privationes poni debent.

Hæceadem doctrina attentè considerata non videtur recedere à communi Peripatetico conceptu; immò expressè eam affirmare tenentur, nam ex Aristotele mundus finitus est, comprehenditurque à perfectissima figura sphærica; igitur extra mundum vacuum concedant necesse est, quandoquidem ibi deficit corpus, nempe res extensa, estque tale spatium extra mundum mensurabile cubitis, & palmis, cum nedum Intellectu, sed etiam Auctor naturæ potest ibidem reponere virgam quatuor cubitorum longitudinem habentem, igitur prædictum spatium separatum extra mundum, & omnino corpore privatum, scilicet absque re extensa mensurari nihilominus potest. Quid ergo prohibet, & quare tantoperè horrent, ut si ab hac aula omnino corpus tolleretur prædictum spatium vacuum cubitis & palmis mensurari posset? Immo contra ipsos retorquere argumentum possem, dicendo, illa longitudo quatuor cubitorum extra mundum estne vera dimensio an non? si negant, potero ego quoque de hac aula, si esset vacua, eodem modo affirmare ejus longitudinem mensurabilem non esse veram dimensionem, sed tantummodò ejus privationem, & negationem, seu nihilum. At si dicent illam longitudinem 4. cubitorum extra mundum esse verè dimensionem, dicam ego: igitur vos quoque admittitis accidens, nempe quantitatem sine subiecto, scilicet absque substantia corporea, quod si absurdum est, debent quoque eadem mea responsione difficultati occurrere. Et hoc profectò videtur expressè ab Aristotele concedi, cum ait, extra mundum non dari nec locum, nec tempus, scilicet ibidem non reperiri dimensiones, præter eas, quas intellectus falsa imaginatione ibi fingit, quod perinde est, ac affirmare prædictas dimensiones extra mundum esse meras privationes & negationes, scilicet ibidem deficere tantam longitudinem, quantam haberet corpus aliquod substantiale, quod ibidem collocatum fuisset, & modò ibi deest.

Postrema instantia, quæ solet afferri contra vacuum, talis est, tam

tam impossibile est concipere aulam hanc vacuum, & prorsus corpore ^{De vacui necessitate.} privatam, ut necesse sit concedere ejus parietes oppositos & discretos sese mutuo tangere, propterea quod ea dicuntur sese tangere, inter quæ nil intermediat, cumque inter parietes oppositos prædictæ aulæ nihil intercedat, spatium enim vacuum nullam entitatem habere supponitur; igitur parietes hujus aulæ se mutuo tangerent, quod est falsum.

E contra, ea corpora dicimus inter se distare, inter quæ aliquid intermediat, cum igitur parietes prædictæ aulæ inanis concedantur inter se distare, igitur necessario inter eos aliquid intermediet necesse est, proindeque spatium interceptum non erit vacuum.

PROPOSITIO CCLVII.

Falsum est solummodo ea se tangere, inter quæ nihil intermediat, nisi eorum extremitates conjunctæ fuerint.

Huic argumento respondetur, verum non esse, quod ea se mutuo tangerent, inter quæ nihil intermediat, sed requiritur altera conditio ad hoc, ut contactus fiat, scilicet ut extrema corporum, quæ se mutuo tangere debent, sint simul unita & conjuncta, id est eorum extremitates in eodem situ spatii mundani existant, quando verò hæc conditio deficit, scilicet quando existunt in diversis locis, & eorum extremitates non sunt simul, tunc non se tangunt duplici de causa, aut quia inter ea intercipitur aliud corpus, nempe aër aut aqua, aut quia separantur ab ipsomet nihilo seu vacuo, & in utroque casu ratio quare non tanguntur, est quia termini eorum non sunt conjuncti, atque uniti. Unde patet nullitas hujus argumenti.

PROPOSITIO CCLVIII.

Nulla ratio suadet mundum corporeum infinitum ponere, ut vacuum omnino rejiciatur.

Satis superque percipio ante præmissam Propositionem convincere nedum Peripateticos, sed etiam eos omnes, qui mundum finitum esse concedunt, non vero eos, qui mundi universitatem corpoream infinitam, & undique extensam esse sibi suaservunt, inter quos recenferi videtur Cartesius, quia ait substantiam corpoream indefinitè extensam mundum habere, & licet non utatur

(Tt 3)

voce,

De vacui
necessi-
tate.

voce, infiniti, idem nihilominus dicere videtur, nisi nos ludat; aut decipit; nam inter finitum & infinitum medium non datur, quod nimirum majus sit finito, & minus infinito, cum quicquid infinitum non est, necessario terminos habere debeat; præterea id ipsum ex ejus verbis elicatur, nullos enim extensionis fines habere, idem est prorsus, ac infinitum esse, utraque enim phrasi negatur universitati corporeæ finis, aut terminus. Et licet se excusent, dicendo se non percipere mundum corporeum finitum esse posse, in hoc iterum nos decipiunt, nam est prorsus impossibile ut intellectus humanus percipiat, & capiat entitatem infinitam, quandoquidem imagines, seu ideas corporum finitas, quas sensibus hausit, licet conetur ampliare, augere, & extendere quocunque conatu, semper tamen conceptus & phantasia in aliqua idea undique terminis clausa permanet, & in summa limites infinitatis ne per somnium quidem attingere potest. Verissimumque est, quod dici solet, quod quotiescunque infinitum affirmamus, tunc quidem rei, quam non capimus, nomen obscurum, & incompertæ significationis tribuimus; verum ut proferam id, quod sentio, videtur Cartesius asseruisse mundi corporei infinitatem non ab aliqua firma ratione ductus, sed ne dissentiret à præjudicio facto, quod spatium inane dari non posset, propterea quod spatium, scilicet dimensiones necessario existentiam substantiæ corporeæ includere, & indicare credebat, neque suaderi potuit fieri posse, ut dimensiones, quas in spatio inani imaginamur, sint non quid reale, & substantiale, sed merè ens fictum, & verè nihilum.

Nova ar-
gumenta
contra
vacuum.

Alii ajunt à vacuo impediri diffusionem lucis, influxuum celestium: præterea partes universi nulla alia de causa partes ejus censeari, nisi quia unitatem & perfectionem mundi constituunt, hæ verò si divisæ essent per vacuum partes ejus non essent, quare vacuum quatenus mundi unitatem perfectionemque dissolvit, dari non posse concludunt.

Responderi potest benè in vacuo diffusionem lucis, & influxuum fieri posse; nam per vacuum motus corporum fieri diximus, quibus prædictæ actiones perfici queunt; præterea nego mundi unitatem continuam partium unionem habere necessario debere, poterit enim vocari mundus perfectus, & unus, licet plures porulos vacuos habeat, sicuti animal perfectum & unum dicimus, licet non sit omnino continuum, & habeat innumeras porositates.

Tan-

Tandem Recentiores aliqui ad hominem contra vacui assertores sic arguunt. Si aër nulla alia de causa condensatur & rarefit, nisi quia vacua intercepta, aut strictiora, aut ampliora efficiuntur, cum aër ineffabilem rarefactionem, & condensationem patiatur, eo quod in statu rarissimo occupet spatium serè bis millies majus quam in statu maximæ condensationis, sequitur quod pars solida, & plena aëris, sit una pars bis millesima spatii vacui ab eo occupati, hoc autem videtur impossibile.

PROPOSITIO CCLIX.

Ex ingenti spatio inani in particulis aëris contento non evincitur vacui impossibilitas.

Respondetur primò, non esse necessarium ut universum spatium intra aëris particulas contentum sit prorsus inane, possunt enim ibidem innumeræ particulae corporeæ ramosæ & solutæ existere & vagari ut sunt exhalationes aquæ, terreæ, igneæ, & innumeræ aliæ.

Secundò, licet prædictæ corporeæ particulae, & exhalationes in aëre non adessent, non proinde esset impossibilis excessus ille spatii vacui supra plenam aëris partem; nam, ut supra dictum est, valdè probabile est aëris particulas habere figuram tubi, seu spiræ ramosæ, quæ nedùm bis millesimum soliditatis, sed multò majus spatium comprehendere queant, cujus rei non desunt exempla in natura: ampullæ enim aquæ, quas Pueri efformare solent, incomparabile majus spatium cavum comprehendunt, quam sit solida aquæ pars. Id ipsum in ampullis vitreis contingit, igitur non videtur tam absurda & impossibilis illa aëris figura, quæ possit prædictum grande spatium continere; quare nil probat hoc argumentum contra vacui positionem.

Ex his omnibus concludere licet rationes hætenus excogitatas contra vacui positionem convincentes non esse. Restat modò, ut directè ostendamus necessariò vacuum admitti debere, ad hoc autem ostendendum repetenda sunt aliqua priùs exposita, & afferenda alia sunt, quæ ad nostrum institutum conducunt.

Et primò ni fallor satis apertè ostendimus fluida corpora dividi non posse semper in partes, quæ paritèr fluidæ sint, sed necessariò deveniendum esse ad particulas quantas, & figuratas; hæ verò necessè est, ut vel molles, & flexibiles, aut omninò rigida, & duræ sint.

Directè
demon-
stratur va-
cui exi-
stentia.

Cap. 7.
prop. 14.
& 141.

De vacui
necessita-
te.

sint. Igitur si ostenderimus, quod corpora mollia & flexibilia necessarii componuntur ex particulis quantis figuratisque non mollibus nec flexibilibus, procul dubio duræ, consistentes, & rigidæ erunt, & proinde fluidum resolvi tandem debet in particulas prorsus duras.

PROPOSITIO CCLX.

Et primò ostendendum est, quod minima particula corpus molle componentes non possunt esse molles.

Si enim hoc verum non est, sint particulae primum molle corpus componentes non duræ, sed molles; ergo dividendo corpus molle nunquam deveniemus ad aliquam minimam ejus particulam duram, sed semper mollis erit, (nam si ad rigidas perveniri posset, ex his profecto componeretur, quod non ponitur) & quia eatenus tale corpus cedit molliemque habet, quatenus aliquæ ejus partes quiescunt, reliquis ab uno ad alium locum translatis, vel de verso & inæquali motu agitantur ab eo, quo reliquæ ejus partes moventur, sed in majori, aut minori proportionem, quam partes rotæ solidæ agitantur, ut dictum est; ut autem verum sit nullam particulam corporis mollis carere hac passione molliciti, necesse est, ut semper ei conveniat molliciti definitio, scilicet semper quælibet ejus partes moveri queant, illo inæquali, & diverso motu à cæteris contiguis; cumque contigua ejusdem concreti partes non possint diversis, & omnibus inæqualibus motionibus agitari, nisi sint dissectæ, & inter se divisæ actu; ergo nulla particula mollis corporis assignari potest, quæ non sit subdivisa actu in plures alias particulas, quare nunquam perveniri poterit ad finem enumerationis multitudinis particularum actu divisarum in prædicto composito molli, & ideo talis multitudo major erit quocunque numero, scilicet major erit quacunque finita quantitate: igitur infinita erit. At infinitæ partes, si essent quantæ actu divisæ, componerent extensionem infinitam; ergo quodlibet exiguum corpus esset infinitum, quod sensus evidentiæ repugnat, sequitur ergo, quod prædictæ particulae infinitæ non quantæ, & proinde puncta indivisibilia sint, hoc vero est impossibile, ut prius ostensum est; igitur partes molle corpus primum componentes non sunt molles, sed aut flexibiles, aut omnino duræ, & rigidæ erunt.

PRO-

PROPOSITIO CCLXI.

De vacui
necessita-
te.

Eodem progressu ostendemus, quod minima partes flexibile corpus primum componentes omninò inflexibiles, rigide, & duræ esse debent.

Nam si hoc verum non est, sint prædictæ primæ particulae, componentes corpus flexibile, non duræ, sed flexibiles; ergo dividendo prædictum corpus flexibile, nunquam deveniemus ad particulam ejus, quæ rigida sit, sed semper flecti poterit; & quia causa, quare prædictum corpus flectitur, est, quia aliqua ejus partes moventur, reliquis quiescentibus, vel diverso & inæquali motu, continuo corpori non competenti, ab eo quo reliquæ contiguæ partes agitantur; nec concipi possit nullam particulam flexibilis corporis carere hac passione flexibilitatis, nisi semper ei flexibilitatis definitio competat, scilicet nisi semper quælibet ejus particulae moveri queant inæquali motu diverso (& non proprio corporis continui & uniti) à cæteris contiguis; & partes contiguæ ejusdem concreti non possunt prædictis motibus diversis agitari, nisi actu divisæ inter se sint, ergo nulla particula flexibilis corporis assignari potest, quæ actu non sit subdivisa in plures alias particulas; quare nunquam perveniri poterit ad finem enumerationis multitudinis particularum actu divisarum, quapropter talis multitudo major erit quocunque numero, ideoque infinita erit. Verum prædictæ partes infinitæ, si essent quantæ, actu inter se divisæ compo-
nerent extensionem infinitam, ergo corpus aliquod palmare v. g. infinitam extensionem haberet, quod est falsum; non igitur quantæ, sed puncta indivisibilia erunt, quod cum sit impossibile, ut dictum est, sequitur, quod partes, flexibile corpus componen-
tes, non sint flexibiles, proindeque duræ & rigidæ esse debent, quod fuerat ostendendum.

Hinc sequitur quod partes minimæ corporum fluidorum, mollium, & flexibilium figuram aliquam habere debent omninò rigidam durissimamque. Præterea deducitur, quod in flexibili corpore flexio ejus fieri continuarique potest, quousque ad particulas omninò duras perveniat, quæ postea nullo pacto flecti possunt; quia quodlibet corpus durum, quantum suos fines ac terminos habere debet, igitur necessario aliqua figura compre-

(Vv)

hen-

De Vi per-
cuss. c. 26.

Prop. 137.

Prop. 135.
& 136.

Prop. 134.

De vacui
necessita-
te.

henditur, ac terminatur, & ideo aut habebit figuram curvam, & rotundam, aut polihedram, aut mixtam, neque absque aliqua ex his concipi potest.

His præmissis, ulteriùs procedendo examinemus quænam figuræ spatium implere possunt, & quæ non.

De figu-
ris spa-
tium im-
plentibus
hypothe-
ses.

Vulgare est, angulos, qui ab uno puncto plani subjecti circumcirca effici possunt, æquales esse quatuor rectis angulis planis, si verò prædicti anguli minores quatuor rectis fuerint, necessariò hiatus, & spatium aliquod relinqui debere ab iisdem angulis non repletum.

Paritèr notum est, angulos solidos, qui ab uno puncto spatii trinae dimensionem habentis undique effici possunt, æquales esse octo angulis rectis solidis, à qua summa si defecerint, procul dubio hiatus, & spatia aliqua inania, trinam dimensionem habentia, remanere debent.

PROPOSITIO CCLXII.

Quenam figura plana & solida suis angulis spatium implere possint.

Hinc deducitur, quòd si concurrant apices angulorum plurimum figurarum planarum ad unum punctum plani subjecti, illæ spatium omninò complebunt, quotiescunque æquales quatuor angulis rectis fuerint, sin minùs aut penetratio in excessu, aut interstitia inania in defectu relinquare debent. Quia verò figurarum planarum aliæ regulares sunt, scilicet æquiangulæ, & æquilateræ, aliæ irregulares, constat ex Theone, Pappo, Maurolico, & aliis, sex angulos regularium triangulorum ad unum punctum plani subjecti concurrentes spatium implere, eò quòd summam quatuor rectorum adæquant, sic etiam apices quatuor angulorum quadratarum figurarum ad unum punctum ejusdem plani concurrentes spatium complent, non secùs apices trium angulorum hexagonalium figurarum, paritèr spatium adimplent, & nullæ aliæ; figurarum verò irregularium anguli ad unum punctum spatii plani concurrentes, qui spatium complere possunt propemodum infinitæ sunt, scilicet omnes illæ, quorum anguli convenientes summam quatuor rectorum æquant.

Easdem proprietates habent anguli solidi, qui in uno plano suis faciebus adaptari possunt, ut sunt prismata rectangula, & nonnul-

la

la alia, quorum bases, aut sunt poligona regularia, aut non, & quando anguli basium, ad unum punctum plani subiecti concurrentes, spatium prædictum planum complent, etiam superficies planæ laterales in communi latere erecto conveniunt, & tunc componunt, veluti pavimentum, aut opus tessellatum vel musivum, itaque sex prismata rectangula triangularia, & æquilatera ad unum punctum plani subiecti adaptata, spatium omnino complent; sic quoque quatuor prismata quadrata, & non minus tria prismata hexagonalia, & nulla alia præter hæc, nisi bases irregulares fuerint.

Si verò considerentur corpora, quæ regularia appellantur; patet, quod octo cubi suis angulis ad unum punctum convenientibus spatium complent, & nullæ aliæ figuræ, quæ regulares sint, & ejusdem generis id ipsum efficere possunt, hoc autem ingeniosissimè Maurolicus demonstravit in suo Opusculo nondum edito de figuris spatium implentibus, qui præterea hallucinationem Aristotelis & Averrois patefecit, non enim duodecim anguli pyramidum spatium implere possunt, sed oportet ut octo anguli pyramidum sex angulis octaedrorum aptè uniantur ad unum punctum, ut spatium omnino expleant, & nullæ aliæ figuræ præter jam dictas.

His præmissis, considerari debent motus earundem figurarum, & symptomata, quæ in earum agitatione contingunt.

PROPOSITIO CCLXIII.

Enumerantur figura solida, quæ intra alias agitata spatium implere, aut non implere possunt.

Et primò facile constat, quod prismata & Cylindri moveri possunt motu directo axi æquidistanti intra cavitatem alterius corporis absque perturbatione figuræ ambientis corporis, ut gladius intra vaginam extrahi & immitti potest; unde patet, quod in tali motu spatia inania non admittuntur.

Præterea sphæræ, cono, conoides, & cæteræ regulares figuræ curvæ, motu vertiginis circa proprium axem rotari possunt, absque perturbatione figuræ ambientis corporis, & proinde absque vacui admixtione.

At figuræ polihedræ non prismaticæ directe moveri non possunt absque perturbatione figuræ, situationis, & dispositionis ambientium corporum; & propterea necessè est ut non permaneat illa

(Vv 2)

con-

De vacui
necessita-
te.

constipata unio solidorum angulorum, quæ necessaria est ad spatium omnino replendum.

Prismata, cylindri, sphaerae, conici, & nonnullæ aliæ transferri transverse motu directo & inclinato ad axim non possunt, nisi figura, quam anguli solidi corporum ambientium repletam, & constipatam constituiebant omnino perturbetur, admisceaturque non nihil vacui.

Præterea figuræ polihedrae circa aliquam lineam tanquam axim circumduci nequeunt, nisi perturbetur dispositio constipata corporum ambientium, ut in pavimento non potest unum laterculum rotari, nisi ambientis laterculi situm & ordinem constipatum, mutando spatia inania, admittant. Alia symptomata omittuntur, cum hæc tantum modò in casu nostro sufficiant.

Postea in iis motibus, in quibus inania spatia creari debent, videndum restat, an possint, & quomodo tanta celeritate prædicta inania spatia repleri, ut nunquam vacuum admittant.

PROPOSITIO CCLXIV.

Primò, si duæ superficies planæ duorum corporum inflexibilium sese tangant, & postea separari debeant, aut illo motu, quo plana semper ad invicem æquidistant, aut angulariter inclinentur, necessario vacuum admitti debet.

TAB. XIV.
Fig. 8.

Sint duæ laminæ omnino duræ, & inflexibiles ABC, & FEH, quæ suis planis superficiebus ADC & GEH se mutuo tangerent: ajo, quod si suprema lamina sublevetur, aut flectendo angulariter, aut transferendo sursùm superficiem GEH motu sibi ipsi æquidistanti, necessario vacuum admitti debet; quia ob rigidam inflexibilemque duritiem corporum ABC & FEH superficies ADC & GEH semper eandem directam planitiem retinent, sive quiescant, sive moveantur, ergo in actu separationis fieri non potest, ut pars plani GEH divellatur, separeturque à subjecto plano perseverante contactu reliquæ partis, aliàs duo plana haberent segmentum commune, quod est impossibile. Hinc sequitur, quod divulsio & separatio planarum superficialium ADC & GEH fieri debeat non successivè, & in tempore, una pars post aliam, sed tota simul in unico instanti, ita ut omnes partes supremæ superficiei simul divelli separarique debeant ab omnibus partibus superficiei infimæ; quapropter necesse est, ut in illo unico instanti separationis creetur spatium interceptum cujus

ius figura, aut parallelepipedum erit, (si superficierum separatio fiat motu perpendiculari ad easdem, scilicet si planum supremum semper sibi ipsi æquidistando feratur) vel figuræ prismatis triangularis (si motus circularis sit circa axim firmum, quiescentemque AG;) hoc verò spatium si repleti debet à corpore solido vel fluido, quod ambiat prædicta corpora, necesse est ut insinuetur intra prædictum hiatus motu successivo, qui quantacumque celeritate fieri fingatur, semper exigit tempus, nunquam verò in instanti fiet, & proinde saltem per aliquod exiguum tempus internæ partes prædictæ cavitatis in instanti creatæ, remanebunt prorsus inanes, quapropter ibidem verè vacuum admitti debet.

Si postea consideretur ejusdem spatii vacui figura, dum fit motus separationis, procul dubio continentèr crescit, aut altitudinem, aut angulum DAH ampliando, ergo in qualibet particula temporis, in quo motus tabularum fit, creatur nova & major figura vacua, & ideo in quolibet minimo tempore debet insinuari nova materia fluida vel dura, ut replere valeat prædictum spatium, quæ materia, si componitur ex partibus quantis & duris, videtur impossibile accommodari posse, ut præcisè impleat prædicta spatia crescentia, & varias figuras habentia.

PROPOSITIO CCLXV.

In separatione corporum durorum contiguum vel continuorum, licet aër interceptatur, & rarefiat, vacuum evitari non potest.

Si quis verò recurrat ad porositates tabularum aëre repletas, vel per quas materia fluida penetrando præstò accurrere possit ad replendum vacuum creatum in instanti; refelli potest ex eò, quòd tabulæ non ubique & universè perforatæ sunt, alias nullam densitatem haberent, & proinde necesse est, ut habeant aliqua interstitia solida non porosa, quæ necessariò quanta erunt, inter quæ interstitia spatia relicta inania in instanti separationis, non possunt repleri, nisi in tempore, quia fluidum accurrens motu locali successivo spatium quantum pertransire debet, ergo necesse est, ut saltem per aliquod tempus inane remaneat.

Et licet Adversarii in gratis assumpta hypothesis persistant,
(Vv 3) di-

dicendo, quod semper inter duo corpora se tangentia fluidum intercedit, saltem admittere debent, quod inter duas vitri portiones, quæ unitæ, & unum continuum componere ajunt, antequam diffringantur scindanturque, neque aër, neque æther intercipiatur; & in tali casu ratio superius adducta evincit in vitri scissura vacuum admitti debere. Postea capi non potest absque novo corpore forinsecus adveniente exiguum aëris particulam majus spatium occupare posse, se undique dilatando cum rarefit; & licet hoc interim admitatur, patet, quod prædicta ampliatio molis illius corporis, quod rarefit, sine motu locali successivò fieri non possit, transferuntur enim ejus partes ab exiguo & restricto loco ad ampliorem, ergo dilatatio illa rarefactionis necessariò in tempore peragi & absolvi debet, at illud spatium inane in instanti creatum fuerat, ergo à temporanea aëris rarefactione, & dilatatione spatium illud vacuum repleri omninò non potest, & ideo vacuum procul dubio remanebit.

His declaratis, ostendendum est necessariò vacuum dispersum intra exiguas corporum particulas admitti debere.

Quia manifestum est, motum in rerum natura dari intra corpora fluida, si ostenderimus motus aliquos fieri non posse absque vacui intermixtione, erit profectò certum vacuum admitti debere.

PROPOSITIO CCLXVI.

In discissione corporis flexibilis, dum partes tractione separantur, necessariò vacuum intercipitur.

Et primò consideremus motum, quo divelluntur, scinduntur, & separantur duo fragmenta saxi durissimi, ab aliqua valida percussione diffracti, vel à vi cunei, aut vectis excissi, in iis duæ superficies fragmentorum, quæ arctissimè connexæ & unitæ erant, licet in instanti videantur ab invicem separari, tamen fatendum est in tempore brevissimo divisionem peragi; atque hoc contingere ex flexione, quam patiuntur prædicta fragmenta, licet sint marmorea, aut adamantina, ex qua inflexione fit ut prædicta fragmenta in actu divisionis aliquantisper incurventur, & sic non tota simul in instanti à subiecta superficie divellatur, sed successivè una pars post aliam; ut si duæ laminæ marmoreæ uniantur duabus planis superficiebus AB & CB, cum divellere planum CB aliqua potentia conatur, si CB flexibilis supponatur, patet quod disjuncta particula CD

ab

ab AM, adhuc reliqua tota ejus portio DB necitur, tangitque portionem subjectam MB; postea, perseverante violentia, divellitur secunda particula DE ab MN, perseverante contactu in tota longitudine EB, deinde tertia particula EF solummodo ab NO segregatur, & sic consequentes reliquæ omnes particule una post aliam: Et hic notandum est, quod si in plano CB particule CD, DE, EF, non essent quantæ, sed lineæ transversales, aut puncta indivisibilia, quæ consequenter divellerentur in singulis instantibus temporis, procul dubio planities CB degeneraret transformareturque in curvam superficiem, quod profecto contingere non posset, nisi solida lamina CB constaret ex lineis transversalibus, aut ex punctis actu inter se divisis contiguisque, eò quod diversimodè moveri & transponi debent ad hoc, ut perfectam curvitatē acquirere possint. At si lamina ex particulis quantis corporeis constaret, quarum quælibet omnino dura & inflexibilis fuisset, licet post inflexionem curvatis apparentiam sensibus repræsentaret, tamen figuram quandam polihedram ex pluribus planis CD, DE, EF, &c. compositam efficeret, & tunc, licet prædictæ planitiæ succedivo motu una post aliam à subjecto plano divellerentur, tamen unaquæque earum ob nativam ejus duritiem inflexibilem tota simul & in instanti separaretur à subjecto plano.

Cogitemus modò CB esse laminam, seu fragmentum, quod ex integro marmore AB dirumpitur, licet in actu divulsionis inflectatur lamina CB, tamen non acquirit perfectam curvitatē, quia non componitur ex punctis actu inter se discretis, & inæqualibus motibus agitis, sed constat ex partibus quantis, figuratis, omnino duris, & rigidis, ut ostensum est; ideoque in ejus inflexione acquirere figuram ex pluribus facieculis, & ex pluribus angulis solidis compositam, & sic verum est, quod integra distractio, & divulsio successivè, & in tempore absolvitur, at unaquæque ex illis facieculis inflexibilibus à subjecta lamina, cum qua unita & conglutinata erat, divelli debet, non in tempore, sed in instanti, ut ex dictis deducitur; modò, quia spatiosa illa vacua prismatica triangularia, in instanti creata, nequeunt in instanti repleri, neque à solido, neque à fluido, ambiente corpore etiam rarefacto, quandoquidem motus, quo currere debent ad illud sparium replendum in instanti fieri non potest; ergo necessario vacuum in illis interstitiis saltem per aliquod breve tempus admitti debet, & hoc sufficit ad probandum

Prop. 264.
eiusque Coroll.

Prop. 264.

Prop. 265.

De vacui dum, nedum vacuum impossibile non esse, sed necessariò requiri ad talem motum efficiendum.

PROPOSITIO CCLXVII.

In eadem scissione non potest fluidum ambiens omninò creata spatia vacua replere.

Consideremus postea materiam corpoream, quæ accurrere debet ad replendum illud spatium vacuum, quod continentèr agetur mutando figuram; hæc profecto materia, aut mollis, vel flexibilis, aut fluida sit, oportet; & procul dubio non poterit quamlibet figuram acquirere, cum non componatur ex punctis indivisibilibus, sed ex partibus quantis, duris, & figuratis, & ideo non poterit accommodari ad figuram vasis, seu spatii de novo creati, ita ut omnino, & præcisè omnes ejus angulos repleat; finge enim apicem alicujus particulæ duræ fluidum componentis præcisè accommodari, replereque angulum spatii creati, postea ampliato paulisper angulo spatii, oporteret, ut angulus solidus illius particulæ fluidæ obtusior fieret, vel ibidem accurrere deberet angulus alterius particulæ aptus ad replendum augmentum prædictum angulare, quod aliundè cum continentèr crescere ampliarique supponatur, deberent accurrere apices particularum fluidum componentium, quæ haberent angulos solidos infinitis modis inter se inæquales & differentes, & hi postea undequaque accurrere deberent instantaneo motu ad replenda innumera spatiosa de novo creata, quod profecto omnem humanum captum superat.

PROPOSITIO CCLXVIII.

In motu fluidi intra fluidum vacua spatiosa creantur per breve tempus perseverantes.

Ex Coroll.
Prop. 262.

Perpendamus deindè motum fluidi intra ei homogeneum fluidum, & quia, ut ostensum est, particulæ, primum fluidum componentes, non sunt fluidæ, nec indivisibiles, nec molles, aut flexibiles, cum semper in unoquoque deveniendum sit ad particulas quantas figuratas non molles, nec fluidas, quæ proindè omninò rigidæ & duræ esse debent certis ac determinatis figuris præditæ; imaginemur modò hujusmodi duras particulas fluidum componentes sic
coap

coaptari ac constipari, ut omnino spatium repleant, patet apices angulorum earundem ad unum punctum convenientes, dum in quiete consistunt, præcisè octo angulos rectos solidos æquare, alias spatium omnino non implerent; qualemunque postea figuram habere particulas duras fluidum componentes supponamus, si illæ omnibus variisque motionibus agitentur, certum est, quod textura, ordo, & dispositio constipata particularum fluidi perturbatur dissolviturque, ut innumera spatiola vacua in instanti creantur. Hoc profectò patet exemplo pavimenti spicati, sive textellati, ex laterculis, sive lapillis angularibus polygonis variè figuratis contextum; hi sanè concinnè adaptati spatia lateralia omnino implent, quamdiù in quiete consistunt, at si quis velit unum solummodò laterculum revolvuere, aut directè horizontali motu transferre inter alia latercula, necesse est ut dissolvat constipatam illam texturam ambientium laterculorum, quæ contorqueri, & è suis locis expelli debent diversis & contrariis revolutionibus, & tunc est prorsùs impossibile, ut anguli solidi ad unum punctum convenientes æquales sint, sicuti prius octo angulis rectis solidis, sed necesse est, ut plura interstitia inania, seu à laterculis non occupata remaneant. Idem prorsùs in particulis fluidum componentibus eveniturum esse manifestum est. His positis, quia, ut antea insinuavimus, est impossibile, ut aliud corpus fluidum accurrere possit ad replenda prædicta spatia vacua, quæ creantur in instanti, dum motus aut disgregatio fluidi, quod conatur spatia illa replere, fieri debeat, in tempore; igitur est impossibile, ut subito spatia prædicta repleantur. Præterea figuræ solidæ & duræ particularum ejusdem fluidi accurrentis ineptæ sunt ad replenda præcisè spatiola vacua infinitarum figurarum, quæ in motu partium prædicti fluidi creantur, igitur si una, vel plures partes fluidi intra alias moveri debeant (ut certum est moveri) necessario vacuitates aliquæ, saltem per aliquod breve tempus, admitti debent.

Sed dicent Cartesiani, corpora omnia dura & fluida facilè permeari à substantia quadam summè rara, tenui, & penetranti, quæ æther appellatur, hæc nedùm porositates omnium consistentium corporum occupat, sed præsto accurrere posse ajunt ad replendas quascunque vacuitates.

PROPOSITIO CCLXIX.

Admissa substantia aetherea subtilissima & penetrantissima, non posset ipsa, vel quodlibet aliud corpus, moveri absque vacui interpositione.

Concedendum est primò, illam substantiam ætheream fluidum quoque corpus esse, & ideo componi quoque debere ex suis minimis particulis non fluidis, sed duris, quantis, & figuratis, quæ in tempore velint, nolint, accurrere debent ad replenda spatia illa vacua in instanti creata; & præterea ob figuras solidas non possunt omnino replere inanitates illas, ut priùs dictum est.

Secundo, omisso motu partium aquæ, vel aëris, loquamur de motu partium ejusdem fluidi ætherei, ostendetur, ut priùs ad motiones varias particularum ætheris necessariò vacuitates in eorum motu oriri debere, cum non minùs ætheris particulæ, ex quibus primùm componitur, quantæ, figuratæ, & duræ sint.

Ex Coroll.
Prop. 261.

Possumus ergo ex his omnibus non ineptè concludere, quod ex eò, quòd datur motus, admitti quoque debeat vacuum disseminatum intra particulas componentes corpora consistentia, & fluida, saltem tunc temporis, cum motus efficitur.

PROPOSITIO CCLXX.

Etiam corpora quiescentia intra eorum porositates innumera spatia vacua admittere debere.

Quia si non repugnat, immò necessarium est, vacua spatia admitti debere, tunc temporis, cum motus efficitur, quid vetat eadem vacua diutius perseverare extincto motu, dum fluidum omnino quiescit? hoc profectò in fluido omnium rarissimo & subtilissimo, qualis est substantia aetherea, affirmari debere videtur planè necessarium, & consequenter in aliis corporibus à prædicto æthere repletis: nam cum ejus minimæ particulæ sint quantæ, duræ, & variis figuris præditæ, videtur impossibile, ut exacta unione ad invicem constipari semper & ubique queant, ut prorsus spatium compleant, cum cuspidēs earum ad unum punctum convenientes summam octo solidorum angulorum rectorum nunquam, vel raro complere posse videantur; veluti acervus & cumulus are-

næ,

næ, aut tritici concipi non potest absque eò, quòd spatiola innu-
mera inter grana prædicta intercipientur, quæ spatiola augeri &
restringi posse experientia constat, quatenus succussio modio me-
lius & strictius granula accommodari possunt. Et licet gratis con-
cedatur alicubi partes ætheris omninò spatium implere, saltem post
ejus agitationem & commotionem vacua spatiola creari debere
constat, ut dictum est; cùmque eadem partium dispositio perfe-
verare possit in subsequenti quiete ejusdem fluidi ætherei, perfe-
verabunt quoque porositates illæ vacuæ.

Hujusmodi porrò vacua spatiola intra corpora mundana disper-
sa & disseminata præclarum usum habent in natura, non minùs ac
pori, qui in Plantis & Animalibus reperiuntur; sicuti enim per
eos effluere & penetrare possunt exhalationes igneæ, succi, & alia
corpuscula, à quibus vivificantur, nutriuntur, & crescunt, ita
per inanes mundanorum corporum porositates effluvia ignea, lu-
cida, & alia innumera penetrando rerum naturalis ordo & perio-
dus conservatur. Præterea ex vacuis prædictis disseminatis habe-
tur facilis & perceptibilis modus quomodo corpora fluida, mollia,
& flexibilia fluere, cedere, & flecti possint, & quomodo secari,
dividi, condensari, & rarefieri queant, sine quibus hæ omnes
operationes nullo modo percipi & explicari possint.

Ex his omnibus concludere licet, nedùm extra mundum sensi-
bilem spatium vacuum admitti debere, ut supra ostensum est, sed
etiam intra corpora disseminata spatiola omninò vacua necessariò
ponenda esse, ut propositum fuerat.

*Quare inter fluida sola aquea corpora cùm congelantur in-
genti vi augeantur mole rationem reddere.*

CAPUT XIII.

EX doctrina superius tradita, coronidis loco, tentabimus ra-
tionem reddere problematis admirabilis; quare sola aqua, &
cætera fluida aquæ naturam participantia, ut sunt vinum, humo-
res animalium, & plantarum, ab intenso frigore nedùm non con-
stringuntur, & ad minus spatium rediguntur, ut contingit in reli-
quis corporibus duris, mollibus & fluidis; sed præterea augentur
mole ampliunturque, scilicèt rarefiunt, & hoc fit ingenti vi. Cùm
ex vulgi loquendi usu densitas à duritie non distinguatur, & fluida

CAP. XIII.

Causa ra-
refactionis
glacii af-
fertur.

(X x 2)

cor-

Causa rarefactionis glaciei asseritur.

corpora censeantur rariora esse corporibus densis & duris, facile suadentur nonnulli quotiescunque corpus fluidum, ut aqua induratur, & glaciei consistentiam acquirit; à vi frigoris, condensatam fuisse, non verò rarefactam; quia verò inter rarefactionem & condensationem hoc discriminis intercedit, ut in illa parva materia seu substantia corporea grande spatium occupet, cum in hac è contra copiosior substantia corporea minus spatium, & magis restrictum expleat; cumque evidentissimè corpora omnia tum dura, cum fluida ab actione, & vi caloris, & ignis rarefiant, & majorem fluiditatem acquirant, & è contra à frigiditate condensentur indurenturque, videtur illis omninò impossibile ut maxima & intensissima actio frigiditatis, quæ est congelatio eam passionem producere debeat, quæ propria caliditatis est, & propterea negant aquam glaciata rarefactam esse debere.

PROPOSITIO CCLXXI

Experientia constat fluida aqua naturam participantia ab intenso frigore in actu congelationis ingenti vi rareferi.

Sed prædicti rationis fallaciam Galileus olim detexit.

Nam glacies super aquam fluidam innatat, ergo minùs gravis est ipsa aqua fluida, proindeque rarior ipsa aqua erit, quod ex principiis Archimedis evidentèr deducitur.

Postea in Academia Experimentalis Medicea innumeris experimentis evicimus glaciem amplius spatium occupare, quàm aqua fluida, quæ omnia legi possunt in prædicto Libro Experimentorum à fol. 127. usque ad fol. 165, ubi habetur progressus congelationis aquæ communis, tum à frigore artificiali nivis producto, cum à frigido naturali aëris; & in artificiali congelatione semper verum est, quod in principio immersionis vasis vitrei ABD intra nivem RSTV sale aspersam, primo aqua à puncto E, scilicet à gradu 142. brevi saltu trium ferè graduum elevatur usque ad F, & hic licet videatur augeri, & rareferi moles aquæ ipsius vasis, nihilominùs ego animadverti, & docui hoc contingere à restrictione ejusdem vitrei vasis; postea à puncto F continuato motu moles aquæ decrefcit condensaturque, quousque deprimatur ad punctum G graduum 120, & hic paulisper videtur quiescere, postea denuò moles aquæ fluidæ augeri incipit, sublevaturque ab infimo signo G, usque ad punctum H, scilicet usque ad gradum 130, & paulò post vehementissimum saltum aqua efficit usque ad gradum 166. in I, & tunc præcisè obtensèbratur veluti nebula aqua in vase AB contenta-

TAB. XIV.
Fig. 10.

De vi percuss. c. 31.
prop. 105.

tenta, & in glaciem vertitur, eodem illo exiguo & imperceptibili tempore, quo velocissimus aquæ saltus efficitur; præterea dum majorem duritiem glacies acquirit, & aliquæ partes fluidæ propè colli extremitatem AC gelantur, prosequitur fluxus aquæ supra signum I versus D, ibidemque profluit egrediturque aqua extra vas; ex qua historia (relictis innumeris aliis experimentis) evidentissimè constat, aquam in actu congelationis rarefieri, scilicet expandi, & ad spatium amplius redigi, idemque observatur in aquis stillaticis; thermalibus, in vino, in aceto, in limonum acredine, & in spiritu vitrioli; & solummodò aër, spiritus vini, olea, & hydrargyrum ab hac communi lege eximuntur, quæ ab intensiori gradu frigoris semper magis imminuuntur stringunturque, licet oleum aliquo pacto consistentiam soliditatemque acquirat, cum aër, spiritus vini, & hydrargyrum semper fluida remaneant.

Quòd verò vis, qua aqua dilatur, in actu congelationis sit promodum immensa, constat ex experimentis ibidem traditis, vasa enim vitrea undique clausa in actu congelationis aquæ inclusæ diffringuntur, & vasa ærea paritèr clausa, licet ejus parietes crassitiem semidigiti auricularis habeant, nihilominus etiam discinduntur diffringunturque, quod quidem à vi & energia cunei compressi à vasto pondere præstari minimè posset.

Ex recentioribus aliqui tentarunt causam rarefactionis glaciei redere; primò ex principiis Gassendi, qui expressè negat frigiditatem esse meram caloris privationem: sed sicuti in natura dantur corpuscula ignea caliditatem producentia, sic quoque dari corpuscula aliqua tetraedica, quæ frigorifica, sive alinitralia à Gassendo appellantur; hæc dum intra aquam insinuantur, molis amplitudinem, connexionem, & duritiem creare putant, unà cum ingenti frigiditate, & hanc esse causam rarefactionis, seu ampliacionis, quam aqua glaciata acquirit.

PROPOSITIO CCLXXII.

Rarefactio, & augmentum molis aquæ glaciatae, non efficitur à missione & interpositione corpusculorum frigiditatem creantium.

Sed hoc duplici modo redargui mihi posse videtur; primò; quia salia prædicta aquæ admixta pondus & gravitatem ejus

(Xx 3)

au-

Causa rarefactionis glaciei asseritur.

augere aliquo pacto deberent, quod quidem experientia repugnat, cum cyathus aquæ fluidæ unius libræ v. g. post ejus congelationem ad exactissimam trutinam examinatus, nè minimum quidem novum pondus acquirat. His adde, quod non parva moles salis requiritur ad congelandam eandem aqueam massam, tantopere ampliatam, quia deberet sal per universas aquæ particulas dispergi, ut prædictam unionem condensationemque universalem crearet: cumque salia ex sui natura graviora sint ipsa aqua, igitur valdè augeri deberet pondus in aqua glaciata; nec valet effugium, quod particulae illæ salinæ sint volatiles, nam ex observationibus in Academia Experimentalis Medicea factis constat sal volatile non differre substantia, consistentia, & figura à sale fixo ejusdem generis.

Præterea si aqua in glaciem versa mole augetur, quia intra ejus substantiam insinuantur miscenturque corpora frigorigifica, vel salina, profectò omnia corpora fluida ab eodem gradu frigiditatis æquè augeri mole, & ampliari deberent, ac aqua glaciata; cum ex hypothesi nulla alia de causa corpora frigida reddantur nisi quia replentur, & imprægnantur ab illis corpusculis, sive salibus frigorigificis, sed hoc est falsum, nam aer, spiritus vini, oleum, & hydrargyrum licet eidem boreali vento exponatur, non augentur mole, imò multò magis condensantur imminuunturque, & si præterea intensiori gradu frigoris afficiantur, quàm sit ille, qui aquam glaciare valet, perseverat nihilominus in illis fluiditas, & continentèr magis ac magis mole imminuuntur, scilicet semper minus ac minus spatium occupant, igitur rarefactio, & augmentum molis glaciei non efficitur ab aspersione, & mistione corpusculorum, & salium frigorigicorum, sed ab alia longè diversa causa phenomenon hoc dependet.

Hoc Gassendus indicasse videtur, cum ait, in glacie non paucas aëris particulas commisci, propterea quod videmus congelationem aquæ initium habere in ejus summitate, quæ aërem contingit, & hinc postea inferiùs propagari versùs fundum; & hinc ait pendere, quod glacies super aquam innatat, cum sit aëre imprægnata; à quo postea verisimile est persuasum fuisse ampliari posse molem aquæ glaciatae, & hoc conjicitur ex ejus verbis, dum ait, cum verum sit aquam calefactam refrigerando citius fortiusque congelari, quàm frigidam, ecquàm aliam putemus causam, quàm quia facta

ma-

maiore quandam partium aquæ laxitate, ipse aër facilius subingre- Causa rarefactionis glaciæ aëtheris.
ditur, & vehementius stringit particulas aquæ, quibus commisceatur?

Ex quibus Gassendi verbis elicitur, quòd ab aëre de foris adveniente in actu congelationis aqua infletur & rarefiat.

PROPOSITIO CCLXXIII.

Nec pariter augetur aqua moles à novo aëre de foris adveniente in actu congelationis ejus, neque à directione & tensione anguillarum aqua.

Si hoc verum esset, cùm omninò prohibetur aëris ingressus intra aquam, non deberet in actu congelationis rarefieri & ampliari ejus moles, ut cùm vas plumbeum, vel aureum aqua plenum, & undique clausum aëri frigidissimo exponitur, vel intra nivem sal admixtam demergitur, omninò à metalli consistentia prohiberetur impedireturque ingressus aëris intra aquam, quaproptèr tunc non deberet aqua in actu congelationis rarefieri & ampliari mole, quòd tamen experientiæ repugnat; evidentissimè enim ampulla illa plumbea, vel aurea, sua mollitie, cedendo expansioni internæ glaciæ, inflatur efficiturque sphaera majoris diametri. Præterea proximè ante aquæ congelationem è profundiori aqua vasis ascendunt aërea grana, non ab extrinseco aëre intra ejusdem vasis aquam demergi granula illa conspiciuntur; non igitur à novo aëre subingrediente & penetrante aquæ substantiam rarefieri inflarique potest aqua glacialis.

Nec rarefit ob directionem anguillarum aquam componentium, ut putat Cartesius: hæc enim sententia probabilis esse videtur; primò, ob positionis absurditatem, non enim potest aqua componi ex anguillis illis, ut superiùs insinuavimus; Insuper sensu constat in glacie innumera granula aërea de novo apparere, quæ priùs inconspicua erant; quaproptèr non à directione & tensione anguillarum, sed ab illo aëre, vel ab alia concomitante causa aquam inflari & rarefieri debere fatendum est. Prop. 155.

Modò animadvertendum est pro solutione hujus problematis, quòd in aqua fluida innumera aëris particulae admixtae & disseminatae perpetuò reperiuntur; sive hoc contingat ex eo, quòd aqua aëri contermina in varia ejus agitatione aëris aliquas particulas intercipit retinetque intra se ipsam; vel quia ex subjecta terra una

Intra aquæ substantiam innumera aëris particulae commixtae reperiuntur.

cum

Causa re-
fractionis
glaciei
affertur.

cum exhalationibus igneis per ejus poros expirantes transferuntur insinuanturque intra aqueam massam innumeræ ejusdem aëris particulæ, quæ si grandiorem molem constituunt, multis nimirum particulis simul aggregatis, tunc globulos, sive ampullas aliquas aëreas componunt, quæ è fundo aquæ continuato motu ad supremum ejus confinium feruntur; & hoc passim observatur in littore Maris, iis in locis, ubi solum est lutosum, præsertim æstate, existente Mari tranquillo, apparet enim series plurium ampullularum è fundo ascendere variis in locis; sed qualiscunque sit causa hujus admisionis, evidentissimum est ingentem copiam aërearum particularum in ipsa aqua reperiri, licet visu non percipiantur; quod confirmari potest pulcherrimo Instrumento Torricelliano, in quo vacuum mediante aqua efficitur, nam dum aqua descendit ad solitam depressionem 17. cubitorum proximè, tunc videmus ab aqua tantam copiam ampullarum aërearum egredi, ut præsentet ebullitionem, quam efficere solet fervor ignis in eadem aqua; & hoc pendet ex eo, quòd particulæ minimæ aëris ibidem, non ut priùs, comprimuntur ab ingenti pondere aëreæ regionis, sed solummodò ab exigua gravitate aquæ incumbentis, quod persuadetur ex eo, quòd profundiora granula aëris, quæ ob parvitatem ferè inconspicua erant, quòd magis ad summitem aquæ accedunt, eò magis ampliantur instantur, grandioresque ampullas constituunt, quarum aliquæ nucis magnitudinem æquant, prout magis vis elastica aëris libertatem nacta ampliare dilatareque easdem ampullas potest. Certissimum ergo est intra aquam contineri innumeras aëris particulas sensui non manifestas, aliquando magis, aliquando minùs copiosas; nec mirum est, aërem levem intra gravius fluidum retineri posse, cum novum non sit ob molis minutiem corpuscula varia, tum gravissima, cum levissima intra aquam retineri, & quiescere posse, ut superius insinuatum est.

Insuper sensu constat, quòd in glacie innumeræ ampullæ aëre refertæ sparsim reperiuntur, ut plurimum sphericæ, si parvulæ fuerint, conformantur, at si grandiores fuerint, oblongæ sunt, & multoties seriem plurimum fistularum repræsentant, quæ aliquando medietatem spatii totius glaciei adæquant; ut verò constaret an prædictæ ampullæ glaciei essent vacuæ, vel aëre plenæ, ejusdem glaciei frustum intra aquam fluidam demersi, postea stylo ferroo acuto diligentèr ejus crustam solidam perforavi usque ad ampullas,

&

& tunc, remoto stylo, egrediebatur ab illo spatio ampulla corpora aërea, quæ in transitu per aquam fluidam suum spatium sphaericum occupabat, quousque ad aëris confinium perducta ibidem diffilaret, & cum eo commisceretur.

Causa rarefactionis glaciæ affertur.

PROPOSITIO CCLXXIV.

Minima particula aquam componentes minores sunt particulis aërem componentibus.

Hoc plurima experimenta persuadent; videmus enim, quod aquæ particulae per vasis fictilis, aut lignei porositates exudare & egredi possunt, per quas aër transire nequit, sic pariter in bursa coriacea aqua per ejus porositates, licet motu tardo, permeare potest, cum aër ibidem contentus, licet ingenti vi comprimatur, egredi non possit; erunt igitur particulae aëreæ grandiores, quam aquæ particulae, cum per prædicta foraminula pertransire nequeant, licet postea aëris partes, utpote ipsa aqua rariores, contineant intra seipsas ingentia spatia vacua si comparentur cum sua mole densa & plena; unde supra conjecimus, particulas aëris esse veluti spiras, vel involucra ex subtilissimis laminis contortis involutisque efformatas; è contra aquæ minimas particulas habere figuram plenam, & solidam, vel octaedram, vel alterius figuræ ad rotunditatem accedentis, quæ tamen habent exiguam lanuginem eas ambientem, ut hæc tunc insinuavimus.

Hinc deducitur non esse impossibile, nec à veritate omninò alienum, ut particulae minimæ aquæ tam minutæ sint, ut possint intra vacuas capacitates aërearum particularum, scilicet intra tubulos illos contineri; & ideo ab aliqua vi possint ibidem insinuari, quare ut possibilis hujusmodi hypothesis admitti posse videtur.

Possibile est, minimas aquæ particulas intra vacuos tubulos aërem componentium insinuari posse.

Ad hæc supponendum quoque est aëris involucra, vel spiras non componi ex laminulis gracilissimis omninò lævibus explanatisque, ut speculum, sed habere villos aliquos non dissimiles iis, quos in extrema superficie particularum aquæ reperiri diximus, hujusmodi verò villi non est impossibile, ut in interna ampla cavitate cylindrorum, vel spirarum, ramos protendant, ita ut internè habeant veluti capillitium, compositum ex villis flexibilibus & resilientibus, ad modum machinæ, ejusdem naturæ ac est tota aëris substantia, & non minus quam habet aquæ capillitium, sed oportet ut villi interni aëreorum involucrorum facile possint à calido mol-

(Tj)

lescere

Causa ra-
refactio-
nis glaciæ
affertur.

lescere, ut omnino flectantur, & rigiditatem amittant, & è contrà à frigido, seu à defectu caliditatis rigiditatem & tensionem ejus naturalem reassumant & acquirant; cujus rei non desunt exempla in natura; videmus enim ceram, metalla, & innumera alia concreta, quæ à caliditate, scilicet ab incurfu igniculorum, mollia, cedentia, & flexilia redduntur; è contra, discedente caliditate, sponte sua pristinam duritiem, tensionemque acquirunt: non igitur erit impossibile, ut ejusdem naturæ sint villi, qui intratubulorum æreorum capacitate diramantur protendunturque.

PROPOSITIO CCLXXV.

His præmissis, inquirenda est ratio & causa, quare aqua in actu congelationis rarefit, amplioremque molem acquirit.

Evidentissimum est, quod in actu congelationis exurgunt de novo intra aquæ substantiam innumera ampullæ aëre plenæ, quæ prius non apparebant: hæ procul dubio non adveniunt de foris, sed originem & ortum habere videntur in ipsamet aqua, ut dictum est: & quia ridiculum est, à frigore intra glaciem de novo aërem gigni, sciendum est, aëris innumeras particulas ita commisceri aquæ fluidæ, ut omnino lateant, eo modo quo particule terreæ urinæ admixtæ, vel metallicæ in aquis corrosivis dispersæ, prorsus inconspiciæ sunt, ut transpauitatem liquorum non perturbent. Sed licet hoc facile concedi possit, nihilominus remanet præcipua, & maxima difficultas, quomodo, & qua dispositione intra aquam collocari situarique possint aëreæ particule, ut postmodum in actu congelationis extensionem & inflationem ipsius aquæ efficere possit.

Prop. 173.

Huic difficultati occurri mihi posse videtur, expendendo figuras & moles particularum aëris & aquæ: quia, ut supra innuimus, aëris particule composita videntur ex laminulis tenuissimis ramosis & villosis, spiraliter contortis, quæ proinde grande spatium vacuum intra se comprehendant; è contra, particule aquæ minutiores esse videntur, ut nimirum possint ingredi insinuarique intra inanes cavitates tubulorum æreorum, propterea cavitates æreorum particularum infra aquam fluidam existentium facile repleti possunt à minutoribus aqueis particulis, & sic aqua communis fluida in statu ejus naturali quid simile foret tumulo tritici, intra quem plures tubi arundinei eodem tritico pleni continerentur: & hic con-

constat, quod amplitudo & moles prædicti cumuli componeretur ex substantia corporea granulorum, & solidarum partium eorundem tubulorum. Fingamus modò ab aliqua virtute expelli à cavitatibus tubulorum triticum, quod in ipsis continebatur, ut nimirum tubuli omnes vacui omnino remaneant; nonne sequitur necessariò ampliatio molis totius cumuli; non quidem à dilatatione facta ab ipsis arundinibus, sed ex eo, quod grana frumenti expulsa spatium sibi æquale intra triticum occupare debent, & sic tota massa constans ex iisdem granulis frumenti corporeis, & ex spatiis vacuis in arundinibus relictis, procul dubio majus spatium occupare deberet, quàm priùs, & proindè ampliaretur moles totius aggregati, & rarefieri videretur. Non secùs in aqua pura fluida spiræ vel tubuli aërei, qui priùs à particulis aquæ replebantur, si postea ab aliqua necessitate exinanirentur, expulsa nimirum aqua, quæ ibidem coërcebat, profectò percipimus molem totius aquæ ampliari augerique debere, propterea quod insurgerent denuo tot spatiola vacua, quot sunt spiræ, vel tubuli aërei, & hæc unà cum solidis particulis aquæ amplius spatium requirerent, & ideò moles aquea aucta & rarefacta videretur.

Causa rarefactionis glaciæ ascribitur.

Eò igitur difficultas redacta est, ut ostendamus in actu congelationis aquæ hujusmodi operationem fieri posse, & indagemus modum, necessitatem, & vim motivam hujus operationis.

Et primò duplici modo insinuari mihi posse videntur aquæ particulæ intra cavitates spirarum, sive tubulorum aëris, aut à violentia externa, aut sponte sua; utroque modo fieri posse non videtur improbabile; certum enim est, ignis particulas seu exhalationes perpetuo discurrere, fluereque per omnia corpora tam densa, quàm fluida, igitur quò major erit copia discurrentium igniculorum, eò magis corpora inertia, ut sunt aquæ particulæ intra aquam æquilibratæ, agitari impellique possunt; perseverante igitur aqua in statu fluido, procul dubio per eam major copia igniculorum diffunditur agiturque, quàm dum coalescit, & ab ingenti frigore congelatur, nam frigiditas, aut est mera privatio igniculorum, aut sine eorum defectu & absentia, nec existere, neque operari potest; non ergo limites probabilitatis transcendit, ut in statu fluiditatis major copia igniculorum, vel exhalationum ignearum impellere possit minimas aquæ particulas, easque insinuare intra vacua spatia tubulorum aëreorum, in quibus villi interni eorundem non rigi-

Causa re-
fractionis
glaciei
affertur.

dam omninò tensionem habere possunt, & proindè vehementiæ majori, qua igniculi particulas aquæ impellunt, cedere possint; & in hoc casu cessante copia igniculorum, scilicèt in statu algoris, & ingentis frigiditatis, aut nullo pacto, aut debiliori conatu particulae aquæ impelli possent, & proindè villi interni tubulorum aëreorum, ut totidem machinulae valentiori vi suæ tensionis expellere aquæ particulas è prædictis cavitatibus fistularum possent.

At si supponamus non impelli violenter aquæ particulas intra aëreos tubulos, sed sponte sua vi gravitatis fluere insinuarique intra spatiola vacua eorundem tubulorum; tunc supponendum est, ut superiùs insinuavimus, villos internos tubulorum aëris à frigiditate, seu ab igniculorum absentia rigidiore & tensiores reddi posse, & è contra à caliditate molliore, & flexiliores effici. His positis, quia dum aqua fluida est, caliditas in aqua viget, & proindè villi interni spirarum, seu tubulorum aëreorum molliore flexilioresque reddituri faciliè cedere possunt vi ponderis fluentis aquæ; ideò tubuli prædicti repleti possunt; adveniente postea ingenti gradu frigoris, nempe deficiente copia igniculorum, sponte sua villi interni spirarum aëris tensiores, directiores, & rigidiore reddi possunt, & ideò ad instar machinularum expellere possunt ibidem contentas aquæ particulas, & proindè tubuli prædicti exinaniri possunt.

Postea quia dum efficitur hujusmodi expulsio, non adhuc aqua congelata indurataque est, vel saltem majori ex parte fluiditatem retinet, sit ut prædictæ spiræ aëreæ non ut priùs aqua imprægnatæ, sed vacuæ relictæ, faciliè possint ab ambiente fluido agitari expellique, & sic possunt plures spiræ aëreæ coacervari, & cum vicinis uniri, & sic aliquas ampullas aëreas conspicuas componere possunt, & hæc erunt forsan grana illa aërea, quæ propè initium, & in actu congelationis ibidem oriri videntur.

Contra hanc theoriam dici posset, quòd particulae spiritus vini, olei, & mercurii cum exiguae & minutiores quam sint aëris particulae concedi debeant, non secus ac aqua intra tubulos aëreos insinuari possent, & hinc quoque ab eadem necessitate superiùs exposita valde refrigeratis fluidis expelli quoque è tubulis prædictis deberent, proindeque fluida prædicta ampliarentur ingentioraque spatia occuparent, quod repugnat experientia.

Cui respondere possumus, quòd particulae minimæ spiritus vini &c

& mercurii, si revera tubulos aëreos replent, tamen à ferventissimo frigore expelli & excludi non posse videntur à prædictis cavitatibus, sive quia particulæ spiritus vini & olei nativo eorum calore semper molliem & flexilitatem villulorum aëris conservant, sive quia eorum particulæ sunt adeò exiguæ, ut inter interstitia eorundem villulorum spirarum aëris remanere queant, vel saltem impulsæ facili circumvolutione facta inter villulos regrediantur, & sic capillitium illud perpetuò madefaciant, proindeque nunquam exinanitio tubulorum aëreorum in spiritu vini, oleo, vel mercurio contingat; & sic nunquam poterit eorum moles ampliari aut inflari ab ingenti gradu frigoris, ut in aqua accidit.

Causa rarefactionis glaciæ asseritur.

Præterea objicere quisquam posset, quod revera ab initio, dum aqua frigescit, ejus moles diminuitur condensaturque, ergo si à frigiditate villi interni tubulorum aëreorum rigidi & tensi redduntur, & proinde aquam è cavitatibus illis expellunt, deberet in principio refrigerationis totius aquæ moles augeri, quod est falsum.

Sed responderi potest quod ampliatio molis ipsius aquæ nedum efficitur à prædicta expulsionem particularum aquæ, è tubulis aëreis, sed multò magis celerius & evidentius, à præsentia & commotione exhalationum ignearum, quæ suis ictibus separant aquæ solidas particulas; è contra, dum aqua frigescit, discedunt, & exhalant igniculi eorumque agitationes ab ipsa aqua, & proinde aqua sponte sua stringitur constipatur, minoremque molem acquirit. Hoc posito, incipiente operatione frigiditatis, nempe remotis paucis aliquibus igniculis, fiet constrictio & condensatio aquæ, quæ valde insignis & evidens erit; in progressu verò frigefactionis, scilicet magis ac magis diminuta præsentia igniculorum, licet revera villi interni fistularum aëris incipiant tendi ac dirigi, & proinde aliquantisper expellant aquam à prædictis tubulis, nihilominus quia major est diminutio molis dependens à discessu, fuga & defectu agitationis exhalationum ignearum, quàm sit rarefactio producta à villis aëreis expellentibus aliquas aquæ particulas è suis tubulis, sequitur ut actio superexcedens condensationis productæ à discessu ignis occultet aliquandiu minùs insignem expansionem factam à prædictis villis; cùmque progressus prædictarum contrariarum operationum non sint uniformes, sed contrario ordine condensationis ab ignis discessu pendens semper minori & minori decremento fiat, & è contra, rarefactio pendens ex inanitione tu-

Causa rarefactionis glaciei affertur.

tubulorum aëris, semper majoribus incrementis progrediatur, (eo quod majori proportionem crescit impetus in villis tubulorum aëreorum continenter agitat, ut motus natura exigit, quam deficit ob successivam igniculorum privationem) fit ut apparentia diminutionis & constrictionis aquæ tandem definat, & facto quasi æquilibrio, aliquantisper videatur in eadem amplitudine aqua perseverare, & deinceps denuò augeri, rarefieri que incipiat, & sic prosequatur per plures gradus quousque multiplicata & aucta *tensione* illa villulorum, & expulsionem innumerarum aquæ particularum è tubulis aëris, consequatur vehementissimus ille saltus aquæ, & maxima rarefactio ejus, tunc præcisè, quando majori ex parte glaciei consistentiam acquirit.

PROPOSITIO CCLXXVI.

Quare aqua, dum gelaescit, duritiem acquirit, non autem aër, oleum, spiritus vini, & Mercurius.

Et hoc loco aliqua asserre de consistentia & duritie, quam aqua acquirit in actu congelationis supervacaneum non erit. Cum ex tradita theoria ab ingenti gradu frigiditates debeat aqua mole ampliari, mirari licet quare aër, spiritus vini, oleum, atque mercurius fluida semper permaneant, dum semper magis condensentur, uniantur, & minus spatium occupent, & è contra aqua, quæ in progressu frigefactionis ampliatur & rarefit, scilicet partes ejus magis ab invicem disgregantur, debeant tamen consolidari, ac induari, & consistentiam glacie acquirere.

Et hic primò occurrendum est, quod licet aqua in tali casu rarefiat, scilicet majus spatium acquirat, non proindè censendum est, omnes minimas ejus particulas laxiores reddi, & ab invicem separari, & inter se distare, nam rarefactio ejus pendet à spatiolis vacuis contentis intra tubulos aëreos, non verò quia particulae aquæ ab invicem recedant, itaque concipiendum est, aquæ particulas inter se connecti tenacissima unione, efformareque veluti fornices continentes spatiola vacua, non secus ac pumicis solidæ particulae duræ sunt, & tenaciter inter se connexæ, licet innumeras porositates admittant: itaque benè salvari potest durities aquæ glaciatae cum expansione, seu rarefactione ejus pendente ab innumeris poris vacuis, qui sunt cavitates tubulorum aëreorum intra aquam contentorum.

Sed

Sed adhuc remanet difficultas, quare particulae aquae modo exposito connexae saxeam duritiem acquirant, & contra aër, spiritus vini, &c. fluida semper remaneant, hoc profecto pendere videtur à diversa conformatione particularum eorundem fluidorum, nam si villi externi particularum aquae ab insigni frigide rigidi redduntur, non est impossibile, ut ita inter se necentur, ut non possint ab invicem facile separari, & sic consistentiam duritiemque creent; è contra, si externi villi olei, spiritus vini, &c. non habeant eandem naturam & consistentiam, ut nimirum ab insigni frigide tensionem & rigiditatem non acquirant, tunc mirum non erit, non posse ad invicem conglutinari, & texturam solidam & duram efficere, & hoc satis verisimile esse videtur in oleo & spiritu vini, quae cum ex particulis igneis componantur, facile villi externi flexibiles & cedentes conservari possunt; at in aëre forsitan villi externi, aut exigui sunt, aut non incurvati, aut lubrici, ita ut forti unione inter se mutuo connecti nequeant. Id ipsum dici potest de particulis hydrargyri; unde mirum non est huiusmodi fluida, licet maximè frigefacta, duritiem non acquirere, sed postea jurare non possumus, quod à vehementissimo gradu frigoris in regionibus maximè borealibus, tandem non concrecant, & duritiem non acquirant; Sed interim sufficit ut nuclei particularum mercurii, aut sint rotundi, aut quam maximè ad rotunditatem accedant, & è contra particulae solidae aquae figuram angularem habeant, ut sint octaedrae suae laminarum coopertae, quae inter se connecti adaptarique possint, ut solidam texturam efficere valeant, non secus ac lateres pavimenti solidam texturam componere possunt. Constat ergo, quod huiusmodi differentia fluidorum, vel alia similis discrepantia, efficere potest duritiem glaciale in aqua, non vero in reliquis fluidis superius expositis.

Causa refractionis
glaciei affertur.

PROPOSITIO CCLXXVII.

Remanet postremo loco inquirenda causa ingentis & validissima virtutis, quae aqua in actu congelationis ejus disrumpit, ac frangit vasa anea consistentia & durissima.

Hoc verò minimè mihi negotium fecessit, cum demonstraverim in Opere de Vi Percussionis, quod quaelibet vis motus & impetus superare valet quamcumque resistantiam vasti corporis absque motu praementis. Cogitemus particulas aqueas intra tubulos aëreos con-


Causa ræ-
resactio-
nis glaciei
affertur.




De Vi per-
cussion.
pro. 90.

contentas retineri ibidem, & resistere expulsionì, ne dum vi ponderis totius aquæ incumbentis, sed multò magis unione partium pilæ, vel vasis ænei tenacis & duri: hæc profectò resistantia non agit motu & impetu, cum in quiete consistat; ergo perinde resistit scissioni durities vasis ænei, ac si ingens, & vasta moles ponderis incumbentis suspendi, & elevari deberet. E contra, cogitemus villos internos tubulorum aëreorum ob rigiditatem & tensionem, acquisitam à frigora, vim motivam habere, & actu moveri, quatenus aqua exiguam constrictionem & unionem pati potest; & proinde operari debent eodem propemodum modo, ac totidem arcus nedom tensi, sed qui motum inchoarunt. Itaque habemus corpora, quæ vi motiva & impetu agunt contra gravitatem quiescentem ipsius aquæ, & resistantiam inertem tenacitatis vasis; cumque vis impetus major sit quacumque resistantia quiescente, hinc fit ut necessariò illa vis motiva hanc quantumcumque vastam resistantiam superare queat. Et quia hujusmodi machinulæ villosæ impetum habentes innumerabiles sunt, quæ simul & continenter suam impulsionem percussionemque efficiunt, mirum non est, si ad instar pulveris pyrii accensi innumeris ictibus simul percutiendo fornices cuniculorum crepet ac disrumpat, atque ingentia pondera sublevet; & sicuti ipsamet aqua fluida intra innumeros poros funis infinuata motu suo sublevare potest ingentia pondera, sic quoque copiosissimi & innumerabiles ictus facti à villis internis tubulorum aëreorum possint pondera & resistantias inertes quiescentesque, licet ingentes, superare; ac proindè facile vasa illa ænea frangere ac disrumpere poterit aqua in actu congelationis ejus, quando nimirum vehementissimo motu rarefit, & innumeris percussionibus à villis prædictis aëris aquam impellit. Hæc, ni fallor, verisimilis causa hujus admirandi effectus esse videtur.






Et hæc de motionibus, dependentibus à vi nativa gravitatis, modo sufficiant; non enim visum est ulterius hanc præparationem extendere, & editionem principalis argumenti de animalium motibus diutiùs retardare, cum senectus & valetudo me assiduè moneant satius esse pauca, & minùs elaborata quàm nihil ad Posteròs transmittere.

F I N I S.








TAB. III









TAB. IV *Fig 1*












TAB. IX



TABX




Fig. 2




Fig. 3




Fig. 4



Fig. 5



Fig. 6











Fig. 9






TAB. XII






TAB. XII



TAB. XIII *Fig. 3*



TAB. XIV



INDEX CAPITUM

LIBRI DE MOTIONIBUS NATURALIBUS A GRAVITATE PENDENTIBUS.

CAPUT.

PAGINA.

I.	M otus corporum sublunarium in medio fluidi fieri, de quibus hactenus nemo tractavit.	1
II.	De momentis gravium consistentium & fluidorum in iisdem fluidis innatantium.	2
III.	Quodlibet corpus fluidum, eorum qua innituntur superfici ei telluris, grave est. exercetque vim sua gravitatis etiam dum in proprio loco & in ipsomet fluido universali sui generis consistit ac quiescit.	21
IV.	Positivam levitatem in rerum natura non dari.	50
V.	De structura, gravitate, equilibrio, & vi elateria aëris.	131
VI.	Nullam attractionem, nec vim tractivam in Natura dari.	166
VII.	De natura & causa fluiditatis.	180
VIII.	Causam inquirere spontanea elevationis exiguarum aqua particularum supra aqua libellam in ipso aëre.	213
IX.	De corpusculorum innatantium mutuo amplexu atque fuga.	244
X.	De aequitemporanea naturali velocitate gravium corporum.	265
XI.	Qua ratione motus gravium à mediis fluidis plenis inaequaliter veloces reddantur.	286
XII.	De vacui necessitate.	319
XIII.	Quare inter fluida sola, aquea corpora cum congelantur ingenti vi au-geantur mole, rationem reddere.	347

(Zz)

INDEX

INDEX PROPOSITIONUM

LIBRI DE MOTIONIBUS NATURALIBUS A GRAVITATE PENDENTIBUS.

PROPOSITIO.

PAGINA.

- I. **G**ravis suspensi non ex centro suæ gravitatis, una ejus pars sursum
ascendit, quia integrum grave deorsum descendit. 4
- II. Idipsum verificatur in fluidis contentis in eodem siphone circulari. 5
- III. Organum in quo videtur motus perpetuus effici posse exponitur, at-
que ejus defectus & insufficiencia detegitur. 6
- IV. In canali seu siphone habente duo brachia directâ & perpendiculari-
tèr elevata ad horizontem, fluidi in eo descenditis centrum gravi-
tatis curvò itinere per lineam parabolicam descendit. 8
- V. Iisdem positis, si canales siphonis æque lati angulum constituentes
æque ad horizontem inclinati fuerint, id ipsum demonstratur. 10
- VI. Duo pondera inæqualia fune non gravi circa trochleam revolutò su-
spensa, dum unum eorum ascendit, centrum gravitatis eorum per
lineam rectam ad horizontem perpendiculararem deprimitur. 12
- VII. Id ipsum ostenditur, cum pondera in peripheriis inæqualibus &
concentricis ejusdem trochleæ revolvuntur. 13
- VIII. Quâ ratione fiat motus fluidi in siphone continuato, & in se ipsum
reflexo. 14
- IX. Corpus aqua gravius in ea demersum dum descendit, constituit cum
æquali mole collateralis fluidi libram æqualium radiorum cujus centrum
gravitatis continenter descendendo elevat leviolem aquam collateralem,
semperque renovatur horizontalis libra. 16
- X. Id ipsum contingit, sed inversò ordine, cum corpus demersum mi-
nus grave aqua collateralis fuerit. 17
- XI. Si verò corpus solidum ponatur supra aquæ libellam, tunc descensus
communis centri gravitatis non efficietur per lineam perpendiculararem
ad horizontem, sed motu curvo per parabolam 18
- XII. In ascensu vel descensu solidi in fluido, neque libra linearis est, ne-
que habet centrum gravitatis in uno puncto, sed libra esse solet superfi-
cialis, cujus fulcimentum est linea circa centrum Figuræ & gravitas com-
munis exercetur quoque in linea aliqua. 20
- XIII. Aqua vasis fundum comprimit suâ gravitate: 24

XIV. Id

INDEX PROPOSITIONUM.

PROPOS.	PAG.
XIV. Id ipsum in siphone comprobatur.	25
XV. Aliâ ratione & experimento probare compressionem partium aquæ & rerum in ea contentarum à pondere ipsiusmet aquæ.	27
XVI. Aliâ ratione gravitatem aquæ super aquam quiescentis demonstrare.	28
XVII. Id ipsum aliâ ratione demonstrare.	29
XVIII. Major aquæ moles alteri superposita non exercet majorem vim compressivam, quàm minor.	30
XIX. Lignum intra aquam demersum, licet pondus proprium & aquæ incumbētis exerceat, non proinde ibidem quiescet.	32
XX. Corpora terrena, cùm è locis suis naturalibus removentur, descendendo nullam gravitatem exercent.	32
XXI. Aqua descendens per aërem, nullam gravitatem habet, & solummodò eam exercet, quando quiescit supra aquam.	34
XXII. Corpora in balance æquilibrata ideò quiescunt & torpent, quia gravitatem exercent comprimunturque æqualibus viribus ab ambientibus corporibus paritèr æquilibratis.	35
XXIII. Id ipsum in aqua ostenditur exemplò siphonis.	36
XXIV. Aqua in ipsamet aqua demersa undique comprimitur ab ambiente aqua & utraque gravitatem exercet.	37
XXV. Quodlibet corpus in aqua demersum undique stringitur comprimiturque ab ambiente aqua.	38
XXVI. Lamina dura & flexibilis, quæ à pondere incumbente flectitur, poterit à potentia duplicata dirigi.	40
XXVII. Id ipsum adhibitis contrariis ponderibus ope libræ verificatur.	40
XXVIII. Id ipsum alia ratione usurpata libra demonstratur.	40
XXIX. Animalis infra aquam demersi membra non flectentur, eò quòd undique contrariis viribus à fluido comprimuntur.	41
XXX. Scissio, consequens actionem, cunei vel securis, declaratur.	41
XXXI. Divisio quæ effici potest à compressione instrumenti non acuti, veluti est malleus, paritèr ad cunei actionem reducitur.	42
XXXII. Vesica arenâ vel aquâ repleta, undique & in omnibus partibus ejus ab innumeris cuneis compressa, neque scindi, neque flecti, neque figuram commutare potest.	42
XXXIII. Id ipsum verificatur quotiescùnque prædicta vesica in ipsa demergitur.	43
XXXIV. Tandem ostenditur quare animal nullam noxam ex compressione	

INDEX PROPOSITIONUM.

PROPOS.	PAG.
sione aquæ incumbentis pati debeat.	44
XX XV. Urinatores constrictionem aliquam infra aquam patiuntur ob aërem in eis contentum.	45
XX XVI. Ostendemus, quòd licet ipsa aqua quomodolibet convolvat agiteurque, nihilominus perpetuò retinet propriam gravitatem eamque perpetuò exercet.	47
XX XVII. Rejicitur difficultas contra præcedentem propositionem adducta.	48
XX XVIII. Licet in ascensu ligni per aquam violentia aliqua intercedit nihilominus operatio tota naturalis erit.	54
XX XIX. Violentia, quâ lignum & aër per aquam descendit, dicitur naturalis, quia est necessaria.	55
XL. Motus ascensus gravium non minus naturalis est, quàm descensus eorundem.	56
XLI. Ab eodem principio gravitatis ascensio & sublevatio corporum levium effici potest.	59
XLII. Et primò ostendemus quòd quodlibet corpus à principio intrinseco & naturali sponte translatum facilius & celerius movebitur in fluido rariori & tenuiori, quam in medio fluido crasso & tenaciori.	60
XLIII. Non moveri sursùm corpora, quæ levia appellantur, à vi intrinseca levitatis.	61
XLIV. Ratione mechanica à graviorè fluido celerius idem mobile sursùm exprimitur, quàm à fluido minus gravi.	63
XLV. Libræ vel rotæ termini oppositi contrariis motibus circa centrum agitari debent.	66
XLVI. Si eidem libræ termino applicentur potentiz ad oppositas partes trahentes mutuò se impediunt, & potentia major prævalebit, libram flectendo vi æquali differentiz potentiarum.	66
XLVII. Si oppositos terminos libræ vel rotæ duæ potentiz trahant, ambæ deorsùm tendendo, se mutuò impediunt & major potentia prævalebit, sed vi æquali differentiz earum.	67
XLVIII. Iisdem datis, si ambæ potentiz sursùm trahant, idem sequetur.	68
XLIX. Si oppositos terminos libræ duæ potentiz trahant unà sursùm, altera deorsùm, se mutuò juvabunt, & vis libram flectens æqualis erit summæ ambarum potentiarum.	68

INDEX PROPOSITIONUM.

PROPOS.

PAG.

- L.** Si oppositos libræ terminos quatuor potentia trahant, duæ sursum & duæ deorsum, conatus seu vis libram flectens mensuratur à summa differentia ascendentium, cum differentia descendentium potentiarum. 69
- E I.** Vis motiva, qua solidum gravius specie quam fluidum descendit, æqualis est differentia ponderis solidi, supra pondus fluidi, ei æqualis mole. 70
- E II.** Vis motiva, quâ solidum levius specie quam fluidum ascendit, æqualis est excessui levitatis solidi supra levitatem fluidi ei æqualis mole. 70
- E III.** Vis motiva, quâ leve corpus in fluido gravi ascendit, æqualis esse debet summæ levitatis solidi & gravitatis fluidi. 70
- E IV.** Si verò tam solidum quam fluidum exercent levitatem atque gravitatem, vis motiva, qua unum eorum elevatur, æqualis est aggregato ex differentia levitatum, unâ cum differentia gravitatum earum. 71
- L V.** Ostendendum est, ignem non esse levem, nec ascendere vi levitatis ejus positivæ. 73
- E VI.** Reperire mensuram certi gradus impetus, respectu cujus discerni valeat, an impetus descensus terræ per ignem, vel ascensus ignis per mercurium, sit octo vel quatuor graduum. 74
- L VII.** Si aer in aqua solummodò levitatem exerceret, in ea non ascenderet à levitate ejus positiva impulsus. 74
- E VIII.** Id ipsum ostendere, positò quòd aer & aqua utramque vim levitatis & gravitatis exercent, 75
- E IX.** Aliter id ipsum ostendere, positò quòd Aer vi levitatis per diversa media fluida ascendat. 76
- L X.** Flammam in camino ab expressione ambientis aeris sursum impelli. 78
- L XI.** Frutina æquilibrata una lanx excalefacta sursum elevatur extrusa à pondere aeris, reliquam lancem ambientis. 79
- E XII.** Ignem non à levitate, sed ab extrusione ambientis aeris ascendere, evincitur ex descensu fumi in vacuo Torricelliano. 81
- L XIII.** Figuram pyramidalem flammæ lucernæ non suadere eam à vi levitatis sursum impelli. 82
- L XIV.** Fumi structura & compositio declaratur. 83
- L XV.** Fumus non est res accensa, & quamobrem ab ambiente aere sursum exprimi potest. 84
- L XVI.** Fumi non ab impetu, quo eructantur, ad altissimas regiones perducuntur. (Z z 3)

INDEX PROPOSITIONUM.

PROPOS.	PAG.
perduci possunt, sed minus graves reddit ab igniculorum commixtione, exprimi ab ambiente aëre possunt.	85
LXVII. Flamma est fumus accensus magis rarefactus, qui ab aëre ambiente velocissimè sursùm exprimitur.	86
LXVIII. Flamma rarior fumo, minus spatium occupat ob maximam ejus velocitatem, redditurque postea invisibilis nova de causa, & tactu languida ob ejus dispersionem.	87
LXIX. Flammæ candelæ vertex acuminatur, quia magis accensus & ideo velocius ascendit, quam basis ejus.	88
LXX. Flamma in spiritu vini accenditur extra & longe ab ipso spiritu, & ideo potest exprimi sursùm ab ambiente aëre.	89
LXXI. Flamma in spiritu vini accensa non debet ab aëre incumbente contundi, cum ab ejus pondere non exprimitur sursùm, sed ab aëre collaterali inferne reflexo.	90
LXXII. Et primò ostendendum est, quòd quodlibet fluidum intra aliud fluidum translatum sive virtute propriâ, sive alienâ violentiâ impulsu, dummodò ejus partes non dissipentur in ipso fluido, in quo movetur, sed se mutuo contingant & uniantur, necessariò tumorem & rotundam figuram acquirat in parte anteriôr motus ejus.	92
LXXIII. Positò, quòd fluidum violenter sursùm exprimitur à fluido ambiente graviore, diversæque consistentiæ, infima ascendentis fluidi superficies explanata vel concava erit.	94
LXXIV. Si fluidum sponte à virtute intrinseca intra aliud fluidum diversæ consistentiæ moveatur, in parte posteriori, seu termino à quo, sui motus, non erit excavatum sed tumidam & convexam figuram acquirat.	96
LXXV. Si fluidum à principio intrinseco moveatur intra aliud fluidum diversæ consistentiæ, quod valdè rarefieri & condensari queat, tunc multo magis tumida efficietur pars postica fluidi decurrentis.	97
LXXVI. Si oleum vel aër ascenderet in aqua sponte à vi suæ levitatis impulsus, non posset ejus basis excavari adinstar scutellæ.	98
LXXVII. Et primò locò dico, quòd figura convexa & acuminata quam aër acquirit in fistula aqua plena in parte anteriore ejus motus, dum sursùm ascendit, non est argumentum efficax & evincens aërem sursùm moveri à principio intrinseco suæ levitatis.	99
LXXVIII. Causa separationis aërei cylindri è fundo vasis est pondus aque	

INDEX PROPOSITIONUM.

PROPOS.	PAG.
aquæ ambientis.	100
LXXXIX. Lignum in aqua ascendens saltu supra ejus libellam exilit ob impetum acquisitum in præcedenti motu, licet per extrusionem fiat.	104
LXXX. Nisi lignum & ambiens aqua collateralis motibus contrariis fursùm & deorsùm simul tempore moveri queant, nunquam lignum in aqua ascendet.	105
LXXXI. Vis motiva elevans lignum in aqua est majus pondus collateralis aquæ, quæ descendere possit, & præterea motu reflexo infirmam ligni basin fursùm impellat.	106
LXXXII. Experimentis evincitur non ob defectum levitatis positivæ, sed quia extrusio à medio fluido graviori fieri non potest lignum in aqua fundo quiescere.	107
LXXXIII. Supra foramen in fundo putei apertum exercetur compressio ponderis columnæ aquæ usque ad supremam ejus libellam extensa.	110
LXXXIV. Ex prædicta experientia evidentè ostendetur lignum in aqua nullam positivam levitatem exercere.	110
LXXXV. Aliter id ipsum demonstrare.	111
LXXXVI. Præterea aliò modò idem confirmare.	112
LXXXVII. Aliâ ratione positivam levitatem non dari ostenditur.	113
LXXXVIII. Confirmatur aërem ab ambiente aqua per extrusionem fursùm impelli.	114
LXXXIX. Verùm prædictam vim, quæ requiritur ad separanda duo corpora se mutuò tangentia, possibile est mediante librâ mensurari hæc ratione.	115
XC. Potest facili negotio præcisè innotescere resistentia illa absoluta & totalis, quæ requiritur ad separationem illam directam, & ad horizontem perpendicularem efficiendam ipsius columnæ à fundo vasis, quotiescunque constet quanta vis requiritur ad eam separandam impetu obliquo ab eodem solo.	117
XC I. Datò quolibet corpore durò homogencò, aliud illi æquale reperiri potest, cujus raritas absoluta ad illius raritatem majorem proportionem quâlibet datâ ratione majoris inæqualitatis habeat.	119
XC II. Cylindrum compositum ex duobus cylindris inæqualitèr raris, transformare in cylindrum similiter excavatum, cujus pars continens homogenea & æqualis sit uni illorum, pars verò excavata homogenea & æqua-	

INDEX PROPOSITIONUM.

PROPOS.	PAG.
& æqualis sit reliquo.	119
XCIII. Reperire modò possumus corpus, quod in dato fluido ascendat tantà vi sursùm, quæ superet quancùnque finitam vim.	122
XCIV. Hoc suppositò, demonstrabo quòd duæ moles ejusdem levis corporis sursùm impellendo in eodem fluido exercent vires, quæ eandem proportionem habent, quam moles ipsæ.	123
XC V. Datò quocunque fluidò, in quo corpus aliquod solidum innatare valeat, reperiri debet moles quam habere debet, ut in eodem fluido ascendere possit tantà vi, ut superet quancùnque finitam virtutem motivam.	124
XC VI. Id ipsum problema effici posse methodò Archimedæ sic ostendimus.	125
XC VII. His præmissis, devenio jam ad propositionem principalem, quòd nimirum quodlibet corpus sursùm ascendens in dato aliquo fluido non elevatur sponte sua à principio nempe intrinseco levitatis impulsu.	126
XC VIII. Confirmatur eadem præcedens propositio.	128
XC IX. Demonstrabitur jam quòd necessariò admitti debet cum Platone & Archimede, quòd corpora omnia, quæ levia appellantur, sursùm ascendunt ab extrusione fluidorum, in quibus innatant ob excessum gravitatis eorundem.	128
C. Ex suspensione Mercurii in instrumento Torricelliano suadetur ærem, ut gravem, æquilibrium efficere cum Mercurio.	130
CI. Id ipsum clarius confirmatur.	132
CII. Evidentissimò exemplo in aqua ostenditur, quòd licet Mercurius in fistula ab æquipondio aquæ sustineatur, nihilominus vis elevans fistulam sustinent, præterea aquæ incumbētis pondus æquale Mercurio.	134
CIII. Licet Torricelliana fistula à Mercurio in ea suspensa non gravetur tamen manus cogitur sustinere pondus cylindri ærei fistulæ incumbēti, quod æquatur ponderi inclusi Mercurii.	135
CIV. Fistula exinanita, licet gravetur à cylindro æreo incumbente non minus ac quando extante Mercurio repletur, debet tamen in primo casu subjectus digitus Vitri tantum pondus percipere, in secundo verò præterea à pondere æquali Mercurio suspensa gravabitur.	137
CV. Exponitur quare & quando aer, relictus in fistula Torricelliana, altitudinem Mercurii consuetam depimere debeat; & simul traditur modus	137

INDEX PROPOSITIONUM.

PROPOS.	PAG.
<i>duſ meſurandi maximam aëris dilatationem.</i>	139
C VI. <i>Veſica cyprina inflatu Robervallii in ſummitate fiſtulæ Torricellianæ non ſemper detumefcit poſt hujus inclinationem, & ratio hujus effectus redditur.</i>	141
C VII. <i>Aër in fiſtula Torricelliana adveniens, nedùm pondere, ſed vi elatiçâ & impetu in motu acquiſito diſtingere fundum ſupremum fiſtulæ poteſt.</i>	142
C VIII. <i>Ignæ exhalationes corporeæ vehementiſſimâ agitatione tum per ſe, cùm variè impellendo & torquendo particulas aëris in ſummitate fiſtulæ Torricellianæ relictas, facile poſſunt ſubſidentem Mercurium æquilibratum deprimere.</i>	143
C IX. <i>Licet operculò impediatur aëris preſſio ſupra Mercurium ſtagnantem in ſcutella, tamen quia aër relictus ibidem remanet eodẽ modò conſtipatus & preſſus, ac prius, poteſt Mercurium in fiſtula ad eandẽ altitudinem retinere.</i>	144
C X. <i>Id ipſum confirmatur in aqua.</i>	145
C XI. <i>Anulus vel veſica aëre plẽna æquẽ ab unica & ſubdupla potentia comprimitur conſtringitũrque, quam à dupla ſeu à duabus potentiis illi æqualibus utrinque Anulum vel veſicam conſtringentibus.</i>	147
C XII. <i>In Torricelliana fiſtula Mercurio extante, clauſò oriſiciò ſcutellæ, & apertâ ſummitate fiſtulæ, aër in ſcutella interceptus inter Mercurium & operculum à vi duplò validiori comprimitur, quam illò apertò, & hoc clauſò.</i>	148
C XIII. <i>Suadetur aëris diſformis gravitas ex inæquali Mercurii elevatione in fiſtula, prout altitudo aëris major aut minor fuerit.</i>	150
C XIV. <i>In fiſtula Torricelliana intra puteum demersâ, ſi aqua à graviore ſuperaddito fluido occupetur, Mercurius in fiſtula altius ſublevatur, at poſt illius delapſum denuò Mercurius deprimitur.</i>	152
C XV. <i>Mercurius in fiſtula Torricelliana altius elevabitur, dùm aër nebulis pluviſis imprægnatur, at poſtquam pluvia delapſa eſt, denuò Mercurius in fiſtula deprimitur.</i>	153
C XVI. <i>Aërem eſſe gravem experimentis aliorum comprobatur, & primam Merſennii experientiam ope ignis infidelem eſſe</i>	154
C XVII. <i>Secunda Merſenni Experientia in ſclopeto pneumatico facta, dubia quoque eſt.</i>	155
C XVIII. <i>Novum Artiſcium ad explorandam aëris gravitatem exponitur</i>	

INDEX PROPOSITIONUM:

PROPOS.	PAG.
nitur.	156
CXIX. Postea omiſſis quàm plurimis thermostaticis à me inventis, affe- ram instrumentum, quo pondus absolutum aëris in diversis locis eleva- tis ac depressis, & variè temperatis reperiri potest.	157
CXX. Tutissimò & facillimò experimentò elicitur, specificam aquæ ad aëris gravitatem se habere ut 1175. cum 4. septimis ad 1.	158
CXXI. Distantia inter maximam aëris constrictionem & ejusdem maxi- mam dilatationem est ut 1. ad 2000. fere	160.
CXXII. Aër in naturali ejus constrictione, remotâ omnî violentiâ, rarissimus est, & spatium occupat bis millies majus quam in statu ma- ximæ ejus violentiæ constrictionis, quæ si removeatur, sponte & inge- nti vi ad pristinam nativam raritatem redigitur.	160
CXXIII. Aër videtur compositus ex machinulis, quæ stringi quidem adhibita violentiâ possint, sed postea sponte resilire ad instar arcus va- leant.	162
CXXIV. Si aëris minimæ particulæ essent coni excavati magneticâ vir- tute affecti, salvari possent symptomata condensationis violentæ & spontanæ ejus ingentis rarefactionis.	163.
CXXV. Melius aëris proprietates salvantur, si ejus minimæ particulæ sint duræ flexibiles & resiliētes ad modum machinæ, habeantque figu- ram tubi vel cylindri excavati, compositi ex laminis vel filis levibus aut ramosis oblique in se ipsos circumductis.	165.
CXXVI. Agens naturale, nisi moveatur, minimè trahere potest aliud corpus, quod præterea fune vel uncino alligatum transferri debet.	167
CXXVII. Primò dico falsum esse æquè facile corpus tensum, dum se reducit, aliud corpus, cui contiguum est, secum adducere, ac corpus compressum aliud corpus à se amovere.	168.
CXXVIII. Corpora quæ attrahi videntur, aut sponte, aut à vi ex- terna impelluntur.	169
CXXIX. Cessante in una parte aëris compressione, humores & molles carnes impelli debent intra cucurbitulam.	171
CXXX. Pluribus experimentis confirmatur, à pondere ambientis fluidi corpora mollia intra cucurbitulas & fistulas insinuari.	172
CXXXI. In actione cucurbitulæ ex cutis distractione & tensione, sensus falsò se percipere suadetur trahi cutim & sanguinem, cum verè tumor fiat à pressione ambientis aëris.	174.

INDEX PROPOSITIONUM.

PROPOS.

PAG.

CXXXII. In fistula utrinque aperta, Mercuriô plena, digito superne obturata & inferne intra Mercurium demersa, licet videamur percipere in digito sensum suctionis & ponderis Mercurii sustentati, tamen verè gravamur à cylindro aëreo supra unguem incumbente, & suctionis pulpæ digiti à defectu pressionis aëris dependet. 175

CXXXIII. Necessitate mechanicâ in tubo pneumatico requiritur major vis ad trahendum embolum cum adhærente aquâ ad altitudinem majorem, quàm ad minorem secundum proportionem quam habent aquæ sublevata pondera vel momenta. 177

CXXXIV. Corpus substantiale componi non potest ex punctis indivisibilibus, licet numerô infinitis. 181

CXXXV. Secundô locô ostendendum est, quòd partes quantæ actu infinitæ & ejusdem mensuræ componunt extensionem infinitam. 181

CXXXVI. Partes quantæ actu infinitæ numero, & inter se inæquales componunt extensionem infinitam. 182

CXXXVII. Si ejusdem aggregati aliquæ partes moveantur, cæteris quiescentibus, vel omnes inæqualibus motibus agitentur, qui tamen non competant nec aptari possint partibus corporis duri & consistentis, necessariô illius aggregati partes erunt actu divisæ. 183

CXXXVIII. Fluidi corporis partes divisæ inter se esse debent. 184

CXXXIX. Fluidum non potest habere partes connexas unum continuum constituentis. 185

CXL. Partes fluidum corpus primum componentes fluidæ non sunt. 186

CXLI. Idem aliter demonstrare. 187

CXLII. Ad fluidi constitutionem requiritur omnium partium divisio in minimas particulas, talis figuræ, ut una super alteram facile fluere possint, & omnes æqualem vim motivam gravitatis habeant. 189

CXLIII. Minutissimæ corporis particule ab invicem divisæ, læves & facile amovibiles, licet omninò quiescant, duritiem creare non possunt. 191

CXLIV. Motus & impetus non facilius imprimitur in corpus agitatum quàm quiescens, si tamen ejus quies fuerit amovibilis. 192

CXLV. Commotio partium metalli vel vitri ab igne fusi per accidens in eis fluiditatem creat, quatenus scilicet earum figuræ angulosæ ab invicem separantur, & ob ignis interpositionem possunt una super alteram fluere. 194

CXLVI. Requiritur vis motiva gravitatis in omnibus partibus fluidi, non

(A A A 2)

ut

INDEX PROPOSITIONUM.

PROPOS.	PAG.
ut fluiditatem constituat , sed ut explanare horizontalitèr fluidum possint.	196
CXLVII. Experimenta fermentationum & dissolutionis salium , licet non omnià vera sint , non tamen evincunt fluiditatem semper à continua partium agitatione pendere.	197
CXLVIII. Commotio aquæ quæ in spongiæ madefactione contingit , non est propria ejus aquæ , neque fluiditatem ejus constituit , sed est effectus dependens à gravitate ejusdem fluidi.	199
CXLIX. Commotio aquæ adinstar ebullitionis , quæ in pumicis madefactione observatur , non est propria & constitutiva fluiditatis ejus , sed est effectus dependens à pondere ejusdem fluidi.	199
CL. Aquæ commotio , à qua gleba dissolvitur dispergiturque per eam , non est propria & fluiditatis constitutiva , sed producitur à gravitate fluidi.	200
CLI. Major & velocior aquæ commotio , quæ in salium dissolutione observatur , non pendet ab intrinseco & naturali motu aquæ , sed à simplici ejus gravitate.	201
CLII. Completa dissolutione salis particulæ ejus innatantes non suspenduntur ab intestina aquæ commotione , sed ab ejus naturali glutine validius operante in superficieculis particularum salium.	203
CLIII. Vehementissima aquæ ebullitio , quæ in dissolutione calcis apparet , pendet non ab intestino motu aquæ , sed ab ejus gravitate , dissolvente & exprimente igneas particulas , quæ in calce continebantur.	203
CLIV. Id ipsum verificatur in dissolutione metallor. ab aqua fortî.	204
CLV. Ostenditur absurditas talis positionis Cartesianæ.	205
CLVI. Fluida aquea habere viscositatem aliquam , quæ salvari non potest absque machinulis flexibilibus & resilientibus , à quibus aquæ particule , veluti lanugine ambiuntur.	207
CLVII. Quare partes fluidi super seipsas fluere possint , difficile verò à tota massa fluida pendula divelli disjungere queant , rationem reddere.	209
CLVIII. Ostenditur aquam vî glutinis parumpèr resistere penetrationi corporum solidorum per eam discurrentium.	210
CLVIX. Aquam condensari parumpèr ob cedentiam lanuginis ejus experimento probatur.	211
CLX. Existencia lanuginis aquæ ab experimento suadetur.	212

INDEX PROPOSITIONUM.

PROPOS.

PAG.

- CLXI. Eadem lanugo fluidi impedit miscelam fluidorum diversæ naturæ & consistentiæ. 212
- CLXII. Aëris vis compressiva non est causa tumoris rotundi guttularum fluidi. 214
- CLXIII. Aliâ experientiâ id ipsum confirmare. 213
- CLXIV. Ut partes elementi aquæ sphericæ circa centrum terræ con-
tormentur, oportet ut vires motivæ earum versùs centrum non sint
semper inter se æquales, sed habeant eandem proportionem quam earum
distantiæ à centro. 216
- CLXV. Si circa centrum orbis elementaris duæ fluidæ sphæræ concen-
tricæ collocentur, quarum exterior gravis sit, non verò interior, quæ
habeat montuositatem aliquam, compressio universalis fluidi ambientis
non poterit montuositatem contenti fluidi contundere. 217
- CLXVI. Non posse guttulas fluidi sphericæ conglobari ab universali
ambientis aëris compressione demonstratur. 218
- CLXVII. Guttulæ fluidæ non possunt sponte à vi intrinseca & naturali
tumorem & sphericitatem acquirere. 219
- CLXVIII. Ob motuum diversitatem aquæ & aëris non possunt aquæ
guttulæ sphericæ conglobari. 221
- CLXIX. Incongruentia & angustia pororum aëris non posset impedire
diffusionem particularum aquæ per aërem. 222
- CLXX. Facile aquæ particulæ per aërem moveri possunt, non quia per
ejus porositates insinuantur, sed quia aëreas particulas solutas & amo-
vibiles expellere è suis locis possunt. 223
- CLXXI. Licet ob defectum analogiæ motus partium aquæ impediretur
ab ambiente aëre, non proinde sphericæ conglobari posset. 224
- CLXXII. Si corpus angulosum innixum parietis verticalis asperitatibus
sustineatur à potentia termino opposito & horizontali ejusdem corporis
applicata; potentia ad corporis pondus se habebit, ut distantia centri
gravitatis ejus à fulcramento ad distantiam potentiæ ab eodem fulcimen-
to. 225
- CLXXIII. Iisdem positis eadem potentia elevare altius poterit con-
vertendo & rotando corpus polyhedrum regulari simile innixum asperi-
tatibus ejusdem verticalis parietis. *ibid.*
- CLXXIV. Particulæ aquæ superficiales possunt rotando altius elevari
parieti vasis adhærendo à vi ponderis aquæ collateralis impulsæ. 226
- CLXXV. Ratio affertur quare guttæ aquæ pendulæ è superficie prona
solidi. (444) 3.

INDEX PROPOSITIONUM.

PROPOS.	PAG.
solidi corporis sustineantur.	227
CLXXVI. Quare globuli fluidi pendentes è filo paritèr fluido sustineantur.	<i>ibid.</i>
CLXXVII. Et cur globulus fluidus pavimento innixus sustineatur.	228
CLXXVIII. Declaratur quomodò & quousque ex novo affluxu guttulæ augmentur, & quare post violentam fluidi tractionem denuò sponte suâ recolliguntur.	228
CLXXIX. Quare duæ guttæ homogeneæ sese tangentes colliguntur uniunturque.	229
CLXXX. Quare filum ceræ alacæ, vitri aut metalli liquefacti à flamma candelæ insufflatæ ope fistulæ dùm liquefcit recolligitur, pilam rotundam efformans & augens.	230
CLXXXI. Declaratur quemadmodum lamina gracilis aqua gravior specie foveam efficit in aqua dùm innatat, & quare monticuli illi aquei non decident.	231
CLXXXII. Vis impellens & retinens argines aqueos, elevatos supra aquæ libellam, non est propria ipsius aquæ neque aëris, sed est gravitas ejusdem aquæ collateralis legibus mechanicis operando.	232
CLXXXIII. Aqua in fistulis non ascendit sponte suâ à vi motiva particularum ejus impulsâ, neque insinuat, retineturque ibidem ab æquilibrio aëris, aut ab internis canaliculi asperitatibus.	237
CLXXXIV. Quare aqua ab ima fistulæ parte in aëre constituta non defluit, rationem reddere.	239
CLXXXV. Restat modò causa motiva, à qua sursùm impellitur aqua in fistulis.	239
CLXXXVI. Nova phænomena ex eadem nostra theoria salvantur, & rejicitur vis aëris ab hac operatione.	240
CLXXXVII. Aqua in fistula magis demersa non debet altius elevari, quàm in ea quæ aquam aut aërem tangit.	241
CLXXXVIII. In fistulis strictioribus altius aqua elevari debet, quàm in latioribus, & in fistulis æqualibus, sed inæqualitèr ad aquæ superficiem inclinatis, aqua ad eandem altitudinem elevatur.	243
CLXXXIX. Si duæ aquæ guttulæ mobiles se mutuò tangant lateralitèr, hæ non quiescent, sed lateralitèr excurrent quousque vertices earum in eadem recta perpendiculari ad horizontem extiterint.	247
CXC. Corpus molle vel fluidum intra aliud gravius fluidum demersum,	

INDEX PROPOSITIONUM.

- PROPOS.** P A G.
 sum, nedum ab hoc sursum exprimitur, sed etiam laterali motu ejus
 partes stringuntur 248
- CXC I.** Si una pars ejusdem aquæ majori momento subiectum fluidum
 compresserat, quàm alia ejus pars collateralis, hæc transversali motu
 ab illa impelletur, secum transportando corpuscula super eam innatan-
 tia. 250
- CXC II.** Si partes ejusdem fluidi continuatæ horizontaliter ab æquali-
 bus ponderibus vel momentis pressæ fuerint, omnino quiescent, &
 è converfo. Et si postea momentum comprimens unam partem fluidi
 imminuatur hæc laterali motu è suo loco dimovebitur. 251
- CXC III.** Si duo aquei montes, seu argines elevati supra aquæ libel-
 lam eandem sublimitatem habuerint, acclivior & magis erectus majori
 momento subiectam aquam comprimet quàm reliquus. 252
- CXC IV.** In qualibet lamina super aquam innatante, quilibet ejus sec-
 tor æquali momento subiectam aquam contiguam & æqualiter jacen-
 tem premit ac portio anuli montuosi collateralis aquæ prædictum secto-
 rem complens. 253
- CXC V.** Si aliquis sector laminæ super aquam innatantis majori mo-
 mento subiectam aquam compresserit, quàm portio anuli montuosi
 aquæ collateralis eandem aquam illi contiguam in directum & æqualiter
 jacentem presserit: lamina transversè movebitur versus partem aquæ
 minus compressam. Si verò laminæ sector minori momento subje-
 ctam aquam quam portio collateralis anuli aquei illam compresserit,
 lamina ipsa laterali motu recedet à parte aquæ magis compressa. 254
- CXC VI.** Duæ laminulæ, quæ efficiunt proximos argines aqueos,
 depressos intra supremam aquæ libellam in determinata quadam distan-
 tia, debent sponte moveri & ad invicem approximari. 255
- CXC VII.** Posset id ipsum demonstrari aliâ ratione. 257
- CXC VIII.** Corpora innatantia, quæ efficiunt duos argines aqueos
 conterminales sublevatos supra libellam aquæ supremam, debent in cer-
 ta distantia ad invicem approximari. 258
- CXC IX.** Tertio loco, si duo corpora innatantia efficiant duos argi-
 nes aqueos conterminales, aliter depressus reliquus vero supra ejusdem
 libellam elevatus: hæc sibi ipsis approximata non unientur, sed moti-
 bus contrariis unum ab altero fugiet. 259
- CC.** Sed antequam ulterius procedamus, incidenter animadverto al-
 titu-

INDEX PROPOSITIONUM.

PROPOS.	PAG.
titundinem foveæ in aqua genitæ à descensu laminæ gravioris specie ipsa aqua, ad crassititem laminæ demersæ proportionem minorem habere quàm gravitas specifica ipsius laminæ habet gravitatem aquæ in specie.	261
CCI. Pondus molis aquæ, æqualis portioni innatantis corporis intra aquæ libellam demersi, non est præcisè æquale ponderi totius innatantis corporis.	262
CCII. Nostri instrumenta hydrostatica non indicant præcisè fluidorum specificas gravitates.	263
CCIII. Modò novâ demonstratione nostrâ ostendemus, quòd in duobus mediis fluidis inæqualitèr densis & resistentibus velocitates ejusdem corporis gravis possunt habere majorem, eandem & minorem proportionem reciprocã, quam habent crassities eorundem fluidorum si tamen grave in utroque fluido descendat.	266
CCIV. Pondera inæqualia non producant inæquales velocitates sed unam & eandem.	269
CCV. Hoc positò; ostendemus velocitatem cujuscunque corporis gravis in vacuo esse finitam & in tempore absolvi.	276
CCVI. Idem alitèr confirmatur.	276
CCVII. Corpora homogenea, commensurabilem proportionem habentia, æquè velocitèr descendant, ablatis omnibus impedimentis.	281
CCVIII. Quælibet corpora homogenea inter se inæqualia ex sui natura æquè velocia sunt.	280
CCIX. Duo corpora heterogenea æquè gravia comprehensa ab æqualibus perimetris figurarum similium & æqualium in eodem medio fluido æquè velocitèr descendant, si in ipso motu similitèr disposita fuerint, idèmq; in vacuo continget.	281
CCX. Idem corpus grave, quancùnque figuram habuerit, descendet in spatio vacuo eadem prorsus velocitate.	282
CCXI. Si duo corpora æquè gravia absolutè moles inæquales habuerint, in vacuo æque velocitèr descendant.	284
CCXII. Quælibet duo corpora inæqualitèr gravia in vacuo æque velocitèr descendant.	284
CCXIII. Id ipsum alitèr demonstrabitur.	286
CCXIV. Fluida homogenea è fistulis æquè latis & perpendicularitèr erectis ad horizontem, fluunt velocitatibus in subduplicata proportio-	ne

INDEX PROPOSITIONUM.

PROPOS.	PAG.
ne longitudinum fistularum, si tamen semper fistula repleta sint in eodem fluido.	287
C CXV. Fluxus aquæ intra fistulam velocior est circa axin, quam propè internam cavam superficiem ejus.	287
C CXVI. Quare aqua post egressum è fistula in aëre subjecto non dissipatur, sed sensim restringitur quousque disrumpatur, rationem reddere.	288
C CXVII. E fistulis inæqualitèr amplis & æquè altis, quarum infima ostiola horizontalia æqualia sint, æquè velocitèr aquæ moles æquales effluunt.	289
C CXVIII. In iisdem fistulis inæqualitèr ad horizontem inclinatis velocitates aquæ fluentis subduplicatam proportionem habent, non longitudinum, sed sublimitatum perpendicularium earum.	290
C CXIX. Velocitates, quibus aqua egreditur ab infimis fistularum orificiis, illæ eadem sunt, quibus eadem aqua intra cavitates canalium movetur.	291
C CXX. Si ex æqualibus fistularum orificiis temporibus æqualibus duæ aquæ moles defluunt inæqualibus velocitatibus, erunt aquæ moles proportionales velocitatibus.	292
C CXXI. Ex eisdem fistulis temporibus æqualibus fluent aquæ moles subduplicatam proportionem habentes altitudinum earum.	293
C CXXII. Ab eadem fistula duæ moles aquæ inæquales egressa eandem proportionem habent, quam tempora excursuum.	293
C CXXIII. Si duæ fistulæ inæqualitèr altæ habuerint orificia æqualia, atque ex eis egrediantur moles aquæ æquales, tempora effluxuum habebunt subduplicatam proportionem reciprocam altitudinum fistularum.	294
C CXXIV. Duæ moles aquæ eodem tempore egredientes ex orificiis inæqualibus fistularum æqualium altitudinum, æqualibus velocitatibus fluent, at earum moles eandem proportionem habebunt, quàm orificia.	294
C CXXV. Cylindrus solidus cùm æquali mole aquæ ambientis libram circularem & siphonem tubicum constituit, cujus orificium æquale est basi cylindri solidi, & libræ fulcimentum est terminus circularis fluidum à solido separans, quæ motibus contrariis agitantur.	295
C CXXVI. E contra, in vasis valdè restrictis & angustis amplitudo siphonis aquci solidum ambientis & deorsum fluentis minor esse debet	basi

- PROPOS. PAG.
 basi ejusdem solidi, sed contrariò ordine respondere debent suis velocitatibus. 297
- C C X X V I I. Si fuerint duo cylindri homogenei in aqua demersi, æqualium basium & inæqualium altitudinum, semperque eorum latera perpendicularia sint ad horizontem, tempora, quibus æqualia spatia ascendendo vel descendendo percurrunt, eandem proportionem reciprocam habebunt, quam subduplicata ratio altitudinum fuerit. 299
- C C X X V I I I. Iisdem datis, si ascensus vel descensus fiant æqualibus temporibus, spatia ab eis exacta habebunt subduplicatam proportionem altitudinum. 300
- C C X X I X. Postea si duo conii homogenei bases æquales & inæquales altitudines habuerint, & verticibus sursùm vergentibus, ita ut axes eorum semper inter se æquidistantes sint, & infra aquam existentibus percurrant ascendendo vel descendendo spatia æqualia; tempora contrariò ordine respondebunt subduplicatæ proportioni altitudinum. 300
- C C X X X. Iisdem datis, si tantummodò conorum bases præcedant, & sursùm respiciant, & æquidistantes horizonti, & supremæ aquæ libellæ, idem prorsus concludetur. 301
- C C X X X I. Eorundem conorum æquæ altorum si unius vertex & alterius basis sursùm ambo, vel deorsum respiciant; parùm celerius feretur is qui mucrone præcedente fertur. 302
- C C X X X I I. Si cylindri partim in aqua partim in aëre existentes, sursùm vel deorsum excurrerint; prædictæ proportionibus velocitatum valde alterantur. 302
- C C X X X I I I. Si duo pondera inæqualia suspenduntur in extremitatibus duarum librarum inæqualium sed æqualium radorum, velocitates revolutionum earum subduplicatam proportionem habebunt radorum. 304
- C C X X X I V. Si duo siphones ex directis æquæ altis & contiguis fistulis compositi fuerint, & in unoquoque eorum duæ collaterales fistulæ æquales sint inter se, atque in sinistris siphonum fistulis ponantur duo fluidi cylindri æquæ alti, leviores vel graviore aqua, residuæ verò siphonum capacitates aquâ repleantur; aliquantulum tardius feretur cylinder in siphone latiori quàm strictiori. 305
- C C X X X V. Si fuerint duo cylindri homogenei, atque alti, quorum bases inæquales, cylinder strictior aliquantum celerius ascendet, vel descendet, quàm latior. 307

INDEX PROPOSITIONUM.

P R O P O S.

P A G.

C C X X X V I. Si duo quælibet solida homogenea, & à similibus figuris comprehensa, similiterque posita fuerint, dùm in aqua feruntur, majus celerius ascendet vel descendet quàm minus, sed in minore proportionem quàm subduplicata altitudinum.

308

C C X X X V I I. Iisdem positis, si ascensus vel descensus fiant æqualibus temporibus, spatium exactum à majori solido majus erit spatio transacto à solido minori sed ad ipsum habebit minorem proportionem, quam sit duplicata altitudinem.

309

C C X X X V I I I. Si in libra radiorum æqualium duo pondera inæqualia suspendantur, summa inæqualium ponderum ad eorum differentiam eandem proportionem habebit, quam libræ radius ad pendulum, quod constituit eadem libra.

310

C C X X X I X. Si à terminis duarum librarum æqualium, & æqualium radiorum duo pondera æqualia pendeant, sed oppositis minora, pendulum prioris libræ ad pendulum posterioris proportionem compositam habebit ex ratione differentiarum priorum ponderum ad eorum summam, & ex ratione summæ posteriorum ad differentiam eorundem ponderum.

311

C C X L. In iisdem trutinis datis quatuor ponderibus in illis suspensis reperire proportionem velocitatum, quibus libræ revolvuntur.

311

C C X L I. Datis duobus solidis æqualibus ejusdemque figuræ, sed inæqualium gravitatum præcognitarum, & dato quoque pondere molis fluidi levioris æqualis solidis demersis: reperire proportionem velocitatum quibus descendunt in eodem fluido.

312

C C X L I I. Præterea idem solidum in medio fluido rariori & minus ponderoso citius descendet, quàm in graviori fluido si tamen utroque fluido solidum gravius specie fuerit.

313

C C X L I I I. Duo solida, & inæqualiter gravia, si specie graviora fluidis fuerint, majori inæqualitate in medio fluido densiori, quàm in rariori & minus gravi fluido descendunt.

314

C C X L I V. Motus descensus cujuslibet gravis in fluido successivè retardatur, & incrementa velocitatis ejus tandem ad æquabilitatem reduci debent.

315

C C X L V. Si duo corpora æqualia & inæqualiter gravia, per fluidum descendunt, prius ad æquabilitatem reducetur levius corpus quàm gravius.

316

(Bbb 2)

C C X L V I. Si

INDEX PROPOSITIONUM.

PROPOS.	PAG.
CCXLVI. Si comparentur velocitates corporum æqualium & inæqualiter gravium propè principium descensus in fluido, minori inæqualitate feruntur, quàm in progressu & continuatione motus.	317
CCXLVII. Si vacuum spatium ponatur entitas extensa & incorporea, debet concedi infinita, æterna & increata.	317
CCXLVIII. Solvuntur argumenta Aristotelis contra vacuum adducta.	321
CCXLIX. Causa impellens gravia fursùm, ad replendum vacuum, non est divisa facultas, neque intrinseca vis animastica, vel naturalis eorundem corporum.	324
CCL. Ostenditur fallacia argumenti insinuantis naturam vacuum abhorere.	325
CCLI. In siphone inverso retracto embolo aqua ascendit non spontè, sed impulsà à majore pondere, vel momento aquæ vel alterius brachii siphonis.	326
CCLII. Si in syringa intra puteum demersa embolum ab ejus fundo fursùm retrahatur, aqua subiecta ascendet, non quidem ob metum vacui, sed necessitate mechanicâ à pondere columnæ aquæ collateralis impulsà.	327
CCLIII. Hilem positis, si præterea infimum syringæ orificium infra mercurium in catino contentum mergatur, retracto embolo mercurius ascendet non ob vacui metum, sed impulsus à pondere columnæ aquæ collateralis.	328
CCLIV. In omnibus experimentis Adversariorum ostenditur violentèr impelli fluidum fursùm & per accidens currere ad replendum vacuum.	328
CCLV. Dimensiones, quæ spatio vacuo tribuuntur, non sunt reales, sed meræ negationes & privationes.	330
CCLVI. Dimensiones spatii separati, quæ extra mundum concipiendæ sunt, meræ privationes poni debent.	332
CCLVII. Falsum est solummodò ea se tangere, inter quæ nihil intermediat, nisi eorum extremitates conjunctæ fuerint.	333
CCLVIII. Nulla ratio suadet mundum corporeum infinitum ponere ut vacuum omninò rejiciatur.	333
CCLIX. Ex ingenti spatio inani in particulis aëris contento non evincitur vacui impossibilitas.	335

CCLX. Et

INDEX PROPOSITIONUM.

PROPOS.	PAG.
CCLX. Et primò ostendendum est, quòd minimæ particulæ corpus molle componentes non possunt esse molles.	336
CCLXI. Eodem progressu ostendemus, quòd minimæ partes, corpus primum flexibile componentes, omninò inflexibiles, rigidæ & duræ esse debent.	337
CCLXII. Quænam figuræ planæ & solidæ suis angulis spatium implere possint.	338
CCLXIII. Enumerantur figuræ solidæ, quæ intra alias agitatæ, spatium implere aut non implere possunt.	339
CCLXIV. Primò, si duæ superficies planæ duorum corporum inflexibilium sese tangant, & postea separari debeant, aut illo motu, quo plana semper ad invicem æquidistant, aut angularitèr inclinentur, necessariò vacuum admitti debet.	340
CCLXV. In separatione corporum durorum contiguorum vel continuorum, licet aër interceptatur & rarefiat; vacuum evitari non potest.	341
CCLXVI. In discissione corporis flexibilis, dum partes tractione separantur, necessariò vacuum interceptitur.	342
CCLXVII. In eadem scissione non potest fluidum ambiens omninò spatia vacua replere.	344
CCLXVIII. In motu fluidi intra fluidum vacua spatiola creantur per breve tempus perseverantes.	344
CCLXIX. Admissa substantia ætherea subtilissima & penetrantissima, non posset ipsa, vel quodlibet corpus, moveri absque vacui interpositione.	346
CCLXX. Etiam corpora quiescentia intra eorum porositates innumera spatiola vacua admittere debere.	346
CCLXXI. Experientia constat fluida aquæ naturam participantia ab intenso frigore in actu congelationis ingenti vi rarefieri.	348
CCLXXII. Rarefactio & augmentum molis aquæ glaciata, non efficitur à mitione & interpositione corpusculorum frigiditatem creaturum.	349
CCLXXIII. Nec paritèr augetur aquæ moles à novo aëre de foris adveniente in actu congelationis ejus neque à directione & tensione anguillarum aquæ.	51
CCLXXIV. Minimæ particulæ aquam componentes minores sunt	partic-

INDEX PROPOSITIONUM.

PROPOS.	PAGE
particulis aërem-componentibus.	353
CCLXXV. His præmissis, inquirenda est ratio & causa, quare aqua in actu congelationis rarefit, amplioremque molem acquirit.	354
CCLXXVI. Quare aqua, dum gelascit, duritiem acquirit, non autem aër, oleum, spiritus vini & Mercurius.	358
CCLXXVII. Remanet postremò locò inquirenda causa ingentis & validissimæ virtutis, qua aqua in actu congelationis ejus, disrumpit ac frangit vasa ænea consistentia & durissima.	359

INDEX NOTABILIVM LIBRI DE MOTIONIBUS NATURALIBUS A GRAVITATE PENDENTIBUS.

A rchimedis suppositio.	Pag. 13
Fluidum in suo toto quiescens ponderat.	21
Ex Archimede deducunt aquam in ipsa aqua non gravitate, & id ipsum Peripatetici affirmant.	21
Contra doctrinam superius adductam adest nova difficultas, quod nimirum motu perpetuo aqua agitari deberet.	22
Ex doctrina superius tradita videtur deduci posse, lignum intra aquam positum, sursum ascendere non posse.	31
Contra doctrinam superius adductam afferri solet difficultas valde plausible, quod nimirum urinatores ingens pondus aqua incumbens nec patiantur nec sentiant.	35
Inquiritur causa quare à pondere incumbente producit compressio, scissio, divisio continui & proinde dolor.	39
Sed licet luxatio non consequatur, saltem contusio & diffusio partium animalis consequi debere videtur.	41
Cartesiani censent partes aqua in ipsa aqua, nec gravitate nec levitate, quia sursum & deorsum continenter moventur.	42
Objectiones recentioris cujusdam Auctoris afferuntur.	58
Recurrunt adversarii ad majorem inimicitiam, quam habet lignum seu aër cum hydrargyro, quam cum aqua, ut deducant celerius lignum fugere mercurium, quam aquam debere. Sed rejicitur.	63
Denudò admittit levitate colligunt ignem celerius per aquam quam per aërem ascendere.	

INDEX NOTABILIUM.

<i>Ascendere debere.</i>	68
<i>Suppositiones aliqua peripatetica recensentur.</i>	71
<i>Dubitatur de mensura gradus prædicti impetus.</i>	73
<i>Nova argumenta pro levitate positiva afferuntur.</i>	78
<i>Hac experientia & ratio ejus applicatur flamma camini ascendentis.</i>	80
<i>Ratio quare circa lucerna flammam non percipitur ventus sicuti in camino.</i>	80
<i>Concluditur quodd ex figura acuminata flamma lucerna, non evincitur hanc à vi levitatis ascendere.</i>	89
<i>Præterea aliqua flamma candela sunt rotunda, & flamma camini sunt alterius figura.</i>	89
<i>Ejusdem Auctoris nova difficultas.</i>	91
<i>Alia argumenta pro levitate positiva desumpta à pulcherrimo experimento.</i>	91
<i>Respondetur singulis oppositionibus Adversarii.</i>	101
<i>Nova argumenta ejusdem Auctoris pro levitate positiva.</i>	104
<i>Retorquetur idipsum argumentum contra Adversarium.</i>	105
<i>Experimentum falsum Adversarii pro levitate positiva.</i>	107
<i>Aliud falsum experimentum ab eodem Auctore allatum.</i>	109
<i>Vis comprimens extensivè, augetur multiplicatâ mole corporis.</i>	120
<i>Intensivè verò constipata & condensata materia.</i>	ibid.
<i>Gradus prædicta gravitatis mensuratur à vi contraria, qua depressionem ejus prohibere potest.</i>	ibid.
<i>Hic non agitur de velocitate descensus, sed de vi compressiva.</i>	ibid.
<i>Vis sursum impellens.</i>	ibid.
<i>Qua levitas vocatur, augeri potest extensivè multiplicatò eodem corpore levâ.</i>	121
<i>Intensivè vero rarefaciendo idem corpus.</i>	ibid.
<i>Incrementa levitatum proportionalia sunt incrementis raritatum ejusdem molis, & mensuratur à vi ponderum prohibentium elevationes.</i>	ibid.
<i>Si raritas non est causa ascensus levium, requiritur tamen necessario.</i>	ibid.
<i>Diversitas figuratum non alterat prædictam proportionalitatem.</i>	124
<i>Causa hallucinationis detegitur.</i>	129
<i>Difficultates contra nostram doctrinam.</i>	133
<i>Contra superius expositam doctrinam denuo Adversarius insurgit.</i>	137
<i>Tertium argumentum ejusdem Auctoris.</i>	138
<i>Quarta & quinta ratio ejusdem Auctoris.</i>	141
<i>Sextum argumentum.</i>	143
<i>Septima instantia.</i>	144
	Hoc.

INDEX NOTABILIUM;

Hoc ratiocinium conatur refellere Adversarius.	148
Altitudo mercurii in fistula Torricelliana non semper ejusdem mensura est.	151
Non tamen conversa regula vera est, nam ab aliis causis elevatio mercurii in fistula variari potest.	154
Si aëris pressio animalis carnem intra cucurbitulas impelleret, dolor in opposita corporis parte compressa percipi deberet, non in parte attracta.	170
Obijciunt sensu percipi tractionem in parte corporis contigua cucurbitula non vero pati impulsu à fluido in reliquo corpore factum.	174
Aliud argumentum contra superius adductam doctrinam.	175
Proponitur pulcherrimum argumentum pro attractione.	176
Notandum tamen quod vis embolum sublevans non attrahit, nec sustentat aquam subjectam sibi quæ adhaerentem; sed potius sustinet aëreum cylindrum incumbentem.	179
Definitio fluiditatis.	180
Licet porositates cujuslibet corporis sint tortuose, tamen à fluido permeari possunt.	189
Cartesius putat precipuam fluidi conditionem esse, ut omnes ejus partes intestino motu agitentur.	190
Hoc primò probant ex metallorum fusione.	ibid.
Argumentum contra superiorem doctrinam.	192
Hoc experimentò comprobatur.	195
Et exemplò luti confirmatur.	ibid.
Fermentationes & extractions chymicæ absque motu fluidi menstrui fieri nequeunt, ac dubitatur an motus, qui in fermentatione observatur, sit causa vel effectus fermentationis.	198
Ex hac doctrina sequi videtur, quod completâ dissolutione salis, ejus particula, ut graves ad fundum vasii caderent, & sic aqua dulcis redderetur, quod est falsum.	202
Aliqua experientia, nostræ sententiæ refragari videntur, quibus inferius satisfaciemus.	204
Sed interim ex demonstratis evidentè rejicitur opposita sententia.	205
Ex Cartesio aqua particula sunt oblonga, flexibiles, ut anguille, perpetuo agitata, & hinc guttas aque pendulas sustineri posse censent.	ibid.
Proponuntur difficultates aliqua circa vim glutinis fluidorum.	208
In guttis exiguis perturbatur universalis regula, qua fluida, ut gravia, explanari debeant.	214
Ajunt ob defectum analogia aquam vel mercurium intra aërem insinuari non posse,	

INDEX NOTABILIUM.

posse, & ideo motu reflexo in se ipsis conglobari.	220
Defectum analogie fluidorum aut a diversitate motuum aut ab incongruentia pororum pendere censent.	ibid.
Declivitas prædicti aquei montis pendet ex inæqualitate virtutis motivæ.	236
Proponuntur observationes ascensus aquæ in fistulis gracilissimis.	ibid.
Quare prædictæ operationes non contingant nisi fistula sint utrinque aperta.	244
Historia accessus & recessus corporum innatantium cum omnibus suis circumstantiis assertur.	245
In uno eodemque corpore innatante fieri possunt argines contrarii.	261
Ejusdem mobilis velocitates reciproce proportionales sunt densitatibus fluidorum, in quibus movetur.	265
Exemplis id ipsum comprobatur.	267
Ex Aristotele gravia descendunt & levia ascendunt velocitatibus eandem proportionem habentibus quàm gravitates vel levitates.	268
Quod experientiâ reprobatur.	369
Novæ rationes pro Aristotele adducuntur.	270
Respondetur primæ difficultati ex superius adductis.	271
Respondetur secundæ.	272
Respondetur tertiæ.	272
Respondetur quartæ.	274
Quinta respondetur.	275
Sexto argumento respondetur.	275
Repetuntur & præmittuntur aliqua principia notæ, aut alibi ostensa	278
Interna fistula asperitates motum cylindri retardare possunt.	298
Incidenter verus sensus Archimedis declaratur.	303
Quia difficultè hæc in cylindris experiri possunt, sed facilius & tutius in sphaeris, in iis nostra sententia comprobatur.	309
In valde raris fluidis varietates aliqua contingunt.	310
Respondetur experimento Mersenni & aliorum.	317
Vulgaria experimenta naturam vacuum abhorrere probantia.	323
Argumentum Aristotelis & Cartesii contra vacuum.	329
Nova argumenta contra vacuum.	334
Directè demonstratur vacui existentia.	335
Causa rarefactionis glaciæ assertur.	347
Intra aqua substantiam innumera æris particula commixta reperiuntur.	351
Possibile est, minimas aquæ particulas intra vacuos tubulos æræ componentium insinuari posse.	353

F I N I S.
(C C C)

CATA-

CATALOGUS LIBRORUM PETRI VANDER Aa,

Designans libros, qui tam ejus typis & impensis prodierunt, quam quorum alias Copia ipsi suppetit.

Joh. Alph. Borellus de Vi Percussionis & Motionibus Naturalibus à gravitate pendentibus, sive Introductiones & Illustrationes Physico-Mathematicæ apprimè necessariæ ad opus ejus intelligendum de Motu Animalium, unâ cum ejusdem Autoris Responsionibus in animadversiones Illustr. Doctiss. Viri D. Stephani de Angelis ad librum de Vi Percussionis, in Quarto. 1686. 2. voll. cum figuris æneis.

Ejusdem de Motu Animalium, in Quarto, 2. voll. cum figuris æneis. 1685.

Cajus Valerius Catullus & in eum Isaaci Vossii Observationes in Quart. 1684.

Lup. de Bebenburg de Jur. Regni & Imp. Romanorum, & Freherus de Coronatione, in Quarto. 1664.

La Pratique de la Medicime selon les anciens & Modernes, deux Tomes 1686, s' Imprime.

Johann. Seldenus de anno Civili Veterum Judæorum & Jac. Usserius de Macedonum & Asianorum anno Solari. in Octavo. 1683.

Jacobi le Mort Pharmacia Medico-Physica, Rationibus & Experimentis Instrueta. Accuratiore Methodo adornata, nec non Observat. Medicis Illustrata. In Octavo 1684.

- - Ejusdem Chymia Medico-Physica, Rationibus & Experim. Instrueta, Brevi & facili viâ Processus Spagyricos ritè & artificiosè ad finem perducendi, normam exhibens. Cui annexa est Metallurgia contracta, succinctam Metallorum demonstrans In Octavo 1684. cum figuris.

Joh. Bapt. de Lamzweerde Naturalis Molarum Uteri Historia, in qua accuratius de Natura Seminis ejusque circulari in sanguinem regressu, modo conceptionis & generationis ac ovis humanis disquiritur. In Octavo cum figuris æneis, sub prelo.

Henricii Mundii Opera Omnia Medico-Physica, tractatibus tribus comprehensa, de Aère Vitali, de Esculentis, de Potulentis, una cum appendice de Parergis in Victu ut Chocolata, Caffè. Thea, Tabacco &c. In Octavo 1685.

Guilj. Briggs Ophthalmographia, sive oculi ejusque partium Descriptio Anatomica & Nova visionis Theoria, Regiæ Societati Londin. propoſita. In Duod. 1686. cum fig.

Cosmo-

CATALOGUS LIBRORUM.

Cosmopolita Historia Naturalis comprehendens Humani Corporis Atomica & Anatomicam delineationem ab ipsis primis foetus rudimentis in utero usque ad perfectum & adultum statum lumine præclaro Generationem Hominis & efformationem exhibens dein usum & structuram omnium vasorum in eodem perfecto summa cum arte demonstrans, opus nullo Medicinæ Curioso vel studioso non conveniens. *In Duodecimo.* 1686.

Philippi Reinh. Vitriarii Institut. juris publici, *In Duodec.* 1686. sub prælo.
Anth. Nuck de ductu salivali novo, saliva, Ductibus oculorum aquosis & humore Oculi aqueo. *In Duodecimo.* 1686. cum fig.

Tractatus varii & curiosi de aquis Medicatis. *In Duodecimo.* 4. voll. 1685. cum figuris.

Joh. Muys, Praxis Chirurg. Rationalis seu Observat. Chirurgicæ secundum solida veræ Philosophiæ fundamenta resolutæ quinque Decades. *In Duodecimo.* 1685.

- - Decas quinta. *In Duodecimo.* 1685. separatim.

Henr. ab Heers Spadacrene hoc est fons Spadanus, accuratissimè descriptus, acidulasque bibendi modus & medicamina oxypotis necessaria ut & Observationes Medicæ oppido raræ in Spa & Leodii animadversæ, cum Medicamentis aliquot selectis, & ut volunt secretis. Editio novissima auctior. *In Duodecimo.* 1685. 2. voll.

D. Du Clos Observationes super Aquis Mineralibus plurimarum Provinciarum Galliæ, in Academia Scientiarum facta, & Dissertat. de mixtionibus naturalibus. *In Duodecimo.* 1685.

Guilj. Bradshaw Dissert. de Justificat. Doctrina, quâ via plana munitur ad concordiam qui hac de re variarunt. *In Duodecimo.* 1684.

Vienna liberata. *In Duodecimo.* 1684. cum figuris.

Matth. Movii Felix Puerpera seu Observat. Medicæ, circa regimen Puerperarum & Infantium Recens Natorum. *In Duod.* 1684.

Frid. Hoffman. Exercitatio Medico-Chymica de Cinnabari Antimonii ejusque eximiis Viribus, usuque in mentio secretiori, quo illo via ex illa veram panaceam conficiendi aperitur. Adjecta sunt Experimenta ac Ratiocinia varia curiosa. *In Duodecimo.* 1685.

G. B. de St. Romain Physica sive Scientia Naturalis Scholasticis tricus liberata, opus novum curiosis plurimis, ex Medicina & Chymia depromptis Experimentis, nec non observationibus nonnullis ad corporis sanitatem utilibus adornata. *In Duodecimo.* 1684.

CATALOGUS LIBRORUM.

- Traité de l' Action de l'Orateur ou de la Pronuntiation & du geste, par le Sieur Contrart Secretaire de l' Academie Françoise, En Douze. 1686.*
- Nouveau Recueil de Curiositez rares & nouvelles des plus admirables effets de la nature, & de l'art, composé de quantité de beaux secrets Gallans & autres: dont quelques uns ont été tirez du Cabinet de feu Mons. Le Marquis de l'Hôpital. Experimentez & composez par le Sicur de Lemery. In Duodecimo. 2 voll. avec figures 1685.*
- Anatomie des Plantes, qui contient une Description exacte de leur parties & de leurs usages, & qui fait voir comment elles se forment & comment elles croissent par Mr. Nehem. Grew, & l' Ame des Plantes par Mr. Dedu avec un Recueil d' Expériences, & observations. curieuses par Mts. Grew & Boyle. In Duodecimo. 1685. avec figures.*
- Traité des plus belles Bibliothèques de l' Europe, des premiers livres qui ont été faits, de l'Invention de l'Imprimerie, des Imprimeurs, de plusieurs livres qui ont été perdus & reconvréz par les soins des sçavans, avec une Methode pour dresser un Bibliotheque par le Sieur le Gallois. In Duodecimo. 1685.*
- La Bête transformée en machine, divisée en deux Dissertations. par le Sieur J. Darmanfon. In Duodecimo. 1684.*
- Histoire du Wiclesianisme ou Vies de Wicles, Jean Hus & Jerome de Prague In Duodecimo. 1683.*
- Essais d' Anatomie, ou l'on explique clairement la construction des Organes & leurs Operations mécaniques selon les nouvelles hypotheses par . . Docteur en Medicine. In Duodecimo. 1686.*
- Idem Latinè, In Duod. sub pralo.*
- La Compagnie agreable, contenant toute sorte d' Histoires Galantes, curieux divertissemens & autres plaisantes narrations pour chasser la Melancholie, & faire parler agreablement le temps à la Compagnie. In Duod. 1685.*



CATALOGUS

*Optimorum & Præcipuorum Librorum tam Medicorum quam Chymicorum
qui apud Doctores Præficos & Studios. Medic. in Academia Lugd.*

*Batavâ maximè in usu sunt & ibidem (præter plurim. om-
nium facultat. Libr.) in Officina PETRI*

V A N D E R A a ,

Venales prostant.

- A**cta Philos. Anglican. 4. 1675.
Aëtarius, Willsius & aliorum
de Urinis. 8. 1670.
Agricola de Re Metallica. fol. 1657.
Ammanni Medic. Critica. 4. 1677.
- - Institut. Medicæ. 12. 1676.
- - Character Plantar. 8. 1676.
- - Suppellex Botanica. 8. 1675.
Argenterius de Urinis. 8. 1684.
Anatomia Bidloo. fol. regali. 1685.
- - Remmelini. fol. patenti. 1660.
- - Bartholiniana. 8. 1677.
- - Riolani. 8. 1677.
Bachimii Experim. Philos. 12. 1682.
Barbette opera omnia. 4. 1682.
Bartholini Scripta Omnia.
Bauhini Pinax cum Prodr. 4. 1671.
Becke Experim. Natural. 8. 1684.
Beguini Tyrocin. Chym. 12. 1669.
Bibliographia Med.-Physf. 12. 1681.
Bibliotheca Anatomica. fol. 1685.
Bierlingii advers. Curiosa. 4. 1679.
Blancardi Scripta Belgica.
- - Lexicon Medicum. 8. 1683.
Blasii Anatomia Animal. 4. 1681.
- - Medicina Curatoria. 8. 1680.
Boneti Opera. fol. 1685; 4. vol.
Bohn Chymia. 4. 1685.
Bontekoe Scripta Belgica.
Borellus de Motu Animal. 4. 1685.
- - Atrium Physico-Mathematic.
apertum ad ædificium ejus mag-
nificum de Motu Animal. 4. 1686.
Borrichii Hermes Ægypt. 4. 1674.
- - Lingua Pharmacop. 4. 1670.
- - De Ortu & Progressu Chy-
miæ. 4. 1668.
Boyle Opera Omnia. 4. 1680.
Briggs Ophthalmographia & visionis
Theoria. 12. 1686.
Broeckhuysen Oeconomia Anima-
lis. 4. 1684.
Broen de duplici Bile Vet. 12. 1685.
Bruno Pancrar. de Purgant. 4. 1676.
Burnetti Thesaurus Medicinæ Pra-
cticæ. 12. 1678.
Camerarii Sylloges Memorabilium
Med. 8. 1683.
Cardilucii Officina Sanitatis sive
Praxis Chymiatrica. 4. 1677.
Cartesii Opera Omnia. 4. 8. vol.
Cassius de Auro. 8. 1685.
Castelli Lexicon Medic. 4. 1682.
Charleton Oecon. Anim. 12. 1681.
(C66. 3) Charas.

C A T A L O G U S.

- Charas Opera Omnia. 4. 1685.
 Clarke Historia Nitri. 8. 1675.
 Clauderus de tinctura universal.
 4. 1678.
 - - Invent. Cinnabarinum. 4. 1684.
 Coberi Observationes Hungar. &
 Siles. 4. 1685.
 Colberti Philosophia Vetus & No-
 va. 4. 1682.
 Collectanea Medico-Chymica Lei-
 densia. 4. 1684.
 Cornélii Physiologia. 12. 1683.
 Cornunnius de Morbo Attonito.
 4. 1677.
 Crollii Basilica Chymica. 8. 1658.
 Deckers Exercitation. Medic. Pract.
 8. 1672.
 Derodonis Philosophia. 4. 1664.
 Dioscoridis Opera. fol. Gr. Lat.
 Drelincurtii Scripta Anatom. 12.
 Du Clos Observation. de aquis mi-
 ralibus Galliae & de mixtionibus
 naturalibus. 12. 1685.
 Elsholstii Destillat. Curios. 8. 1674.
 Emery Curiositat. 12. 1685. Gallic.
 Etmulleri Opera Omnia. 4. 1685.
 Fernelii Opera. fol. 1680.
 Franchimont Lithot. Med. 8. 1683.
 Frizimel. de Balneis Metall. 8. 1679.
 Gieswein Systema Medico-Chymi-
 cum universum. 8. 1676.
 Glafer de Cerebro. 8. 1680.
 Gleyer Specimen Medicinæ Indicæ
 sive opuscula ad mentem Sinen-
 sium. 4. 1682.
 Glissonii Anat. Hepatis. 12. 1681.
 - - de Ventric. & Intest. 12. 1677.
 - - de Rachitide. 12. 1682.
 Globics tripus Medicinæ Oracula
 Hippocrat. divulgans. 12. 1681.
 Gockelius de Peste & de Venenis.
 8. 1669.
 - - Observat. Medicæ. 8. 1684.
 Graaf Opera Omnia. 8. 1677.
 Le Grand Histor. Natur. 8. 1680.
 - - Philosophia. 4. 1683.
 - - Arcana Curiosa. 8. 1681.
 - - de Carentia Sensus. 8. 1679.
 Grew & Boyle Anatomia Plantar.
 12. 1685. Gallicè.
 Hagendorn de Catechu. 8. 1679.
 - - Cynosbatol. Curiosa. 8. 1681.
 de Hamel Opera Omnia. 4. 1681.
 Hartmanni Praxis Chym. 8. 1682.
 - - Opera Omnia. fol. 1684.
 Hartnaccii admiranda Phys. 8. 1684.
 Harvæus de generatione Animal.
 12. 1680.
 - - de Motu Cordis. 12. 1661.
 Heers fons Spadanus Observationes
 & Therm. Aquisgranens. 12.
 1685. 3. vol.
 Helmontii opera omnia. 4. 1682.
 Helvetii Scripta Varia. 8.
 Heurnii Institut. Medic. 12. 1666.
 Higmor. de passione Hysterica &
 affectione Hypochondr. 12. 1677.
 Hildani opera Chirurig. cum Sever.
 fol. 1682.
 Hippocratis opera Gr. Lat. Linda-
 ni. 8. 1665.
 - - Aphorismi. 24. 1685.

Hofferi

C A T A L O G U S.

- Hofferi Hercules Med. 4. 1675.
Hofmanni Praxis Medica Curiosa.
4. 1680.
- - Clavis Pharmaceutica Schroderiana. 4. 1681.
- - de Cinnab. Antim. 12. 1685.
Hogelande Cogitationes. 12. 1676.
Hortus Indicus Malabar. fol. compl.
Joepferi manuſcriptio ad Vitam longiorem. 4. 1680.
Johæ de Febris Intermittentib.
8. 1684.
Johnsoni Lexicon Chym. 8. 1678
Jonſtoni Syntagma Med. 8. 1673.
Junken Chymia. 8. 1684.
Kellæus de Lapide Philoſ. 8. 1676.
Kergerus de Fermentat. 4. 1663.
Kircherus de Peſte. 12. 1681.
Kircheim de Peſte. 4. 1671.
Kirchmajeri Pathologia Vet. & Nova. 8. 1685.
- - de Igne. 4. 1684.
Klobii Hiſtoriæ Ambræ. 4. 1666.
Koningh Regnum animal. 4. 1682.
Kozack de Hæmorrhagia. 8. 1666.
- - de Sale. 4. 1663.
Lachmund de admirand. foſſilib.
Hildesheimenſ. 4. 1669.
Lamzweerde de uſu & abuſu Ther-
mar. & acidular. 8. 1684.
Lemery Curſus Chym. 12. 1681.
Licetus de Monſtris. 4. 1665.
Lipenii Bibliotheca realis medica ſive
Index omnium editor: libro-
rum Medicorum. fol. 1679.
Liſter de Fontibus Medicatis Angli-
8. 1684.
Loberi Anchora Sanitatis & de Ve-
nenis. 8. 1671.
Loſſii Conſilia de morborum Cura-
tionibus. 8. 1685.
Lower de Corde. 8. 1666.
Lumen Rationale Medicum ſive no-
tæ in Regium. 8. 1686.
Lyſeri Culter Anatom. 8. 1679.
Mainwaringii Curat: Luis Vener.
8. 1675.
Marcgravii Materia Med. 4. 1681.
- - Prodom. Med. Pract. 4. 1685.
Maroldi Praxis Medica. 4. 1650.
Matthiæ Experim. Chym. 12. 1683.
Mayow opera omnia. 8. 1680.
Mentzelii Index nominum Plantar.
fol. 1672.
Mercklinus de ortu & tranſuſ. ſan-
guinis. 8. 1679.
Mermannii Conſultationes & Re-
ſponſiones Medicæ. fol. 1675.
Michæliſ Cinnabar. Antim. De-
ſcript. 1680.
- - de Natura Tincturæ Bezoar-
dicæ. 8. 1678.
Miscellanea Curioſa Med.-Phyſ. ſive
Acta Germ. 4. XIII. tomis 1685.
Mizaldi arcana ſive Memorabilia.
12. 1681.
Moebii fundamenta Medic.-Phyſio-
logica. 4. 1678.
Moellenbr. Cochl. Curioſa. 8. 1674.
- - de Varis ſeu arthritide Vaga.
Scorbutica. 8. 1672.
Moræus

CATALOGUS.

Morvus de Febribus. 11. 1670.
 Molitor de Thermis artificialibus. 12. 1676.
 Morellus de praecrib. formul. remedi. 12. 1680.
 Le Mort Pharmacopoeia & Chymia Medico Physica. 8. 1684.
 Movii felix Puerpera. 12. 1684.
 Mulleri Lexicon Medico-Chymic. fol. 1661.
 Mundii opera omnia medico-physica. 8. 1685.
 Muis Praxis Chirurgica Rationalis quinque decades. 12. 1685.
 Myrzigt armamentarium medico-chirurg. 1662.
 Nova ac Verissima animalium Generatio & accuratissima corporis humani anatomica delineatio. 12. 1686.
 Nuck de ductu salivali novo, saliva &c. 12. 1686.
 Oeconomia animalis. 8. 1685.
 Pantaleonis Scripta Alchymistica. 8. 1684.
 Paullini Cynographia Curiosa. 4. 1685.
 Pechlini Scripta varia.
 Pecqueti Experimenta anatom. 12. 1661.
 Peyeri Exercit. anatom. 8. 1682.
 - - Merycologia sive de Ruminantibus & Ruminatione Comment. 4. 1685.
 Pharmacopoea divers. Civitat. 12. 1685.
 - - Schrodero-Hofmann. fol. 1685.
 - - Augustana Zwelferi. fol. 1675.
 Plateri observationes medic. 8. 1680.
 Pomarius de consensu & dissensu corporis naturalium. 4. 1682.
 Proboz Anatomie. 12. 1686. Gallic.
 Rayo Methodus Plantarum. 8. 1682.
 Regii medicina. 4. 1668.
 Religio medici. 8. 1677.
 Riverii opera. fol. 1679.
 Rohaur physica. 8. 1683.
 Romain physica. 12. 1684.
 Rolinscii Chymia. 4. 1671.
 - - ordo & methodus medic. specialis. 4. 1665.
 - - Dissert. Chymicae. 4. 1679.
 - - de Vegetabil., Plantis &c. 4. 1670.
 Sachs Oceanus Macro-microcosmicus. 8. 1664.
 Sacchus de Febribus. 8. 1685.

Schenkii observat. Medicæ rationes. fol. 1665.
 Schneiderus de off. Cribri formi. 12. 1655.
 - - de Catarrhis. 4. 1666.
 Schrockii Historia Moschi. 4. 1682.
 - - Pharmacopoea Augustana restituta. 4. 1673.
 - - Hyges Augustana. 4. 1672.
 Schroderi Quercetanus Redivivus. 4. 1679.
 Sennertus de consensu & dissensu Chym. 4. 1685.
 - - de Febribus. 4. 1653.
 - - de Scorbuto. 4. 1654.
 Sponii Aphorismi novi. 12. 1682.
 Steno de Musculis. 12. 1683.
 Straussii Physica. 8. 1684.
 Sinceri Physica. 12. 1685.
 Swammerdam de Respiratione. 8. 1679.
 Sydenham opera omnia. 8. 1684.
 Sylvii opera omnia. 4. 1682.
 Tachenii Hippocrates Chymicus. 12. 1672.
 - - Clavis Medic. 12. 1671.
 Taranda Philonium Pharmacuticum Chirurgic. 4. 1680.
 Tiliannus in Aphorism. Hippocrat. 24. 1660.
 Tractatus de Organ. generatione. 4. 1684.
 Tractatus varii & curiosi de aquis Medicatis. 12. 4. vol. 1686.
 Tilingii Cinnabaris universalis. 8. 1681.
 - - Praxis Chymistica. 8. 1674.
 - - Anatomia Lienis. 12. 1671.
 - - de Recidivis. 12. 1679.
 - - de Vase brevi Lienis. 12. 1676.
 - - de Placenta Uteri. 12. 1672.
 - - Lili albi Descriptio. 8. 1683.
 Velschii Desiderata Medicinæ. 4. 1676.
 Verney de auditu. 4. 1684.
 Warthon de Glandulis. 12. 1619.
 Welschii liquor Stypticus. 8. 1680.
 Wedelii opera.
 Weidenfeld de Secretis adeptorum. 12. 1685.
 Willisii Scripta.
 Welsch Rationale Vulnerum Lethalium Judicium. 8. 1684.
 Zobelli Tartarologia Spagyrica. 12. 1676.
 Zodiacus Medico-Gallicus. 4. complet.

Admonitio ad Bibliopegum.

Pura chartæ pars in figuris (debito suo loco post quemvis tractatum pangendis) non est abscondenda , ne Lectori incommoda evadat ipsa evolutio & cum propositionibus libri collatio.

Berigt aen den Boekbinder.

Daer moet soogh gedragen werden , dat de figuren op hare behoortlike plaetsen , achter ieder Tractaet werden ingebonden , en dat het witte papier , aen de zijden van de platen , niet werd afgesneden , op dat den Leser soo veel te gemakkelijker de figuren magh vergelijken met de uitsleggingen.

§ 6

Op 2006.

